

SC.17.Pl.4



ARA 613



TRACTATUS DOGMATICO-MORALIS
DE INDULGENTIIS

IN DUAS PARTES DISTRIBUTUS

IN QUARUM PRIMA

Post Dissertationem Prooemiale Historicam de
Origine, & Progressu Indulgentiarum

JUXTA VETEREM, AC NOVAM ECCLESIAE DISCIPLINAM

AGITUR

De Indulgentiis in genere: & tum adversus antiquos,
& recentiores Hæreticos Catholicæ veritates
propugnantur: tum ad tutiorem praxim
morales opiniones exponuntur.

IN SECUNDA

De Indulgentiis in particulari, sive de Indulgentiis
Localibus, sive Personalibus, sive Realibus.

His adduntur plurimæ Constitutiones, ad Indulgentiarum notitiam habendam
necessariæ: & quænam Apocryphæ Indulgentiæ sint, quæque legitimæ,
ex ipsis Apostolicis Constitutionibus, & Sacrarum Congrega-
tionum Decretis, seu Responsis aperitur.

PARS PRIMA

DE INDULGENTIIS IN GENERE.

AUTHOR

F. THEODORO A SPIRITU SANCTO

*Ordinis Carmelitarum Excalceatorum Sacra Congregationis Indulgentiarum,
& Sacrarum Reliquiarum Consultore, necnon Sacra Congregationis
Visitationis Apostolica Theologo.*



ROMÆ, MDCCXLIII.

EX TYPOGRAPHIA PALLADIS
PRÆSIDUM PERMISSU.

THE
LIBRARY OF THE
MUSEUM OF NATURAL HISTORY
NEW YORK



SANCTISSIMO DOMINO NOSTRO
BENEDICTO XIV.
 PONTIFICI OPTIMO MAXIMO.

P. THEODORUS A' SPIRITU SANCTO ORD. CARMELIT. EXCALCEAT.



QUOD Tibi meas hasce de sacris Indulgentiis elucubrationes, BEATISSIME PATER, inscripserim, in causa fuit potissimum ipsius operis argumentum: quod Tibi omnino deberi, homini Christiano turpe est ignorare, dissimulare nefas, impugnare facinus execrandum. Romanis namque Pontificibus Christo Authore didicimus

Regni Cælestis Claves conceditas esse, quæ a Petri Apostolorum Principis manibus ad Tuas usque legitime pervenerunt : Teque proinde Ecclesiæ suæ præpositum, Thesaurique ejus nedum Clavigerum, verum etiam & providum Dispensatorem fide divina credere minime diffitemur. Quamobrem cum in sacratissima hujus Thesauri penetralia ingredi, intima ejus scrutari, pretiosa quæque monilia pertractare, eorum primævas origines enarrare, & omnia, quæ ibi religiose servantur, in propatulo constituere, Te non annuente, vix a me sine piaculo fieri posse censerem; venia ad hoc petita, dissertationes, disputationesque meas, quas de his rebus prodere duxi, Tuo in ævum gloriosissimo inscripto Nomine sedulo decorandas putavi. Invitat enim, & recreat me incredibilis illa comitas & humanitas Tua, quam corde retines, vultuque tanquam in propria sede firmatam occurrentibus ostendis; licet Divina Majestas illa, qua Orbem universum imples, & summa, qua polles, tum divinarum tum humanarum rerum scientia me terreat. Quis enim Te coram de rebus præsertim ad fidei dogmata, & sacros Canones spectantibus impavidus audeat sermonem

nem effundere: cum ille sis, quo ab ineunte ætate ad sacram eruditionem ex inclyta LAMBERTINORUM progenie nato Patria gloriabatur Bononia, studiorum fecunda parens, Romana replebatur Aula, & Orbis pene dixerim universus gratulabatur! Juvenis adhuc eras, & jam doctoralibus decoratum laureis in Advocatorum Consistorialium Collegio adscriptum Urbs hæc nostra, & cuncti, qui in ea versabantur Populi, suspiciebant, atque in suarum quisque partium Patronum te unice exoptulabat. Te inter Prælatos, ut ajunt, Domesticos, ac Vaticanæ Basilicæ Canonicos, Te Supremæ & Universalis Inquisitionis Consultorem, Fidei Promotorem, Congregationis Concilii a Secretis, non sine acri delectu constituit Sanctissimus Pontifex Clemens XI. Te in Foro Pœnitentiariæ Sacrorum Canonum Doctorem, aliisque prædictis muneribus egregie perfunctum, velut Romanæ Curie Oraculum, in amplissimum S. R. E. Cardinalium Cœtum assumfit Tuorum meritorum æstimator insignis Benedictus XIII. Verum si ex virtute dignitati honor accedit, ut inquit Boetius (1) ambiguum jam tum fuit, an Purpuræ plus ipse contuleris, quam

inde

(1) Lib. 3.
prosa 6.

inde hauseris decoris . Te Dorica Ancon Vigilantissimum Pastorem obtinuit : & quamquam invitis oculis Te a se ereptum aspiceret ; dilectissimæ tamen Patriæ Tuæ Te reddi Patrem nescio mærens an lubens magis passa est , & suos Cives Tuis Concivibus humanissime gratulari . Sed quid amplius humanas refero laudes , cum unam solam præ omnibus satis sit commemorare ? Cum de Universalis Ecclesiæ Pastore dando in novissimis Romanis Comitibus serio pertractaretur , nec concordēs Conscriptorum Patrum animi , humano more discrepantes , quidquam decernerent ; Non sine superni Numinis afflatu momento temporis Te , ne cogitantem quidem , tanquam Aaron a Deo vocatum super Universalis Ecclesiæ candelabrum , non minori Urbis , ac Orbis plausu , vidimus exaltatum .

(2) In Paneg. ad Alexan.

Liceat hic mihi Plinii verbis (2) parumper uti : si adhuc dubium fuisset , forte casuque Rectores Terris , an aliquo Numine darentur ; Principem tamen nostrum liqueret divinitus constitutum . Mittam præclarissimas virtutes , quæ Christi Vicarium decent , antea Tibi familiares , animi Tui candorem ac moderationem , morum suavitatem , studium juvandi omnes , lædendi ne-

mi-

minem. Nihil dicam, aut de admirabili providentia, qua Apostolicæ Sedis, totiusque Ecclesiastici imperii fortunas difficillimis hisce temporibus tueris, ac moderaris: aut de carnalium propinquitatum oblivione, cum nihil carni, aut sanguini, nihilque cupiditati, aut genio tribuas. Sed quorsum ista (cum Hieronymo (3) fortassis inquires) (3) Hieron. ad Damas. Epist. tam longo repetita principio? Ut scilicet parvum Magnus aspicias: & quanquam longe infra eruditionis Tuæ sublimitatem, Majestatisque Tuæ celsitudinem sit, quidquid a me in hoc Indulgentiarum Tractatu est præstitum; attamen ut illud oculis Tuis paulisper subjici patiaris enixe rogo, & humiliter obtestor: nedum quippe in hisce Dogmaticis, Moralibusque disputationibus meis Summorum Pontificum, Conciliorum, Patrum, Romanæque Curie tum antiqua, tum recentiora monumenta accurate reddita sunt; ibique explanata, ubi difficilia, ibi vindicata, ubi perperam detorta, ibi demum ad discretam criticæ trutinam revocata, ubi minus coherentia vel probatorum Authorum ingenio, vel antiquæ traditioni, vel certis eorum sætibus videbantur. Sed his maxime opus hoc meum exornare luminibus

Itu-

studui, quæ a me ex absolutissimis Sancti-
tatis Tuæ de Servorum Dei Beatificatione,
necnon de Beatorum Canonizatione Volu-
minibus summa, qua par est, reverentia
excerpta sunt, & jure merito sæpe laudata.
His, BEATISSIME PATER, ceu fulgen-
tissimis gemmis undequaque conspersus hic
Indulgentiarum Tractatus, ab ingenii mei
tenebris vindicabitur, ingeniique Tui ful-
gebit splendoribus, & operibus: quæ quam
accepta, quam grata, & quo honore ne-
dum a Catholicis, verum etiam ab Hetero-
dosis sint habita, Literariæ Historiæ, & Acta
Eruditorum Lypsiæ testantur. Quare ad Sa-
cros Beatitudinis Tuæ Pedes humillime pro-
volutus, dum & audaciæ veniam exposco,
& obsequii mei argumentum offero, beni-
gne abs Te habitum iri opus hocce meum
spero: atque ad porrigendas Deo preces
assurgo, ut Te sospitem ad Ecclesiæ suæ re-
gimen, ad Literariæ Reipublicæ decus &
ornamentum longissima ætate custodiat,
& servet.

AD LECTOREM.



IU anceps fui, Lector humanissime, an quo in labore Scriptores quamplurimi desudarunt, in eo studium ego meum, & vim omnem impenderem? Ita enim videbatur mihi Indulgentiarum materies ab aliis plenissime pertractata, ut nihil ea de re scribendum quodammodo superesset; adeoque oleum me & operam perdere mecum ipse reputabam, si provinciam hanc ab aliis diu multumque lustratam, iterum ego perlustrandam susceperem. Verum enimvero, cum ex diuturna tot annorum in studiis Indulgentiarum, exercitatione, & ex insito mihi in ejusmodi rem amore cohibere me omnino non possem, quin in amoris hujusce testimonium commentationem aliquam in lucem ederem; Praxim tantummodo Indulgentiarum pro utroque foro explanare, & recentiore Sedis Apostolicæ stilum, Pontificias Sanctiones, & Sacrarum Congregationum responsiones ea de re enarrare, atque explicare omnino statueram. Sed aliter visum est sapientissimis quibusdam viris, quorum judicium, atque autoritas gravissima est & maxima: ii enim cum ex Scriptoribus, qui de Indulgentiis pertractarunt, plerosque Dogmaticas Theses, alios vero nonnullas morales dissertationes præterisse conspicerent, atque eos omnes (paucis exceptis) adeo parce & jejune hoc argumentum proposuisse, ut potius provocent gustum, quam satient appetitum; impulerunt me, ut evolutis veterum Scriptorum monumentis, quæ in illis hac illac dispersa sunt, ea omnia in unum Tractatum novo ordine, & nova methodo disposita congererem, novisque accessionibus, atque observationibus illustrarem: & quanvis onus hocce viribus meis impar agnoscerem, intelligeremque me eo Hieronymi effato (1) posse damnari: *Grandes materias ingenia parva non sustinent*; tantorum tamen virorum judicium, autoritatem, imperiumve detrectare nec debui, nec potui.

(1) Hieron.
in Ep. ad
Heliodor.

En igitur opus, in cujus vestibulo ipso atque limine, vetus ac nova Ecclesiæ in dandis Indulgentiis, & peccatorum remissionibus exhibetur disciplina; non omissa antiquorum Canonum poenitentialium tractatione, ac notitia, ad eorum originem & progressum aperiendum necessaria, atque diffi-

difficultatibus dissolvendis non modicam lucem allatura . In operis progressu de Indulgentiis in genere pertractatur , de iisque Catholicæ veritates adversus veteres , ac recentiores Hæreticos propugnantur , moralesque opiniones exponuntur , quæ ad probatos Authores , atque tutiorem Praxim propius accedunt . Ut nihil vero huic novo molimini desit , quod in aliorum Scriptorum elucubrationibus desiderari animadverti ; ea omnia studui aperire , quæ ad Indulgentiarum Localium , Personalium , & Realium , necnon Legitimarum , & Apocrypharum notitiam ex Summorum Pontificum Diplomatum , & Sacrarum Congregationum responsionibus , atque decretis comparandam idonea sunt ac necessaria .

In Thesis propugnandis , atque Adversariorum argumentationibus refellendis , non id mihi tribuam , quod nova & peregrina tradiderim ; sed aurea antiquitatis documenta ex aliorum penu deprompta : & potissimum in rebus practicis quandoque ex ineditis adhuc elucubrationibus Claræ Memoræ Cardinalis Michaelis Angeli Riccii (2) : qui dum erat a Secretis Congregationis Indulgentiis , Sacrisque Reliquiis præpositæ , nulli studio ac labori pepercit , ut ejusmodi materiam illustraret .

(2) *Erant in Biblioth. Em. ac Rom. Card. Michaelis Al. Riccii S. R. E. Camerarii.*

Cum vero legentibus nimia Scriptorum brevitatis obscuritatem , morosior prolixitas nauscam parere soleat ; operæ pretium duxi medium inter utrumque scriptionis , & commentationis genus ita servare , ut neque prolixitas eruditos deterreat , neque brevitatis minus edoctos dimittat . Faciliora leviori attingere brachio , difficiliora operosiori calamo aggredi conatus sum : & quod rationi accomodatius visum est , illud inter opinionum ambages amplexus fui . Nec sine consilio illud etiam factum est , ut per extensum , & per partes attulerim Summorum Pontificum Diplomata , & Sacrarum Congregationum responsa , atque decreta , quæ satis fuisset innuere : illud scilicet mihi proposui , ut qui operosius hisce studiis aut ex placito , aut ex munere vacaturi sunt , citra aliorum librorum inquisitionem hic habeant , unde plene decerpant .

Cæterum in tanta rerum indagine atque amplitudine non me latet plurima ingenii mei captum excessisse , aliaque superesse , quæ diligentiam meam hætenus effugerunt , & non pauca emendatricem manum desiderare : *Unumquodque enim*

enim (ut cum Ambrosio loquar (3) *fallunt sua scripta , &* ^{(3) Epist. lib. 1. Ep.} *aurem prættereunt incautius aliquid plerumque* ^{est.} *promitur , aliquid accipitur malevolentius : aliquid exis ambiguum .*

Unum itaque rogatum te velim , Lector humanissime , ut si quid virga censoria dignum repereris , ingenii mei attribuas tenuitati , meque errorum monere non graveris ; cum veritatis potius quam proprii nominis habenda sit ratio : *Non enim vincimur* (inquit Cyprianus (4) *quando* ^{(4) Epist. ad Quintilianum fratrem} *offeruntur nobis meliora , sed instruimur . Vive , & vale .*



APPROBATIO

R. A. P. N. BENIGNI A JESU

Definitoris Generalis Carmelitarum Discalceatorum.

EX commissione R. A. P. N. Ildephonsi a Præsentatione Præpositi Generalis Ordinis Carmelitarum Discalceatorum Congregationis Italici, perlegi librum cui titulus: *Tractatus Dogmatico-Moralis de Indulgentiis* &c. a R. P. F. Theodoro a Spiritu Sancto Carmelita Discalceato Provinciæ Romanæ compositum; in illoque non solum nihil deprehendi orthodoxæ fidei, aut bonis moribus contrarium; verum omnes in hac materia difficultates summa claritate dilucidatas, & conformiter ad praxim & stylum Curie Romanæ explanatas inveni. Quare Tractatum hunc multa scitu, & speciali reflexione digna continentem, dignum judico ut prælo mandetur. Datum Romæ in Conventu Nostro SS. Theresiæ, & Joannis a Cruce, hac die 21. Aprilis 1740.

Fr. Benignus a Jesu Definitor Generalis Carmelitarum Discalceatorum.

APPROBATIO

R. A. P. N. PETRI PAULI A S. HORATIO

Definitoris Generalis Carmelitarum Discalceatorum.

JUSSU Reverendi Admodum Patris Nostri Præpositi Generalis sedulo perlegi *Tractatum Dogmatico-Moralem de Indulgentiis* ab A. R. P. Theodoro a Spiritu Sancto compositum; in eoque tantum abest ut aliquid vel bonis moribus, vel Sanctæ Ecclesiæ Doctrinæ dissonum invenerim; quin potius summam demiratus sim facilitatem in solvendis difficultatibus, quæ occurrere possunt tam circa Indulgentiarum Dogma, quam circa praxim, inodumque adhibendum pro eis lucrandis. Propterea ut Catholicæ profuit Reipublicæ, publica luce dignissimum censeo. Datum Romæ in Collegio Nostro Sanctæ Mariæ de Victoriæ die 22. Aprilis 1740.

Fr. Petrus Paulus a S. Horatio Definitor Generalis Carmelit. Discalceat.

LICENTIA

R. A. P. N. Præpositi Generalis Carmelit. Discalceat.

FR. ILDEPHONSUS A PRÆSENTATIONE

Præpositus Generalis Fratrum Excalceatorum B.V. Mariæ de Monte Carmelo Congregationis S. Eliæ, ac ejusdem Sancti Montis Prior.

TENORE præsentium, quantum ad Nos attinet, facultatem concedimus R. P. F. Theodoro a Spiritu Sancto Congregationis Nostræ Italiciæ, ac Provinciæ Nostræ Romanæ Sacerdoti professo, ut typis mandare valeat librum, cui Titulus est *Tractatus Dogmatico-Moralis de Indulgentiis*, a duobus Congregationis Nostræ Theologis recognitum, & approbatum. In quorum Fidem &c.

Datum Romæ in Conventu Nostro SS. Theresiæ, & Joannis a Cruce die 27. Aprilis 1740.

Loco ✠ Sigilli.

Fr. Ildephonsus a Præsentatione Præpositus Generalis.

Fr. Desiderius a Sancto Michaeli Secretarius.

A P-

APPROBATIO

REVERENDISSIMI PATRIS
D. JOSEPHI MARIÆ DE PETIO

*Clerici Regularis, Sacrarum Congregationum Indictis, & Indulgentiarum,
Sacrarumque Reliquiarum Consultoris, in Urbe Cleri Examinatoris
Apostolici, atque Serenissimi Augusti III. Regii Poloniae,
Electoris Saxoniae &c. Theologi.*

Biptitum Opusculi Titulus: *Traſſatus Dogmatico-Moraliſ de Indulgentiis &c.*
Authore Rſno P. Theodoro a Spiritu Sancto Ordinis Carmelitarum Excalceato-
rum, Sacrae Congregationis Indulgentiarum, & Sacrarum Reliquiarum Consultore,
necnon Sacrae Congregationis Viſitationis Apoſtolicae Theologo, mandante Reveren-
diſſimo Patre Aloyſio Nicolao Ridolſi Sacri Palatii Apoſtolici Magiſtro, ea, qua li-
cuit, diligentia expendi: nihilque in ipſo aut rectae Fidei, aut ſanis moribus diſſonum
inveni. Quin & in eo Doctiſſimus Author Catholicum de Sacris Indulgentiis Dogma
ſcite illuſtrat, moraleſque ſententias ſignat apto rationum praedidio: tum pluriuna con-
gerit, de Coeleſti illo Theſauro diſcedere cupientibus comoda maxime, atque utilia.
Quare ejuſmodi lucubrationem edi in lucem poſſe cenſeo.

Romae ex Aedibus S. Andreae de Valle 4. Nonas Februarii 1742.

Joſephus Maria de Petio Clericus Regularis &c.

APPROBATIO

REVERENDISSIMI PATRIS
D. PAULI TAGLIALATELA

*Congregationis Piorum Operariorum Theologi, ac Reſtoris
Sanctae Mariae ad Montes.*

Traſſatus Dogmatico-Moralem de Indulgentiis inſcriptum, & in duas partes
diſtributum, Authore Rſno P. Theodoro a Spiritu Sancto Ordinis Carmelitarum
Excalceatorum, Sacrae Congregationis Indulgentiarum, & Sacrarum Reliquiarum
Consultore, necnon Congregationis Viſitationis Apoſtolicae Theologo: id mihi de-
mandante Rſno P. Fr. Aloyſio Nicolao Ridolſi S. P. A. Magiſtro, intentis oculis to-
tum inſpexi & perlegi. In eo autem quicquid ad Indulgentiarum cognitionem perti-
net, & ad catholicas de iis veritates ſive confirmandas ſive explicandas refert: quicquid
ad earum fruſtum conſequendum neceſſarium eſt ex inſignium & probatiſſimorum
Doctorum ſententia: quidque demum ad veras ſyncerasque Indulgentias a ſuppoſitis
faſtiſque dignoſcendas deſiderari poteſt; collatis inter ſeſe a Doctiſſimo Authore ex
antiqua & nova Eccleſiae diſciplina argumentis, & conſultis undique Diplomatiſtis
ac Reſcriptis; congeſtum ſimul eruditiſſime, & ſuo unumquodque ordine diſpoſitum
reperitur. In quo quum nihil omnino occurrat, quod vel orthodoxae fidei, vel ſanis
probatique Doctrinis contrarium ſit, librum praelo digniſſimum cenſeo, & ut publici
juris fiat meritiſſimum. Ex Aedibus Sanctae Mariae ad Montes 4. Februarii 1742.

Paulus Taglialateſa Congregationis Piorum Operariorum Theologus.

IMPRIMATUR.

Si videbitur Reverendiſſimo Patri Magiſtro Sacri Palatii Apoſtolici.

F. M. de Rubis Archiep. Tarſen. Vicegerens.

IMPRIMATUR.

Fr. Aloyſius Nicolaus Ridolſi Ordinis Praedicatorum Sac. Palat. Apoſt. Magiſter.

IN-

INDEX

DISSERTATIONIS PROOEMIALIS HISTORICÆ,

CAPITUM, ARTICULORUM, ET PARAGRAPHORUM,

Quæ continentur in Parte Prima Tractatus.

DISSERTATIO PROOEMIALIS HISTORICA. De origine, & progressu Indulgentiarum, juxta veterem, ac novam Ecclesiæ disciplinam. pag. 1.

§. I. Inter varias Indulgentiæ acceptiones ea potissimum exponitur, quæ spectat ad presentem Tractatum. ibid.

§. II. Exponitur multiformis Ecclesiasticæ Discipline ratio in decernendis penitentis salutaribus. 3.

§. III. Ecclesiæ disciplina in dandis Indulgentiis a tempore Apostolorum, usque ad annum DCC. 16.

§. IV. Indulgentiæ ab anno Christi DCC. usque ad exitum Sæculi XI. concessæ. 29.

§. V. Indulgentiæ labente Sæculo XI. aliisque subsequenribus Sæculis datæ: necnon Ecclesiæ statuta contræ earum excessus, & abusus. 36.

§. VI. De erroribus contra Indulgentias, eorumque Auctoribus. 59.

§. VII. Constitutiones, & Decreta, quorum mentio in presenti Dissertatione facta est. 76.

I. Decretum in Concilio Lateranensi IV. latum anno MCCXV. pro recuperanda Terra Sancta cum concessione Plenariæ Indulgentiæ. ibid.

II. Decretum prædicti Concilii Lateranensis de non admittendis Quæstoribus sine Apostolicis, vel Diocesano- rum Episcoporum literis. 79.

III. Decretum Concilii Viennensis contra Quæstorum abusus. ibid.

IV. Alius Concilii Viennensis Decretum contra Regulares indifferetas Indulgentias prædicantes. 80.

V. Constitutio Bonifacii VIII. quæ censu- fimo quoque anno visitantibus Basili- cas Sanctorum Apostolorum Petri & Pauli Plenissima Indulgentia conceditur. ibid.

VI. Constitutio Bonifacii VIII. quæ Ec- clesiæ Romanæ Hostes, & Apostolicæ Sedis Rebelles a Plenissima centesimo anni Indulgentia excluduntur. 81.

VII. Constitutio Clementis VI. quæ Jubilæum de centesimo in quinquagesimum annum reducit. ibid.

VIII. Constitutio Urbani VI. quæ Jubilæum trigésimo tertio quoque anno celebrandum indicitur. 83.

IX. Litteræ Bonifacii IX. ad Benedic- tum Episcopum Ferrariensem, quibus jubet in eos animadverti, qui Sacra Indulgentiarum præmia ad quæ- sum profanaverant. 85.

X. Decretum Martini V. in Concilio Constantiensi latum pro revocatione quarundam Indulgentiarum. 86.

XI. Concordata Nationum super Indulgentiis cum Martino V. ex Hermanno Vonderdart. tom. 1. ibid.

XII. Regule Cancellariæ a Martino V. statutæ super Indulgentiis concedendis. 87.

XIII. Litteræ Martini V. ad Jacobum Episcopum Tergestinum, & Simonem de Teremo Sedis Apostolicæ Nuntios in Angliâ in Causa Henrici Archiepiscopi Cantuariensis, qui anno MCCCCXX. Jubilæum celebrandum indixerat. ibid.

XIV. Constitutio Nicolai V. pro Jubilæo celebrando anno MCCCCL. 88.

XV. Litteræ Nicolai V. ad Joannem Cabilonensem, & Antonium Sionensem Episcopos, ut profigerent errores ex Sacerdotum imperitiâ in Burgundiâ vulgatos, mediis Idoneti Prædicatoribus. 89.

XVI. Constitutio Pauli II. pro celebrando Jubilæo de viginti quinque annis in viginti quinque annos. 90.

XVII. Constitutio Sixti IV. quæ confirmatur Jubilæum a Paulo II. inditum pro anno MCCCCLXXV. ac

sup.

sup.

sup.

sup.

sup.

sup.

sup.

sup.

sup.

sup.

sup.

sup.

sup.

sup.

sup.

sup.

sup.

- suspenduntur omnes Indulgentiæ extra Urbem concessæ.* 92.
- XVIII. *Constitutio Sixti IV. contra errores Petri de Osma.* 94.
- XIX. *Litteræ Decretales Leonis X. ad Cardinalem Cajetanum, quibus declaravit dari Ecclesiæ Romanæ traditionem de Potestate Summi Pontificis dispensandi Indulgentias tam vivis quam defunctis ex Thesauris meritorum Christi, & Sanctorum.* 96.
- XX. *Constitutio Leonis X. qua damnatur error Martini Lutheri & Sequacium, cum monitione, ut ab eis recedant.* ibid.
- XXI. *Decretum Concilii Tridentini sess. 21. cap. 9. quo aboleretur officium Quæstorum elemosynarum, & præscribitur modus publicandi Indulgentias.* 104.
- XXII. *Aliud Concilii Tridentini Decretum de Indulgentiis.* ibid.
- XXIII. *Constitutio Pii IV. super Indulgentiis ab omnibus Officialibus, extra clausulam porrectionis manuum, adjutricum, gratis expediendis, excepto Salario Registraturæ.* 105.
- XXIV. *Constitutio Pii IV. revocans Indulgentias quomodolibet concessas, continentes facultatem quæstuandi, & pro quibus porrigendæ sunt manus adjutrices.* 106.
- XXV. *Alia Constitutio Pii V. prohibens quæstum publicari Indulgentiis, & Confessionibus.* 108.
- XXVI. *Constitutio Clementis IX. pro erectione Congregationis Indulgentiis & Sacris Reliquiis præpositæ.* 110.
- XXVII. *Decretum S. R. Universalis Inquisitionis de Indulgentia Portuicula.* 111.
- XXVIII. *Concessio Indulgentiæ Plenariæ visitantibus Ecclesiam S. Mariæ Angelorum.* ibid.
- XXIX. *Breve Sanctissimi Domini Nostri BENEDICTI XIV. quo Jubilæum universale indicitur, ad implorandum Divinum auxilium initio Pontificatus pro salutari Sanctæ Ecclesiæ Catholicæ regimine.* 112.
- CAPUT I. *De satisfactione pro reatu pænæ temporalis.* 115.
- Articulus I. *An nonnunquam peccato*

quoad culpam remisso supersit debitum pænæ temporalis satisfactione redimendum? ibid.

Recensentur ii, qui debitum pænæ temporalis post justificationem satisfactione redimendum impugnaverunt: proponiturque eo de argumento Ecclesiæ Catholicæ fides. ibid.

Afferitur nonnunquam peccato quoad culpam remisso supersite debitum pænæ temporalis satisfactione redimendum, & multiplici argumentorum genere comprobatur, & primo ex Divina Scriptura Autoritatibus. 117.

Idem ostenditur ex Sanctis Patribus, & Ecclesiæ praxi. 121.

Solvuntur argumenta, quibus Heterodoxi probare nituntur, nunquam peccato remisso supersite debitum pænæ temporalis satisfactionis operibus redimendum. 127.

Articulus II. *De conditionibus requisitis, ut opus aliquod pro pænâ temporalis, peccatis jam quantum ad culpam remissis, debita, satisfactorium sit.* 134.

Articulus III. *An detur præceptum satisfaciendi Deo pro pænâ temporalis?* 140.

Solvuntur argumenta Adversariorum. 142.

Articulus IV. *An homo iustus possit æquivalentem, ac de condigno satisfactionem præbere pro pænâ temporalis sibi debita?* 146.

Solvuntur argumenta, quibus adversarii probare contendunt, hominem iustum non posse satisfactionem æquivalentem, & de condigno offerre pro pænâ temporalis sibi debita. 149.

Articulus V. *An homo iustus possit satisfacere Deo pro pænâ temporalis alteri, seu alterius peccatis debita?* 152.

Solvuntur argumenta adversariorum, quibus probare nituntur, hominem iustum non posse Deo satisfacere pro pænâ temporalis alteri, seu alterius peccatis debita. 156.

CAPUT II. De Thesauro Ecclesie. 160.

Articulus I. *An existat Thesaurus Ecclesie constans tum ex meritis Christi, tum ex iis, que Sancti per ejusdem Christi gratiam comparant?* ibid.

Receusentur ii, qui existentiam Theauri Ecclesie negant: proponiturque eo de argumento, quid Ecclesia Catholica sentiat. ibid.

Afferitur existere Ecclesie Theaurum ex Christi, Sanctorumque meritis coalescentem, multisque argumentis comprobatur. 161.

Solvuntur Adversariorum argumenta, contra secundam Conclusionem. 166.

Articulus II. *An ad Ecclesie Theaurum spectent merita & opera Sanctorum ut impetratoria tantum, vel etiam ut satisfactoria?* 167.

Solvuntur argumenta Adversariorum afferentium, merita Sanctorum solum ut impetratoria spectare ad Ecclesie Theaurum. 171.

Articulus III. *An aliquando merita Sanctorum ut satisfactoria in Ecclesie Thesauro reposita deperdantur?* 173.

Articulus IV. *An unus, vel multiplex sit Ecclesie Thesaurus?* 175.

CAPUT III. De Potestate dispensandi Ecclesie Thesauro per Indulgentiarum concessiones. 176.

Articulus I. *An penes Ecclesie Praelatos sit Potestas dispensandi Ecclesie Thesauro per Indulgentiarum concessiones?* ibid.

Quid prænотandum sit ad Dubii solutionem: quidvis ea de re doceas Ecclesia Catholica? ibid.

Pluribus argumentis ostenditur, penes Ecclesie Praelatos dari potestatem dispensandi Ecclesie Thesauro per Indulgentiarum concessiones. 177.

Solvuntur Heterodoxorum argumenta, quibus Catholicam sententiam concutere nituntur. 181.

Articulus II. *An potestas dispensandi Ecclesie Thesauro per Indulgentia-*

rum concessiones sit Potestas Ordinis, vel jurisdictionis? 184.

Articulus III. *An Concilium Generale gaudeat potestate concedendi Indulgentias?* 190.

Decretum Concilii Basileensis, quo conceduntur Indulgentiae semel in vita, & semel in morte conferentibus subsidium pro reductione Graecorum in Italiam. 196.

Articulus IV. *An Capitulum, vel ejus Vicarius sede vacante possit Indulgentias concedere?* 199.

Articulus V. *An Praelati Episcopo inferiores gaudeant potestate concedendi Indulgentias?* 200.

Articulus VI. *An simplices Sacerdotes ad excipiendas Confectiones approbati habeant potestatem concedendi Indulgentias in foro Sacramentali?* 207.

Articulus VII. *An Archiepiscopus in tota Provincia possit Indulgentias concedere?* 208.

Articulus VIII. *An Legatus Sedis Apostolicae, & Major Penitentiarius Summi Pontificis gaudeant facultate concedendi Indulgentias?* 209.

Articulus IX. *An sit deturque potestas concedendi Indulgentias Independentur ab Ecclesie Thesauro?* 212.

CAPUT IV. De causa ad Indulgentias concedendas necessaria. 214.

Articulus I. *An ad validam Indulgentiarum concessionem necessaria sit causa pia?* ibid.

Articulus II. *An ad validam Indulgentiarum concessionem causa proportionata requiratur?* 216.

Articulus III. *An praeter supradictam requiratur causa publica pro valida Indulgentiarum concessione?* 223.

CAPUT V. De effectu Indulgentiarum. 228.

Articulus I. *An Indulgentiae remittant peccata quantum ad culpam?* ibid.

Articulus II. *An Indulgentiae remittant penas peccatis debitae solum in foro Ecclesie?* 231.

Articulus III. *An Indulgentiae remittant Penitentias Sacramentales?* 234.

Articulus IV. *An Indulgentiae de in-*
jun-

- junctis penitentis concessa extendantur adhuc ad remittendas peccatorum penas, pro quibus penitentis injuncta non sunt?* 240.
- Articulus V. *An Indulgentie suum sortiantur effectum recedente fictione?* 243.
- Articulus VI. *An Indulgentie tantum valeant quantum sonant?* 245.
- Articulus VII. *Unde sit ut ab illis, qui opera, pro Indulgentis requisita, aequae implent, non raro magis vel minus de earum effectu particeps tur?* 245.
- CAPUT VI. *Quid & quod duplex sit Indulgentia?* 251.
- Articulus I. *In quo sita sit essentia Indulgentie.* ibid.
- Articulus II. *De divisione Indulgentie.* 254.
- CAPUT VII. *De subiecto Indulgentiarum.* 258.
- Articulus I. *An Excommunicatus capax sit Indulgentiarum?* ibid.
- Articulus II. *An Catechumenus possit lucrari Indulgentias?* 261.
- Articulus III. *An & quomodo Praelatus facta generali Indulgentiarum concessione possit illarum particeps esse?* 263.
- Articulus IV. *An Regulares possint acquirere Indulgentiam Civitatibus & Oppidis generaliter concessam; & an etiam Advenae & Peregrini?* 268.
- CAPUT VIII. *De dispositione ad Indulgentias acquirendas necessaria.* 269.
- Articulus I. *An ad percipiendum Indulgentiarum fructum requiratur actu in subiecto gratia sanctificans?* ibid.
- Articulus II. *An praeter gratiam sanctificantem requiratur, quod subiectum sit expertus peccati venialis, ad percipiendum fructum Indulgentiarum?* 273.
- Articulus III. *An ad Indulgentias acquirendas praeter gratiam, & charitatem requiratur sollicitudo satisfaciendi?* 276.
- Proponitur Sententia Cajetani, & Recentiorum.* ibid.
- Statuitur praeter gratiam & charitatem ad acquirendas Indulgentias non requiri necessario satisfactionem stultum, neque congruam satisfactionem.* 277.
- Solvantur argumenta Cajetani.* 279.
- Alia Recentiorum argumenta convelluntur.* 282.
- CAPUT IX. *De usu Indulgentiarum.* 288.
- Articulus Unicus. *An usus Indulgentiarum perfecta charitati adversetur.* ibid.
- CAPUT X. *De operibus ad acquirendas Indulgentias injunctis in communi.* 293.
- Articulus I. *An in concessione Indulgentiarum necessario debeat injungi opus primum; & an earum concessio fieri queat pro opere mere interno?* ibid.
- Articulus II. *An ignorantia, vel impotentia exequendi opus injunctum, obstat Indulgentiarum affectuioni?* 295.
- Articulus III. *An opus injunctum in Indulgentiarum concessione possit per alium impleri?* 298.
- Articulus IV. *An per opus venialiter peccaminosum ratione circumstantiae impleatur obligatio de opere injuncto?* 299.
- Articulus V. *Qua intensione fieri debeat opus injunctum ad acquirendam Indulgentiam?* 301.
- Articulus VI. *An per opus alias praecipuum, & alias debitum possit impleri obligatio de opere injuncto?* 305.
- Articulus VII. *An uno eodemque opere plures Indulgentiae acquiri possint?* 307.
- Articulus VIII. *An saepius opus injunctum peragens possit pluries sibi eandem Indulgentiam comparare?* 309.
- CAPUT XI. *De operibus injunctis in particulari, seu conditionibus pro Indulgentis acquirendis.* 314.
- Articulus I. *De Ecclesiarum Visitatione.* ibid.
- Articulus II. *De Oratione.* 319.
- Articulus III. *De Eleemosyna.* 321.
- Articulus IV. *De Jejunio.* 327.
- Articulus V. *De Sacramentali Confessione & Communione.* 329.
- Decretum Sacrae Congregationis de Propaganda Fide pro Missionibus.* 3

- maris Capuccinis Gallis & Hybernis, in partibus Infidelium, & Hæreticorum degentibus de Indulgentiis affequentis.* 347.
- CAPUT XII. De communicatione Indulgentiarum.** 348.
- Articulus I.** *Quid sit Indulgentiarum communicatio, quidve operetur?* ib.
- Articulus II.** *An sub communicatione Privilegiorum, Indulgentiarum, Immunitatum & gratiarum intelligatur communicatio Indulgentiarum?* 351.
- CAPUT XIII. De cessatione Indulgentiarum.** 353.
- Articulus I.** *An Indulgentiæ cessent ob mortem concedentis?* ibid.
- Articulus II.** *An Indulgentiæ cessent per renunciationem, Rerum destructionem, & causæ destructionem?* 355.
- Articulus III.** *Expediuntur difficultates nonnullæ de valida & licita Indulgentiarum revocatione.* 357.
- Articulus IV.** *An Revocationes omnium Oraculorum vivæ vocis per Gregorium XV. & Urbanum VIII. factæ comprehendant etiam Indulgentias?* 361.
- Articulus V.** *Quomodo intelligenda sit suspensio Indulgentiarum pro anno Jubilei: & quasnam Indulgentias afficiat?* 367.
- I.** *Notificatio Gratiarum & Declarationum factarum a Clemente X. occasione Jubilei Anni Sancti &c.* 372.
- H.** *Notificatio Gratiarum & Declarationum factarum ab Innocentio XII occasione Jubilei Anni Sancti.* 374.
- III.** *Breve Benedicti XIII. quo conceditur Christianis fidelibus facultas applicandi Indulgentias, Anno Jubilei durante suspensæ, per modum suffragii animabus defunctorum.* ibid.
- CAPUT XIV. De Indulgentiis Defunctorum.** 376.
- Articulus I.** *An Animæ defunctorum viventium suffragiis adjuvantur? ib.*
- Recensentur Hæretici, qui defun-*

- ctorum suffragiis bellum indixerunt: & quid in contrarium doceat Ecclesia Catholica.* ibid.
- Afferitur, Animas defunctorum suffragiis adjuvari, ex Sacræ Scripturæ autoritatibus.* 377.
- Suffragia prodesse defunctis, propugnatur ex Conciliis.* 381.
- Viventium suffragia prodesse defunctis ex Sanctis Patribus vindicatur.* 382.
- Aliud pro eadem Conclusionem ex ratione theologica profertur argumentum.* 384.
- Solvantur argumenta, quibus Heterodoxi probare nituntur, defunctos non juvari viventium suffragiis.* 385.
- Articulus II.** *An Indulgentiæ profint defunctis?* 388.
- Articulus III.** *An Indulgentiæ concessæ pro defunctis sint ad modum abjectionis, vel ad modum suffragii?* 391.
- Articulus IV.** *Quid sit facultas concessa viventibus applicandi Indulgentias defunctis ad modum suffragii.* 396.
- Articulus V.** *An Indulgentiæ applicatæ defunctis habeant effectum infallibilem?* 397.
- Articulus VI.** *An possit concedi Indulgentia ad modum suffragii defunctis immediate, seu non medio alicujus viventis opere vel applicatione?* 399.
- Articulus VII.** *An aliquæ Indulgentiæ concedantur pro vivis, quæ tantum valeant ad modum suffragii?* ibid.
- Articulus VIII.** *De his, quæ requiruntur tum ex parte viventium, tum ex parte defunctorum, ut acquirantur Indulgentiæ ad modum suffragii pro defunctis.* 401.
- Articulus IX.** *An melius & laudabilius sit, si vivens Indulgentias, aliæque opera satisfactoria sibi applicet, vel si defunctis assignet?* 405.



TRACTATUS

DOGMATICO-MORALIS

DE

INDULGENTIIS

PARS PRIMA.

DISSERTATIO PROOEMIALIS HISTORICA

DE ORIGINE, ET PROGRESSU

INDULGENTIARUM

JUXTA VETEREM, AC NOVAM ECCLESIAE DISCIPLINAM.



PROPTURUM profecto est ad faciliorem difficultatum, quae proponuntur, indaginem, nonnulla praemittere, quae rei satis obscurae claritatem concilient,

ac veluti proluiones quaedam eorum, quae disputanda sunt, intelligentiam aperiant. Hanc laudabilem methodum, omnium fere Auctorum, qui suas elucubrations publicas fecere, calculo comprobata, libenter amplectimur. de abstrusa Indulgentiarum materia ex professo pertractaturi; ut huic novo molimini eo meliori modo, quo potest, lux veritatis effulgeat. Ideoque in hujus Tractatus limine operae pretium duximus exponere, Indulgentiae acceptionem Ecclesiasticam, moremque Ecclesiae in imponendis poenitentiis salutariis, potioresque Indulgentiarum concessionis juxta veterem, ac novam Ecclesiae disciplinam, aliaque plura denique enarrare, quae ad earum excessus,

abusus, & errores Ecclesiasticis Sanctionibus, atque Statutis correctos pertinent.

§. I.

Inter varias Indulgentiae acceptiones ea potissimum exponitur, quae spectat ad praesentem Tractatum.

INDULGENTIAE vocabulum apud Eruditos tam in sacris, quam in profanis Literis variis modis usurpatur. Primo, pro illicita quadam lenitate, quae malum impune permittat, aut. malo viam aperiat: idcirco a Quintiliano in lib. 1. Infitur. asseritur = *Molli illa educatio, quam nos Indulgentiam vocamus, nervos omnes mentis, & corporis frangit* = Quintiliano adheret Cicero ad Attic. lib. 12. = *Fillium Patris Indulgentia depravari*. = Ab his non discrepat Cato dicens = *Indulgere notigula,*

A

gula, quæ ventri amica est. = Ac denique idem innuit D. Augustinus in *Brevi. Colation. cap. 22.* de Decreto Constantini revocante Donatistas ab exilio = *Nihil illa Indulgentia potest deformius inveniri.* = Secundo, pro quadam facilitate respectu subditorum, & inferiorum, non quæ peccandi occasionem præbeat, aut libertatem, sed quæ exactioris vitæ rigorem temperet, ac minuat: quo sensu S. Paulus Apostolus *1. ad Corinth. 7.* ut plurimorum moechiis obviaret, cuilibet facit nubendi facultatem. = *Hoc autem, ait, dico secundum Indulgentiam, non secundum imperium.* = Plinius quoque *l. 7. c. 16.* = *Indulgentior est,* inquit, *nutrix, quam mater.* = ideoque Perotus in *Cornueop. verb. Indulgentia*, ejus significatum exponit dicens = *Indulgere est obsequi, & aliquid delicate concedere.* = Tertio, pro pulchritudine, ac formæ elegantia: ut apud Statium = *Egrege tanta Indulgentia formæ.* = & apud Quintilianum *Declamat. 18.* = *Si filio obitigerit Indulgentior facies, vultus erectior, resuplet mater amplexat.* = Quarto, pro cessione debiti, vel actionis, cujus habemus jus adversus alterum: ut *Isaie 61. v. 1.* = *Ad annuntiandum mansuetis misit me, ut miderer contritis, & prædicarem captivis Indulgentiam.* = & *63. v. 7.* = *Miserationum Domini recordabor, laudem Domini super omnibus, quæ reddidit nobis Dominus.* = & *super multitudinem bonorum domui Israel, quæ largitus est eis secundum Indulgentiam.* = Et *Judith 8. v. 14.* = *Quia patiens Dominus est, in hoc ipso peniteamus, & Indulgentiam ejus suscipi lacrymis posulemus.* = Juxta hanc acceptionem, dicitur a S. Leone Papa *Serm. de Quadrag.* = *Studiofiori opere nunc exequamur præcepta, quia totum Paschale Sacramentum in remissionem est conditum peccatorum; misericordiam enim Dominus ita promissit Indulgentiam suam, ut etiam quibus parvis, Indulgeat: Si dimiseritis, inquit, hominibus peccata eorum, dimittet & vobis Pater Cælestis peccata vestra. Iusta prorsus, & benigna conditio.* = Et a D. Augustino *Enarrat. in Psalm. 101.* = *Ne desperatione pejus homines vivant, promissit Deus Indulgentiam.* = In Edicto pariter Valentini Imperatoris de relaxandis vinculis tempore Paschali præcipitur, nunciatis in carceribus

solvi, exceptis Sacrilegis, Adulteris, & Incestuosis: de quo fit mentio in *l. 8. de Indulgentia criminum C. Theodosii*, ubi habetur = *Exequantur Judices, quod Indulgere consueverunt.* = & *L. Lucius ff. ad Senatus Consult. Turpillian.* dicitur = *Lucius Titius Sejum reum falsi scit, & prius quam persequeretur, Indulgentia reorum crimina abolita sunt.*

Ex hac fortassis, ut arbitramur, usurpatione, Indulgentiæ nomen accomodatum est ad significandam remissionem, vel poenitentię injunctæ per Canones, vel poenæ temporalls debita in foro Dei, scilicet ex potestate Clavium ab Ecclesiæ Prælati: quæ ab antiquis Conciliis, & Patribus plerumque dicitur *Pax, Remissio, Donatio, seu Condonatio*: juxta quam acceptionem a Tridentino *Sess. 25. in Decreto de Indulgentiis* hoc Indulgentiarum nomen *Insigne* dicitur: ideoque ab eo abhorrendum non est, ut advertit Sotus contra Lutherum, sed illud, tanquam percelebre vocabulum possumus adhibere, citra salutaris, errorisque periculum; non primo ab Alexandro III. inventum circa medium sæculi XII. (ut nonnulli Scriptores perperam existimant, exponentes *Cap. Quod autem de Panis. & Remissi.*) sed antiquius usurpatum: eo enim usus est D. Gregorius VII. qui ad Sancti Petri Solium evectus anno *MCCXV. 11. 1.* septuaginta & amplius annis Alexandrum III. præcessit. Pacianus quoque dicto sæculo contra Novatianos scribens in *Epist. 3.* exponens textum *Ep. 2. ad Corinth.* = *Nam & ego quod donavi propter vobis in persona Christi* = inquit = *Vide Apostolum per Indulgentiam propriam sententiam temperasse.* = Habetur insuper in *Epist. Cleri Rom. ad S. Cypr. Episc. Carthag.* data circa medium sæculi tertii, inter Cyprianicas trigesima prima = *Oremus, ut effectus Indulgentiæ lapsorum subsequatur & penitentia.*

Juxta hunc ergo acceptionem Indulgentia ad nostrum pertinet Institutum: de qua plurima fusiori etiam ex aliorum magisterio, tam in hac proœmiali historica Dissertatione, quam in Operis decursu tradenda sunt. Verum quia nequit completa notitia Indulgentiæ hoc modo sumit comparari; ignota penitus antiqua de Poenitentiiis Ecclesiæ disciplina; de hac ab aliis Authoribus luculenter, ac pro dignitate discussa, ea duntaxat duximus prælibanda, quæ

viam

viam aperiunt, ad Indulgentiarum praxim exponendam, superioribus Ecclesie sæculis usu, & consuetudine receptam.

§. II.

Exponitur multiformis Ecclesiastica disciplina ratio in decernendis pœnitentis salutaribus.

Post capitale protoparentis Adæ peccatum, cum omnis ætas prona sit in malum ab adolescentia sua, ut declinet à malo, & faciat bonum, rationi maxime consentaneum est, delinquentes ad pœnitentiam onus subeundum adigere, tum quia postulant æquitatis jura, ut quantum Divinæ Bonitati per culpam derogatum est, tantum exhibita satisfactione præstetur, tum quia majoris debet austeritatis insimulari Judex, crimen impunè permittens, quam si ea, qua par est, animadversione corripiat. Facilius quippe prolaborunt homines in barathrum vitiolorum, si eos, quos virtutis amor ad divinarum legum observantiam non allicit, formido pœnæ alubricis semitis non revocaret: = *Plerumque non coercere delinquentes* (inquit S. Ambrosius in Psalm. 118.) *majoris austeritatis est, quam si ulciscaris; traduntur enim in passiones ignominie, qui cum aliquando inhonestum comiserint, nulum culpe pretium ferunt.* = Quamobrem Ecclesie Patres Divini Numinis afflatu in vindicandis excessibus disciplinam adhibendam curarunt, ut qui gravioribus criminibus publicis obstricti essent, publicæ pœnitentiæ animadversione curarentur, nec Sacramentalis absolutionis, atque Eucharisticæ communionis participes essent, quin prius anteaque vitæ flagitia fletibus, corporis macerationibus, aliisque satisfactionibus eluerent: = *Eosdem* (inquit S. Leo Papa in Epist. ad Theodorum data) *salubri satisfactione purgatos ad communionem Sacramentalem per januam reconciliationis admittimus.* = Ex Concilium Toletanum II. sub Recaredo Rege, & Pelagio I. Summo Pontifice congregatum anno Christi DLXXXIX. & Hispanice AET DCCVII. proficuum hunc Christianæ Reipublice morem firmissimis legibus comprobavit. = *Quoniam comperimus* (verba sunt Cap. XI. Concilii prælaudati) *per quasdam Hispaniarum Ecclesias non*

secundum Canonem, sed fidelissimè pro suis peccatis homines agere Pœnitentiam, ut quoties peccare libuerit, toties à Presbyteris se reconciliari exposculi: & ideo pro coercenda tam execrabili præsumptione, id à Sancto Concilio jubetur, ut secundum formam Canonum antiquorum detur Pœnitentia: hoc est, ut prius eum, quem sui pœnites facti, à communione suspensum, facias inter reliquos Pœnitentes ad manus impositionem crebrè recurrere. Expleto autem satisfactionis tempore, sicuti Sacerdotalis contemplatio probaverit, eum communioni restituas.

Onus verò tam grave non abs re Pœnitentibus impositum arbitramur, sed ut experimento comprobaretur, an ii, qui juxta Canonum Pœnitentialium statuta perpetrata scelera purgarent, vitam noviter incæptam Christianis dignam ducerent, quæ tutò Sacrum Christi Corpus ad spiritualem animarum alimentum traderetur. Quod non adeo firma, stabilique lege observatum intelligis, ut ubi extremum vitæ periculum damnatis ad publicam pœnitentiam immineret, nondum ea expleta, Sacramentorum communicatio denegaretur; oppositum, siquidem evincitur ex Concilio Nicæno I. Cæn. 13., cuius hæc sunt verba juxta interpretationem Dionysii exigui = *de his, qui ad exitum veniant, etiam nunc antiqua regularisque consuetudo servabitur, ita ut, si quis egreditur e corpore, ultimo & maxime necessario Viatico minime privetur.* Quod si desperatus, & confectus Communionem, oblationisque particeps factus, iterum convalescit, sit inter eos, qui Communionem orationis tantummodo consequuntur. Generaliter autem omni cuilibet in exitu posito, & poscenti sibi Communionis gratiam tribui, Episcopus probabiliter, postquam probaverit, ex oblatione dare debet. = De eadem consuetudine ita loquitur Siricius Papa, qui Summum Pontificatum tenuit sub finem Sæculi IV. in Epist. I. ad Himerium Tarracensem Episcopum Cap. 5. = *Non incongruè dilectio tua Apostolicam Sedem credidit consulendam, qui, acta pœnitentia, tamquam Canes, ac fures ad vomitus pristinos, & ad volutabra redeuntes, & militiæ cingulum, & ludricas voluptates, & nova conjugia, & inhibito denud appetitive concubitus, Quorum profissam*

fecit incontinentiam, generati post absolutionem filii prodiderunt. De quibus, quia jam suffugium non habent penitendi, id duximus decernendum, ut sold intra Ecclesiam fidelibus oratione jungantur: Sacra Mysteriorum celebrati, quamvis non mereantur, intersint: à Dominice autem mense Convivio se regent, ut hac saltem distributione corripantur, & ipsi in se sua errata custigent, & aliis exemplum tribuant, quatenus ab obscenis voluptatibus retrahantur. Quibus tamen (quoniam carnali fragilitate excluderunt) viatici munere, cum ad Dominum ceperint proficisci, per communionis gratiam volumus subveniri. Scimus Viatici, & Communionis nomina in antiquis Canonibus quosdam eruditos Viros de Eucharistiae participatione minime interpretari; verum cum certum sit, Sacramentum decrevisse, ut Relapsis in extremo vitae discrimine constitutis Sacramentalis Absolutionis impenderetur officium, nec eos ab Eucharistica Communione arce-re voluisse, facile deprehenditur, eam voluisse eis dispensari; ut notat Juvenin. in Commentar. Historico — Dogmat. de Sacrament. Dissert. 7. cap. 6. Præterquamquod celebre est, & nemini ignotum, dictum illud S. Ambrosii lib. 2. de Penit. cap. 3: Quotiescumque peccata donantur, Corporis ejus Sacramentum sumimus; ut per Sanguinem ejus fiat peccatorum remissio.

Ut ad Poenitentiae prædictæ tempus, & ordinem descendamus, observa, ab Ecclesiae nascentis exordio ad Hæresim Novati, quantum ex veterum monumentis, quæ extant, colligere licet, nullum ab Ecclesia publica lege definitum fuisse poenitentiae tempus pro singulis peccatis obcondæ reperiri; hoc tantum constat, graviores, atque longiores impositas fuisse poenitentias post Montani tempora usque ad Novati Hæresim, quàm toto eo tempore, quod Montanum præcessit. Canones autem Poenitentiales, quibus pro singulis peccatis poenae, earumque tempora statuuntur, quotquot sunt, omnes Novato sunt recentiores; antea siquidem ad Episcopi arbitrium pro criminum gravitate poenitentia injungebatur, postea verò tum poenarum conditio, ac tempus certis canonibus, seu legibus fuerunt constituta, tum temporis

illud omne publice poenitentiae in quatuor partes fuit distributum, quas totidem poenitentiae gradus, & stationes appellaverunt.

Horum graduum, seu stationum inter veteres, qui aptè, ac singillatim mensuraverint, sunt D. Gregorius Neocæsariensis miraculorum dono, quo pollebat, Thaumaturgus nuncupatus, & S. Basilii Magnus in Epist. Can. ad Amphilocho, nomina, verò, quibus hujusmodi gradus distinguebantur, sunt = *Fletus, Auditio, Substratio, & Consistentia*.

Flentium statio collocata erat in area, seu domuncula quadam Ecclesiae adjacente, seu in Porticu extra fores Ecclesiae. Stadium siquidem hoc ingressuri, cum non possent in Ecclesiam introire, ad ejus vestibulum accedebant, ubi pauperes pro elemosynis recipiendis conveniunt. Id colligitur ex Can. ultim. Epist. Canon. D. Gregorii Thaumaturgi. Quod si quæras, quid in *Fletu* Poenitentes agerent: quidque circa eos ab Ecclesiae Ministris ageretur, ad primum respondemus, Flentes solitos fuisse, se reos palam confiteri, ob sua crimina stetibus, ac lacrymis Ecclesiae limen aspergere, & ingredientibus adgeniculari, ut apud Deum, Episcopum, Clerum, universamque Ecclesiam pro illis intercederent: = *Qui sua sponte interfecit*: (inquit S. Basilii Magnus in Epist. laudatâ Can. 36.) *& postea poenitentia ductus est, viginti annis Sacramento non communicabit; viginti autem anni sic in eo dispensabuntur, debet quatuor annis fere stans extra fores Oratorii, & fideles ingredientibus rogans, ut pro eo precantur, suam iniquitatem enuncians.* = Ad alteram verò questionis partem dicimus, Flentibus in primis veritum esse, publicas conciones, atque solemnes Scripturnarum Lectiones percipere. Id profectò colligitur, tum ex Loco, in quo morabantur, cum enim extra Ecclesiae fores stationem haberent, eà, quæ in Ecclesia clausis januis fieri solebant, nec audire poterant, nec intueri; tum ex eo, quod facultas audiendi publicas conciones, privilegium erat alterius Poenitentium classis, quæ *Auditio* dicebatur.

Poenitentium, qui hanc *Fletus* stationem decurrebant, exterior corporis habitus admodum lugubris erat, induti siquidem sacco, ac cilicio, cinere aspersi, & capillo neglecto ante Ecclesiae fores flebant,

bant, ac in Templum introeuntes exorabant. Tempus verò, quo Poenitentes in hac fletus statione morabantur, pro qualitate criminum, & compunctione, ac fervore, quo inuncta opera prosequerantur, brevius, vel longius erat. Quod idem pariter intelligendum est de tempore, quo in aliis stationibus permancbant; varium enim esse solebat, tam pro criminum qualitate, quam pro majori, vel minori compunctione, & spiritus fervore, quo onera inunctarum satisfactionum obire solebant. Ex silentium classe ad illam Audientium pertransibant Poenitentes. Erat autem Audientium statio in porticu oblongiori Ecclesie foribus interius adiacente constituta, atque à reliqua interiore parte Templi, tabulatis, vel cancellis distincta post Catechumenos. = *Auditio* (inquit D. Gregorius Neocesariensis in *Epist. Canonie. Can. xi.*) *est intra portam in porticu, ubi oportet eum, qui peccavit, stare usque ad Catechumenos, & illinc egredi, postquam enim audierit Scripturam, & Doctrinam eliciatur, & precatione indignus censetur.* = Audientibus igitur (ut ex iisdem Gregorii verbis colligitur) in loco destinato (qui quidem aliis hominum generibus erat communis, videlicet Ethnicis, Judæis, Hæreticis, Schismaticis, & Catechumenis primi ordinis) permittebatur Sacrarum Scripturarum Lectiones excipere, atque Episcoporum concionibus interesse. Quod confirmat Concilium Valentinum celebratum in Hispania anno dxxv. *Can. i.* = *Antiquos Canones relegentes inter cætera hoc censuimus observandum, ut Sacrosancta Evangelia, ante munus oblationem, vel Missam Catechumenorum in ordine Lectionum post Apostolum legantur; quatenus salutaria præcepta Domini nostri Jesu Christi, vel sermonem Sacerdotis, non solum fideles, sed etiam Catechumeni, & poenitentes, & omnes qui ex diverso sunt, audire licitum habeant, sic enim Pontificum prædicatione audita, nonnullos ad fidem attractos evidenter scimus.* = Quamobrem, ut observat Natalis Alexander in *Hist. Ecclesiast. tom. 3. Dissert. 8. art. 2.* cum Poenitentibus Audientibus agebatur eodem modo, ac cum ignatis mysteriorum fidei, perinde ac Ecclesia iudicaret, mortiferis flagitiis inquinatos Evangelicæ Legis, divinarumque

mysteriorum penitus oblitos, novis super his instructionibus indigere; undè diutius in hoc gradu detinebantur, quam Catechumeni, tamquam super fidei mysteriis doctrinæque Evangelicæ rebus erudiendi; iis tamen vetitum erat mysteriorum celebrationi, atque orationibus in Ecclesia fieri consuetis assistere, exceptis orationibus, quæ propriæ ipsorum dicebantur, ut habetur ex *Can. xix. Concilii Laodicensi.*

Audientes multis prerogativis Flentibus superiores erant, in primis siquidem exempti erant ab illa humili Fratrum supplicatione, quam Flentes obire debebant: immunes etiam erant ab operibus laboriosis, jejuniis, vigiliis, cæterisque hujusmodi, ac tantum eorum onus erat audire Scripturarum Lectiones, & publicas conciones, quæ fieri solebant ante sacram Oblationem.

Tertia Poenitentia publice Statio *Substratio* seu *Subjectio* dicebatur, de qua D. Gregorius Thaumaturgus in *Epist. Canon.* dicit: = *Subjectio autem, seu prostratio est, ut intra portam Templi stans cum Catechumenis egrediatur.* = Locus hujus stationis erat intra Templi ambitum inter Audientes, cæteroque Fideles positus, qui ad Ambonem usque extendebatur, idest ad locum illum, ex quo Epistolæ, & Evangelium legebantur, & ex Diptychis fidelium tum vivorum, tum mortuorum nomina recitabantur, Hymni, Psalmique canebantur, & conciones ad Populum habebantur. Erat autem Ambo alius quoddam in Templo Edificiolum orbicularis ut plurimum figuræ, ad quod aliquibus gradibus ascendebatur. Superius adhuc Romæ quidam vetustissimi Ambones, unus in Ecclesia S. Clementis ad Amphitheatrum, alter in Ecclesia Sanctorum Martyrum Nerei, & Achillei.

Toto substrationis tempore, quod plurius semper erat annorum, manus Poenitentibus genuflexis imponebantur, ut colligitur ex Concilio Nicæno I. *can. xi.* cujus hæc sunt verba: = *Tribus annis inter Audientes sint; septem annis subjaceant manibus Sacerdotum;* = & confirmat Concilium Toletanum ii. ita decernens: = *Jubemus, ut secundum formam veterum Canonum detur poenitentia, hoc est, ut prius eum, quem sui poenitentis facti, a Communionis suspensione, faciat inter alios Poenitentes ad manus imposi-*
tionem

tionem crebrò recurrere. Cum hac manu impositione conjungebatur oratio, & uterque ritus, tam manuum impositionis, quam orationis, post missam Catechumenorum, & ante incurvati sacrificii oblationem peragebatur; oblationis enim tempore Pœnitentes substrati ab Ecclesia exire debebant, ut habetur ex S. Joanne Crisostomo Homil. 3. in Epistola ad Ephesios, ubi invehitur in fideles, qui cum sacerdotibus adessent mysteriis, de iis participare nolebant, dicitque a Catechumenis, & Pœnitentibus non differre, qui Diaconi voce a sacrificio abigebantur. = In dignum te agnosceis, qui vel per te sumas hostiam, aut per alium sumendam accipias? Igitur nec Oratione ipsa dignus es. Audi adstantem tibi, ac inclamantem Pœnitentem: Quicumque in pœnitentia constituti supplicasti, abite; quisquis enim non communicat, in pœnitentia esse dignoscitur. Si in numero es Pœnitentium, neutiquam ad hostie communionem accedere debes. Qui enim non communicat, in Pœnitentium albo censetur descriptus. Nam qua gratia inclamas, abssiste sacris, qui hic non potestis orationem fundere? Et tu interim tantum cum temeritate persististi? ceterum non in illi es, sed inter eos, qui possunt communicare, non tamen magnopere curas, nec magni duci rem hanc.

Pœnitentibus in substratione constitutis varia pœnitentie salutaris opera obeunda injungebantur, ac accuratè Patres observabant, num imperata exequerentur, ut constet ex omnibus ferè antiquitatis Ecclesiasticæ monumentis, quæ de publicè Pœnitentibus loquuntur.

Quarta statio, qua consummata, Pœnitentes solemini manuum impositione dimittebantur Sacramentorum participatione donandi, *Consistentia* dicta est. Unde autem istud nomen effluxerit, & huic stationi fuerit adscriptum, ex eo colliges, quòd ii, qui in ea erant, simul cum fidelibus in Ecclesia consisterent, neque cum Catechumenis, Audientibus, & Substratis expellerentur. = *Consistentia* (inquit S. Gregorius Thaumaturgus in Epistola sæpius citata) est cum fidelibus consistas, & cum Catechumenis non egrediatur. = Locus hujus stationis ab Ambone usque ad Sanctuarium protendebatur, ubi fidelium pariter locus erat.

Iis, qui in ista statione expiabantur, quumquam datum esset publicis precibus, & Sacrificio interesse cum cæteris fidelibus, non tamen jure oblationis gaudere, seu eorum munera nequaquam ad altare offerrebantur, ut constat, ex *Concill. Ancyranò Can. v.* cujus hæc sunt verba: = *Cum duobus annis supplices, substratique sacrint, tertio anno communicant sine oblatione* = & *Can. iv.* = *Placuit eos inter Audientes uno anno consistui: succumbere verò tribus annis; in oratione tamen communicare biennio, & tunc ad perfectionis gratiam pervenire.*

Varias Pœnitentium classes hæcenus expostas, quæ retroactis sæculis in usu fuerunt, recipiunt Morinus lib. 6. de Administratione Sacramentorum Pœnitent. cap. 1., alique eruditi Scriptores, sed nonnulli cum ipso Morino contendunt, undecimum illud Canonem Epistolæ S. Gregorii Neocæsariensis, unde eam disciplinam potissimum hausimus, esse additum; quod profectò admittendum non est, tum quia Balsamon Antiochenus Patriarcha in re Canonica peritissimus, super ea Epistola editis commentariis, etiam Canonem illum tamquam ejusdem Sancti Antistitis genuinum factum exposuit; tum quia alias tota Epistola D. Gregorio Neocæsariensi esset supposita, cum alii Canones eisdem gradus enumerent. Canon enim octavus, *Auditionis* meminit, *Fletum* insinuat, atque *Substrationem*: = *Eos* (verba sunt Canonis laudati) *qui alienas domos invadere ausi fuerint, si accusati quidem convicti fuerint, nec Auditione dignos existimare; sin autem se ipsos enuntiaverint, & reddiderint, in eorum, qui convertuntur, Ordinem subterni.* = Canon ix. *Substrationem, atque Consistentiam* commemorat, ibi = *li, qui in Campo aliquod invenerunt, vel suis ædibus a Barbaris relicti, si accusati quidem convicti fuerint, & reddiderint, etiam precibus digni habeantur.*

Argumentum verò illud negativum Morini (cæteris omisiss, quæ vel ad rem non pertinent, vel nihil evincunt) nempe ante Novatiani hæresim, imò sub illius tempora nullam quatuor pœnitentie graduum memoriam apud Patres occurrere, non difficili negotio dispellitur. Quamquam enim verum esset, ante Novatiani hæresim cele-

bres

bres illas poenitentiae publicae stationes non fuisse in usu, non inde robur acciperet undecim illius Canonis in dicta Epistola suppositionis argumentum. D. enim Gregorius Neocaesariensis suam canonicam conscripsit Epistolam novem, & amplius annis post constatum a Novatiano Schisma: quia Novatianus fuit in Pontificatum intrusus anno cca. i. vel cca. iv.; ea vero Epistola canonica fuit exarata anno cclxi. i., quo Gothi & Boradi, imperante Gallieno, praefer alias Asiae, & Graeciae Provincias, per Pontum longe, lateque grassati sunt: cujus incursionis meminerunt Paulus Orosius lib. 7. cap. 11. D. Augustinus Epist. 8. ad Hefesbium, Sozomenus lib. 2. cap. 3. Plurima siquidem cum ex ea debaccharentur flagitia, in Christianae Religionis perniciem; S. Antistes a quodam Coepiscopo rogatus, Idolatriae, Moechiae, & Furti crimina dictis stationibus damnavit: fortassis enim in ea Ecclesia, ad cuius Episcopatum litteras dedit, nondum illæ ordine canonico percurrerantur: vel quia Barbarorum incursionibus pessundata & abolita erat disciplina: vel quia ad posteritatis memoriam id literis commendare ei necessarium visum est.

Sed duo hic dubia majoris momenti fortassis emergunt. Primum: num in veteri Ecclesia poenitentia publica mox descripta etiam pro occultis criminibus imponeretur? In qua spinosissima questione variae, & inter se pugnantes perstrepunt quorundam eruditissimorum virorum sententiae: quis omnes ad tres has praecipuas revocari posset existimamus.

Arnaldus lib. de freq. comm. p. 2. cap. 6. putat, prioribus Ecclesiae saeculis omnia peccata letialia, sive publica ea essent, sive privata, publica poenitentia correctæ fuisse: tunc unquam Clavium Sacerdotalium virtute peccatores remissionem obtinuisse, nisi de iis publicam poenitentiam cum oblatione ab Altaris ministerio percipissent. *Ne itaque dicamus (quod Haereticum est)* inquit Arnaldus, *olim non omnia peccata, sed gravissima dumtaxat subiecta fuisse Clavium potestati; dicendum est, prioribus Ecclesiae saeculis omnia prorsus peccata letalia publica poenitentia fuisse purgata.*

Probat primo hoc suum assertum S. Augustini auctoritate, qui in Epist. 108. Homil. 27. & Homil. 50. inser. quinquag.

triplicem asserit pro triplici peccatorum genere poenitentiam; unam, quæ Baptismum antecedit; quæ omnia peccata, ab hominibus, nondum baptismali lavacro regeneratis, commissa purgantur; alteram, poenitentiam Iustorum, quæ nempe culpæ veniales curantur, quas infirmitas humana, quandiu in hoc mundo vivitur, omni ex parte vitare non potest; ultimam vero austeriorem, & quidem publicam, adhibitis Ecclesiae Clavibus peragendam, atque pro iis omnibus peccatis necessariam, de quibus Paulus ait = *Quoniam qui talia agunt, regnum Dei non possidebunt.* = Triplicis illius poenitentiae notitiam adeo necessariam existimavit Augustinus, ut Homil. 50. eam populo explanare suscipiens, his verbis utatur = *Tres sunt actiones Poenitentium, quas mecum vestra eruditio cognoscit: sunt enim usitate in Ecclesia Dei, & diligenter attendentibus notæ.* = Si Augustini ætate, inquit Arnaldus, occulta fidelium crimina poenitentiae secretæ remedio curata fuissent, eam poenitentiae speciem recensuisset in iis locis, in quibus egit de modo, quo curantur peccata, de quibus ait Apostolus = *Quoniam qui talia agunt, regnum Dei non possidebunt.* = De occultæ autem poenitentiae specie nequaquam meminisse compertum est, sed de ea tantummodo, quæ palam in Ecclesia coram omnibus fidelibus peragebatur. = *Restat ergo* (inquit Homil. 27. cap. 3.) *post constitutam poenitentiam in tres illas partes divisionem, prioresque expositas, & us, sive eam, quæ a Catechumenis agenda est; sive alteram quotidianam, quam iusti pro quotidianis culpis exercent; restat ergo poenitentia tertium genus: unde aliquid breviter dicam, ut adjuvante Domino propitia, & promissa persolvam. Est poenitentia gravior, atque luctuosior, in qua proprie vocantur in Ecclesia Poenitentes, remoti etiam a Sacramento Altaris participandi; ne accipiendo indigne iudicium sibi manducant, & bibant.* = Verba illa in qua proprie Poenitentes vocantur de sola publica poenitentia possunt intelligi. Constat ergo, D. Augustini ætate curata fuisse occulta, crimina poenitentiae publicæ censura.

Idem assertum confirmat ex iis, quæ tradit idem S. Doctor Homil. 50. ubi eam divisione poenitentiae præmissa in antebaptis-

malem quotidianam, & publicam, quam, qui agunt, in Ecclesia proprie poenitentes vocantur, de hac tertia inquit = *Tertia est actio poenitentiae, qua pro illis peccatis subeunda est, quae legis Decalogus continet; & de quibus Apostolus ait: Quoniam qui talia agunt, regnum Dei non possidebunt.* = Nullum autem est lethale peccatum, quod vel non contineatur in Decalogi lege, vel a possessione Regni coelestis non excludat. Nec D. Augustinus discrimen ullum constituit inter publica, & occulta crimina: quomobrem iterum colligit Arnaldus, S. Antifistis laudati aetate cuncta peccata lethalia fuisse poenitentiae publicae legibus obnoxia: imo nedum tempore D. Augustini, sed etiam antea, & postea eandem praxim in Ecclesia viguisse probat testimonius Tertulliani in *lib. de Poenitentia*, Cypriani in *lib. de lapsis*, Paciani Barchinensis in *Parenesi ad Poenitentiam*, Sancti Leonis in *Epist. 91.* & 92. & Innocentii I.

Consentit Arnaldo in aliquibus Morinus *lib. 5. de poenitentia*; sed eidem in pluribus adversatur: contendit enim primo, pro criminum occultorum capitalium confessione secreto facta Sacerdoti, publicam actum fuisse secundum Canones poenitentiam. Secundo, crimina capitalia, pro quibus duntaxat poenitentiam publicam imponi solitum erat, tribus prioribus Ecclesiae saeculis tria tantum fuisse, nempe Idololatriam, Homicidium, & Moechiam. Tertio, quarto, & duobus sequentibus saeculis pedetentim tribus illis plura alia vitiorum genera addita fuisse, licet non omnia, quae nunc mortalia vocamus.

Primum sic probat. Antiqui Ecclesiae Canones, adversus criminum reos conditi, ita publicam poenitentiam indicunt: *Qui homicidium perpetraverit: qui fornicationem: qui adulterium: qui incestum.* In auditione perseveret tot annis: in substructione tot annis: in consistentia tot annis: ubi animadversione dignum est, ut notavit Albaspinus Episcopus Aurelianensis in *Can. 32. Concil. Cartbag. 3.* nullum istorum Canonum inter publicum, & occultum crimen distinguere, puta: *Cujus fornicatio est publica, stabit inter Audientes*; sed absolute: *Qui fornicatus fuerit: qui homicidium perpetraverit.* Distingunt saepe Canones homicidium ultro fa-

ctum a casuali, fornicationem ab adulterio, adulterium naturae ab humano, incestus varias species; & in unumquodque eorum criminum convenientibus poenitentiae actionibus animadvertunt; sed publicam semper satisfactionem injungunt: nunquam tamen reperitur haec lex: *Si crimen istud est publicum, ita punietur: hoc vero modo, si occultum.* Insuper cum hujusmodi crimina possint secreto perpetrari: nec dicendum videatur, Patres ulcerum tam pestiferorum, nisi publice & in propatulo serperent (quod rarissime & vix contigit) curationem deferuisse; liquido deprehenditur, ea pariter poenitentiae publicae legibus vindicasse.

Secundum evincere nititur Morinus ex Epistola Canonica S. Gregorii Nysseni ad Letojum Mitylinensem Episcopum data: in qua docet, quo satisfactionum genere juxta Ecclesiae disciplinam peccata sunt curanda, ac corrigenda, & ea capitalia, eorumque praecipuas species publicae poenitentiae subiicit; de quibuscumque vero aliis apertissime docet, pro iis haecenus nullam poenitentiam publicam a Patribus fuisse statutam: idque potissimum tradit de avaritiae Divinus, inquit, *Apostolus eam (avaritiam) non solum Idololatriam, sed etiam omnium malorum radicem pronuncioris; & tamen haec morbi species inconsiderata, & absque ejus cura praetermissa est: quo fit, ut hic morbus in Ecclesia valde redundet, nemo in iis, qui ad Clerum adducuntur, inquirat, num eo Idololatriae genere polluti sint; sed de iis quidem, quoniam id a Patribus praetermissum est, iustificare existimo publicae doctrinae rationem, quantum fieri potest, curare avaritiae affectiones, veluti quosdam morbos ex repletione ortos, oratione purgandos.*

Tertium, nempe post tria priora Ecclesiae saecula, quarto videlicet, & duobus sequentibus, praeter tria illa crimina, alia plura quaecunque gravissima publica poenitentia punita fuisse, sive publica ea essent, sive occulta; probat idem Morinus ex veterum Patrum testimoniis: & praesertim D. Basilii, qui *Cap. 30. Epist. ad Amphilocho.* datæ apte id docet de Raptu Viduarum, & Virginum: ait enim, se huic crimini poenitentiam Canonem imposuisse = *De iis qui rapiunt, Canonem quidem ante eum non habemus, sed propria m*

priam sententiam proferimus, ut & ipsi, & qui cum eis rapiunt, tribus annis sint extra orationes. Notat insuper idem Badius *Can. 13.* Sanctos Patres cæles quasdam in Bellis factas pro cædibus minime reputasse. *Ignoscere, inquit, illi qui pro pudicitia, & pietate decertant = Reclit autem forte habet consuleret Apostolus, ut qui sunt manibus non puris sola tritum annorum communione abstineant.* Poenitentiam iis non consulit, hoc est *Substrationem*, sed ut tribus annis in *Consistentia* cum Fidelibus consistant. Hoc idem tandem confirmatur à Morino tum ex iis, quæ tradit D. Augustinus de peccatorum discrimine, & modo ea curandi *Serm. 4.1.* inter eos qui de Sanctis infcribuntur, tum ex aliorum veterum testimonio, quæ apud eundem loco cit. legi poterunt.

Ab Arnaldo & Morino dissentit Petavius *lib. de publica Poenitent. adversus Arnaldum*, cui nonnulli Doctores subscribunt, propugnans non omnia peccata lethalia, sed tantum omnium gravissima, & quæ cum aliorum scandalo perpetrata erant, poenitentia publicæ legibus subiecta fuisse; alia vero clanculum, ac citra scandalum commissa auriculari confessione, ac privata poenitentia fuisse purgata.

Assertum hoc probat primo Petavius Pacianus Barcinonensis testimonio, qui sæculo 11. circa Christi annum 600. floruit, & in *lib. de Poenitentia* in ipso exordio inquit = *Primum igitur de modo peccantium retractemus, sedulo requirentes quæ sint peccata, quæ crimina; ne quis existimet propter innumera delicta, quorum fraudibus nullus immunis est, me omne hominum genus indiscrète penitendi lege constringere.* = Deinde explicat, de quibus criminibus Exomologesis, seu publica poenitentia peragenda sit; & docet tria tantum hæc esse; Idololatriam, Homicidium, & Machiam; alia vero peccata sine luctuosa illa, & austera poenitentia bonis operibus, & oratione posse curari.

Sed quamquam pro dictis tribus criminum generibus publicæ Poenitentia necessitatem Pacianus tantum admittat; hoc unum probare videtur ejus testimonium, prioribus tribus sæculis, non omnia, sed illa tantum tria crimina Idololatriam, Machiam, & Homicidium publica Poenitentia curata fuisse, minime vero quod illa publica esse debuerint.

Probat secundo idem Assertum ex Homilia S. Augustini, quæ est de *Poenitentia*, ubi postquam dixit poenitentiam publicam pro iis peccatis esse subeundam, de quibus Apostolus ait, = *Quoniam qui talia agunt Regnum Dei non possidebunt*; subdit *Judicet ergo seipsum homo in istis voluntate dum potest, & mores convertat in melius, ne cum jam non poterit, etiam præter voluntatem a Domino judicetur; & cum in se protuleris severissima medicina sententiam, veniat ad Antistites, per quos illi in Ecclesia claves ministrantur, & tamquam bonus incipiens jam esse filius, maternorum membrorum ordine custodito, à Præpositis sacrorum accipiet satisfactionis suæ modum, ut in offerendo sacrificio cordis contribulati devotus, & supplex id tamen agat, quod non solum illi profuit ad recipiendam salutem, sed etiam cæteris ad exemplum: ut si peccatum ejus non solum in gravi ejus malo, sed etiam in scandalo est aliorum, atque hoc expedire utilitati Ecclesiæ videsur Antistiti, in notitia multorum, vel etiam totius Plebis agere poenitentiam non recuset, non resistat, non lethalis, & mortifera plage per pudorem addat tumorem; memineris tamen, quod superbis Deus resistit, humilibus autem dat gratiam. Quid enim infelicius, quid perversius, quam de ipso vulnere quod lacere non potest, non erubescere, & de ligatura illius erubescere? Nemo arbitretur fratres, propterea se, consilium salutiferæ hujus poenitentia contemnere, quia multos forte advertebat, & novis ad Sacra Altaris accedere, quorum tanta crimina non ignoras. Multi enim corriguntur, ut Petrus, multi tolerantur, ut Judas, multi nesciuntur, donec veniat Dominus, qui illuminabit abscondita tenebrarum, & manifestabit consilia cordium. Nam plerique propterea volunt alios accusare, dum se per illos cupiunt excusare. Plerique autem boni Christiani propterea tacent, & sufferunt aliorum peccata, quæ noverunt, quia documentis sæpe deferuntur, & ea quæ ipsi sciunt, iudicibus ecclesiasticis probare non possunt; quomodo enim quædam sint vera, non tamen iudici facile credenda sunt, nisi certis indicibus demonstrantur. Nos verò quæcumque à communione prohibere non*

possimus, quomodo hæc prohibitio non sit mortalis, sed medicinalis, nisi aut sponte confessum, aut in aliquo five Seculari, five Ecclesiastico Iudicio nominatum, atque convictum; quis enim sibi utrumque audeat assumere, ut cuique ipse sit accusator, & Iudex?

Tam longam Augustini sententiam libenter descripsimus, quia ex ea Doctores, qui huic assertioni patrocinantur, plura colligunt. Primo quidem Augustinum, esto omnia lethalia publice Poenitentiae subjicienda esse dicere videatur, nihilominus de iis peccatis loqui, quæ publice, & cum proximi scandalo commissa sunt, ut allata verba ostendunt. Secundo ex illis eisdem Augustini verbis constare, olim in usu fuisse apud Christianos accusare eos apud Episcopum, quos noverant gravibus peccatis esse obstrictos; & quia sponte confessi longè mitiores satisfactiones imponerentur, quam accusatis, & convictis; hinc inferunt, nonnullos graviorum criminum reos, cum timerent, ne ab aliis accusarentur, sponte sua peccata Episcopo detexisse, quæ cum paucissimis nota essent, pro occultis haberi poterant. Nec inficiantur, plures etiam extitisse, qui non alia causa sua peccata Episcopo detegebant, quam pietatis intuitu, & ut poenitentiae medicinam ab eo reciperent, sed hos paucissimos fuisse putant, & qui pietate, ac devotione ceteros præstant.

Probat tertio, eo quod, qui publice poenitentiae subiecti erant, ii ab Ecclesia, & a Corporis Christi participatione excluderentur, & qui semel publica poenitentia functi erant, illi iidem, si iterum peccata commisissent publice poenitentiae purificatione digna, non amplius ad eam admittebantur; quapropter si pro omnibus peccatis lethaliibus viguisset consuetudo injungendi poenitentiam publicam, cum paucissimi sint, qui in tanta puritate vitam traducant, ut nullius peccati lethalis coeno coinquinentur, ingens fuisset in Templis solitudo, & paucissimi Sacris Synaxibus adfuerint; quod de florentissima illorum seculorum Ecclesia dicere ac cogitare, absurdum esse nemo non dixerit. Præterea, qui poenitentiae publicæ laboribus perfuncti fuissent, ad Ecclesiasticos Ordines minimè poterant promoveri, & Clerici ob crimina, quæ hujusmodi remedio in Laicis curabantur, depositionis poenam su-

bire compellebantur, nec eis datum erat, amplius postea Sacros Ordines exercere. Porro si omnia peccata lethalia publice Poenitentiae lege purgata fuissent, pauci profecto fuissent, qui ad Sacros Ordines promoveri, atque in iidem diu ministrare potuissent. Quæ cum a veritate omnino aliena videantur, colligit Petavius, non pro quibuslibet peccatis lethaliibus, sed pro gravioribus dumtaxat, & quæ cum publico scandalo perpetrassent Fideles, eos ad subeundam publicam poenitentiam fuisse obstrictos.

Hæc sunt ad Petavii aliorumque Doctorum sententiae præsidium fundamenta, quæ quidem expensâ iusto rationis libramine, quamquam eam non reddant omnino certam, Arnaldi tamen, ac Morini dicendi modis in hac re antecellere judicamus.

Ad maiorem hujus opinionis asserendam probabilitatem ducimur ex eo, quod Mulieres, quæ Adulterium secreto perpetraverant, ea poenitendi lege non fuerint obstrictæ, ne in violatæ fidei conjugalis suspensionem adductæ vitæ periculum subire egerentur = *Adulterio pollutas Mulieres* (decernit D. Basilus in *Epist. Canon. ad Amphilochoium* data *Can. 34.*) *Et confitentes ob pietatem, vel quomodocumque convictas publicare quidem Patres nostri prohibuerunt, ne convictis mortis causam præbamus; eas tamen stare sine, communione jufferunt, donec impleatur tempus poenitentiae =* *Quid enim* (subdit Balsamon Basilii Canonem laudatum exponens) *videret extra divinus Ecclesie ambitus stantes, vel etiam cum Catechumenis exeuntes, primo aspectu omnino inscliceret propter Adulterii crimen eas illis esse penam injunctam, & fieret poenitentia causa mortis.* = Et quamquam *Confessio* inter poenitentiae publicæ stationes recenseretur, nequam tamen poenitentiae publicæ naturam induebat, nisi respectu eorum, qui alias ceteros hujusmodi gradus *Fletum* nempe, *Auditionem*, atque *Substrationem* percurrerant. Addimus, antiquos Canones inter occulta, & publica crimina satisfactionibus eluenda non raro distinguere: Concilium Neocæsariense anno cccxxx. celebratum poenitentiae publicæ obnoxios non esse decernit eos, qui fornicandi propositum habuissent, si criminis cogitationem, & consilium ad opus non perduxissent = *Si quis*

quis Mullerem concupiscens (verba sunt Concilii laudati) proposuerit cum ea dormire, & ejus desiderium non pervenit ad effectum, manifestum est, quod per gratiam fuerit liberatus. Ubi iis verbis = Per gratiam fuerit liberatus, = declaratur exemptio, non quidem a culpa, vel a quacumque satisfactione Deo exhibenda ab eo, qui nactus est in corde suo, sed a poenitentia: publice censura, ad quam hincdam Canones illos conditos fuisse comperimus. Prohibet Concilium Valsense 1. anno ccccxi. celebratum, ne Episcopus criminis debitis probationibus destitutum poenitentia legibus obliget = Si Episcopus (ita statuit Can. 8.) Se tantum alieni sceleris conscium novit, quandiu probare non potest, nihil proferat; sed cum ipso ad compunctionem ejus secretis correctionibus elaboret, illo quandiu probare nihil potest, in communione omnium permanente. = Idem evincit poenitentia publicæ institutum; = Cujuscumque Poenitentis publicum, & vulgatifimum crimen est, inquit Concilium Carthaginense 111., quod universa Ecclesia noverit, ante Absidam ei manus imponatur. = Eundem loquendi modum adhibent quidam ex Patribus = Ergo corripienda sunt eorum omnibus (ait D. Augustinus Serm. 82. alias 16.) quæ peccantur eorum omnibus, ipsa vero corripienda sunt secretis, quæ peccantur secretis. = Adhupulatur D. Augustino Eligius Homil. 16. in fine, ita exhortans Christianos = Vos propterea Fratres mei alloquimur, quos publica actio criminalis publicam cogit agere poenitentiam.

Nec mirum est, plurimos Canones poenitentiales, quos in suis sententiis patrociniū obicit Morinus, inter publica & secreta crimina satisfactionibus eluenda non distinguere, quia cum essent breves agendorum regulæ, non poterant omnes exceptiones, ac potissimum pro occultis criminibus corrigendis disciplinam continere, sed juxta communem usum, aliasque leges ab Ecclesia sancitas intelligebantur.

Quod si Patres quandoque occultorum criminum reos sub lege poenitentia publicæ comprehendere videantur, eisdemque suadere, ut ante Ecclesiæ conspectum ad subeundam Canonum poenentialium censuram se proderent, Petavii sententia nequaquam concutitur; id enim potius eo di-

rigebatur, ut excitarentur Christiani ad illud, quod licet ex Ecclesiæ statuto non erat peragendum, ad satisfaciendum Deo reputabatur acceptius, atque efficacius. Eo vel maxime, quod quidam occulti peccatores sponte ex Sacerdotum consilio, vel ex ferventiori cordis devotione, ut notavit Petavius, libentissime poenitentia publicæ rigorem suscipiebant, de quibus loquitur S. Cæsarius Arelatenus Homil. 1. inter 14. à Balutio editas = Ille, inquit, qui poenitentiam publicè accepit, poscerat eam secretis agere, sed credo considerari multitudinem peccatorum suorum videt se contra tam gravia peccata solum non posse sufficere, ideo adjutorium totius populi cupit expetere. = Quod idem ex D. Ambrosio lib. 1. de Penit. cap. 16. & lib. 2. cap. 10. colligit Cabassutius in Can. xi. & xii. Concil. Nicæn. idque demum ex Concilio Toletano iv. inferri potest; in quo Canon. 52. statuitur = per publicam poenitentiam, in qua nulla fuerit publica delicti confessio, neminem ab Ordinibus Ecclesiasticis excludi.

Secundum quod emergit dubium est; quamdiū superius descripta de poenitentium classibus vigeret disciplina? Ad quod breviter respondemus, eam illibatam in Ecclesia Orientali permansisse usque ad finem sæculi iv., quo tempore abolitione Presbyteri Poenitentiarum à Nectario facta, antiquæ poenitentia rigorem non parum fuisse remissum agnovimus: & quamquam ad veterum Canonum normam, etiam post Nectarii tempora poenitentia imponeretur, plerumque tamen secreto tantummodo peragebatur, quæ olim palam, & coram omnibus fieri consueverat. Longius autem illa disciplina in Occidentali Ecclesia servata est, pristinumque rigorem retinuit ad finem usque sæculi vii., quo paulatim relaxari cepit. Huic autem apud Latinos innovationi occasionem præbuit Theodorus Episcopus Cantuariensis. Is Græcus fuit Monachus, Tharsi in Cilicia natus, quem cum Vitalianus Papa anno dclxviii. ordinasset Archiepiscopum Cantuariensem, altero ab ordinationis suæ anno eam in insulam pervenit; Ibiq; teste Beda in lib. 4. Histor. Anglorum, obiit anno dclxx. Hoc temporis spatium, quod ab anno dclxx. ad annum dclxx. effluxit, Poenitentialem edidit librum, in quo Græcorum disciplinam imitatus, peccata

cata publica ita ab occultis distinxit, ut quamquam hac privata, illa vero publica poenitentia statuerit curanda, antiquas tamen Stationes, nec non solemnitatem in ea infligenda adhiberi consuetam penitus abrogaverit, firmis relictis iisdem Canonibus quantum ad satisfactionum tempus, & non abumilem omnino rigorem: qui mos apud ceteras Occidentales Ecclesias octavo, nono, & sequentibus Sæculis usque ad duodecimum invaluit.

Ceterum, cum ab ea Canonum censura in poenitentiis salutaribus infligendis in Gallia quidam Presbyteri declinarent, Concilium Cabilonense anno DCCCVIII. celebratum statuit, poenitentialium Canonum rigorem retinendum rejectis quibusdam. Poenitentialibus libris ad animarum perniciem conscriptis. = *Modus poenitentiae*, inquit, *peccata sua confitentibus, aut per antiquorum Canonum institutionem, aut per Sacrarum Scripturarum auctoritatem, aut per Ecclesiasticam consuetudinem imponi debet, repudiatis, ac penitus eliminatis libellis, quos Poenitentiules vocant, quorum sunt certi errores, incerti Auctores, de quibus certo dici potest; mortificabant animas, quae moriuntur, & vivificabant animas, quae non vivebant: qui dum pro peccatis gravioribus levis quosdam, & inusitatos imponunt poenitentiae modos, consunt pulvillos sub omni cubito manus.* = His consentanea sunt tradita per Isaacium Lingonensem Episcopum eorum Canonum collectionem se adornasse testantem (quos Gallorum Antistes cum Sancto Bonifacio Archiepiscopo considerant, sub annum DCCXII. à Zacharia Summo Pontifice confirmatos) ubi ipse Canones ad Poenitentes spectantes ita claudit: *Qualis vero peccatis adhibenda sit medicina, secundum Canonum auctoritatem, & Sanctorum Patrum esse debet institutionem, & non secundum placitum hominum, sed secundum Dei voluntatem; nec in hac parte voluntas, aut gratia hominum sectanda est, sed voluntas Dei in omnibus requirenda; quatenus dignis precibus, & poenitudine digna placare possit Omnipotentis Dei vindictam, quam suo vitio provocavit.* = Ad hujus haecenus disciplinae descriptae complementum, notat Burchardus Vormatienfis Episcopus libro 10. cap. 281. (qui teste Bellarmino de

Scriptoribus Ecclesiasticis floruit circa annum MXXVI.) Hoc Statutum conditum à Concilio Moguntino celebrato anno MXXIII. = *Discretio servanda est inter Poenitentes publice, & absconce.* Nam qui publice peccat, oportet multetur, = & cap. 90. = *Omniis his actis ventilata est ratio poenitentiae, ut Sacerdotes certius intelligerent, quomodo confessiones excipere, & poenitentiam secundum Canonicam Institutionem Poenitentibus deberent indicare.* = Hinc ex Canon. 6. Concilii Romani celebrati sub Gregorio VII. anno MXXIV.prehenditur, falsis fuisse existimatas poenitencias, quae à Sanctorum Patrum regulis deflecterent = *Falsas poenitencias dicimus, quae non secundum auctoritatem Sanctorum Patrum pro qualitate criminum imponuntur.*

Singula autem hujusmodi poenitentiarum genera recensere magnum esset & longum; quia non eadem omnino satisfaciendi lege ubique, vel quovis tempore, pro uno crimine in specie Poenitentes reperimus obstrictos; usitiores tamen erant poenitentiae septem annorum cum quadragena, trium annorum, & quadragena. De prima fit mentio in Cap. *Accepti* de Sponsa duorum = *Accepti illam Uxorem, quam alter sibi desponsatam habuerat, dimitte illam, quia nunquam potest fieri legitima: & quadraginta dies in pane, & aqua (quod carenam vocant) cum septem sequentibus annis poeniteas.* = Et Cap. *Compulsus* 22. *quest. 5.* = *Qui compulsus à Domino sciens perjurat, utique sunt perjuri & Dominus, & Miles. Dominus quia praecepit, miles quia plus Dominum, quam animam dilexit. Si liber est, quadraginta dies in pane & aqua poeniteat, & septem sequentes annos: Si Servus ejusdem, tres quadragenas, & legitimas ferias.* = Prima trium quadagesimarum, de quibus hic occurrit mentio, ante Festum Dominicæ Nativitatis observabatur: Secunda ante Pascha Resurrectionis Domini: Tertia ante Festum S. Joannis Baptistæ. De secundo Poenitentiae genere habetur Sermo in Cap. De illis 11. *quest. 3.* = *De illis Presbyteris, qui tempore Sanctissimi Praedecessoris nostri Nicolai excommunicati Sacrum Mysterium contingere praesumpserunt, ipsi in se damnationis (sicut Sacri Canones statuerunt) sententiam intu-*

intulerunt: tamen quia miseratio Apostolica veniam solet prestare correctis ob multitudinem misericordie, illis hanc Indulgentiam exhibemus, ut Sancta Communione saginati, studeant tribus continuis annis per hebdomadam omni secunda, & quarta, & sexta feriâ a vino, & carne penitus jejungere, & ultra lugenda nequaquam committere. = De tertio fit mentio in Pœnitentiali Theodori = *In tabulis, vel codicibus forte futura non sunt requirenda; aut nullus in Psalterio, vel Evangelio, vel in aliis rebus fortiri presumat; nec divinationes aliquas in aliquibus rebus observare; quod si fecerit, quadraginta dies peniteat.* = Quæ pœnitentia vocabatur pariter *Carena*, quorundam ciborum carentiam significans, illamque Concilius sic dictam putavit, quasi *Caninam*, eo quod ad eam explendam obligati feriis legitimis quadragenæ, pane dumtaxat, & aqua vescerentur. Filesius *De Quadragesima Cap. 4.* = *Carenæ* nomen arbitratu esse vocem corruptam, a Quadragesima derivatam, indeque formatas fuisse voces Populo balbutiente: *Carantena*, *Carena*, & *Canina*; & ita in aliis Pœnitentialibus Romani locis accipitur; ut *Cum 17. & 19. Concilii Selegustad. apud Ivonem par. xv. Decreti.* Quum vero per memoratos Canones, aliosque ejusdem argumenti agitur de pœnitentia, uno vel pluribus annis implenda, hoc ita observabatur. Primo anno jejunium in pane dumtaxat & aquâ cunctis feriis legitimis, nempe IV., VI. & Sabbato cujuslibet hebdomadæ exercebatur; reliquis verò diebus quamquam Pœnitentes jejungere deberent (exceptis diebus Dominicis, Festis Nativitatis, Epiphaniæ Domini, ac tota Paschatis octava) poterant tamen herbis, leguminibus, parvisque piscibus vesci, atque cervisiam bibere. Secundo, trium quadragesimarum feriis legitimis oportebat jejungere, ut de primo anno dictum est, & aliis feriis sextis; verum tamen cæteris diebus, pœnitentibus minime vetitum erat ab herbis, leguminibus, ac pisciculis abstinere; annis autem sequentibus tres tantum Quadragesimæ methodo mox descripta observabantur à Pœnitentibus. Ità Covarruvias *lib. 4. var. cap. 20. n. 18. Solo dist. 19. quest. 2. art. 5., & alii relati à Cencio collect. 9. ad Decretales n. 4.*

Cogebantur quandoque prædictis pœni-

tentis salutaribus obnoxii patriam suam relinquere, & in terram alienam vagari, donec definitum sibi satisfactiois tempus imple-
rent. Ita in Pœnitentiali Bedæ *Cap. 8.* plectitur Clericus ob homicidium ex odio perpetratum. = *Si Clericus* (verba sunt dicti capitis) *homicidium fecerit, & proximum suum occiderit, decem annis pœniteat, exul septem annis pœniteat, si odii meditatio fuit.* = Idem indicit Pœnitentiale Romanum ejusdem criminis reis = *Qui voluntariè Patrem suum, aut Matrem, vel Filium, aut Filiam de Sancto Lavacro, seu Fratrem, seu Sororem in Christo, aut Dominum suum, vel Dominam suam occiderit, quinque annis extra metas ipsius terræ exul fiat; tunc demum quinque annis pœniteat.* Hunc tamen pœnitendi modum non probavit Rabanus Maurus, qui claruit circa annum *deccxlvii.* eo siquidem in terram alienam peregrinandi abusus devenerat, ut non tam pœnitentiæ oneribus satisficeret, quam gula, cæterorumque vitiorum famularetur illecebris; satius igitur existimavit, Criminosos in propriis locis sistentes implere onera, quæ eis fuerant injecta, quam in alias Regiones peregrinari = *Parriediam* (ait in suo Pœnitentiali *Cap. 2.*) *quam sit detestabile crimen in dicto factio inter Cain, & Abel Fratrem suum Dominus ipse ostendit, cum ad Cain Parriediam ait: Maledictus eris super terram, quæ aperuit os suum, & suscepit sanguinem Fratris tui de manu tua. Fructus ejus vagus, & profugus eris super terram, in quo etiam posuit signum: hoc est, ut tremens, & gemens profugus semper viveret, nec auderet jam uspiam sedes habere quietas. Sed quia in modernis temporibus Parriedia profugi discurrunt per diversa loca, & variis vitis, & gula illecebris defervunt, melius mihi videtur, ut in uno loco manentes pœnitentiâ distincta se ipsos castigent, si forte à Domini bonitate Indulgentiam facinoris sui percipere mereantur.*

Ut verò citra propriæ salutis periculum vigiliis aliisque corporis macerationibus commodius publici pœnitentes vacarent, eis etiam non raro injungebatur vitæ Secularis abdicatio, ac in Monasterium secessio. Hoc satisfactionis genere in Pœnitentiali Romano animadvertitur Conjurator in Regem, seu Principem = *Anathema sit, nisi per*

per dignam poenitentiae satisfactionem, emendaverit, sicut constitutum est à Sancta Synodo: id est seculum relinquat, arma deponat, & in Monasterium eat, ut poeniteat omnibus diebus vitae suae = Praclarum huiusmodi satisfactionis exemplum exhibuit Otho 111. Imperator, qui ob eadem Crescentii Senatoris, suadente D. Romualdo Abbate, Roma ad Garganum montem profectus, integræ Quadragesimæ dies in Monasterio reclusus in cilicio, psalmodia, & jejuniis transégit, ut narrat D. Petrus Damiani in vita Sancti Romualdi prælaudati, descripta prius simili poenitentia injuncta Tannio Caesarei exercitus Duci ob idem crimen = *Ipse autem Rex (nempe Otho 111. inquit S. Petrus Damiani laudatus) de eodem crimine Beato Viro confessus, poenitentia causa nudis pedibus de Romana Urbe progrediens, usque ad Garganum montem S. Michaelis perrexit Ecclesiam. Per totam etiam Quadragesimam in Claustris Monasterii Beati Apollinaris paucis sibi adherentibus mansit, ubi jejuniis, & psalmodiæ, prout valebat, intentus, elicio ad carnem indutus, aurata de super purpura tegebatur. Lecto etiam fulgentibus palliis strato, ipse in flore de papiriis confecta, tenera delicati corporis membra terebat.*

Mitius tamen, quam mox observatum est, se gessit Ecclesia in curandis culpis lethalibus minus gravis, adeo ut, ea in foro Sacramentali vindicare, nulla habita ratione ad Canones poenitentiales, Sacerdotum arbitrio relinqueretur; ut etiam Superioribus Ecclesiarum sæculis in usu fuisse testatur Morinus lib. 5. cap. 1. & 2. & cap. 31. his verbis = *Peccata mortalia minus gravia eodem modo curabat Ecclesia, quo nunc universa fere mortalia curare solet; illorum enim peccatorum curatio Sacerdotis erat arbitrio commissa, nec à Canonibus in specie præcepta.* = Quod pariter de venialibus dicendum est, cum nusquam in antiquis Canonibus poenitentialibus reperitur opposita disciplina.

Monitum tamen hic velim Lectorem, Ecclesiarum morem supra descriptum in vindicandis gravioribus excessibus, ineunte Sæculo xii., sensim sine sensu defecisse, adeo ut quamquam Episcopi totis viribus eundem servari, ac retineri curarent, pauci essent,

qui ea onera subire non detrectarent. Porro ut perspicue declararetur, nunquam fuisse Ecclesiarum mentem poenitentiae publicæ censuram penitus abolere, ad eam collapsam instaurandam, sequens edidere decretum Tridentini Patres *Sess. 24. de Reformat. cap. 8. = Apostolus monet publice peccantes palam esse corripiendos; quando igitur ab aliquo publice, & in multorum conspectu crimen commissum fuerit, unde alios scandalo offensos commotosque fuisse non sit dubitandum, huic condignam pro modo culpæ poenitentiam publice injungi oportet, ut quos exemplo suo ad malos mores provocavit, suæ emendationis testimonio ad rectam revocet vitam* = Fecerunt tamen facultatem Episcopis, illam in secretam commutandi, ubi expedire judicarent; ideoque ibi subdunt. = *Episcopus tamen publice hoc poenitentia genus in aliud secretum poterit commutare, quando ita magis judicaverit expedire.*

Quærent hic Pontificii juris Interpretes, num modo possit, ac debeat injungi poenitentia publica in Confessione Sacramentali iis, qui notoriis criminibus conscientiam, famamque suam inquinaverunt: & plerique affirmant, arbitantes, antiquos Canones poenitentiales, quantum ad hoc attinet, fuisse innovatos mox relato Concilii Tridentini Decreto, sublata quacunque consuetudine contraria. Nos vero observandum ducimus cum Fagnano in Cap. *Manifesta de Pœnit. & Remissionib.* quod, cum Sacra Congregatio Concilii id ventilandum sibi proposuisset, aut propositum ventilasset = *An ex Decreto Tridentini Cap. 8. Sess. 24. Poenitentiarum Episcoporum possint, ac debeant publice peccantium publicas poenitentias injungere?* = plerique ex Patribus sub die 22. Martii mdcxiv. visi fuerunt sentire; de jure communi hæsitandum non esse, quin possint, ac debeant Sacerdotes, & maxime Poenitentiarum Episcoporum publice peccantibus publicas poenitentias imponere; valde tamen fuerunt ancipites, num id Concilii decreto caveretur dicto capite octavo; ideoque satius existimarunt à quacunque declaratione abstinere, ut Confessariorum, & Poenitentium quieti magis consulere.

Sub idem fere tempus, quo diximus poenitentia publicæ usum defecisse, abrogatum

tum etiam novius morem injungendi poenitentias privatas ad Canonum Poenitentialium normam in fora Sacramentali, ita ut post Sæculum XI. apud Doctores, atque Poenitentiarios fuerit receptum, satisfactio- nes pro occultis excessibus gravioribus esse omnino arbitrarías. In Poenitentiali Roberti de Flammesburg circa annum MCXXX. exarato, habetur: = *In poenitentis injungendis confidero circumstantias consentis- tis, etatem, conversationem; & secundum quod ego video, sic punio. Si Canonicam non vult recipere poenitentiam, idest à Canonibus institutam, diligenter admoneo, ne animam suam ullo modo le- dat, & promptissimum me offero ad quan- tamlibet poenitentiae alleviationem.* = Vis- ta fuit D. Raymundo de Pennafort, qui ine- unte Sæculo XIII. floruit, hæc discipli- na consuetudine jam comprobata; tametsi quidam Doctores Canonum rigorem acer- nimè propugnarent. = *Non debet* (inquit in Summa) = *Sacerdos à prædicta forma Canonum recedere, nisi propter causam, & in hoc consilii ejus arbitrium, scilicet pro qua, vel pro quibus circumstantiis, & quantum, & quando possit augeri, vel minus poenitentia Canonica. Et hæc est opinio quorundam. Alii verò dicunt indi- stincte omnes poenitentias esse arbitra- rias, & hanc ultimam opinionem vide- tur amplecti consuetudo.*

Ne tamen in poenitentialibus oneribus injungendis, ob disciplinam tunc noviter in- vectam nimium relaxationi indulgerent Sa- cerdotes, hanc observandam proposuit Re- gulam Innocentius III. (qui universalis Ec- clesie regimen obtinuit anno MCXCVII.) tali nempe moderamine injungendam poeniten- tiam librari debere, ut criminum gravitati, Poenitentium dispositioni, aliisque inspectis circumstantiis congrue responderet. Ita re- fertur in Cap. *Deus de panis. & remissionis* = *Ceterum cum poenitentia non tam secun- dum quantitatem excessus, quam poeniten- tis contritionem per discreti Sacerdotis arbitrium sit moderanda, animadverbia personarum qualitate, scilicet Fornicatione, Adulterio, Homicidio, Perjurio, & aliis criminibus, & præsertim novitate Livo- nensis Ecclesie competentem poeniten- tiam delinquentibus imponatis, prout salutis eorum videbitur expedire.* = Idem commendavit Pontifex prælaudatus in

Cap. *Omnis utriusque sexus* titulo ele- exponens quomodo discrete debeat sum- munus obire Sacerdos in Sacramentali judi- cio = *Sacerdos, inquit, sit discretus, & cautus, ut more periti Medici superin- fundat vinum, & oleum vulneribus san- ciati, diligenter inquirens & peccato- ris circumstantias, & peccati, ex quibus prudenter intelligat, quale ei debeat præbere consilium, & cujusmodi reme- dium adhibere, diversi experimentis utendo ad salvandum Aegrotum.* = Ean- dem disciplinam laudavit Tridentinum, fer- vandamque proposuit cunctis Confessariis Sess. 14. cap. 8. his verbis = *Debent ergo Sacerdotes Domini, quantum spiritus & prudentia suggererit, pro qualitate criminum, & poenitentium facultate, salutare, & convenientes satisfactio- nes injungere, ne levissima quedam opera in- jungendo, alienorum peccatorum parti- cipes efficiantur. Habeant autem præ oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem.*

Hic tamen observandum est, quod licet modo Confessarii non teneantur veterum poenitentialium Canonum rigorem am- plecti, eos tamen Canones oportet præ oc-ulis habere, ut discernere valeant criminum gravitatem, eisque congruas satisfactio- nes injungere = *In Irroganda autem satisfactio- nis pena* (monet Catechismus Roma- nus p. 2. cap. 5. n. 79.) = *Sacerdotes, nihil suo arbitratu statuendum esse, sed om- nia, justitia, prudentia, & pietate di- rigenda existimabunt, atque ut hæc re- gula metiri videantur, & poenitentes suorum scelerum gravitatem agnoscant, opera pretium erit eis interitum signifi- care, quæ pena quibusdam delictis ex veterum Canonum præscripto, qui po- nitentiales vocantur, constituta sunt.* Idem pluribus in locis commendat D. Caro- lus Borromæus Ecclesie Mediolanensis Archiepiscopus, & potissimum in Præ- fatione Canon. æst. Eccles. Mediolanens. tom. 1. parte 4. his verbis = *Patres docue- runt, quam necessaria admodum sint Sa- cerdotibus, qui in audiendis poeniten- tium Confessionibus versantur, Canonum poenitentialium scientia; etenim si om- nia,*

ula, quæ ad penitendi modum pertinent, non prudentiæ solum ac pietate, sed iustitia etiam metienda sunt, certe norma hæc a Canonibus penitentialibus famatur, oportet; sunt namque ii quasi regulæ quedam, quibus, tum ad culpæ commissæ gravitatem recte dignoscendam, tum ad imponendam pro illius ratione veram penitentiam, Sacerdotes Confessarii ita diriguntur, ut ubi singula, & quæ ad peccati magnitudinem, & quæ ad penitentis statum, conditionem, etatem, intimumque cordis contriti dolorem pertinent, accurate perpendantur; tum demum penitentiam iudicio, & prudentia sua inoderentur.

Nemo tamen Confessarios audeat redarguere, qui non raro, satisfactiones gravioribus criminibus occultis minime proportionatas injungunt, quia ut docet D. Thomas in *Supplemen. 3. par. quæst. 18. art. 3. in 2. argumen. Sed contra = Potestas Clavium est potestas rationalis, cum habeat discretionem.* = Ad hanc autem attinent penitentium dispositionem expendere, ut eorum salus, non vero deterior infirmitas sequatur; qua mobrem ubi fortassis laboriosam Penitentes enormibus criminibus maculati subire detrectarent, rationi maxime consentaneum erit, si Confessarii ad mitiorem amplectendam eisdem inducant, ac alicui poenæ in Purgatorio luendæ obnoxios relinquant; ne si totam, quæ culparum inspecta qualitate iusta esset, nitantur imponere, satisfactionis acerbitate gravatos in desperationis periculum adducant. Quod perspicue tradit S. Doctor *laudatus quæst. cit. art. 4. in corp. = Poenæ, inquit, satisfactoriæ infligendæ medicinae sunt; sicut medicinae in arte determinatæ non omnibus competunt, sed variandæ sunt secundum arbitrium Medici, non propriam voluntatem sequentis, ita poenæ satisfactoriæ in Canone determinatæ non competunt omnibus, sed variandæ sunt secundum arbitrium Sacerdotis Divino instinctu regulatum. Sicut ergo Medicus aliquando prudenter non dat medicinam ita efficacem, quæ ad morbi curationem sufficiat, ne propter debilitatem naturæ majus periculum oriatur, ita Sacerdos divino instinctu motus, non semper totam poenam, quæ uni peccato debetur, injungit, ne infirmus aliquis ex magnitudine*

poenæ desperet, & à penitentia totaliter recedat.

Quod autem hæcenus de multiformis Ecclesiasticæ disciplinæ ratione in decernendis peccatorum poenitentiis: quodque de mitiori subsequentiū sæculorum præxi innuimus, nemini profecto mirum videatur; tunc enim temporis, seu ad sæculi x1. finem inceptæ sunt sacræ Expeditiones de quibus agemus infra §. 4. contra Saracenos, & Hæreticos, adjecta cunctis eas suscipientibus poenitentiarum canonicarum relaxatione: ideoque plurimi ex Fidelibus poenitentialium Canonum obligationibus mancipati, Summis Pontificibus suadentibus, spe tam largæ relaxationis illecti sacras amplectebantur Expeditiones. Quod sane intellectu percipere arduum non est, inspecta humanæ conditionis indole, quæ potius militiam cum incommodis, vitæque discrimine suscipit, quam poenitentiam duriusculam jejuniorum, aliarumque corporis macerationum: Imo haud dubium est, eo magis in desuetudinem poenitentias canonicas abiisse, quod eo spiritali munere donati sunt ii, quorum ætas, conditio, vel valetudo pondere militari impar esset; dummodo eo mitterent militem propriis sumptibus alendum. Quis enim hujusmodi sumptus ferre non maluisset, quam multorum annorum satisfactionem subire?

§. III.

Ecclesiæ Disciplina in dandis Indulgentiis a tempore Apostolorum usque ad annum Christi DCC.

Poenitentia salutaris remedium tum ad depravatos hominum mores coercendos, tum ad culparum vindictam inflatum, si juxta exactissimum iustitiæ rigorem adhibendum necessario, & semper roret, plurimos fortasse Fideles propter duritiem, atque acerbitatem ejus ab omni prorsus poenitentia suscipienda absterret; ideoque provide non sine superni dispensatione consilii factum est, ut relicta in te ris a Christo Ecclesiæ Sponsæ suæ Clavium potestate poenitentia austeritas Indulgentiarum subsidio leniretur. Quamquam autem non unam eandemque Ecclesiæ in earum concess-

concessionibus servaverit disciplinam, nunc parcius nunc laxius remittendo; eundem tamen spiritum perpetuo retinuit, consulendi scilicet Fidelium utilitati communi-que necessitati, sicut rerum atque temporum vicissitudo postularet. Exemplum ab Ecclesiæ nascentis exordio præbuit Apostolus Paulus, qui Corinthiam quandam, ob Machie crimen, quale nec inter Gentes auditum fuerat, a cæterorum Christi-fidelium consortio ejectum, salutaribusque satisfactionibus correctum ad Ecclesiæ communionem recipiendum decrevit, condonato poenitentiali onere, quod ei supererat persolvendum, ne tardio vitæ affectus desperationis mare tabefceret. = *Sufficit illi inquit in Epist. 2. ad Corinth. cap. 2. qui ejusmodi est, objurgatio hæc quæ sit a pluribus, ita ut e contrario magis donetis & consolemini, ne forte abundantiori tristitia absorbeatur, qui hujusmodi est, propter quod obscuro vos confirmetis in illam charitatem: m. . . Cui autem aliquid donastis, & ego: nam & ego, quod donavi siquid donavi, propter vos in persona Christi, ut non circumveniamur a Satana; non enim ignoramus cogitationes ejus = Porro hanc remissionem fuisse factam media potestate Clavium innuitur tibi = Nam & ego quod donavi propter vos in persona Christi = Et declarat a D. Ambrosio in lib. de Poenitentia, qui hoc textu utitur, ad evincendum contra Novatianos, dari in Ecclesiâ potestatem remittendi peccata = *Quid ergo isti Novatiani, inquit, possunt consortiam tecum habere, qui Claves Regni Cælorum suscipiunt, negantes improbe posse peccata donari, cum Petro dictum sit: Tibi dabo Claves Regni Cælorum, & quæcumque ligaveris super terram, erunt ligata & in Cælis; cum & ipse vas electionis dicat: si cui autem quid donastis, & ego quod donavi propter vos in persona Christi. Cum igitur Paulum legerint, sic eum tam impie arbitrantur errasse, ut juri sibi vindicaverit Domini sui; sed vindicavit acceptum, non usurpavit indubitum.**

Neque audiendus est Joannes Capetius Canonicus Insulensis in tract. de Indulg. cap. 1., de absolutione dumtaxat ab excommunicatione auctoritatem Apostoli laudatam intelligens. = *Verumtamen con-*

textus Apostoli, ait, plane convincit, ut absolutionem a vinculo excommunicationis potius intelligamus, quam Indulgentiam; nam certum est, Apostolum, Corinthium absolvere a vinculo, quo erat ligatus; erat autem ligatus vinculo excommunicationis. An vero hic Incessuosus fuerit etiam absolutus ab omni pena pro peccatis dimissis Deo debita, pro certo non habeo = Quamquam enim Corinthius ille in peccati vindictam Fidelium communionem fuisset privatus, ac proinde in excommunicationem incidisset, qua tunc temporis ad poenitentiam publicam damnati percellebantur, tamen de eo Patres locuti non sunt, quali Excommunicationis censura a cæteris Ecclesiæ membris fuisset præclusus, sed tamquam de reo, qui ad jejunia aliasque corporis macerationes fuisset damnatus = *Quamquam enim* [inquit D. Chrysostomus Homil. 4. in cap. 2. Epist. 2. ad Corinth.] *confessus erat facti poenitentem, nempe Corinthius Fornicarius, tamen ostendit, quod non perinde ex poenitentia, atque ex condonatione consequatur remissionem; eoque dicit: ut condonetis, & consolemini. Idem vero declarat id quod sequitur, non enim, quod dignus sit, neque quod sufficientem exhibuerit poenitentiam, sed quod infirmus, ideo, inquit, dignor illum veniam, unde & adjecit: ne abundantiori tristitia absorbeatur. Qui sermo declarat illius vehementem poenitentiam, quem Paulus non fuisse passus in desperationem venire =* Hinc colligit S. Antistes, quomodo poenitentia debeat regulari = *Quæ ex re docemur, quod non solum ad peccatorum naturam, verum etiam ad mentem habitumque peccantium oportet moderari poenitentiam. Theophylactus patritæ eundem Apostoli locum explicans, inquit =* Pulchre autem dixit donare; ut enim ille non existimet sibi remissam noxam, quia satis confessus sit, & sufficienter poenitentia ductus, attendit quod non tantum ex poenitentia sua, quantum ex illorum gratia & donatione dimissionem recipiat. A D. Chrysostomo, & Theophylacto non dissentit S. Anselmus; exponens enim Apostoli textum laudatum, ita loquitur in ejus persona = *Moneo vos Clementes in eum fieri, sed vos in cordibus vestris condonastis ei, quoniam vidistis eum asper-*

ram egisse penitentiam: & cui vos aliquid donastis, & ego illi condonavi; & vere hoc feci, sicut & vos. Nam & ego, quod illi donavi, ideo condonavi, si quid ei donavi, hoc feci propter vos, quos super eum pie commotos agnovi = Idem tradit D. Ambrosius loco superius citato de Penitentia addens eam penitentiae remissionem Inextinguibilem Corinthio liberaliter factam locum habuisse coram Deo. Quamobrem clarissime constat, nihil in ea D. Pauli condonatione facta Corinthio, ad veram indulgentiae rationem desiderari = Manifestum est [inquit Sanctus Archiepiscopus] quia quod jubet fieri, ipse facit, nec potest hoc abnuere, quod etiam obsecrans, ut fiat, scribit, cum haberet potestatem jubendi neque enim tanta in eis erat, quanta in Apostolo providentia, ut statim intelligerent, faciendum esse, quod dicebat Apostolus in causa hujus duntaxat, ideo obsecrat, ut dimittant illi, significant, Deum illi ignovisse, quia nihil sine spiritu Dei agebat Apostolus: Nam & ego si quid donavi propter vos, in persona Christi. Hoc dicto gravat illos, quia si Magister petentibus discipulis donavit cui voluerunt peccatum, quanto magis obedire debent Discipuli Magistro: & ut ratum ei cui donavit, ostenderet apud Deum, ait: in persona Christi, cujus legationeungebatur, ut factum Apostoli, factum sit Christi, sicut dixit: Quaecumque solveritis super terram, erunt soluta & in Caelo. Si ergo huic, pro quo petierunt, per Apostolum Christus ignovit, quanto magis huic jam ignotum erat, cui ut donent, ipse etiam borsatur?

Aliud Indulgentiarum exemplum elucet in eo, quod ab Evangelista Joanne, qui omnium fere Aetate Ecclesiarum prima penitus fundamenta jecit, & illis etiam sanctissimas disciplinae regulas tradidit observandas, actum est cum Prædonæ quodam adolescente omni flagitiorum genere foedato. Ille enim Joannis Evangeliste inperio [ut refert Eusebius lib. 3. Histor. Ecclesiast. cap. 17.] a quodam Antistite per multum temporis pie in Catholice Religionis Palestra educatus, atque baptismali characteretandem insignitus, cum non tantum ætate quam malitia cre-

visset, abjecto Divinæ legis jugo Dux Prædonum evaserat. Certior autem factus S. Joannes adolescentem sceleribus omnibus naculatum in profundum exitium malorum omnium proruisse, confestim locum adiit, ubi Prado cum sociis iniquitatum infederat, eundemque fugientem insecutus ad publicam penitentiam revocavit, qua nondum expleta Ecclesiasticæ communioni restituit = Oculis primum humi defixis constitit Prado, deinde arma abiecit: tum horrore persusus graviter & acerbè lamentatus est, senem ad se adventantem complexus, fleu & marore, quoad posset, pro culpa satisfecit: & dextera sola occultata, lacrymarum unda secundo baptizatur. Apostolus rata & constans assertatione, ei se a Servatore veniam precibus suis impetraturum pollicetur: atque ad genua accedens, ipsam manum dexteram, tamquam aqua penitentiae ablutam purgatamque osculatus, illum ad Ecclesiam reducit. Crebris item precibus Deum pro illo invocans, continuis jejuniis una cum eo se macerans, variis Divinæ Sapientiae sententiis ejus animam, quasi quibusdam lenociniis mitigat, tranquillatque; nec prius, ut fertur, inde decessit, quam illum Ecclesiæ restituisset = Certum est autem, post brevem penitentiam juvenem illum remissionem peccatorum, seu Indulgentiam, atque Fidelium communionem obtinuisse; testante Clemente Alexandrino, Joannem Evangelistam non prius ab Episcopo discessisse, quem Epheso profectus inviserat, quam illum Ecclesiæ communioni restituisset.

Frequentiora, elapso jam primo sæculo, habemus indulgentiarum monumenta; quandoquidem plurimi, qui ex Christianis cætu a Catholice fidei confessione ferventibus Gentilium Imperatorum persecutionibus desciverant, subiecti publicæ poenitentiae jugo, damnatos pro Christo Martyres ad metalla, vel in Carceribus detritos adibant, Libellos ad Episcopos deferendos humiliter petitori, ut inde pacem obtinerent; quorum votis annuere non dubitabant Episcopi, ut Confessores illos pro Christi fide, vel vinculis mancipatos, vel alio supplicii genere vexatos ad Martyrii consummationem allicerent. Hic tamen ob-

serva,

serva, quod et si Confessoris nomen cui-
cumque nunc temporis post laudabilia
virtutum exercitia pie obeunti congruen-
ter aptetur; olim tamen illis dumtaxat pec-
ciliare fuit, qui nullo poenarum genere
perterriti publicum Christianæ fidei testi-
monium dedissent. Luculenter ac erudite
id ostendit Eminentissimus Lambertinus,
nunc Universalis Ecclesiæ Pontifex, in suo
aureo opere *de Servorum Dei Beatif. &
Beator. Canonizatione lib. p. cap. 2. n. 6.* =
Confessoris nomen, inquit, hodie adscri-
bitur illis, qui Sancta & Laudabili
vita vixerunt, & Sancto demum sine in-
pace quieverunt; unde Egbertus Epi-
scopus Eboracensis in *Excerpt. cap. 28. ait*:
Sancti Patres, quos Confessores nuncu-
pavimus, idest Episcopi, Presbyteri, qui
in castitate servierunt Domino; & Odo
Cluniacensis in *Præfat. ad vitam S. Ge-
raldi*, addit: Cum igitur Confessor a
confitendo vocetur, Geraldus tanto re-
ctius Confessor dici potest, quanto ju-
stioribus factis Deum esse confessus. Non
sic autem olim res se habebat; cum enim
S. Hieronymus titulo Confessoris insigni-
visset S. Ildorum Episcopum Nitrien-
sem in *Ægypto*, idque fuerit animad-
versum a Cardinali Baronio, ipse subdit
in *Notis ad Martyrolog. Roman. ad diem
2. Januarii*: Ne quid lateat, sciendum
est diversâ admodum significatione, a
præsentis temporis usu, hanc vocem a
Majoribus usurpatam; illi enim nemi-
nem illo nomine appellabant, nisi eum,
qui Christi fidem interpellatus, coram
fidei hostibus confessus est: quo circa Con-
fessores olim dicebantur illi, qui Chri-
stum palam, & coram Tyrannis, seu
fidei hostibus confessi, quolibet tormen-
torum, vel pænæ genere affecti, super-
stites tranquillam mortem obibant, ju-
xta illud S. Cypriani, de simplicitate
Praelatorum: Confessio exordium gloriæ
est, non meritum Coronæ, non perficit
laudem sed initiat dignitatem; & pau-
lo inferius: Post Confessionem majus pe-
riculum est, quia plus adversarius pro-
vocatus est; & juxta illud Lactantii de
morbis Persecutorum *Homil. 10.* No-
ties enim tormentis cruciatibusque va-
riis subiectus, novies adversarium glo-
riosa Confessione vicisti. Atque hinc fa-
ctum est, quod in sacra Antiquitate,

aliquando Confessoris nomen veris Mar-
tyribus communicatum est, teste Petro
Galesino in *Notis ad suum Martyrolo-
gium 17. Kal. Februarii*, ubi inquit:
Certum & exploratum est olim nomen
Martyris, & Confessoris promiscuum,
fuisse, præsertim apud multos. Adhe-
ret Franciscus Amatus Pouget in *suis
Catholicis Institutionibus tom. 1. pag. 913.*
Olim Confessores Christi dicebantur &
solum, qui cum testimonium perhibuis-
sent veritati, cum carceris, exilii, rebus
familiaris, suppliciorum, ipsiusque vi-
tæ periculo, non tamen morti traditi
fuerant; Confessores autem dicebantur
propter gloriosam & publicam nominis
Christi Confessionem. Martyres quoque
appellabantur, propter exhibitum veri-
tati testimonium: Et exempla collecta
legi possunt in defensione librorum. Li-
turgicorum Ecclesiæ Romane editorum
a Venerabili Dei Servo Cardinali Jo-
sepho Maria Thomaſio, que sunt in Urbe
exarata a Viro pio & docto; & Typis
Panormitanis impressa anno 1723, ut
videri potest in *cap. 5. §. 3. num. 22.*
& pluribus sequentibus = Porro ea pax a
Lapsis ardentem expetita, & ab Episcopis
medio Confessorum suffragio liberaliter in-
dulta, aliud non erat, quam relaxatio fa-
tisfactionis a Poenitentibus exhibende, nec
non ad Ecclesiæ communionem, ante ex-
pletum poenitentis tempus admissio. De
ea ita meminit Tertullianus *lib. ad Mar-
tyres cap. 2.* = Quam pacem quidam in
Ecclesiâ non habentes a Martyribus in
Carcere exorare consueverunt, & ideo
eam propterea in vobis habere & so-
vere, & custodire debetis, ut si for-
te, & aliis prestare possitis = Hæc ille,
quamquam postea factus Montanista Ec-
clesiæ Catholice vitio vertent, quod in
loco prælaudato commendaverat, ut di-
cemus inferius §. 6.

Hanc disciplinam approbavit S. Dionysius
Alexandrinus, qui ab anno cexxviii. ad
finem usque anni ccxv. illius Urbis Epi-
scopatum gessit, in sua Epistola, qua Ale-
xandrinorum Martyrium describit, apud
Eusebium *lib. 8. Hist. Eccles. cap. 40.*;
ubi ait: = Cæterum hi Divini Martyres,
qui nunc assessores sunt Christi, & Re-
gni illius consortes, dum hic apud nos
essent, quosdam, e fratribus Lapsos, &
ido-

Idoli sacrificasse convictos susceperunt, conversionem illorum & penitentiam cernentes, cum iudicassent eos placere posse illi, qui peccatoris penitentiam mansit, quam mortem, eos admisit & collegerunt, atque in carum suum receperunt, & in orationibus & cibo communicarunt.

Nec S. Dionysii, aut Tertulliani ætate huiusmodi Indulgentias datas tantum reperies, sed etiam antiquiori tempore, ut colligitur ex Epistola Cleri Lugdunensis, aut potius S. Irenei Martyris, qui floruit sub finem II. sæculi, imperante Commodus, recitata ab Eusebio *lib. 5. Ecdes. Hist. cap. 1.*, in qua hæc habentur de Martyribus Lugdunensibus: *«Tunc vero hi Martyres omnium defensionem suscipiebant, neminem accusabant, cunctos absolvebant, neminem ligabant. Hoc enim maximum certamen illis fuit adversus Diabolum ob sinceram ac minime fucatam charitatem, & quos ille malignus serpens vivos se jam devorasse crediderat, elisi faucibus removere cogebatur. Neque enim fastu & arrogantia intumuerunt adversus Lapsos, sed ea, quibus abundabant bona, intelligentibus liberaliter ministrabant, materna quadam misericordie viscera gestantes, magnanque vim lacrynarum pro illorum salute coram Deo Patre fundentes. Vitam petierunt, & largitus est eis Dominus, quam illi Proximis suis communicarant, ubique viatores ad Deum profecti; cumque pacem dilexissent, pacem nobis commendassent, ipsi cum pace migraverunt ad Dominum, non dolorem Matri, non Fratribus dissidium ac bellum, sed gaudium & pacem, & concordiam charitatemque omnibus relinquentes.*

Alienum a veritate non arbitramur Episcopos voluisse, ad Confessorum opem inplorandam Lapsos dirigere, ut ab illis primo veniam peterent, in quos inverecundius deliquerunt; dum summa animi constantia, illis fidei Catholice dogmata confidentibus, isti ultimi supplicii timore perterriti debiti Religioni prestare obsequium improbe detrectassent. Et sane non erat levis poena, turpi negatione maculatus, eorum vultus inspicere Confessionis gloria decoratus; qua via Confessorum

dignitati, ac spirituali Lapsorum utilitati consulabatur.

Ne quid tamen inordinatum in Lapsi venia donandis obereperet, Presbyterorum, ac Diaconorum munus erat, carceres adire, ibique Sanctos Confessores invisere, ac de consueta debitaque forma eos instruere in ponderandis petentium desiderijs, in meritis singulorum criminibusque discernendis; ideoque ad horum observantiam retinendam, ita Martyres hortabatur D. Cyprianus, qui pluries a Gentilibus questus, & ad Leones in circo & Amphiteatro expositus, a Deo iustus secefferat, in Epistola XI. editionis Pamelii & Balutii ad Martyres & Confessores data *«Sollicitudo, inquit, loci nostri & timor Domini compellit fortissimi ac beatissimi Martyres admonere vos literis nostris, ut a quibus tam devote & fortiter fides servatur Domino, ab iisdem lex quoque & disciplina Domini reservetur; nam cum omnes milites Christi custodire oporteat præcepta Imperatoris sui, tum vos magis præceptis eius obtemperare plus convenit, qui exemplum cæteris sacri essetis & virtutis & timoris Dei. Et credideram qui te a Presbyteros & Diaconos, qui illic presentes sunt monere vos & instruere plenissime circa Evangelij legem, sicut in præteritum semper sub Antecessoribus nostris factum est, ut Diaconi ad carcerem commeantes, Martyrum desideria consiliis suis & scripturarum præceptis gubernarent.... Oro vos, quibus possum precibus, ut Evangelij memoretis, & considerantes quæ & qualia in præteritum Antecessores vestri Martyres concesserint, quam solliciti in omnibus fuerint, vos quoque solliciti & caute petentium desideria ponderetis, utpote amici Domini, & cum illo postmodum iudicaturi, inspicatis & actum & opera, & merita singulorum, ipsorum quoque delictorum genera & qualitates cogitatis, ne si quid abrupte & indigne vel a vobis promissum, vel a vobis factum fuerit, apud Gentiles quoque ipsos Ecclesia nostra erubescere incipiat.*

Libelli ad Episcopos dirigendi ita debebant efformari, ut nihil in confuso & generaliter, sed potius singulorum nomina eorum,

eorum, qui venia donandi erant exprimerentur = *Sed & illud* (pergit S. Cyprianus Martyres alloquens in *Epist. laudata*) *ad diligentiam vestram redigere, & emendare debetis, ut nominatim designetis eos, quibus pacem dari desideratis. Audio enim quibusdam sic Libellos fieri, ut dicatur: communicet ille cum suis; quod nunquam a Martyribus factum est, ut incerta petulo invidiam nobis postmodum cumulet. Late enim patet, quando dicitur: communicet ille cum suis, & possunt nobis vicini & tricenii, & amplius offerri, qui Propinqui, & Affines & Liberti, ac Domestici esse assererentur ejus, qui accepit libellum* = In quo plurimum excessisse Lucianum quamquam a Cypriano monitum, testatur idem Sanctus Antistes in *Epist. 23. ad Cler. Rom.* qui post gloriosum S. Fabiani in Deciana persecutione Martyrium, Sede Pontificia vacante biennii spatio, Christiani Gregis toto terrarum Orbe diffusi curam susceperat; eique Cyprianus rationem reddit eorum omnium, quæ in fecessu suo egerat, & disciplinæ & diligentie = *Postquam ad eos, inquit, (Lucianum videlicet, & alios Martyres cum ipso) literas misi, ut quasi moderatius aliquid & temperatius fieret, universorum Confessorum nomine Lucianus Epistolam scripsit, qua pene omne vinculum fidei, & timor Dei, & mandatum Domini, & Evangelii sanctitas & firmitas solueretur. Scripsit enim omnium nomine, universi eos pacem dedisse, & hanc formam per me aliis Episcopis innotescere velle; cujus Epistolæ exemplum, ad vos transmisimus. Additum est plane, de quibus ratio consisteret, quid post commissum egerint. Quæ res majorem nobis constat invidiam, ut nos, cum singulorum causas audire & excutere ceperimus, videamur multis negare, quod se nunc omnes jactant a Martyribus & Confessoribus accepisse.*

Alium insuper in dandis hujusmodi Libellis notavit excessum S. Cyprianus; Lapsi enim pacem atque reconciliationem, citra ullius satisfactionis implendæ obligationem extorquentes, Libellis Martyrum muniti eam sibi dari quocumque postulabant, eadem ratione, quod sialiter fieret, maxima Ecclesiasticæ disciplinæ perturbatio oriretur. Cum enim Idololatæ,

Machi, & Homicidæ poenitentia stadii um percurrere deberent, solentemq; antea Martyres quibusdam personis determinatis, quas majorem injunctæ poenitentia partem implevisse cognoverant, Libellos pacis, si Episcopis ita visum esset, concedere, iidem Lapsi S. Antistitis auctoritate, nedom in Provincialibus Ecclesiis, quin in Primatiali Carthagenensium tumultus excitabant, & præpostere nulla poenitentia ac satisfactione perfuncti sibi pacem, seu Indulgentiam tenerario ausu dari ac debere contendebant: quam nisi obtinerent, Martyres despicere, eisque injuriam irrogari effutiebant; unde prosequitur Sanctus Episcopus in Epistola laudata = *Denique hujus seditionis origo jam cepit. Nam in Provincia nostra per aliquot Civitates in Præpositos impetus multitudinum factus est, & pacem, quam semel cunctis, a Martyribus & Confessoribus datam clamitabant, confestim sibi representari coegerunt, territis & subactis Præpositis suis, qui ad resistendum minus virute animi & robore fidei prævalebant. Apud nos etiam quidam turbulentis, qui vix a nobis in præteritum regebantur, & in nostram presentiam discebantur, per hanc Epistolam, velut quibusdam facibus accensi, plus exardescere, & pacem sibi datam extorquere ceperunt* = Hunc modum dandi veniam a Lapsis expetitum atque intentatum, reprobavit Cyprianus Romanus in *Epist. ad D. Cyprian. data*, quæ est inter Cyprianicas xxxi. ostendens quantum hujusmodi remissiones & animarum salutis & Ecclesiasticæ censuræ nocerent = *Quid enim magis* (sunt verba Epistolæ prælaudatæ) *aut in pace tam aptum, aut in bello persecutionis tam necessarium, quam debitam severitatem Divini vigoris tenere: quam qui remisit, instabili rerum cursu erret, semper necesse est; & huc atque illuc variis & incertis negotiorum tempestatibus dissipetur, & quasi exorto de manibus consiliorum gubernaculo, navim Ecclesiasticæ salutis illidat in scopulos, ut appareat non aliter salutis Ecclesiasticæ consulti posse, nisi si qui & contra ipsum faciunt.... Absit ab Ecclesia Romana vigorem suum tam profana facilitate dimittere, & nervos severitatis eversa fidei majestate dissolvere; & cum adhuc non tantum ja-*



jaceant, sed cadant everforum Fratrū ruina; properata minus remedia communicationum, utique non profutura præsuntur, & nova per misericordiam falsam, vulnera veteribus transgressio- nis vulneribus imprimantur, ut miseris ad everfionem majorem eripiatur & penitentie. Ubi enim poteris Indulgentie medicina procedere, si etiam ipse Medicus intercepta penitentie indulget periculis? tantummodo operis vulnus, nec finit necessaria temporis remedia obducere cicatricem. Hoc non est curare, sed, si dicere verum volumus, occidere.

Non omnibus tamen Lapsis horum tumultuum excitatio imputabatur; plurimi enim, pace eo irregulari modo concessa nequaquam contenti, illam sibi dandam a S. Cypriano enixe postulaverant, penitentie oneribus vacaturi, dum Sancti Antistites re litum expectarent. = *Scripterunt autem mihi* (ait Sanctus Antistes in *Epist. xxvii. ad Lapsos*) *nuper quidam de Lapsis humiles ac mites, & trementes & metucentes Deum, & qui in Ecclesia semper gloriose & granditer operati sunt, & opus suum Domino imputaverunt, scientes illum dixisse: Et cum omnia feceritis, serui supervocamini sumus; quod debuius facere fecimus; Quæ illi cogitantes & quomodo libello a Martyribus accepto, ut tamen a Domino satisfactio sua admitti possit, orantes scripserunt mihi, se delictum suum cognoscere, & penitentiam veram agere, nec ad pacem te aere, aut importune properare, sed expectare præsentiam nostram, dicentes; pacem quoque ipsam, si eam nobis præsentibus acceperint, dulciorem sibi futuram.*

Nec Lapsorum dumtaxat improbos conatus, ac Martyrum iniuriam facilitatem in dandis Libellis improbat S. Cyprianus, sed etiam quorundam Presbyterorum temeritatem; tum quia sollemnis illius penitentiae relaxatione, propria autoritate Lapsos donassent; cum vel ab Episcopis, vel eorum jussu id fieri debuisset: tum quia veteris discipline penitus immemores, nulla prævia satisfactione ac penitentie, eis criminum veniam impendissent = *Audite tamen* (inquit in *Epist. xii. ad Plebem de rescript. Martyr.*) *quosdam de Presbyteris, nec Evangelii memores, nec*

quod ad nos Martyres scripserint cogitantes, nec Episcopo honorem Sacerdotii sui & Cathedra referantes; jam enim Lapsis communicare cepisse, & offerre pr. illis, & Eucharistiam dare, quando oporteat ad hæc per ordinem pervenire. Nam cum in minoribus delictis, quæ non in Dominum committuntur, penitentia agatur iusto tempore, & ex omologesi fiat inspecta vita ejus, qui agit penitentiam, nec ad communicationem venire quis possit, nisi prius illi ab Episcopo, & Clero manus fuerit imposita, quanto magis in his gravissimis delictis caute omnia & moderate secundum disciplinam Domini observare oportet. Hinc S. Cyprianus in *Epist. x. ad Cler. suum*, Presbyteris illis factiosis & ignavis, suspensionem a Divinis aliisque poenas minatus est, si in posterum Lapsis non præmissa satisfactione, se inconsulto indulgerent = *Interim temerarii, inquit, & incauti & tumidi quidam inter vos, qui hominem non cogitant, vel Deum timeant; scientes quoniam si ultra in istam perseveraverint, utar ea administratione, qua me uti Dominus jubet, & interim prohibeantur offerre, acturi & apud nos, & apud Confessores ipsos, & apud plebem universam, causam suam, cum Domino permittente in finem Matris Ecclesie recolligi ceperimus.*

Ad compescendos Lapsorum tumultus in Africa potissimum excitatos, atque ad Ecclesiasticæ discipline rigorem disereta, ac salubri concessione Indulgentiarum retinendum, Clerus Romanus, instante S. Cypriano, decreto provisorio sancivit: Lapsos Martyrum libellis munitos, in supremo vite discrimine constitutos Indulgentiæ recipere largitatem, donec reddita post persecutionem pace, ac Pontifice electo, in unum Episcopum convenirent, eorumque rationes communi consilio disponent. = *Ante Constitutionem Episcopi nihil innovandum putavimus* (sunt verba Cleri Romani scribentis in supralaudata Epistola ad S. Cyprianum) *sed Lapsorum curam mediocriter temperandam esse, credimus; ut interim dum Episcopus dari a Deo nobis suscinetur, in suspensio, eorum, qui moras possunt dilationis sustinere, causa teneatur; Eorum autem, quorum vita sua finem urgens exitus dila-*

*dilationem non potest ferre, alia penitentia, & professa frequenter suorum dejectione factorum, si lacrymis, si gemitibus, si fletibus dolentis ac vere penitentis animi signa prodiderint, cum spes vivendi secundum hominem nulla subsisteret, ita demum caute & sollicitè subveniri, Deo ipso sciente, quid de salubus faciat, & qualiter iudicii sui examinet pondera, nobis tamen anxie curantibus, ut nec pronam nostram improbi homines laudent facilitatem, nec vere Penitentes acculent nostram, quasi duram crudelitatem = Quod subinde ob Decii Imperatoris obitu eliminata persecutione, peremptorio decreto statutum in Africa ab Episcopis in Synodo congregatis, tradit S. Cyprianus in *Epist.* ut. in ordine Antonianum data, gesta inter Cornelium & Novatianum referens, ne ille, qui receptis literis a Novatiano in ejus partes propendere videbatur, a Cornelii communione recederet = Secundum quod tamen antea fuerat destinatum, inquit, persecutione sopita, cum data esset facultas in unum conveniendi, copiosius Episcoporum numerum, quos integros & incolumes fides sua & Domini tutela protexit, in unum convenimus, & scripturis diu ex utraque parte prolati, temperamentum salubri moderatione libravimus, ut nec in totum spes communicationis & pacis Lapsi denegaretur, ne plus desperatione deficerent, & eo quod sibi Ecclesia clauderetur, secuti saeculum gentiliter viverent, nec tamen rursus censura Evangelica solveretur, ut ad communicationem temere, prosilirent; sed traheretur diu penitentia, & rogaretur clementer paterna clementia, & examinarentur causae & voluntates, & necessitates singulorum, secundum quod libello continetur; quem ad te pervenisse confido, ubi singula placitorum capita conscripta sunt = Id insuper Romæ a D. Cornelio, ad D. Petri Cathedram regendam assumpto secundum Annales Cardinalis Baronii anno ccliv. juxta vero alios scriptores anno ccli. confirmatum est, coacto Romæ Concilio, ut testatur S. Cyprianus in *Epistola* mox citata ad Antonianum = *Ac si minus sufficiens, inquit, Episcoporum in Africa numerus videbatur, etiam Romam super hac re**

scripsimus ad Cornelium Collegam nostrum, qui & ipse cum plurimis Coepiscopis habito Concilio, in eandem nobiscum sententiam pari gravitate & salubri moderatione consensit. De quo sibi necesse fuit scribere, ut scias, me nihil leviter egisse, sed secundum quod literis meis fueram ante complexus, omnia ad commune Concilii nostri Consilium distulisse, & neminem quidem ex Lapsis prius communicasse, quando adhuc erat; unde non tantum Indulgentiam sed & coronam Lapsi acciperet.

Hinc habes decretum inter Novatianam impietatem ac quorundam Presbyterorum temeritatem, medium ab Apostolica Sede firmatum esse; cum enim Novatianus Lapsi in Idololatriæ crimen, etiam legitima poenitentia functis, veniam largiri recusarent, atque ab Ecclesia eam dandi potestatem adimerent; e contra Presbyteri quidam incauti indiscriminatim Lapsos nulla poenitentiae actione purgatos ad reconciliationem admitterent; Ecclesia Romana, quæ inter extrema recto tramite, incedere consuevit, contra primum extremum decrevit: iis, qui Idolis sacrificassent, Indulgentiam minime esse perpetuo denegandam; contra secundum vero nempe Presbyterorum quorundam temeritatem, diuturnam a Lapsi peragendam esse poenitentiam voluit, ante quam Indulgentiae munus reciperent.

Non eundem rigorem Ecclesia Romana & Carthaginensis adhiberi erga Libellaticos voluerunt; ii quippe, reddita Ecclesiae tranquillitate, non fuerunt ad diuturnum poenitentiae stadium percurrendum coacti prævie ad Indulgentiam & reconciliationem; = & ideo [inquit S. Cyprianus in eadem *Epist.*] placuit *Frater carissime examinatis causis singulorum, Libellaticos interim admitti* = Illi autem Libellatici dicebantur, qui persecutione adversus Christianos sævientem, ne Idolis sacrificium offerre compellerentur, pecuniam Magistratibus numeraverant, vitæ periculum, atque infamiam redempturi; ideoque Libellos pro se suisque hac arte a Magistratibus obtinuerant, quibus indicabatur, eos Imperatorum vel Tyrannorum legibus paruisse, Idolisque sacrificasse; ut his veluti securitatis præsidii muniti sese a Satellitum furore ac audacia subducerent.

tent. Ratio hujus majoris humanitatis ea potissimum erat, quia Libellatici ut in plurimum, citra Sacrificii detestabilis obligationem fidem Christi dumtaxat proliteri palam erubuerant, ubi Catholice iudei periculum imminerebat; imo quamquam aliqui eorum cruciatuum timore perculli thura Diis obtulissent, gravius tamen Lapsorum facinus censebatur, qui aperta fronte fidei Catholice confessionem abiecerant. = *Nec tu existimes* (pergit D. Cyprianus ubi supra) *sicut quibusdam videtur, Libellaticos cum Sacrificiis equari oportere; quando inter ipsos etiam qui sacrificarunt, & condilio frequentior & causa diversa sit. Neque enim equandi sunt illi, qui ad sacrificium nefandum statim voluntate profecti sunt, & qui reluctatus & congressus diu ad hoc funestum opus necessitate peruenit: ille qui & se & omnes suos prodidit, & qui ipse pro cunctis ad discrimen accedens Uxorem & Liberos, & domum totam periculi sui perfensione protexit. Ille qui inquit non, vel amicos suos ad facinus compulsi & qui Inquilini, & Colonis pepercit; fratres etiam plurimos, qui extorres & profugi recedebant, in sua secta & hospitio recepit, ostendens & offerens Domino multas viventes & incolumes animas, quae pro una saucia deprecantur. Cum ergo inter ipsos, qui sacrificarint, multa sit diversitas, quae inclementia est & quam acerba duritia Libellaticos, qui sacrificaverint jungere? quando is, cui libellus acceptus est, dicat: Ego prius legeram, & Episcopo traicteante cognoveram, non sacrificandum Idolis, nec simulacra Servum Dei adorare debere; & idcirco, ne hoc facerem, quod non licebat, cum occasio libelli fuisset oblata; (quem nec ipsum acciperem, nisi ostensa fuisset occasio) ad Magistratum vel veni, vel alio eunte mandavi, Christianum me esse, sacrificare mihi non licere, ad aras Diaboli me venire non posse, dare me ob hoc premium, ne, quod non licet, faciam.*

Sed ut ad Martyrum Libellos, unde divertimus, revertamur, illud hic potissimum animadvertendum est, eorum Libellorum executionem locum non habuisse, ante quam Martyres, qui Libellos Lapsis tradiderant, glorioso agone pro Christo

occubuissent; unde S. Cyprianus in *Epist. x. ad Clerum* suum data, quorundam factum sugillat, qui Lapsos intempestiva reconciliatione donassent = *Contempta*, ait, *Domini lege & observatione, quam Martyres & Confessores tenendam mandant, ante extinctum persecutionis metum, ante redditum nostrum, ante ipsum poena Martyrum excessum, communicent cum Lapsis & offerant, & Eucharistiam tradant*. Hanc praxim confirmans Celerinus Confessor, pro Candida & Numeria Matronis Poenitentibus ob lapsum in Idololatriam, ad Lucianum Carthagine pro Christo vinculis mancipatum, ita scripsit; ut habetur ex ejus Epistola, inter Cyprianicas *xxi.* = *Rogo & peto per Dominum Jesum Christum, ut Collegis tuis referas, ut quicumque prior vestrum coronatus fuerit, istis Sororibus nostris tale peccatum remittat* = Rursus perfectam habens Paulus Confessor hanc Ecclesiae disciplinam, quae minime hujusmodi literas sinebat expleri ante Martyrii consummationem, noluit eas Poenitentibus praebere, sed post suum agonem dandas Luciano commendavit; ut colligitur ex Luciano Epistola inter Cyprianicas *xxii.* = *Cum benedictus Martyr Paulus in corpore esset, vocavit me, & dixit mihi: Luciane coram Christo dico tibi, ut si quis, post accerfitionem meam abste pacem petierit, des in nomine meo* = Ex quo colliges Catholicam doctrinam de dispensandis Indulgentiis ex Ecclesiae thesauro, etiam ex superabundantibus Sanctorum satisfactionibus cumularo, iis esse consentaneam, quae superioribus saeculis Patres servaverunt, & tradiderunt; quandoquidem putarunt, nemini pacem, seu Poenitentiae canonice remissionem esse conferendam, nisi Sanctorum satisfactionibus perfolutis. Lucianus tamen, qui in Pauli, & Aurelii Confessorum nomine veniam poenitentibus clargiri praesumpserat, S. Cypriani censuram promeruit; quamquam id ejus adscriberetur imperitiae = *Lucianus*, [inquit, Sanctus Antistes in *Epist. xxiii. ad Cler. Rom.*] *circa intellectum Dominicae lectionis, ut dixi, minus peritus, & circa invidiam verecundiae nostrae relinquendam facilitate sua molestus est. Nam cum Dominus dixerit: in nomine Patris, & Filii, & Spiritus Sancti geneti tingi, & in baptis-*

visno preterita peccata dimitti, hic præcepti & legis ignarus, mandat pacem dari, & peccata dimitti in Pauli nomine, & hoc sibi, dicis, ab illo esse mandatum, sicut in literis ejusdem Luciani ad Clerum animadvertitis. Quibus minime consideravit, quod non Martyres Evangelium faciant, sed per Evangelium Martyres fiant = Ea enim postulatio erat maxime suspecta piarumque aurium offensiva, cum posset Martyres veniam pro Lapsis petere, non tamen proprio nomine, vel autoritate conferre. Non dissimilem temeritatem damnavit Apostolus 1. ad Corinth. cap. 1. his verbis = Numquid in nomine Pauli baptizati estis?

Morem reconciliandi Lapsos ante expletam poenitentiam Martyrum precibus ac Libellis inductum usque ad Constantini Magni tempora perdurasse, colliges ex fragmento historię passionis Sanctorum Dativi, Saturnini, Felicis, Ampelii & aliorum, qui sub Anulino Africę Proconsule, grassante Diocletiani persecutione, gloriosam Martyrii palmam promeruerunt, a quodam heretico D. nassita conscriptę, quę extat apud Gabrielem Albatpinzum, ubi his verbis traducitur Mensuris Archiepiscopus Carthagenensis = *Qui combustorum veniam librorum a Martyribus poscere, ac impiorare debueras; ut delicta sua majoribus flagitiis cumularer, eo animo sequebatur in Martyres, quo divinas traderat leges = Anulinus, de quo meminimus, notissimus est in Sanctorum Optati & Augustini scriptis, cui Constantinus Magnus plures dedit literas.*

Ceterum non ob Martyrum preces tantum, sed etiam ob alias causas Lapsi, vel aliis flagitiis oneratis reperies factas ætate D. Cypriani Indulgentias. Trophimo Episcopo, ejusque plebi Idololatricę labe inquinatis, ac subinde ad publicę satisfactionis onera ferenda totò vitę spatio obstrictis, id quod poenitentię supererat, condonavit S. Cornelius Papa. Hujus generalis remissionis causā potissima fuit, quod fere omnis populus poenitentię se jugo subiecisset, atque maternam Ecclesię pietatem crebris gemitibus imploraret. Hęc mirifice illustrat D. Cyprianus in *Epist.* supralaudata ad Antonianum, ab omni prorsus vitio Romanum Pontificem purgans quod ita se gessisset, cum falsò a Novatianis fuisset evulga-

tum, temere & sine causā Trophimum cum sua plebe gratiam reconciliationis plenęque remissionis obtinuisse. = De Trophimo, de quo tibi scribi desiderasti (ait Sanctus Antistes) non ita res est, ut ad te pertulit rumor, & mendacium malignorum. Nam sicut Antecessores nostri scpe fecerunt, colligendis Fratribus nigris carissimis, Frater noster Cornelius necessitati succubuit: & quoniam cum Trophimo pars maxima plebis abscefferat, redeunte nunc ad Ecclesiā Trophimo, & satisfaciente, & poenitentia sepeccationis errorem pristinum consistente, & fraternitatem, quam nuper abstraxerat, cum plena humilitate & satisfactione revocante, audire sunt ejus preces, & in Ecclesiā Donini, non tam Trophimus quam maximus Fratrum numerus, qui cum Trophimo fuerat, admissus est: qui omnes regressuri ad Ecclesiā non essent, nisi cum Trophimo comitante venissent. Tractatu ergo illo cum Collegis plurimis habito, susceptus est Trophimus, pro quo satisfaciebat Fratrum reditus, & restituta multorum salus: sic tamen admissus est Trophimus, ut Laicus communicet, non secundum quod ad te malignorum literę pertulerunt, quasi locum Sacerdotis usurpet = En quomodo propter unitatis Ecclesię bonum tam leniter se gessit S. Cornelius Papa.

Eandem exercuit humanitatem erga Lapsos S. Cyprianus, nova Gallieni contra Christianos recrudescente persecutione, non expectata alia poenitentię canonice exhibitione: censuitque Decretum in causā Lapsorum, de quo supra mentionem fecimus, pro naturaliter obeuntibus latum, ad violenter morituros esse extendendum; ut certamen pro Christi fide suscepturi ad Sacramentorum participationem recepti, eorumque virtute roborati, alacrius in arenam contra Christiani nominis adversarios proflirent, atque hujus vitę cursum gloriosè ac feliciter consummarent = Merito (inquit D. Cyprianus in *Epist.* l. IV. in ordine, ad S. Cornel. laudatum data = *trabebatur dolentium poenitentia tempore longiori, ut infirmis in exitu subveniretur quando quies & tranquillitas aderat, quę disferre diu plangentium lacrymas & subvenire ferro morientibus in infirmitate pateretur. At vero nunc non infirmis sed*

sed fortibus pax necessaria est, nec morientibus, sed viventibus communicatio a nobis danda est, ut quos excitamus & hortamur ad prælum, non inermes & nudos relinquamus, sed protectione Corporis & Sanguinis Christi muniamus: & cum ad hoc fiat Eucharistia, ut possit accipientibus esse tutela, quos tutos esse contra Adversarium volumus, munimento Dominica saturitatis armemus. Nam quo modo docemus, aut provocamus eos, in Confessione nominis sanguinem suum fundere, si eis militaturis Christi Sanguinem denegamus? aut quo modo ad Martyrii poculum idoneos facimus, si non eos prius ad bibendum in Ecclesia poculum Domini jure communicationis admittimus? Intereffe debet Frater carissime inter eos, qui vel apostataverunt & ad seculum, cui renunciaverant reversi gentilliter vivunt, vel ad Hæreticos transfuge facti contra Ecclesiam patricidialia quotidie arma suscipiunt: & inter eos, qui ab Ecclesie limine non recedentes & implorantes jugiter ac dolenter Divina & paterna solatia, nunc se ad pugnam paratos esse, & pro Domini sui nomine, ac pro sua salute stare fortiter & pugnare protestemur. Hoc in tempore pacem nos non dormientibus, sed vigilantibus damus: pacem non delictis, sed armis damus: pacem non ad quietem, sed ad aciem damus: Si secundum quod eos audimus, & optamus & credimus fortiter steterunt, & adversarium nobiscum in congressione prostraverint. Non panisem pacem concessisse tam fortibus, imo Episcopatus nostri honor, gradus & gloria est, pacem dedisse Martyribus, ut Sacerdotes qui sacrificia Dei quotidie celebramus, hostias Deo & viclinas præparemus.

Aliud prædictæ disciplinæ exemplum dedit S. Cornelius Papa absolutionis beneficium a poenitentia publica impendens Maximo, Urbano, Sydonio, & Macario, qui etsi aliquando præclaræ Confessionis Christianæ fidei argumenta dediderunt, tamen postea ad Schismata Novatiano conflatum defecerant. = In Presbyterium venerunt (ait D. Cornelius in Epist. ad S. Cyprian. inter Cyprianicas xlvi.) Maximus, Urbanus, Sydonius, & Macarius & plerique Fratres, qui se eis adjunxerant, summis precibus desiderantes ut

ea, quæ ante fuerant gesta, in oblivionem cederent, nullaque eorum mentio haberetur, proinde atque si nihil esset, vel commissum, vel dictum invicem omnibus remissi, cor mundum & purum jam Deo exhiberent una vox eras omnium gratias Deo agentium gaudium pectoris lacrymis exprimentium, completentes eos, quasi hodie pena carceris fuissent liberati. Et ut ipsorum propria verba designem: Nos, inquit, Cornelium Episcopum Sanctissimæ Catholicæ Ecclesiæ electum a Deo omnipotente, & Christo Domino nostro, scimus: Nos errorem nostrum confitemur: nos impossitum passi sumus: circumventi sumus perfidia & loquacitate fastidiosa. Nam etsi videbamur, quandam communicationem cum schismatico, & hæretico homine habuisse, sincera tamen mens nostra semper a fuit; nec enim ignoramus unum Deum esse, unum Christum esse Dominum, quem confissi sumus, unum Spiritum Sanctum, unum Episcopum in Catholica Ecclesia esse debere. Ista eorum professione non moveamur? ut quod ante potestatem seculi erant confessi, in Ecclesia constituti comprobarent: Quapropter Maximum Presbyterum locum suum agnoscere iussimus: ceteros cum ingenti populi suffragio recepit. = Quod laudabiliter factum fuisse, his verbis declarat. S. Cyprianus in Epist. xlvii. ad Cornel. data = Merito illos revertentes (nempe Maximum, Urbanum, Sydonium, & Macarium) summo, ut scribitis, gaudio & Clerus & Plebs, & Fraternalitas at omnis excepit, quoniam in Confessoribus gloriam suam conservantibus & ad unitatem revertentibus, nemo non socium se & participem eorum gloriæ computat. Hujus diei letitiam de nostris possumus sensibus æstimare; nam cum istic ad litteras vestras, quas de eorum Confessione misistis, letatus sit omnis Fratrum numerus, & summa alacritate hunc nuntium communis gratulationis excepit; quid illis, ubi res ipsa & præsentis letitia sub oculis omnium gerebatur? Cum enim Dominus in Evangelio suo dicat: esse summum gaudium in Cælo super uno peccatore poenitentiam agente; quanto majus est gaudium, & in terris pariter & in Cælo super Confessoribus ad Ecclesiam

fiam Dei cum gloria sua & cum laude redeuntibus, & redeundi viam cæteris exempli sui fide & probatione facientibus? Hic enim quosdam Fratres nostros error induxerat, quod sibi communicationem sequi viderentur; quo errore sublato, lux omnium pectoribus infusa est, & Ecclesia Catholica una esse, nec scindendi, nec dividi posse monstrata est. Nec quisquam jam facile poteris Schismatici furentis verbis loquacibus decipi; quando probatum sit, bonos & gloriosos Christi milites non potuisse diu aliena fallacia vel perfidia extra Ecclesiam destineri.

Ad maiorem hujus rei evidentiam & illustrationem observare minime pigeat, varia remissionum similium monumenta; ut evidentissime demonstraretur, a Patribus & Conciliis posterioribus sæculis, eandem, quæ antiquitus observata fuit, disciplinam fuisse retentam. Concilium Eliberitanum, congregatum non ante Novatiani Hæresim ac Decii persecutionem, idest ante annum ccc. ut arbitratrur Joannes Morinus lib. 19. de Administrat. Sacram. Penitent. cap. 19. aut anno cccv. Constantio & Galerio imperantibus, ut scribit Baronius in tom. 2. Annal. Ecclesiastic., sed imminente Diocletiani & Maximiani persecutione circa annum ccc.1., ut ostendit Natalis Alexander in tom. 4. Hist. Ecclesiastic. Dissert. 21. prop. 3. decernit, elapso triennio Diaconis quibuldam sponte crimen suum confitentibus residuum poenitentiae relaxandum can. lxxvi. = Si quis Diaconus se permisit orlinari, & postea in crimine mortis fuerit detectus, quod aliquando commiserit, si sponte fuerit confessus, placuit cum, acta legitima poenitentia post triennium accipere communionem. Quod si alius eum detexit, post quinquennium acta poenitentia, accipere communionem laicam debere. Mandat Concilium Ancyranum celebratum anno cccxiv. inspicere Poenitentium conversationem, & quo servare & qua devotione eos pollere noverint Episcopi, indulget fieri ab iniunctis satisfactionibus relaxationem = Quosquos autem (sunt verba Canonis v.) ascenderunt in Templum cum veste lugubri, & recumbentes inter alios manducaverunt Fientes, si compleverint poenitentiam triennii tem-

poris, sine oblatione suscipiantur ad communionem, idest ut ipsi oblationem offerant. Si autem perducti ad Templum manducaverunt, triennio maneat in poenitentia, tertio vero anno communicent sed sine oblatione, ut dictum est: in quarto perfuctionem suam recipiant. Episcopum autem hanc habere licentiam oportet, ut perspecta singulorum conversatione, normam regulamque conversationis attribuat, idest humanius agent secundum vite modum, tempus alicui poenitentia brevior, aut etiam prolixius quod correctione necessarium viderit, addat. Discutiat autem omnium horum & præcedens visa & posterior, & ita circa eos Sacerdotalis se humanitas moderetur = Quod confirmat can. xxi.1. descripta prius poenitentia a quibuldam Criminosis implenda = Modus autem hujus poenitentiae in Episcoporum sit arbitrio, & secundum conversationem Poenitentium, possint & extendere tardantibus, & minuire studiose festinantibus. Cohæret Concilium Eliberitano & Ancyranum Nicæna Synodus celebrata anno ccccxv. pro iis, qui tempore persecutionis, imperante Licinio excitati, a fide Christi defeecerant. = De iis: (sunt verba Canon. 11.) qui propter necessitatem prævaricati sunt, aut propter abolitionem facultatum, aut propter periculum, aut aliquid hujusmodi, quod factum est sub tyrannide Licinii, placuit Sanctæ Synodo, licet indigni sint, misericordia tamen aliquid circa eos humanius ostendi = Idem heri voluit Canon. xxi. iis, qui a superioris vite flagitiis resipiscentiam demonstraverant, novæque conversationis & poenitentiae ordinem præscriptum inchoare minime dubitaverant = In his omnibus propositum & speciem poenitentiae oportet explorare: Quosquos enim metu & lacrymis, atque poenitentia, vel bonis operibus rebus ipsi conversionem suam, non simulatione demonstrant, si demum tempus Auditionis implentes, tum demum in oratione communicent; postmodum vero licebit Episcopo de iis aliquid humanius cogitare = Nicænum ergo Concilium permittit Episcopis, intra Auditionem Poenitentibus durissimum Substrationis gradum relaxare, eosque ad Constitutionem transmittere, imo de illis etiam aliquid humanius cogitare,

ideſt tempus ibi infumendum abbreviare. Canon hic longe D. Cypriani decreto clementior; illud enim ſolu n ſatiſfactioni proximus Indulgentia donavit. Eandem voluit exerceri humanitatem Laodiceſia Synodus. = *Eos, qui in diverſis Lapſu peccant* = [ſunt verba Canon. 11.] & *in Oratione Confuſionis, & poenitentia perſeverant, & ſe a malis perſeſe converſunt, tempore poenitentia juxta proportionem delicti dato, propter Dei miſerationes & bonitatem ad communionem adducere oportet* =. Obſerva hic non fuiſſe hanc Synodum celebratam ante Concilium Nicænum, ut volunt Baronius tom. 4. *Annallum in Append. & Binius*, ſed poſt illud; cum in ea fiat mentio Photiniane Hæreſeos, quam circa Sirmiſienſis duxat Concilii tempus emerſiſſe compertum eſt, nempe anno ccc. i. Quod ſi S. Epiphanius affirmet *heret. lxxi.* Photinum in Sardieſiſ jam antea fuiſſe damnatum = *memoria Lapſus eſt* (ut inquit Natalis Alexander *to. 4. hiſt. Eccl. cap. 3. artic. 8.*) = *ac Sardieſenſem pro Sirmiſienſi uſurpavit* = Approbatur D. Buſſius in *Epist.* ad Amphilo-chium Iconii in Lycaonia Epiſcopum data anno ccc. xxiv. prudenti Prælatorum arbitrio demandatum, poenitentiaſ Canonicaſ, ſecundum quod circumſtantiaſ poſtularent, vel minui, vel augeri hiſ verbis = *Eſt autem tue prudentia, pro circumſtantiaſ proprietate, penas intendere, vel remittere* = Quæ ductuſ authoritate Carthophylax ita ſentit religioſam Canonum Cenſuram univerſum retinendam, ut inſpecta temporum morumque qualitate, diſpenſatio ſeu Indulgentia adhibeatur. = *Adherendum eſt*, inquit, *lit quæ Synodice promulgata & confirmata ſunt. Deinde ex perſonarum & temporum, morumque qualitate diſpenſatio ſacienda, magno permittente Buſſio* = Conſentit D. Buſſio S. Gregorius Nyſſenus ejus Frater in *Epist.* ad Letojum Myſſienſem Epiſcopum data, ubi deſcriptiſ poenitentiaſ gradibus, a quibuſdam publiciſ peccatori-bus percurrendis, ſubdit = *Eadem erit obſervatio ab eo, qui Eccleſiam adminiſtrat & pro ratione converſionis illi quoque tempus contrahatur, adeo ut novem annis in unoquoque gradu vel oſto, vel ſeptem, vel ſex, imo etiam q̄ ſingule tantum anni ponantur, ſi poenitentiaſ ma-*

gnitudo tempus vineat, & ſuperet cor-reptionis fluxus eoſ, qui in longo tempore preſtitutoſ, ſuſceptoſ a ſemaculoſ ſe-gniter eluunt .

Falſo tamen hanc adſcribi Epistolam Nyſſeno affirmant Scultetus in *Medulla Pa-trum*, & Rivetus *lib. 3. Crit. Sacr. cap. 24.* tum ob ſtylum, qui diverſus ab aliis operi-buſ ejuſdem reperiur, tum propter poeni-tentiaſ formam, eo vivente ſatiſ ſeveram, neque ita diſtincte obſervatam; uti tradit Author hujus Epistolæ, qui dum non raro veterum Patrum ſtatuta commemorat, ſe Græculum Authorem oſtendit, ſub emen-tito nomine Nyſſeni. Hiſ vero pſeudocri-ticorum ratiociniis Græcoſ Patreſ in Trul-lana Synodo congregatoſ oppoſuim, qui ut mox videbim, Nyſſeni Canoneſ hu-jus Epistolæ comprobarunt, & Zonaram qui ſuiſ commentariſ eoſ illuſtravit. Nec ali-quod faciſſet negotium ea diverſitaſ ſtyli; cum hic aliſ in Epistolis, ac in libriſ Po-lemicis, & Orationibuſ adhibeatur; quam-vis & venuſtaſ orationiſ, & ſplendor jucu-nditate mixtuſ, qui ſtyli ipſiſ character eſt (ut obſervat Photiuſ) in hac Epistolâ non deſit. Nemo inſuper non novit, eam poeni-tentiaſ canonicaſ impoſitionem maxime Nyſſeni atati congruere, hanc conferens Epistola cum alia D. Buſſyli ad Amphilo-chium. Nec mirum eſt, S. Antiſtem ve-terum Patrum meminſſe, cum pluſimî Epiſcopi & Doctoreſ, qui quatuor ſæculo-rum ſpatio floruerunt eo titulo merito de-corari potuerint. Et ſane eorundem men-tio ſub iſſdem nominibuſ in Epistola mox laudata D. Buſſyli, ac Canonibuſ Concilii Nicæni non raro occurrit, dum legeſ, ac regulaſ commendaſtur.

Idem quod Nyſſenus decrevit Concilium Aurelianenſe iv. celebratum anno dxi. Can. viii. = *De hiſ, qui poſt Baptiſmi Sa-cramentum, ad heretiſ Laſſum deſcendunt, in Epiſcoporum poteſtaſ conſtat, cum eoſ viderint dignam poenitentiam agere, quando, vel qualiter communioni priſtinaſ reſtoremur* = & Can. xvii = *Quiſquî Homideidum commiſerit, pro modo poenitentiaſ diſtinguendû, in Sa-cerdotiſ poteſtaſte conſiſtat* = Longam an-norum ſeriem poenitentiaſ, juxta veteres Canoneſ obſervandam ab iſi, qui Sacro Baptiſmatis lavacro regenerati, hæretica ſe labe cinguinaverant Concilium Epao-nenſe

uense sub initium sæculi vi. nempe anno dxxvii. celebratum cura & pietate Sigismundi Regis Burgundie, ad duos annos restringit, residuum poenitentie relaxando sub onere jejunandi atque Ecclesiani frequenter adueniendi = *Lapsu* (verba sunt *Can. xxix.*) idest illi, qui in Catholica Ecclesia baptizati pravaricatione damnabili post in heresim transierunt, grandem redeundi difficultatem sanxerit antiquitas. Quibus nos annorum multitudine brevata, poenitentiam biennii conditione infrascriptæ observationis imponimus, ut prescripto biennio, tertia die sine relaxatione jejurent, & Ecclesiam studeant frequentare in poenitentiam, locum standi & orandi humilitatem noverint observandam, ac etiam si ipsi, quomodo Catechumeni procedere conveniunt, abscendant. Hoc si observare voluerint constituto tempore, admittentur ad Altarium, & observatio relaxetur = Hanc tandem disciplinam Conciliorum, ac Patrum autoritatibus expensis, ratam habuerunt Patres Concilii Trullani, congregati anno dxc. eandemque observari mandarunt *can. 11.* = *Firmi maneant Apostolorum Canonis Patrum, qui Nicæ, Ancyre, Neocesareæ, Gangris, Antiochie, Laodiceæ, Constantinopoli, Ephesi, Calcedone, Sardis, & Carthagine conveniunt: quin etiam Canonis Dionysii Alexandrini, Petri Alexandrini, Gregorii Thaumaturgi, Athanasii, Alexandri, Basilii, Gregorii Nysseni: & nulli licere prædictos Canones adulterare* = & mox = *Oportet autem eos, qui solvendi & ligandi potestatem a Deo accepere, peccati qualitatem considerare & ejus, qui peccavit ad conversionem promptum studium, & sic morbo convenientem asserre medicinam. . . . omnem enim rationem imit Deum, isque, cui pastoralis traditus est principatus, ut errantem ovem reducat, & ei, quod est a Serpente vulneratum, medeatur: & neque per desperationis precipitia impellas, nec ad vitæ desperationem & contemptum fræna relaxes: sed una quidem omnino ratione, sive per acriora, & adstringentia, sive per molliora & leviora medicamina affectioni resistat, & ad ulceris odulationem annitatur, fructus poenitentiae examinant, & sapienter dispensant, &*

gubernans hominem, qui ad superiorem illuminationem vocatur.

§. I V.

Indulgentiæ ab anno Christi dcc. usque ad exitum sæculi xi. concessæ.

ALIA via post sæculum septimum poenitentiarum Canonum rigor temperari cepit; cum enim ob quædam iterata crimina Lethalia, quorum causa plurimum annorum poenitentia injungebatur, quandoque homines desperare contingeret eo onere prægravatos, & interdum nec hominis ætas sufficeret, ad eluenda per poenitentiam a Canonibus præscriptum commissæ peccata, data est facultas Poenitentibus redimendi elemosynis, jejuniis, flagellationibus aliisque pietatis, ac religionis officiiis duriores labores in longius tempus protrahendos, ne quis ex hac vita Dei & Ecclesiæ debitor decederet, scietumque est, ut Poenitens breviori temporis compendio ea satisfaceret, quæ plurimorum annorum termino persolvere tenebatur. Meminit de hac Redemptione Burchardus in suo Poenitentiali = *Quisquis non potest sic agere poenitentiam, ut superius diximus, faciat sic; si tres annos continuos jejunare debet, & jejunare non potest, in primo anno erogat in elemosynam solidos vigintisex, in secundo anno solidos viginti, in tertio solidos decem & octo; possentes autem homines plus dare debent.*

Rei novitatem longe ante Burchardi tempora elemosynis inductam, seu potius novæ remissionis abusum, qui in Britannicis Insulis invaluerat, minime approbarunt Patres Concilii Cloveshorienis 11. celebrati anno dcccxvii. præside Cutberto Archiepiscopo Cantuariensi *Can. vii.* ubi de vero elemosynarum fine pertractant, ne ad nova perpetranda flagitia foret illucium = *Nova adjuventio, inquit, periculosa consuetudo, & non ad hoc sine dubio danda, nempe elemosynæ] ut quilibet vel minima saltem peccata eo licentius culpam agere liceat, quo vel ipse, vel alius pro eo elemosynas faciat. . . . Non sit quogue elemosyna illius ad hoc data esurienti, ut se ipsum commensationibus,*

nibus, ebrietatibus illicitis supra modum ingurgitet; ne per hoc quod venalem Dei iustitiam ponat, ab eodem, non solum acris, sed citius juxta merita illius judicetur. Postremo igitur sicut nova adinventio juxta placitum propria voluntatis suae, nunc plurimis periculosa consuetudo est. Non fit elemosyna porrecta ad minuendam, vel mutandam satisfactionem per jejunium, & reliqua expiationis opera a Sacerdote Dei pro suis criminibus jure canonico indictam, sed magis ad augmentandum emendationem suam. . . . Bonum est elemosynas quotidie dare, sed pro his non est abstinentia remittenda. Non est jejunium impositum semel juxta Ecclesiae regulam, siue qua non remittuntur ulla peccata, relaxandum, sed peccatorum n. Redarguunt postea Patres dicti Concilii quorundam divitum excessum, qui parce jejunando, crebris aliorum jejniis, ac laboribus poenitentiae canonicas redimere posse arbitrabantur. = De hoc prolixius ideo disputandum est, quia nuper quidam dives secundum hoc seculum petens reconciliationem pro magno quodam facinore suo citius sibi dari, affirmans in suis literis idem nefas juxta multorum promissa instantum esse explatam, ut fidei incepti vivere possit, trecentorum annorum pro eo plene jejunium satisfactionum modis, per aliorum scilicet psalmodiam, & jejunium, & elemosynas persolutum esset, excepto illius jejunio, & quamvis ipse utrumque, vel parum jejunaret. Ergo si ita placari potest per alios Divina iustitia, cur divites, o stulti promissores, qui pro suis flagitiis aliorum innumera, suis possunt praemissis jejunia redimere, difficiliter voce veritatis, regnum intrare Caelorum, quam per foramen acus Camelum transire, dicuntur?

Verum ut iustis causis occurrentibus humanae fragilitati svaviori remedio consulatur, ac aliqua poenitentiarum canonice vigeret auctoritatis; satius existimantur postea Episcopi & Concilia morem illum recipere, suaeque auctoritate firmare. Hinc facile deprehendes, hujusmodi Redemptiones non fuisse meras mutationes onerum poenentialium, quae a Canonibus injuncta fuissent, in alia pia opera, sed veras Indulgentias; siquidem cum illae non

possent gravissimis poenentialium Canonum oneribus omnino commensurari, dabatur locus relaxationibus eorundem, ab Episcopis media Clavium potestate facientis: ac proinde, qui Redemptionem beneficio gaudebant, vera & propria Indulgentia donabantur, sicut superius dictum est de Lapsis ad pacem atque communionem receptis ob preces Confessorum, ac de aliis, de quibus Canones memorati tum Conciliorum, tum Sanctorum Basilii Magni & Gregorii Nysseni locuti sunt.

Consona ad hanc disciplinam usque ad saeculum xiiii. in Ecclesia retentam, putarunt Patres Concilii Triburiensis I. celebrati anno mcccxxxv. in praedio, vel in longo itinere, aut in infirmate constitutis aliquid de jejunio ab Homicidis feriis legitimis implendo, detrahendum, ideoque Can. lvi. habetur = *Et nisi vel in hoste, aut in aliquo magno sit itinere, vel longe, vel diu ad Dominicam Curtem, vel si in infirmitate detentus sit, tunc licitum sit ei, tertiam sariam, & quintam atque Sabbatum redimere uno denario, vel pretio denarii, sive tres pauperes pro nomine Domini pascendo: ita dimittat ut vel carne, vel vino, vel medone; id est de tribus una re utatur, non omnibus vescatur. Postquam autem de itinere domum revertatur, aut de infirmitate liberetur, praedictas ferias non redimat, sed statuto modo panisat.*

Huc spectat statutum Patrum Concilii Rhemenensis, celebrati anno mcccxxxiii. pro militaribus copiis, quae bello Suefionico, inter Carolum & Robertum Reges excitato interfuere, damnatis ad percutiendum spatium poenitentiae trium annorum: *Ut tribus quadragesimis per tres annos agant poenitentiam: ita ut prima quadragesima sint extra Ecclesiam, & reconcilientur. Omnibus vero his quadragesimis, secunda, quarta & sexta feria in pane & sale & aqua abstineant, aut redimant: similiter quindecim diebus ante Nativitatem Salvatoris; omni quoque sexta feria per totum annum, nisi redemerit, aut festivitas celebris ipsa die acciderit, vel cum infirmitate, sive militia detentum esse contigerit.* Fufius pariter in suis Capitularibus excerptis talem potestatem proposuit Iſacius Episcopus Lingonensis tit. 1. cap. 1. = *Nullus Presbyter,*

byter, aut Laicus Penitentem cogat vinum bibere, aut carnem manducare, nisi ad præsentem pro ipso unum, aut duos denarios iuxta qualitatem penitentia dederit.

Ne vero per eleemosynarum largitionem, aut cibum pauperibus præstitum, iis dumtaxat provifum eſſet, qui ingenti copia divitiarum affluerent, egenis, hiſce ſpiritalibus remediis ob facultatum inopiam, deſtitutis, alia adinventæ ſunt remedia, quibus ad omnes Redemptionis beneficiũ extendere, ut conſtat ex *Penitentiali* relato in *Collect. Anglicana ad annum cmlxvii.* ſub titulo de ſatisfactione num. 18. & 19. = *Quisquis poterit unius diei jejunium unico denario redimere; poteſt etiam unusquique unius diei jejunium 220. pſalmis redimere: poteſt etiam unusquique, unius duodecim menſium jejunium triginta ſolidis redimere, vel unum aliquem liberando tantũ eſtimatum: & pro unius diei jejunio decantet vir ille ſenis vicibus Pater noſter: & pro unius diei jejunio genuſcietas homo ille, & ad terram ſe inclinet ſexaginta vicibus dicens Pater noſter. Poſſit quis etiam unius diei jejunium abſolvere, ſi in oratione ſemetipſum per omnia membra ſua Deo extendat vera contritione & fide reſta, & quindecim vicibus Pater noſter, jam tunc conceditur illi totius diei peccatorum allevatio; ſeptenne jejunium poteſt quis in anno abſolvere, ſiquotidie cantaverit Pſalterii pſalmos iſdem nocte, & quinquaginta Veſpere; unica etiam miſſa poteſt quis abſolvere duodecim dierum jejunium, & cum decem miſſis eximitur quatuor menſium jejunium, & cum triginta miſſis poteſt quis eximere totum anni jejunium; ſi volueris vero Dei amore pro ſe ipſo intercedere, & peccata ſua conſiteri Confeſſario. Ad majorem huic rei claritatem conciliandam non erit inutile adducere quod habetur in *Decreto Burchardi lib. 12.* = Pro uno die, quem in pane & aqua jejunare debet, quinquaginta pſalmos in Eccleſia, ſi ſeri poteſt, decantet; ſin autem in loco convenienti eadem faciat, & eo die, excepto vino & carne, & ſanguine, quidquid velit comedat.*

Plura ſuper huiusmodi Redemptionibus obſervatu digna reperies apud Joannem Mo-

rinum de *Penitentia lib. 12. cap. 17.* ex quibus colligi poteſt conceſſas quidem Redemptiones ejuſmodi fuiſſe, ſequentibus ſervatis modificationibus, ſaltem in nonnullis regionibus. Primo ut vix, aut nuſquam daretur redimi poenitentia canonica anno primo. Raro anno ſecundo & tertio. Deinde ut vix indulgeretur in tribus Quadrageſimis, nuſquam vero in Quadrageſima Paſchatis feſtum immediate præcedente. Haſ obſervationes probat citatus Morinus ex antiqua Canonum collectione manuſcripta Abbatis Reginonis juffu Batodi Eccleſia Trevirenſis Epifcopi, circa medium ſeculi x. edita, in qua *lib. 2. cap. 44. & ſequent.* hæc habentur = *Si quis forte non potuerit jejunare, & habuerit unde poſſit redimere, ſi divet fuerit pro ſeptem hebdomadibus det ſolidos viginti. Si non habuerit tantum unde dare poſſit, det ſolidos decem; ſi autem multum pauper fuerit det ſolidos tres Pro uno menſe, quod in pane, & aqua penitere debet, pſalmos decantet mille ducentos genuflexo, & ſi non genuflexo 1680., & omni die ſituls, & abſtinere non poteſt, reſiciat ad ſextam, niſi feria quarta, & ſexta jejunet uſque ad nonam: Carnem & vinum non ſumat, pro una hebdomada pſalmos genuſcietando decantet, aut in uno loco per ordinem pſallat. Qui vero pſalmos non novit & jejunare non poterit pro uno anno, quem jejunare debet in pane & aqua det in eleemoſyna 26. ſolidos; & in unaquaque hebdomada diem unum jejunet uſque ad nonam: Ideſt ſeriam quartam & alium, ideſt ſeriam ſextam uſque ad veſperum; & tres quadrageſimas quantum ſumit, penſet, & medietatem tribuat in eleemoſyna. Primo anno quidam permiferunt triduanaſ quatuor; alii duodecim triduanaſ: ideſt ſemel in menſe uno. Quidam dixerunt triduana� agere in verbis & in vigiliis inſiſtendo triduum; pretium autem unius diei, idem Agapen duorum vel trium pauperum, ſive unum denarium: Alii totum pſalterium in æſtate, in Hyeme vero, & in Vere vel Autumno quinquaginta pſalmi = Quo Regionis textu clare percipitur, iis dumaaxat annui Redemptiones, qui ſatisfactiones, in Poenitentialibus injunctas implere non poſſent = *Si quis forte non poſ-**

poteris jejunare = & ex eo quod ibi subditur, colliges, Redemptionis modum fuisse commissum Sacerdotis arbitrio = *Ecce diversorum Patrum diversas opiniones de remediis peccatorum, vel de leviganda poenitentia in ordine posuimus, in arbitrio prudentis Sacerdotis relinquentes, quid salubrius & utilius animæ poenitenti esse decernat* = Petrus Pictaviensis S. Victoris Canonicus, qui Innocentii III. ætate suam Poenitentiale conscripsit pro Sacerdotum directione, de Redemptionibus hæc tradidit observanda = *Omnes, qui ex justa causa videntur non posse sine magno gravamine frequenter, vel in arida dieta jejunare, possunt Redemptiones, vel compensationes adhibere per orationes, per elemosynas, per peregrinationes, vel disciplinas, vel abstinentiam a carnibus, vel piscibus, vel hujusmodi, secundum statum personarum, a vino, vel in quadragesimalibus cibis* = Temporis tamen decursu Ecclesia ad indulgendum propensior, citra tales modificationes, Redemptionibus usi est; adeo ut possent Poenitentes pro libito vel oneribus a Canonibus poenentialibus præscriptis vacare, vel Redemptiones, inconsultis etiam Sacerdotibus eligere.

Morem hunc redimendi poenitencias canonicas facto comprobavit S. Petrus Damiani Cardinalis & Episcopus Ostiensis; cum enim Mediolanum, Legati potestate præditus, a Nicolao II. circa annum MLXII. missus fuisset, ut eam Ecclesiam Simoniaci crimine pollutam, Clericorumque impuritatem liberatam, ac penitus collapsam restituere, Romamque Ecclesie reconciliare niteretur, ita leniter, prudenterque concredidit tibi munus obijt, ut Guidonem Archiepiscopum & Clerum, ad veram poenitentiam amplectendam induxerit, præstita pecunie quantitate in pios usus impendenda, aliisque sanctis operibus opportune relaxandam, ut habetur ex *Opusculo 5. ad Hildebrandum Romanæ Ecclesie Archidiaconum* = *Centum itaque annorum ipsi (loquitur S. Episcopus Cardinalis de Archiepiscopo) poenitentiam indidit, Redemptionemque ejus taxatam per nunquamque annum pecunia quatuordecim præfixi* = & post pauca de Clericis inferioribus subdit = *Qui solum constituti a Diabolo regule canonem dederunt,*

ita ut nonnulli eorum vix peccatum hoc esse cognoscerent, quinque annorum poenitentiam acceperunt hoc modo, ut omni tempore, Æstate simul & Hyeme duos dies, duobus autem anni quadragesimis, Natalem videlicet & Sanctum Pascha præcedentibus, tres dies per hebdomadam jejunarent in pane & aqua. Eorum autem, qui plus dederunt, septem annorum est poenitentia sub eadem scilicet jejuniis quantitate distincta: postque septennium, quandiu vixerint, sextam feriam jejunabant. Qui autem jejunare facile non possent, unum ex his diebus per omnem hebdomadam redimere licentiam habet, ita ut unum psalterium meditetur, aut medium cum quinquaginta metacelsi, aut unum pauperem pascat, & locis prædictis nummum porrigat.

Prædia & Terras plurimos Poenitens Ecclesiis obtulisse, ut inde poenentialium laborum remissionem perciperent, testatur idem S. Petrus Damiani lib. 4. Ep. xii. ad V. Episcop. = *Non ignoras, quia cum a Poenitentibus terras accipimus, juxta mensuram muneris eis de quantitate poenitentiae relaxamus. Sicut scriptum est: Divitia hominis redemptio ejus. Perpende igitur, & congrua ratione considera, quia sicut ille, qui prædia præbet Ecclesiis, poenitentiae suae pondere merito levigatur; sic ille qui subtrahit, subeunda poenitentia digna mole deprimitur. Nam si dator absolvitur, consequens est, ut præceptor vinculis innodetur: tanto ille non ambigitur absolutus.*

Recolendum hic est, quod observat Thomasinus de Benefic. p. 3. lib. 1. cap. 74. n. 5. Ea omnia a Poenitentibus oblata pie ac religiose, consuevisse in Clericorum, Monachorum, Pauperumque sustentationem, in fartatecta Ecclesiarum, Pontium constructiones & institutiones impendi.

Nec tantum elemosynis, aut psalmodiarum recitationibus, concurrente divitiarum inopia, aliquid detracti de poenitentis canonicis indulgebatur, verum etiam flagellationibus; ut tradit sæpe laudatus D. Petrus Damiani in lib. 5. Epist. 8. = *Lai- cis, inquit, permittebatur peccata sua elemosynis redimere, & eo modo multorum annorum poenitencias implere. Idem sanc per flagellationes Monachis indul-*

gen-

gendum, qui per professionem suam pecuniarum administratio carcerum = Et deinde ostendit, quam bene congrueret, Monachos huiusmodi media pro redimendis satisfactionibus adhibere, ne onere solvendi poemam temporalem pro culpis commissis gravati, ex humanis decederent = Cum Sacerdotes Ecclesie annosam indicunt quibusdam Peccatoribus penitentiam, numquid non aliquando certam præfigunt pro annorum redemptione mensuram; ut nimirum facinora sua elemosynis redimant, qui longa jejunia peroberrescunt? Sed quia hæc pecunie redemptione in antiquis Patrum Canonibus minime reperitur, absurdum esse, & frivolum iudicabitur? Quod si hoc Laicis indulgetur, ut peccata sua elemosynis redimant, ne surripiente mortis articulo, ex hac vita sine creatus sui (quod absit) absolute recedant, quid Monacho precipiendum erit, qui & longam forte penitentiam peccatis exigentibus accipit, & pecunias olim funditus; quibus redimatur, abiecit?

Ex quibus post annum millesimum facta est nova poenitentias computandi ratio, ita ut quinquaginta, & centum annorum poenitentia, integre paucorum dierum numero persolverentur. Cum enim Psalterii cantatio elemosynarumque largitio unius anni poenitentia responderent, qui pluries Psalterium cantabant, aut elemosynam ad Pauperum inopiam sublevandam erogabant, vel se verberibus percutiebant, totidem Indulgentiarum annos lucrabantur; unde D. Petrus Damiani in Libello, seu Epist. ad Alex. II. de vita Sanctior. Rodulphi, & Dominici hæc refert de S. Rodulpho. cap. 3. = Sepe poenitentiam centum annorum suscipiebat, quam scilicet per viginti dies allisione scoparum, cæterisque poenitentia remediis persolvebat. Psalterium quotidie, cum duo non posset, unum saltem non negligebat implere, quod nimirum cum esset in Cella constitutus, armata scopis utraque manu totum cum disciplina continuare consueverat = & cap. 7. de asperissima D. Dominici poenitentia verba faciens, perspicue declarat, quæ ratione, flagellationibus, una cum psalmis recitatis, centum annorum poenitentia relaxaretur = Quadragesimalibus circulis, sive cum poenitentiam peragendam habet;

crebro enim centum annorum poenitentiam suscipit, tunc per dies singulos, dum se scoparum tunctionibus afficit, ut minus tria Psalteria meditando persolvit. Centum autem annorum poenitentia, sicut ipso Auctore didicimus, sic expletur. Porro cum tria scoparum millia unum poenitentia annum apud nos regulariter expleant, decem autem psalmorum modulatio, ut sepe probatum est, mille scopas admittat, dum centum quinquaginta psalmis constare Psalterium non ambigitur, quinque annorum poenitentia in unius Psalterii disciplina recte supputantibus, invenitur consequitur ergo, ut qui viginti Psalteria cum disciplina decantat, centum annorum poenitentiam se peregrisse constat. Quamquam & in hoc plerisque nosse Dominicus superet; quia cum nonnulli unam manum in disciplinam agendis exerceant iste rectera ut Benjamin filius contra rebelles Carnis illecebras utraque manu infatigabiliter pugnat =. Quod S. Viri exemplum induxisse plurimos tum viros tum mulieres ad suscipiendam hanc diuturnam, poenitentia methodum paucis diebus exhibenda, testis est S. Petrus Damiani lib. 7. Epist. 29. = Hæc itaque S. Senis exemplo, inquit, facienda discipline mos, adeo in nostris partibus inolevit, ut non modo viri, sed & nobiles mulieres hoc purgatorii genus inbianter arriperent; nam & relicta Theobaldi sublimis utique generis, & non infima dignitatis mihi aliquando retulit, per præfixam huius discipline regulam centum annorum se poenitentiam peregrisse = Inter nobiles in quos dicit Damianus ulum illum verberum propagatum, Henricum II. Imperatorem oportet recensere, de quo Reginardus in Reb. gest. Annon. Archiepisc. Colonien. cap. 6. hæc habet = Considerans Henricus Imperator nomen Majestatem longe suis præcellere meritis, numquam insignia regalia sibi presumptis imponere, nisi clam per Confessionis ac poenitentia verberum insuper satisfuccionem, licentiam a quolibet Sacerdotum suppliciter mereretur.

Hinc occasionem arripuit Jacobus Boy-leau in Hist. Flagellantium sive de recto, & perverso flagrorum usu apud Christianos SS. Dominico Loricato adscribendi & Petro

tro Damiani, morem Fidelium propriis se manibus flagellandi, affectuque ante illos utique flagra in usu fuisse, ita tamen ut Fideles verbera ab aliis recipere, non vero propriis se manibus excedere. Sed invicem hunc errorem refellit Eminentissimus Lambertinus in *Opere de Servor. Dei Beatificat.*, & *Beat. Canonizat. tom. 3. lib. 3. cap. 28. n. 7.* ostendens ex probatis auctoribus, morem illum usu receptum apud viros pietate celebres, BB. Dominico Lorico & Petro Damiani antiquiores = *Animadverti potest*, inquit, *Spontaneas istas flagellationes, quas disciplinas vocant, fuisse adhibitae a Guidone Pomposiano Abbate, & a S. Poppone pariter Abbate. Quod utique satis est, ne Dominicus & Petrus pro auctoribus haberi possint, ut bene annotavit Mabilionius in Praefat. I. In secul. sextum Ordinis S. Benedicti, ubi inquit: neuter vero (loquitur de Guidone & Poppone) id ad discere potuerat ab exemplo Domini Lorici utroque junioris, multo minus Petri Damiani, qui ne dum ea de rescripserat: Mabilionio autem adharet Graveyson: in Hist. Eccles. tom. 4. par. 1. decimi, & undecimi seculi pag. 305. & sequentibus. = Pari inelicitate inuere telle videtur Boyleau loco cit. consuetudinem adhibendi flagella amore carnis mortificandae minime probandam ex eo potissimum, quod Methodus verberandi lumbos ad vicerem provocet, ac flagellorum ictus dorso inculsi oculis officiant; cum enim plurimorum Sanctorum hujusmodi exempla, quae ad imitandum nobis proponit Ecclesia, oppositum edoceant hos duces] ut verbis utar Mabilionii in praef. in seculum sextum Ord. S. Benedicti () sequi non inverecundum aut despectum, imo perquam honorificum & tutum esse, nemo jure negaverit = Nec alicujus ponderis est argumentum vel de incitamento ad vicerem, vel de damno oculis illato, quia, ut inquit Eminentissimus Lambertinus = Hoc unum certum est, quod ex centum hominibus, qui se flagellant, unus invenitur, scilicet invenietur, qui ex flagello incitetur ad Venerem: cumque reliqui nonaginta novem rebelles carnis motus cohibeant ope flagellationis, nemo est qui non videret, plium flagellationis usum licite ex praedicta ratione improbari non*

posse; & multo magis, cum admittendum sit, quod, qui carnis rebellionem in sua carne experiretur, non solum posset, sed etiam deberet ab ea se abstinere; quod ipsum fieri deberet etiam ab illo qui, ex flagellis adhibitis, visus defectum pateretur; nisi forte uterque verberationis locum mutando, se ab utroque periculo liberaret = Quam vero flagellationem damnaverit Clemens vi. dicemus §. 6.

Sub iisdem fere temporibus, quibus novimus flagellationes, aliosque pietatis actus pro redimendis poenitentis canonicis laudabiliter usurpatis, maxime percerebuit consuetudo concedendi Indulgentias accedentibus ad Sedem Apostolicam, seu ad Sanctorum Petri & Pauli Apostolorum Limina peregrinantibus. Ex fragmentis extantibus penes Sirmundum fragm. 7. habes de Eriat Franco, qui Monachum Presbyterum nccaverat, ac pro satisfactionis Canonice remissione ad Apostolorum Limina iter susceperat, ita Nicolaum I., qui electus fuit Pontifex anno dccc. viii., ad Hincmarum Archiepiscopum Rhemensem scripsisse = *Usque ad mortem poenitentiae ejus quantitas extendi debuerat, sed ob devotionem ejus fidei, sive quia ad suffragia Apostolorum festinavit, humanius cum illo peregrinus =* Sedem Apostolicam adiit Saeculo x. Salomon Constantiensis Episcopus, qui circa annum dccc. lxxx. vixit ob procuratam trium adversariorum suorum necem, veniam = petiturus, a Papa vero benigne susceptus, cum ibi supplicans aliquandiu moraretur, indulgentiam sibi ab eo plorans petiit. Tandem ab Apostolico indulgentiam adeptus domum revertitur, = (inquit Ekkehardus parte 1. pag. 45.) Eodem saeculo, plenae remissionis obtinenda gratia, Sanctorum Apostolorum Limina visitasse Vdalricum Augustensem Episcopum, habes apud Gerardum in ejus vita n. 61. Is quippe Romam ultimo profectus, = votorum antea ibi dispositorum promissionibus devotissime expletis, & gravissimorum Emolumentorum & Indulgentiarum donis acceptis, reversus est. = Non dissimili gratia donatum refert Gregorius VII. lib. pr. Epist. 77. ad Beatricem & filiam ejus Metildem, Guarnierum Argentoratensem Episcopum, qui ad Alexandrum I. accesserat, exhibitis vere compunctionis signis = Cum tanta signa-

sigillatione (verba sunt Epistolæ Laudatz) *sicut audivimus, jejunando pariter, & plerumque pedes eundo, compunctionem suam & obedientiam demonstravit, ut Confratres nostri pro competentia eorum temporum miserendum sibi fore existimarent, & decernerent = Ex hoc fortassis veteri Christi fidelium more aedeundi Sanctorum Apostolorum Limina percipiendæ Indulgentiæ causa, prodit apud Saracenos impia consuetudo peregrinandi ad Maumethi sepulchrum falso existimantes, plenam peccatorum veniam se obtuturos; adeo ut, interempto uno ex Christianis, idem remissionis beneficium comparatur = Qui non potest peregrinari ad Meccam, (inquiunt Saraceni apud Raynaldum ad annum MCCXIX. n. 32.) Si unum interficiat Christianum, ita plenam obtinet veniam peccatorum, ac si Meccam personaliter videret.*

Ea tamen viguit inter Summos Pontifices & Episcopos mutua Charitas humanitasque, ut Poenitentes ab Episcopis ad Sedem Apostolicam missi iterum a Summis Pontificibus ad Episcopos dirigerentur. Ablegatum ad Alexandrum II. ab Italiz Anzistite Presbyterum quendam, invenimus, qui Presbyterum alium de medio sustulerat, ut pro tam infando facinore condigna animadversione corripere; cui Pontifex (ut ex ejus Epistola 29. deprehenditur) quatuordecim annorum poenitentiam injunxit, qui numerus dimidio minor erat eo, quem Canones illa ætate consueti pro memorato crimine definierant: præcepitque, ut statutam poenitentiam impleturus in Monasterio recluderetur, facta Episcopo, vel Abbati potestate post triennium minuendi poenitentiae rigorem ac tempus = *Esti tibi*, inquit Pontifex, *vel Abbati videtur sibi remittere, si bene observasse poenitentiam videris, post tres annos liceat* = Salisburgensem pariter Episcopum exoravit Gregorius VII. ut alteri Poenitenti, veniæ aliquid faceret, contemplatione Romanæ peregrinationis; ut habetur ex *lib. Epistolæ*. Ejusd. *Epist.* 30. ibi: = *Pro amore S. Petri, cujus Limina præsentium portitor requisitis, studeas religio tua viscera pietatis sibi aperire: quatenus non poeniteat cum tanti itineris laborem subisse.*

Alit non solum personales indulgentiæ, verum etiam Locales ad hæc tempora pro

Ecclesiarum Dedicationibus referuntur concessæ. Ad finem Sæculi X. habes mandatum Pontii Arelatensis Archiepiscopi; ut deprehenditur ex ejus Epistola, quæ habetur tom. 6. *Spicilleg. Dacber. pag. 427.* in Dedicatione Ecclesiæ Montis-Majoris, ubi annuæ remissionis ordo, poenitentiarumque dispensatio ita describitur = *Si talis est, qui per indistinctam sibi poenitentiam non introeat in Ecclesiam, nec communionem Corporis Christi, hic si ad distictam Ecclesiam venerit in die Dedicationis, aut semel in anno, & adjutorium dederit ad opera Ecclesiæ, ex parte Domini nostri Jesu Christi & ex nostra sit absolutus de tertia parte majorum peccatorum unde poenitentiam habet susceptam, usque ad ipsum diem revertentis anni, & habeat licentiam intrandi in totas Ecclesias, per totum ipsum annum, communicandi, & panem accipiendi, & tondendi, & radendi, & lini vestiendi, excepto quadragesimali tempore, & jejniis de quatuor temporibus, et si tres dies de septimana sunt et vetiti per poenitentiam, unum reddimus ei & comedat & bibat quod ei Deus dederit, duos alios jejunet; & si duo unum reddimus ei; & si unus, illum reddimus ei tali tenore, ut pascat tres pauperes. Denique illos, qui de minoribus peccatis sunt confessi & habeant poenitentiam acceptam, si venerint ad Dedicationem Ecclesiæ aut semel in anno cum adjutorio ad opera Ecclesiæ, absolvimus de una medietate acceptæ poenitentiae usque ad unum annum. Omni anno absolutio, quæ facta fuit in Dedicatione, celebrabitur annuæ remissionis, si venerint Poenitentes. = Non dissimilem remissionem a prædicta, præclara Ecclesiæ Magalonensi Synodaliter dedit ad undecimi sæculi exordium, Gaufridus Archiepiscopus Narbonensis. Ita apud Philippum Labbeum habet antiquus Catalogus Episcoporum Magalonensium, ad Episcopatum Arnaldi. Alias duas hujusmodi concessionem affert Mabillonius in præfat. Sæculi v. Benedictin, unam factam pro Ecclesiâ S. Victoris Massiliensis, alteram pro Ecclesiâ Cassinensi = *Indefinite* (inquit) *tunc temporis indulgentiæ**

gentia concedebantur, sequenti saeculo ad certum tempus, vel in perpetuum, & quidem passim ab occasione Dedicationis Ecclesiarum. Benedictus XI. indulget, ut omnis penitens, qui ad Limina Ecclesie S. Victoris Massiliensis recens dedicate tritis passibus venerit, Ecclesie foret sibi pateant, & indultis facinoribus peccaminum, omnium criminum squaloribus absolutus, libere ad propria letus redeat, eo scilicet tenore, ut de reliquo emendetur Celebris & plena fuit indulgentiarum gratia ab Alexandro II. concessa in Dedicatione Ecclesie Cassinensis, tam illi, quos presentes esse contigerit, quam omnibus, qui per octo continuos dies eo conventuri essent, confessorum peccatorum absolutione concessa = In Sexto Tomo Spicilegii Dacheriani ad annum MXXV. extat Epistola Rajambaldi Archiepiscopi Arelatenensis pro Dedicatione Ecclesie S. Marie de Cerreno Gallo-Provincie vico, in qua legitur: ut Poenitenti qui ad eam in consecratione ejus adveniret = tertiam partem penitentiae remittat Episcopus Et Ecclesiam (idest ejus ingressum) usque ad caput anni ei reddat = idque ibi ad dictum annum MXXV. refertur. In codice manuscripto Lucensis Ecclesie servato inter Bibliothecae Vaticanae libros reperitur, Alexandrum II. anno MXX., expleta dictae Ecclesie solenni Dedicatione concessisse, ut octo dierum spatio Dedicationis memoria perageretur annis singulis, concessa indulgentia penitentiae. Cum Andegavose contulisset Urbanus II. anno MXXV. III. = Tunc in septuagesima dedicata est Ecclesia ab ipso Papa, qui edicto jussit, ut in eodem termino, quo Dedicationem fecerat, indictum publicum celebraretur uno quoque anno apud S. Nicolaum, & septima pari penitentiarum populo convenienti ad illam celebritatem dimitteretur = ut inquit Fulco Comes in Spicilegio Dacherian. tom. 10. pag. 396.

§. V.

Indulgentia labente saeculo XI. aliisque subsequentibus saeculis data, necnon Ecclesie statuta contra earum Excessus & Abusus.

LATIOR ac locupletior est Indulgentiarum materia labente saeculo XI. atque subsequentibus saeculis, quam repetimus tum diversâ forma, tum uberioribus ac frequentioribus concessionibus ab hæcenus descriptis illustratam. Retroactis siquidem temporibus sive datas ad Martyrum Libellos inspicias, sive poenitentiarum Redemptiones, sive quascunque alias remissiones, raro totum onus implendae satisfactionis, ut deinde observatum est, generaliter expungebatur. Hujus majoris beneficentiae exemplum eluxit in Hierosolymitana Expeditione anno MXXV. in Concilio Claramontano indicta, Urbano II. ibi Praefide, plenam omnium peccatorum veniam deponente Hierosolymam pro Terra Sancta recuperanda proficiscentibus. Existimavit Summus Pontifex, nec immerito, defatigationes, labores, asperitates, expensas, Patriæ, Familiaeque abdicationem, vitæque pericula, quibus sacra Expeditio veluti condebatur, multorum annorum poenitentialium Canonum oneribus æquiparari. Ne vero timor proprias facultates amittendi tam eximium opus præpediret, placuit Urbano II. Patribusque illi congregatis, Synodali decreti bonorum omnium tuitionem illis polliceri, qui teleram militarem affumerent, signum nempe Sanctissimæ Crucis rubri coloris supra scapulam dexteram impressum, donec redissent. Cujus decreti virtute, si qua de rebus ad Crucesignatos pertinentibus questio moveretur, Episcoporum munus erat de ea cognoscere, ac inavores censuris obstringere. Ad hanc Expeditionem libenti animo suscipiendam Urbanum Pontificem his verbis adhortatum fuisse Christianifideles, refert Guillelmus Tyrius lib. 2. de Bello sacro = Furta, incendia, rapinas, homicidia & cetera, qualia qui agunt Regnum Dei non possidebunt, hoc Dei benepia.

placito redimite obsequio, ut delictorum, quibus ad iracundiam provocastis, celerem indulgentiam, hæc vobis obtineant pietatis opera, & deprecatio collata Sanctorum. Monemus igitur, & exhortamur in Domino, & in remissionem peccatorum iungimus, ut Fratribus nostris, & celestis Regni coheredibus, qui Hierosolymis, & in finibus ejus habitant, afflictioni & laboribus compatiētes, Infidelium insolentiam debite compeſcatis animadversioe. . . . Nos autem misericordia Dei, & Beatorum Petri & Pauli Apostolorum auctoritate confisi, Fidelibus Christianis, qui contra eos arma susceperint, & onus hujus peregrinationis assumpserint, immensas pro suis delictis penitentias relaxamus. Qui autem in vera penitentia decesserint, & peccatorum indulgentiam & fructum æternæ mercedis se non dubitent habituros = Ideoque Can. 11. dicti Concilii relato *dist. 6. cap.* Nullus = habetur = Quicumque pro sola devotione, non pro bonoris, vel pecunie adeptione ad liberandam Ecclesiam Dei Hierusalem profectus fuerit, iter illud pro omni penitentia reputabitur. = De Oratione laudata Urbani mentionem faciunt pariter Robertus Monachus in *Historia Hierosolymitana*, lib. 1. Balduicus Archiep. in *Hist. Hierosolym.* Fulcherius Carnotensis in *Gest. peregrination. Francor.* Guibertus Abbas in *Hist. Hierosolym.* De cuiusvis generis & conditionis hominum multitudine, quæ sacram hanc peregrinationem aggressa est, hæc refert Gulielmus Malmſburienſis *lib. 4.* = Desistebantur agri cultoribus, Aedes habitatoribus, totis porro migrabatur Urbibus, nullus necessitudinum amor, affectus patriæ vilis. . . . Gaudium erat euntibus, meror remanentibus. Videret Maritum cum Matrōna cum omni postremo familia euntem. Videret Carpentis impositos totos in iter transferre penates. Angustus erat limies transcutibus, arctus trames itinerantibus, sic ruebant agmina serie longa trabentia. Opinionem hominum vincebat numerus, quamvis existimaretur sexagies centum millia itinerantium.

Visum est Christiano Lupo, Urbano 11. Turpinum Rhemenſem Archiepiscopum

imitatum fuisse, de quo refert *tom. 5. differt. de Satisf. & Indulg.*, suis subditis plenam remissionem dedisse comitantibus Carolum Magnum ad sacrum bellum contra Saracenos Hispaniarum Regna devastantes susceptum. Sed fides fit penes Authorem. Hoc unum nobis innuere sufficit; omnium fere Scriptorum opinione comprobatum, tam amplas generalesque Indulgentias pro Expeditionibus contra Infideles indictas, non fuisse sæculo 11. antiquiores. Majori cum fundamento asseri potest, Urbanum 11. exemplum sui propofuisse Victoris 111. prædecessoris fibi, qui anno *MLXXXVII.* ex omnibus fere Italie populis exercitu instructo, militarem expeditionem congregavit adversus Saracenos, Italie jugiter littora infestantes, atque Christianos captivos arripientes; iis autem militibus Christianis vexillum S. Petri dedit, addita remissione omnium peccatorum = *Æstuebat* [inquit Leo Caſinenſis *lib. 3. cap. 70.*] *Idem Apostolicus Victor Saracenorum in Africa morantium superbiam frangere, perfidiamque coercere. Concilio itaque cum Episcopis & Cardinalibus habito, ex omnibus fere Italie populis exercitum congregans, illisque vexillum Beati Petri Apostoli tradens sub remissione peccatorum omnium, contra Infideles Impiosque in Africam dirigit. Christo itaque Duce ingressi in Africam centum millia pugnatorum occiderunt* = De qua expeditione loqui videtur Bertholdus in *Chronic.* ad annum *MLXXXVIII.* & si rem paulo aliter narret.

Quod salubriter in Claramontano Concilio Urbanus 11. edixerat, Calistus 11. in Concilio Lateranenſi I., Generali 11. innovavit, declaravitque tum fructum, tum finem Hierosolymitanæ Expeditionis *can. 11. relato dist. 61. cap. ultimo*, Extenditque eandem Indulgentiæ & relaxationis ubertatem amplectentibus aliam expeditionem contra Mauros Magnæ Hispaniæ parti dominantes = *Eis, qui Hierosolymam proficiſcuntur* [sunt verba Canonis memorati] & *ad Christianam gentem defendendam, & tyrannidem Infidelium debellandam efficaciter auxilium præbuerint, suorum peccatorum remissionem concedimus: & domos & familias, atque omnia bona eorum in Beati Petri & Romanæ Ecclesiæ protectione,*

ne, sicut a Domino nostro Urbano statutum fuit, suscepimus. eos vero, qui pro Hierosolymitano, vel Hispanico itinere Cruces sibi in vestibus posuisse nesciunt, & usam dimisisse, Cruces iterato assumere, viam ab instanti Pascha usque ad sequens proximum Pascha perficere, Apostolica auctoritate precipimus. Alioquin ex tunc esset ab Ecclesia introita sequestramus. In omnibus Terris eorum D. vina officia, præter Infantium Baptisma & morientium penitentiam, interdiximus. Id factum refert Bironius ad annum mxxv., in quo certe fallitur, Robertus enim de Monte Concilium Romanum, quo controversia de Investituris composita est, (quod certe aliud non est a Lateranensi I. in quo hæc Indulgentia facta est) anno mxxiii. celebratum testatur = Anno, inquit, mxxiii Concilium Rome celebratur, pax inter Regem & Sacerdotem reformatur, & jus Investiturarum Episcopatum ab Imperatore exstinguitur = Simon etiam Dunelmensis in Historia de Gestis Regum Angliæ, Fulco Beneventanus in Chronica, passimque Scriptores, qui hoc sæculo vixere, istud Concilium cum anno mxxiii. illigant.

Idem plenarie remissionis beneficium concessit postea Eugenius II. anno mxxv. in sui Pontificatus exordio, pro alia Expeditione in Terram Sanctam, auditis Legationibus e Syria missis, de damnis ab Infidelibus illatis, Edessa Capta, Antiochia & Hierosolymis in discrimen adductis, ut colligitur ex Epistola Eugenii Pontificis ad Ludovicum vii. Galliarum Regem, ceterosque Principes ac Fideles in Galliis existentes: ibi = Nos autem vestrorum quieti, & ejusdem Ecclesie destitutioni paterna sollicitudine providentes, illis, qui tam Sanctum tamque pernecessarium opus & laborem devotionis intuitu suscipere, & perficere decreverint, illam peccatorum remissionem, quam præfatus Prædecessor noster Urbanus instituit, auctoritate nobis a Deo concessa confirmamus = Pluribus vero privilegiis recentitis pergit Pontifex in Epistola laudata. = Peccatorum remissionem & absolutionem juxta Prædecessoris nostri institutionem, Omnipotentis Dei & Beati Petri Apostolorum Principis auctoritate nobis a Deo concessa, talem concedimus, ut qui tam san-

ctum iter devote incaperit & persecerisive ibidem mortuus fuerit, de omnibus peccatis suis, de quibus corde contrito, & humiliato confessionem suscepit, absolutionem obsequat, & sempiternæ retributionis fructum ab omnium Remunatore percipiat = Juxta Eugenii votum de hac contra Turcas Expeditione in Galliis anno mxxvi. tractatum est in Concilio apud Vizeliacum celebrato; de ea pariter meminere Anonymus in Gest. Ludovici vii. apud du Chesn. Tom. 4. Hist. Franc. Chronicon Mauriniacense, & Odo de Diogilo, qui lib. de professione Ludovici in Orientem de Eugenio loquens inquit = Optabat ipse tam Sancto operi manum imponere, sed, Tyrannide Romanorum prædictus non potuit, Sancto vero Claravallensi Abbati Bernardo curam istam delegavit: Tandem dies adfuit Regi optatus: Abbas etiam Apostolica auctoritate, & propria sanctitatis munitus, & convocatorum maxima multitudo loco & termino pariter adfuerunt (nempe Concilio Vizeliacensi). Suscepit ergo Rex a Summo Pontifice sibi missum Cruces in signe, & Proceres multi cum eo = Extat D. Bernardi Abbatis sermo exhortatorius ad Milites Templi, in quo refert, omni vitiorum genere foedatos viros, sacram hanc Expeditionem fuisse amplexatos pro canonicarum poenitentiarum relaxatione obtinenda = Pauci admodum (verba sunt dicti sermonis) in tanta multitudine hominum illò confluere vides, nisi utique secleratos & Impios, Raptores & Sacrilegos, Homicidas, Perjuros, Adulteros de quorum professione sicut duplex constat quoddam prevenire bonum, ita duplicatur & gaudium; quandoquidem tam suos de suo discessu lætificans, quam illos de adventu, quibus subvenire festinant. Pro sunt quippe utrobique, non solum utique ipsos tuendo, sed etiam ipsos non opprimendo. Itaque lætatur, Egyptus in professione eorum, cum tamen de protectione nihilominus lætetur mons Sion, & exultans Filia Jude = In alia ejusdem Sancti Abbatis Epist. 246. viroorum pene immensa multitudo describitur his verbis = Vacuantur Urbes & Castella, & penjam non inveniunt, quem apprehendant septem mulieres virum unum, adeo ubique vidue remanent viri = Quanta autem

reū fiducia plenam remissionem percipien-
di undique confluentes dictam sacram Ex-
peditiōem suscepērunt, testis est Otho Fri-
ngingenſis, qui eidem interfuit cum Fratre
ſuo Conrado Germaniz Rege *lib. 1. de
Geſtis Friderici I. cap. 40.*

Ut ad aliam Hiſtoliſymitanam Expedi-
tiōem Chriſtiſideles alliceret Celeſtinus
II. Anno MCCCXV. plenariam omnium peccato-
rum remiſſiōnem ad eam proficiſcentibus
dedit, non diſſimili uſus forma a prædeceſſo-
ribus Pontificibus adhibita; ut colligitur ex
eius *Epist. ad Hubert. Cantuarien. Archie-
piſcopata*, quam reſert Baronius ad dictum
annum: *Nos autem* (ſunt verba Epistolæ me-
moratæ) *illis, qui pro Divinitatis amo-
re huius peregrinationis laborem assumere,
& quantum in ſe fuerit implere ſtu-
derint, de indulto nobis auctoritatis
officio illam remiſſiōnem impoſitæ peni-
tentie per Sacerdotale miniſterium ſa-
cimur, quam Prædeceſſores noſtri ſuis
noſcuntur temporibus ſuſcipiſſe; ut videret
illis, qui corde contrito & humiliato
ſpiritu laborum huius peregrinationis
ſuſceperint, & in penitentiam pecca-
torum hoc iter expedierint, ſi in fide de-
ceſſerint, plenam ſuorum criminum indul-
gentiam & vitam conſequantur æter-
nam.*

Non diſſimile ſpirituale munus cum plu-
ribus privilegiis majori, novaque liberali-
tate diſpenſavit Innocentius III. anno
MCCCXV. in Concilio Lateranenſi IV. Gene-
rali XII., facta ejus extenſiōne ad eos etiam
Chriſtiſideles, qui ad Sacra Bella propriis
ſumptibus milites alendos deſtinarent: red-
diditque huius Indulgentiæ participes eos
omnes, qui juxta conditionis & facultatis
ſuæ qualitatem ac devotionem vel propriis
redditibus, vel conſilio ſaltem, tam pium
opus adjuvarent. Statuit inſuper Innocentius
in eodem Concilio, ut Crucesignati anno
MCCCXVII. calendis Junii in Regnum Siciliæ
convenirent, quo perſonaliter accedere
propoſuit tum ut Sacræ Expeditionis nego-
tium ejus conſilio feliciter promoveretur,
tum ut Chriſtianus Populus cum Divina &
Apoſtolica benediſſiōne ad Terræ Sanctæ
ſubſidium proficiſceretur. Hæc habes ex
Decreto Concilii prælaudati infra §. 7. n. 1.
recitando. Plurimos Reges ac Principes
hanc Sacram Expeditionem in Concilio La-
teranenſi Generali ſolemniter indiſtam, In-

dulgentiæ plenariæ comparandæ gratia ſu-
ſcepturos eidemque opem allaturos fore,
ſperabatur; verum Innocentio III. e vivis
ſublato anno MCCCXVI. decimo ſeptimo calen-
das Auguſti non reſponderunt votis & ex-
pectationi ſuccellus, piis Synodi & Inno-
centii Pontificis conſiliis ſuneſtis caſibus
præditis; Petrus enim Corteniacus Con-
ſtantinopolitanus Imperator a Theodoro
Commeno captus & in vincula conſectus nul-
lum valuit auxilium Sacræ Expeditioni præ-
bere: Germania, ob controverſiam de Im-
perio inter Othōnem & Fridericum excita-
tam, non poterat opus tam ſanctum ſuis vi-
ribus adjuvare: Gallia partim de Campa-
niæ Principatu Theobaldum inter & Ever-
rardum ambigua inter contentiones de-
tinebatur, partim Albigeniū rebellionem
fluctuabat: Aragonia pro reſtitutione To-
loſani Comitis inſtructis militum copiis
contendebat: Italia denique tranquilla pa-
ce minime fruebatur. Crucesignatis tamen
Meſſanam anno MCCCXVII., ut conſtitutum
erat, adeuntibus, Honorius III. Pontifex
Innocentii ſucceſſor Archiepiſcopum Cu-
ſentinum illuc legavit, eos pro concione
hortaturum, ut armis tum ſpiritualibus
tum militaribus roborati ſeſe mutuo chari-
tatis ſtudio complecterentur. Id conſtat ex
*Epistola 500. libri 1. Regiſtri Honorii Pa-
pæ*, qua pariter reddit rationem, cur Meſ-
ſanam non perrexerit, quo Innocentius III.
ſe profeſſurum promiſerat ad ſaulta,
Crucesignatis precandum = *Sane*, inquit,
*cum ſeſſetis memoriæ Innocentius Pa-
pæ prædeceſſor noſter, inſpirante Domi-
no, aspirans ad ſubſidium Terræ San-
ctæ diſpoſuerit perſonaliter hoc tempo-
re accedere in Siciliam, ſi Dominus an-
nuieſſet, ut ipſius conſilio & auxilio diſ-
poneretur ſalubriter populus Chriſtianus,
cum benediſſiōne Divina & Apoſtolica,
profeſſurus nos qui eidem in onere ſucceſ-
ſimus & honore, ſi viderimus aliquate-
nus expedire, libenter illuc perſonaliter
veniſſemus, ut pote qui ad promovendum
tantum Chriſti negotium modis omnibus
aspiramus; ſed cum gens ſine duce, ac ſi-
ne capite procedere videatur, non ſuis de
Fratrum noſtrorum vel aliorum conſilio,
ut nunc in Siciliam accedere deberemus,
ne ſi hac vice non impleteretur deſiderium
populi Chriſtiani, crederetur de cætero
res deſperate. Cæterum ne ibi omnino re-*

putemur absentes, absentiam nostram per tui presentiam (scilicet Archiepiscopi Cusentini) *Providius compensandam &c.* Deinde Albanensi Episcopo Legationem Apostolicam committit, ut vice sua Sacrae Expositionis negotium ordinaret atque diffunderet.

Relatis autem Indulgentiæ plenariæ largitionibus non possumus non accensere Indulgentiam *Portiunculae* nuncupatam; ea quippe sola, abunde sufficeret ad statuendam Ecclesiæ in dandis remissionibus peccatorum potestatem, tum plenam in terris auctoritatem Summi Pontificis. Id non raro Paulus IV. dixisse testatur Michael Medina in *tract. de indulg. disp. 1. cap. 13.* his verbis = *Hæc historia adeo ingentis momenti est, ut quod Paulus IV. Sanctæ memoriæ frequenter diffutare solebat, ea sola, non tantum ad offerendam Ecclesiasticam potestatem concedendi Indulgentias, sed etiam, ad Pontificis auctoritatem adstruendam, abunde sit* = Sed proximius ad tam celebris Indulgentiæ historiam accedamus.

Cum D. Franciscus Assisiensis pro salute Christianitatis procuranda charitatis incendio conflagraret, quadam nocte Assisi in Ecclesiâ Mariæ Angelorum de *Portiuncula* totus orationi affixus, a Christo, qui cum Beatissima Virgine Mariâ ei apparuerat, gratiam instantissime postulavit; ut quotquot rite confessi, in Sacram illam Ædem, ubi morabatur, intrarent, plenam omnium peccatorum veniam obtinerent. Non renuit Christus Francisci preces admittere, eum tamen pro gratiæ impetratione ad Romanum Pontificem (qui tunc erat Honorius III. Perusî commorans) voluit dirigere, cui Claves ligandi atque solvendi in terris commendaverat. Quid egerit deinde Franciscum Romano Pontifice, ita narrat Wadingus *tom. 2. Annal. Minor. ad annum MCCXXI. n. 21* = *Manc sancto, Beatus Pater, eis conuocatis (nempe sociis) precepit, ne cui præfata vulgarent; assumptoque socio Fratre Massio de Mariignano, ad domum Papam Honorium tunc cum Curia Perusî commorantem profectus est; apud quem introductus humiliter ait: Sancte Pater, nuper ad honorem Beatæ Virginis Matris Christi, vobis Ecclesiam quamdam restauravi: supplico itaque Sanctitati vestræ, ut in ea Indulgentiam libe-*

ram absque oblationibus instituas. Respondit Pontifex: Hoc convenienter fieri non posse, quoniam qui indulgentiam obtinere cupit, debet eam aliquo modo promereri, præsertim manum ad iuricem extendendo. Sed indica mihi, inquit, quos annorum Indulgentiam petis illic institui? Respondit Sanctus. Beatissime Pater & Domine, placeat sanctitati vestræ non tam donare annos, quam animas. Et quomodo, inquit Pontifex. animas? vis animas? velina, ait Beatus Franciscus, placeat Sanctitati vestræ, quod quicumque ad illam Ecclesiam venerit contritus & confessus, atque, uti decet, per Sacerdotem absolutus, ab omni culpa & pena liberetur in Cælo & in Terra, idque a die sui baptismatis usque ad diem & horam introitus præfate Ecclesiæ. Ad hoc Pontifex. Magnum est quod petis Franciscus, necesse Curie Romanæ consuetudo huiusmodi Indulgentiam largire. Respondit Beatus Franciscus. Quod peto Domine, non ex me postulo, sed ex parte ejus, qui misit me Dominus Jesus Christus; statimque Papa iussit, ut publice diceret: Placet mihi quod hoc habes; domini tamen Cardinales, qui aderant, dixerunt: Videte Domine quid agatis, si enim huic tantam conceditis Indulgentiam, ultramarinam Indulgentiam destruitis, & insuper ipsa, quæ ad Limina Sanctorum Apostolorum Petri & Pauli instituta est, deinceps non æstimabitur. Ait eis Papa: Deditus & concessimus, non expedit irritum facere, quod actum est; Sed modifacemus Indulgentiam, ut ad diem tantum naturalem protendatur. Revocato itaque Beato Francisco, dixit: Ecce concedimus ex tunc, quod quicumque venerit & intraverit Ecclesiam, præ qua postulas, rite confessus & contritus, liberetur ab omni culpa & pena. Istud autem valere volumus per diem tantum naturalem a primis vespertis includendo noctem, usque ad vespertas sequentis. Verum elapsis duobus annis, & nondum destinata die, qua Fideles tam eximii beneficii fructum participarent; Franciscus Divino monitus oraculo ut designaret diem, qua S. Petrus Apostolus fuit a vinculis mirabiliter absolutus, incipiendo a secundis vespertis dictæ diei, qua canit Ecclesiâ = Deus, qui Beatum Petrum Apostolum a vin-

vinculis absolutum, illesum abire fecisti, nostrorum, quæsumus absolute vincula peccatorum &c.: usque ad vespertas sequentibus diei, includendo noctem intermediam, Romam profectus, quo Honorius ul. advenerat, ab eo, pro statuta divinitus die, gratiæ concessæ confirmationem obtinuit.

Scimus plerisque de hujus Indulgentiæ veritate dubitare, & præsertim Kemnitium acerrimum Indulgentiarum impugnatorem impudenter mentiri, dum refert, Seraphicum Patriarcham Franciscum coram Summo Pontifice, ac Sanctæ Romanæ Ecclesiæ Cardinalibus sacra stygmata, tamquam sigilla Bullæ Indulgentiæ, quam postulerat, ostentasse. Ceterum nullus Author, ipso excepto, hoc refert, aut sonnat; imo nedum verum non est (ut pie doctæque monet Cardinalis Bellarminus) sed nec verosimile, virum summe studio humilitatis addictum, qui Aeterni Regis secretum abscondere optime noverat, Divinæ beneficentiæ charismata jactasse. Rursus anachronismi facile posset redargui Kemnitius; S. enim Franciscus (ut ex Wadingo aliisque probatis Historicis didicimus) primo *Portiuncula* Indulgentiam anno mcccxxi. ab Honorio III. impetravit, ac duobus interjectis annis ejus confirmationem anno scilicet mcccxxiii., sacrorum vero stygmatum impressionem anno mcccxxiv. obtinuit. Sed non immerito vellet Kemnitius hujus Indulgentiæ historiam falsam ac fabulosam existimari; ea quippe, non tantum in Ecclesiæ Indulgentiarum usus & virtus, summiq; Pontificis potestas validius confirmantur, ut dicebat Paulus IV., verum etiam aliud Ecclesiæ dogma de Sacramentali Confessione, Heterodoxorum dictæis impugnatum, perspicue declaratur; Christus siquidem ita annuit votis S. Francisci eam Indulgentiam petentis, ut tamen non nisi per suum in terris Vicarium Romanum nempe Pontificem voluerit obtineri: illamque rite confessis, & per Sacerdotes absolutis prædictam Ecclesiæ *Portiuncula* certa die visitantibus prodesse.

Quod si dixeris silentium D. Bonaventuræ de hujus Indulgentiæ concessione, qui tam accuratam Seraphici Patriarchæ moribus, gestisque describendis operam navavit, non leviter relataz historiæ officere

veritati; responsio in promptu est: ea quæ omnibus patent, ita nota sunt, ut Scriptoribus non indigeant. Superfluum itaque censuit Scriptor seraphicus enarrare, quod ea ætate de *Portiuncula* Indulgentia erat omnibus constanti fama vulgatum. Eo vel maxime, quod quamquam conpertum sit, argumenta hujusmodi negativa sæpe magna cum laude tempestive adhiberi, eorum tamen vis sæpe etiam parva, aut nulla est, tum præsertim quum uno silente Auctore, aliorum suffragia non desunt, & ad historiæ fidem conciliandam plura alia supersunt, quæ eam probent, monumenta. Suppleant sane Seraphici Scriptoris silentium duo synchroni testes, quorum primus est Frater Masseus de Marignano deponens, se fuisse socium S. Francisci, quando ad ipsius preces Honorius III. Ecclesiæ Sanctæ Mariæ de *Portiuncula* Indulgentiæ plenariæ munere decoravit = *Quod ipse fuit* (ita habetur ex depositione authentica Fratris Massei laudati) *cum Beato Francisco apud Perusiam, ante præsentiam Sanctæ Memoræ Domini Papæ Honorii, quum petitis Indulgentiæ omnium peccatorum pro illis, qui contriti, & confessi convenirent ad locum Sanctæ Mariæ de Angelis, quæ alio nomine Portiuncula nominatur, prima die Calendarum Augusti, a vespere dictæ diei, usque ad Vesperas sequentis diei; quæ Indulgentia cum fuisset tam humiliter postulata, fuit tandem a Summo Pontifice liberalissime & gratissime concessa; quamvis diceret ipse Summus Pontifex: non esse consuetudinis Apostolicæ talem Indulgentiam facere* = Secundus est Petrus Salphanus referens, se pariter præsentem fuisse promulgationi dictæ Indulgentiæ factæ a D. Francisco coram Episcopis, illumque ita loquentem audivisse = *Ego volo vel omnes mittere in Paradisum: & annuntio vobis Indulgentiam, quam habeo ab ore Summi Pontificis: omnes vos, qui venistis hodie, & omnes qui venient annuatim tali die bene contriti, habebunt Indulgentiam omnium suorum peccatorum* = Hi autem duo testes nedum referuntur a Wadingo ex authenticis sui Ordinis monumentis, verum etiam a Biliuto tom. 4. *Miscellan. pag. 490. ex manuscrip. Biblioth. Colherstine*. Rursus universam dictæ Indulgentiæ historiam

plene probant literæ testimoniales Teobaldi Episcopi Assisientis, quarum Authographum servatur Romæ in Archivio Conventus Patrum Minorum Conventualium ad Sanctos Apostolos signatum quadruplici caractere T. Floruit autem Teobaldus circa annum MCCCXIII., egitque cum Fratres Marino nepote Fratris Massei (quem socium S. Franciscus elegerat, quum primum Perulium profectus est de ea Indulgentia cum Honorio III. tractiturus,) ut totam rei seriem exactissime intelligeret: eamque insuper, (ut ipse ait) perceperat, a pluribus, qui tunc ex multis longinquis Regionibus Assisium confluerant, atque a BB: Leone, Benedicto & Rynerio Aretinis S. Francisci sociis individuus. Prædictis literis testimonialibus ad eam historiam magis confirmandam addi possunt, præter Pisani *lib. 1. cap. 22.*, Marcum Ulyssipponensem *lib. 2. cap. 2.* alioque graves & probatos Authores, Romanum Martyrologium Venetiis impressum MDIX., aliaque duo Francisci Maurolici & Joannis Molani pariter Martyrologia. Deterruisset nos jure merito tam proluxa hujus Indulgentiæ probatio, nisi excitasset utilitas, ut ea firmiter propugnata, quasi armentarium habere possumus, unde tela opportune victricia depromamus ad conterendos Ecclesiæ hostes subinde hinc, illicque emergentes.

Cæterum, an Indulgentia *Portiuncule* temporum decursu a Sede Apostolica iis fuerit extensa, qui ad dictam sacram Aedem cunctis diebus devote contriti & confessi accessissent, non leve superiori quo vivimus sæculo dissidium inter Patres Minores Conventuales, & Minores de Observantia novimus excitatum. Ad prædictæ Indulgentiæ extensionem tuendam innitebantur potissimum prædicti Patres Minores de Observantia antiquæ ea de re traditioni, imo & vivæ vocis Oraculo Pauli III., quem sub mense Septembris anno MDXLIV. id concessisse ex authenticis literis testimonialibus Massei Bardi olim Episcopi Clusini, asserabatur, quatum tenorem hic referimus: *Fidem indubiam facimus & veritatis verbo attestamus, qualiter de anno millesimo quingentesimo quadagesimo quarto, de mense Septembri infra octavam Nativitatis B. Mariæ Virginis Sanctissimus in Christo Pater & Dominus noster*

Dominus Paulus Divina providentia felic. record. Papa III. dum esset Perusii in Conventu Sancti Francisci de Monte Fratrum Minorum Observantiæ ad puteum S. Egidii, ubi omnes Fratres ejusdem Conventus, inter quos, & nos tunc temporis adscripti eramus, & sanctissimus ejus pedes deserviremur R.P. Fr. Masseus de Perusio, tunc Vicarius ejusdem Conventus narravit prælibato Sanctissimo D.N. Pape, Fratres omnes Minores de Observantia ple credere, omnes Christi fideles intrantes Cappellam D. Mariæ Angelorum de Assisio consequi semper plenariam Indulgentiam, prout consequuntur Kalend. Augusti: & audivisse præfatum Sanctissimum D.N. Papam dixisse: sic & nos hucusque credidimus, & quatenus in eadem Cappella plenaria Indulgentia, prout vos credidistis, non esset, prout & nos credidisse attestamus, eam ponimus, & auctoritate Apostolica concedimus, Et quoniam omnia & singula, dum sic agerentur, audivimus, & una cum multis aliis Fratribus, & præsertim R. P. F. Josepho Rosciolo, tunc temporis Guardiano in eodem Conventu, & præfatæ Fratris Massei præsentis fuimus, propterea ad perpetuam rei, sicut supra gesta memoriam, hæc præsentis fieri jussimus, per nos subscriptas, & nostro, quo in similibus usitur, majori sigillo muniri fecimus, & per infra scriptos Notarios publicos subscribi. In quorum omnium & singulorum fidem &c. Datum ex Ædibus nostris Episcopalibus in Terra Castri Plebis die VII. Mensis Octobris MDLXXXVIII. Indictione prima Pontificatus Sanctissimi in Christo Patris & Domini nostri Domini Sixti divina providentia Pape V. anno IV. = Hinc factum est ut supra januam Ecclesiæ Portiuncule hoc carmen fuerit inscriptum = Augusti hic veniam dat tibi quæque dies = Rei tamen negotio ad sacram Congregationem Supremæ & Universalis inquisitionis delato, libritique rationibus hinc inde deductis, a memorata sacra Congregatione responsum est sub die 3. Octobris anno MDCLXXXI. = Ex hæcenus deductis non constare de dicta Indulgentia quotidiana perpetua; & proinde abradendam, seu removendam esse inscriptionem super Januam cappellæ Ecclesiæ Sanctæ Mariæ Angelorum Assisii: sci-

scilicet: Augusti hic &c. = ut plenius habetur infra in Decreto §. 7. n. xxvii.

Post emanatam vero hanc sacre Congregationis Supremæ & Universalis Inquisitionis responsum enixis precibus nonnulli Reges ac Principes supremi ab Apostolica Sede humiliter postulavit, ut Aedes Sanctæ Mariæ de *Portiuncula* Indulgentiæ plenariæ quotidianæ munere decoraretur, sed Innocentius XII. dictam Indulgentiam Ecclesiæ S. Mariæ Angelorum concessit, in qua reperitur Cappella S. Mariæ de *Portiuncula*, ut constat ex ejus Brevis infra §. 7. n. xxviii.

Hinc verum non est, quod tradit Octavius a S. Francisco Ordinis Minorum de Observantia Episcopus Assisensis in suo Opusculo inscripto: *Lumina seraphica Portiuncule cap. 2.* ubi ait = *Ex concessione Innocentii XII. obtenta fuerunt (ut ita dicamus) duæ Indulgentiæ, cum duæ sint Ecclesiæ; Sancta Maria Angelorum Magna continens, parva altera contenta* = ex quo postea pergit = *si in sacra Aede Portiuncule non erat dicta Indulgentia* = nempe Plenaria Quotidiana modo est, dum ea, quæ continenti Ecclesiæ data fuit, concessa intelligitur ex consequenti Contentæ. Vel enim sacra Aedes Portiuncule est Ecclesiæ distincta ab ea, quæ Sanctæ Mariæ Angelorum nuncupatur, vel est mera ejusdem Ecclesiæ Cappella? si primum admittitur, certum est Indulgentiam Ecclesiæ damtaxat Sanctæ Mariæ Angelorum concessam minime posse sacre Aedi Portiuncule convenire. Si vero secundum, tot fateri necesse est obtentas fuisse Indulgentias ex vi concessionis Innocentianæ, quot sunt Cappellæ Ecclesiæ Sanctæ Mariæ Angelorum. Quod profecto nemo non dixerit a mente Apostolicæ Sedis alienum. Et sic cum Octavio Episcopo instares, Innocentium XII. in literis datis ad Reges & Principes, qui Indulgentiam plenariam sacre Aedi Portiuncule concedendam petierunt, hæc verba usurpasse = *Ecclesiam Sanctæ Mariæ Angelorum de Portiuncula nuncupatam* = hoc nihil evincit; cum luce meridiana clarius sit, in Brevis novæ hujus concessionis non fieri mentionem sacre Aedis Portiuncule, sed dumtaxat Sanctæ Mariæ Angelorum.

Sed ad alias Indulgentias ineunte sæculo xiiii. potissimum dari consuetas transivimus. Præter plurimas, & quidem par-

tiales in Sanctorum Canonizationibus, Altarium Ecclesiarumque Consecrationibus datas, invalescente jam usu impertiendi integram peccatorum remissionem Fidelibus pecuniam conferentibus ad sacras Expeditiones modo superius descripto, non apparuit, quare poenitentia a Canonibus injunctæ relaxari nequirent iis, qui elemosynam pro aliis piis usibus erogarent, puta pro Ecclesiæ & Monasterium constructione, vel reparatione; ideoque plurimæ sub hac formula fuerunt concessæ = *Qui denarium in edificationem hujus Ecclesiæ, vel Oratorii contulerit, tertiam, vel quartam partem poenitentiarum imponendarum illi in Domino relaxamus* = uti refert Morinus lib. 10. n. 2.

Plura tamen in pereurendis hæc Indulgentiis notanda sunt, quorum unum Indulgentiarum excessibus, aliud earum abusus accensetur. Quod spectat ad primum; quamquam Romani Pontificis parce se gesserint in dandis Indulgentiis nedum toto sæculo xiii. quin etiam sub initium sæculi xiiii., plurimos nihilominus Episcopos in iis concedendis justo liberales extitisse, testatur Concilium Lateranense IV. sub Innocentio III. congregatum eorum improbandum canon largitatem can. lxi. his verbis = *Quia per indiscretas & superfluas Indulgentias, quas quidam Ecclesiarum Prelati facere non verentur, & claves Ecclesiæ contemnuntur, & poenitentialis satisfactio enervatur* = ideoque contracta est a Patribus dicti Concilii Episcoporum potestas largiendi Indulgentias, quo via effusioribus concessionibus præcluderetur: ac statutum est, ne imposterum ab Episcopis amplior Indulgentia fieret quam unius anni in Basilicarum Delicationibus; in Anniversariis vero earundem, cæterisque occasionibus, non alia, quam quadraginta dierum concederetur, juxta moderamen a Romanis Pontificibus observatum: ut can. cit. = *Decernimus ut cum dedicatur Basilica, non extendatur Indulgentia ultra unum annum, sive ab una solo, sive a pluribus Episcopis dedicetur, ac deinde in Anniversario Dedicationis tempore quadraginta dies de injunctis poenitentibus indulta remisso non excedat.* Hunc quoque dierum numerum Indulgentiarum litteras precipimus moderari, quæ pro quibilibet causis aliquoties

stet conceduntur, cum Romanus Pontifex, qui plenitudinem habet potestatis, hoc in talibus moderamen consueverit observare = Ab eo tempore plenaria Indulgentia fuit summis Pontificibus reservata, collata potestate Legatis a Latere partiales moderatas concedendi. Hinc *Pileum* Ecclesie S. Praxedis Presbyterum Cardinalem, Urbani VI. Legatum in Anglia, quod biennales ac triennes daret Indulgentias, omnibus fuisse stupori, & de attentato suspectum, scribit Thomas Walsinghamensis.

Declarato Indulgentiarum excessu, ad earum abusus notandos descendimus. Facta, occasione sacrarum expeditionum contra Saracenos & Hæreticos, extensione plenarie remissionis ad adiuvantes opus maxime Ecclesie Dei proficuum propriis eleemosynis: imo partialibus frequenter concessis, portigentibus manus adiutrices ad construenda & reprimenda Templaliaque loca pia; tum a summis Pontificibus tum ab Episcopis instituti sunt Prædicatores, qui Concionibus per Urbes & Oppida discurrerent, Christianiades ad lucrandas Indulgentias allicerent, eorumque oblationes exciperent, dicti communiter *Questores*, seu *Prædicatores Questuarii*. Verum cum isti falsas sepe numero pro veris Indulgentias proponerent, ac ad autum potius extorquendum, quam ad animarum salutem procurandam intenderent, palmare argumentum Heterodoxis datum est, ut contra Indulgentias audacter de baccharentur, atque Catholicis suaderent, eas parvipendere; ut notavit Petrus de Pilichdorf in suo opere inscripto = *Liber contra sectam Waldensium*, his verbis: *Non solum Waldenses Hæretici, imo multi Catholici quandoque titubant de Indulgentiis. Hoc facit indiscreta postulatio Questuarius Sacerdotum, qui indifferenter omnibus hominibus hoc & illud facientibus Indulgentias promittunt. Et hoc non est de mente Domini Papæ; aut aliorum Prælatorum, qui non dant eas nisi vere penitentibus & confessis & contritis* = Hinc Concilium Lateranense nuper laudatum ad pravos huiusmodi questus evitandos decrevit: Prædicatores, seu Questores ad querendas eleemosynas non admitti, sine Romani Pontificis, aut Ordinarii literis; & ne falsitatis vitium in illis obreperet, formam proposuit

ab Apostolica Sede huiusmodi personis tradi consuetam; juxta quam Locorum Ordinarii literas in similibus catibus in posterum deberent concedere. Vide §. 7. n. 11. Decretum Concilii Lateranensis.

Hac tamen lege non obstante, auctis Questorum abusibus in maximum Christidelium scandalum propter varia ab Indulgentiarum Prædicatoribus questuariis contracta mendacia, Concilium Viennense Generale xv. sub Clemente V. celebratum anno mcccxi., Lateranensis IV. Concilii statutum innovavit: addiditque, literas Apostolicas obtentas ad eleemosynas recipiendas subiaci in posterum debere Ordinariis examini: Delinquentes corrigi poenis ab eisdem Ordinariis infligendis, ut habetur ex Decreto infra §. 7. n. 111. recitando.

Prædictum autem Concilium nedum falsas pro veris Indulgentias Eleemosynarum Questores publicè proposuisse notavit, verum etiam quosdam ex Regularibus plurimas indiscretas prædicasse; & ideo eo crimine notatos subiecit per duos menses poenis, quæ juxta eorum regulam pro gravibus excessibus imponi consueverunt; a quibus non isti ubi manifesta postularet necessitas, possent absolutionis beneficium obtinere. Subiiciemus de hac re aliud dicti Concilii Decretum. §. 7. n. 111.

Non tamen Constitutio laudata sub iis poenis quamlibet vetat Indulgentiarum indiscretarum pronuntiationem a Regularibus faciendam, sed eam dumtaxat, quæ directe, vel indirecte proprium concernit favorem, & quidem in sermonibus, seu Concionibus Ecclesiasticis; pari enim modo cavetur illa, ac Prælatorum detractio ibi = *Discrete inibemus, ne in sermonibus suis Ecclesiarum Prælati detrahant, seu Indulgentias pronuntient indiscretas* = Quod si Regulares immediate post concionem; aut in loco ad eam deputato, publice Indulgentias indiscretas prædicarent, in hujus Clementinæ Constitutionis fraudem, graviter delinquerent, poenisque ibidem contentis subderentur; tunc enim, (ut inquit corduba *tr. de Indulg. quest. 12. & 15.*) committit in legem, qui verba legis amplectens, contra legis nititur voluntatem; & fraus & dolus nemini patrocinantur.

Sed ad alias Indulgentias juxta temporum successiones datas oculum convertamus, inferius ad earum abusus & excessus enar-

enarrandos iterato reverſus. Emicat exeunte ſæculo XIII. eximia Bonifacii VIII. liberalitas, qui cunctis Fidelibus quovis anno ſæculari Baſilicas Sanctorum Apoſtolorum Petri & Pauli viſitantibus, plenam omnium peccatorum veniam deſpondit; quapropter Chronicon Rothomagenſe a Philippo. Labbeo publicæ luci datum, ita hoc Bonifacii munus commendat = *Papa Bonifacius conceſſit hoc anno nempe MCCC. viſitantibus limina Apoſtolorum Petri & Pauli Romæ peccatorum Indulgentiam generalem, ſtatuenti & concedenti Indulgentiam conſimilem ipſi Limina viſitantibus quolibet anno centeſimo, & ita ſuit concuſſus maximus populorum* = & Nicolaus Trivetius: *Papa Bonifacius indultum ſacienti omnibus vere poenitentibus, & conſeſſu, qui per anni huius ſpatium ac per quemlibet annum centeſimum futurum, Romam ad Beatorum Apoſtolorum Petri, & Pauli Baſilicas voto peregrinationis humiliter acceſſerint & devoto; eunſum ſuorum conceſſit Indulgentiam peccatorum* = Pluries vero Romanis, quam Peregrinis confluentibus onus Eccleſiarum Urbis viſitandarum adjeſſit Bonifacium, habes ex verbis Conſtitutionis ejusdem, incipientis *Antiquorum*. iuſta §. 7. num. v. ibi = *ſtatuentes ut qui voluerint huiusmodi Indulgentiæ a nobis conceſſæ fieri participes, ſi fuerint Romani ad minus triginta diebus continuis, ſeu interpoſitis, & ſaltem ſemel in die; ſi vero Peregrini fuerint, aut forenſes ſimili modo diebus quindecim ad Baſilicas eaſdem accedant. Unuſquiſque autem plus merebitur, & Indulgentiam efficacius conſequetur, qui Baſilicas ipſas amplius, & devotius frequentabit.*

Tanto Romani Populi plauiſu hoc Bonifacii Diploma Indulgentiæ plenariæ fuit exceptum, ut durante anno milleſimo trecenteſimo cujuſlibet ſexus & ætatis perſonæ ad Sanctorum Petri & Pauli Baſilicas accedere minime dubitaverint = Nec mora (inquit Jacobus Cardinalis S. Georgii ad Velum aureum, ſeu in Velſbro Bonifacii VIII. Nepos in ſuo Tractatu; *de centeſimo, ſeu Jubileo anno*, in Bibliotheca Patrum inſerto tomo XIII.) totius Orbis Caput Roma, Civitatis Populus, nullo ſexus vel ætatis, dum pubertatis annos excegiſſet diſcrimine, ad ſuorum Patronorum Baſi-

licas, quoad ſterum intervallum ſine intermiſſione accepiſſet curſitabas = Imo tantum ex exteris Nationibus hominum multitudinem Romam advenſiſſe, a probatis Authoribus didicimus, ad hunc Indulgentiæ theſaurum comparandum, excepiſſiſſis; qui erant in via euntes & redeuntes, ut magna anni parte ducentorum millium numerum exceſſerit, vixque per Urbem quantumvis amplam & vaſtam liceret incedere; quorum aliqui in eximie devotionis erga Apoſtolorum Principes argumentum, aureis argenteiſque donis eorum Altaria cumularunt? Prævidens autem Bonifacius plurimos Indignos prædictæ Indulgentiæ Romam acceſſuros alio promulgato diplomate, quod ſubſcribemus §. 7. n. vi. ex Jacobo Cardinali, eos omnes, qui Sacraſentis merces reſque prohibitas detuliſſent, Fridericum Siciliæ inſolentem, Siculoſque Romanæ Eccleſiæ hoſtes, quos die Cræne Domini in Eccleſia Lateranenſi cum Genueſibus Belli ſociis diris devoverat univerſque Siciliæ facti interdixerat, ac Columnenſes ab Apoſtolica Sede damnatos, ab ejus participatione tamquam omnino incapaces excluſit.

Porro ſicut Bonifacius noluit Indignos ad acquirendam Indulgentiam plenariam recipere, ita properante ſine anni MCCC. in die Natalis Domini piorum Peregrinorum devotioni, atque commoditati conſulens, illis, qui vel in Urbem tarde appuſſi, vel in ea zgritudinibus vexati, ſeu etiam vita functi definitum dierum numerum implere non potuiſſent, vel alio legitimo impedimento Romam pervenire prohibiti fuiſſent, Indulgentiæ beneficium conſequi conceſſit, hac edita declaratione.

1 *Ad honorem Dei & Beatorum Apoſtolorum Petri, & Pauli, attendens Dominus noſter Dominus Bonifacius Papa VIII. devotionem, quam vidit in populo Chriſtiano, fervorem fidei, viarum tædia, perſonarum labores & onera expenſarum, vult idem Dominus noſter, quod omnes Forenſes, qui hodie, ſcilicet in die Natiuitatis Domini ſunt in Urbe, licet non compleverint Indulgentiam, ut lati reverſantur ad propria, plenam Indulgentiam conſequantur.*

2 *Item placet ipſi Domino noſtro Summo Pontifici, & vult, quod omnes illi qui venerunt ad Indulgentiam conceſſam per eum, & mortui ſunt in via, vel in Urbe*

nume-

numero dierum taxato in ipsa Indulgentia nondum decurso plenam Indulgentiam consequantur.

3. Item vult idem Dominus noster summus Pontifex, quod omnes illi qui arripuerunt iter ad istam Indulgentiam animo complendi eam, & iusto impedimento impediti vel non pervenerunt, vel pervenientes non compleverunt, eandem plenam Indulgentiam consequantur.

4. Item quia annuus iste Jubilæus finitur hodie, volens idem Dominus Noster velut pius Pater providere salutem animarum, omnibus illis, qui sunt vere confessi secundum formam Indulgentiæ suæ, & non satisfecerunt de alieno infra annum, nec possunt commode satisfacere propter temporis brevitetem, prorogat terminum ad satisfaciendum duntaxat, usque ad festum Resurrectionis Dominicæ proxime venturum.

Hic tamen non leve dissidium est inter Authores, num Bonifacius VIII. plenariam Indulgentiam Sanctorum Apostolorum Limina visitantibus primus ex Romanis Pontificibus dederit singulis centesimis recurrentibus, an potius id solum innovaverit; atque in scripturæ paginam redegerit? D. Antoninus p. 1. tit. 3. Polidorus lib. 8., Toletus lib. 6. cap. 24. Sanctarellus variar. resolut. quest. 73., & qui summorum Pontificum gesta literis exarant, ut Platina, Onuphrius, Panvinus & Ciacconius, prelaudato Pontifici ejus institutionem adscribunt, ea ducti ratione, quod plurimi Scriptores, qui supra Bonifacii ætatem in erandis Veterum monumentis ad Ecclesiæ disciplinam spectantibus sedulo laborarunt, aliis relatis peccatorum remissionibus ab Apostolica Sede emanatis, plenariæ singulis centesimis recurrentibus datæ nequaquam meminerint. Verum ad altiore hujus historici veritatis indaginem omitendum non est, ea hic describere quæ tradit laudatus Jacobus Cardinalis S. Georgii ad Velum aureum; sub initium nempe anni trecentiesimi supra initium, Romanos Cives cateratim ad Basilicam Principis Apostolorum confluisse; cum increbuisse rumor, eo anno illic plenissimam peccatorum remissionem comparari, singulis centesimis eximia summorum Pontificum liberalitate Fidelibus concessam. Quamquam autem Bonifacii jussu perfectis,

evolutisque antiquioribus libris & Bullis, nec scriptum aut momentum aliquid fuerit repertum in Archivis, seu Carthophilaceis Ecclesiæ Romanæ, quod plenariæ aut alterius Indulgentiæ antiquitatem edoceret, deperitum fortasse vel temporum injuria, vel Schismatum & bellorum calamitate, quibus Romæ concussa fuerat, Viventis tamen authenticum non desuit testimonium. Peregrinus enim quidam Sabaudus non ignobili genere ortus, inter multos seniores Romæ tunc fuit ductus, centum & septem annos agens, qui coram Summo Pontifice, aliisque Romanæ Curie Proceribus constitutus, asseruit: una cum Patre suo Romæ adfuisse alio centesimo superiori sub Innocentio III., atque ab eo monitum, ut si forte centesimo futuro viveret, ad centum annorum Indulgentiam, unaquaque dicti anni die, comparandam, Romæ adesse non pigritaret; & ob hanc causam se Romam asseri præcepisse: Duos verò Bellovacensis Diocesis, alioque Gallos & Italos veneranda canitiæ præstantes, non centum annorum, sed plenariæ concessionem, ut rumor erat apud Romanos, confirmasse. Addit insuper dictus Cardinalis, Bonifacium expensæ Populi Romani pietate, ejusque rei constanti assertionem, prævio Sanctæ Romanæ Ecclesiæ Cardinalium consilio, Constitutionis Apostolicæ supracitate munimine eam Indulgentiam firmius roborasse, atque ad eam obtinendam Basilicæ S. Pauli visitationem antea minime injectam, addidisse. Hec a memorato Cardinali descripta tanti faciunt Cyrillus Francus in tract. de Jubilæo, Navarrus in comment. de Jubil. notab. 7. Thomas Zetula tr. 5. Indulg. Franciscus Pagi in Breviar. Romanor. Pontif. tom. 4. in vita Bonif. VIII. alique, ut constanter affirmant, Indulgentiam plenariam visitantibus Sanctorum Apostolorum Limina anno centesimo recurrente, ante Bonifacium VIII. fuisse concessam usque receptam. A quibus profecto putamus minime recedendum; argumentum enim aliorum negativum, in nixum duntaxat antiquorum Scriptorum silentio juxta accuratæ critices regulam, levis momenti ac ponderis est reputandum, contra authentica aliorum testimonia, & contra avitam Romani Populi traditionem. Accedit ad hujus Indulgentiæ antiquitatem confirmandam testimonium Flaminii, re-

rum,

rum, a Sancto Patriarcha Dominico gestarum scriptoris accuratissimi, cujus hæc sunt verba = *Fuere per idem quoque tempus ex propinquis illius (hoc est S. Dominici) tres quidem non dissimiles, quorum duo in Ordine Predicatorum magna cum laude vixerunt, tertius vitam duxit eremiticam, qui cum annum ageret quintum declinam, & annus erat ille Jubileus, Romam venit, & post annos centum, idem ad alterum Jubileum rediit, & coram Bonifacio VIII. Pontifice Maximo juravit, se superiori Jubileo interfuisse; qui reversus in Hispaniam, diem suum feliciter obiit* = Hæc ille, & refertur a Maluenda *Annalium S. Dominici Centuria prima ad annum mccc.xx.*

Veritati tamen consonum nequaquam arbitramur, Bonifacium VIII. in despondenda ea plenissima peccatorum remissione ad Judaici Populi Ritum inspexisse, apud quos quolibet anno quinquagesimo recurrente ita Jubileum celebrabatur, ut ære alieno gravati absolverentur, ac Servi libertate donarentur; quamquam enim nequeat plenior libertas excogitari, quam peccatorum in hoc Jubilei anno impensa relaxatio, quia tamen Pontificem laudatum, Jubileum celebrandum, non anno quinquagesimo, sed centesimo promulgasse notius est, quam ut probatione indigeat, perspicue datur intelligi, non id factum ex Israelitici Populi, sed potius Romanæ Urbis antiquis ritibus, quibus centesimo quolibet anno ludi sæculares magna soleminate indicebantur, his verbis elamante Præcone: = *Universi superstitis, ad illud ludi genus quale nec hactenus vidistis, nec amplius visuri estis accedite* = Cum enim summi Pontifices veterum Ethniconum observationes in sacras Cæremonias convertere semper fategerint, ut Festa S. Petri ad Vincula, nec non Purificationis Beatæ Virginis Mariæ, aliaque hujusmodi instituta, apertissime demonstrant, idcirco Bonifacius prædecessorum Pontificum morem imitatus, ad centesimum annum sancte celebrandum, cunctos Christianæ Reipublicæ populos expositis Indulgentiarum muneribus invitavit.

Liberalius postea quam Bonifacius Indulgentiæ plenariæ thesaurum aperuit Clemens VI., qui annum illum celebrem, in quo Indulgentia plenaria visitantibus Ba-

silicas Sanctorum Apostolorum Petri & Pauli despondebatur, ex centesimo ad quinquagesimum reduxit, adjecto onere illustrandi Lateranensem Ecclesiam: primus inter Romanos Pontifices, (ut putat Franciscus Pagi in *Breviario Romanor. Pontif. in vita Bonif. VIII.* cum quibusdam eruditis scriptoribus) qui Jubilai nomen usurpaverit = *Revera*, inquit, *Clemens VI. primus ex Pontificibus Romanis reperitur, qui Jubilai appellatæ usus fuerit*. Quod tamen verum duntaxat arbitramur de Romanis Pontificibus, eorumque Diplomatis ad indicendam ejusmodi Indulgentiam emanatis; cum alias conflæt ex declaratione Bonifacii VIII. anno mccc. edita, quam supra retulimus ex sæpius memorato Cardinali S. Georgii ad Velum aureum, annum illum ob plenariam Indulgentiam Jubilæum fuisse appellatum = *Item quia annus Jubilai finitur hodie &c.*

De mox dicta Clementis VI. reductione ita loquitur Author Magni Belgici Chronici Vindefenii Monasterii Canonicus Regularis = *Primo anno Papa Clementis B. Birgitta revelatum per visionem dixit, ut Papa Avenione Romam redeat, quo se & universam Ecclesiam reformet, & annum Jubilai indicat. Sed Papa Romam venire non maturavit; annum tamen Jubilai maxime ad instantiam Romanorum de centesimo anno ad quinquagesimum reduxit, & inter Ecclesias pro consequendis Indulgentiis anni Jubilai visitandas, connumeravit Ecclesiam Lateranensem.*

Non unum eluxit in memorata reductione Clementis Pontificis Consilium; voluit enim cum ritum in Jubilai Ecclesiastici celebratione in posterum observari, tum quia Jubilæum juxta Mosaicæ legis cæremonias non anno centesimo sed quinquagesimo, recurrente celebrabatur; tum quia, ob humanæ conditionis vicissitudines, vitæque brevitate quamplurimi ex Christianis essent, quibus ex Jubilæo quolibet centesimo anno celebrato nullum spirituale emolumentum obventurum credebatur; tum quia Romanus Populus per Legatos ad sedem Apostolicam specialiter destinatos id enixis precibus humiliter postulaverat. Vide §. 7. n. 7. Clementis VI. constitutionem. Extat pariter inter Pontificis laudati sermones ref-

responsio ab eo facta Romanis, qui per Legatos decem & octo cives, sex videlicet de quolibet Urbis statu, majori, medio & minori ei obedientiam præstiterunt, ac Jubilæi celebrationem ad annum quinquagesimum, aliæque humiliter postularunt, in qua apud Balutium. *col. 862.* sic illos alloquitur = *Vos Romani venistis, & proposuistis coram nobis & Fratribus nostris sex pro parte omnium Romanorum. Primo venistis ad exhibendam obedientiam filialem. Secundo ad petendam veniam paternalem. Tertio ad notificandam letitiam universalem. Quarto ad postulandam nostram præsentiam corporalem. Quinto ad impetrandam Indulgentiam plenam. Sexto ad offerendam totius Romani regiminis dominationem generalem.*

Ut aliquid de Populi concursu ad hoc Jubilæum comparandum intelligas, lege Mattheum Villani fratrem Joannis, qui dicto Jubilæo Romæ interfuit *lib. 1. cap. 53.* referentem Fideles amplissimi Jubilæi comparandi, quod Clemens Pontifex dederat, cupiditate excitatos, miraque alacritate, cunctis postulantibus iter agrestios, tanta multitudine Roman confluisse, ut eorum numerum hinc sit impossibile, veruntamen communi æstimatione creditum, a die Nativitatis Christi anni MCCCLX. usque ad Festum Resurrectionis, quod anno MCCCL. in diem 28. Martii incidit, decies ac duodecies centena peregrinorum Millia in Urbe perpetuo fuisse, sacro Ascensionis, ac Pentecostes tempore, ultra octies centena millia, ætate adulta, tum ob ferventissimum æstum, tum ob colligendarum frugum necessitatem, confluentium numerum imminutum, non tamen ita, ut non fuerint singulis diebus Romæ ducenta Peregrinorum millia: æstivo calore remisso, adeo, ad Limina Apostolorum euntium multitudinem crevisse, ut Peregrinorum numerum, qui ab initio dicti anni Romæ fuerat, si non excesserit, saltem æquaverit; quorum pietas maxime eluxit in sacra stipe Ecclesijs collata ad earum ornatum. Sed ex tanto peregrinorum numero vix decimum quemque ad patrios rediisse lares, aliis vel penitentia sublati, vel longinqui itineris laboribus absumptis, scribit Meyerus *lib. 13. Annal. Flandr.* Spectate nobilitatis utriusque sexus personæ ex Transalpinis Indul-

gentiæ plenarie thesaurum comparaturæ, tam arduum iter arripere minime detrectarunt, inter quas Ludovicus Ungariæ Rex, Maria e Flandria Mater Guidonis Cardinalis, Bononiæ Comitissa, Marchionissa Montislerati, Insularum Fuxique Comitissa, Vicecomes Caramagni, Elnensis Episcopus, ut referunt Mattheus Villanus prælaudatus & Boninius *dec. 2. lib. 10.* alii vero Reges ad ea sacra Loca, profecturi, nisi eos publicarum rerum moles ab ea peregrinatione suscipienda revocasset, a Clemente hujus gratiæ participationem, remisso onere Romam adeundi, humiliter flagitarunt. Verum quod habuerunt in votis nequaquam eam obtinuisse colliges ex Clementis literis datis Avenione *xix. Kal. Septembris* anno Jubilæi Ad Augonem Cypri Regem recitatis a Raynaldo ad dictum annum, ibi = *In Indulgentia, præsentis anno quinquagesimo Jubilæi Principis Apostolorum, & Beati Pauli Basilicas, & Lateranensem Ecclesiam de Urbe, visitantibus concessa per nos pro salute Fidelium animarum, pro qua concedenda tibi remanenti in Regno tuo Percivallus devote ac simpliciter cum omni diligentia, & sollicitudine insinuat multas rationes & causas, quare id fieri deberet adducens, tuæ non possumus annuere voluntati. Licet enim plures alii Principes, sicut tu etiam, id devote petierint, Venerabiles Fratres nostri attendentes quod Indulgentia ipsa, sicut pro ipsarum animarum salute, sic pro honore sanctorum, ac veneratione concessa est, consensire quod daretur alicui, nisi eisdem Basilicis & Ecclesiis visitarent, nullatenus voluerunt.*

Clementis VI. liberalitatem auxit Urbanus VI. ad quoscumque trigintatres annos Jubilæi Indulgentiam reducens, tum quia non omnes annum quinquagesimum complerent, tum ob præclarum ætatis Christi memoriam, de quo agit Gobelinus Persona in *Cosmodom. et. 6. cap. 81.* = *Dominus, inquit, Urbanus Papa anno Pontificatus sui undecimo, Nativitatis Domini MCCCLXXXIX. tertio idus Aprilis* (legendum sexto idus) *tria memorabilia insignia constituit. Primum fuit, quod annus Jubilæi per Clementem VI. de centesimo ad quinquagesimum annum deductus, deberet temporibus inde futuris de*

trigesimotertio anno in trigesimum tertium observari; & statuit, quod annus Nativitatis Domini tunc proxime veniens videlicet mcccxc. deberet esse Jubileus, & mox cum, quod totum tempus vite Domini nostri Jesu Christi in humanitate, postquam natus est de Virgine, per cuius mortem Theofaurus Ecclesie, unde Indulgentie peccatorum quæcumque emanant, cumulatæ est, triginta trium annorum curriculo complebatur = Ejusdem reductionis ad dictum annorum numerum neminit pariter Theodoricus de Niem in libris de Clementini schismatis origine lib. 1. cap. 68. = Urbanus, inquit, ultimo anno Pontificatus annum Jubilei abbreviavit, scilicet ad singulos triginta tres annos, & constituit, quod tunc anno Domini Millesimo trecentesimo octogesimo octavo in Festo Natalis Domini inciperet annus Jubileus in Urbe, & duraret per annum inclusivæ, prout & factum fuit = Sed in hoc Niemi textu in quo legitur: Jubileum indictum fuisse celebrandum anno Millesimo trecentesimo octogesimo octavo, citra dubium est, errorem irrepsisse; cum Paulus II. Constitutione incipiente Ineffabilis, quam recitabimus §. 7. n. viii. dicat: Urbanus VI. in sua obedientia nuncupatus provide considerans, quod etas hominum amplius solito in dies laberetur pauciores, ac desiderans quamplurimos ejusdem Indulgentiæ fieri participes, cum ad annum quinquagesimum propter brevitasem vite plurimi hominum minime perveniant annum quinquagesimum ad trigesimum tertium reducens, statuit quod universi Fideles vere penitentes & confessi, qui in anno a Nativitate ejusdem Domini Millesimo trecentesimo nonagesimo, & deinceps perpetuis futuris temporibus de triginta tribus annis in triginta tres annos Basilicas Sanctorum Apostolorum ac Lateranensem, & Sanctæ Mariæ Majoris prædictæ Urbis Ecclesias causa devotionis modo præmissæ visitarent, eandem consequerentur remissionem, & veniam peccatorum = In quo notandum, onus illud visitationis Basilicæ S. Mariæ Majoris additum sacrum plenariæ Indulgentiæ thesaurum consecuturis non a Bonifacio VIII. aut Clemente VI., sed a Gregorio XI. injun-

ctum fuisse, ut videre est in ejus Constitutione cujus initium est *Salvator Noster*, data Avenione 3. cal. Maii anno mcccxxxiii. Pontificatus sui anno tertio.

Verum, quod Urbanus VI. decreverat, videre non potuit; viam siquidem universæ carnis ingressus Idibus Octobris anno mcccxxxix. (quo pariter anno Constitutionem laudatam de reductione Jubilei ex trigesimotertio in trigesimum tertium annum ediderat sexto Idus Aprilis), successori suo Bonifacio IX. illud celebrandum reliquit = *Sed ipse Urbanus* (pergit Theodoricus Niemus loco mox citato) *illum*, (nempe Jubilei annum a se ipso dictum) *non vidit, quia prius ab hac luce migravit, & innumerabiles peregrini toto illo anno postquam incepit Jubileus, præsertim de Alemannia, Hungaria, Polonia, Bohemia, & aliis Regnis, ac Provinciis, quæ fuerunt de obedientia Urbani, ad Urbem venerunt* = Hæc omnia confirmat Gobelius in *Cosmodrom. etate 6. cap. 86.* = Primo inquit, Pontificatus ipsius (nempe Bonifacii) anno juxta ordinationem Domini Urbani Pape VI. & ex hujus approbatione, plurimi, qui obedientiam Bonifacio præstabant, pro Indulgentiis anni Jubilei consequendi de Universis Mundi partibus ad Urbem Romanam confugerunt. Illi vero, qui de Regno Franciæ erant, & alii ejus obedientiam repudiantibus hoc anno pro hujusmodi Indulgentiis Roman non venerunt = Premebatur ea etate tetro ac miserabili schismate Ecclesia Dei, quo nullum gravius, atque detestabilius legitur in Ecclesiasticæ historiæ monumentis; & quamquam plurimæ Nationes Sanctorum Apostolorum Sacra Limina visitaturæ Romam accessissent propter Jubileum, tamen Gallia, Hispaniæ, Scotiæ, Siciliæ, Cypri Reges alique minores Principes, nec non & Insula Rhodus ab obedientia Urbani & Bonifacii se subtraxerant, ac Petro de Luna, qui Benedictus XIII. dicebatur, obsequiebantur, quomobrem eorum subditi Jubileum Urbani VI., qui ab ipsis illegitimus Papa reputabatur, percipere recusarunt.

Aliud sedente Bonifacio IX. anno mcccc. celebratum Romæ Jubileum reperimus. An autem illud Pontifex laudatus indixerit, nemo ex veteribus Scriptoris affirmat. Victorellus apud Spodanum ad annum

num mcccc. testatur, se diligenter evoluto Bonifacii IX. Regeſto, nullum huius rei memoriam invenire potuiſſe. Hoc tamen citra controverſiam a ſcriptoribus communiter recipitur, Bonifacium minime prohibuiſſe Jubitum hoc anno juxta antiquam conſuetudinem celebrandum, ejuſque occasione, ex cunctis Orbis Chriſtiani partibus, magnam Fideiſum multitudinem, Romam, præſertim Nationis Gallicæ adveniſſe, non obſtante quod prohibitum eſſet Regis Ediſto, eo peregrinari, ne Bonifacius pro legitimo Pontifice agnoſci videretur. Theodoricus de Niemi, quæ præſens viderat monumentis ſuis conſignans, lib. 2. cap. 28. ait = Galli offerentes hunc annum Jubitum ſecundum antiquam inſtitutionem Eccleſiæ, ad Urbem cateratim utriuſque homines ſexus cauſa demotionis in maxima multitudine pene per totum illum annum advenērunt quorum multi erant Nobiles, & egregiæ perſonæ, ac longa offerentia ad Urbis Eccleſias attulerunt Cohærent, quæ ſcribit Gobelius loco nuper citato, dicens = Illi qui de Regno Franciæ erant, juxta priorem Ordinationem Clonentiſ VI. anno Domini mcccc. in maxima multitudine pro huiusmodi Indulgentiis conſequendis Romam venientes, Limina Sanctorum viſitabant = Alia plura de caterorum quoque Populorum concurſu ſunt Authorum teſtimonia; ex quibus pariter conſtat, ex tanta Mortalium colluvie maximam partem, graſſante peſtilentia, fuiſſe conſumptam; & Bonifacius, qui prope erat, lib. 4. aſſerit, ſingulis diebus ea abreptos fuiſſe in Urbe ſexcentos, & Octingentos homines.

Nemo tamen ſibi ſuadeat adeo peculiarem & propriam fuiſſe Indulgentiam plenariam recurrente anno Jubitæ dari conſueſſam, ut non exeperit mox fieri frequentior, cum enim cunctis datum non eſſet ex omnibus Mundi partibus Romam ad Sanctorum Apoſtolorum Limina viſitanda confluere, primo conceſſa eſt Eccleſiis Primatialibus, ac ſubinde aliis Urbium, quin imo & Pagorum adjecto onere porrigendi manus adjutrices = Dominus Bonifacius [ſcribit Author Magni Belgici Chronici] *Sub anni Jubitæ Urbis Romæ Indulgentiarum forma Colonienſi Civitati conceſſi, ita ut venientes Coloniam, vel ibidem habitantes iſto anno mediante viſitantes*

certain Eccleſias ad hoc directas cum obligationibus ſuis, poſſent conſequi Indulgentias, quæ viſitantiſ Urbem Romanam in anno Jubitæ conceſſæ erant, videlicet pleniffimam remiſſionem omnium peccatorum. Quo anno claſſo, ſimilis annus ab eodem Bonifacio ſub eadem forma conceſſus eſt Civitati Magdeburgenſi; & ad utraque hanc Civitatem miſſus eſt Collector Pape, qui certam partem recepit Oblationum; deinde Indulgentias ſimiles conceſſi viſitantiſ alias nonnullas Civitates Germaniæ ad certos menſes; unde in Miſnia, & Praga ex huiusmodi conceſſione concurſus magnus populorum fuiſt; deinde idem conceſſi multis locis Alemanniæ, ut viſitantes certas iſtorum locorum Eccleſias conſequerentur Indulgentias ſimiles, quæ erant quondam conceſſæ tali, vel tali loco, ſeu tali, vel tali Eccleſiæ, quæ in ipſo privilegio conceſſionis exprimebantur; de quibus locis, vel Eccleſiis ſuma vulgaris erat, quodæa, vel eas viſitantiſ conceſſæ olim eſſent a Sede Apoſtolica Indulgentiæ pleniffimæ. Prædictæ vero Indulgentiæ non ſolum concedebantur in locis inſignibus, ſed in Villis etiam non muratis, & in Monaſteriis, vel Eccleſiis ſatis in Campis; & in omnibus privilegiis conceſſionum prædictarum ponebatur clauſula: Porrigentiſ manus adjutrices: ita ut huiusmodi Indulgentias, niſi qui ipſis locis, vel Eccleſiis manum porrigeret adjutricem, nemo conſequi videretur = Similes conceſſiones ea ætate datas ita reſert Walingamus in Hiſtoria Anglicana = Elienſes per hoc tempus pares eſſe cupientes Norwicenſibus, qui in Feſto Trinitatis, & Burienſibus, qui in Feſto S. Edmundi Indulgentias impetrarunt a Sede Apoſtolica, obtinuerunt peregre adventantiſ, & Eccleſiæ ſuæ benefacienciſ in Feſto Trinitatis a primis Veſperis uſque ad poſteriores Veſperas ſeriæ Martis in hebdomada Trinitatis, vere contritiſ & Confeſſiſ plenam remiſſionem = Alia plura de pari conceſſione inſulta Principibus ac Populis, vel ex Literis Bonifacii, vel ex diverſis Authoribus aſſert Andreas Viſtorellus in libro idioma- te Italice ſcripto de Celebrat Jubitæ. Ita plane totalis peccatorum relaxatio deinde aliorum Pontificum liberalitate cepit frequentius concedi, adjectis oneribus Conſe-

fessionis, nec non Sacramentalis Communionis eam comparare volentibus. Porro ne pluribus intra annum plenariis a Fidelibus percipiendis certæ Ecclesiæ decorarentur, Summorum Pontificum pia sollicitudo hanc clausulam in concessionibus apponi curavit; quam, collatis invicem huiusmodi Indulgentiarum Brevibus, Bonifacium IX. primo attribuisse comperimus = *Volumus autem, quod si alias visitantibus dictam Ecclesiam, vel ad ejus fabricam manus porrigentibus adjutrices, aliqua alia Indulgentia in perpetuum, seu ad certum tempus nondum elapsam duratura, per nos concessa fuerit, presentes li-tere nulle sint.*

Hic vero non omittendum, labem, quæ ex audaci pecuniæ captandæ avaritia, atque nimia Pontificiorum Administratorum licentia tunc manaverat, ipsi Bonifacio aspergere Gobelinum; in quo profecto deceptus est, & emendandus; si enim, qui obtentâ facultate promulgandi Indulgentias turpiter abusi fuerant pecuniæ interventu, & nulla in Sacramentali Confessione adjuncta satisfactione Pœnitentium Crimina relaxaverant, ac super quibuslibet irregularitatibus dispensationem impenderant, graviorum suppliciorum metu sibi metipsis mortem intulerunt: quidam vel in frustra a Plebe concisi, vel erroribus hæresis involuti misere perierunt, sicque peccatorum suorum ipsimet penas luerunt.

Caterum in quæ nam opera Eleemofynas ex Indulgentiis legitime collectas, converterit Bonifacius, sicut etiam exitum eorum, qui in promulgandis Indulgentiis prædictos excessus perpetraverant, ita describit Bzovius ad annum mcccxc. = *Testum in primis Basilicæ Vaticanæ tantum quantum erat, deciderat, Ecclesiæ & Basilicæ Urbane Suburbanæque diuturnam Pontificum sive Avenionensium allicubi locorum moram, vel collapse nonnullæ jacebant, vel ruine proxime manum divitem suspirabant. Ad ejus quoque tum Pontificis tum publicæ causam expectabant, nisi aliquis prævertisset. Jam Hospitia Egrotis, Orphanis & Peregrinis excipiendis nullas præ paupertate admittebant. Discipline præterea publicæ ædificata munimenta diruta nulli usui fuerant: unde licentia peccandi ab impunitate scelerum viribus sumptis passim*

volitabat, non tantum Populo, Proceribus, Magistratui, verum etiam Summo Capiti sæpius infesta. Accedebat, augebaturque in Urbe, & in universis Suburbano Ecclesiæ patrimonio insolens Tyrannis Optimatum, qui in omnem occasionem vigiles rem Ecclesiasticam armis vexabant, diripiebant, occupabant. Regni præterea Neapolitani inter vehementissimos turbines tuendi, & ad obsequium revocandi causæ, maximos sumptus postulabant; & ut alias necessitates, quibus Ecclesia Romana gravissime laborabat, omittam, Bellum a Genuensibus, & Pisani adversus Barbaros protutela totius Maris Mediterranei, ac præcipue Italici Africanis littoribus opposita, thesauros requirebant. Hiis expensis Domus forisque faciendis, cum impar esset Bonifacius, nihil mirum si Commissos ubique Terrarum hoc anno disperserit, si quid subsidiorum nomine potuissent a pietate christiana, quæ aliorum incommodis pro suis deputatis, alienæ novis succurrere inopie, obtinere. Si quid avara, vel perfida, vel impia Commissorum audacia vel extorsit, vel infans ore, aut privatus dixit, aut pro concione vulgavit, extra noxam Bonifacius est, qui non turpis lucri, sed necessitatis extreme gratia, more ad id temporis recepto, postulavit, & in sacrilegos ex lege Ecclesiastica animadvertit; cum alios in Carceres detrussisset, alios alitis penis subjecisset, quod rem Sanctam cupiditate execranda vel polluisset, vel in sugillationem adduxisset. Non toleravit etiam Deus ipse infideles in vulgato Jubileo Ministros, sed variis modis castigavit; hi enim, qui vel venum Indulgentiarum exposuerant, vel citra satisfactionem penalem, quam, pœnitentiam a Confessore impositam, vulgo dicimus, peccata consentibus gravissimam indulserant, vel malis artibus pecunias extorserant, vel potestate ligandi atque solvendi Petro & Sacerdotibus ejus a Christo in rem spirituales ad corradendas opes abusi sunt, vel Ecclesiam defraudarunt, aliqui mortem sibi consciverunt, nonnulli male mortis genere perierunt, aliqui furore Populi interfeciti sunt, alii in hæresi & errores prolapsi pessime decesserunt, iusto Dei judicio intercedente, ut quæ rem Sanctissimam impie ac inique

habuissent, male quoque perderentur = Habes §. 7. n. ix. Bonifacii Literas ad Benedictum Episcopum Ferrariensem in Romandiola Romanæ Ecclesiæ Thesaurarium, quibus jubet in eos animadverti, qui obtenta Apostolicæ Sedis facultate, sacra Indulgentiarum præmia ad quæstum promulgantes poenitentię Sacramentum profanaverant. Idem colligitur ex mandatis ejusdem, ad quosdam Germaniæ Episcopos datis, ut omni studio nesciorum ejusmodi Nebulorum simoniaci excessus coercerentur.

Alios Indulgentiarum excessus & abusus, qui velut Zizania in agro militantis Ecclesiæ plurimum excreverant, durante Schismate Cardinalium Gebbennensis & Petri de Luna, qui Clemens VII. & Benedictus XIII. dicebantur, evellere conatus est Martinus V. in Concilio Constantiensi anno mcccxciv. inchoato, revocando Indulgentias, gratias, & favores, qui pro pecuniis potius quam pro animarum salute prodierant post emanatam Clementis V. Constitutionem incipientem *Abusibus*, iis dumtaxat probatis & confirmatis, quæ juxta formam in Clementina prælaudata præscriptam datæ fuerant, ut plenius constat ex Decreto infra referendo §. 7. n. xii. Non ambigimus Martinum Pontificem ad id pariter utile excitatum ab articulis in eo Concilio Joanni XXIII. objectis, quorum vigelimus in ordine erat = *Quod Dominus, ut præfatur Joannes Papa Indulgentias in mortis articulo, predicatione Crucis, item a pena & culpa absolutiones, Ecclesiarum & Altarium portatilium concessiones, & Abbasum Benedictiones pecunia vendidit numerata* = & vigelimus secundus = *Quod Dominus Joannes Papa Nicolao Mercatori in legatione existentis concessis, indulgentiis, & commissis, ut idem Nicolaus quibuscunque hominibus utriusque sexus ad suæ libitum voluntatis deputare posset Confessores: & quod hujusmodi Confessores deputati absolvere possent a pena & culpa, certis tamen pecuniis taxatis mediantibus. Quas quidem præsentis Indulgentias idem Mercator publicavit, & publicari fecit in certis locis, Civitatibus, & Villis: ut post Trajecti, Mechliniæ, Antuerpiæ & alibi, de quibus maximas pecuniarum summas exausis, & extorsis, Christifideles seducendo, & statum, ac ritum Ecclesiæ Catholicæ*

enormiter scandalizando = Cum vero Patres Constantienses plurimum de immoderatis Indulgentiarum concessionibus quærentur, concordata edidit Natiooium Martinus super earum reformationibus, quas habes §. 7. n. xi. ex Hermanno Vender dartz; ac altero, post suam electionem ad Summum Pontificatum die, nonnullas Cancellariæ Regulas pro illis inopositem concedendis voluit promulgari. Eisdem recitabimus §. 7. n. xii. ex citato Hermanno Vender dartz tom. 1. fol. 979. ex Manuscripto Codice Vindobonensi.

Alium Indulgentiarum excessum correxit subinde Martinus Pontifex; Henricum enim Archiepiscopum Cantuariensem, qui anno mcdxx. Clero annuente, vel quæstus improbi gratia, vel præposteræ pietatis intuitu plenissimam fecerat peccatorum remissionem, non dissimilem ei, quæ pro Romano Jubileo solet a Summis Pontificibus exhiberi, acri correctione objurgavit, datis Literis ad Jacobum Episcopum Tergestinum, & Simonem de Teremo Sedis Apostolicæ Nuntios in Anglia, pro rescindendis iis, quæ de hac re acta fuerant, ac pro Archiepiscopi & Cleri excessibus legitime cognoscendis, ut deinde eosdem poenis pro facinorosa qualitate percelleret. Habes §. 7. n. xii. Apostolicarum Literarum tenorem. Archiepiscopus interea excessum agnoscebat, ab inceptis desistit reveritus Romani Pontificis auctoritatem, cui dumtaxat competit in terris plenariæ Indulgentiæ gratiam cum annexis favoribus dispensare.

Anno mcdxxi. quo Jubilæum in Anglia incassum indictum declaravit Martinus V. aliud Romæ legitime juxta formam, ab Urbano VI. præscriptam celebratum est, de quo pauci Scriptores meminere, fortasse, ut scite animadvertit Spondanus, quod ob intestina bella, quæ tam in universa Italia, quam in Gallia & Germania, aliisque Regnis & Provinciis grassabantur, pauci tunc Romam adire potuerint. Corrigendus tamen est Bezovius, qui Jubilei Martini V. celebrationem cum anno mcdxxv. conjungit, dicens = *Eodem anno* (nempe mcdxxv.) *Martinus Papa Romæ annum Jubileum celebravit* = Paulus enim II. Constitutione incipiente *Ineffabili*, (de qua infra redibit sermo) disertissimis verbis asserit: Martinum Jubilei reductionem per Urbanum VI. factam approbasse, eoque anno recurrente

ad effectum deduci voluisse = Martinus V. Romanus Pontifex Prædecessor noster (verba sunt dictæ Constitutionis) reductionem per eundem Urbanum factam huiusmodi ratam habent, & gratiam ipsam in sua firmitate persistere, & anno trigesimo tertio supradicto observari debere censuerat, & ad effectum deduci anno ingruente prædicto permiserat, prout observata extitit &c. Quamobrem cum Urbani VI. reductio facta fuerit anno MCCCXXXIX. ac Jubilæum anno MCCCXC. celebratum, necesse est dicere, subsecquentis Jubilæi celebrationem in annum MCCCXXXIII. incidisse.

Sed ritum celebrandi Jubilæum trigessimotertio quoque anno Ecclesia Romana non retinuit; Nicolaus enim VI. Clementis VI. Constitutionem incipientem *Unigenitus* ratam habens amplissima Indulgentiarum præmia iis proposuit, qui sacra Exomologesi animam expressissent, & quatuor Patriarchales Urbis Basilicas ritu a Prædecessoribus Pontificibus præscripto lustrassent = In anno MCCCCL. (inquit D. Antoninus 3. par. tit. 22. cap. 12. §. 3.) celebratus fuit Jubilæus sub Nicolao Pontifice Urbis, prius prænuntiatus & publicè solemniiter cum Indulgentia plenaria visitantibus Ecclesias Urbis quatuor: scilicet Sancti Joannis Lateranensis, S. Petri, & S. Pauli, & S. Mariæ Majoris, certis diebus determinatis, Penitentibus & Confessis certo modo, & forma, ad quam consequendam conveniunt ex omni natione, quæ sub Cælo est, Fidelium plurimi Mares & Fæminæ = Cohæret D. Antonino Jannotius Manettus Lib. 2. in Vita Nicolai V. = Ad hanc, ait, celeberrimam solemnitatem, in qua inter cetera omnium veterum peccatorum remissio, atque expressa cunctorum Indulgentia delictorum a cunctis cum penitentia ac confessione adveniantibus acquirerebatur, non solum ob hanc tantum divinam festivitatem, sed etiam ob admirabiles pontificalis personæ condiciones, quæ jam pcp totum pene terrarum Orbem fama undique resonante peragraverant, tota Populorum omnium Christianorum multitudo concurrisset, & confluxisset peribetur, ut ceteris Jubilæis hactenus celebratis, numero & copia hominum utriusque sexus non immerito præferri possit existimetur; tantæ enim Pannonum

Germanorum, Cimbrorum, Britannorum, Gallorum, Hispanorum, Celtiberorum, Portugalensium, Græcorum, Dalmatarum, Italarum, cæterorumque Christianorum populorum (ut omnes uno verbo summatis comprehendamus) catervæ quotidie confluebant, ut concurrentium congregatio, cujuslibet mensis dimidio per arbitrium designato, in stuporem admirationemque procederet; tantæ namque & tam magnæ adventantium gentium catervæ quotidie concurrebant, ut quasi sturmorum, apum & formicarum agmina, mirabile & incredibile dictu! viderentur = Pergit Manettus prælaudatus enarrare maxiam pecuniarum copiam ex Populorum confluentium donariis, atque elemosynis eo anno collectam, atque in pia opera, summa cum laude & liberalitate a Nicolao Pontifice impensam = Pontifex, ex hoc tanto, & tam immenso, & pene iam incredibile hominum ad hunc Jubilæum accedentium numero, maximam ac pene infinitam argenti copiam, tum ob ingentium vestigalium multiplicationem, tum ob magnam cunctarum rerum ad victum necessariarum quotidianam consumptionem, tum insuper ob generales uniuscujusque oblationes adeptus est, unde ad perpetuam hujus sacrosancti anni commemorationem plurimos amplos & inusitato aureos feriri, & cudi fecerit, quos ab effectu ipso Jubilæi cognominavit, ac tanti ponderis erant, ut communi trium usitatorum aureorum pretio suo valore adæquarentur, proinde ex his duabus, & ob tritorum hominum, & Jubilæorum aureorum causis cum ea, quæ ipsa nunquam alias ceteris similibus annis evenisse comperimus; at illa non aliunde, quam ob maximam quandam, & pene incredibile adventantium & concurrentium personarum multitudinem profusisse cognoverimus. Hunc, de quo loquimur, Jubilæum, alii singulis omnibus hactenus celebratis, numero & confluentium populorum copia, merito præponere, ac præferre non dubitamus. At vero ubi Pontifex magnos & ingentes pecuniarum thesauros exinde ad ærarium Apostolicum pervenisse cognovit, quamquam secundo Pontificatus sui anno pluribus simul locis, & intra & extra Urbem non modicis sumptibus construere, & ad-

fica-

facere cepisset, & ingentem quoque Latinorum, & Grecorum Codicum congeriem congregare statuisse, atque aliquos insuper doctrina, & humanitatis studiis præstantes viros utriusque lingue peritissimos annuis mercedibus & Ordinarii salariis ad sese evocasset, ex nova tamen, & inopinata prædictarum pecuniarum acquisitione ad continuam non modo captorum operum prosecutionem, sed amplificationem etiam aliorum hujusmodi, & innovationem mirum in modum, animum applicuit, ut ob perpetuam magnorum ædificiorum constructionem Romanæ Ecclesiæ honor, & Apostolicæ Sedis gloria simul cum singulari, & præcipua Christianorum omnium devotione abundanti, & latius amplificaretur, & ob assiduam insuper novorum placarorumque operum tum traductionem tum compilationem presentibus, & posteris studiosis hominibus plurimum adjumenti præberetur.

Elapsis viginti annis a prædicti Jubilæi celebratione Paulus II. humanæ conditionis fragilitatem, & mortalis vitæ breviter, nec non Ecclesiæ calamitates ex Indisiduum persecutionibus attendens, ad terminum quoque Lustrorum seu annorum vigintiquinque, lege perpetua primo celebrandum anno MDCCLXXV., Jubilæum stabilivit, sicut semper postea usque ad hæc nostra tempora fuit observatum. Extat. § 7. n. XVI. Constitutio Pontificis laudati cujus initium est *Ineffabilis* edita 13. Cal. Maii MCCCCLXX. Ne tamen ob frequentem Indulgentiæ plenariæ morem, jam ut supra retulimus in alias Orbis Christiani partes invecum, Fideles patriis contenti remissionibus, Romam ad Jubilæum comparandum peregrinari negligerent, decrevit Sedes Apostolica, cunctas Indulgentias extra Urbem datas dicto anno recurrente suspensas esse. Hoc primo præstitit Sixtus IV. Constitutione incipiente *Quemadmodum*, recitanda § 7. n. XVII. qua Jubilæum a Paulo II. indictum pro anno MCCCCLXXV. confirmavit, approbavitque. Cum vero pauci ad Jubilæum, quod Romæ prædicto anno celebrabatur, præter communem expectationem contenderent, vehementibus armorum terroribus impediti, Sixtus Pontifex, ut exterarum Nationum saluti consulere, Jubilæum Bononiæ instituit, amplissima noxarum propolita venia sis, qui expia-

ta rite conscientia a Cal. Maii ad pridie Cal. sequentis anni quatuor illius Urbis Ecclesias opportunis additis precibus visitassent; ut tradit Carolus Sigonius *de Episcop. Bononiensib. lib. 4. ad annum 1475.* addens, adeo ingentes populorum concursus eo factos, ut vulgo exultatum sit, Bononiam nunquam tanta peregrinorum copia redlindasse.

Mirabitur fortasse non nemo, Indulgentiæ plenariæ munus, quod raro admodum usque ad exitum sæculi decimiquarti vel pro sacris Expeditionibus, vel recurrente anno Jubilæi Romæ Christi fidelibus impensum fuerat, facilius deinde, ut vidimus, consuevisse dispensari, adeo ut expedire judicaverint Summi Pontifices, ad fovendam Fidelium ergo Romanum Jubilæum venerationem, cunctas Indulgentias extra Urbem concessas suspendere. Sed eam facilitatem non sine maturo consilio, ac celesti providentia præstitit Sedes Apostolica; cum enim successu temporis Romana Ecclesia magis animadverterit, quamplurimos Fideles locordes ac desides in satisfaciendo & in perferendis poenitentiarum oneribus, atque commode rescumi non posse veterum Canonum disciplinam, satius duxit frequentioribus ac profusioribus Indulgentiarum largitionibus eos ad Sacramentorum frequentiam cateraque officia pietatis ac Religionis allicere, quæ plurimum apud Deum pollent, tamen tantum non præferant onus, quantum Sacre Expeditiones longaque itinera ad Lymina Apostolorum, quam congruis remediis destitutos, & peccatorum pondere prægravatos relinquere; & profecto cum Ecclesiæ bono perutile sit Christi fideles a vitiorum semitis revocare, maxime Ecclesiæ bonum animarumque salutem Sedem Apostolicam intendisse dicendum est per frequentiore Indulgentiarum largitionem, quam superioribus sæculis fuerit in usu, adjectis oneribus Sacramentalis Confessionis & Communions, aliorumque piorum operum exercitiis. Inconstantiam vero nemo dixerit hujus Œconomi Ecclesiasticæ consilii mutationem: memor D. Cyprianus probatissimum Ecclesiasticæ Disciplinæ censorem, qui antequam Indulgentiarum januam Lapis aperiret, eorum poenitentiam diuturnorem fore, annuente Clero Romano decreverat, deinde mutata sententia, ut majori illorum utili-

tati

tati prospiceret, illico eosdem ad pacem atque reconciliationem adiuvisse, non expectata longiori poenitentialique censura notatum se his verbis vindicasse, datis literis ad Antonianum = *Quoniam de meo actu motus videris, mea apud te persona, & causa purganda est, ne me existimes aliquis a proposito meo leviter recessisse, ut cum Evangelicum rigorem primo & inter initia defenderim, postea videar animum meum, a disciplina & censura priore flexisse, ut his, qui libellis conscientiam suam maculaverint, & nefanda sacrificia commiserint, laxandam pacem putaverim, quod utrumque non sine librata, & ponderata ratione a me factum est; nam cum praelium gloriosi certaminis in persecutione ferocet, toto hortatu & pleno impetu, Militum vires fuerant excitande, & Lapsorum Mentes animande, ut poenitentiae viam non solum sequerentur, sed & ad Martyrii gloriam persequerentur.*

Verumtamen ut in dandis liberalius Indulgentiis indemnitas servaretur Ecclesiae disciplina, atque sancte & in corrupte Thesaurus meritum Christi dispensaretur, plura, & quidem salubriter a Concilio Tridentino statuta fuerunt; & quoniam Quæstorum abusus denuo plurimum invaluerat, discerpitum est: An Quæstores essent omnino tollendi? Acerime declamarunt plurimi ex Patribus, eos scilicet Lutheranae heresi fomitem non sine Christianis delum scandalo ministrasse, innumeros esse eorum dolos ac fraudes, quibus emungendæ pecuniæ innoderata tegebatur ingluvies; ac proinde huiusmodi officium penitus abolendum, ne id quod ad Fidelium pietatem fovendam videbatur institutum, vitiis famularetur illecebris. Ex altera vero parte alii hanc sententiam minime probantes existimaverunt, ob solium in agro Domini disseminatum non esse eradicandum triticum, sed ab eo purgandum, Quæstorum usu Fidelium conscientis consuli, quibus onus admodum grave erat ad Apostolorum Limina pro obtinendis absolutionibus a casibus reservatis accedere, Concilia Lateranense, Lugdunense ac Viennense non fuisse Quæstorum Officium, sed corruptelis inde manantibus, editis Statutis obviasse, opportunum fore remedium Indulgentiarum promulgatio-

nem Quæstoribus prohibere relicta facultate quærendi Eleemosinas medio tamen Officiali ab eisdem deputando, cui vetitum esset de collectis pecuniis, vel minimam percipere. Sed ii qui de tollendis Quæstoribus sententiam protulerant, reponere visum sunt, illo decreto, de quo mox dictum est, potius augendos fore, quam minuendos Quæstorum abusus, gesta in tribus memoratis Conciliis apertissime demonstrare, non tam Ecclesiae mentem, sed insuper impotentiam corrigendi tam perditæ gentis molimina. His cum accederet voluntas Pii IV. Summi Pontificis, qui per Episcopum Lancianensem, datis Literis ad Sedis Apostolicæ Legatos, suam mentem de tollendis Quæstoribus aperuerat, communi consensu statuerunt Patres. *Sess. 21. cap. 9. de R.formatione*: Quæstorum nomen penitus abolendum, nec personas ad illud munus obeundum in posterum admitti; ut videre est in Decr. eorundem Patrum, quod dabimus infra §. 7, n. xx1.

Hoc tamen generale Decretum quantum ad Quæstores eorum Hospitalium, quæ Eleemosinarum auxilio subsistunt modificationem, seu potius declarationem subisse, discrete colligitur ex eo, quod S. Pius V. & Gregorius XIII. prævia sententia sacre Congregationis Concilii Tridentini subinde statuerint (testæ Fagnano *in cap. cum ex eo de Penit. & Remissionib. n. 21. & seq.*) dare literas Encyclicas Locorum Ordinariis in quorum Diocæsiibus Hospitalia reperiebantur tenoris sequentis: *Hæc Eleemosynas, quæ in tua Diocesi pro usu dicti Hospitalis dabantur, permittas; dummodo persone, quæ colligent eas, bonæ vite & spectatæ Religionis, & tuo iudicio approbatæ sint, minimeque participes dictarum Eleemosynarum, & Quæstorum nomen nullo modo gerant. sed simpliciter Eleemosynarum collectores nuncupentur, quique non publicent ullas Indulgentias, nec concionentur, nec circumferant privilegia, nec Reliquias, nec minis, aut imprecationibus inducant Fideles ad eleemosynam; nec Campanellam aliquæ instrumenta similia, nec Quæstorum insignia ferant, pulsent ad excitandas personas; nec petant eleemosynam tamquam debitam, aut solitam, nec ulla arte (etiam prætextu dicendi Orationes S. Antonii aut alterius Sancti, vel*

all-

aliter extorquant pecuniam, sed simpliciter; permodeste & cum omni dextercitate petendo eleemosynam pro sustentatione dicti Hospitalis, recipiant tantum, quod sibi liberaliter offertur; neque super his eleemosynis ullam conventionem quovis modo faciant, etiam in utilitatem dicti Hospitalis. Diligenter autem curabit amplitudo tua, ut nec omnia rite observentur, & ad id diligenter animadvertat, Imo, quo etiam Sanctitas sua conscientiam tuam gravari voluit, advertilabis, ut quidquid dictarum eleemosynarum nomine fueris collectum, id totum in usum tantum ipsius Hospitalis, & non in alium convertatur.

Ceterum his sanctionibus non prohibetur Regularibus Mendicantibus citra Ordinariorum veniam in Civitatibus & Dioecibus, ubi habent Conventus, eleemosynas querere, dummodo per se ipsos, & non per alios id præstent; quamobrem testatur Fagnanus prælaudatus in cap. *Tuarum de Privileg. n. 3.* Sacram Congregationem Concilii declarasse = *Fratres Mendicantes non posse quidem ab Episcopis prohiberi, quinque per se ipsos, in Diocesis ubi habent Conventus, eleemosynam querant; sed tamen si extra Loca ubi Monasteria existunt, querere voluerint, teneant suorum Superiorum licentiam Ordinario ostendere; ac si extra Diocesim, teneri etiam illius consensum obtinere. Ceterum nullatenus esse permittendum, ut eleemosynas querant per alios, quam sui Ordinis Fratres* = Quod pariter respondisse Sacram Supremæ & Universalis Inquisitionis Congregationem Libello supplici Episcopi Birefis mense Martio anno MDCLIII., testatur Cardinalis Albucius in suo Opere de *Inconstantia in fide* cap. 40. n. 114. hoc referens dictæ Congregationis Decretum = *Eminentissimi & Reverendissimi Domini Cardinales Generalis Inquisitionis decreverunt, quod non sunt comprehensæ in Decreto contra Quæstores Religionis illæ, quæ mittunt proprios Religiosos ad quaestandum, dummodo non publicent Indulgentias, & observent requisita a Sacro Concilio Tridentino.*

Ut vero ad alia Concilii Tridentini statuta de Indulgentiis transeamus, non omnimittendum hic existimamus, Decreto de

abolendis Quæstoribus aliud addidisse Patres, ne tantæ pro veris palam Indulgentiæ proponerentur, eas scilicet nunquam in posterum, publicari debere, nisi prævio Ordinariorum examine, nec non duorum de Capitulo, data eis facultate pia Fidelium subsidia recipiendi, citra tamen quamlibet mercedem. Prædicti autem duo de Capitulo ad Indulgentias juxta Tridentinum recognoscendas adhibendi, non ab ipso met Capitulo sed ab Episcopo sunt eligendi ex declaratione Sacræ Congregationis Concilii sub die 22. Julii MDCLIV., relata a Lavorio p. 2. cap. 13.

Hic tamen difficultati discutiendæ aditus aperitur; an Tridentini decretum prælaudatum de modo publicandi Indulgentias, Regulares ab Ordinariorum jurisdictione exemptos afficiat; ita ut dicti Regulares, in Indulgentiarum publicatione ab illis omnino dependere teneantur? Sed id remanet solum ex Responsionibus dictæ Sacræ Congregationis, quæ pluries [teste eodem Lavorio loc. mox cit.] statuit = *Regularibus non licere in ipsorum Ecclesiis, etiam pretextu privilegiorum publicare, vel proponere populo novas Indulgentias sibi ipsi concessas sine licentia & approbatione, vel auctoritate Ordinarii; secus vero olim a Romanis Pontificibus concessas* = Idem quod mox vidimus a Concilio Tridentino decretum, sancivit Concilium Mediolanense V., Præside D. Carolo Borromeo Archiepiscopo Mediolanensi, celebratum anno MDLXXIX. sequentibus verbis = *Ne cuius Rectori, Ecclesiæ etiam exemptæ, quovis modo, neque ulli Ordini Regularium, neque cuiquam Scholæ, Confratriæ etiam Rosarii, & Crucifigiorum locorum pil. collegio, pretextu causæ vel privilegiorum etiam antiquorum vel Indulgentiarum, quas sibi quovis modo concessas, etiam insinuat Ecclesiarum, Locorumve piorum, Confratrumque Urbis Romæ habet: liceat illas ipsas in suis Ecclesiis promulgare; sed ut Decreto Tridentini caveatur, per Episcopum adhibitis duobus de Capitulo, illæ quotannis statuto tempore publicentur, atque evulgentur: Eleemosynæ item atque charitatis subsidia quæcumque eo nomine occasione a Fidelibus offeruntur, per eos ipsos colligantur, & Ecclesiæ locove, cuius causa Indulgentia concessa est, omni-*

no attribuantur, idque gratis, ac nulla prorsus mercede.

Ut aliis huiusmodi abusibus occurreret Concilium Tridentinum, voluit quæstus omnes pro Indulgentiis obtinendis aboleri, aliasque corruptelas in Provincialibus Synodis Episcoporum cura inquirendas & colligendas ad Summum Pontificem deferri; & moderationem in iis dispensandis sese concupire non sinit juxta veterem & probatam in Ecclesia consuetudinem. Extat hoc decretum §. 7. n. xxiii.

Quod si hic cum Petro Suavi contenderes, modernum Indulgentiarum usum adversari menti Tridentini, quod voluit, in dandis Indulgentiis veterem Ecclesiæ disciplinam observari; haud negaverim olim in Ecclesia parciolem fuisse earum usum, verum illis verbis = *in his* (nempe Indulgentiis) *concedendis moderationem juxta veterem & probatam in Ecclesia consuetudinem adhiberi cupit* = nequaquam Tridentinum significare voluit (uti inquit Eminentissimus Pallavicinus eundem Suavem impugnans) ut omnino ad veterem severitatem fieret reditus, sed decrevit dumtaxat, seu potius concupivit, nimiam laxitatem inductam ad eos fines coarctari, quos temporum ac locorum conditio suaderet. Itaque cum hac ætate nequeat reformi, (ut superius innuimus) Canonicarum satisfactionum frequentia, & rigor, experientia teste didicimus, adjumentum esse suave & efficax, pro hominibus excitandis ad opera pietatis, illicitum Indulgentiæ comparanda, neque illo, dummodo sit prudens, ac temporum locorumque vicissitudini accomodatus, desides ad satisfaciendum Deo redduntur Fideles ad alia religionis atque pietatis officia; cum enim nemini certo constare queat, an impletis plane operibus in Indulgentiarum concessionibus requisitis, earundem fructum obtinuerit, remaneat stimulus ex una parte, ut per novorum operum studium reddatur quis de solvenda poena temporali sollicitus; ex alia vero, quæ ipsis ad huiusmodi spiritualia munera acquirenda injunguntur, studium pietatis adaugent, atque ad similia peragenda facilitatem inducunt.

Eam piam Concilii Tridentini mentem de quæstibus pro Indulgentiis penitus abolendis affectus Pius IV. mandavit Brevium Indulgentiarum quarumcumque expeditio-

nem sine clausula *porrigendi manus adjutrices*, gratis fieri, adjecta poena excommunicationis lata sententiæ in Ministris Curie Romanæ, si quid acciperent excepto salario *Registrature*, edita Constitutione, cujus initium est: *Decet Romanum Pontificem* anno MDLXII. sub die septima Novembris, quam dabimus §. 7. n. xxiiii. Ne autem prætextu Indulgentiarum, quæ concessæ jam erant cum clausula = *Pro porrigentibus manus adjutrices* temporale potius quam spirituale animarum lucrum quæreretur, aliaque illicita non sine Christianidelium scandalo perpetrarentur, uti de quibusdam viris in diversis Orbis partibus id agentibus summa vulgaverat, eas omnes Religionibus, Confraternitatibus, Ecclesiis, Monasteriis aliisque locis piis, ab Apostolica Sede antea concessas, S. Pius V. constitutione incipiente *Essi Dominici Gregii* emanata VI. Idus Februarii anno MDLXVII. revocavit, ac irritas reddidit: eademque decrevit, ut in posterum Indulgentiarum ac facultatum per quoscumque Romanos Pontifices obtenturam prætextu, etiam in fidei, ac Sanctæ Cruciatæ favorem concessarum nullus omnino quacumque præditus dignitate, vel Ecclesiastica, vel temporali auderet quæstus facere, aut Nuntios, Quæstos, Commissarios &c. pro eleemosynis recipiendis constituere, nisi ex speciali licentia & certa scientia Romani Pontificis pro tempore existentis; ut plenius constet ex eadem Constitutione referenda §. 7. n. xxiv. Et quia in Diocesi Toletana aliisque Hispaniæ Diocælibus irrepserant abusus, adhuc post promulgatam hanc Constitutionem, ut iis, qui certam pecunie quantitatem solverent, concederetur quem voluissent sibi eligere Sacerdotem, qui eisdem absolutionem a casibus Episcopis reservatis impenderet, atque poenitentiarum relaxationes profusus & indiscrete largirentur: indices præterea appenderentur casuum nec non Indulgentiarum in Aedibus sacris, quibus palam significabatur, solventibus pecunie summam, præter superscripta, concedi facultatem cibos vetitos comedendi; item Missæ Sacrificium, nec non sepulturam tempore Interdicti, assumptionem quoque duorum & plurium Computrum ad Sacrum Baptisma, præter eos, qui in Synodaliibus Constitutionibus præfigebantur; Ecclesiarum reparationem Confrater-

ternitatum erectiones, & alias pias causas pretextendo; idem S. Pius V. alia edita Constitutione incipiente: *Quam plenum* anno MDLXX. quarto Nonas Januarii prædicta omnia abrogavit, iussitque supramemoratos indices, nec non scripturas, & monumenta quæcumque publica & privata, per Locorum Ordinarios, & alios Ecclesiarum Rectores ubicumque reperirentur, dilacerari, poenitusque deleri. Habes hanc Constitutionem infra §. 7. n. XXV.

Adeo Sanctæ ac salubriter editas existimarunt S. Pii V. Pontifices Successores prædictas Sanctiones, ut in plurimis Indulgentiis plenariis ac Jubilæis postmodum liberaliter datis nunquam posthac clausulam *pro porrigentibus manus adjutrices* adhibuerint.

Quumquam vero brevis hujus historice Dissertationis metas excederet Jubilæa omnia singillatim recensere, instituti tamen nostri ratio silentio præteriri non patitur Jubilæum universale a Romanis Pontificibus indici consuetum initio suscepti regiminis Ecclesiæ, primo a Sixto V. anno MDLXXXV. promulgatum. Hujus specialis gratiæ pontificio Diplomate admoventur Fideles ad divinam exorandam Majestatem, ut iis, quibus omnium Ecclesiarum sollicitudo commissa est, vires conferat pro Pastoralis munere recte obeundo ad ejus gloriam & animarum salutem, Hæreses extirpet, Fidem Catholicam propaget, itque Christiani Populi calamitatibus opportune subveniat: atque conceditur 1.^o cunctis Fidelibus, qui una, vel altera ex duabus Hebdomadibus designatis Ecclesias vel a Summis Pontificibus deputatas, vel a Locorum Ordinariis deputandas devote visitaverint, & feria IV., VI. & sabbato jejunaverint, nec non Confessi & Sacra Communionem refecti fuerint, & elemosynam prout eorum devotio suggererit pauperibus erogaverint, plenissima peccatorum Indulgentia, & remissio, sicut in anno Jubilæi visitantibus Ecclesias certas intra, vel extra Urbem solet concedi. Idem Navigantibus & iter agentibus indulgetur, dummodo cum primum ad sua domicilia se receperint, supradictis peractis, Ecclesiam Cathedralē, vel Majorem, aut Parochialem visitaverint: & Regularibus utriusque sexus, etiam in claustris perpetuo degentibus, nec non Laicis & Ecclesia-

sticis personis Sæcularibus, vel Regularibus, etiam in Carcere aut Captivitate existentibus, vel aliqua corporis infirmitate, seu alio impedimento detentis, qui supradicta opera præstare nequiverint, si obtineant a Confessariis ab Ordinariis approbatis eorum commutationem in alia pietatis opera, vel in aliud tempus prorogationem. 2.^o tam Laicis, quam Ecclesiasticis, Sæcularibus & Regularibus, ut sibi ad dictum effectum Confessarium Sæcularem, vel Regularem ex approbatis ab Ordinario possint eligere, qui eos ab Ecclesiasticis censuris a jure, vel ab homine latis, & a criminibus etiam enormibus Locorum Ordinariis, vel Apostolicæ Sedis reservatis absolvant, vota insuper quæcumque (Religionis & Castitatis exceptis) in alia opera commutent, injuncta tamen eis in supradictis casibus poenitentia salutari. Vide §. 7. n. XXX. hujus concessionis formam in Literis Apostolicis Sanctissimi Domini nostri Benedicti XIV.

Sed ut ad Sanctæ Sedis & Ecclesiæ Romanæ statutum pro evellendis Indulgentiarum abusus tum pro earum excessibus moderandis, unde digressi sumus, redeamus, id etiam hic recolendum est, quod cum sæculo XV., & XVI. plenariorum Indulgentiarum, & quarundam etiam in forma Jubilæi concessionum ivaluisset frequentia, eaque Summis Pontificibus nimia largitas videretur, idcirco Congregationi Sanctæ Romanæ Ecclesiæ Cardinalium super hac re deputatæ a Clemente VIII. commissum est, ut nimis profusas earum largitiones, ubi opportunum judicaret, restringeret, aut revocaret = *Quarum Indulgentiarum* (inquit Papebrochius de illarum antiquitate pertractans) *cum tanta invalesceret frequentia, ut nonnullis Pontificibus nimia videretur, instituta excessus moderando Congregatio est* = Quamobrem Bironius ad annum Christi MCCCXLVII. Clementem Pontificem sequenti elogio decoravit = *Ad quam laudabilem antiquam formam Sanctissimus Dominus Noster Clemens VIII. divino instinctu effusus nimis Indulgentiarum concessionem restringere aggressus est; sunt enim potius remissiores vastæ Indulgentiarum laxitate Fideles* = & Bellarminus Lib. 3. de Penit. idem Institutum expendens = *Laudandus merito est* (inquit,) Cle-

Clement VIII. Pontifex Maximus, qui nunc sedet, quod Decretum Concilii Lateranensis sub Innocentio III. de moderandis Indulgentiis, & Decretum sessionis 25. de revocandis Indulgentiis ad veterem, & probatam Ecclesie consuetudinem executioni mandari studet = Prædictæ Congregationis necessitatem expendens Clemens IX., eandem etiam sacris Reliquiis præpositam in perpetuum erexit, selectis ad id muneris obeundum quibusdam Sanctæ Romanæ Ecclesiæ Cardinalibus, & Romanæ Curie Prælati, nec non Regularibus Sacræ Theologiæ Pontificique juris peritis, usuque rerum & prudentia præstantibus, qui ex facultate sibi attributa. 1.^o omnem difficultatem ac dubietatem in sacris Reliquiis, & Indulgentiis emergentem, quæ ad fidei dogmata non pertinent, expeditent. 2.^o in Reliquiis & Indulgentiis, qui abusus subrepissent, illos emendarent, & corrigerent iudicii forma plane postposita, causasque judicialem formam requirentes ad proprios Iudices remitterent. 3.^o Apocryphas indifcretasque Indulgentias imprimi non permitterent, impressas recognoscere & examine discernerent, ac ubi Sanctissimum retulerint, ejusdem autoritate relicerent. 4.^o Reliquias de novo inventas, quas Innocentius III. in Concilio Lateranensi citra Romani Pontificis approbationem publica veneratione coli prohibuit, recognoscere, & examinarent. 5.^o in concedendis tum Indulgentiis tum Sanctorum Reliquiis moderate se gererent, omniaque sancte & incorrupte fieri curarent; edita Constitutione cujus initium est: *In Ipsa Pontificatus nostri Primordii* sub die 6. Julii anno MDCLXIX.; quæ habetur §. 7. n. XXVI.

Eandem Sacram Congregationem, quæ subinde ab anno MDCLXXXI., quum Innocentius XI. claræ Memoriz Michaellem Angelum Ricciam ejusdem Sacræ Congregationis Secretarium sacra purpura donavit, in defuetudinem abierat, Cleinens XI. anno MDCCX. instauravit, eo potissimum ductus consilio, ut in Indulgentiarum concessionibus moderamen a Clemente IX. prælaudato, & a Tridentinis Patribus expetitum adhiberetur.

§. VI.

De Erroribus contra Indulgentias Eorumque Authoribus.

Post descriptam quarundem Indulgentiarum seriem, ac post relatos excusos & abusus earundem Ecclesiasticis Sanctionibus correctos & emendatos, ad errores, qui tam directe quam indirecte Indulgentiarum dogmati adversantur, progredimur exponendos; ut in subsequentiis Capitulis in quibus Catholicam veritatem ab Hæreticorum disertiis curabimus vindicare, opus non sit de omnibus singillatim mentionem facere.

Montanus Cathaphrigum Hæresis Author, natus in Mylia Phrigiæ Urbe, quæ Ardeban dicebatur, circa medium sæculi II. imperante Marco Aurelio, primus contra Indulgentiarum Dogma labarum extulit; inter plures enim, quos protulit & disseminavit errores, veniam etiam omnibus criminibus tum quoad culpam, tum quoad poenam concedi posse denegavit, teste D. Hieronymo, qui de Montano ejusque Sæcutoribus ait. = *Illi* (nempe Montaniste) *ad omne pene delictum Ecclesie fores obferant. Nos quotidie legimus: Male penitentiam peccatoris quam mortem; & numquid qui cadit non resurgit? dicit Dominus: & convertimini ad me filii convertentes, & ego curabo contritiones vestras. Rigidi autem sunt, non quod & ipsi majora non peccent, sed hoc inter nos & illos interest; quod illi erubescant confiteri peccata quasi justis, nos dum penitentiam agimus, facilius veniam promeremur* = Scripserunt adversus Montanistas Appollinaris Episcopus Hyeropolitanus, referens apud Eusebium lib. 5. cap. 16. eorum doctrinam ut profanam & impiam in pluribus Asiæ Conciliis fuisse damnatam, Appollonius pariter qui & profligatos eorundem errores detexit & infectatus est, & serapion in *Epistola ad Coricum*, & *Ponticum* data, quorundam Episcoporum subscriptionibus munita; ut habetur ex Eusebio cap. 17. ejusdem Libri.

Tertullianus Carthagenensis, Centurionis Proconfularis filius, ex Ethnico ad Christianam Religionem conversus, quantum

editis antea voluminibus fidei Catholice profuit, tantum illi deinde nocuit consequentibus libris dum hæreticus esset conscriptis; Montani liquidem Errores sub initium sæculi I. I. olim a se execratos amplectatus, inter ceteros illum asseruit & propugnauit: Non dari in Ecclesia potestatem remittendi Fornicationem aliaque grauiora crimina, quæ, modo in multorum notitiam deuenissent, poenitentia publicæ rigore plecebantur, existimans, hoc non homini, sed soli Deo convenire; ideoque lib. de Pudic. cap. 11. Decretum a Zetiirino Romano Pontifice latum de Indulgentia præstanda Mæchis, aliisque flagitiolis prosciendens, & irridens, inquit = *Audito Edictum esse propositum, & quidem peremptorium: Pontifex Maximus, Episcopus Episcoporum, Ego & Mæchia & Fornicationis delicta poenitentia fœuclis dimitto* = Mox sic discurret aduersus idem Decretum. Ob Edictum cui adscribi non potest bonum factum! Et ubi proponetur liberalitas illa? ibid.: in opinor in ipsi libidinum januis, sub ipsi libidinum titulis. Sed hoc in Ecclesia legitur, & in Ecclesia pronuntiatur, & Virgo est! Abusu a Sponsa Christi tale præconium = & cap. 22. in Pontificem laudatum inuehitur, eo quia ad Martyrum, preces & Libellos relaxationem poenitentia Canonice Mæchis daret, dictitans, Martyrum passiones vix ad satisfaciendum Deo pro personalibus eorum reatibus sufficere; proindeque publice Poenitentibus applicari minime posse = *At tu in Martyres tuos, inquit, effundis hanc potestatem, ut quisquis ex consensione vincula induit adhuc immollia, in nouo custodia nomine statim ambiunt Mæchi; statim adeunt Fornicatores. Jam preces circumsonant, jam lacrimæ circumstant maculatui cuiusque, nec ulli magis aditum carceris redimunt, quam qui Ecclesiam perdidierunt. Violantur viiri & Fœmine in tenebris plane ex usu libidinum nostri, & pacem ab his querunt, qui de sua periclitantur. Alii ad metalla confugiunt, & inde Communicatores reuertuntur, ubi aliud Martyrium necessarium est, delictis post Martyrium notis. Quis enim in Terris & in carne sine culpa? Quis Martyr sæculi incola, donariis supplex, Mendico obnoxius aut Feneratori? Puta nunc sub gladio jam capi-*

*te librato; puta in patibulo jam corpore expanso; puta in stipite jam leone concessio; puta in axe jam incendio adstratio, in ipsa dico securitate & possessione Martyrii. Quis permittit homini donare quæ Deo reseranda sunt, quæ nec Apostoli, quod sciam, Martyres & ipsi donabilia iulicauerunt? Denique jam ad bestias depugnauerat Paulus Ephefi, cum interitum decernit Incasso. Sufficit Martyri propria delicta purgasse. Ingrati, vel superbi est in alios quoque spargere, quod pro magno fuerit consecutus. Quis alienam mortem sua soluit, nisi solus Dei Filius? Nam & in ipsa passione liberavit Latronem; ad hoc enim venerat ut ipse a delicto purus, & omnia sanctus pro peccatoribus obiret. Proinde qui illum emularis donando delicta, si nihil ipse deliquisti, potere pro me. Si vero peccator es, quomodo oleum facule tuæ sufficere & tibi, & mihi poteris. = Quæ in Tertulliano expendens Baronius ad annum cccxvi. n. 6. exclamat = *Prob dolor! tam densa caligine ingenium adeo nobile offundi valuit, ut quod Christus vivens fecerat adulteræ indulgendo, & publicam in Civitate peccatriciem suscipiendo, peccatumque dimittendo; ipse nouo affectu spiritu, sui ipsius Pseudoparacleti auctoritate neget in Ecclesia faciendum! At si non satis exemplis Christi, verbis saltem Christi debuisset admoneri, & aperta lucis radiis illustrari. Et ubi nam, queso, quod dixit Dominus, simillimos illi alloquens Phariseos, astollentes de legibus observantia supercilium: Meritricem, & Publicani præcedentem vos in Regnum Dei? An, rogo, suscipienda in Cælum meritricem forent, nisi prius erroris poenitentes fuissent ab Ecclesia in terra receptæ? An designaretur eas recipere hic Ecclesia, quas sciret Christi testimonio esse recipiendas in Cælum? purior ne esse possit Ecclesia Paradiso, vel Episcopus Deo Sanctior, ut quod Cælum suscipit, prescribat Ecclesia; & quod Christus recipit homo rejiciat? = Eundem cum Proclo ab Erroribus non resipiscentem Ecclesiæ communionem fuisse privatum, conicit Pamelius in vita ejusdem.**

Tertulliano addi potest Novatianus Presbyter Romanus, in summum Pontificatum primo consulto schismatico intrusus contra S. Cor-

S. Cornelium anno ccl.i., vel ccl. iv. a Novato, qui aliud Schisma in Africa contra S. Cyprianum Ecclesie Carthagenensis Antistitem excitaverat. Hic Decretum provisorium in causa Lapsorum a Clero Romano sede vacante latum, de quo supra §. 3. meminimus, primo reprobavit; ac postea aperta fronte negavit, Ecclesiam Lapsis in persecutione Gentilium, seu Sacrificatis, atque Libellaticis veniam posse indulgere; ut tradit Author *libri ad Novatian.* sub nomine D. Cypriani = *Cogitanti mihi*, inquit, & *insolenter omnino astuanti*, quid nam agere deberem de miserandis Fratribus, qui vulnerati non propria voluntate, sed Diaboli servientis irruptione adhuc usque, hoc est, post longum temporis seriem agentis, penam darent, ecce ex adverso abortus est alius hostis, & ipse paternæ pietatis adversarius hereticus Novatianus, qui non tantum, ut in Evangelio significatum est, sicut Sacerdos, vel Levites jacentem vulneratum præteriret, sed ingeniosa, ac nova crudelitate sauciatus potius occideret adimendo spem salutis, de negando misericordiam Patris, respuendo penitentiam Fratris = Idem refert Eusebius *lib. 6. Hist. Eccles. cap. 35.* = Novatus, inquit, (substitutus Novatianus) Romanæ Ecclesiæ Presbyter, arrogantia quadam & fastidio contra Lapsos elatus, asseruit, non amplius illis [quomodo omnia que viderentur ad veram penitentiam, ad conversionem animarum, ad puram denique Confessionem spectare omnino peragere] spem ullam salutis omnino reliquam fieri. Unde propria cujusdam sectæ & erroris eorum, qui præ inflata quadam mentis insolentia se ipsos Kabapēs esse, id est puros asserunt, dux fuit = Sicut in Romano Schismate ducem habuit Novatum, ita & in erroribus commilitonem. In quo sane manifestum fuit inconstans Novati consilium, qui enim in Africa provisorium Cleri Romani Decretum in causa Lapsorum emanatum, tamquam nimis rigidum redarguerat, nullamque inspecta criminum diversitate asseruerat, omnibus peccatoribus veniam fieri debere incunctanter, Romæ contra antea-ctæ lenitatis oblitus illud ipsum decretum Ecclesiasticæ discipline penitus eversum dicebat; ita ut, qui olim duræ nimis au-

steritatis redarguebat Episcopos, nimis deinde facilitatis Cornelium Romanum Pontificem incusaret. Quod fortasse causæ fuit, ut Eusebius *lib. 6. Hist. Eccles. cap. 35.* & S. Epiphanius *Hæres. 39.* Novatum cum Novatiano confunderent, unumque pro altero usurparent.

Ut perversæ doctrinæ semen ubique terrarum spargeret Novatianus, Epistolas Encyclicas dedit ad universos Episcopos, ut testatur Socrates *lib. 4. Hist. Ecclesiast. cap. 23.* ubi de eo ita scribit = Deinde omnibus Ecclesiis ubique scripsit literas, ut eos, qui simulacris immolassent, minime ad Mysteria admitterent, sed Deo, qui potest & habet auctoritatem peccata remittendi. Quibus literis ad Provincias perlatis, singuli pro suo ingenio de rebus in illis significatis iudicium fecerunt. Nam quia erat a Novatiano significatum, eos, qui post baptismum peccatum ad mortem commiserant, ad Mysteria non esse recipiendos: ejusmodi Canonis promulgatio quibusdam acerba & severa nimis visa est, a nonnullis probata, utpote æqua, & ad vitam rectam instituendam multum afferens adjumentum. Dum hæc inter eos agitur controversia, Literæ Cornelii Episcopi allatæ sunt, quæ significabant spem veniæ etiam illis esse reliquam, qui post Baptismum deliquissent.

Temporis progressu, ut apposite & aptius ratiocinaretur, quæcumque peccata post Baptismum commissa indiscriminatum esse irremissibilia per Ecclesiæ Claves, censuit Novatianus cum Novato; cujus rigorem ejus sectatores ita temperarunt, ut negaverint Ecclesiæ auctoritatem condonandi graviora delicta, secus vero leviora, teste D. Ambrosio *lib. 1. de Penit. cap. 2.* = Sed ajunt, inquit, se, exceptis gravioribus criminibus, relaxare veniam levioribus. Non hoc quidem auctor vestri erroris Novatus, qui nemini penitentiam dandam putavit, ea scilicet contemplatione, ut quod ipse non posset solvere, non ligaret, ne ligando sperari a se faceret solutionem. In eo igitur Patrem vestrum propria damnatis sententia, qui distinctionem peccatorum facitis, quæ solvenda a vobis putetis, & quæ sine remedio esse arbitramini. Sed Deus distinctionem non facit, qui misericordiam suam

suam promissit omnibus, & relaxandi licentiam Sacerdotibus suis sine ulla exceptione concessit. Sed qui culpam exaggeravit, exaggeret etiam penitentiam, majora enim crimina majoribus ablunantur fletibus. Ita nec Novatus probatur, qui veniam interclusit omnibus; nec vos imitatores ejusdem sed condemnatores, qui ibi minuitis studia penitentiae, ubi augeri oportet, quia graviora peccata majoribus sustentanda fulcris, docuit Christi misericordia;

Fregit tamen Novatiani Impudentiam S. Cornelius Papa; etenim Romæ coacto Concilio sexaginta Episcoporum, ac totidem Presbyterorum, decrevit: Lapsos poenitentiae remediis curandos esse, & Indulgentia donandos, illumque cum sectatoribus anathemate percussit, ut testatur *Euseb. Lib. 6. Hist. Ecclesiast. cap. 35.* Aliud insuper in Africa celebratum reperimus adversus Novatianum Concilium quadragintaduorum Episcoporum; in quo definitum est; Lapsis pacem esse concedendam expleta tamen diuturna poenitentia, ut colligitur ex *Epist. S. Cypriani ad Antonianum* supra §. 3. citata.

Bellum contra Indulgentias seditum iterum excitant Waldenses circa ann. mclx. dicti etiam *Pauperes de Lugduno*, a Petro Waldo, qui cujusdam concivis repentina morte perterritus, cunctis opibus ac facultatibus in pauperes erogatis, innumerabilem pene virorum multitudinem congregavit, qui voluntariam Christi, atque Apostolorum exemplo amplexati sunt paupertatem; vocati etiam *Leoniste, Picardi, Albigenes, Lombardi, Bobemi*, quia in hiis regionibus grassabantur: *Arnoldiste, Esperoniste, Josephiste* a variis ipsorum Doctoribus: *Cathari*, eo quod se puros jactabant: *Patareni*, eo quod ad persecutiones ferendas se paratos gloriabantur. Cum Waldus novi Testamenti textum vulgari lingua sectatores edoceret = *pro temeritate* (ut inquit Rainerius olim inter Waldenses Episcopus, postea Deo afflante ad Fidem Catholicam conversus, atque sacre Ordinis Predicatorum Familiae aggregatus, in Opusculo de *Hereticis*) cum fuisset reprehensus contempsit, & capite inflettere doctrinæ suæ, dicens Discipuli: quod Clerus quando male vita esset, invaderet sanctæ viæ ipsorum, & doctrinæ.

Hinc tam perditæ doctrinæ sectatores Romani Pontificis anathema in ipsos Latum nihil facientes, inter quamplurimos errores contra Sacramenta Ecclesiæ, Dogmata, Ritus & consuetudines promulgatos, Indulgentias pariter improbarunt = *Heretici Waldenses* (inquit Petrus de Pelichdorf, qui eorum errores describendos suscepit in *Tract. contra Heresim Waldensium cap. 30.*) reprobanz Indulgentias *Prelatorum Ecclesiæ, peregrinationes ad Limina Sanctorum Apostolorum & annum Jubilei* = Idem tradit eruditus Anonymus relatus in *Bibliotheca veterum Patrum tom. 13.* eorum etiam rationes & argumenta referens, quibus ad sui erroris patrocinium utebantur = *Indulgentia & Remissiones, quæ per Episcopos fiunt, nullius sunt utilitatis vel momenti.* 1.^m *Fundamentum: Si Benefactoribus alicujus loci remittitur tertia pars, vel hujusmodi injunctarum penitentiarum. Ergo remissiones illæ sunt venales. Si quis enim ovum, vel obolum dederit, erit benefactor; & si datur illi remissio pro pecunia, venalis erit remissio & remissionis gratia.* 2.^m *Si duorum vel plurim annorum penitentia in unius oboli oblatione commutatur, & annorum plurimorum in boram brevissimam. Ergo Deus defraudatur.* 3.^m *Si verum esset, quod de Indulgentiis dicitur. Ergo eodem pretio longe & graves penitentia, quo levis & brevis redimuntur.* 4.^m *Hujusmodi Indulgentia dant impunitatem peccandi, quia homines impune peccant, si tam levis, imo ridiculosa sit remissio peccatorum.* 5.^m *Si Indulgentia esset vera, tunc insanissimæ sunt, qui transfractiones, & alias longas peregrinationes suscipiunt; si tres oboli tantum eis profunt.*

Visum est Christiano Lupo Waldenses admisisse Indulgentias, quas propter sacri transmarini belli suspensionem, aut alias laboriosas ad Sanctorum Limina peregrinationes tunc dabat Ecclesiæ, & damnasæ dumtaxat questuarias. Cæterum cum illi asseruerint nullum superesse debitum poenæ temporalis luendæ post remissam culpam, Anonymo laudato inter alios errores hunc referente = *Quandocumque dimittitur alicui culpa, dimittitur, & poena* = aperte colligitur, omnium & quorum

rum

rumcumque Indulgentiarum utilitatem reprobasse.

In Lamberienſi vero Synodo celebrata, juxta Rogerium Hovedenum anno mclxxvi. de Erroribus conviſti, ut poenae Hereticorum declinarent, Fidei dogmata oretenus profeſſi ſunt; juramento tamen ea firmare conpulſi, pertinaciam & Hæreſes prodidere. Inde ab Eccleſia ejeſti, aliam ſubiectum damnationis ſententiam in duobus Œcumenicis Conciliis Lateranenſibus i. l. celebrato ſub Alexandro i. l. anno mclxxix., & iv. celebrato ſub Innocentio i. l. anno mcccv. Extat in lib. v. Decretalium tit. vii. de Hereticis a Gregorio ix. prolata damnatio his verbis expreſſa = Excommunicamus, & anathematizamus univerſos Hereticos, Catharos, Patarenos, Pauperes de Lugduno, Paſſuginos, Joſepinos, Arnaldiſtas, Speroniſtas Damnati vero per Eccleſiam, ſeculari judicio relinquantur, animadverſione debita puniendi; Clericis prius a Sacris Ordinibus degradatiſ. Si qui autem, de predictis poſtquam fuerint deprehendiſ redire voluerint ad agendam condignam poenitentiam, in perpetuo carcere detineantur. = Eoſdem etiam poenis temporalibus addictis fuiſſe a Friderico i. l., habetur ex ejus Conſtitutione relata a Goldaſto tom. i. Conſtitutionum Imperial. pag. 295. = Patarenos, Speroniſtas [ſunt verba Conſtitutionis laudatæ] Leoniſtas, Arnaldiſtas, Circumciſas, Paſſuginos, Joſepinos Waldenſes Pauperes de Lugduno, & omnes Hereticos utriuſque ſexus, quocumque nomine cenſeantur, perpetua damnationis infamia diſſidamus, atque bannimus, cenſentes, ut bona talium conſiſcantur, nec ad eos ulterius revertantur; ita quod filii eorum ad ſucceſſiones pervenire non poſſint, cum longe ſit gravius eternam, quam temporalem offendere majeſtatem.

Heterodoxis Indulgentiarum impugnatibus accenſent aliqui Scriptores Circumcelliones ab antiquis illis e Donatiſta ſecta longe diverſos, qui ſuos errores promulgarunt circa medium ſeculi xiii. Verum non ablegarunt illi abſolute ab Eccleſia Chriſti poteſtatem dandi Indulgentias, ſed odio periti adverſus Innocentium iv. ob ſententiam depositionis ab Imperio, in Fridericum i. l. anno mccciv.,

latam in Concilio Lugdunenſi l. Generalli xiii., propter Simoniacum crimen quod falſo Eccleſiae Romanæ afferere non dubitarunt, perperam intulerunt, eandem Clavium poteſtate exutam non poſſe Delinquentes cenſuris percellere: nullam Indulgentiam elargiri, ac Sacerdotum abſolutiones eſſe frivola & vana molimina = Hoc tempore (ita loquitur Abbas Uſpergenſis in ſupplemento ad annum mcccxvi.) fuerunt in Suevia Predicatores, qui in Pontificem Romanum, & Cardinales magna dicendi libertate os aperirent, Friderici i. l. & Conradi Filii cauſam juſtificantes, auſi dicere: apud Summum Pontificem, Cardinales & Episcopos, nullam reſilire authoritatem, quoniam omnes una labe Simoniaci maculati eſſent: nec quidquam tenere a Chriſto poſſiſtis: & quod Sacerdotes in mortali conſtituti peccato, neque ligarent, neque ſolverent, neque conſecrarent: Quid nemo in Orbe Chriſtiano interdicere poſſit divinis Officiis: quodque ſive diſcrimine ea celebrarentur impune, & in fine ſue predicationis, Indulgentiam, inquam, quam annuntiamus non a Papa conſiſtam, non a Prelatis compoſitam, ſed ex Deo omnipotentis vobis annuntiamus.

Alii hic Flagellantium ſectam reſerunt, Peruſii primum circa annum mcccx. exortam, ac deinde circa medium ſeculi xiv. per Bohemiam, Auſtriam & Hungariam graſſantem, quæ cum non eſſet approbata ab Episcopis, quamprimum ad ſuperſtitioſam atque hæreſin degeneravit; immoderata enim ejus Sectatores propriorum Corporum Carnificina freti, cunctis iſpectantibus exercita, aſſeruerunt, neminem poſſe ab Eccleſia vel culpæ, vel poenæ remiſſione donari, qui eorum inſtitutum non amplecteretur. Extant apud Raynaldum ad annum mcccxi. contra Flagellantes Clementis vi. Literæ ad Archiepiscopum Magdeburgenſem ejuſque ſuffraganeos, datæ Avénione xlii. Cal. Novembris anno mcccxi. quibus Sectam illam & errores damnavit. Obſervatione tamen dignum arbitramur, non reprobaffe Pontificem ſpontaneam proprii Corporis flagellationem, animo vere poenitendi de Culpis, ſub prudentis moderatoris arbitrio ſuſceptam, ſed cum oſtentatione factam, pluribuſque erroribus contaminatam. Cate-

rum superfluum putamus, singulos errores, qui vel minimum sapiunt contra Indulgentias, vel remotissime Clavium feriant potestatem, ex prolesso recensere.

Hicce sepultis monstris, Wicleffiana hæresis contra Indulgentias e Tartaris erupit, auctore Joanne Wicleffo, natione Anglo, ingenii dexteritate pollenti, sed superbo & ambitioso, qui cum Collegii Cantuariensis Oxonii præfectura, quam præter jus fasque invaserat, Summi Pontificis decreto, causa cognita fuisset abdicatus, adversus Pontificem & Ecclesiam aëritis discipulis virus evomuit anno mcccxxvi. De Wicleffi erroribus sub finem sui Pontificatus certior factus Gregorius XI. Literas dedit ad Cancellarium, nec non Oxoniensem Accademiam, eos severe objurgans, quod nefarios illos errores, radices in Anglia agere paterentur, in gravissimum animarum, nec non Catholicæ Fidei detrimentum; scripsit pariter ad Richardum Regem, Cantuariensem & Londinensem Episcopos, ut omnem moverent lapidem ad nascentem hæresim opprimendam, ejus Auctorem comprehendi curarent, & in custodiam traderent, donec aliud a Sede Apostolica reciperent in mandatis. Extant hujusmodi Literæ in Labbeana Collectione tom. xi., in quibus novendecim Wicleffi errores recensentur. Porro Acceptis Gregorii Literis Episcopus Cantuariensis & Londinensis dictum Hæreticum in jus vocarunt, ut objectis criminibus satisfaceret. In eo Judicio constitutus Wicleffus ita erroneos articulos in molliorem sensum detorsit, ut nihil ab Ecclesiæ Catholicæ dogmate alienum sensisse, sed solum obscure & imprudenter locutus videretur; ac cate-roquin animum humilem paratumque damnandi errores Ecclesiasticæ doctrinæ adversantes professus est. Ob suorum vero fautorum auctoritatem impune dimissus indictum silendi imperium mox obtrivit, antiquum Waldensium aliique hæresibus ab inferis excitatis; quos non omnes simul protulit, sed pedetentim, prout madita, aut temporum opportunitas tulit. Joannes Luke Theologus Oxoniensis ex Wicleffi operibus ducentos & sexagintasex errores enumerat, alii supra trecentos; quorum plurimi ferunt potestatem Clavium Summi Pontifici divinitus collatam. Hic exponemus dumtaxat, quos contra Indulgen-

tias protulit Urbano VI. D. Petri Cathedralam moderante, ex Henrico Knighton de Eventibus Angliæ = *Papa modernus Urbanus VI. non gerit vice Beati Petri in terris, sed est filius Antilechristi. Nec erat verus Papa a tempore S. Silvestri. Quod Papa non potest concedere aliquas Indulgentias: nec Episcopi quicumque; & quod omnes confidentes in hujusmodi Indulgentiis sunt maledicti consulendum est Fidelibus, quod non petant Curiam Romanam vel Avinionem, ad Papales Indulgentias vel absolutiones a peccato & culpa, sibi vel aliis imperandas, quia Dominus totius Mundi non vult in tali brevis; vel angusto loco coarctari, sed in Carlo existens perpendiculariter cultibus vigilantibus est paratus ad lumen sue gratiæ influendum.* = Expofuit insuper Indulgentias non esse ab Episcopis, sed a solo Deo petendas. Audi ex citato auctore alium articulum = *Quantum ad Indulgentias, privilegia & regulationem Ecclesiæ in lege nova, patet, quod foret expedienti toti Ecclesiæ, quod omnes novitates ejusmodi sint sopsite; omnia enim talia videntur esse phantasmata, nec fundata rationibus nec scripturis: Sicut Christus injunxit Adultere quod nolit amplius peccare, Ita videntur & Confessores debere Injungere penitentiam Confitentibus, quia nulla est Penitentia, a qua capi potest certior penitentia injungenda.*

Perversa Wicleffi doctrina in pluribus Synodis Angliæ, Bohemiæ & Parisiorum, & in Concilio Romano sub Joanne XXIII. anno mcoxiii. prologata, iterum damnationis sententiam subijt in Concilio Constantiensi celebrato anno mcoxv. post accuratum examen, quinque præsertim supra quadraginta propositionibus proscriptis, (quorum quadragessimus, secundus in ordine fuit sequens = *Fatum est credere Indulgentias Episcoporum:*) sub hac censura = *Hæc autem Sancta Synodus præfatos articulos quadragintaquinque examinari fecit quibus examinatis fuit repertum (prout in veritate est) aliquos, & plures ex ipsis fuisse & esse notorie hæreticos, & a Sanctis Patribus dudum reprobatos; alios non Catholicos sed erroneos, alios scandalosos & blasphemos, quosdam piarum aurium offensivos:*

NON.

nonnullos eorum temerarios & seditiosos = Idem Concilium lieros, quos ille *Dialogum & Trialogum* nominavit, aliaque ejus opera publice cremari iussit: declaravitque, Wicleffum, (qui anno MCCCXXXIV. die ultima Decembris repentina paralyfi percussus obierat) fuisse notorium Hæreticum, pertinacem, ac in hæresi decessisse: ejusque corpus, si posset ab aliis Fidelium corporibus discerni, exhumari, ac procul ab Ecclesiastica sepultura projici debere.

Nedum in Anglia sectatores habuit Wicleffiana Hæresis, sed plurimos etiam in Bohemia, Hussitas videlicet, qui durissimo schismate, credibus atque seditionibus Catholicos perturbarent. Horum præcipuus Antesignanus fuit Joannes Hus, velut alter dictæ Hæreseos Achilles, qui cum in Pragensi Universitate prius Magistri Artium, deinde Rectoris munus obiret, summam ob disertissimæ lingue facundiam existimationem nactus, promulgatis Indulgentiis a Joanne XXIII. anno MCDXI. pro iis, qui contra perduellem Ladislaum Apulie Regem Urbes & Oppida Sedis Apostolicæ devastantem, arma susceperant, sequentes contra dictas Papales Indulgentias articulo publice proposuit, propagnavitque = 1.^m *Sacerdotes Christi habent potestatem vere penitentes absolvere a pana & culpa.* 2.^m *Non tamen debent absolvere sub hac forma, nec absolvendi debent illud expetere, nisi hoc specialiter fuerit revelatum.* 3.^m *Nemo est capax Indulgentiæ nisi fuerit, & de quanto fuerit dignus vel dispositus per gratiam apud Deum.* 4.^m *Omnis recipiens tales Indulgentias, de tanto eas recipit, de quanto fuerit habilior apud Deum.* 5.^m *Nullius Papa vel Episcopi prodest Indulgentia homini, nisi de quanto prius se disposuerit apud Deum.* 6.^m *Episcopi Indulgentia de tanto recipienti proderit, de quanto Episcopus cum in fide Christi instruxerit, & in devotionem & amorem Dei accenderit.* 7.^m *Sacerdotes Christi non habent potestatem donandi Indulgentiam secundum quantitatem temporis, nisi eis specialiter fuerit revelatum.* 8.^m *Praelati Ecclesiæ debent in ista veritate Catholica subjectos instruere, ne Lasci infideliter occupati circa minus utilia attendant.* 9.^m *Lites seculari brachio pugnare, & sibi subsidia ad bellandum prestare*

habitis conditionibus sexdecim Charitatis. 10.^m *Non licet Romano Pontifici, nec expedit sibi, vel cuicumque Episcopo, vel Clerico pro dominatione seculari, vel Mundi divitibus pugnare.* 11.^m *Quamvis non litigare pro terrenis sit inferioribus Christianis consilium, Sacerdotibus tamen pro loco & tempore transi in præceptum.* 12.^m *Non potest homo salvari, qui peccaverit, sine penitentia competentis.* 13.^m *Non est pertinens Papa, subdacta revelatione, cuilibet corde contrito & oro confesso dare & concedere plenissimam remissionem omnium peccaminum a pana & culpa.* 14.^m *Papa multis talibus concedit Indulgentias, qui ex sibi dubio sunt præfissi, & Deus nulli tali concedit tales Indulgentias, ergo Papa in talibus extollitur supra Christum.* 15.^m *Papa in concessione Indulgentiæ usurpat quod Deo proprium est, scilicet donare vel remittere injuriam ipsi factam.* 16.^m *Positis Indulgentiis Papalibus a pana & culpa, videtur quod potest Papa Purgatorium destruere.* 17.^m *Temerarie Sacerdotes præconizant sine revelatione affirmantes Crucis erectionem esse licitam.* 18.^m *Non invenitur in Scriptura, quod aliquis Sanctorum diceret: Ego te absolvo: nec etiam inveniuntur Sancti, qui donassent Indulgentias sub annorum vel dierum numero, vel a pana vel a culpa; unde quasi vi, & usque hodie requiro: Quis Sanctorum donavit Indulgentias? & non invenio.*

Prædictis Erroribus aliisque contra Ecclesiæ dogmata Asceclæ Joannis Hus imbuti, ad eorum defensionem tanto ardore conflagrarunt, ut cum Magistratus tres fordidæ artis viros, ob excitatam seditionem contra Indulgentias Papales a Sacerdote promulgatas, capitali sententia damnasset, occisorum corpora rapuerint, aureisque pannis circumvoluta per omnes Urbis vicos ac plateas detulerint, clamantibus Hussitarum Sacerdotibus [Ænea Sylvio teste in *Histor. Bohem. cap. 36. & Chocleo Lib. 1. Histor. Hussitar.*]: = *Isti sunt Sancti, qui pro testamento Dei sua corpora tradiderunt* = atque aromatibus condita apud Bethleem, quasi Martyrum reliquias honorifice sepeliuerint.

Hussitarum erroribus ad Sedem Apostolicam delatis, Alexander V. Archiepiscopo

Prag enī Literas dedit, ut Apostolica fuffultus autoritate conciones ad Populum fieri prohiberet, nisi dumtaxat in Ecclesiis Cathedralibus, Collegiatis, Parochialibus & Monasteriorum, aut earum Coemeteriis: atque quatuor Theologis selectis, ac duobus in iure Canonico Doctoribus, de eorum consilio, contra eos, qui ejusmodi Dogmata edocerent aut approbarent, veluti contra Hæreticos sententiam ferret.

Inter Hussitas, qui vehementius contra Indulgentias debacchatus est, recenseri debet Hieronymus de Praga, vir secularis, sed & eruditus, contra quem, sequentes accusationis articulos in Constantiensi Concilio propositos fuisse, refert Hermannus Vander dart = Item dixit & predicavit prefatus Hieronymus in sua nequitia persistens, errores Wicleffi & Joannis Hus seminando & defendendo, quod nulla potestas dandi Indulgentias resideret apud Papam, neque Episcopos: quoque Literis Apostolicis neque Episcoporum continentibus Indulgentias ulla fides sit adhibenda: & quod Indulgentiæ tales de nibilo proficiunt: predicantesque Indulgentias impedivit, & desistere fecit, quando presens fuit; prout de anno MCDXII. in Oppido Novadomo, mense Augusto, Pragensis Diocesis in personis Dominorum Joannis de Altemuta, & Benefici Alterisæ attentavit, ipsi in Dote diſcæ Parochialis Ecclesiæ existentibus, animo & intentione, certas Indulgentias per olim Dominum Joannem XXIII. in diſcæ Ecclesiâ concessas, intimandi & publicandi; prefatus Hieronymus de Praga statim cum hoc audisset, Diabolico spiritu instigatus, personaliter ac propria in persona eandem Dotem cum multis Armatis suis in hac parte complicitibus intravit, & ad predictos Dominos, vultu irato & furibundo animo, & intentione illi injurandi, prorupit in hæc verba: Exeatit vos viri mendaces cum vestris mendaciis, nam Dominus vester Papa Mendax, Hæreticus & Usurarius est, nullamque potestatem concedendi Indulgentias habet: Ipsosque Dominos Joannem & Beneficium manu armata invasi, & minis & terroribus ipsos exire diſcā domum usque ad Ecclesiā Parochialem, ibidemque intrare compulsi: & de hoc non contentus eosdem cum terroribus & minis supradic-

tiis manu armata, etiam extra diſcā Ecclesiā, usque ad extra portas Oppidi supradicti inſecutus est; quin Dominus Joannes & Benefici una cum Domino Plebano diſcæ Oppidi fugientes, vix manus Domini Hieronymi & suorum Complurum armatorum supradictorum evaserunt. Et sic est verum, publicum & notorium.

Item quod idem Hieronymus publice asseruit & dixit in contemptum Clavium & Sedis Apostolicæ, quod Bullis Papalibus non esset credendum, neque fides adhibenda, neque etiam Indulgentiis Papæ esset credendum, quia nullæ sunt: nec etiam Papa posset aliquas Indulgentias dare, neque concedere; & hoc in contemptum, seu vituperationem Sedis Apostolicæ & Ecclesiæ Romanæ, cujus caput est Papa. Et sic fuit, & est verum, publicum & notorium.

Item quod diſcū Hieronymus Indulgentias predicantes impedivit, quando presens fuit; & cum presens non esset, deputavit certos Laicos perversos, qui discurrerant per Ecclesiā Civitatis Pragensis, dum ibi sermocinaretur, & predicantes Indulgentias impediverant & turbaverant, de mandato & induſione diſcæ Hieronymi clamantes & dicentes: diſcos Predicatores esse mendaces, deceptores & seductores illorum de populo, quibus Indulgentias predicabant & assererebant Indulgentias proficere; que quidem Indulgentiæ, ut diſcæ Laici publice assererebant, non proficiebant in aliquo Populo Christiano. Et sic fuit & est verum.

Item quod prefatus Hieronymus pro executione suæ furiositatis premiffis malis non contentus, sed pejora malis accumulando; de anno MCDXI. feria tertia intra octavam Pentecostes Literas Apostolicas Indulgentias continentes, exhortatorias ad pia & meritoria opera fecit capi & recipi, ac in quodam Curru cum Metreticibus, quibus hujusmodi Bullæ ad mamillas appensæ erant, poni procuravit, & palam & publice de minori Civitate & per antiquam Civitatem Pragensē duci, circumstantibus juxta currum Wicleffitarum Armatis cum fustibus & gladiis, juxta ipsius Hieronymi ordinationem, clamantes & preconizan-

tes: quod Literas & Bullas unius Heretici & Ruffiani ducerent ad comburendum; & sic in nova Civitate Pragensi, in platea prope Mediaſinum, tanquam Hereticas, & veluti continentes errores juxta ſententiam Joannis Wicleſſi & Joannis Hus Hereticorum præliſtorum, eas publice comburi fecit, ſeu ſeri procuravit. Et ſic fuit, & eſt verum, publicum, notorium & maniſeſtum.

In Conſtantiensi Concilio Petro de Aliaco Cardinali Cameracensi aliſque Hieronymum de Praga ad meliorem frugem revocare conantibus, non infelices proſus fuerunt eorum labores; paratiſſimum enim ſe exhibuit Hereticus ad quicumque hæreſim abiurandam, potiſſimum Wicleſſianam & Huſſiticam, cujus fuerat accuſatus, & ab eodem Concilio reprobatus, idque præſtitit, edita fidei profeſſione in ſeſſione xix. celebrata die 23. Septembris mcccxcv. ſub hac forma = Ego Hieronymus de Praga Artium liberalium Magiſter, cognoscens veram Catholicam Eccleſiam, & Apoſtolicam fidem, anathematizo omnem hæreſim, præcipue eam, de qua hætenus infamatus fui, & quam præteritis temporibus dogmatizaverunt & tenuerunt Joannes Wicleſſi & Joannes Hus in ſuis opusculis, libellis, ſeu ſermonibus ad clerum & ad populum, propter quam cauſam prædicti cum ſuis erroribus & dogmatibus damnati ſunt ab hac dicta Conſtantiensi Synodo tanquam Heretici, & eorum doctrina prædicta ſententialiter damnata, maxime in nonnullis articulis expreſſi in ſententiis per hoc Sacrum Concilium contra ipſos latis. Conſentio autem Sanctæ Romanæ Eccleſiæ & Apoſtolicæ Sedis, & huic Sacro Concilio, & ore ac corde proſiteor in omnibus & per omnia, & præſertim de Clavibus, Sacramentis, Ordinibus Officiis & cenſuris Eccleſiaſticis, Indulgentiis & Reliquiis Sanctorum, & Eccleſiaſtica libertate, ac etiam de ceremoniis & aliis omnibus ad Religionem Chriſtianam pertinentibus, prout ipſa Romana Eccleſia, & Apoſtolica Sedes, & hoc Sacrum Concilium proſtentur: & ſpecialiter quod prædictorum Articulorum plures ſunt notorie heretici, & dudum a Sanctis Patribus reprobat: quidam vero blaſphemi, alii erronei, alii ſcandaloſi.

quidam vero etiam piarum aurium offenſivi, & ipſorum nonnulli temerarii & ſeditioſi: & pro talibus fuerunt dicti Articuli per hoc Sacrum Concilium & nuper condemnati, & inhibitu omnibus & ſingulis Catholicis ſub Anathematis interminatione, ne de cæteris dictos Articulos ſeu eorum aliquem aliquis prædicare, dogmatizare, vel tenere præſumeret.

Brevi tamen temporis ſpatio in Catholica fidei conſeſſione permaſit; in Hæreſim enim, quam damnaverat, mox relapſus, & in Judicium iterum adductus, declaravit, ſe incendiî metu errores abjuraſſe, Wicleſſi & Joannis Hus ſequi doctrinam, quam ſancſtam & juſtam arbitrabatur. Itaque pridie Calendas Maii anno mcdxvi. in Concilio laudato promulgata fuit in ipſum damnationis ſententia, qua cum Sancta Synodus Hereticum & in Hæreſim relapſum, ex communicatam, anathematizatum damnavit = eademque die combuſtus eſt, ſicut anno ſuperiori idem ſupplicium tulerat Joannes Hus.

Damnationem in Hæreſim Huſſiticam & Wicleſſicam a Conſtantiensi Concilio latam promulgavit Martinus V. Conſtitutione incipiente *Inter Cunctas* edita anno mcdxviii. octavo Cal. Martii, præſcribens modum ac formam Archiepiſcopis, Episcopis atque Inquiſitoribus hæretice pravitatis examinandi quemcumque de hujusmodi erroribus ſuſpectum, ubi ſequentes ad Indulgentiaſpectantes interrogationes, proponuntur. n. xxvi. = *Utrum credas quod Papa omnibus Chriſtianis vere contritis & Confeſſis, ex cauſa pia & juſta poſſi concedere Indulgentias in remiſſionem peccatorum, maxime pia Loca viſitantibus, & ipſis manus ſuas porrigentibus adjutrices: & utrum credat, quod ex tali conceſſione viſitantes Eccleſias ipſas, & manus adjutrices eis porrigentes hujusmodi Indulgentias conſequi poſſint* = n. xxvii. = *Utrum credat quod ſinguli Episcopi ſuis ſubditis ſecundum limitationem Sacrorum Canonum hujusmodi Indulgentias concedere poſſint* =

Nondum Huſſitarum erroribus in Bohemia penitus eliminatis, alii ſparſi ſunt contra Indulgentias in Burgundia per quosdam Regulares alioſque Sacerdotes rerum Theologicarum imperitos. Vero eorum ſermo

ut cancer serperet, totamque Galliam novis excitatis incendiis, veteribusque erroribus reviviscentibus in discrimen adduceret, Nicolaus V. Literas dedit Episcopis Cubilonenſi, & Sindonenſi, ut per Fidei Cenſores malis imminetibus obviant, populoſque Orthodoxæ Fidei rudimentis informarent. Vide earum exemplar §. 7. n. xv.

Pessime etiam contra Indulgentiarum valorem ſenſit Sixti IV. atate Joannes Richard de Weſalia Eccleſiæ Wormatiensis concionator, aſſcens. = *Indulgentias nihil aliud eſſe quam plas fraudes & deceptiones Chriſtianorum, eosque ſtultos eſſe ac ſaturos, qui pro Indulgentiis Romam pergerent, quasi domi, si eſſent vere contriti de peccatis ſuis cum emendandi propoſito, invenire poſuiſſent* = De hoc aliſque erroribus Joannes ad Tribunal Sanctæ Inquiſitionis accuſatus, ab hæreticæ pravitatis Inquiſitore Moguntiz coactus eſt errores ſuos revocare, atque recessus in Monasterium, poenitentiz peragendæ cauſa, poenam ſubire. = *Anno Joannis Kolnbaufen Abbatis noſtri X. (inquit Trithemius in Chron. ad annum mcdlxxix.) condeſcatus fuit apud Moguntiam Joannes Richard de Weſalia ſuperiore, Sacre Theologiæ Doct̃or, & ad revocationem quorundam articuloꝝ, quos in Eccleſia Wormatiensis publice prædicaffe ſerebatur, per Doct̃orem & Inquiſitorem coactus, cujus volumina, ipſi inſpectante, omnia igni tradita & combuſta ſunt, & ipſe pro poenitentia peragenda ad Conventum Fratrum Auguſtinenſium ibidem relegatus, narore conſumptus brevis obiit.*

Non minori fortassis audacia contra Indulgentias pugnavit, atque linguæ ſuæ veneno florentiſſima Hiſpaniarum Regna ac potiſſimum Salmantienſem infeſcit Academiam Petrus de Oſina, qui, præter plurimos articulos Catholice doctrinæ de Sacramento Poenitentiz contrarios, id aſſeruit = *Romanum Pontificem Purgatorii poenam remittere non poſſe* = Errorem huic, nec non alios Alphonſus Archiepiſcopus Toletanus, Pontificiis ſuffultus mandatis, accitiſque ad eorum diligentiffimum examen doctiſſimis viris, damnavit, ac Petrum ejusque Sectatores, niſi quæ docuerant publice retractaſſent, vinculo anathematis innodavit. Geſta ab Archiepiſcopo

Toletano laudato, nec non ejusdem ſententiam damnationis latam adverſus Petrum de Oſina ejusque Sectatores a Sede Apoſtolica confirmatam, habes in Conſtitutione Sixti IV. edita die 5. Aug. anno mcdclxxviii, quam recitabimus §. 7. n. xviii. Addit Natalis Alexander tom. 8. *Hiſt. Eccleſ. cap. 2. art. 8.* Joannem Præzeanum nobilem ea atate Theologum, Petrum Oxoniſem juſto volumine conſutaſſe; & reſert Bannes in *Comment. in 2. 2. D. Thomæ quaſt. 1. art. 10.* dicti Petri librum cum Cathedra in media Schola, ubi docuerat, igni traditum fuiſſe.

Sub iisdem fere temporibus Joannes Weſelus Friſo Groningentiſ, Accademiz Pariſienſis Doct̃or, propter ſcientiam ſupra ceteros eminentem Lux Mundi nuncupatus, plurimum conatus eſt verbo & ſcriptis Catholicam Indulgentiarum veritatem obtenebrare, variis diſſeminatis erroribus, quos enumerat ſupplementum Abbatis Urſpergenſis. Aſſeruit 1.º Indulgentiarum nullam memoriam reperiri in Ss. Hieronymo, Ambroſio, Auguſtino aut aliis Patribus: omneſque D. Thomæ Aquinate, & Alberto Magno antiquiores Doct̃ores ab hac nova Indulgentiarum aſſertione diſceſſiſſe, aſſerentes nihil eſſe aliud niſi piam fraudem & dolum non malum, quo Plebs officiioſo errore trahatur ad pletatem 2.º Eiſe in Sacris Literis earum memoriam, ſed qua damnentur & improbentur, cum in ſecunda Epiſtola D. Petri hæbeat̃ur Vocationem noſtram non fieri certam, nec nobis in Chriſti Regnum dari introitum, niſi per bona opera Chriſti præceptis conformia; adeoque Indulgentias nullo modo prodeſſe. 3.º Indulgentias non pertinere ad Clavium poteſtatem, ſed ad poteſtatem & opus operatum Sacri Ordinis, quia per virtutem ſacramentalis teconciliationis ex opere operato poena æterna ſi temporalem commutatur, ac per eandem Chriſtianæ regenerationis virtutem totaliter auferitur; quam revera Indulgentiam arbitratuſ eſt eſſe, camque unicam ac veram, & omni alia, quæ per Pontificum Bullas dari poteſt, firmiore; atque in ea præſtanda inter Romanum Pontificem & Presbyterum Parochialem nullam intercedere diverſitatem. 4.º Quod temporalis poenæ, non minus quam Culpe remiſſio, ſoli Deo reſervatur = *Papam proinde*

de non amplius posse super peccatis relaxandis, quam super peccatis remittendis, Sic arguens = Qui, quæ intra hominem sic aguntur, ut nullis iudiciis foris pateant, scire non potest, dijudicare non potest. Quando purgandus oculus, aut quam purus esse debeat, quo dignus inveniat, videri Deum, oculus Mortalium definire non potest. Quæ Papa de se ipso definire non potest, hæc non potest in aliis judicare. Qui neque potest neque debet, si vult judicare, peccat & errat, & iudicium est nullum, velut a non suo Iudice lasum. Omnis actus ex taliter nullo iudicio sequens est etiam nullus. Plenaria remissio prærequirit iudicium de perfecte purgato mentis oculo: unde non efficax illa remissio est, quam sit illa præcedens dijudicatio = Hinc infer: Multos vere Confessos, contritionem & Indulgentialem conditionem executos, esse vere parvulos in Christo, vere adhuc valde informes Christo, multo partu opus habentes, antequam in eis Christus formetur. Papam nulla potestate arbitraria posse perfecte Christum formare in parvulis, ac imperfectis. Papam non posse evacua- re quod ex parte est; & non posse facere de Viatore Comprehenso, nec posse Viatorem perfectum etiam, in termino vite constituere. = Ex donatione Indulgentiæ plenarie facta a Pontifice, sic argumtus est = Potest igitur Papa per suas Indulgentias Divinæ iustitiæ Divinæque Misericordiæ derogare. Sed hoc est impossibile, nisi Deus præiudicaret Divinæ Sapientiæ. Sed hoc non nisi per propriam iustitiæ & errorem. Quod si faciat, scandalum præbet pusillis = Affirmavit tandem, nostras pro peccatis satisfactiones Divinæ Majestati deberi ex rigida iustitia, easque non nisi per ipsam Divinam Misericordiam remitti posse, aut temperari; ideoque hoc attentantem Papam in utrumque Divinæ gloriæ attributum peccare. Omnes Johannis Wesseli libri perierunt, præter Apologiam adversus Jacobum Angularem Naelduicensis Ecclesiæ Decanum, qui Indulgentiarum valorem contra ejus impietatem acerrime propugnaverat, quam cum articulis mox relatis aliisque vulgavit Melchior Goldastus.

Cum autem omnium fere antiquarum hærefum sordes instar capacissimæ Cloacæ ex-

cepisset Martinus Lutherus, natione Germanus, qui prius Ordini S. Augustini nomen dederat, mirum non est, quod a Dogmate pariter Indulgentiarum abhorruerit, Invidia promiscue ob demandatam Indulgentiarum promulgationem pro porrigentibus manus adiutrices Fabricæ S. Petri a Julio II. feliciter inchoatæ, Joanni Tetzelio Ordinis Fratrum Prædicatorum Inquisitori Fidei, ansam arripuit debacchandi ex professio contra earum valorem & potestatem. Abusus revera invaluerant tunc temporis detestabiles, quos ita describit Joachimus lib. de Bello Smacbardico = . Motum est hoc Lutherani Schismatis negotium ab initio ex improbis & ad questum paratis nundinationibus, cum nonnulli audaces, vel potius impudentes homines nomine Papæ abuterentur ad decipiendos simplices & Religiosos Germanos, ex quorum superstitione mercedem sponte oblatam illi tamquam fructum aliquem colligerent = Pergit Joachimus quorundam Quæstorum fraudes exponere. = Venales proponebantur Desunctorum animæ, quas licebat redimere certo saluto pretio, & peccatis suis quisque qualibuscumque hanc veniam impetrare poterat numerata pecunia, quantum Insultor petebat; ac nummi collecti ab illis negotiatoribus insunebantur in varias voluptates, cum de Germanorum stolidorum opibus animæ illi quæto delicatissime viverent. Hæc autem mercatura vocabatur. *venia peccatorum.*

Venenata contra Indulgentias jacula non omnia simul vibravit Lutherus, sed successively; datis enim primum Literis ad Albertum Archiepiscopum Moguntinum, conqueritur de illis sub ejus nomine promulgatis. = Circumferuntur, inquit, Indulgentiæ Papales sub tuo titulo ad fabricam S. Petri, in quibus non adeo accuso Prædicatorum exclamationes, quas non audio, sed doleo falsissimas intelligentias Populi ex illis conceptas, quas vulgo undique jactant: videlicet, quod credant infelices Animæ, si literas Indulgentiarum redemerint, se securas esse de salute sua: item quod animæ de Purgatorio statim evolent, ubi contributionem statim in eistam conjecerint: item quod homo per istas Indulgentias liber sit ab omni pena, & culpa = Ad Calcem Epistolæ non-

nonagintaquinque Conclusiones, in Templo sub Omnium Sanctorum nomine dedicato Wittembergæ, in Vigilia Omnium Sanctorum anno MDXV. publice propugnandas exposuit, easque typis mandatas per omnem Germaniam spargi curavit, inter quas sequentes Indulgentiarum Dogmati contrarias.

Papa non vult nec potest ullas penas remittere, præter eas, quas arbitrio vel suo vel Canonum imposuit.

Thesauri Ecclesiæ non sunt merita Christi & Sanctorum.

Id vero malorum initium fuit, sed nondum finis; anno siquidem MDXVI. concione ad Populum habita sequentes eruditavit propositiones, ut tam Literatos propugnatis conclusionibus, quam populares & rudes vulgaribus sermonibus, in sui sententiam traduceret.

Ex nulla Scriptura colligi potest Divinam Justitiam sive penam fore satisfactionem exigere de peccatore.

Illius Imaginariæ penæ nomen, quam Indulgentiæ excludunt, nemo explicare potest, neque quisquam novit, quid nam sit.

Frivolum est, quod dicunt, numerum penarum & operum, quibus satisfaciendum est pro peccatis, esse majorem, quam homo in omni vita tum facere, tum perferre queat ob exiguum vitæ spatium, eoque necessarias Indulgentias.

Indulgentiæ admittuntur propter inermes & pigros Christianos, qui nolunt animosi nec bona facere, neque mala sustinere. Nam Indulgentiæ nihil promovere in melius; idcirco non est licitum ad eas adhortari.

Indulgentiæ neque præcepti neque consilii sunt, sed ex illarum rerum numero, quæ sub permissionem cadunt.

Eodem anno suorum errorum probationibus in unum volumen collectis sub hoc titulo: *Resolutiones Disputationum de virtute Indulgentiarum*: sequentes errores proposuit.

De Sacramentali penitentia nullum habetur præceptum Christi, sed est per Pontifices & Ecclesiam statuta, saltem quoad tertiam sui partem, scilicet satisfactionem, ideo & mutabilis arbitrio Ecclesiæ.

Per Scripturas probatur non requi-

ri aliquam satisfactionem pro peccatis.

Sextuplex hominum genus non eget Indulgentiis; primo, mortui, seu morituri; secundo, infirmi; tertio legitime impenitenti; quarto, qui non commiserunt crimina; quinto qui crimina, sed non publica commiserunt; sexto, qui meliora operantur.

Solum inertibus, frigide penitentibus, delicatis scilicet peccatoribus, Canonice penitentiæ sunt imposite; ideo solummodo duris & impatientibus Indulgentiæ proprie concedi videntur.

Indulgentiæ sunt remissiones bonorum operum, sunt nullius pietatis, nec meriti, nec præcepti, sed licentia tantummodo quædam, videtur questus augeri per eas magis, quam pietas: sunt de numero eorum, quæ licent, non quæ expediunt: quomodo in veteri Lege Libellus repulsi & sacrificium Zelotypiæ. Sunt vilissimum bonum omnium bonorum Ecclesiæ, nec nisi vilissimis Ecclesiæ donandum.

Thesaurus Ecclesiæ, unde Papa dat Indulgentias, non sunt merita Christi & Sanctorum.

Seducuntur, qui passim Indulgentias non aliter intelligunt, quam salutare & ad fructum spiritus utiles.

Librum autem, de quo supra meminimus, truculenta Bestia pelle ovina superinducta ad Leonem X. transmissa data ad eundem Epist. ita adeo humilibus sententiis composita, ut vix S. Bonifacius Germaniæ Apostolus submissiorem Sedi Apostolicæ direxisset. Verba Epistolæ sunt: *Quare Beatissime Pater, prostratum me pedibus tuæ Beatitudinis offero, cum omnibus quæ sum, & habeo. Vivifica, occlude; voca, revoca; approba, reproba, ut placeat; Vocem tuam, vocem Christi in te præsentis & loquentis agnoscam. Si mortem merui, mortem non recusabo* = Idem indicat protestatio in Operis limine præmissa, ut virus absconderet = *Protestor me prorsus nihil dicere aut tenere velle, nisi quod in & ex Sacris Literis primo, deinde Ecclesiasticis Patribus ab Ecclesia Romana receptis, huc usque servatis ... habetur, & haberi potest. Quod siquid ex eis probari non potest, id gratia disputationis dumtaxat pro judicio rationis & experientia tenebo; semper tamen in his sal-*

no iudicio omnium Superiorum meorum = Quæ expendens Ulenmoeggius in Vita Lutheri cap. 2. inquit. = *Quis vero senserit Lutherus, cum ista scriberet, & quæ mente fuerit, novit qui cordium scrutator est & renum Deus. Certe quæ paulo post secuta sunt, eum nihil minus in animo habuisse testantur, quamque calamo ad hunc modum effudit, ut hac submissivæ nihil aliud spectasse videatur, quam ut captaret favorem hominum, omnemque turbata pacis culpam a se removeret, atque interim, dum res suas stabiliret in Germania, Summo Pontifici glaucoma objiceret, aut fumos, quodajunt, venderet.*

Anno MDXIX. inter varias Conclusiones Lipsiæ contra Eckium disputandas, sequentes adversus Indulgentias proposuit = *Mirra Christi & Sanctorum esse Thesaurum Indulgentiarum, nemo nisi fœdus Adulator, extravagantes a veritate & fide quædam Ecclesiæ praxes, aut usus simulat.*

Dicere Indulgentias esse bonum Christiano, est insanire; sunt enim verissime operis boni vitium, & improbare Indulgentias debet Christianus ob abusum.

Papam posse remittere omnem penam pro peccatis debitam hujus & future vite; & quod Indulgentiæ profint non criminosis, somniant secure indoctissimi Sophistæ.

Indulgentias, ait a se vocatas fuisse, vitium operis, non quod sint mala & noxia, sed quod abusus perversus nocet, dum tale opus non facerent, nisi venia essent.

Numquam, subdit Lutherus, se Indulgentias contempsisse, aut contemnendas docuisse: Nisi contemptus intelligatur hoc modo, quod incomparabiliter meliora possumus eisdem expensu facere, quibus Indulgentiæ redimuntur, vel quam sunt Indulgentiæ ipse; quare prerogativa melioris non est contemptus deterioris.

Porro omnem adhibuit conatum Leo X. ut Lutherum compesceret, qui totam Germaniam jam turbaverat, plurimosque ad suam sectam traduxerat. Anno MDXVI. ejus causam Thomæ de Vio Cardinali Cajetano Legato Sedis Apostolicæ in Germania cognoscendam commisit, mandavitque

Apostolico Diplomate, cujus exemplar extat tomo 1.^o *Operum Lutheri*, ut si sponte errores tum contra Indulgentias, tum contra alia Catholicæ Religionis dogmata Lutherus revocaret, paterno eum amore complecteretur, atque perhumaniter in Ecclesiæ gremium reciperet; sin minus Principum secularium auxilio carceri manciparet. Quod si hæc exequi non posset, adversus illum, ejusque fautores sententiam excommunicationis ferret. Legato mandatorum Sedis Apostolicæ executionem procuranti per Epistolam Lutherus exposuit, se velle omnino Ecclesiæ judicio acquiescere, atque adversus Romanum Pontificem evulgata revocare: de Indulgentiarum propositionibus silentium se acturum promittit, dummodo id etiam Adversarii præstarent: *Tanta, ait, tua simul humanitas & prudentia est, quæ video tuam Reverendissimam Paternitatem, non mea, sed me quære, cum potuisset sola potestate in me dominari. Itaque jam timor meus sensum transiit, imo mutatus est in singularem erga Reverendissimam Paternitatem tuam amorem, & veram filialemque reverentiam. Hinc Reverendissime in Christo Pater, fateor, sicut & alias fassus sum, me fuisse certe nimis, ut dicunt, indiseretum, acrem & irreverentem in nomen Summi Pontificis; & licet acerrime fuerim in hanc irreverentiam provocatus, tamen meum fuisse, nunc intelligo, modestius, humiliter & reverentius hanc materiam tractare, & non ita respondere stulto, ut ei similis efficerer. De quo sincerissime doleo, & veniam peto, & per omnia pulpita in vulgus promulgabo, sicut & sæpius jam feci, daboque deinceps operam, ut alius sim, & aliter loquar Deo miserante: imo promptissimus sum, atque facillime promitto, me posthac materiam de Indulgentiis non tractare, atque his finitis quiescere; modo illis quoque modus imponatur aut sermonis, aut silentii, qui me in hanc tragediam sustulerunt = Cum vero vaserim Lutheri nequitiam Legatus agnosceret, certiorum de ea ipsa reddidit Fridericum Saxonie Septemvirum, rogavitque, ut Lutherum in hæreses prolapsum Romam ad subeundam damnationis sententiam quantocius mitteret. Verum cum hoc Apostolicæ Sedis fulmen expavesceret Lutherus, hanc appellationem*

lationem interponere non dubitavit = *a Summo Pontifice non recte consulto ac delegatis ab eo Judicibus, cunctisque sententiis & censuris, & penis ab iis ferendis & decernendis, ac futurum Concilium legitime, ac in Loco tuto congregandum: & ad illum vel ad illos, ad quem seu quos, de jure, privilegio, consuetudine, vel alias sibi provocare liceret die 28. Novembris anno MDXVIII.*

Cum hæc agerentur in Germania Decretales & Dogmaticas Literas dedit Leo X. sub die 1x. Novembris anno MDXV 11. ad prædictum Cardinalem Legatum, Lintii commorantem, quæ habentur infra §. 7. n. x. ix. quibus declaravit in Ecclesiæ Theſauro merita Christi & sanctorum contineri, atque etiam jure Clavium eo Romanos Pontifices uti posse ad emolumentum viventium ac defunctorum. Verum cum hæc aliæque nihil proficerent, imo in deteriora nefarius Hæresiarcha prorueret, aliâ a Leone Pontifice edita est Constitutio sub die 15. Junii anno MDXX. cujus initium est *Exurge Domine* §. 7. n. xx. recitanda; quæ quadraginta & unam ejus propositiones, inter quas nonnullas super Indulgentiis, prævio Sanctæ Romanæ Ecclesiæ Cardinalium, nec non peritissimorum Theologorum & in jure Pontificio Doctorum examine atque consilio damnavit, vel tamquam Hæreticas, vel scandalosas, aut piam aurium offensivas, aut falsas, vel simplicium mentium seductivas respective; mandavitque Luthero, ut ab omni prædicationis officio desisteret, atque intra statutum dierum terminum errores revocaret; Libros & scripta ad errorum suorum memoriam adolendam igni traderet: ejusque sectatores, nisi resipiscerent, ut Hæreticos capi, Romamque mitti.

Eandem Lutheri doctrinam post accuratum pariter examen tamquam erroribus scætentem contra fidem & bonos mores, Potestati Ecclesiæ impie derogantem, sacre Scripturæ autoritatibus contrariam, atque Christianæ Reipublice præniciosam Accademia tum Colonienſis anno MDXIX. tum Parisienſis anno MDXXI. damnarunt.

Circa idem tempus, quo totis viribus Accademia prælaudatæ Lutheri Errores atque fallacias detegere ac profligare nitebantur, misso apud Helvetios Religioso quodam viro Ordinis S. Francisci, qui Indul-

gentias a Leone X. concessas promulgaret anno MDXIX., Huldricus Zuinglius Ecclesiæ Parochialis Urbis Tigurinæ Administrator, quæcumque Religioſus ille protulit in medium, confutare non erubuit, atque eo deduxit controversiam, ut impugnatis abusi- bus, etiam ipsas Indulgentias impugnaverit, seu potius, poenes Ecclesiam non esse facultatem Indulgentias concedendi, propugnaverit, aliæque plura adversus Romanum Pontificem atque Catholicæ Fidei veritates pervacaciter edocuerit. Cum vero ægre ferret Zuinglius Tigurinos, Bernates, Constantinenses, Basileenses, Schafusianos, Sanguinenses, Mullusianos, quos suæ lingue veneno infecerat, Lutheranos appellari, de suo nomine sectam auspicari cupiens, nedum Catholicos Transsubstantiationis in Eucharistia assertores, quin Lutherum ipsum una cum pane & vino verum Christi Corpus & Sanguinem in Eucharistia haberi docentem, impugnare, & contumeliis proscindere conatus est. Dum tamen pro sectæ suæ extensione, instructa acie adversus Catholicos Helvetiorum turmas decertaret, lethali vulnere faucibus die 11. Decembris anno MDXXXI. interiit.

Calvinus novæ instituendæ sectæ percupidus, e Gallia, ubi natus fuerat ann. MDIX., ob initam familiaritatem cum Lutheranis & Zuinglianis clandestinos conventus agentibus aufugiens, Germaniam perrexit, ibique adeo in Lutheri erroribus profecit, ut cum eundem Erasmus de quilibet Religionis capitibus differentem audivisset, Bucero dixerit = *Video hoc in Juvene magnam pestem oriri, olim Ecclesiæ plurimum nociturum* = . In Galliam postea reversus, Pictavum petiit, ubi inter plurima Hæresum semina, quæ in auditorum animos sparsit, in actum Indulgentiarum dogma non reliquit. Cum autem Franciscus Galliarum Rex Sacramentarios Hæreticos igne torqueret & abigeret, Basileam fugiens Calvinus, quatuor ibi *Libros Institutionum Christianæ Religionis* edidit anno MDXXXV. cum adjecta præfatione ad Regem Christianissimum, quibus nefariæ doctrinæ pestis non sine totius Galliæ exterarumque Regionum calamitate diffusa est. Ex libro 3. aliqua hic excerptimus, quibus Indulgentiarum valorem putide ac audacter deprimere ac impugnare contendit. = *Quod ad satis-*

satisfaciendum, facultatibus nostris deest, istis, nempe Indulgentiis, sufficere nungatur Sophistæ: atque eo proficiant Infantiæ, ut dispensationem esse definiant Meritorum Christi & Martyrum, quam Papa suis Bullis parititur: essi autem belleboro magis quam argumentis digni sunt, ut non magnum opere pretium sit tam frivolis erroribus refellendis incumbere, qui multis arctibus percussis sua sponte conflescere, & ad inclinationem spectare incipiunt; quia tunc imperitis quibusdam utilis erit brevis refutatio, eam non omittam. Et sane quod tantum saluæ consisterint Indulgentiæ, ac in tam impotenti & furiosa lascivia, tam diuturnam impunitatem retinuerint, id vero documento esse potest, quam alii errorum nocte immergi fuerint aliquot seculis homines. Videbant se a Papa & suis Bulligerulis palam nec dissimulante ludibrio haberi: questuosus nundinationes de animarum salute exerceri; pauculis nummis salutis pretium taxari: nihil gratuitum proflare: hac specie emungere oblationibus, quæ in Scorta, in Lenones, in Commessiones turpiter absumerentur: summos Indulgentiarum buccinatores summos esse contemptores. Monstrum istud majore in dies licentia grassari ac luxuriari, nec finem ullum fieri, plumbum semper novum offerri, novos nummos elici: Exasperabant tamen summa veneratione Indulgentias, adorabant, redimebant; & qui cernebant inter alios acutius, existimabant tamen pias esse fraudes, quibus cum fructu aliquo falli possint. Tandem ubi Orbis aliquantulum sibi sapere permisit, frigent Indulgentiæ, & paulatim etiam congelascunt, donec plane evanescant..... Opere precium est indicare non solum quales sint Indulgentiæ, sed quid omnino sint omni vocula absterse. Thesaurum Ecclesiæ vocant Christi & Sanctorum Apostolorum Martyrumque merita: huius Horrei radicalem custodiam, ut attigi, Romano Episcopo traditam fingunt, panes quem sic tantorum bonorum dispensatio, & ut ipse per se elargiri possit, & elargiendi jurisdictionem aliis delegare. Hinc nunc plenariæ Indulgentiæ a Papa nunc centum annorum: a Cardinalibus centum dierum: ab

Episcopis quadraginta; sunt autem ille (ut genuine describam) Sanguinis Christi profanatio satanæque ludibrium, quo Christianum populum a Dei gratia, a vita, quæ est in Christo, abducant, & a vera salutis via avertant; addit, Sophistas commiscere Sanguinem Martyrum Sanguini Christi ad remissionem & satisfactionem peccatorum: mendacem Deum esse aut mendaces Indulgentias.

Contra Lutheri, Zuinglii & Calvinii Errores Concilium Tridentinum Sess. 25. declaravit, Potestatem dandi Indulgentias a Christo Ecclesiæ fuisse collatam, earumque usum Populo Dei maxime salutarem retinendum edocuit. Vide infra § 7. n. xxii. Decretum.

Hic pariter duximus referendum, quod Athiopes sentiunt de Indulgentiis apud Damianum Goes in Collect. Historico. Hispan. tom. 2.^o de Fide, & Morib. Episcopum circa annum mdcx. pro ut in sequenti eorum Fidei professione declinatur = In die Sabbato & Dominico credimus animas piorum Defunctorum minime cruciari, quam quiescent Deum in his sanctissimis diebus animis concedit, donec inde finito termino suarum penarum pro facinoribus in hoc seculo meritaram, penitus emergant: ad quas penas minuendas, & earum cruciatu tempus attenuandum elemosinas pro Defunctis datas credimus ipsi animis in Purgatorio degentibus maxime prodesse, ad quarum animarum remissionem Patriarcha nullas dat Indulgentias. Id ad solum Deum ac penarum temporis constitutionem credimus spectare. Nullos quoque dies Indulgentiarum Patriarcha concedit. Hinc mirum non est quod refert in Historia Æthiopum lib. 3. cap. 11. Jobus Ludolphus his verbis = Rex, Episcopum Roma missum, inquit, Patriarchæ Coadiutorem comiter excipiebat; sed cum ille attulisset diplomata Jubilei anno mdcxxv celebrati, atque nunc etiam Æthiopie concessi, irridebantur a plerisque, qui tantos thesauros Indulgentiarum, quantos Patriarcha jactabat, neutiquam mente capere nec intelligere poterant; erant enim (Tzelii verba sunt) qui insar Phariseorum ceperunt dicere inter se: Quis est hic, qui etiam peccata dimittit? Quis potest peccata dimittere nisi solus Deus? sed

K

Rex

Rex severo vultu respondit: Claves Ecclesie Regni Carolum Petro datas, earumque usum in concedendis Indulgentiis Pontifici, seu illius successori competere.

Post toties damnatos contra Indulgentiarum virtutem Errōres tum a generalibus Conciliis, tum a Summorum Pontificum Constitutionibus, insurrexerunt viri alioquin Catholici, nempe Michael Bajus Doctor ac Decanus Lovaniensis Accademix, nec non aliqui ejusdem Accademix professores, qui novas quasdam & erroneas opiniones de Libero Arbitrio, de Operibus, de Satisfactione, de Dispensatione Thesauri Indulgentiarum aliisque articulis excitaverunt. Eorum Asserta tandiu a Sede Apostolica tolerata sunt, quandiu Concilium Tridentinum feliciter absolveretur. Verum cum nihilominus alii errores in dies pullularent, eorumque occasione inter eorum fautores, aliosque Theologos, qui adversus Bani Articulos censuras ediderant, dissidia & contentiones succrevissent, S. Pius V. ea causa ad Sedem Apostolicam advocata, rigidissimoque examine discussa, edita Constitutione cujus initium est: *Ex omnibus* sub die 1.^a Decembris anno MDLXVII. novem supra septuaginta Bani propositiones hoc verborum tenore reprobavit. = *Quas quidem sententias stricto coram nobis examine ponderatas, quamquam nonnullæ aliquæ pacto sustineri possent, in rigore & proprio verborum sensu ab Astersoribus intento hereticas, Erroneas, suspectas, temerarias, scandalosas & in pias aures offensivam immittentes respectivè, ac quæcumque super iis verbo scriptoque amissa, præsentium auctoritate damnamus, circumscribimus & abolemus, deque eisdem & similibus posthac quocumque pacto loquendi, scribendi & disputandi facultatem quibuscumque interdiciamus. Qui secus fecerint, ipsos omnibus dignitatibus, Gradibus, Honoribus, Beneficiis & Officiis perpetuo privamus, ac etiam inhabiles ad quæcumque decernimus, vinculo quoque Anathematis eo ipso innodamus, a quo nullus Romano Pontifice inferior valeat ipsos, excepto Mortis articulo, liberare.*

Sufficiat hic eas propositiones adicere, quibus, operibus Meritoris Sanctorum negat inesse virtutem vere & proprie satisfaciendi Deo pro poena temporali, quanti

solis Christi meritis attribuit, eamque ad poenarum remissionem, quæ per Indulgentiarum consecutionem obtinetur, asserit impetratorie tantum concurrere, seu dignos nos reddere, ut intuitu Sanguinis Christi ab illa liberemur.

Solutio poenæ temporalis, quæ peccato dimisso sepe manet, & Corporis resurrectionis proprie non nisi meritis Christi ascribenda est.

Quando per eleemosynas aliæque pietatis opera Deo satisfacimus pro poenis temporalibus, non dignum præstium Deo pro peccatis nostris offerimus, sicut quidam errantes autumant (nam alioquin essemus aliqua ex parte Redemptores) sed aliquid facimus, cujus insuitu Christi satisfactio applicatur, & communicatur.

Per passiones Sanctorum in Indulgentiis communicatas non proprie redimuntur nostra delicta, sed per communicationem charitatis nobis eorum passiones impertiantur, ut digni simus, qui pretio Sanguinis Christi a poenis pro peccatis debitis liberemur.

Satisfactiones laboriose Sanctorum non valent expiare de condigno poenam temporalem resstantem post culpam condemnatam.

Has quidem propositiones a S. Pio V. prædicta Constitutione damnatas, sub Gregorio XIII. ejus Successore, qui eam jussit promulgari, damnavit & ipse Bajus; & Accademia Lovaniensis tota tam humiliter Apostolicæ Sedis acquievit iudicio, ut legem ediderit, nullum in posterum in eam adscribendum, nili Piane Constitutionis observantiam jurejurando promitteret. S. Pii V. nec non Gregorii XIII. contra Bajum ejusque propositiones damnationem confirmavit Urbanus VIII. alio vulgato Diplomate sub die 6. Martii anno MDCXI. quod incipit: *In Eminenti.*

Hinc coarct quorundam Jansenistarum effugium, qui ut earum propositionum descriptionem eluderent, non sine temeritate nota ausi fuerunt asserere: plures ex illis adhuc juxta proprium Authoris sensum posse sustineri, putantes S. Pii V. Constitutionem prælaudatam ab iis adulteratam esse, qui Comma addendum curarunt post illa verba = *Quamquam nonnullæ aliquæ pacto sustineri possent* = ut quæ sequuntur: scilicet = *In rigore & proprio verborum*

borum sensu ab Auctoribus intento = ad id quod sequitur, seu ad damnationem referrent, quasi juxta Baii sensum reprobationem subiissent; cum revera (inquiunt ipsi) nullum eo loci Comma aut distinctionis vestigium reperiri, lecto Authographo in Archivio Universitatis Lovaniensis religiose asservato manifeste apparet; ex quibus audacter inferunt: *eat propositiones ad summum aliqua censura dignas esse in sensu dumtaxat non rigorosa nec proprio, ac nullatenus ab Auctoribus intento* = Corruit inquam prædictum (sive effugium, sive commentum). Quam enim ineptum & insulsum sit, nemo non videt nisi impudentissimus Jansenista hisce ac similibus nanis, perversisque nedum Apostolorum Diplomatum, sed etiam sacre Scripturæ Conciliorum ac Patrum interpretationibus assuetus. Quis amabo potest sibi suadere, propositiones illas esse aliqua censura dignas = *in sensu dumtaxat non rigoroso nec proprio ac nullatenus ab Auctoribus intento* = cum Gregorii XIII. nomine Franciscus Toletus earundem retractionem ab ipsomet Bijo postulaverit, atque feliciter obtinuerit? Cæterum nec ipsosmet Jansenistas, quos maxime vaserrimos novimus, id sibi suavis existimamus; etenim si id, quod verbis proferre tentarunt, corde re vera credidissent, qua ratione fieri potuisset, ut omnem moverint lapidem ad suadendum, Pium in ea efformanda Constitutione fuisse a Baii Adversariis circumventum, illamque præter suam intentionem ac voluntatem editam fuisse? Qui vero malis artibus eundem Pium circumvenire potuerunt, qua ratione adeo hebetes fuerunt, ut a Pii sententia illibatas nulloque modo proscriptas Bajanæ propositiones nequaquam intelligerent? Si vero ita se res habuit, cur tot excitarunt querelas, quod Pius Baii sententias damnaverit, dum ejus sententias minime lesit?

Quo vero ad Pianæ Constitutionis Originale sine controverso Commate in Archivio Universitatis Lovaniensis asservatum, ea hic asserre sufficiet, quæ habet Ripalda = *Quoniam de interpunctione nobis lit est* (inquit tom. 3. lib. 2. Sect. 2. n. 11.) *cum Bajani, a qua sensus verborum totus dependet, quamvis & Bullæ Gregorianæ auctoritate, cujus extant etiamnum exemplaria, & ipso tenore verbisque Bul-*

*læ jam satis sint convicti, opera præ-tium tamen visum fuit, hujus Commatis historiam, ut e Belgio eam accepti, hic ab obo recensere. Exemplar Bullæ, quod Roma primum missum fuit ad Michaëlem Bajum, manuscriptum erat, nullasque, ut mos est Chartæ Romanæ, cum aliquid manu describitur, habebat interpunctionum notas. Unde occasionem sumpsit Bajus in suum commodum sic verba Bullæ interpretandi, ut sententiæ damnatæ aliquæ, in rigore & proprio verborum sensu dicerentur veræ: quem Magistri sui sensum, ut clarius exprimerent ejus discipuli, a quibus Lovanii tunc passim Bulla ista describebatur, sic eam verbis transposuissent, aut addita parenthesi, corruperunt, ut Chartæ illæ antiquæ, ad quas a Bajanis provocamur, ostendunt. Cum vero non ex illo manuscripto, sed ex altero Romæ auctoritate Pontificia excuso exemplari, eandem Bullam legissent Suarez, Vasquez, Possevinus atque Scriptores, in quo manifestum erat Comma, post verba illa: *sustineri possent*; cum eo etiam Bullam in suis commentariis transfuderunt. Quod indigne ferens Jacobus Jansenius Doctor Lovaniensis, Baii primum discipulus, deinde Collega anno 1618. in Scholis publicis, cum vehementi querela exclamavit, adulteratam esse Bullam Pontifici ab istis, qui Comma illud adiecerunt, eo quod in originali Bulla, quam tenebat manu (tenebat autem illam ipsam manuscriptam, missam ad Bajum, in qua nulla erat distinctionis nota) nullum ejus vestigium cerneretur. Quod qua fide factum sit, non discutio; nam si tota Bulla nullam habebat interpunctionem; cur arguendi erant, qui inter cæteras, etiam hanc, quam sensus manifeste requirebat, apposuissem? Hæc est illa originalis Bulla, quam proserunt contra nos Bajani, & ex qua Comma subreptitium esse clamant. Sed jam spero, desinent id jactare, cum rei veritatem Apostolica Sedis Auctoritas declaravit. Cum enim Bullam hanc Pii & Gregorii confirmavit Urbanus VIII., eamque suæ Constitutioni totam insereret, factum est casu, ut Comma illud tanti momenti a Typographo omitteretur: quod cum in exemplaribus in Belgio, deinde & Colonia excusis, fuisset restitutum, hinc orta com-*

entione, Bani fautores totam Urbani VIII. Bullam in conspersionem vocaverunt, Romanque, nomine Accademice Lovanienfis ea de re Commissarios ad Sanctam Sedem miserant; qui cum quaereretur, Constitutionem suam Sanctitatis fuisse videri, ejusdem Pontificis Urbani & Officii S. Inquisitionis jussu, ex Archivo S. Officii & ex Matrice Actorum, que in eodem Archivo conservantur, exemplar prefate Bullae Pii V. Gregorii XIII. & Urbani VIII. transcriptum, diligentissime collatum, atque ita impressum, Commissariis Lovanienfibus in manus consignatum fuit, cum mandato Apostolico, ut eidem exemplari sic consignato fides adhiberetur; in quo Comma illud adeo disputatum suo loco est restitutum, adeo ut dubitari hac in re de mente Pontificis jam amplius non possit. Quod si ad originalem Bullam libet respicere, testatur est Eminentissimus Cardinalis de Lugo 2. Octobris 1644, vidisse primum autographum Originale Bullae Pii V. non in Regesto, in quo a Scriptoribus Apostolicis Bullae describuntur, in quo nulle solent interpunctiones apponi, sed in ipsomet Autographo illius Cardinalis, qui jussu ejusdem Pii Bullam concepti & exscenti secundum mentem Pontificis, & inspecti diligenter, quomodo se haberent interpunctiones in contextu ipsius censura, ac deprehendisse, quod post illa verba: Quamquam nonnullae earum aliquo pacto sustineri possent; ante illa, quae immediate sequuntur; in rigore & proprio verborum sensu, interpositum erat Comma, seu virgula disiunctiva eorundem verborum.

§. VII.

Constitutiones & Decreta, quorum mentio in praesenti Dissertatione facta est.

I.

Decretum in Concilio Lateranensi IV. latum anno MCCXV. pro recuperanda Terra Sancta cum concessione plenariae Indulgentiae.

AD liberandam terram Sanctam de manibus impiorum ardenti desiderio aspirantes, de prudentum virorum consilio, qui plane noverant circumstantias temporum & locorum, sacro approbante Concilio diffinimus, ut ita Crucesignati se praepararent, quod in Calendas Junii sequentis post proximum, omnes, qui discesserunt transire per mare, conveniant in Regnum Siciliam: alii sicut oportuerit, & decuerit apud Brundisium: & alii apud Metaniam & partes utrobique vicinas, ubi & Nos personaliter, Deo annuente, disposuimus tunc adesse, quatenus nostro consilio & auxilio exercitus Christianus salubriter ordinetur, cum benedictione Divina, & Apostolica profecturus. Ad eundem quoque terminum se studeant praeparare, qui proposuerunt per terram proficisci. Significaturi hoc interim nobis, ut eis ad consilium & auxilium Legatum idoneum de nostro Latere concedamus. Sacerdotes autem, & alii Clerici, qui fuerint in exercitu Christiano, tam subditi quam Praelati Orationi & exhortationi diligenter insistant, docentes eos verbo pariter & exemplo, ut timorem, & amorem semper habeant Divinum ante oculos, ne quidquam dicant aut faciant, quod Divinam Majestatem offendant; et si alioquin lapsi fuerint in peccatum, per veram poenitentiam mox refurgant, gerentes humilitatem cordis & corporis, & tam in victu quam in vestitu mediocritatem servantes, dissensiones & emulationes omnino vitando, rancore ac livore a se penitus relegatis, ut sic spiritualibus, & materialibus armis muniti, adversus hostes fidei securius praeriantur, non de sua praesumentes potentia, sed de Divina virtute sperantes.

Ipfis

Ipsis autem Clericis indulgemus, ut beneficicia sua integra percipiant per triennium, ac si essent in Ecclesiis residentes, & si necesse fuerit, ea per idem tempus pignori valeant obligare.

Ne igitur hoc sanctum propositum impediri vel retardari contingat, universis Ecclesiarum Prælati districtè præcipimus, ut singuli per loca sua, illos qui signum Crucis disposuerunt resumere, ac tam ipsos, quam alios Crucesignatos, & quos adhuc signare contigerit, ad reddendum vota sua Domino diligenter moneant & inducant, & si necesse fuerit per excommunicationis, in personas, & interdicti sententias in terrarum, omni tergiversatione cessante, compellant; illis dumtaxat exceptis, quibus tale impedimentum occurrerit, propter quod, secundum Sedis Apostolicæ providentiam, votum eorum commutari debeat merito vel differri.

Ad hæc, ne quid in negotio Jesu Christi de contingentibus omittatur, volumus & mandamus, ut Patriarchæ, Archiepiscopi, Episcopi, Abbates & alii, qui curam obtinent animarum, studiose proponant sibi commissis verbum Crucis, obsecrantes per Patrem, & Filium, & Spiritum Sanctum, unum solum verum æternum Deum, Reges, Duces, Principes, Marchiones, Comites & Barones, aliosque Magnates nec non communiões Civitatum, Villarum, Oppidorum, ut qui personaliter non accesserint in subsidium Terræ Sanctæ, competentem conferant numerum Bellatorum cum expensis ad triennium necessariis, secundum proprias facultates, in remissionem peccatorum suorum, prout in generalibus Literis est expressum, & ad majorem cautelam etiam exprimemus.

Hujus remissionis volumus esse participes non solum eos, qui naves proprias exhibent, sed etiam illos, qui propter hoc opus naves studuerint fabricare. Renuentibus autem, si qui forte tam ingrati fuerint Domino Deo nostro, ex parte Apostolica firmiter protestentur, ut sciant se super hoc Nobis in novissimo districti examinis Dei coram tremendo Judice responsuros, prius tamen considerantes, quæ conscientia, quæ securitate confiteri poterunt coram Unigenito Dei Filio Jesu Christo, cui omnia Pater dedit in manus, si ei, pro peccatoribus crucifixo, servire re-

nuerint in hoc negotio quasi propriè sibi proprio, cuius munere vivunt, ejus beneficium sustentantur, quin etiam ejus sanguine sunt redempti.

Ne vero in humeros hominum onera gravia & impotabilia imponere videamur, quæ digito nostro movere volumus, similes illis, qui dicunt utique, sed non faciunt; ecce Nos de his, quæ ultra necessarias & moderatas expensas potuimus reservare, triginta milia librarum in hoc opus concedimus & donamus, præter navigium, quod Crucesignatis de Urbe atque vicinis partibus conferimus, assignaturi nihilominus tria milia marcarum argenti, quæ apud nos de quorundam Fidelium elemosynis remanserunt, aliis in necessitates & utilitates prædictæ terræ, per manus Felicis memoriæ Abbatis Hierosolymitani, Patriarchæ, ac Magistrorum Templi & Hospitalis fideliter distributis.

Cupientes autem alios Ecclesiarum Prælatos nec non Clericos universos, & in merito & in præmio habere participes & confortes, ex communi Concilii approbatione statumus, ut omnes omnino Clerici, tam subditi, quam Prælati vigesimam partem Ecclesiasticorum proventuum usque ad triennium conferant in subsidium Terræ Sanctæ per manus eorum, qui ad hoc ab Apostolica fuerint providentia ordinati; quibusdam dumtaxat Religiosis exceptis, ab hac prætexatione merito eximendis; illis similiter, qui, assumpto vel assumendo Crucis signaculo, sunt personaliter profecturi.

Nos autem & Fratres nostri S.R.E. Cardinales plenariè decimam persolvemus, scientque se omnes; ad hoc fideliter observandum per excommunicationis sententiam obligatos, ita quod, illi, qui super hoc fraudem scienter commiserint, sententiam excommunicationis incurant.

Sane quia iusto judicio cœlestis Imperatoris obsequiis inherentes speciali decet prærogativa gaudere, cum tempus proficiscendi annum excedat in modico, Crucesignati vel a collectis, vel talliis aliisque gravaminibus sint immunes, quarum personas & bona post Crucem assumptam, sub B. Petri & nostræ protectione suscepimus, ut sub Archiepiscoporum, Episcoporum ac omnium Prælatorum Ecclesiæ defensione consistant, propriis nihilominus protectores ad hoc specialiter deputandis, ita, ut donec de ipsorum obitu vel reditu certissime co-

gnoscat, integra maneant & quæta: & si quisquam contra præsumpserit, per censuram Ecclesiasticam compescatur.

Si qui vero proficiscentium illuc ad præstandas usuras juramento tenentur adstricti, Creditores eorum, ut remittant eis præstitum juramentum, & ab usurarum exactio-
ne desistant, eademque precipimus distri-
ctione compelli. Quod si quisquam Credi-
torum eos ad solutionem coegerit usurarum,
quin ad restitutionem earum simili cogi aut
madversione mandamus.

Judeos vero ad remittendas usuras per
secularem compelli precipimus potesta-
tem, & donec illas remiserint, ab uni-
versis Christi fidelibus per excommunicatio-
nis sententiam eis omnino communio de-
negetur. His autem qui Judeis debita sol-
vere nequeunt in præfenti, sic Principes se-
culares utili dilatione provideant, quod
post iter arreptum, usquequo de ipsorum
obitu vel reditu certissime cognoscatur;
usurarum incommoda non incurrant, com-
pulsis Judeis proventus pignorum, quos in-
terim ipsi perceperint, in sortem expensis
deductis necessariis, computare; cum hu-
jusmodi beneficium non multum videatur
habere dispendii, quod solutionem sic pro-
rogat; quod debitum non absorbet. Porro
Ecclesiarum Prælati, qui in exhibenda ju-
stis Crucelignatis & eorum familiis ne-
gligentes extiterint, sciant se graviter pun-
iendos.

Cæterum quia Corsarii & Piræ nimium
impediunt subsidium Terræ Sanctæ capien-
do & expoliando transeuntes ad illam, &
redeuntes ab ipsâ: hos speciales adjutores
& fautores eorum excommunicationis vincu-
lo innodamus, sub interminatione anathe-
matis inhibentes, ne quis cum eis scienter
communice, aliquo venditionis vel em-
ptionis contractu, & injungentes Rectori-
bus Civitatum & locorum suorum, ut eos
ab hac iniquitate revocent & compescant:
alioquin, quia nolle perturbare perverfos,
nihil aliud est quam fovere, nec caret
serupulo Societatis occultæ, qui manifesto
facinori definit obviare, in personas & ter-
ras eorum per Ecclesiarum Prælatos severi-
tatem Ecclesiasticam volumus & præcipi-
mus exerceri.

Excommunicamus præterea & anathe-
matizamus illos falsos & impios Christianos,
qui contra ipsum Christum & Populum

Christianum Saracenis arma, ferrum &
ligamina deferunt Galearum: eos etiam
qui Galeas eis vendunt vel naves, quique
ir-piraticis Saracenorum Navibus curam
gubernationis exercent, vel in Machinis
aut quibuslibet aliis aliquid eis impendunt
consilium, vel auxilium in dispendium Ter-
ræ Sanctæ; ipsarum rerum suarum priva-
tione multari, & Capientium servos fore
censemus. Præcipientes, ut per omnes Ur-
bes maritimas diebus Dominicis & festivis
hujusmodi sententia innovetur, & talibus
gremium non aperiatur Ecclesiæ, nisi to-
tum quod ex substantia tam damnata per-
ceperint, & tantundem de sua in subsidium
prædictæ Terræ transmiserint, ut æquo ju-
dicio, in quo deliquerint, puniantur. Quod
si forte solvendo non fuerint, alias sic re-
atus talium castigetur, quod in poena ipso-
rum aliis interdicitur audacia similia præ-
sumendi.

Prohibemus insuper omnibus Christianis
& sub anathemate interdicimus, ne in ter-
ras Saracenorum, qui partes Orientales in-
habitantes, usque ad quadriennium trans-
mittant naves suas, ut per hoc volentibus
transfretare in subsidium Terræ Sanctæ ma-
jor navigii copia præparetur, & Saracenis
supradictis subtrahatur auxilium, quod eis
consuevit ex hoc modicum provenire.

Licet autem torneamenta sint in diver-
sis Conciliis sub certa poena generaliter in-
terdicta, quia tamen hoc tempore Crucis
negocium per ea plurimum impeditur. Nos
illa sub poena excommunicationis firmiter
prohibemus usque ad triennium exerceri.

Quia vero ad hoc negotium exequendum
est proxime necessarium, ut Principes &
Populi Christiani adinvicem pacem obser-
vent, Sancta universali Synodo suadente
statuimus, ut saltem per quadriennium in
toto Orbe Christiano servetur pax genera-
liter; ita quod per Ecclesiarum Prælatos
discordantes reducantur ad plenam pacem
aut firmam treugam inviolabiliter obser-
vandam; & qui acquiescere sorte contem-
pserint, per excommunicationem in per-
sonas, & interdictum in terras arctissime
compellantur, nisi tanta fuerit injuriarum
malitia, quod ipsi tali non debeant pace
gaudere. Quod si forte censuram Ecclesi-
asticam vilipenderit, poterunt non imme-
rito formidare, ne per auctoritatem Ec-
clesiæ, circa eos tamquam perturbatores ne-
gotii

gotii Crucifixi secularis potentia inducatur.

Nos igitur Omnipotentis Dei misericordia, & Beatorum Apostolorum Petri & Pauli autoritate confisi, ex illa, quam Nobis, licet indigne, Deus ligandi atque solvendi contulit potestatem, omnibus, qui laborem propriis personis subierint & expensis, plenam suorum peccatorum, de quibus liberaliter fuerint corde contriti & confessi, Veniam indulgemus: & in retributione justorum salutis æternæ pollicemur augmentum; eis autem qui non in personis propriis illuc accesserint, sed in suis dumtaxat expensis juxta facultatem & qualitatem suam viros idoneos destinaverint; & illis similiter, qui licet in alienis expensis, in propriis tamen personis accesserint, plenam suorum concedimus veniam peccatorum. Hujus quoque remissionis volumus esse participes juxta qualitatem subsidii & devotionis affectum omnes, qui ad subventionem ipsius Terræ de bonis suis congrue ministrabunt, aut consilium & auxilium impenderint opportunum: omnibus etiam pie proficentibus in hoc opere in communi, universalis Synodus omnium beneficiorum suorum suffragium impertitur, ut eis digne proficiat ad salutem.

I I.

Decretum prædicti Concilii Lateranensis de non admittendis Quæstoribus sine Apostolicis vel Diocesanorum Episcoporum Literis.

Eleemosynarum Quæstores, quorum quidam, se alios mentiendo, abusiones nonnullas in prædicatione proponunt, admitti, nisi Apostolicas vel Diocesanas Episcopi Literas veras exhibeant, prohibemus: & tunc præter id, quod in ipsis continebitur Literis, nihil populo proponere permittantur. Formam vero, quam communiter talibus Apostolica Sedes indulget, duximus exprimendam, ut secundum eam Diocesani Episcopi suas Literas moderentur; Ea siquidem talis est: Quoniam, ut ait Apostolus, omnes stabimus ante tribunal Christi recepturi, prout in corpore gessimus sive bonum fuerit sive malum, oportet nos diem neficionis extremæ, misericordiæ operibus prævenire, ac æternorum intuitu seminare in terris, quod reddente Domino cum multiplicato fructu recolligere debeamus in Coe-

lis, firmam spem fiduciamque rectam tenentes; quoniam qui parce seminat, parce & metet; & qui seminat in benedictionibus, de benedictionibus & metet vitam æternam. Cum igitur ad sustentationem Fratrum & egenorum ad tale confluentium Hospitale, propriæ non suppetant facultates, Universitatem vestram monemus & exhortamur in Domino, atque in remissionem vobis injungimus peccatorum, quatenus de bonis vobis a Deo collatis, pias eleemosynas & grata eis charitatis subsidia erogetis, ut per subventionem vestram ipsorum inopiæ consulatur: & vos per hæc bona & alia, quæ Domino inspirante feceritis, ad æterna possitis gaudia pervenire.

I I I.

Decretum Concilii Viennensis contra Quæstorum abusus.

Abusionibus, quos nonnulli eleemosynarum Quæstores in suis proponunt prædicationibus, ut simplices decipiant, & aurum subtili vel fallaci potius ingenio extorqueant ab eisdem, cum in animarum cedat periculum & scandalum plurimorum, viam, (prout est nobis possibile) præcluderet cupientes, juxta statuta Concilii generalis duximus prohibendum districte, ne Quæstores aliqui, nisi Apostolicas vel Diocesanas Episcopi Literas exhibuerint, quomodolibet admittantur, nec permittatur (cum solum ipsis competat Indulgentias sibi concessas insinuare populo, & charitativa postulare subsidia suppliciter ab eodem) ullatenus ipsi populo prædicare, nec aliud exponere, quam quod in Literis continebitur supradictis. Literas quoque Apostolicas Diocesanas Episcopi, ne quid fraudis committi valeat per easdem, antequam admittant Quæstores ipsos, examinent diligenter.

Ad hæc cum aliqui ex hujusmodi Quæstoribus, sicut ad nostram audientiam est perlatum, non sine multa temeritatis audacia & deceptione multiplici animarum, Indulgentias populo motu suo proprio de facto concedant, super votis dispensent, a perjuriis & homicidiis & peccatis aliis sibi confiterites absolvant, male ablata incerta, data sibi aliqua pecunia quantitate, remittant, tertiam aut quartam partem de poeniten-

nitentiis injunctis relaxent, animas tres vel plures parentum vel amicorum illorum, qui eleemosynas eis conferunt, de Purgatorio, ut alserunt mendaciter, extrahant, & ad gaudia Paradisi perducant: Benefactoribus locorum, quorum Quæstiones existunt, Remissionem plenariam peccatorum indulgeant, & aliqui ex ipsis, eos a poena & culpa (ut eorum verbis utamur) absolvant. Nos abusus hujusmodi, per quos Censura vilescit Ecclesiastica, & Clavum Ecclesiæ autoritas ducitur in contemptum, omnimode aboleri volentes, ea per quoscunque Quæstiones fieri, vel attentari de cætero districtius inhibemus: omnia & singula privilegia, si qua super præmissis, vel eorum aliquo sint aliquibus Locis Ordinibus, vel personis Quæstionum hujusmodi quomodocunque concessa (ne ipsorum prætextu sit eis materia talia ulterius præsumendi,) Autoritate Apostolica, quantum ad præmissa penitus revocantes.

Quæstiones autem, qui deinceps in præmissis, vel aliquo præmissorum deliquerint, vel alias etiam quibuscunque suis privilegiis abusi fuerint, sic per locorum Episcopos puniri volumus, nullo proorsus eisdem Quæstionibus in hac parte privilegio suffragante, quod a suis temerariis ausibus, qui ubique (ut communis habet assertio) nimium excreverunt, poenæ formidine propensius compefiantur.

I V.

Allud Concilii Viennensis Decretum contra Regulares indifretas Indulgentias prædicantes

Quibus (*scilicet Regularibus*) in virtute Sanctæ Obedientiæ & sub poenæ interminatione maledictionis æternæ districtius inhibemus, ne in sermonibus suis Ecclesiarum Prælati detrahant, aut etiam retrahant Laicos ab Ecclesiarum suarum frequentia, vel accessu, seu Indulgentias pronuntient indifretas..... Si qui vero præmissa, vel aliquod de præmissis attentare præsumpserint, per duos menses subiaceant poenis illis, quæ secundum eorum Regulam vel Statuta, pro gravibus criminibus seu culpis, eis consueverunt imponi; super quibus absque manifesta necessitate cum eis non valeat dispensari.

V.

Constitutio Bonifacii VIII. quæ centesimo quaque anno visitantibus Basilicam Sanctorum Apostolorum Petri & Pauli plenissima Indulgentia conceditur.

BONIFACIUS EPISCOPUS

SERVUS SERVORUM DEI

Ad perpetuam rei memoriam.

Antiquorum habet fida relatio, quod accedentibus ad honorabilem Basilicam Principis Apostolorum de Urbe, concessæ sunt magnæ Remissiones & Indulgentiæ peccatorum. Nos igitur qui juxta Officii nostri debitum, salutem appetimus & procuramus libentius singulorum, hujusmodi Remissiones, & Indulgentias omnes & singulas ratas & gratas habentes, ipsas Autoritate Apostolica confirmamus & approbamus, & etiam innovamus, & præsentis scripti patrocinio communimus. Ut autem Beatissimi Petrus & Paulus Apostoli eo amplius honorentur, quo ipsorum Basilicæ de Urbe devotius fuerint a Fidelibus frequentatæ, Fideles & ipsi spiritualium largitione munerum ex hujusmodi frequentatione magis fenserint se reiectos. Nos de Omnipotentis Dei misericordia, & eorundem Apostolorum ejus, meritis & autoritate cuncti, de Fratrum nostrorum consilio & Apostolicæ plenitudine Potestatis, Omnibus in præsentis anno millesimo trecentesimo, a festo Nativitatis Domini nostri Jesu Christi præterito proxime inclinato, & in quolibet anno centesimo secuturo, ad Basilicas ipsas accedentibus reverenter, vere poenitentibus & confessis, vel qui vere poenitebunt, & confitebuntur, in hujusmodi præsentis & quolibet centesimo secuturo annis, non solum plenam & largiorem, imo plenissimam omnium suorum concedemus, & concedimus veniam peccatorum; Statuentes, ut qui voluerint hujusmodi Indulgentiæ a Nobis concessæ fieri participes, si fuerint Romani ad minus triginta diebus continuis seu interpolatis, & sâtem semel in die: si vero Peregrini fuerint aut Forenses simili modo diebus quindecim ad Basilicas easdem accedant. Unusquisque tamen plus merebitur, & Indulgentiam efficacius consequetur.

quetur, qui Basilicas ipsas amplius, & devotius frequentabit. Nulli ergo omnino hominum liceat hanc paginam nostræ confirmationis, approbationis, innovationis, concessionis & Constitutionis infringere &c. Datum Romæ apud Sanctum Petrum viii. Calendas Martii Pontificatus nostri anno sexto.

VI.

Constitutio BONIFACII VIII. qua Ecclesie Romanae hysteres & Apostolica Sedis Rebelles a plenissima Centesimi anni Indulgentia excluduntur.

BONIFACIUS EPISCOPUS

SERVUS SERVORUM DEI

Ad perpetuam rei memoriam.

Nuper per alias nostras Literas omnes remissiones & Indulgentias peccatorum concessas accedentibus ad honorabilem Basilicam principis Apostolorum de Urbe ratificandas, & approbandas duximus, & etiam innovandas; ut tamen Beatissimi Petrus & Paulus Apostoli eo amplius &c. . . . *ut in superiori Constitutione.* Verum quia multi Indulgentiarum gratia se reddunt indignos, declaramus expresse & dicimus manifeste, quod illos falsos & impios Christianos, qui portaverint vel portabunt merces, seu res prohibitas Saracenis vel ad terras eorum reportaverunt, vel reportabunt ab eis, nec non Fridericum natum quondam Petri olim Regis Aragonum, ac Siculos Nobis & Ecclesie Romanæ hostes, & Apostolicæ Sedis rebelles, & qui receptabunt Columnenses, eosdem & generaliter omnes & singulos publicos hostes & rebelles, præsentis & futuro Ecclesie memoratæ & impugnatores ipsius, & qui dabunt scientes supradictis vel eorum alicui, vel aliquibus auxilium consilium vel favorem, publice vel occulte dum in sua malitia perstiterint, nec ad dictæ Sedis mandata redire curaverint, Indulgentiarum huiusmodi cum non sint capaces, nolimus esse participes, ipsosque penitus excludimus ab eisdem. Nulli ergo hominum liceat, hanc paginam nostræ declarationis voluntatis, & exclusionis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei & Beatorum Petri

& Pauli Apostolorum ejus, se noverit incursum. Datum Romæ apud S. Petrum Cal. Martii Pontificatus nostri anno sexto.

VII.

Constitutio CLEMENTIS VI. qua Jubilæum de centesimo in quinquagesimum annum reducitur.

CLEMENS EPISCOPUS

SERVUS SERVORUM DEI

Ad perpetuam rei memoriam.

Unigenitus Dei Filius de sinu Patris in utero dignatus est descendere Matris, in qua, & ex qua nostræ mortalitatis substantiam Divinitati suæ in suppositi unitate, ineffabili unione conjunxit, id quod fuit permanens, & quod non erat assumens, ut haberet unde hominem Lapsum redimeret, & pro eo satisfaceret Deo Patri. Ubi enim venit plenitudo temporis, milit Deus Filium suum factum sub Lege, natum ex muliere, ut eos qui sub Lege erant, redimeret, & adoptionem reciperet Filiorum. Ipse namque factus nobis a Deo sapientia, iustitia, sanctificatione & redemptione, non per Sanguinem hircorum aut vitulorum, sed per proprium Sanguinem introivit semel in Sancta, æterna redemptione inventa. Non enim corruptilibus auro & argento, sed sui ipsius agni incontaminati & immaculati pretioso Sanguine nos redemit, quem, in ara crucis innocens immolatus non guttam Sanguinis modicam, quæ tamen propter unionem ad Verbum pro redemptione totius humani generis sufficisset, sed copiose velut quoddam profluvium noscitur effudisse, ita ut a planta pedis usque ad verticem capitis nulla sanitas inveniretur in ipso. Quantum ergo exinde, ut nec supervacua, inanis aut superflua tantæ effusionis miseratio redderetur, Thesaurum militanti Ecclesie acquisivit, volens suis thesaurizare Filiis pius Pater: ut sic sit infinitus Thesaurus hominibus, quo qui usi sunt, Dei amicitie participes sunt effecti. Quem quidem Thesaurum non in sudario repositum, non in agro absconditum, sed per Beatum Petrum Coeli Clavigerum, ejusque successores suos in terris Vicarios commisit Fidelibus salubriter dispensandum, & propriis & rationabilibus causis, nunc pro

L tota-

totali, nunc pro partiali remissione poenae temporalis pro peccatis debita tam generaliter quam specialiter (prout cum Deo expedire cognoscerent) vere Poenitentibus, & Confessis misericorditer applicandum. Ad cuius quidem Theauri cumulum Beata Dei genitricis, omnium electorum a primo iusto usque ad ultimum merita adminiculum prestare noscuntur; de cuius consumptione, seu minutione non est aliquatenus formidandum, tam propter infinita Christi (ut praedictum est) merita, quam pro eo, quod quanto plures ex ejus applicatione trahuntur ad iustitiam, tanto magis accrescit ipsorum cumulus meritum. Quod felic. Record. Bonifacius Papa VIII. Praedecessor noster [sicut indubie credimus] considerans, & attenta mentis consideratione revolvens, quantum apud homines gloriosi Principes terrae Petrus & Paulus, per quos Evangelium Christi Romae resplenduit, & per quos Ecclesia Religionis sumplit exordium: qui facti Christiani populi per Evangelium genitores, gregis Domini pastores, Fidei lucernae, Ecclesiarum columnae, praeter ceteris peculiari quadam prerogativa in ipso Salvatore fidei virtute praecellunt; quorum uni, scilicet Apostolorum Principi, sicut bono dispensatori Claves regni Coelorum commisit, altero tamquam idoneo Doctore Magisterium Ecclesiasticae eruditionis injunxit, in speciali veneratione haberi debeant, & debita honorificentia venerari, pro ipsorum memoria recolenda crebrius, & reverentia a cunctis Christi fidelibus eis devotius exhibenda, ipsorumque patrocinio favorabilius assequendo, inconsumptibile Theaurum hujusmodi, pro excitanda & remuneranda devotione Fidelium voluit aperire; decernens de Fratrum suorum consilio, ut omnes, qui in anno a Nativitate Domini Millesimo trecentesimo, & quolibet anno centesimo ex tunc secuturo, ad dictorum Apostolorum Basilicas de Urbe accederent reverenter, ipsasque, si Romani ad minus triginta, si vero peregrini aut forenses quindecim diebus continuas vel interpolatis saltem semel in die, dum tamen vere poenitentes & confessi existerent, personaliter visitarent, suorum omnium obtinerent plenissimam veniam peccatorum.

Nos autem attendentes, quod annus quinquagesimus in lege Moisaica, quam non

venit Dominus solvere, sed adimplere; Jubilus remissionis & gaudii, sacerque dierum numerus, quo lege fit remissio, censebatur; quodque ipse quinquagenarius numerus in Testamentis veteri quidem ex legis datione, in novo ex viibili sancti Spiritus in discipulos missione, per quem datur peccatorum remissio, singulariter honoratur; quodque huic numero plura & grandia Divinarum adaptantur mysteria scripturarum; clamorem peculiaris populi nostri Romani videlicet, hoc humiliter supplicantis, ac Nos ad instar Moyse & Aaron per proprios & solemnes Nuntios ad hoc specialiter destinatos orantis pro toto Christiano populo, & dicentis: Domine aperi eis Theaurum tuum, fontem aquae vivae: desiderantes benignius exaudire, non quidem ut sicut illius populi Israelitici indurati cesset murmuratio, sed ut istius praedicti populi, & cunctorum Fidelium augeatur devotio, fides splendeat, spes vigeat, charitas vehementius incalcescat; volentesque quamplurimos hujusmodi Indulgentiae fore participes, cum pauci multorum respectu, propter vitae hominum breviteratem valeant ad annum centesimum pervenire; de Fratrum nostrorum consilio praedictam concessione ejusdem Indulgentiae ex superscriptis, & aliis iustis causis ad annum quinquagesimum ducimus reducendam; statuentes de Fratrum Consilio praedictorum & Apostolica plenitudine Potestatis, ut universi Christiani, qui vere poenitentes, & confessi in anno a nativitate ejusdem Domini Millesimo trecentesimo quinquagesimo proximo futuro & deinceps perpetuis futuris temporibus de quinquaginta in quinquaginta annos, praedictas eorundem Apostolorum Petri & Pauli Basilicas, ac Lateranensem Ecclesiam, quam inclite recordationis Constantinus, post quam per Beatum Silvestrum, sicut per eosdem Apostolos Deo revelante cognovit, renatus fonte Baptismatis fuerat, & a contagio lepra mundatus in honorem Salvatoris construxisset; quamque idem Beatus Silvester novo sanctificationis & christianitatis genere dedecasse leguntur, & in cuius Ecclesiae parietibus praefati Salvatoris imago depicta, primum toti populo Romano visibiliter apparuit, devotius veneranda, quam ex his & aliis certis & rationabilibus causis, ut ipsa Ecclesia pariter Indulgentiae praedictae privile-

vilegio decoretur, & devotus populus ab eodem Salvatore, qui in præfatis Apostolis mirabilis prædicatur, eorum meritis & precibus Indulgentiæ mereatur percipere largitatem, in hacensuimus honorandam, causa devotionis modo præmissa visitaverint, plenissimam omnium peccatorum suorum veniam consequantur; ita videlicet, ut quicumque voluerint huiusmodi Indulgentiam assequi, si Romani ad minus triginta continuis vel interpolatis saltem semel in die; si vero peregrini aut forenses modo simili quindecim diebus ad prædictas Basilicas & Ecclesiam accedere teneantur; ac adiacentes, ut ii etiam, qui pro ea consequenda ad easdem Basilicas & Ecclesiam accedentes, post iter arripit impediti legitime quo minus ad Urbem illo anno valeant pervenire, aut in via vel dierum prætextato numero non completo in dicta Urbe decesserint, vere poenitentes, ut præmittitur, & confessi eandem Indulgentiam consequantur, omnes nihilominus & singulas Indulgentias, per Nos vel Prædecessores nostros Romanos Pontifices tam prænomi- natis, quam aliis Basilicis & Ecclesiis de dicta Urbe concessas ratas & gratas habentes, ipsas Authoritate Apostolica confirmamus & approbamus, & etiam innovamus, & præsentis scripti patrocinio communi- mus. Nulli ergo &c. Datum Avinion. vi. Cal. Febr. Pontif. nostri anno 1.^o

VIII.

Constitutio Urbani VI. qua Jubileum trigesimoterrio quoque anno celebrandum indicitur.

URBANUS EPISCOPUS

SERVUS SERVORUM DEI.

Ad perpetuam rei memoriam.

Salvator noster unigenitus Dei Filius de sinu Patris in utero dignatus est descendere Matris, in qua & ex qua nostræ mortalitatis substantiam Divinitatis sue in supposito unitate ineffabili unione conjunxit, id quod fuit, permanens, & quod non erat assumens, ut haberet, unde hominem lapsum redimeret, & pro eo satisfaceret Deo Patri; ubi enim venit plenitudo temporis, misit Deus Filium suum, natum ex muliere, factum sub lege, ut qui sub lege erant redimeret, & adoptionem recipe-

rent filiorum: ipse namque factus nobis a Deo sapientia & iustitia, sanctificatio & redemptio, non per sanguinem hircorum, aut vitulorum, sed per proprium Sanguinem intravit semel in sancta, æterna redemptione inventa, non enim corruptibilis auro & argento, sed sui ipsius in contaminati & immaculati pretioso Sanguine nos redemit, qui in ara Crucis pro nobis innocens immolatus, non guttam Sanguinis modicam, quæ tamen propter unionem ad Verbum pro redemptione totius humani generis suffecisset, sed copiose veluti quoddam efflavium noscitur effudisse; ita ut a planta pedis usque ad verticem nulla sanitas reperiretur in eo. Tantum ergo exinde, ut nec supervacua & inanis, nec superflua tantæ effusionis miseratio redderetur, Thesaurum militanti Ecclesiæ acquisivit, volens thesaurizare suis filiis Pater pius, ut sic sit infinitus Thesaurus hominibus, quo qui usi sunt, Dei amicitia participes sunt effecti: quem quidem Thesaurum non in sudarium repositum, non in agro absconditum, sed per Beatum Petrum Coeli Clavigerum ejusque successores suos in terris Vicarios commisit Fidelibus salubriter dispensandum, & pro piis ac rationabilibus causis, nunc pro totali, nunc pro partiali remissione poenæ temporalis pro peccatis debitæ, tam generaliter quam specialiter, prout cum Deo expedire cognoscerent, vere poenitentibus & confessis misericorditer applicandum; ad cuius Thesauri cumulum Beatæ & gloriöse Virginis Mariæ & omnium Electorum a primo Iusto usque ad ultimum merita administratum præstare noscuntur; de cuius consumptione seu diminutione non est aliquantum formidandum, tam propter infinita Christi, ut prædictum est, merita, quam pro eo, quod quanto plures ex ejus applicatione trahuntur ad justitiam, tanto magis accrescit ipsorum cumulus meritorum. Quod Bonifacius Papa Octavus Prædecessor noster primo, pie, prout indubitanter credimus, considerans, & debita meditatione revolvens, quanta Apostolici homines Petrus & Paulus, per quos Evangelium Christi Romæ resplenduit, & per quos Ecclesia Religionis summis exordium, qui facti Christiani populi per Evangelium genitores, gregisque Dominici pastores, Fidei lucernæ, Ecclesiarum columnæ præ cæteris Apostolicis, peculiari quadam prerogativa in ipso Salva-

tore, fidei virtute præcellunt, quorum uni sicut Apostolorum Principi, tanquam bono dispensatori Claves, Cælestis regni committit, alteri sicut idoneo datori Magisterium Ecclesiasticæ cruci litionis injunxit, in speciali veneratione haberi debeant, & debita honorificentia venerari, pro ipsorum memoria recolenda crebrius, & reverentia a cunctis Christi fidelibus eis devotius exhibenda, ipsorumque patrocinio favorabilis assequendo, incontumptibilem Thesaurum hujusmodi, pro excitanda & remuneranda devotione fidelium voluit aperire, decernens de Fratrum suorum consilio, ut omnes qui in anno a Nativitate Domini mccc. & quolibet centesimo tuncsecuturo ad dictorum Apostolorum Basilicas de Urbe accederent reverenter, ipsasque, si Romani ad minus triginta, si vero peregrini aut forenses, quindecim diebus continuis aut interpolatis, saltem semel in die, dummodo tamen vere poenitentes & confessi existant, personaliter visitarent, suorum omnium plenissimum obtinerent veniam peccatorum. Et deinde felic. record. Clemens Papa Sextus Prædecessor noster de Fratrum suorum consilio ex certis causis ad annum quinquagesimum reduxit, statuens de Fratrum suorum consilio, ut universi Christi fideles, qui vere poenitentes & confessi in anno a Nativitate ejusdem Domini mcccc. tunc proxime futuro, & deinceps perpetuis futuris temporibus de quinquaginta in quinquaginta annos prædictas ipsorum Petri & Pauli Basilicas & Lateranensem Ecclesiam, causa devotionis modo prædicto visitarent, plenissimam omnium suorum peccatorum veniam consequerentur. Nos considerantes quod atas hominum amplius solito in dies labitur pauciores, & desiderantes quam plurimos participes fieri Indulgentiæ memoratæ, cum plurimi ad annum quinquagesimum propter hominum vitæ brevitate non perveniant, & ut cunctorum populorum augeatur devotio, fides resplendeat, spes vigeat, & charitas vehementius incalcescat: ac intendentes, quod anno trigesimotertio Salvatoris Domini nostri Jesu Christi, ipse Salvator noster pro nobis aeterno Patri Ade debitum solvit, & veteris piaculi coinquinationem proprio Sanguine deterfit, destructisque mortis vinculis victor ab inferis resurrexit: & per quadraginta dies per

multa argumenta suis apparens discipulis, videntibus illis ascendit in Cælum, ac deum dona charitatum per immisionem Sancti Spiritus in filios adoptionis effudit: & quod mysterio hujusmodi trigintatium annorum, qui fuerunt totum tempus vitæ ipsius nostri Salvatoris, quibus conversatus in Mundo, miro clausit ordine sui moras incolutus, plurima etiam alia & grandia Divinarum scripturarum mysteria adaptari possunt: & ut magis ipsius Salvatoris & eorum, quæ pro humani generis salute gessit, ac verbis docuit & exemplis, Fidelibus sit in memoria, de Fratrum nostrorum consilio, ex prædictis & aliis iustis causis ad annum trigeli numerum reducimus, per præsentem statuentes de eorundem Fratrum nostrorum consilio & Apostolicæ plenitudine Potestatis, ut universi Christi fideles vere poenitentes & confessi, qui anno a Nativitate ejusdem Domini mcccc. proxime futuro, & deinceps perpetuis temporibus de trigintatribus annis in trigintates annos, prædictas ipsorum Petri & Pauli Basilicas, ac Lateranensem, & S. Mariæ Majoris de Urbe Ecclesias, quæ ob ipsius reverentiam Virginis, inter alias prædictæ Urbis Ecclesiæ devotissime honoratur, & ad quam causa devotionis, populi confluit multitudo, & quam, ut cunctus populus ipsius precibus Virginis & meritis, quæ præ Sanctis omnibus ab eodem Salvatore nostro meruit exaudiri, hujusmodi consequatur Indulgentiæ largitatem, in hoc & ex hujusmodi & aliis certis causis rationabilibus censuimus honorandam, causa devotionis modo præmissa visitaverint, plenissimam omnium peccatorum suorum veniam consequantur; ita videlicet, ut quicumque voluerit hujusmodi Indulgentiam assequi, si Romani ad minus triginta continuis aut interpolatis, saltem semel in die; si vero peregrinus aut Forensis fuerit modo simili quindecim diebus ad dictas Basilicas & Ecclesias accedere teneatur: adjectives, ut ii, quos, pro ea consequenda ad easdem Basilicas & Ecclesias accedentes post iter arripitum contigerit legitime impediri, quo minus ad Urbem illo anno valeant pervenire, aut qui in via vel dierum prætextato numero non completo in dicta Uroe decesserint, vere poenitentes, ut præmittitur, & confessi eandem Indulgentiam consequantur.

Omnes nihilominus & singulas Indulgentias

tias per nos & Prædecessores nostros Romanos Pontifices tam prænominatis, quam aliis Basilicis & Ecclesiis de dicta Urbe concessas ratas & gratas habentes, ipsas Autoritate Apostolica confirmamus & approbamus, & etiam innovamus, & præsentis scripti patrocinio communimus. Nulli ergo hominum liceat hanc paginam nostræ eruditionis, Constitutionis, adjectionis, confirmationis, approbationis & innovationis infringere, vel ei ausu temerario contraire; si quis autem hoc attentare præsumpserit indignationem Omnipotentis Dei & Beatorum Petri & Pauli Apostolorum ejus se poverit incursum.

Datum Romæ apud Sanctum Petrum quinto Idus Aprilis Pontificatus nostri anno undecimo.

I X.

Litteræ BONIFACII IX. ad Benedictum Episcopum Ferrariensem, quibus jubet in eos aninadverti, qui sacra Indulgentiarum præmia ad quæstum profanaverant.

Venerabili Fratri Benedicto Episcopo Ferrariensi in Provincia nostra Romanodiola pro Nobis & Ecclesia Romana Thesaurario salutem, & Apostolicam Benedictionem.

Ad audientiam nostram non sine magnæ mentis dispendio, fide dignorum quamplurium relatio perduxit, quod quidam Religiosi diversorum etiam Mendicantium Ordinum & nonnulli Clerici sæculares etiam in dignitatibus constituti, asserentes se a Nobis, aut a diversis Legatis seu Nuntiis Sedis Apostolicæ missos, & ad plura peragenda negotia diversas facultates habere, per partes in quibus es pro nobis & Ecclesia Romana Thesaurarius deputatus, discurrunt, & veras vel præfensas, quas se habere dicunt, facultates, fidei & simplici populo nuntiant, & irreverenter veris hujusmodi facultatibus abutentes, suas simbras, ut vel sic turpem & infamem quæstum faciant, impudentem dilatant, & non veras & præfensas facultates hujusmodi mendaciter simulant, cum etiam pro qualibet parva pecuniarum summa, non poenitentes, sed mala conscientia satagentes ini-

quitati suæ quoddam eminentiæ absolutionis velamen prætere, ab atrocibus delictis, nulla vera contritione nullaque debita præcedenti forma (ut verbis illorum utamur) absolvant male ablata, certa & incerta, nulla satisfactione prævia (quod omnibus sæculis absurdissimum est) remittant: Castitatis, abstinentiæ, peregrinationis ultramarinæ, seu Beatorum Petri & Pauli de Urbe, aut Jacobi in Compostella Apostolorum, & alia quævis vota levi compensatione commutent: de hæresi vel schismate nominatim aut incidenter condemnatos, absque eo quod in debita forma abjurent, & quantum possunt debite satisficiant, non tantum absolvant, sed in integrum restituant: cum illegitime genitis, ut ad Ordines & beneficia promoveri possint, & intra gradus prohibitos copulatis aut copulandis dispensent: & eis, qui ad partes Infidelium absque Sedis prædictæ licentia transfretarunt, vel merces prohibita detulerunt, & etiam qui Romanæ aut aliarum Ecclesiarum possessiones, jura & bona occuparunt, excommunicationis & alias sententias & poenas, & quævis interdicta relaxent: & Indulgentiam, quam felic. recordat. Urbanus Papa VI. Prædecessor noster, Christifidelibus certas Basilicas & Ecclesias dictæ Urbis instanti anno visitantibus concessit, & quæ in subsidium Terræ Sanctæ accedentibus conceduntur, quibusvis, elargiri minime ducant, ac tot tantæque abusiones, postposita Dei, & ejus Ecclesiæ reverentia & honore mundiali, ac propriæ conscientiæ stimulis exercere non erubescant per modos tales, ut quasi hominibus perpetuam felicitatem in hoc sæculo polliceri contentur, & æternam gloriam in futuro, & quæstum, quem exinde percipiunt, nomine Cameræ Apostolicæ se percipere asserant, & nullam de illo nihilominus rationem velle reddere videantur. Horret, & merito indignatur animus talia remissæ, cedunt enim in gravem Divinæ Majestatis offensam, Sedis & gravitatis Apostolicæ vilipendium, animarum grande periculum; exempli pessimi damnosam perniciosam, fidelis populi elusionem, devotionis diminutionem & scandalum plurimorum. Attendentes igitur quod Nostra interest, super tot tantisque malis de opportunis remediis salubriter providere, Fraternitati tuæ, de qua in iis & aliis specialem in Domi-

mino fiduciam obtinemus, per Apostolica scripta committimus & mandamus, quatenus religiosi, & secularibus Clericis huiusmodi ac eorum familiaribus, complicibus & collegis, & aliis vocatis, qui fuerint evocandi, summarie & simpliciter, & de plano, ac sine strepitu, & figura iudicii, etiam ex officio super præmissis, Auctoritate nostra inquiras diligentius veritatem, & eos ad reddendum tui computum de receptis, & reliqua consignandum, remota appellatione compellas: & quos per inquisitionem huiusmodi excessisse, vel non verum aut non sufficiens, seu ad id non habuisse mandatum, inveneris, capias, & tandem sub fida custodia teneas carceribus mancepatos, donec id Nobis intimaveris, & aliud super hoc a Nobis receperis in mandatis. Contradictores &c. Datum Romæ apud Sanctum Petrum xiv. Cal. Novembris anno 1.^o.

X.

Decretum MARTINI V. In Concilio Constantiensi latum pro revocatione. Quarundam Indulgentiarum.

Quia tempore schismatis, quo singula quasi spiritualia publice exponebantur venditioni, multæ quæstiones ac petitiones, cum quamplurium Indulgentiarum & concessionum privilegio, ut verosimiliter præsumitur, pro pecunia plusquam pro animarum salute sunt concessæ in gravamen pauperum & Ecclesiastici status ridiculum, ex quibus velut ex facilitate veniæ incentium præbatur delinquendi; ideo hæc Sancta Synodus omnes huiusmodi novas quæstiones, sub cuiuscumque nomine ab Apostolica Sede concessas, nec non omnia & singula privilegia Indulgentiarum, concessionum aut gratiarum, cuiuscumque etiam sint tenoris & continentie dictis novis aut etiam antiquis quæstuationibus & petitionibus tempore iam lapsi schismatis, inno & tempore unionis post Constitutionem felicis record. Clementis V. quæ incipit Abusionibus Clem. II. 5. t. 9. cap. 2. qualiter cumque concessa revocat, irritat & annihilat, eaque ut antea nullius vult esse roboris vel momenti. Per hanc revocationem hæc Synodus, antiquis quæstuationibus & petitionibus, dummodo per Presby-

teros bonæ famæ, habiles & idoneos, sine sermone publico, sed cum literarum petitionum suarum & Indulgentiarum antiquarum vera expositione, sine comixtione talitatis, & secundum formam dictæ Clementinæ fiant, aliquatenus derogare non intendit.

XI.

Concordata Nationum super Indulgentiis cum MARTINO V. ex Hermannno Vonder dart. tom. 1.

Super decimo septimo articulo videtur, quod Indulgentiæ exorbitanter concessæ tempore schismatis, continentes remissionem omnium peccatorum, vel factæ ad instar, sint penitus revocandæ, juxta avisa in Reformatorio primo hujus Concilii Generalis. Quodque deinceps tales non nisi ex maxima causa concedantur cum expressione qualitatum & circumstantiarum opportunarum.

Concordata Nationis Germanicæ fol. 1068. sic habent. Cavebit Dominus Papa in futurum nimiam Indulgentiarum effusionem, ne vilescant; & in præteritum concessas ab obitu Gregorii XI. adinstar alterius Indulgentiæ revocet, & annulet. Concordata hæc in Cancellariam Papalem relata sunt xv. Aprilis mcdxxviii, desumpta vero fuerunt ex antiquissimis Codicibus MSS.

Concordata Nationis Gallicæ sic habent. Circa articulum Indulgentiarum, habita deliberatione matura, nihil intendimus circa eas immutare seu ordinare.

Concordata Nationis Anglicanæ cap. 2. Sic habent: Item, quod, cum occasione diversarum Indulgentiarum ac literarum, facultatum a Sede Apostolica concessarum ad absolvendum quoscumque visitantes, sive offerentes in certis locis, & qua sit rarum quamplurimarum, quæ in Angliâ nunc plus solito abundant, nonnulli peccandi audaciam frequenter assumunt, ac contemptis suis propriis Curatis, & Ecclesiis suis Parochialibus dimissis, ad ipsa loca spe Indulgentiarum & confessionum accedunt, decimas, oblationes & debita dîctarum Ecclesiarum Parochialium subtrahunt, seu solvere differunt minus iuste, committatur Dicecesanis locorum ad inquirendum super qualitate earum, cum potestata-

testate suspendendi omnino Authoritate Apostolica illas , quas invenerint scandalosas , & illas denunciandi Pape , ut illas revocet .

X I I .

Regula Cancellaria a MARTINO v. statuta super Indulgentiis concedendis .

Voluit & ordinavit Dominus noster MARTINUS V. , quod Indulgentiæ per eum deinceps concedendæ , sive *per fiat* concedentur , sive *per concessum* , visitantibus videlicet Ecclesiis vel pia loca , seu illis eleemosynam etiam ad fabricam vel alias &c. porrigentibus , durent dumtaxat per decem annos , & dentur solum ad festivitates sequentes , videlicet septem Domini nostri , & quatuor B.M. V. Joannis Baptiste , Sanctorum Apostolorum Petri & Pauli , ad celebritates omnium Sanctorum , sub quorum vocabulo Ecclesiæ seu loca hujusmodi sunt vocata : in Dedicatione eorumdem Ecclesiarum & locorum , ac etiam octavas dictarum festivitatum , octavas habentium , & ponatur clausula : Voluntas quod si alias &c. Si tempus Indulgentiarum adhuc duret , voluit , quod si aliqua Indulgentia pro una tantum die anni petita fuerit , non apponantur festa prædicta , ipsaque Indulgentia in perpetuum duret .

Item voluit & ordinavit , quod si aliquæ Indulgentiæ pro Ecclesiis , Hospitalibus aut piis locis , adinstar Indulgentiarum alijs Ecclesiis vel alijs locis concessarum ; petantur , si non plene specificatæ fuerint , Literæ non expediantur super illis .

Item voluit , & ordinavit quod in Literis Apostolicis super Indulgentiis per ipsum deinceps concedendis , personis visitantibus Ecclesias seu alia loca pia , vel ad eorum reparationem seu fabricam manus porrigentibus adjutores , seu inibi pias eleemosynas erogantibus , si supplicatio signata fuerit *per fiat* , si Ecclesia Cathedralis , vel insignis Collegiata aut solemne Monasterium fuerit , tres , aliquando duo anni & totidem quadragene : & *si per fiat ut petitur* pro Cathedrali aut Collegiata Ecclesia , aut Monasterio hujusmodi , quatuor , aliquando tres anni & totidem quadragene , licet plures petantur ; per singulas vero octavas Festivitatum consuetarum , & pro

Capellis , tantum centum dierum apponantur .

Item voluit & ordinavit , quod deinceps aliquæ Literæ super concessione Indulgentiarum hujusmodi , aut etiam a poena & culpa pro quibuscumque personis , sub sigillo Cardinalium seu alterius cujuscumque non expediantur ; quod si secus fiat , eo ipso sint nullæ , & in Literis Apostolicis super illis concipiendis ponatur clausula *junii* .

X I I I .

Literæ MARTINI V. ad Jacobum Episcopum Tergestinum & Simonem de Teremo Sedis Apostolicæ Nuntios in Anglia in Causa Henrici Archiepiscopi Cantuariensis , qui anno mccccxx. Jubilæum celebrandum indixerat .

MARTINUS EPISCOPUS

SERVUS SERVORUM DEI

Venerabilibus Fratribus Episcopo Tergestino , & dilecto Filio Magistro Simon de Teremo juris utriusque doctori , in Regno Anglia pro Camera Apostolica collectori , nostris & Apostolicæ Sedis Nuntiis salutem & Apostolicam Benedictionem .

Cum fuerit ad notitiam nostram quamplurimorum significatione deductum , Henricum Archiepiscopum , & Priorem ad Capitulum Cantuariensis Ecclesiæ inaudita præsumptione , ac sacrilega audacia commotos , de anno Domini mccccxx. Jubilæum ad generalem remissionem peccatorum , in certis temporibus , locis , modis & formis ab antiquis Patribus , & Prædecessoribus nostris Romanis Pontificibus ordinatum indixisse , & fecisse publice prædicari , omnes & singulos visitantes præfatas Ecclesias Cantuariensem , plenariam remissionem omnium peccatorum consecuturos , quam consequebantur visitantes Limina Apostolorum in Alma Urbe , per Romanum Pontificem Jubilæo instituto : nec non temeritate simili instituisse Poenitentiariorum , qui confluentes ad eos generaliter ab omnibus peccatis absolverent , vel potius simplices animas illaquearent , & ab ipsis profanum pretium extor-

torquerent, cum inexpiabili conscientiarum propriarum latione, & deceptione aliarum simplicium animarum; Nos considerantes quam periculosum, quinque scurdaiosum in fide, animarum salute, quinque excessiva fuerit presumptio Archiepiscopi, Prioris & Capituli predictorum, qui velut damnati Angeli in Aquilone sedem ubi constituere voluerunt contra Creatorem, sic ipsi homines presumptuosi adversus Sedem Apostolicam & Auctoritatem Romani Pontificis, cui soli tanta est a Deo concessa facultas, falsum salvationis tabernaculum erigere sunt conati; ac volentes salubriter providendo animadvertere cum debito exemplo iustitiae & punitiois condignae in huiusmodi transgressores, ut etiam in futurum aliqui attentare tam enormia non praesumant; vobis duobus, quos ad Regnum Angliae Nuntios deputatos pro nonnullis arduis nostris & Romanae Ecclesiae negotiis destinamus, tenore praesentium committimus & mandamus, ut vos super praemissis diligenter inquirere & informare curetis.

Quod ut commodius adimplere possitis, & in apertum deducere veritatem, vobis & vestrum cuilibet inquirendi, testes recipiendi & examinandi, ac examinari faciendi, & subtrahentes se a testificatione, prout vobis videbitur, compellendi, significationes & probationes acceptandi, & suscipiendi informationem quomodolibet de praemissis, etiam cum adiectione poenarum, & quoscumque alios contradictores & rebelles per censuram Ecclesiasticam Auctoritate nostra, appellatione postposita, compescendi, plenam & liberam per praesentes concedimus facultatem &c. Datum Romae apud Sanctum Petrum 14. Cal. Aprilis Pontificatus nostri anno VI.

XIV.

Constitutio Nicolai V. pro Jubileo celebrando anno mcccc.

NICOLAUS EPISCOPUS

SERVUS SERVORUM DEI

Ad perpetuam rei memoriam.

Nonnulli Praedecessores nostri Romani Pontifices Ministri Christi & dispensatores mysteriorum Dei, quaedam elegerant tempora, in quibus fidelibus populis ube-

rius fluentia Divinae miserationis effluerent, scientes Omnipotentem Deum lapsi hominis vetustatem quibusdam periodicis temporum, nunc diluvio, nunc circumcissione, nunc lege, nunc aliis atque aliis modis, novissime autem per Incarnati Verbi mysterium in melius innovasse. Qui cum illuminante Spiritu Sancto intelligerent, quod ad vetus Testamentum secundum litteram pertinebat, hoc, novo secundum spiritum, convenire Jubilaei anni mysterium, in quo fiebat terrae remissio, libertas servorum, possessionum restitutio, quae pretio fuerant comparatae, Christiano populo spiritualiter exhibere curarunt, ut quolibet quinquagesimo anno, omnes quibuscumque, etiam gravissimis delictis obnoxii, vere poenitentes & confessi, qui Apostolorum Petri & Pauli Limina, ac Lateranensem, & Beatae Mariae Majoris de Urbe Ecclesias visitassent, sub certis modis & formis quae in ipsorum Literis Apostolicis continentur, & praesertim felic. record. Clementis VI. & Gregorii XI. Praedecessorum nostrorum (quorum tenores praesentibus annotari, & de verbo ad verbum inferi fecimus) omnium peccatorum suorum plenissimam Indulgentiam: obtinerent. Tenor vero Literarum praefati Clementis sequitur videlicet. Clemens &c. Unigenitus Dei filius &c. adscrip-
pta est dies VI. Cal. Februarii Pontificatus anno primo: subjunguntur Gregorii XI. Litterae, quae ab his verois exordiantur: Salvator Noster &c. & post cum lata in B. Virginem amplissima elogio decernit, ut cum Clemens VI. annum Jubileum a Bonifacio singulis saeculis institutum ad recurrentem quinquagesimum annum redeisset, sanxissetque, ut Indulgentiarum praemia in lustrandis Lateranensi ac Beati Petri & Pauli Basilicis lucraturi majorem Basilicam Beatae Mariae Sacram adire obscripti essent, cum non sine ingenti miraculo condita & dicata fuisset, atque, etiam pluribus miraculis Deiparae precibus patrari solitis fulgeret, Fideles tandem Basilicam S. Mariae Majoris recurrentibus annis Jubilaeis adipiscende causa criminum veniae lustrare teneantur, quibus Gregorii XI. Literis Avenione exaratis 3. Cal. Maii Pontificatus anno tertio adjecta est.

Nos igitur, qui licet immeriti vices Christi gerimus in terris, & Beati Petri Successores sumus, eorum vestigiis inherentes, pra-

præfatas concessionum Literas ratas & gratas habentes, eas de Venerabilium Fratrum nostrorum S. R. E. Cardinalium consilio & Apostolica plenitudine Potestatis innovamus, approbamus & præsentis scripti patrocinio communimus, decernimusque, statuimus & ordinamus, ut omnes Christiideles, qui vere poenitentes & confessi juxta formam in ipsis Literis comprehensam in anno Nativitatis Domini nostri Jesu Christi mcccc. proxime secuturo præfatas Sanctorum Petri & Pauli Apostolorum Basilicas ac Lateranensem & B. Mariæ Majoris Ecclesias visitaverint, omnium peccatorum suorum plenissimam Indulgentiam consequantur. Præparent ergo omnes corda sua Domino, & mores in melius commutare conentur, a malefactis abstineant, satisfaciant Domino per contriti cordis sacrificium cooperantibus elemosynis & peregrinationibus, ut Sanctorum Tempia visitantes, quorum millia fere innumera una cum gloriosissimis Petro & Paulo in alma Urbe requiescunt, qui mortem pro Christi nomine perpassi, ejus conspectui semper assunt, intercessores semper habere mercantur. Nulli ergo &c. Datum anno Nativitatis Dominicæ mcdxli. Cal. Februarii Pontificatus nostri anno 11.

X V.

LITERÆ NICOLAI V. ad Joannem Cabilonensem & Antonium Sidonensem Episcopos, ut profligarent errores ex Sacerdotum imperitia in Burgundia vulgatos, mediis idoneis Prædicatoribus.

NICOLAUS EPISCOPUS

SERVUS SERVORUM DEI

Ad perpetuam rei memoriam.

*Venerabilibus Fratribus Joanni Cabilonensi & Antonio Sidonensi Episcopis in Theologia Magistris
salutem & Apostolicam
Benedictionem.*

Pastoralis Nos impellit Ministerii debitum, & quotidiana omnium Ecclesiarum Nos angit sollicitudo, ut pro confutandis superstitionibus Catholicæ Religioni contra-

riis erroribus Apostolicæ curæ partes ferventius impendamus. Sane sicut intelleximus, in nonnullis Burgundiæ partibus plerique sæculares & regulares Presbyteri, vel ex imperitia sive inadvertentia, aut lingue lapsu, etiam nonnumquam in sermonibus publicis ad populum, ac collationibus & disputationibus utrimque & hinc inde habitis, aliqua piarum aurium offensiva, & quæ omnino Catholicæ Fidei & illius articulis, ac Sanctorum Patribus & Catholicorum Doctorum traditionibus conformia non sunt, & præsertim Indulgentiarum & remissionum peccatorum, nec non Clavium Ecclesiæ & Sacramenti materias concernentia affirmarunt, dogmatizarunt & prædicarunt, unde ibi gravia scandala successerunt, & nisi Apostolicæ provisionis remedio salubriter provideatur, inter Fideles, ac vulgares & populares Partium illarum poterunt hæreses, & errores varii periculosus pullulare.

Nos itaque, prout ex susceptæ servitutis adstricti censetur officio, tam dispendiosis illarum progressibus feliciter obviare cupientes, ad vos quos Zelus comedit animum, & in Sacra pagina estis magistri, ac præmissorum, nec non aliorum ejusdem Fidei articulorum veram notitiam & claram informationem obtinetis, direximus oculos nostræ mentis, Fraternitatibus vestris per Apostolica scripta mandantes, & remissionem peccaminum vestrorum iniungentes, quatenus vos simul vel alter vestrum in solidum, vocato Fidei Inquirentore, prout id utilius fieri posse compereritis, & tam publice, quam private, prout id etiam congruere & magis opportunum fore perpexeritis, prædicandi officium & Evangelizandi ministerium prædictorum & quorumcumque aliorum plenaria extirpatione devote assumatis, & reverenter acceptetis, ac Fidelibus ipsis, in eisdem partibus, in Ecclesiis & locis, quibus convenientius fieri possit, veritatem & sanas Sanctorum Patrum & Doctorum opiniones ac traditiones, prout Sancta Romana Ecclesia tenet, credit & servat, proponatis, doceatis, publicetis, dogmatizetis & prædicetis: faciatque disponatis, ordinetis & exequamini, prout ipsius Fidei corroborationi, ac dictorum Fidelium salutis vobis visum fuerit opportunum, super his omnibus & singulis vobis

plenam, ac liberam concedimus tenore præsentium facultatem. Datum Romæ apud S. Petrum anno Incarnationis Dominicæ MCDXLVII. Cal. Julii Pontificatus nostri anno I.

XVI.

Constitutio PAULI II. pro celebrando Jubileo de viginti quinque annis in vigintiquinque annos.

PAULUSEPISCOPUS

SERVUS SERVORUM DEI.

Ad perpetuam rei memoriam.

Ineffabilis Providentia sommi Patris, qui pro redemptione humani generis ejusque reconcilianda natura, Adæ prævaricatione, perpetuæ mortis damnatione, multata, Unigenitum suum vestem nostræ mortalitatis assumere, & post Evangelicæ doctrinæ sacra erudimenta, ac vitæ ipsius actus & conversationis exempla, crucem voluit & mortem subire, laudabili imitatione nos instruit; ut qui insufficientibus meritis vices ipsius Redemptoris teneremus in terris, summis enitatur studiis gregem dominicum vigilantie nostræ suæ præordinatione commissum, quem callidi hostis versutia justitiæ limitibus sæpe divertit, Auctori nostro, qui non vult mortem, sed poenitentiam desiderat peccatorum, reddere acceptabilem & bonorum operum Sectatorem, ut in extremi tremendique Judicii ratione reddenda, rigorem justitiæ & ultionis meritis evitare possimus. Decet igitur nostræ mentis intuitum ad ea vigil attentione convertere, per quæ supremi favoris suffragante præsidio, ita universorum Christianidelium animarum saluti proficiamus utiliter, & gratiarum spiritualium donis salubriter consulamus, quod adversus ipsius hostis astutias congruo valeat antidoto subveniri, ipsique Fideles æternæ beatitudinis præmia langiente Altissimo consequantur.

Dudum siquidem cum fida relatio antiquorum haberet, quod accedentibus ad honorandam Principis Apostolorum de Urbe Basilicam magnæ concessæ forent remissiones & Indulgentiæ peccatorum, felices re-

cordationis Bonifacius Papa VIII. Prædecessor noster summo studio salutem appetens Fidelium singulorum, & attenta consideratione recensens, quod per Beatissimos Christianæ Fidei Principes Petrum & Paulum Sacrosancta Romana & Universalis Ecclesia religionis sumplisset exordium, ac Evangelium Christi Romæ resplendisset, ut iidem Apostolorum Principes Gregis Dominici Pastores, & ejusdem Ecclesiæ Columnæ firmissimæ in speciali veneratione & honorificentia haberentur, ipseque Prædecessor Fidelibus ipsis incomparabilem salutis Thesaurum aperiret, de Fratrum suorum consilio voluit atque decrevit, quod omnes, qui anno a Nativitate Domini MCCC. & quolibet anno centesimo ex tunc in antea secuturo, ad ipsorum Apostolorum Basilicas de Urbe accederent reverenter, ipsasque, si Romani ad minus triginta, si vero peregrini aut forenses quindecim diebus continuus vel interpolatis, saltem semel in die, vere tamen penitentes & confessi personaliter visitarent, suorum omnium peccatorum remissionem, & veniam plenissimam obtinerent.

Postmodum vero sanctæ recordationis Clemens Papa VI. noster etiam Prædecessor, ex præmissis & nonnullis aliis animum suum moventibus causis, Indulgentiam antedictam ad annum quinquagesimum provida consideratione reducens, Apostolica Autoritate statuit, ut omnes Christiani fideles, qui prædictas Basilicas, & Lateranensem Ecclesiam de quinquaginta in quinquaginta annos certo modo tunc expresso devote visitaverint, eandem peccatorum suorum veniam consequerentur.

Ex successive pia memorie Gregorius Papa XI. similiter Prædecessor noster cupiens, ut Ecclesia Beatæ Mariæ Majoris de Urbe cum eisdem Basilicis & Lateranensi Ecclesia Indulgentiæ privilegio decoraretur prædicto, ex certa scientia voluit, statuit & Auctoritate prædicta ordinavit, quod quicumque Christiani de hujusmodi Indulgentiam per ipsius Clementis Literas declaratam, affecui affectarent, eandem Ecclesiam Beatæ Mariæ Majoris sicuti Basilicas & Lateranensem Ecclesiam supradictas visitare deberent, & etiam tenerentur,

Et deinde Urbanus VI in sua obedientia nuncupatus provide considerans, quod ætas hominum amplius solito in dies laberetur pau-

pauciores, ac desiderans quamplurimos ejusdem Indulgentiæ fieri participes, cum ad annum quinquagesimum propter brevitatem vitæ plurimi hominum minime perveniant, ut populorum augeretur devotio, fides splenderet, & charitas amplius incallescere, ex eisdem & aliis non minoribus causis, de Fratrum suorum consilio annum quinquagesimum supradictum ad trigessimumtertium reducens, statuit de Fratrum suorum eorumdem consilio, & Apostolicæ plenitudine Potestatis, quod universi Fideles, vere poenitentes & confessi qui in anno a Nativitate ejusdem Domini Millesimo trecentesimo nonagesimo, & deinceps perpetuis futuris temporibus detriginta tribus annis in trigintatres annos Basilicas Sanctorum Apostolorum ac Lateranensem, & S. Mariæ Majoris prædictæ Urbis Ecclesias causa devotionis modo præmisso visitarent, eandem consequerentur remissionem & veniam peccatorum.

Postremo vero, postquam felicis recordationis Martinus V. Romanus Pontifex Prædecessor noster reductionem, per eundem Urbanum factam hujusmodi ratam habens & gratam, ipsum in sua firmitate persistere, & anno trigessimotertio supradicto observari debere censuerat, & ad effectum deduci anno ingruente prædicto permiserat (prout observata extitit) piæ recordationis Nicolaus Papa V. similiter Prædecessor noster eorumdem Prædecessorum inhaerendo vestigiis, prædictas Clementis ejusdem concessionis Literas ratas habens & gratas, eas de Fratrum nostrorum tunc suorum consilio & Apostolicæ Potestatis plenitudine innovavit, & approbavit, sui que scripti patrocinio communiavit, indixitque, statuit, decrevit & ordinavit, ut omnes Christiani fideles vere poenitentes & confessi, qui juxta formam in Literis Clementis Prædecessoris hujusmodi comprehensam in anno a Nativitate Domini nostri Jesu Christi Millesimo quadringentesimo quinquagesimo tunc futuro Basilicas & Ecclesias antedictas visitarent, ut præfertur, omnium peccatorum suorum plenissimam Indulgentiam consequerentur, prout in dictis Literis plenius continetur.

Nos igitur, qui miseratione Altissimi labentibus annis regimini Catholicæ & universalis Ecclesiæ fuimus Divina Clementia disponente præfecti, provida consideratio-

ne non immerito attendentes humanæ conditionis statum fragilem, ad peccandum proclivem, & ad declinationem usque adeo celeri cursu, ut præmittitur, properare, brevissimum quoque vitæ spatium, & peccatis nostris exigentibus, crebras pestilentias, varios morbos letificeros, gravissimas quoque Turcarum & Infidelium adversus Fideles persecutiones assiduas, atque universam Christianitatem retroactis temporibus quasatam, adhuc variis, non quidem minoribus iniuriis lacerari, & calamitosis casibus & dispendiis subiacere, aliasque plurimas ærumnas in Christi populos adeo invalescere, & eis atque aliis sinistris casibus plerumque causantibus, admodum pauci remissionum & Indulgentiarum hujusmodi participes fieri mereantur: nec non attente considerantes, novum vel a moribus alienum non esse pro varietate temporum Antecessorum eorumdem statuta reduci ad spatium temporis brevioris, maxime pro salute animarum Fidelium, quam tota mente appetimus, & juxta datam Nobis a Domino gratiam assidue procuramus, ex præmissis & aliis non minoribus causis ad id animum nostrum inducentibus, annum trigessimumtertium hujusmodi de Venerabilium Fratrum nostrorum consilio & ipsius Potestatis plenitudine ad annum vigesimumquintum reducens, Auctoritate, scientia & Potestate præmissis, statuimus & ordinamus, quod de cætero perpetuis futuris temporibus annus Jubilæus (plenariæ videlicet remissionis & gratiæ, & reconciliationis humani generis nostro piissimo Redemptori) cum omnibus, & singulis Indulgentiis & peccatorum remissionibus supradictis de vigintiquinque annis, cum gratiarum actione & mentis jucunditate debeat ab omnibus Christianidelibus frequentari, ac etiam celebrari; Nos enim de Omnipotentis Dei Misericordia & ipsorum Apostolorum Auctoritate confisi eisdem utriusque sexus Fidelibus, qui in anno Domini Millesimo Quadringentesimo septuagesimo quinto, incipiendo a primis vespere vigiliæ Nativitatis Domini nostri Jesu Christi Millesimo quadringentesimo vigesimo quarto, & ut sequitur finiendo, ac deinceps de vigintiquinque annis in vigintiquinque annos Basilicas & Ecclesias antedictas, alias juxta ordinationem eorumdem Prædecessorum, devote visitaverint ut præfer-

tur, plenissimam peccatorum suorum omnium veniam elargimur.

Attendant igitur universi Fideles, qui ad rationem perspicuae veritatis attingere querunt, ac in statera cordis iusto libramine ponderent suorum sarcinam peccatorum, & quam graviter se reos constituerint erga ipsum Redemptorem piissimi num, Divinam contra se Clementiam provocando: debitorum suorum etiam relegant memoriale, atque animo repetant hujus defunctis saeculi cursum ad exitum continuo properare, & inexorabilem legem mortis absque ullius exceptionis beneficio omnibus esse indictam, quae sine personarum dignitatumque delectu, cunctos reddit aequales, nihilque esse, in quo vanam hujus Mundi gloriam inanibus extollamus titulis, dum nascentis dies mortis indicitur, ac per tactos fallantesque decursus hujus vitae mortalitas ad extremum diem fugaci temporis mobilitate raptatur. Provide deinde considerent tremendi Judicii diem, in qua omnium, quae in corpore gessimus, & live bonum fuerit siue malum, reddituri erimus rationem, & absque provocationis effectu quisque propriam mercedem accipiet aut aeternae beatitudinis praemia, aut mortis perpetuae & damnationis aeternae supplicia, quibus secunda mors finem imponere aut ea mitigare nequibit: & tandem cum ita sit, nihilque habeat humana mortalitas, quod bonorum omnium Largitori digne retribuere possit (cum nullum in se bonum inveniat, quod non sit ei liberaliter a Deo collatum) ut mortis hujus & damnationis detrimenta evitent, his atque aliis meritoriis operibus peccata sua omni ex parte studeant expiare, ut saltem per haec media, atque remissionum & Indulgentiarum largitionem hujusmodi, quibus Christicolae omnes veluti data manu ad salutem perpetuam invitemus, ac Sanctorum meritis & intercessionibus adjuti ad aeternam mereamur beatitudinem pervenire. Suscipiant etiam cuncti fidei Catholice Professores Patris monita & instituta salutis, atque praecipua cum exultatione ad preparandum iter sibi ad gloriam sempiternam has remissionum ac Indulgentiarum gratias uberrimas, quas Nos illarum Dispensatores indigni, tamquam Jesu Christi Vicarius de sacrosancta Romanae Ecclesiae Thesauris exhibemus, ut ipsorum animas ab hostis teterrimi pote-

state ereptas immortalis Deo Creatori nostro, sicut supremis desideramus affectibus, exhibere, & Nos cum eis superna beatitudine perfrui valeamus. Amen.

Nulli ergo &c.

Datum apud Sanctum Petrum anno a Nativitate ejusdem Domini millesimo quodringentesimo septuagesimo tertio decimo Cal. Maii Pontificatus nostri anno vi.

XVII.

Constitutio SIXTI IV. qua confirmatur Jubilaeum a Paulo XI. indictum pro anno MCCCCLXXV. ac suspenduntur omnes Indulgentiae extra Urbem concessae.

SIXTUS EPISCOPUS SERVUS SERVORUM DEI

Ad perpetuam rei memoriam.

Quemadmodum operosi vigilisque Pastoris solertia oves suas custoditae deputatas curat a saecularum praeservare incursionibus, & ad statum prosperum foetu multiplicato perducere, ita quoque & Nos (quibus dispositione superna universi Gregis Dominici sollicitudo commissa est) & supremis desideramus affectibus, & studiis nitimur indefessis, cunctos Christi-fideles, quos a iustitiae semitae hostis humani generis diabolica fraude avertit, deposita peccatorum sarcina, suo reconciliare Authori, ut aeternae felicitatis praemiis nostri Redemptoris inestimabili caritate media potiantur, fiatque nostrae operationis ministerio, utilitate publica suadente, etiam per gratiarum susceptionem, quod totum saluti conveniat, atque ad Nostram & Praedecessorum nostrorum Ordinationes salubres debitis effectibus mancipentur.

Olim siquidem felicitis recordationis Paulus Papa XI. Praedecessor noster rationalibus causis tunc expressis inductus, de Venerabilium Fratrum nostrorum, tunc suorum, de quorum numero tunc eramus, consilio, annum Jubilarem ad brevis tempus provida moderatione reducens, illum ad annum vigesimum quintum Apostolica Auctoritate restrinxit ac voluit, statuit & decrevit ex causis praedictis, quod singulis vintiquinque annis Jubilaeus annus praedictus celebrari deberet: quodque anno

Doni-

Domini MCCCXXIV. proximo futuro, videlicet a vigilia Nativitatis Domini nostri Jesu Christi idem annus Jubilæus inciperet, & ut sequitur finiretur: ac universi & singuli utriusque sexus Fideles, qui Beatorum Petri & Pauli Basilicas, Lateranensis quoque & Sanctæ Mariæ Majoris Almæ Urbis Ecclesias, statutis diebus visitarent, omnes & singulas Indulgentias & peccatorum remissiones consequerentur, quas idem Pontifex sui que Prædecessores anno Jubilæo hujusmodi Basilicas & Ecclesias prædictas visitantibus devote concesserant, per quasdam primo, & deinde Nos, qui (dicto Prædecessore, sicut Domino placuit, sublato de medio) fuimus Divina disponente Clementia, ad apicem summi Apostolatus assumpti, & per alias nostras Literas ejusdem Pauli Prædecessoris ordinationem, voluntatem & statum, ac omnia & singula in eisdem suis Literis contenta, de Fratrum eorundem consilio approbantes, similiter statuimus & ordinamus, quod annus Jubilæus prædictus cum eisdem Indulgentiis & remissionibus plenariis peccatorum, anno proximo futuro, a vigilia Nativitatis ejusdem incipere, & ut sequitur, continuari deberet; prout in singulis Literis prædictis, (quarum tenores præsentibus haberi volumus pro expressis) plenius continetur.

Verum quia postmodum tam Nos, quam idem Paulus Prædecessor noster dum in humanis ageret, animarum saluti & Fidelium intenti, multorum Principum & aliorum Christianissimorum, ac devotarum personarum pulsati precibus, diversas Indulgentias & peccatorum remissiones plenarias nonnullis Ecclesiis, Monasteriis & Piiis Locis duximus concedendas; propter quas, populorum forsitan concursus ad Basilicas & Ecclesias ante dictas retardari, aut ipsius anni Jubilæi celebritas minui vel intermitteri posset cum animarum non modico detrimento, Nos qui universorum credentium profectibus, & saluti prospicere ex debito Ministerii Pastoralis adstringimur, ne propter aliarum Indulgentiarum hæcenus a Nobis, seu eodem Paulo vel aliis Prædecessoribus nostris concessarum hujusmodi effusionem, hoc sanctum opus ac remissionis & gratiæ annus Jubilæus intermittatur, aut Fideles ipsi tanto munere reddantur expertes, remediis opportunis providere volentes, omnes & singulas plenarias etiam

ad instar Jubilæi, ac etiam commutandi vota, aut super eis & male ablati, incertis, aut per usurariam pravtatem, vel alium illicitum modum exortis, dispensandi & componendi, aut illis sub certis modo & forma remittendi, & deputandi Confessores cum potestate absolvendi, etiam in casibus Sedis Apostolicæ reservatis, facultates, concessionibus & indulta a Nobis, & eadem Sede, vel illius Authoritate quibuscumque Ecclesiis, Monasteriis, Hospitalibus & Piiis Locis, Universitatibus, Fraternitatibus quibuslibet, tam in perpetuum quam ad certum tempus, in vita seu in mortis articulo, quovis modo aut quavis causa quomodolibet concessas & concessa, & in posterum forsitan concedendas vel concedenda, Authoritate Apostolica tenore præsentium de Apostolicæ Potestatis plenitudine usque ad nostrum & ejusdem Sedis beneplacitum suspendimus, illasque durante beneplacito nostro & Sedis prædictæ suspensas esse volumus, nec interim alicui suffragari; Indulgentiis tamen Basilicarum & Ecclesiarum dictæ Urbis in suo plenario robore durantibus. Districtius inhibentes, alias Indulgentias (præter istas dumtaxat) in Locis publici vel privati prædicari aut nunciari, earumque prætextu a Quæstoribus aliquid exigere quovis modo. Quinimo Quæstiones & Prædicatores quoscumque per Locorum Ordinarios a Prædicationibus & Quæstibus hujusmodi faciendis, volumus & mandamus præsentium Authoritate arceri, sub censuris & poenis Ecclesiasticis, de quibus visum fuerit opportunum.

Nulli ergo omnino hominum liceat hanc paginam nostrorum suspensionis, inhibitionis, Mandati & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus se noverit incursum. Datum Tybure: anno Incarnationis Dominicæ MCCCXXIII. quarto Cal. Septembris Pontificatus nostri anno 11.

XVIII.

*Constitutio SIXTI IV. contra
Errores Petri de Osma.*

SIXTUS EPISCOPUS

SERVUS SERVORUM DEI

Ad perpetuam rei memoriam.

Licet ea quæ de nostro Mandato rite sunt, plenam obtineant roboris firmitatem, tamen illis interdum nostri muniminis robur adjiciamus, ut eo firmius illibata persistant, quo magis nostro fuerint prædicio communita.

Dudum liquidem ad audientiam nostram deducto, quod a modico tunc decurso tempore citra, in Hispaniarum Regnis, & præsertim in universitate Studii Salmantini, fuerant, & ad huc erant nonnulli iniquitatis filii, qui quasdam falsas, sanctæ Catholicæ Fidei contrarias, erroneas, scandalosas & male sonantes propositiones, præsertim circa peccatorum Confessionem & Ecclesiastica Sacramenta in studio hujusmodi & in frequentissimo hominum catu, veras esse, publice affirmare, & pertinacissime sustentare ac defendere: apertissimas Sacræ Scripturæ auctoritates eorum erroribus repugnantes, illarum rectum, clarum & apertum sensum, falsis eorum interpretationibus impudenter violando, referre, hujusmodi quoque eorum falsa dogmata manifeste hæreticæ pravitatibus labem continentia, in aliorum mentes inferere, & simplicium animas illaqueare, & ut illa in plurium notitiam pervenirent, & in perpetuum de illis memoria haberetur, libros componere & in publicum, ut illos legendi omnibus esset facultas, tradere præsumpserant eatenus, & præsumebant.

Nos tunc Venerabili Fratri nostro Alphonso Archiepiscopo Toletano per alias nostras Literas commisimus, ut assumptis secum aliquibus in Theologia Magistris & aliis viris literatis, vocatis lis, qui propositiones ipsas veras esse affirmare nixi erant & nitebantur in dies, & auditis, quæ ipsi pro illarum veritate, & alii Christiani deiles ad dilucidandum earum falsitatem deducere vellent, an que in propositionibus hujusmodi continebantur, falsa & fidei præfate contraria, erronea & male sonan-

tia existerent, Auctoritate nostra decideret, & declararet; & declaratione hujusmodi facta, illos, quos in præmissis culpabiles esse reperiret, si juxta Sanctorum Patrum instituta & Canonicas Sanctiones se emendare, & depositis de cordibus eorum totaliter erroribus prædictis, ad Ecclesiæ unitatem hæretica labe hujusmodi abjurata redire, & juxta declarationem suam tales propositiones esse scandalosas, falsas & hæreticas ac male sonantes fateri, & desuper confectum librum hujusmodi retractare, & cum effectu refutare recusarent, & in illis eorumque erroribus pertinaciter insistere vellent, hæreticos, ac censuris & poenis in tales a Jure promulgatis irritatos esse decerneret, plena sibi desuper Auctoritate concessa, prout in nostris inde tunc confectis Literis plenius continetur.

Postmodum vero, sicut accepimus, præfatus Archiepiscopus ad executionem dictarum Literarum, earum forma servata, rite procedens, dilectos Filios Petrum de Prexamo, & Petrum de Ocanno, ac Petrum de Caloca, nec non Didacum de Be-tonno, Martinum quoque Alphonsi de la Torre Magistros: & Petrum Didaci de Costana & Joannem de Quintanopaglia Licentiatos in Theologia: nec non Tellium de Buendia Toletanum, & Vascuno de Pibeja de Talavera in eadem Ecclesiâ Archidiaconos, Marchiones: & Thomam de Evenca & Joannem de Medina Decretorum Doctores: ac Gasiam Fernandi de Alcala in eisdem Decretis Licentiatum, & alios quamplures Magistros in Theologia; ac Doctores & Licentiatos in eisdem Decretis, alios quoque quamplurimos doctos, & Licentiatos Literatos viros, ex diversis Regnorum prædictorum locis, pariter & dilectum Filium Petrum de Osma propositionum prædictarum Auctorem, ejusque sequaces eoram se ad suum Oppidum de Alcala Toletana Diocæsi evocari fecit, & dicto Petro de Osma ac sequacibus minime comparentibus, debito tempore expectatis, matura super omnibus propositionibus prædictis deliberatione præhabita, de unanimi consilio & assensu Magistrorum & Doctorum prædictorum, declaravit, illas propositiones, per quas Petrus de Osma, & ejus sequaces prædicti pertinaciter affirmare non verebantur: Confessionem peccatorum in specie ex Universalis Ecclesiæ realiter statu-

to, non Divino jure compertam fore: & peccata mortalia quoad culpam & poenam alterius seculi absque Confessione, sola cordis Contritione, pravas vero cogitationes sola displicentia deleri; & quod Confessio secreta sit, necessario non exigi: & non perfecta poenitentia confidentes absolvi non debere: & Romanum Pontificem Purgatorii poenam remittere, & super his, quæ Universalis Ecclesia statuit, dispensare non posse: Sacramentum quoque Poenitentiae quantum ad collationem gratiae, naturæ, non autem institutionis novi aut veteris Testamenti existere, & alias, quas propter earum enormitatem (ut illi qui de eis notitiam habent obliviscantur earum, & qui de eis notitiam non habent, ex præsentibus non instruantur in eis) silentio prætereundas ducimus, falsas, sanctæ Catholice Fidei contrarias, erroneas & scandalosas, ac a Fidei veritate alienas, ac Sanctorum Patrum Decretis & Apostolicis Constitutionibus contrarias fore, manifestam hæresim continere, dictarum Literarum, & per illas sibi concessæ facultatis vigore, declaravit, & pro talibus haberi & reputari debere decrevit; prout in quibusdam authenticis scripturis desuper confectis plenius continetur.

Et demum præmissis, sicut præfertur, gestis & propositis in Consistorio coram Nobis, Nos dilectis Filiis nostris, Stephano tit. Sanctæ Mariæ in Transtiberim & Joanni tit. S. Prædixis Presbyteris Cardinalibus commissimus, ut de præmissis gestis per ipsum Archiepiscopum diligenter se informarent, & quæ invenirent, Nobis & aliis Fratribus nostris S.R.E. Cardinalibus referrent, qui tam zelo Fidei, quam ut nostris parerent mandatis, onus hujusmodi prompta voluntate suscipientes, cuncta diligenter rimarunt, & quæ invenerunt, Nobis & aliis Fratribus nostris memoratis fideliter retulerunt, propositiones præfatas erroneas fore, pluribus Auctoritatibus & rationibus, præter illas, quas in Archiepiscopi processibus invenerunt, etiam demonstrantes zelo Fidei memoratæ.

Nos igitur, ad quem spectat Errores hujusmodi extirpare, habita eorundem S. Mariæ in Transtiberim & S. Prædixis Cardinalium relatione prædicta, ipsius Archiepiscopi solertiam & diligentiam in præmissis plurimum in Domino commen-

dantes, ex certa nostra scientia, Archiepiscopi declarationem & Decretum hujusmodi, & prout illa concernunt, omnia & singula in scripturis prædictis Archiepiscopi super præmissis confectis contenta, Auctoritate Apostolica tenore præsentium de eorundem referentium & aliorum Fratrum nostrorum unanimi consilio & assensu laudamus, confirmamus & approbamus, ac præsentis scripti patrocinio communimus, suppletes omnes & singulos defectus, si qui forsitan intervenerint in eisdem.

Et nihilominus pro potiori cautela suffragio, omnes & singulas propositiones prædictas falsas, sanctæ Catholice Fidei contrarias, erroneas & scandalosas, & ab Evangelica veritate penitus alienas, Sanctorum quoque Patrum Decretis & aliis Apostolicis Constitutionibus contrarias fore, ac manifestam hæresim continere, dicta Auctoritate declaramus.

Præfato quoque Archiepiscopo scientia & Auctoritate prædictis committimus & mandamus, ut contra dicti Petri de Osina sequaces prædictos, si hujusmodi hæresim, in quam prolapsi sunt, abjurare, & eundem Petrum prout errantem secuti sunt, errores suos abjurantem & se emendantem sequi recusaverint, aut malitiose distulerint, juxta prædictarum aliarum nostrarum Literarum continentiam, tamquam Hæreticos procedere non omittat.

Et ut gesta per eum probe & laudabiliter zelo Fidei, de Mandato nostro & per Nos merito approbata, ad omnium illarum incolarum partium notitiam facilius perveniant, qua habita, possint se ipsos, ita, ne in prædictos prolabantur errores, liberior custodire, præfatas nostras Literas, cum processu per eum habito, ac dicti Petri abjurazione, singulis illarum partium Episcopis significare non omittat; qui post significationem eandem Clero & Populo suarum Civitatum & Diocesium ea publicari procurent, & generaliter omnia faciant, quæ pro hujusmodi hæresis extirpatione necessaria fuerint, seu quomolibet opportuna videbuntur.

Non obstantibus Constitutionibus & Ordinationibus Apostolicis, ac omnibus illis, quæ in dictis Literis volumus non ob stare, ceterisque contrariis quibuscumque.

Nulli ergo hominino &c. nostra laudationis & confirmationis, approbationis, com-

mini-

municationis, declarationis, commissionis, & Mandati paginam infringere &c.

Si quis autem &c.

Datum Romæ apud S. Petrum anno millesimo quadringentesimo septuagesimo octavo, quinto Idus Augusti, Pontificatus nostri anno VII.

XIX.

Litteræ Decretales LEONIS X. ad Cardinalem Cajetanum, quibus declaravit dari Ecclesiæ Romanæ traditionem de Potestate Summi Pontificis dispensandi Indulgentias tam Vivis quam Defunctis ex Thesauro Meritorum Christi & Sanctorum.

LEO EPISCOPUS

SERVUS SERVORUM DEI

Dilecto Filio Thomæ de Vio S. R. E. Prefbytero Cardinali S. Sixti, in Germania Nostro & Apostolicæ Sedis de Latere Legato, Salutem & Apostolicam Benedictionem.

Per præsentem tibi significandum duximus, Romanam Ecclesiam, quam reliquæ tamquam Matrem sequi tenentur, tradidisse, Romanum Pontificem Petri Clavigerum, Successorem & Jesu Christi in terris Vicarium Potestate Clavium, quarum est aperire Regnum Cælorum, tollendo illius in Christifidelibus impedimenta, culpam scilicet & poenam pro actualibus peccatis debitam; culpam quidem mediante Sacramento Pœnitentiæ, poenam vero temporalem pro actualibus peccatis secundum Divinam Iustitiam debitam, mediante Ecclesiastica Indulgentia, posse pro rationalibus causis concedere eisdem Christifidelibus, qui Charitate jungente Membra sunt Christi, sive in hac vita sint, sive in Purgatorio Indulgentias ex superabundantia meritorum Christi & Sanctorum, & tam pro Vivis quam pro Defunctis Apostolica Auctoritate Indulgentiam concedendo, Theaurum meritorum Jesu Christi & Sanctorum dispensare, & per modum absolutionis Indulgentiam ipsam conferre, vel per modum suffragii illam transferre consuevisse, ac propterea omnes tam Vivos quam Defunctos, qui veraciter omnes Indulgentias huiusmodi consecuti fuerint, a tanta temporali poena secundum Divinam

Iustitiam pro peccatis suis actualibus debitaliberari, quanta concessa & acquisita Indulgentiæ æquivaleret; & ita ab omnibus teneri & prædicari debere, sub Excommunicationis Latæ sententiæ poena, a qua, illam incurrentes, ab alio, quam a Romano Pontifice, nisi in mortis articulo, nequeant absolutionis beneficium obtinere, Auctoritate Apostolica eorundem tenore præsentium decernimus.

XX.

Constitutio LEONIS X. qua damnantur Errores Martini Lutheri & sequacium, cum monitione, ut ab eis recedant.

LEO EPISCOPUS

SERVUS SERVORUM DEI

Ad perpetuam rei memoriam.

Exurge Domine, & judica causam tuam: memoresto inproperiorum tuorum eorum, quæ ab insipientibus sunt tota die: inclina aurem tuam ad preces nostras, quoniam surrexerunt vulpes querentes demoliri vineam, cujus Tu torcular calcasti solus, & ascensus ad Patrem, ejus curam, regimen & administrationem Petro tamquam Capiti & tuo Vicario, ejusque Successoribus instar triumphantis Ecclesiæ commisitisti. Exterminare nititur eam aper de Sylva, & singularis ferus depascitur eam. Exurge Petre, & pro Pastoralis cura præfata tibi (ut præfertur) divinitus demandata, intende in causam Sanctæ Romanæ Ecclesiæ, Matræ omnium Ecclesiarum ac Fidei Magistræ, quam Tu, jubente Deo, tuo sanguine consecrasti, contra quam, sicut Tu prænonere dignatus es, insurgunt Magistri mendaces, introducentes sectas perditionis, sibi celerem interitum superducentes; quorum lingua ignis est, inquietum malum, plena veneno mortifero, qui zelum amarum habentes, & contentiones in cordibus suis gloriantur, & mendaces sunt aduersus veritatem. Exurge Tu quoque, quæsumus Paule, qui eam tua doctrina ac pari Martyrio illuminasti, atque illustrasti. Jam enim surgit novus Porphyrius, quia sicut ille olim Sanctos Apostolos injuste mordit, ita hic Sanctos Pontifices Prædecessores nostros contra tuam doctrinam, eos

eos non obsecrando, sed increpando, mordere, lacerare, ac ubi causæ suæ diffidit, ad convicia accedere non veretur, more Hæreticorum, quorum (ut inquit Hieronymus) ultimum præsidium est, ut eum conspiciant causas suas damnatum iri, incipiant virus serpentis lingua diffundere: & cum se victos conspiciant, ad contumelias prolili-re. Nam licet hæreses esse ad excitati-onem Fidelium, Tu dixeris, oportere, eas tamen, ne incrementum accipiant, neve vulpeculæ coalescant, in ipso ortu, Te intercedente & adjuvante, extingui necesse est. Exurgat denique Omnis Sanctorum, ac reliqua Universalis Ecclesia, cujus vera Sacrarum Literarum interpretatione posthabita, quidam, quorum mentem pater mendacii excavit, ex veteri Hæreticorum instituto apud semetipsos sapientes, Scripturas easdem aliter quam Spiritus Sanctus flagitet, proprio dumtaxat sensu, ambitionis auræque popularis causâ, teste Apostolo, interpretantur, imo vero torquent, & adulterant: ita ut juxta Hieronymum, jam non sit Evangelium Christi, sed hominis, aut quod pejus est diaboli. Exurgat inquam, præfata Ecclesia Sancta Dei, & una cum Beatissimis Apostolis præfatis, apud Deum Omnipotentem intercedat, ut purgatis ovium suarum erroribus, eliminatisque a Fidelium sinibus hæresibus universis, Ecclesiæ suæ Sanctæ pacem & unitatem conservare dignetur.

Dudum siquidem, quod præ animi angustia & moerore exprimere vix possumus, fide dignorum relatu, ac fama publica referente, ad nostrum pervenit auditum, imo vero, prohi dolor, oculis nostris vidimus, ac legimus, multos & varios errores, quosdam videlicet jam per Concilia, ac Prædecessorum nostrorum, Constitutiones damnatos, hæresim etiam Græcorum, & Bohemicam expresse continentes: alios vero respective, vel hæreticos vel falsos vel scandalosos, vel piarum aurium offensivos, vel simplicium mentium seductivos, a falsis Fidei cultoribus, qui per superbam curiositatem Mundi gloriam cupientes, contra Apostoli doctrinam plus sapere volunt, quam oporteat, quorum garrulitas (ut inquit Hieronymus) sine Scripturarum Auctoritate non haberet fidem, nisi viderentur perversam doctrinam etiam Divinis testimoniis, male tamen interpre-

tatis, roborare. A quorum oculis timor Dei recessit, humani generis hoste suggerente, noviter suscitatos, & nuper apud quosdam leviores in inclita natione Germanica seminato, quod eo magis dolemus ibi evenisse, quod eandem Nationem, & Nos, & Prædecessores nostri in visceribus semper gesserimus charitatis. Nam post translatum ex Græcis a Romana Ecclesia in eisdem Germanos Imperium, iidem Prædecessores nostri & Nos, ejusdem Ecclesiæ Advocatos defensoresque ex eis semper accepimus, quos quidem Germanos Catholicæ veritatis vere Germanos, constat hæresum acerrimos oppugnatores semper fuisse, cujus rei testes sunt laudabiles illæ Constitutiones Germanorum Imperatorum pro Libertate Ecclesiæ, proque expellendis exterminandisque ex omni Germania Hæreticis, sub gravissimis poenis etiam amissionis terrarum & dominiorum, contra receptatores vel non expellentes, olim editæ, & a nostris Prædecessoribus confirmatæ: quæ si hodie servarentur, & Nos & ipsi utique hac molestia careremus. Testis est in Concilio Constantensi Hussitarum & Wiclefistarum, nec non Hieronymi Pragensis damnata ac punita perfidia. Testis est toties contra Bohemos Germanorum sanguis effusus. Testis denique est prædictorum errorum, seu multorum ex eis per Colonien. & Lovanien. Universitates, utpote Agri Dominici piissimas religiosissimasque cultrices non minus docta, quam vera ac Sancta confutatio, reprobatio & damnatio. Multa quoque alia allegare possemus, quæ, ne historiam texere videamur, prætermittenda censuimus. Pro Pastoralis igitur Officii Divina gratia Nobis injuncti cura, quin gerimus, prædictorum errorum virus pestiferum ulterius tolerare seu dissimulare, sine Christianæ Religionis nota, atque Orthodoxæ fidei injuria nullo modo possumus. Eorum autem errorum aliquos præsentibus duximus inferendos, quorum tenor sequitur, & est talis.

1 Hæretica sententia est, sed usitata, Sacramenta novæ legis justificantem gratiam illis dare, qui non ponunt obicem.

2 In pueris post baptismum negare remanens peccatum, est Paulum & Christum simul conculcare.

3 Fomes peccati, etiamsi nullum adit
N actua-

a. Actuale peccatum, moratur exeuntem
a Corpore animam ab ingressu Coeli.

4 Imperfecta Charitas morituri, fert se-
cum necessario magnum timorem, qui se
solo satis est facere poenam Purgatorii, &
impedit introitum Regni.

5 Tres esse partes Poenitentiae, Contri-
tionem, Confessionem, & Satisfactionem,
non est fundatum in Sacra Scriptura, nec
in antiquis sanctis Christianis doctoribus.

6 Contritio, quae paratur per discussio-
nem, collationem & detestationem pecca-
torum, quae quis recogitat annos suos in
amaritudine animae suae, ponderando pec-
catorum gravitatem, multitudinem, sordiditatem,
amissionem aeternae beatitudinis,
ac aeternae damnationis acquisitionem,
haec contritio facit hypocritam, imo magis
peccatorem.

7 Verissimum est proverbium, & omnium
doctrina de Contritionibus hucusque data
praestantius, de cetero non facere, summa
Poenitentia: optima Poenitentia nova vita.

8 Nullo modo praesumas confiteri pecca-
ta venialia, sed omnia mortalia, quia
impossibile est, ut omnia mortalia cognos-
cas. Unde in primitiva Ecclesia solum ma-
nifesta mortalia confitebantur.

9 Dum volumus omnia pure confiteri,
nihil aliud facimus, quam quod misericor-
diae Dei nihil volumus relinquere ignoscen-
dum.

10 Peccata non sunt ulli remissa, nisi
remittente Sacerdote, credat sibi remitti:
imo peccatum maneret, nisi remissum
crederet, non enim sufficit remissio pecca-
ti, & gratiae donatio, sed oportet etiam
credere esse remissum.

11 Nullo modo confidas absolvi propter
tuam contritionem, sed propter verbum
Christi: Quodcumque solveris &c. Hic,
inquam, confide, si Sacerdotis obtinueris
absolutionem, & crede fortiter te absolu-
tum, & absolutus vere eris; quidquid sit
de contritione.

12 Si per impossibile confessus non esset
contritus, aut Sacerdos non serio sed joco
absolveret, si tamen credat se absolutum,
verissime est absolutus.

13 In Sacramento Poenitentiae ac remis-
sione culpe, non plus facit Papa aut Epi-
scopus, quam infimus Sacerdos: imo
ubi non est Sacerdos, aequè tantum quilibet
Christianus, etiam si mulier aut puer esset.

14 Nullus debet Sacerdoti respondere se
esse contritum, nec Sacerdos requirere.

15 Magnus est error eorum, qui ad Sa-
cramenta Eucharistiae accedunt, huic in-
nisi, quod sint confessi, quod non sint sibi
conscientiae alicujus peccati mortalis, quod praer-
miserint orationes suas & preparatoria,
omnes illi ad iudicium sibi manducant &
bibunt, sed si credant & confidant, se gra-
tiam ibi consecuturos, haec sola Fides facit
eos puros & dignos.

16 Consultum videtur, quod Ecclesia in
communi consilio statueret Laicos sub utra-
que specie communicandos, nec Bohemi
communicantes sub utraque specie sunt
Haeretici, sed Schismatici.

17 Thesauri Ecclesiae, unde Papa dat In-
dulgencias, non sunt merita Christi & San-
ctorum.

18 Indulgenciae sunt pia fraudes Fidelium
& remissiones bonorum operum, & sunt de
numero eorum quae licent, & non de nu-
mero eorum quae expediunt.

19 Indulgenciae, his qui veraciter eas con-
sequuntur, non valent ad remissionem poe-
nae pro peccatis actualibus debitae apud Di-
vinam Iustitiam.

20 Seducuntur credentes Indulgencias
esse salutaris, & ad fructum Spiritus utiles.

21 Indulgenciae necessariae sunt solum pu-
blicis criminibus, & proprie conceduntur
duris solummodo & impatientibus.

22 Sex generibus hominum Indulgenciae
nec sunt necessariae, nec utiles: videlicet
mortuis seu morituris, infirmis, legitime
impeditis, his qui non commiserunt cri-
mina, his qui crimina commiserunt, sed
non publica, his qui meliora operantur.

23 Excommunicationes sunt tantum ex-
ternae poenae, nec privant hominem com-
munibus spiritualibus Ecclesiae orationibus.

24 Dicendi sunt Christiani plus diligere
excommunicationem, quam timere.

25 Romanus Pontifex Petri Successor
non est Christi Vicarius super omnes totius
Mundi Ecclesias, ab ipso Christo in Beato
Petro institutus.

26 Verbum Christi ad Petrum: Quod-
cumque solveris super terram &c. extendit-
ur dumtaxat ad ligata ab ipso Petro.

27 Certum est in manu Ecclesiae, aut Pa-
pae prorsus non esse statuere articulos Fi-
dei, imo nec Leges morum, seu bono-
rum operum.

28 Si Papa cum magna parte Ecclesiæ sic vel sic sentiret, nec etiam erraret, adhuc non est peccatum aut hæresis, contrarium sentire, præsertim in re non necessaria ad salutem, donec fuerit per Concilium universale alterum reprobatum, alterum approbatum.

29 Via nobis facta est enarrandi Auctoritatem Conciliorum, & liberè contradicendi eorum gestis, & iudicandi eorum decreta, & confidenter confitendi, quidquid verum videtur, sive probatum fuerit, sive reprobatur a quocumque Concilio.

30 Aliqui articuli Joannis Hus condemnati in Concilio Constantiensis, sunt Christianissimi, verissimi & Evangelici, quos nec universalis Ecclesia possit damnare.

31 In omni opere bono iustus peccat.

32 Opus bonum optime factum est veniale peccatum.

33 Hæreticos comburi, est contra voluntatem spiritus.

34 Præliari adversus Turcas, est repugnare Deo visitanti iniquitates nostras per illos.

35 Nemo est certus, se non semper peccare mortaliter propter occultissimum superbia vitium.

36 Liberum arbitrium post peccatum, est res de solo titulo; & dum facit quod in se est, peccat mortaliter.

37 Purgatorium non potest probari ex sacra Scriptura, quæ sit in Canone.

38 Animæ in Purgatorio non sunt securæ de earum salute, saltem omnes, nec probatum est ullis aut rationibus aut scripturis, ipsas esse nec extra statum merendi aut agendæ charitatis.

39 Animæ in Purgatorio peccant sine intermissione, quandiu querunt requiem, & horrent poenas.

40 Animæ ex Purgatorio liberatæ suffragiis viventium minus beantur, quam si per se satisfecissent.

Prælati Ecclesiastici, & Principes sæculares non maleficerent, si omnes sacros mendicantis delerent.

Qui quidem errores, respective, quam sint pestiferi, quam perniciosi, quam scandalosi, quam piarum & simplicium mentium seductivi, quam denique sint contra omnem charitatem, ac S. R. E. Matris omnium Fidelium & Magistræ Fidei reverentiam, atque nervum Ecclesiasticæ disciplinæ, obedientiam scilicet, quæ fons est & origo omnium virtutum, siue qua facile

unus quisque infidelis esse convincitur, nemo sanæ mentis ignorat. Nos igitur in præmissis, utpote gravissimis, propentius (ut decet) procedere, necnon huiusmodi pesti morboque canceroso, ne in Agro Dominico tanquam vepris nociva ulterius serpat, viam præcludere cupientes, habita super prædictis erroribus, & eorum singulis diligenti trutinazione, discussione ac districto examine maturaque deliberatione, omnibusque rite pensatis ac sæpius ventilatis cum Venerabilibus Fratribus nostris S. R. E. Cardinalibus, ac regularium Ordinum Prioribus seu Ministris generalibus, pluribusque aliis Sacræ Theologiæ, nec non utriusque Juris professoribus, siue Magistris, & quidem peritissimis, reperimus eosdem errores, respective, (ut præfertur) aut articulos, non esse catholicos, nec tamquam tales esse dogmatizandos, sed contra Ecclesiæ Catholicæ doctrinam, siue traditionem, absque ab ea veram Divinarum Scripturarum receptam interpretationem, cujus Auctoritati ita acquiescendum censuit Augustinus, ut dixerit, se Evangelio non fuisse crediturum, nisi Ecclesiæ Catholicæ intervenisset Auctoritas. Nam ex eisdem erroribus vel eorum aliquo vel aliquibus palam sequitur, eandem Ecclesiam, quæ Spiritu Sancto regitur, errare & semper errasse. Quod est utique contra illud, quod Christus Discipulis suis in Ascensione sua (ut in Sancto Evangelio Matthæi legitur) promissit dicens: Ego vobiscum sum usque ad consummationem sæculi. Nec non contra Sanctorum Patrum determinationes, Conciliorum quoque & summorum Pontificum expressas ordinationes, seu Canones, quibus non obtemperasse omnium hæresum & schismatum, teste Cypriano, fomes & causa semper fuit.

De eorundem itaque Venerabilium Fratrum nostrorum consilio & assensu ac omnium singulorum prædictorum matura deliberatione prædicta, Auctoritate Omnipotentis Dei, & Beatorum Apostolorum Petri & Pauli, & Nostra, præfatos omnes & singulos articulos seu errores, tamquam (ut præmittitur) respective Hæreticos, aut scandalosos, aut falsos, aut piarum aurium offensivos, vel simplicium mentium seductivos, & veritati Catholicæ obviantes, damnamus, reprobamus atque omnino rejicimus, ac pro damnatis, reprobatis &

rejeſtis ab omnibus utriuſque ſexus Chriſtiſidelibus haberi debere, harumſerie decernimus & declaramus. Inhibentes in virtute Sanctę obedientię ac ſub majoris excommunicationis late ſententię, nec non quoad Eccleſiaſticas & regulares perſonas, Episcopalia omnia, etiam Patriarchalia, Metropolitanarum, & aliarum Cathedralium Eccleſiarum, Monasteriorum quoque & Prioratuum etiam conventualium, & quarumcumque dignitatum, aut beneficiorum Eccleſiaſticorum, ſecularium, aut quorumvis Ordinum regularium, privationis & inhabilitatis ad illa & alia in poſterum obtinenda; quo vero ad Conventus, Capitula, ſeu Domos, aut Pia Loca ſecularium, vel regularium, etiam Mendicantium, nec non Univerſitatis etiam ſtudiorum generalium, quorumcumque privilegiorum, indultorum a Sede Apoſtolica, vel ejus Legatis, aut alias quomodolibet habitorum vel obtentorum, cujuſcumque tenoris exiſtant: nec non nominis & poſteſtatis, ſtudium generale tenendi, legendi ac interpretandi quaſvis ſcientias & facultates, & inhabilitatis ad illa & alia in poſterum obtinenda: prædicationis quoque officii, ac amiſſionis ſtudii generalis, & omnium privilegiorum ejuſdem: quo vero ad ſeculares ejuſdem excommunicationis, nec non amiſſionis cujuſcumque emphiteuſis ſeu quorumcumque feudorum, tam a Romana Eccleſia, quam alias quomodolibet obtentorum, ac etiam inhabilitatis ad illa & alia in poſterum obtinenda: nec non quoad omnes & ſingulos ſuperius nominatos, inhibitionis Eccleſiaſticę ſepulture, inhabilitatiſque ad omnes & ſingulos actus legitimos, infamię ac diffidationis, & criminis læſe Majeſtatis, & Hæreticorum & fautorum eorundem in Jure expreſſis poenis, eo ipſo & abſque ulteriori declaratione, per omnes & ſingulos ſupradictos, ſi (quod abſit) contraſecerint, incurrendis, a quibus vigore cujuſcumque facultatis, & clauſularum eis in Confeſſionalibus quibuſvis perſonis, ſub quibuſvis verborum formis contentarum, niſi a Romano Pontifice vel alioq; eo ad id in ſpecie facultatem habente, præter quam in mortis articulo conſtituti, abſolvi nequeant. Omnibus & ſingulis utriuſque Sexus Chriſtiſidelibus, tam Laicis, quam Clericis ſecularibus, & quorumvis Ordinum Regularibus, & aliis quibuſ-

cumque perſonis cujuſcumque ſtatus, gradus vel conditionis exiſtant, & quacumque Eccleſiaſtica, vel mundana præfulgeant dignitate, etiam S. R. E. Cardinalibus, Patriarchis, Primatibus, Archiepiſcopis, Episcopis, Patriarchalium, Metropolitanarum, & aliarum Cathedralium, Collegiatarum, ac inferiorum Eccleſiarum Prælatiſ, Clericis aliſque perſonis Eccleſiaſticis, ſecularibus & quorumvis Ordinum etiam Mendicantium Regularibus, Abbatibus, Prioribus, vel Miniſtris generalibus vel particularibus, Fratribus, ſeu Religioſis, exemptis & non exemptis: ſtudiorum quoque Univerſitatibus ſecularibus, & quorumvis Ordinum, etiam Mendicantium Regularibus, nec non Regibus, Imperatori, Electoribus, Principibus, Ducibus, Marchionibus, Comitibus, Baronibus, Capitaneis, Conductoribus, Domicellis omnibuſque officialibus, Judiciis, Notariis Eccleſiaſticis & ſecularibus, Communitatibus, Univerſitatibus, Potentatibus, Civitatibus, Caſtris, Terris & Locis, ſeu eorum vel earum Civibus, habitatoribus & incolis, ac quibuſvis aliis perſonis Eccleſiaſticis vel Regularibus (ut præfertur) per univerſum orbem, ubicumque, præſertim in Alemannia exiſtentibus, vel pro tempore futuris, ne præſatos errores, aut eorum aliquos, perverſamque doctrinam huiuſmodi afferere, affirmare, defendere, prædicare, aut illi quomodolibet publice vel occulte, quovis quaſito ingenio vel colore, tacite vel expreſſe favore præſumant.

Inſuper, quia errores præſati & plures alii continentur in libellis ſeu ſcriptis Martini Luther, dictos libellos & omnia dicti Martini ſcripta ſeu prædicationes, in Latino, vel quocumque alio idiomate repariantur, in quibus dicti errores ſeu eorum aliqui continentur, ſimiliter damnamus, reprobamus atque omnino rejicimus, & pro omnino damnatis, reprobatis ac rejeſtis (ut præfertur) haberi volumus; Mandates in virtute sanctę obedientię, & ſub poenis prædictis eo ipſo incurrendis, omnibus & ſingulis utriuſque ſexus Chriſtiſidelibus ſuperius nominatis, ne huiuſmodi ſcripta, libellos, prædicationes ſeu ſchedulas, vel in eis contenta capitula, errores aut articulos ſupradictos continentia, legere, afferere, prædicare, laudare, im-

pri-

primere publicare sive defendere, per se vel alium seu alios, directe vel indirecte, vel expresse, publice vel occulte, aut in domibus suis sive aliis publicis, vel privatis locis tenere quoquomodo præsumant: quinimo illa statim post harum publicationem ubicunque fuerint, per Ordinarios & alios supradictos diligenter quaesita, publice & solemniter in præsentia Cleri & Populi, sub omnibus & singulis supradictis poenis, comburant.

Quod vero ad ipsum Martinum attinet (bone Deus) quid prætermisimus, quid non fecimus, quid paternæ Charitatis omisimus, ut eum ab huiusmodi erroribus revocaremus? Postquam enim ipsum citavimus, mitius cum eo procedere volentes, illum invitavimus, atque tam per diversos tractatus cum Legato nostro habitos, quam per Literas nostras hortati fuimus, ut a prædictis erroribus discedere, aut oblato etiam salvo conductu, & pecunia ad iter necessaria, sine metu seu timore aliquo, quem perfecta Charitas foras mittere debuit, veniret, ac Salvatoris nostri Apostolice Pauli exemplo, non occulto, sed palam & in facie loqueretur. Quod si fecisset, pro certo (ut arbitramur) ad cor reversus errores suos cognovisset, nec in Romana Curia, quam tantopere variis malevolorum rumoribus plusquam oportuit tribuendo, vituperat, tot reperisset errata, docuissetque eum luce clarius, Sanctos Romanos Pontifices Prædecessores nostros, quos præter omnem modestiam injurose laecerat, in suis Canonibus seu Constitutionibus, quas mordere nititur, numquam errasse, quia juxta Prophetam. nec in Galaad relinā, nec medicus deest.

Sed obaudivit semper, & prædicta citatione, omnibus & singulis supradictis spreto venire contempsit, ac usque ad præsentem diem contumax, atque animo indurato censuras ultra annum sustinuit; & quod deterius est, addens mala malis de citatione huiusmodi notitiam habens, in vocem temerariæ appellationis prorupit ad futurum Concilium, contra Constitutionem Pii Secundi, ac Julii Secundi Prædecessorum nostrorum, qua cavetur, taliter appellantes Hæreticorum poena plectendos (frustra etiam Concilii auxilium imploravit, qui illi se non credere palam profitetur) ita ut contra ipsum, tamquam de Fide notorie suspectum, imo vere Hæreticum, ab-

que ulteriori citatione vel mora ad condemnationem & damnationem ejus tanquam Hæretici, ac ad omnium & singularum suprascriptorum poenarum, & censurarum severitatem procedere possemus.

Nihilominus de eorumdem Fratrum nostrorum consilio, Omnipotentis Dei imitantes Clementiam, qui non vult mortem peccatoris, sed magis ut convertatur & vivat, omnium injuriarum hæcenus Nobis, & Apostolice Sedi illatarum oblitus, omni qua possumus pietate uti decrevimus, & quantum in Nobis est agere, ut propolita mansuetudinis via, ad cor revertatur & a prædictis recedat erroribus, ut ipsum, tanquam filium illum prodigum, ad gremium Ecclesiæ revertentem, benigne recipiamus. Ipsum igitur Martinum, & quoscunque ei adherentes, ejusque receptatores & fautores per Viscera misericordiæ Dei nostri, & per asperionem Sanguinis Domini nostri Jesu Christi, quo & per quem humani generis redemptio, & Sanctæ Matris Ecclesiæ edificatio facta est, ex toto corde hortamur & obsecramus, ut ipsius Ecclesiæ pacem, unitatem & veritatem, pro qua ipse Salvator tam instantè oravit ad Patrem, turbare desistant, & a prædictis tam perniciosius erroribus prorsus abstineant; inventuri apud Nos, si effectualiter paruerint, & paruisse per legitima documenta Nos certificaverint, paternæ Charitatis affectum, & apertum. mansuetudinis & Clementiæ fontem.

Inhibentes nihilominus eidem Martino ex nunc, ut interim ab omni predicatione seu predicationis officio omnino desistat.

Alioquin in ipsum Martinum, si forte justitiæ & virtutis amor a peccato non retrahat, Indulgentiæque spes ad poenitentiam non reducat, poenarum terror coercet disciplinæ, eundem Martinum ejusque adherentes, complices, fautores & receptatores, tenore præsentium requirimus & monemus; in virtute sanctæ Obedientiæ, & sub præcepto omnibus & singulis poenis eo ipso incurrendis, districte præcipiendo mandamus, quatenus infra sexaginta dies, quorum viginti pro primo, viginti pro secundo, & reliquos viginti dies pro tertio & peremptorio termino assignamus, ab afflictione præsentium in Locis infra scriptis, immediate sequentes numerandos, ipse Martinus, complices, fautores, adherentes

& re-

& receptatores prædicti, a præfatis erroribus eorumque prædicatione, ac publicatione & assertione, defensione quoque & librorum seu scripturarum editione super eisdem live eorum aliquo omnino desistant, librosque ac scripturas omnes & singulas, præfatos errores seu eorum aliquos quomodolibet continentes, comburant vel comburi faciant; ipse etiam Martinus errores & assertiones huiusmodi omnino revocet, ac de revocatione huiusmodi per publica documenta in forma Juris valida, in manibus duorum Prælatorum consignata, ad Nos infra alios similes sexaginta dies transmittenda, vel per ipsummet (si ad Nos venire voluerit, quod magis placeret) cum præfato plenissimo salvo conductu, quem ex nunc concedimus desideranda, Nos certiores efficiat, ut de ejus vera obedientia nullus dubitationis scrupulus valeat remanere.

Alias si (quod ablit) Martinus præfatus, complices, fautores, adherentes & receptatores prædicti seces egerint, seu præmissa omnia & singula infra terminum prædictum cum effectu non adimpleverint, Apostoli imitantes doctrinam, qui hereticum hominem post primam & secundam correptionem, vitandum docuit, ex nunc, prout ex tunc & e converso, eundem Martinum, complices, adherentes, fautores & receptatores præfatos & eorum quemlibet, tamquam aridos palmites in Christo non manentes, sed doctrinam contrariam, Catholicæ Fidei inimicam sive scandalosam, seu damnatam, in non modicum offensam Divinæ Majestatis, ac Universalis Ecclesiæ, & Fidei Catholicæ detrimentum & scandalum dogmatizantes, Claves quoque Ecclesiæ vilipendentes, notorios & pertinaces Hæreticos eadem Auctoritate fuisse & esse declarantes, eosdem ut tales harum serie condemnamus, & eos pro talibus haberi ab omnibus utriusque sexus Christianidelibus prædictis, volumus & mandamus: eosque omnes & singulos, omnibus prædictis & aliis contra tales a Jure inflictis poenis, præsentium tenore subijcimus, eisdem irretitos fuisse & esse, decernimus & declaramus.

Inhibemus præterea, sub omnibus & singulis præmissis poenis eo ipso incurrendis, omnibus & singulis Christianidelibus superius nominatis, ne scripta etiam præfatos errores non continentia, ab eodem Marti-

no quomodolibet condita vel edita, aut condenda vel edenda, seu eorum aliqua tamquam ab homine Orthodoxæ Fidei inimico, atque ideo vehementer suspecta, & ut ejus memoria omnino deleatur de Christianidelium consortio, legere, asserere, prædicare, laudare, imprimere, publicare live defendere per se vel alium, seu alios directe vel indirecte, tacite, vel expresse, publice vel occulte, seu in domibus suis live aliis Locis publicis vel privatis, tenere quoquomodo præsumant, quinimo illa comburant, ut præfertur.

Monemus insuper omnes & singulos Christianidelles prædictos, sub eadem excommunicationis lata sententiæ poena, ut Hæreticos prædictos declaratos & condemnatos, Mandatis nostris non obtemperantes, post lapsum termini prædicti evitent, & quantum in eis est, evitari faciant, nec cum eisdem vel eorum aliquo commercium, aut aliquam conversationem seu communionem habeant, nec eis necessaria ministrent.

Ad majorem præterea dicti Martini suorumque complicum, fautorum & adherentium, ac receptatorum prædictorum, sic post lapsum termini prædicti declaratorum Hæreticorum, & condemnatorum confusionem, universis & singulis utriusque sexus Christianidelibus, Patriarchis, Archiepiscopis, Episcopis, Patriarchalium, Metropolitanarum & aliarum Cathedralium, Collegiatarum ac inferiorum Ecclesiarum Prælati, Capitulis, aliisque personis Ecclesiasticis, secularibus & quorumvis Ordinum etiam Mendicantium (præsertim ejus Congregationis, cujus dictus Martinus est profectus, & in qua degere vel morari dicitur) Regularibus exemptis & non exemptis, nec non universis & singulis Principibus, quacunque Ecclesiastica, vel mundana fulgentibus dignitate, Regibus, Imperatoris Electoribus, Ducibus, Marchionibus, Comitibus, Baronibus, Capitaneis, Conductoribus, Domicellis, Communitatibus, Universitatibus, Potestatibus, Civitatibus, Terris, Castris & Locis, seu eorum habitatoribus, civibus & incolis, omnibusque aliis & singulis prædictis per universum Orbem, præsertim in eadem Alemannia constitutis Mandamus, quatenus sub prædictis omnibus & singulis poenis, ipsi vel eorum quilibet, prædictum Martinum, complices, ad-

heren-

herentes, receptantes & fautores personarum capiant, & captos ad nostram instantiam retineant, & ad Nos mittant; reportaturi pro tam bono opere a Nobis & Sede Apostolica remunerationem premiumque condignum, vel saltem eos & eorum, quolibet de Metropolitanis, Cathedralibus, Collegiatis & aliis Ecclesiis, Monasteriis, Conventibus, Civitatibus, Dominicis, Universitatibus, Communitatibus, Castris, Terris ac Locis respective, tam Clerici & Regulares, quam Laici omnes & singuli supradicti omnino expellant.

Civitates vero, Dominia, terras, castra, Villas, Comitatus, Fortalitia, Oppida & Loca quæcumque ubilibet consistentia, eorum & earum respective Metropolitanas, Cathedrales, Collegiatis & alias Ecclesias, Monasteria, Prioratus, Domos, Conventus & Loca Religiosa vel Pia, cujuscumque Ordinis, ut præfatur, ad quæ præfatum Martinum, vel aliquem ex prædictis declinare contigerit, quandiu ibi permanserint, & triduo post recessum, Ecclesiastico subjecimus interdicto.

Et ut præmissa omnibus innotescant, Mandamus insuper Universis Patriarchis, Archiepiscopis, Episcopis, Patriarchalium, Metropolitanarum & aliarum Cathedralium ac Collegiarum Ecclesiarum Prælatibus, Capitulis aliisque personis Ecclesiasticis, secularibus & quorumvis Ordinum supradictorum Regularibus, Fratibus religiosiis, Monachis, exemptis & non exemptis supradictis ubilibet, præsertim in Alemania constitutis, quatenus ipsi vel eorum quilibet sub similibus censuris & poenis eo ipso incurrendis, Martinum omnesque, & singulos supradictos, qui elapso termino hujusmodi Mandatis seu monitis nostris non paruerint, in eorum Ecclesiis, Dominicis & aliis festivis diebus, dum inibi major populi multitudo ad Divina convenit, declaratos Hæreticos & condemnatos publice nuncient, faciantque & mandent ab aliis nunciari, & ab omnibus arctius evitari.

Nec non omnibus Christifidelibus, ut eos evitent, pari modo sub prædictis censuris & poenis, & præsentem Literas vel earum transumptum sub forma infra scripta factum, in eorum Ecclesiis, Monasteriis, Dominicis, Conventibus & aliis Locis, legi, publicari atque affigi faciant. Excom-

municamus quoque & anathematizamus omnes & singulos cujuscumque status, gradus, conditionis, præminentie, dignitatis aut excellentie fuerint, qui quo minus præsentem Literæ vel earum transumpta, copiar seu exemplaria in suis Terris & Dominicis legi, affigi & publicari possint, fecerint, vel quoquomodo procuraverint per se vel alium, sive alios, publice vel occulte, directe vel indirecte, tacite vel expresse.

Postremo, quia difficile foret præsentem Literas in singula quæque loca deferri, in quibus necessarium foret, volumus & Apostolica Autoritate decernimus, quod earum transumptis manu publici Notarii confectis & subscriptis, vel in Alma Urbe impressis, & sigillo alicujus Ecclesiastici Prælati munitis, ubique stetur, & plena Fides adhibeatur, prout originalibus Literis statetur & adhiberetur, si forent exhibitæ vel ostensæ.

Et ne præfatus Martinus omnesque alii supradicti, quos præsentem Literæ quomodolibet concernunt, ignorantiam earundem Literarum & in eis contentorum omnium & singulorum prætereundæ valeant, Literas ipsas in Basilicæ Principis Apostolorum, & Cancellariæ Apostolicæ, nec non Cathedralium Ecclesiarum Brandeburgensium, Misenensium, & Messergensium, valuis affigi & publicari volumus. Decernentes, quod earundem Literarum publicatio sic facta, supradictum Martinum omnesque alios & singulos prænominatos, quos Literæ hujusmodi quomodolibet concernunt, perinde arceant, ac si Literæ ipsæ die affixionis & publicationis hujusmodi, eis personaliter lectæ & intimatæ forent, cum non sit verosimile, quod ea, quæ tam patenter fiunt, debeat apud eos incognita remanere.

Non obstantibus Constitutionibus & ordinationibus Apostolicis, seu si supradictis omnibus & singulis, vel eorum alicui aut quibusvis aliis a Sede Apostolica prædicta vel ab ea Potestatem habentibus, sub quavis forma etiam Confessionali, & cum quibusvis etiam fortissimis clausulis, aut ex quavis causa seu grandi consideratione, indultum vel concessum existat, quod interdicti, suspendi vel excommunicari non possint per Literas Apostolicas, non facientes plenam & expressam, ac de verbo ad verbum, non autem per clausulas genera-

les

les id importantes, de indulto hujusmodi mentionem, ejusdem indulti tenores, causas & formas, perinde ac si de verbo ad verbum inferrentur, ita ut omnino tollatur, præsentibus pro expreis habentes.

Nulli ergo omnino hominum liceat hanc paginam nostræ damnationis, reprobationis, rejectionis, decreti, declarationis, inhibitionis, voluntatis, mandati, hortationis, obsecrationis, requisitionis, monitionis, assignationis, concessionis, condemnationis, subjectionis, excommunicationis & anathematizationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romæ apud Sanctum Petrum, anno Incarnationis Dominicæ millesimo quingentesimo vigesimo, xvii. Cal. Julii Pontificatus nostri anno viii.

XXI.

Decretum Concilii Tridentini Sess. 21. cap. 9. quo aboletur officium Quæstorum elemosynarum, & præscribitur modus publicandi Indulgentias.

Cum multa a diversis antea Conciliis tam Lateranensibus ac Lugdunensibus, quam Vienneis, adversus pravorum elemosynarum Quæstorum abusus, remedia tunc adhibita, posterioribus temporibus reddita fuerint inutilia, potiusque eorum nullitia, ita quotidie magno Fidelium omnium scandalo & querela excrecere deprehendatur, ut de eorum emendatione nulla spes amplius relicta videatur; statuit, ut posthac in quibuscumque Christianæ Religionis Locis eorum nomen atque usus penitus aboletur nec ad Officium hujusmodi exercendum ullatenus admittantur non obstantibus privilegiis, Ecclesiis, Monasteriis, Hospitalibus, Pils Locis, & quibuscumque gradus, status & dignitatis personis, concessis, aut consuetudinibus etiam immemorabilibus. Indulgentias vero aut alias spirituales gratias, quibus non ideo Christiani debet privari, deinceps per Ordinarios Locorum, adhibitis duobus de Capitulo, debitis temporibus populo publicandas esse decernit: quibus etiam elemosynas atque oblata sibi charitatis subsidia, nulla prorsus mercede acce-

pta, fideliter colligendi facultas datur; ut tandem, coelestes hos Ecclesiæ Thesauros non ad quæstum, sed ad pietatem exerceri, omnes intelligant.

XXII.

Aliud Concilii Tridentini Decretum de Indulgentiis.

Cum Potestas conferendi Indulgentias a Christo Ecclesiæ concessa sit, atque hujusmodi Potestate divinitus sibi tradita, antiquissimis etiam temporibus illa usa fuerit, Sacrosancta Synodus Indulgentiarum usum Christiano populo maxime salutarem & Sacrorum Conciliorum Autoritate probatum, in Ecclesia retinendum esse docet & præcipit, eosque anathemate damnat, qui aut inutiles esse asserunt, vel eas concedendi in Ecclesia Potestatem esse negant. In his autem concedendis moderationem juxta veterem & probatam in Ecclesia consuetudinem adhiberi cupit, ne nimia facilitate Ecclesiastica Disciplina enervetur. Abusus vero, qui in his irreperunt, & quorum occasione insigne hoc Indulgentiarum nomen ab Hæreticis blasphematur, emendatos & correctos cupiens, præsentis Decreto generaliter statuit, pravorum quæstorum omnes pro his consequendis, unde plurima in Christiano populo abusu causa fluxit, omnino abolendos esse: ceteros vero, qui ex superstitione, ignorantia, irreverentia aut aliunde quomocumque proveniunt, cum ob multiplices Locorum & Provinciarum, apud quas hi committuntur, corruptelas, commodè nequeant specialiter prohiberi; mandat omnibus Episcopis, ut diligenter quisque hujusmodi abusus Ecclesiæ suæ colligat, eosque in prima Synodo Provinciali referat, ut aliorum quoque Episcoporum sententia cogniti, statim ad Summum Romanum Pontificem deferantur, cujus Auctoritate & prudentia, quod Universali Ecclesiæ expediet, statuatur, ut ita Sanctorum Indulgentiarum munus pie, sanctè & incorrupte omnibus Fidelibus dispensetur.

XXIII.

Constitutio Pii IV. super Indulgentiis ab omnibus Officialibus citra clausulam porrectionis manuum adjutricum, gratis expellendis, excepto Salario Registraturæ.

PIUSEPISCOPUS

SERVUS SERVORUM DEI.

Ad perpetuum rei memoriam.

Deet Romanum Pontificem, quem Dominus noster Jesus Christus Vicarium suum celestium Theſauris diſpenſandis in terris conſtituit, providere, ut ſicut ipſe Theſaurus hujusmodi, & gratias celeſtes gratis acceptas, ad honorem Dei & illius Sanctorum animarumque Chriſtiſidelium ſalutem abſque lucro diſpenſat, idem quoque a Romanæ Curie Officialibus, quibus Literarum Apoſtolicarum ſuper gratiis a Sede Apoſtolica pro tempore conceſſis expeditio incumbit, obſervetur.

Quapropter inconſuetum eſſe conſentes pro conceſſionibus Indulgentiarum, quæ in ſolis meritis paſſionis ejusdem Domini noſtri Jeſu Chriſti, & ejus glorioſorum Martyrum & Sanctorum conſiſtunt, aliquid temporale exigere, Nos præmiſſis, prout noſtro incumbit officio, de remedio opportuno providere volentes, motu proprio & ex certa noſtra ſcientia, dilectis filiis modernis & pro tempore exiſtentibus S. R. E. Vicecancellario, ejusque in Cancellaria Apoſtolica Locumtenenti, nec non Summiſtæ, Scriptoribus, illorumque pro tempore Reſcribendario, Computatori, Receptorum & Deſenſoribus, nec non Secretariis Literarum Apoſtolicarum illarumque tam majoris quam minoris præſidentie Abbreviatoribus ac Sollicitatoribus, plumbique & Reſiſtri Magiſtris Collectoribus, earundem Literarum Apoſtolicarum Reſiſtratoribus, Bullatoribus Fratribus Barbatis nuncupatis, & illorum famulis, nec non in Reſiſtro ſupplicationum manu, & in præſentia noſtra ſignatarum Magiſtris & Scriptoribus, aliſque Romanæ Curie Officialibus & perſonis, etiam

eorum officia ex cauſa quantumvis oneroſa obtinentibus, cujuſcumque qualitatis & conditionis exiſtant, ac quocumque nomine appellentur, in virtute ſanctæ obedientiæ, & ſub majoris excommunicationis late ſententiæ, nec non ammiſſionis ad ſemeltre omnium emolumentorum eorum officiorum, quæ ipſo jure, quoties contraſceſcant, Fabricæ Baſilicæ Principis Apoſtolorum de Urbe applicata eſſe cenſentur, & creſcente inobedientia etiam privationis eorundem officiorum ipſo facto incurrendis poenis, Apoſtolica auctoritate tenore præſentium præcipimus & mandamus, quatenus videlicet in Reſiſtro ſupplicationum Magiſtri & Scriptores hujusmodi ultra ſalarium inibi pro ſignaturis ordinariis exigi ſolitum, alii vero Officiales Literas Apoſtolicas, tam ſub plumbis quam in forma Brevis, ſuper gratiis Indulgentiarum & peccatorum remiſſione etiam plenaria, tam pro vivis quam defunctis, tam ad tempus quam perpetuo, ad futuram ſeu perpetuam rei memoriam, vel alia forma ac cum quavis narrativa, pro quibuſvis particularibus perſonis ſeu Eccleſiis etiam Cathedralibus & Collegiatis, Monaſteriis, Prioratibus, Capellis perpetuis, Capellanis, Oratoriis, Hoſpitalibus, Capitulis, Collegiis, Conventibus, Confraternitatibus, Societatibus, Univerſitatibus & quibuſcumque aliis Piiſ Locis Nobis, & Succeſſoribus noſtris Romanis Pontificibus, etiam facultatem eligendi Conſellorem cum votorum commutatione in ſe continentibus pro tempore, citra tamen clauſulam porrectionis manuum adjutricum conceſſis & concedendis, conſiciendis gratis pro Deo ubique per eorum officia abſque aliqua taxæ regalium ſeu localium, aut cujuſvis alterius generis ſolutione vel exactione, quantumvis ordinaria vel extraordinaria, omnibus recuſatione & contradictione ceſſantibus, illico, nullo alio a Nobis aut altero deſuper exacto mandato, expediant, & proſequentibus illarum expeditionem, etiamſi partes quarum intuitu fuerint conceſſæ, in Romana Curia non ſint præſentes, ſed longe ab illa abſint, expeditas tradant & conſignent.

Mandantes Dilectis Filiis noſtro, & pro tempore Romani Pontificis Datario, & ejusdem Cancellariæ Regenti, quatenus ipſi vel alter eorum per ſe vel alium, ſeu

alios præfens Mandatum nostrum, per omnes & singulos, ad quos spectat, inviolabiliter observari faciant. Inobedientesque & rebelles quoscunque censuras & penas antedictas incidisse declarent, dictasque poenas ab illis irremissibiliter perfolvi, & in arcem Collegii dictæ fabricæ inferri & reponi, etiam contra præceptum hoc nostrum exactum aliquod fuerit, illico eis, qui illud solverint, integre restitui curent, pro ceteri hujus Mandati nostri observatione, dictarumque poenarum exactiōe, & ablatis restitutione, Mandatum executivum, si eis videbitur contra inobedientes & rebelles, quoties opus fuerit, decernant & relaxent.

Non obstantibus præmissis, ac Constitutionibus & Ordinationibus Apostolicis, ac dictorum Officialium Collegiorum, institutionibus & erectionibus, nec non statutis etiam juramento &c. roboratis, Privilegiis quoque, indultis & Literis Apostolicis eisdem Vicecancellario, Summis, Officialibus & Personis, ac Collegiis, etiam in eorum institutionibus & erectionibus hujusmodi, sub quibuscunque tenoribus & formis, ac cum quibuscunque etiam formis derogationum derogatoriis, aliisque efficacioribus & insolitis clausulis, nec non irritantibus, & aliis etiam vim contractus inducentibus Decretis, concessis, confirmatis & innovatis, quæ eis aut eorum alicui quoad præmissa volumus nullatenus suffragari, cæterisque contrariis quibuscunque.

Volumus autem quod præceptum, & Mandatum nostrum hujusmodi ad hoc, ut ad plenam, & indubitam notitiam deveniant, in dicta Cancellaria publicentur, & in illius libro describantur, ac perpetuis futuris temporibus inviolabiliter observentur.

Placet, publicetur, & describatur I.

Affixum & publicatum fuit supradictum Mandatum Romæ in Cancellaria Apostolica anno Incarnationis Dominicæ MDLXII. die vero septima mensis Novembris, Pontificatus præfati Sanctissimi Domini nostri Papæ anno III.

XXIV.

Constitutio PII V. revocans Indulgentias quomodolibet concessas, continententes facultatem quæsuandi, & pro quibus porrigenda sunt manus adiutrices.

PIUS EPISCOPUS

SERVUS SERVORUM DEI

Ad perpetuam rei memoriam.

Etiam Dominici gregis saluti semper intenti, singulis cum humilitate poscentibus ea benigne concedere Nos & Prædecessores nostri studuerint, & per quæ peccatorum mole deposita, salus ipsis succedat, & hostis humani generis servitute ereptas animas lucrifaciant Altissimo, qui eas Nobis sua bonitate commisit; id tamen propensiori studio nos præcavendum esse censemus, ne cuiusvis Indulgentiæ, remissionis vel facultatis obtentu, Christiani Jeles procliviores ad illicita in posterum committenda reddantur, aut facilitas veniæ eis peccandi tribuat incentivum, & exinde Clavium Auctoritas deducatur in contemptum, & Christiani fideles quamplurimum scandalizentur.

Sane cum ad auditum nostrum ex diversis Mundi partibus quamplurimæ querelæ perlatae fuerint, quod vigore diversarum Indulgentiarum & facultatum per Prædecessores nostros ac etiam Nos vel Auctoritate nostrâ, tam fabricæ nostræ Basilicæ Principis Apostolorum & Ecclesiæ, Sancti Joannis Lateranensis de Urbe, ipsiusque Ecclesiæ, nec non S. Joannis, & S. Lazari Hierosolymitani, ac S. Spiritus in Saxia, & S. Joannis Lateranensis, ac S. Jacobi Incurabiliū de eadem Urbe, nec non S. Elmi, & S. Bovis, ac S. Gotthardi, & S. Leuguzoni, nec non S. Nicolai, & S. Bernardi Montis Jovii, nec non S. Leonardi, ac S. Marthæ, nec non Sanctissimi Crucifixi Siracusani, ac S. Mariæ de Monte Serrato, Hospitalibus, Militiis, Confraternitatibus, Societatibus & Piis Locis concessarum, multi Quæstores ex eisdem Indulgentiis lucrum temporale tantum quærentes, nominibus fabricæ Ecclesiæ, Hospitalium, Monasteriorum, Militarium, Confraternitatum, Societatum & Piorum Locorum præ-

prædictorum, in diversis Civitatibus & Dioecesium quæstas facere, Contrates describere, Capellas & Oratoria erigere, illisque erectis Indulgentias hujusmodi communicare, & in diversis gradibus a jure prohibitis dispensare, ac plura etiam concedere, quam eis vigore facultatum prædictarum licitum sit, ipsique lucro intenti, pecuniaque potius quam Christi fidelium salutem querentes, ac eisdem Indulgentiis sic abutentes, quæstum ex illis particularem facere conantur, varioque & diversos Quæstos, Commissarios, Procuratores, Receptores, Thesaurarios, Factores, Nuncios, & alios Ministros constituere, qui non solum supradicta, sed etiam plura alia, eis nunquam concessa, facere & concedere, nec non locorum Ordinarios, illorumque in Spiritualibus Vicarios generales & Officiales, ac Ministros, Ecclesiarumque & Ordinum Prælatos, Superiores & personas, quæstus hujusmodi impediens censuris Ecclesiasticis innodare, & alias in pluribus graviter excedentes in Divine Majestatis offensam, ac suarum, & Christi fidelium animarum perniciem, ac Ordinariorum perturbationem, & piarum mentium scandalum presument.

Nos qui Deo propitio Gregis Dominici, meritis licet insufficientibus, curam gerimus, & illum spiritualis Thesauri largitione cupimus ipsi Deo reddere acceptabilem, ex præmissis & aliis rationabilibus causis animum nostrum movernibus sel. record. Callisti III., Clementis VII., Pauli III., Julii similiter III., & diversorum aliorum Romanorum Pontificum Prædecessorum nostrorum vestigiis inherentes, Motu proprio, non ad alicujus Nobis super hoc oblatæ petitionis instantiam, sed de mera nostra voluntate & deliberatione, omnes & singulas Indulgentias etiam perpetuas, & peccatorum remissiones fabricæ & Ecclesiæ hujusmodi, nec non S. Joannis Hierosolymitani, etiam per constructione & ædificatione illius novæ Civitatis prædictis, in quibusvis aliis Hospitalibus, Monasteriis, Ecclesiis, Domibus, Militiis, Ordinibus etiam Mendicantium, Congregationibus, Confraternitatibus, & Universitatibus & Pils Locis illorumque Ordinibus, Capitulis, Conventibus, Magistris, Superioribus, & tam secularibus, quam quorumvis etiam Mendicantium Or-

dinum Regularibus personis, tam singulariter quam universaliter per quoscunque Romanos Pontifices Prædecessores nostros, ac etiam Nos, sub quibuscumque tenoribus & formis, ac cum quibusvis clausulis & decretis, etiam Motu proprio & ex certa scientia, ac ex quibusvis etiam urgentissimis causis, etiam causa Redemptionis captivorum, & alias quomodolibet concessis, pro quibus consequendis manus sunt porrigendæ adjutrices, & quæ quæstuandi facultatem quomodolibet continent, illarum omnium tenores, formas derogationes & decreta præsentibus pro expressis habentes, Auctoritate Apostolica, tenore præsentium perpetuo revocamus, cassamus, irritamus & annullamus, ac viribus vacuumus.

Et insuper perpetuo hac nostra valitura constitutione decernimus, quod ex nunc de cætero sub indignationis nostræ poena, prætextu Indulgentiarum & facultatum per quoscunque Romanos Pontifices Prædecessores nostros, ac Nos & Sedem Apostolicam etiam Motu simili, ac Sedis Apostolicæ Legatos, & alias quomodolibet concessarum, & quas a Nobis & Sede prædicta in posterum verbo, literis, aut quavis alia scriptura etiam manu nostra signata, etiam cum clausula, quod sola signatura sufficiat, etiam in favorem Fidei aut cruciatæ sanctæ, vel cujuscumque alierius pie causæ etiam privilegiatæ, concedi quomodolibet contigerit, nullus quavis etiam Episcopali, Archiepiscopali, & Patriarchali, aut majori dignitate etiam Cardinalatus honore, seu etiam Regali vel temporali excellentia præfulgeat, audeat vel præsumat quæstas facere, aut Nuncios, Quæstos, Commissarios, Thesaurarios, Receptores, pro illis recipiendis in dictis Hospitalibus, Ecclesiis, Domibus, Monasteriis, Militiis & aliis supra nominatis, vel pro eis aut illorum nominibus alibi constituere & deputare, nisi ex speciali licentia & ex certa scientia nostris & Romani Pontificis pro tempore existentis, de qua per Literas nostras, & ejusdem Romani Pontificis pro tempore existentis, locorum Ordinarios, vel eorum in spiritualibus Vicariis seu Officialibus derogationem præsentis nostræ Constitutionis, illius tenore de verbo ad verbum inserto, expresse continentes.

Nos enim ex nunc irritum decernimus

& inane, quicquid secus super his a quocumque auctoritate scienter vel ignoranter contigit attentari, constare debeat.

Mandantes in virtute sanctæ obedientiæ Omnibus & singulis Venerabilibus Fratribus nostris Patriarchis, Primatibus, Archiepiscopis, & Episcopis, quatenus in Civitatibus & Dioecesibus suis præsentibus nostras Literas publicare & observare debeant, rogantesque omnes & singulos Principes sæculares, & alios Dominos & Magistratus temporales, eisque per viscera Misericordiæ Domini Nostri Jesu Christi in remissionem peccatorum suorum iniungentes, quatenus in præmissis, eisdem Patriarchis, Primatibus, Archiepiscopis & Episcopis assistant, & suum auxilium & favorem præstent, cum auxilio brachij secularis.

Non obstantibus præmissis ac quibuscumque Apostolicis, nec non in Provincialibus & Synodalibus Conciliis, editis generalibus vel specialibus Constitutionibus & Ordinationibus, nec non Fabricæ Ecclesiæ, Hospitalium, Monasteriorum, Militarium, Confraternitatum, Ordinum, Capitulorum, Conventuum aliorumque locorum prædictorum, & quorumvis illorum membrorum, Ecclesiarum etiam Cathedralium, & Metropolitinarum, etiam juramento, confirmatione Apostolica, vel quavis firmitate alia roboratis, statutis & consuetudinibus, stabilimentis, usibus & naturis, privilegiis quoque, indultis & Literis Apostolicis, illis, & præsertim S. Joannis & S. Lazari, ac S. Spiritus in Saxia, Hospitalibus, nec non S. Antonii de Sancto Antonio, & Sanctorum Nicolai, & Bernardi Montis Jovii Monasteriis, ipsorumque Monasteriorum Hospitalibus, singulorumque eorum Conventibus, superioribus, & personis præfatis, per quoscumque Romanos Pontifices prædecessores, ac Nos & Sedem Apostolicam sub quibuscumque tenoribus & formis, ac cum quibuscumque etiam derogatoriis derogatoriis, aliisque efficacioribus & insolitis clausulis, nec non irritantibus & aliis decretis, etiam Motu simili, & ex certa scientia, ac quavis etiam Imperiali, vel Regali consideratione vel instantia, & alias quomodolibet concessis, approbatis & innovatis; quibus omnibus, etiam pro illorum sufficienti derogatione de illis eorumque totis tenoribus specialis, specifica, individua & expressa non autem per clausulas generales

idem importantes, mentio seu quævis alia expressio habenda, aut alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, præsentibus, pro sufficienter expressis habentes, Motu, scientia, & Potestate plenitudine similibus specialiter & expresse derogamus, & sufficienter derogatum esse volumus, contrariis quibuscumque. Aut si aliquibus, communiter, vel divisim ab Apostolica sit Sede indultum, quod interdicti, suspendi, vel excommunicari non possint per Literas Apostolicas non facientes plenam & expressam, ac de verbo ad verbum de indulto hujusmodi mentionem.

Volumus, autem quod præsentibus Literis in Cancellaria nostra Apostolica, & Acie Campi Floræ de more publicentur, & inter Constitutiones perpetuo valituras describantur.

Et quia difficile foret easdem præsentibus ad singula quæque Loca deferri, volumus & etiam declaramus, quod earum transumptis etiam impressis, manu alicujus Notarii subscriptis, ac sigillo alicujus Prælati munitis eadem prorsus fides adhibeatur, quæ adhiberetur, si originaliter forent exhibitæ, vel ostensæ.

Nulli ergo omnino &c.

Datum apud Sanctum Petrum anno Incarnationis Dominicæ MDLXVII. Sexto Idus Febr. Pontificatus nostri anno II.

X X V.

Alia Constitutio Pii V. prohibens ad quæsum publicari Indulgentias, & Confessionalia.

P I U S E P I S C O P U S

SERVUS SERVORUM DEI

Ad perpetuam rei memoriam.

Quam plenum sit periculi, noxia populis ingerere, nimium his temporibus astricta Religio testatur, quod malum cum in cæteris Ministris, tum præcipue in Ecclesiis Prælati animadvertendum est, quod ab his temere profecta, longe maxima Ecclesiæ Dei conferant detrimenta. Rem sane indignam audivimus, quod non solum quondam Gonetius Tello Giron temporarius admi-

Administratores Ecclesiæ Toletanæ, sed etiam quidam Hispaniæ Ecclesiarum Præfules, officii paterni prætextu, facultates sibi a Sacris Canonibus concessas excedentes, litteras suas in ipsorum Civitatibus ac Diocesisbus auri sunt publicare, quibus inter cætera periculosa deprehenditur, quod cuiuscumque illas accipienti certa soluta pecunia licitum sit, quem voluerit sibi sumere Sacerdotem, qui confessione audita, ipsum absolvere valeat, non in eis tantum casibus, in quibus simplex Sacerdos absolvere potest, sed etiam in iis, quæ solis Episcopis reservata reperiuntur, aliquo præterea casu admixto, veluti Simonie reatu, qui ad examen huius Sanctæ Sedis esset referendus. Nos animadvertentes ipsi Præfules, & Administratores quam periculosum sit, ea passim in certis personis committere, quæ ad Episcoporum iudicium arbitriumque idcirco deferuntur, ut qui melius lepram a lepra discernere norint, causis & circumstantiis subtili indagine exploratis, salutaria cuique morbo remedia valeant adhibere. Ad hæc, ipsi in dispensandis cœlestis gratiæ donis nimium prodigi, iis sic litteras prædictas accipientibus, & Indulgentiis & poenitentiæ in iunctarum remissiones, nulla cum re temporali conferendas profusus & indiscrete largiuntur; quibus & aliis licentiis prædictis non pauci fluctuantes & infirmi, veniæ facilitate industi ad peccandum procliviores fiunt, quando tot & tantorum delictorum remissionem, certo & vilissimo pretio acquirere posse confidunt: indicem præterea casuum, & Indulgentiarum Adibus Sacris appendi iusserunt, quo palam significatur, solventibus superscripta concedi, & inter alia absolvendi facultatem ab usu prohibitorum tribui, itemque indulgeri Missæ Sacrificium & sepulturam tempore interdicti, assumptionem duorum pluriumque compatriarum ad Sacrum Baptisma, præter eos, qui Synodalibus, ut dicunt, constitutionibus asciscuntur, reparationem Ecclesiarum, erectionem Confraternitatum, & alias pias causas prætexendo.

Cum igitur inter cætera scandala, etiam Simonie pravitas reodeat, ex prædictis fieri Concilii Tridentini decretis & aliis sanctionibus Canonicis, nostræ præterea Constitutioni de Indulgentiis ad quæstum non emittendis adversetur, Clavium Au-

thoritas evilescat, & poenitentialis satisfactio enervetur: Nos his malis celeri remedio occurrendum, eademque opera futuris præcavendum fore censentes, de Apostolice potestatis plenitudine supradicta, omnia, quæ in ipsa Toletana & quibuscumque aliis Civitatibus, Diocesisbus, & locis tam Hispaniæ quam aliarum quaruncumque Provinciarum & Regionum, quocumque prætextu hucusque emanarunt, perpetuo abolemus, ac nulla & irrita nunciamus, jubemusque litteras & indices, nec non scripturas & monumenta quæcumque, publica & privata, per ipsos locorum Ordinarios, & alios Ecclesiarum Rectores ubicumque reperiuntur, dilacerari penitusque deleri: & ne talia de cætero a quoquam fiant, publicentur vel concedantur, distributi prohibemus.

Quicumque secus egerint seu attentaverint Antifites, etiam si Cardinalatus honore præfulgeant, ab ingressu & perceptione fructuum suarum Ecclesiarum tandiu suspensi jaceant, donec satisfactio prævia illis per Sedem prædictam suspensio relaxetur: inferiores vero ab Episcopis sententiam excommunicationis incurrant, a qua, nisi in mortis articulo constituti, ab alio, quam Romano Pontifice absolutio- nis beneficium nequeant obtinere. Decernentes etiam irritum & inane quidquid fecus per quoscumque quavis auctoritate scienter vel ignoranter contigerit attentari.

Volumus autem, ut præsentium exempla etiam impressa, Notarii publici manu & Prælati Ecclesiastici sigillo obsignata, eandem illam prorsus fidem in iudicio, & extra illud ubique locorum faciant, quam ipsæmet præsentēs facerent, si essent exhibitæ vel ostensæ.

Nulli ergo omnino hominum liceat hanc paginam nostræ absolutionis, nunciationis, iussionis, prohibitionis, Decreti & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum. Datum Romæ apud Sanctum Petrum, Anno incarnationis Dominicæ MDLXX. 4. Non Januarii, Pontificatus nostri anno v.

XXVI.

*Constitutio CLEMENTIS IX. pro Electione
Congregationis Indulgentiis & Sa-
cris Reliquiis præpositæ.*

CLEMENTIS PAPA IX.

Ad perpetuam rei memoriam.

In ipsis Pontificatus nostri Primordiis, cum multas Venerabilium Fratrum nostrorum S. R. E. Cardinalium Congregationes ad certarum rerum & negotiorum, in amplissimum Romanæ Curie Alueum ex omnibus Mundi partibus assidue confluentium tractationem atque determinationem, a felicis recordationis Romanis Pontificibus Prædecessoribus nostris, ad Ecclesiæ Catholicæ ac ditionis temporalis ejusdem Sanctæ Romanæ Ecclesiæ utilitatem, prudenti salubrique consilio institutas reperissemus, quæ incumbentem Nobis ingentem curarum molem pro sua quæque parte sublevent; nullam tamen adhuc erectam videremus, quæ sacri Indulgentiarum Thesauri curæ & dispensationi, sacrarumque Reliquiarum recognitioni, disquisitioni & rectæ dispositioni peculiariter incumberet.

Nos eundem inestimabilem Thesaurum fidei dispensatione erogare, & omnia, quæ Sacras Reliquias hujusmodi contingunt, recte atque ordine disponere cupientes, nonnullos ex memoratis Cardinalibus, ac aliquos Curie prædictæ Prælatos, aliosque viros religione, pietate, doctrina & rerum usu eximie præditos selegimus, quorum consilio, opere & industria, tam gravem Muneris nostri partem ad Omnipotentis Dei gloriam, Ecclesiæ honorem, ac spirituales Christi fidelium ædificationem facilius implere valeremus. Hi vero subinde, prout rerum & negotiorum momenta postulabant, insinual convenientes, committam sibi a Nobis Provinciam recte ac fructuose, atque ex animi nostri sententia hætenus administrarunt. Quapropter sperantes in Domino non minus utiliter in futurum quoque desudaturam esse eorum industriam, ac salubris consilii, quod Authore Deo suscepimus fructum, eodem adjuvante atque incrementum dante, perennare desiderantes -

Motu proprio ac ex certa scientia, &

maturâ deliberatione, deque Apostolicæ Potestatis plenitudine Congregationem, ejusdem S. R. E. Cardinalium ac Prælatorum, & aliorum virorum prædictorum, a Nobis, ut præfertur, electorum & deputatorum, ac in futurum tam a Nobis quam a Successoribus nostris Romanis Pontificibus eligendorum & deputandorum, cum facultate omnem difficultatem ac dubietatem in Sanctorum Reliquiis aut Indulgentiis emergentem, quæ ad Fidei dogma non pertineat (Nobis tamen & Romano Pontifici pro tempore existente circa graviora difficilioraque consultis) expediendi, ac si qui abusus in eis irrepererint, illos, judicii forma plane postposita, corrigendi & emendandi; causas vero judiciali formam requirentes, ad proprios Judices remittendi; falsis, apocryphas indisciplatasque Indulgentias typis imprimi vetandi, impressas recognoscendi & examinandi, ac ubi Nobis, seu Romano Pontifici pro tempore esistenti retulerit, nostra seu illius Authoritate reiiciendi. Reliquias de novo inventas, quas recolendæ memoriæ Innocentius III. Prædecessor noster in generali Concilio Lateranensi publica veneratione coli, nisi prius Authoritate Romani Pontificis approbatas, prohibuit, recognoscendi quoque & examinandi; ac in concedendis Indulgentiis, Sanctorumque Reliquiis donandis moderationem adhiberi, omniaque pie, sancte & incorrupte fieri curandi, tenore præsentium perpetuo erigimus & instituiamus.

Decernentes easdem præsentem Literas semper firmas, validas & efficaces existere & fore, suoque plenarios & integros effectus sortiri & obtinere; nec de subreptionis, vel obreptionis aut nullitatis vitio, seu intentionis nostræ, aliove quolibet etiam substantiæ & formali, ac etiam in cogitato & inexcogitabili necessarianque expressionem requirente, defectu, notari, impugnari, infringi, retractari, & in controversiam vocari, aut ad terminos Juris reduci ullo modo unquam posse. Sicque & non aliter in præmissis, per quoscumque Judices ordinarios & delegatos, etiam causarum Palatii Apostolici Auditores, ac S. R. Ecclesiæ prædictæ Cardinales, etiam de Latere Legatos & alios quoslibet quacumque præminentia & potestate fungentes & functuros, sublata eis & eorum cuilibet, qua-

quavis aliter judicandi & interpretandi facultate & auctoritate judicari & definiri debere, ac irritum & inane, si quid secus super his, a quoquam quavis auctoritate, scienter vel ignoranter contingerit attentari.

Non obstante, quatenus opus sit, nostra & Cancellariæ Apostolicæ regula de jure quesito non tollendo, quæ Apostolicis, ac universalibus Provincialibusque, & Synodalibus Conciliis editis generalibus vel specialibus constitutionibus & ordinationibus, nec non quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus, privilegiis quoque, indultis & Literis Apostolicis, quibusvis personis & locis, sub quibuscumque verborum tenoribus & formis, ac cum quibusvis etiam derogatoriis derogatoriis, aliisque efficacioribus, efficacioribus & insolitis clausulis, irritantibusque & aliis decretis in genere, vel in specie, seu alias quomodolibet in contrarium premissorum concessis, confirmatis & pluries innovatis. Quibus omnibus & singulis, etiam si pro illorum sufficienti derogatione, de illis eorumque totis tenoribus, specialis, specifica & expressa, & individua ac de verbo ad verbum, non autem per clausulas generales idem importantes mentio seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita, observata exprimerentur & inferrentur, præsentibus pro plene & sufficienter expressis & insertis habentes, illis alias in suo robore permanens, & ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Volumus autem, ut eandem præsentium Literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra habeatur, quæ haberetur ipsis præsentibus, si forent exhibitæ vel ostensæ.

Datum Rome apud Sanctam Mariam Majorem sub annulo Piscatoris die 6. Junii MDCLXIX. Pontificatus nostri anno 111.

XXVII.

Decretum S. R. Universalis Inquisitionis de Indulgentia PORTIUNCULÆ.

Feria 4. die 3. Octobris 1691.

In Generali Congregatione S. Romanæ, & Universalis Inquisitionis habita, in Conventu S. Mariæ super Minervam coram Eminentissimis & Reverendissimis Dominis S. R. E. Cardinalibus Inquisitoribus ab Apostolica Sede specialiter deputatis.

Facta relatione per P. Mag. Bernardinum Ordinis Prædicatorum de juribus hinc inde deductis a PP. Ordinis Minorum Conventualium, & Minorum de Observantia respective super prætensa Indulgentia perpetua & quotidiana, tamquam concessa a Paulo III. Ecclesiæ S. Mariæ Angelorum FF. Ordinis Minorum de Observantia, Eminentissimi Domini, prædictis juribus visis & auditis, dixerunt: Ex hæcenus deductis non constare de dicta Indulgentia quotidiana perpetua; & proinde abradendam, seu removendam esse inscriptionem super Januam Cappellæ Ecclesiæ S. Mariæ Angelorum Assisi scilicet: Augusti hic veniam dat tibi quæque dies.

XXVIII.

Concessio Indulgentiæ plenariæ visitantibus Ecclesiam S. Mariæ Angelorum.

INNOCENTIUS PAPA XII.

Ad perpetuam rei memoriam.

Redemptoris & Domini nostri Jesu Christi vices licet immeriti gerentes in Terris, celestium muncrum Thesauros, quorum dispensationem humilitati nostræ commisit Deus, fideli prudentique liberalitate libenter erogamus, sicut pia sublimium Principum præclaris in Ecclesiam Dei meritis fulgentium, ac Religiosorum virorum, propriæ alienæque salutis laudabiliter incumbentium, vota postulant, & Nos ad augendam fovendamque Fidelium pietatem profuturum in Domino arbitramur. Itaque spiritali Christifide-

lium

lium ad Ecclesiam S. Mariæ Angelorum noncupant, Domus Fratrum Ordinis Minorum S. Francisci de observantia nuncupatorum proprie & extra muros Civitatis Assisientis, assidue (ut accepimus) ex universis Christiani Orbis partibus devotionis causa confluentium consolationi, atque animarum saluti, quantum cum Domino possumus, benigne consulere, necnon dilecti Filii Bonaventuræ Pocerii Ministri Generalis dicti Ordinis supplicationibus, etiam totius Ordinis prædicti nomine, Nobis super hoc humiliter porrectis, quibus pia atque enixe plurium Orthodoxorum Principum preces in idipsum tendentes accessere, favorabilem assensum præbere cupientes, ac de Omnipotentis Dei misericordia, & Beatorum Petri, & Pauli Apostolorum ejus auctoritate conui, omnibus utriusque sexus Christifidelibus ad Ecclesiam supradictam, sicut præmittitur, confluentibus, qui illam vere pœnitentes & confessi, ac Sacra communione resecti in quocumque anni die devote visitaverint, & ibi pro Christianorum Principum concordia, hæresum extirpatione, ac Sanctæ Mariæ Ecclesiæ exaltatione pias ad Deum preces effuderint, plenariam omnium peccatorum suorum Indulgentiam & remissionem misericorditer in Domino concedimus. Præsentibus perpetuis futuris temporibus validis. Volumus autem, ut earundem præsentium Literarum transumptis seu exemplis etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ vel ostensæ. Datum Romæ apud S. Mariam Majorem sub annulo Piscatoris die xviii. Augusti MDCXCV. Pontificatus nostri anno v.

X X I X.

Breve Sanctissimi Domini Nostri BENEDICTI XIV. quo Jubilæum Universale indicitur, ad implorandum Divinum auxilium initio Pontificatus prosalutari Sanctæ Ecclesiæ Catholice regimine.

BENEDICTUS PAPA XIV.
Universi Christifidelibus præsentis Literas inspecturis Salutem & Apostolicam Benedictionem.

Lætiora Apostolicæ servitutis auspicio offerri Nobis minime poterant, quam, ut tanto onere per studiosissima & concordia Venerabilium Fratrum nostrorum S. R. E. Cardinalium suffragia tenuitati nostræ imposito, in Domino consideremus omnia consilia, acta, & opera in Catholice Ecclesiæ procuracione a Nobis suscipienda conficiendaque ad Divini nominis gloriam, ad Orthodoxæ Fidei præsidium, ad Sacrosanctæ Religionis incrementum, & ad æternam animarum salutem semper fore redundatura. Postquam igitur debitas laudes gratiasque persolvimus bonorum omnium largitori Deo, qui, ut ostendat divitiis gloriæ suæ in vasa misericordiæ, dispositione mirabili infirma eligit; eidem, cui aperta & nuda sunt omnia, in simplicitate cordis nostri revelavimus, trepidationem nostram & argumenta omnia sollicitudinis ac timoris animo nostro ob ingentem Pontificiarum curarum sese undique ingerentia. Nec omisimus cum gemitibus & lacrymis prosternere preces nostras ante faciem Dei nostri, ut per merita Jesu Christi Filii sui Pastorum Principis, cujus supremas in terris vices gerimus, requiescere faciat super Nos Spiritum Domini, Spiritum Sapientiæ & Intellectus, Spiritum consilii & fortitudinis, Spiritum scientiæ & pietatis, & repleat Nos Spiritu timoris Domini; ut non secundum visionem oculorum judicemus, neque secundum auditum aurium arguamus; sed judicemus in justitia pauperes, & arguamus in æquitate pro mansuetis terræ. Verum infirmitatem nostram probe agnoscetes, nec de tam cœlesti favore ac benedictione Nobis certo polliceri audentes; sed minime dubitantes, quia concors totius Catholice Ecclesiæ ad misericor-

ricor;

ricordiarum Patrem supplicantis oratio potentissima sit, ut ille uberrimam omnium celestium Charismatum copiam super Nos benignus effundat: universos Christianifideles rogamus, atque in Domino exhortamur, ut nostris suas etiam alacrius jungant publicas ferventioresque preces, supplicationes, jejunia, elemosinas, atque alia pietatis opera hoc præsertim tempore, in quo, Carolo claræ memoriæ, dum viveret, Romanorum Rege in Imperatorem electo, nuper defuncto, pro novi Romanorum Regis futuri Imperatoris electione Comitia habenda sunt; dum Nos, juxta antiquissimum Romanorum Pontificum Prædecessorum nostrorum morem, coelestes Ecclesiæ thesauros dispensationi nostræ creditos erogamus atque elargimur. Itaque de Omnipotentis Dei misericordia ac Beatorum Petri & Pauli Apostolorum ejus Auctoritate confisi, ex illa ligandi atque solvendi Potestate, quam Nobis Dominus, licet indignis, contulit, universis & singulis utriusque Sexus Christianifidelibus in alma Urbe nostra degentibus, qui solemnî Processioni, quam Dominica ultima post Pentecostem, die videlicet vigesima currentis mensis Novembris, ab Ecclesiâ S. Mariæ Angelorum in Thermis ad Basilicam S. Mariæ Majoris nuncupatam de eadem Urbe, unacum Venerabilibus Fratribus nostris S.R.E. Cardinalibus, necnon Patriarchis, Archiepiscopis & Episcopis, quos in Romana Curia adesse contigerit, ac Christianorum Regum & Principum Oratoribus apud Nos existentibus, Prælati quoque & Officialibus ejusdem Curie, universoque Clero & Populo, benedicente Domino, agemus, devote interfuerint, vel Sancti Joannis in Laterano, Principis Apostolorum & Sanctæ Mariæ Majoris præfatæ Ecclesiæ seu Basilicæ, vel earum aliquam intra spatium ejusdem vel proxime subsequæ hebdomadæ, saltem semel visitaverint, ibique per aliquod temporis spatium devote, ut supra, Deum oraverint; ac quarta & sexta feria, ac Sabbato alterius ex præfatæ hebdomadæ jejunaverint, & peccata sua confessi Sanctissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumserint, ac pauperibus aliquam elemosinam, prout unicuique suggeret devotio, erogaverint:

ceteris vero extra Urbem prædictam ubicumque degentibus, qui Ecclesiæ ab Ordinariis locorum, vel eorum Vicariis seu Officialibus, aut de eorum mandato, & ipsis deficientibus, pereos, qui ibi curam animarum exercent, postquam ad eorum notitiam hæ nostræ pervenerint, designandas, vel Ecclesiæ hujusmodi aliquam, spatio duarum similiter hebdomadarum a publicatione designationis per Ordinarios, vel eorum Vicarios, seu Officiales, vel alios, ut præfertur, faciendæ decurrendarum, saltem semel visitaverint, ibique, ut supra, oraverint, ac quarta, & sexta feria, ac Sabbato alterius ex hebdomadis hujusmodi jejunaverint, pariterque peccata sua confessi, ac in die Dominica immediate sequenti vel alia die intra eandem hebdomadam Sanctissima Communione refecti fuerint, & pauperibus aliquam elemosinam, ut præmittitur, erogaverint, plenissimam omnium peccatorum suorum Indulgentiam & remissionem, sicut in anno Jubilæi visitantibus certas Ecclesiæ intra & extra Urbem prædictam concedi consuevit, tenore præsentium concedimus & elargimur. Navigantes vero & iter agentes, ut cum primum ad sua sese domicilia receperint, superscriptis prædictis & visitata Ecclesiâ Cathedrali, vel Majori aut Parochiali loci eorum domicilii, eandem Indulgentiam consequi possint, & valeant: Regularibus autem personis utriusque sexus, etiam in claustris perpetuo degentibus, necnon aliis quibuscumque tam Laicis, quam Ecclesiasticis, Sæcularibus, vel Regularibus, etiam in Carcere aut captivitate existentibus, vel alia Corporis infirmitate seu alio quocumque impedimento detentis, qui supra expressa vel eorum aliqua præstare nequiverint, ut illa Confessarius ex jam approbato a locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus prorogare possit, eaque iungere, quæ ipsi poenitentes efficere poterunt, pariter concedimus & indulgemus. Insuper omnibus, & singulis Christianifidelibus utriusque Sexus tam Laicis, quàm Ecclesiasticis, Sæcularibus, & Regularibus cujusvis Ordinis, Congregationis, & Instituti, tam in Urbe præfata, quam extra eam ubique locorum, ut præfertur, degentibus licentiam concedimus & fa-

& facultatem, ut sibi ad hunc effectum eligere possint quemcumque Presbyterum Confessarium tam Sæcularem, quam cuiusvis Ordinis, & Instituti Regularem ex approbatis, ut præmittitur, a locorum Ordinariis, qui eos ab Excommunicationis, Suspensionis, & aliis Ecclesiasticis sententiis, & censuris a Jure vel ab homine quavis causa latis, seu inflictiis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in Literis die Cœnæ Domini legi solitis contentis, & alias per quascumque nostras, aut Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis, in foro Conscientiæ & hac vice tantum absolvere & liberare valeant, & insuper vota quæcumque (Religionis & Castitatis exceptis) in alia pia & salutaria opera commutare, injuncta tamen eis, & eorum cuilibet in supradictis omnibus casibus poenitentia salutari, aliisque ejusdem Confessarii arbitrio injungendis. Quapropter tenore præsentium in virtute sanctæ Obedientiæ districte præcipimus atque mandamus omnibus & quibuscumque Venerabilibus Fratribus Patriarchis, Archiepiscopis, Episcopis & aliis Ecclesiarum Prælatiis, ac quibuscumque Ordinariis locorum ubicumque existentibus, eorumque Vicariis & Officialibus, vel iis deficientibus, illis, qui curam Animarum exercent, ut cum præsentium Literarum transumpta aut exempla etiam impressa acceperint, illa statim absque ulla mora, retardatione, vel impedimento per suas Ecclesias & Dioceses, Provincias, Civitates, Oppida, Terras & loca publicent, & publicari faciant, Ecclesiamque seu Ecclesias visitandas designent. Non intendimus autem per præsentibus super aliqua irregularitate publica vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi etiam in foro conscientiæ, neque etiam easdem præsentibus iis, qui a Nobis, & Apostolica Sede, vel ab aliquo Prælato, seu Judice Ecclesiastico excommunicati, suspensi, interdicti, seu alias in Sententiis, & Censuris, incidisse de-

clarati, vel publice denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere. Non obstantibus Constitutionibus & Ordinationibus Apostolicis, præsertim quibus facultas absolvendi in certis tunc expressis casibus ita Romano Pontifici pro tempore esistenti reservatur, ut nec etiam similes vel dissimiles Indulgentiarum & facultatum hujusmodi concessiones, nisi de illis expressa mentio aut specialis derogatio fiat, cuiquam suffragari queant; nec non regula nostra de non concedendis Indulgentiis ad instar, ac quoruncumque Ordinum & Congregationum sive Institutorum etiam juramento, confirmatione Apostolica, vel quavis firmitate alia roboratis, Statutis & consuetudinibus, privilegiis quoque, indultis, & Literis Apostolicis ejusdem Ordinis, Congregationibus & Institutis, illorumque personis quomodolibet concessis, approbatis & innovatis. Quibus omnibus & singulis, etiam si de illis eorumque totis tenoribus specialis, specifica, expressa & individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim & expresse ad effectum præmissorum derogamus, cæterisque contrariis quibuscumque. Ut autem præsentibus nostris, quæ ad singula loca deferri non possunt, ad omnium notitiam facilius deveniant, volumus, ut earundem præsentium transumptis vel exemplis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis ubique locorum & gentium eadem prorsus fides habeatur, quæ haberetur ipsis præsentibus, si forent exhibitæ vel ostensæ. Demum sciant omnes, qui vel palam, vel in corde adversantur Sedi Apostolicæ, Sanctæ Romanæ Ecclesiæ judiciis, & signanter Constitutioni *Unigenitus*, indignos esse, qui gratiam, & beneficium Jubilei participant.

Datum Romæ apud Sanctam Mariam Majorem sub Annulo Piscatoris die undecima mensis Novembris millesimo septingentesimo quadragelimo, Pontificatus Nostri Anno Primo. *D. Card. Passionei.*

CAPUT I.

DE SATISFACTIONE PRO REATU PŒNÆ TEMPORALIS.



INSTITUTI nostri ratio populat, ut de Indulgentiis in genere acturi, & ea, quæ ad hujus tam grandis uberitatemque rei omnimodam declarationem spectant, exposituri, de pœnæ temporalis satisfactione potissimum disseramus. Cum enim Indulgentiæ nostrarum satisfactionum vicem suppleant, pœnasque, quas nos ipsi Deo deberemus, remittant, Indulgentiis profecto locus esse non poterit, neque de earum sive veritate, sive virtute sermo instituetur, nisi consiterint ea, quæ de Satisfactione docet Ecclesia, & de Reatu pœnæ temporalis post culpam adhuc remissam supersite, & solutione hujusmodi pœnæ, quam repetit a nobis Divina Justitia. Quinque ergo Articulis, quæ ad satisfactionem pertinent, hic complectemur; ex quibus illud 1.^o investigabimus: An nonnunquam peccato quantum ad culpam remisso, supersit debitum pœnæ temporalis satisfactione redimendum? 2.^o De conditionibus requisitis, ut opus aliquod pro pœna temporali peccatis jam quantum ad culpam remissis debita, satisfactorium sit. 3.^o Inquiremus: An detur præceptum satisfaciendi Deo pro pœna temporali? 4.^o An homo Justus possit æquivalentem ac de condigno satisfactionem præbere pro pœna temporali sibi debita? 5.^o An homo Justus possit satisfacere Deo pro hujusmodi pœna temporali alteri, seu alterius peccatis debita? Porro satisfactio, de qua hic sermo instituitur, *Est voluntaria sui ipsius punizio ad compensandam injuriam Deo per peccatum illatam, eumque sic placandum, ut temporalem pœnam remittat.*

ARTICULUS I.

An nonnunquam peccato quoad culpam remisso supersit debitum pœnæ temporalis satisfactione redimendum.

Consulto id querimus. Fatemur siquidem, posse aliquando contingere, peccatores ex gratiæ virtute ad eum fervide

contritionis vel perfectæ charitatis actum excitari, ut quodcumque pœnæ temporalis debitum eo mediante penitus auferatur. = *Quandoque*, (inquit D. Thomas 3. par. quæst. 86. art. 5. in corp.) = *Deus tanta commotione convertit cor hominis, ut subito perfecte consequatur sanctitatem spiritualem, non solum remissa culpa, sed sublatis omnibus peccatis reliquiis*; & in 4. sent. dist. 17. duplicem modum remissionis hujus reatus a charitate manantem distinguens, contritionis efficaciam expendit, asseritque ejus virtute deleri quandoque peccata quantum ad culpam & pœnam = *Intensio contritionis* (sunt verba S. Doctoris prælaudati) *potest attendi dupliciter, uno modo ex parte charitatis, quæ dissipationem causat; & sic contingit, tantam intendi charitatem in actu, quod contritio inde sequens merebitur non solum culpæ amissionem, sed etiam absolutionem ab omni pœna: alio modo ex parte doloris sensibilis, quem voluntas in contritione excitat; & quia illa, pœna etiam quedam est, tantum potest intendi, quod sufficiat ad deletionem culpæ.*

De Lethali autem peccato hic potissimum differimus, quod absolute & simpliciter peccatum est; quidquid vero de eo statuemus, erit veniali servata proportionem applicandum.

Recensentur illi, qui debitum pœnæ temporalis post justificationem satisfactione redimendum impugnaverunt; proponiturque eo de argumento Ecclesiæ Catholice fides.

Varii extiterunt Hæretici, qui tam existentiam reatus sive debiti pœnæ temporalis in Justis, quam satisfactionem ad ejus remissionem necessariam diversis temporibus negaverunt.

Audiani, qui tempore Valentiniani senioris Ecclesiam vexaverunt, nihil a contritis ob antea actæ vitæ crimina putaverunt Deo exsolvendum; de iis enim scribit Theodoretus lib. 4. *Hæreticar. fabular. cap. 10.*

P 2 = Deim-

= Deinde confessi dant veniam, non tempus ad penitentiam desinientes, sicut Ecclesie leges præcipiunt, sed potestate condonantes.

Ab his non discreparunt Massiliani, qui circa annum ccc.lxxx. contra Catholicos vexillum erexere. *Massiliani* (inquit Damascenus lib. de Hæresib.) eos, qui ad se gravissimis criminibus inquinati confugiunt, nullo extante fructu penitentiae, sine Sacerdotis autoritate, nulla habita ratione graduum, qui Canonibus Ecclesiasticis excipiuntur, primo quoque die se expiuros profitentur, dummodo in illam eorum sermone celebratam orationem apud eos exercitati, sine dolo ac simpliciter sacris, quæ probant, iniunguntur.

De novis Manichæis, qui exeunte seculo xii. suos errores promulgarunt (inquit Nicolaus Emerycus in part. 2. quæst. 13.) = Dicunt, suam sectam suscipientes esse absolutos ab omnibus peccatis suis, sine alia quacunque satisfactione & restitutione, si haberent aliquid de alieno, dummodo servent sectam & ordinem illum.

Hanc perversam doctrinam amplexati sunt unanimi consensu Sectarii omnes, qui sæculo xvi. prodierunt e tenebris. Martinus Lutherus suæ defectionis initio *serm. de Indulg.* hos errores proferre non erubuit artic. 1. Ex nulla Scriptura colligi potest, Divinam Justitiam sive penam sive satisfactionem exigere a peccatore. 1. Illius imaginariæ penæ nomen, quam Indulgentiæ excludunt, nemo explicare potest, neque quisquam novit quid nam sit: & articulo 1x. Vehementer odî, & sublatum vellem hoc vocabulum satisfactio, quod non modo in Scripturis non invenitur, sed & periculosum habet sensum, quasi Deo quisquam possit pro ullo peccato satisfacere, cum gratis ille ignoscat omnia.

Kemnitius poenitentialis satisfactionis se adversarium ostendit in suo *Examin. Concil. Tridentin.* p. 2. = Quod dictum est, inquit, optimam & aptissimam penitentiam esse novam vitam, hanc habet sententiam: post acceptam a fide propter Christum remissionem peccatorum, non requiri præterea aliam satisfactionem aut expiationem pro peccatis, cum simul in Christo consummati, sed requiri illud quod Scriptura præscribit: Desine a ma-

lo, & fac bonum =; & in prima editione *locor. communium. cap. de Penit.* ait, satisfactio nulla est præter Christi mortem; quæ vero penitentibus satisfactiones imponuntur, hominum inventa sunt. A poenitentiali satisfactione alienum fuisse Philippum Melanctonem habes ex *Apologia Confessionis Augustanæ artic. de Confessi. & satisf.* = Sed tamen fatentur adversarii, inquit, in quod satisfactiones non prosint ad remissionem culpe: verum fingunt satisfactiones prodesse ad redimendas penas seu Purgatorii seu alias. Hæc tota res est commentitia, recent conficta sine Auctoritate Scripturæ & veterum Scripturum Ecclesiasticorum = Similia repetere est apud Joannem Calvin. lib. 3. *Institut. cap. 4. §. 25.* Tertium locum satisfactionis in penitentia assignant Sophiste, de qua quidquid blaterant, uno verbo subverti potest. Dicunt: non sufficere Penitentem a peccatis præteritis abstinere, & mores in melius commutare nisi de illis, quæ facta sunt, satisfiat Deo: esse autem multa adminicula, quibus peccata redimat, lacrymas, jejunia, orationes, charitatis officia &c. Talibus mendaciis oppono gratulam remissionem = & §. 30., ubi loquitur de Deo in lege veteris testamenti, inquit, = Qui sit, ut nullis prorsus operibus admissa delicta jubeat, sed sola in expiationem sacrificia requirat, nisi quod ita restari vult, unicum esse satisfactionis genus, quo iudicium suum placatur. Nam quæ tunc immolabant sacrificia Israelitæ, non hominum opera censuebantur, sed a sua veritate, hoc est unico Christi sacrificio, estimabantur.

Ex quibus datur intelligi, duo potissimum contendisse Sectarios. Primum, nullum superesse reatum poenæ temporalis post culpæ remissionem. Secundum, nullis operibus, quantumvis in statu gratiæ factis, inesse vim placandi Deum: nec poenitentias a Sacerdotibus per virtutem Clavium ad satisfaciendum Deo pro poena temporalis injungi posse.

Catholicæ Ecclesiæ fidem recensitis erroribus oppositam tradit Concilium Tridentinum *sess. 6. can. 30.* his verbis = si quis, post acceptam justificationis gratiam, cuiuslibet peccatori penitenti ita culpam remitti, & reatum penæ æternæ ita deleri dixerit, ut nullus remaneat reatus penæ

pœna temporalis exolvenda, vel in hoc seculo vel in futuro Purgatorio, antequam ad Regna Cælorum aditus patere possit, Anathema sit = . Et *sess. 14. cap. 8.* = Sancta Synodus declarat falsum: omnino esse, & a Verbo Dei alienum, culpam a Domino nunquam remitti, quin universa etiam pœna condonetur; perspicua, & illustria in sacris Literis exempla reperiuntur, quibus præter Divinam traditionem, hic error manifeste revincitur = . Idem docuit *sess. 6. cap. 4.* pia poenitentiae opera satisfactoria pro pœna temporali enumerans = Unde, inquit, *docendum est, Christiani hominis poenitentiam post lapsum multo aliam esse a baptismali, eaque contineri non solum cessationem a peccatis & eorum detestationem, aut cor contritum & humiliatum, verum etiam eorundem Sacramentalem Confessionem saltem in voto & suo tempore faciendam, & Sacerdotalem absolutionem, itemque satisfactionem per jejunia & Eleemosynas, Oraciones & alia pia vite spiritualis exercitia, non quidem pro pœna æterna, quæ vel Sacramento, vel Sacramenti voto una cum culpa remittitur, sed pro pœna temporali, quæ, ut Sacre Litteræ docent, non tota semper, ut in baptismo fit, dimittitur illis, qui gratiæ Dei, quam acceperunt ingrati, Templum Dei violare non sunt veriti* = . Tandem reprobata Hæreticorum doctrina asserentium: poenitentiam unice in vite novitate consistere, decernit, ad satisfactionem pro pœna temporali pertinere tam pœnas a Deo inflictas patienter toleratas, quam a Sacerdote injunctas vel etiam sponte susceptas = *Si quis dixerit, pro peccatis quoad pœnam temporalem minime Deo per Christi merita satisfieri pœnis ab eo inflictis & patienter toleratis, vel a Sacerdote injunctis, sed neque sponte susceptis, ut jejuniis, orationibus, eleemosynis, vel aliis etiam pietatis operibus; atque ideo optimam poenitentiam esse tantum novam vitam, Anathema sit* = .

Asseritur nonnunquam peccato quoad culpam remisso superesse debitum pœnæ temporalis satisfactione redimendum, & multiplici argumentorum genere comprobatur & primo ex Divina Scriptura Authoritatibus.

Conclusio. Peccato quoad culpam remisso superest reatus pœnæ temporalis, qui satisfactione redimi potest.

Probatur Conclusio quantum ad primam partem ex 2.^o Reg. 12., ubi habetur, quod cum Regius Propheta, ob Adulterii crimen cum Uriæ Uxore perpetratum, ad sinceram cordis contritionem excitatus dixisset: = *Peccavi Domino* = ita culpæ remissionem obtinuit, ut per mox eventuram filii mortem, indictum sibi supplicium audiverit = *Dominus quoque transulit peccatum tuum, non morieris: verumtamen quoniam blasphemare fecisti inimico Domini, propter verbum hoc, filius, qui natus est tibi, morte morietur* = & observatione dignum est, ut Lyranus hunc locum exponens advertit, quod quamquam Dominus peccatum illud ob elicitam contritionem quantum ad culpam transulerit, voluit tamen Patrem in filio recenter nato Divinam correptionem experiri; a qua profecto fuisset immunis, si in recenter justificatis nunquam obligatio subeundi pœnam temporalem remaneret. Eodem lib. Reg. cap. 24. legitur, prælaudatum Regium Prophetam animi elatione tumens post enumeratum populum suæ ditioni subiectum, ut Regni sui vires agnosceret, hac sententia a Gad Propheta fuisse perterritum = *Aut septem annos veniet tibi fames in terra tua: aut tribus mensibus fugies adversarios tuos, & illi te persequentur: aut certe tribus diebus eris pestilentia in terra tua* = ; ad cujus sententiæ executionem deinde subditur = *Immisitque Dominus pestilentiam in Israël de mane usque ad tempus constitutum, & mortui sunt a Dan usque Bersabee septuaginta milia virorum* = . En quomodo constat, Davidem Divinam suscepisse vindictam, quia pœnæ luendæ pro elatione illa manebat obnoxius. Peccato itaque quantum ad culpam remisso, adhuc superest reatus seu debitum pœnæ temporalis.

Ad declinandam utriusque allatæ Authority-

ritatis vim, non renuit Calvinus admittere, in Davidem, alioſque juſtos ſupplicium ob commiſſa crimina Deum conſtituiſſe, non tamen quod vite ſuperioris errata corrigeret, proindeque poenæ temporalis reatum, qui poſt remiſſam culpam ſuperet, aboleret, Deumque vindicem indicaret, ſed quod ad virtutum exercitia melioremque frugem in futurum viros ejuſmodi revocaret, redderetque in operando cautioreſ = *Ferulis* : (inquit *cap. 4. Inſtitutionum* §. 33.) *verberantur filii, non ut multam Deo delictorum perſolvant, ſed ut inde ad reſpiſcendam proſpiciant, proinde in futurum eas poſiusquam in præteritum tempus reſpicere intelligimus.* =

Verum quanti faciendum ſit huiuſmodi Calvini eſſugium, expenſa utraque Regii Prophetae poena, ex ipſo Scripturae textu non obſcure aperitur; ex eo liquiſſime conſtat, punitionis cauſam, quaere Deus in Davidem Adulterum animadvertit, eam fuiſſe, non quod in futurum præcavenda eſſe peccata intelligeret, ſed quod ſe antea Adulterii ſlagitio coinquinaverit; non enim dicit, *ne in poſterum præbeas inimicis Domini occaſionem blaſphemandi*, ſed *quia blaſphemare feciſſi inimicos Domini, verbum hoc, filiis, qui natus eſt tibi, morte morietur* = . Eandem vindictam evincunt jejunia, lacrymae, aliaque poenitentiae opera, quae David adhibuit, ne tali calamitati ſuccumberet; ſiquidem ſi, ut mentitur Calvinus, percepſiſſet ille, eam ſibi poenam ferendam injungi ad futurorum præcautionem, ut quid tantopere ſtudiſſet effugere poenam ſuae dumtaxat cauſa utilitatis inſiſtente? Favent huic expoſitioni Sancti Patres, & præſertim S. Gregorius Papa *lib. 9. Moral. cap. 7.* ita de prima poena loquens. = *David audire poſt conſeſſionem meruit, Dominus tranſtulit peccatum tuum: & tamen multis poſt cruciatibus afflictuſ, reatum culpæ, quam perpetraverat, exolvit* = . Clariuſ idem obſervat ſuper alium Scripturae textum a nobis laudatum idem S. Gregorius *lib. 19. cap. 14.* = *Vindictam Populus, David peccante, ſuſcepit. Cur hoc? quia ſecundum meritum plebium diſponuntur corda rectorum. Juſtus vero Juxta peccantis vitium ex ipſorum animadverſione corripuit, ex quorum cauſa peccavit; ſed quia ipſe a culpa alienus non fuit, vindictam culpæ*

etiam ipſe ſuſcepit = . Utrumque ergo ſupplicium Davidi fuit inſiſtente, tum ut Deus criminum vindex agnoſceretur, tum ut poenæ temporalis reatuſ adhuc poſt receptam juſtificationis gratiam remanens aboleretur.

Idem quod mox probatum eſt, ex *Reg. lib. 3. cap. 13.* pariter eruitur. Interemtum morte ibi legimus Prophetam, quod deceptuſ, reverſuſ fuerit ad locum, unde diſceſſerat, ibique comederit contra Divinum mandatum, audituſ, cum adhuc ad menſam federet, alio Propheta inclamante = *Hæc dicit Dominuſ, quia non obediens fuiſſi ori Domini, & non cuſtodiſti mandatuſ, quod præcepit tibi Dominuſ Deus tuuſ & reverſuſ ei, & comediſti panem, & bibiſti aquam in loco, in quo præcepit tibi ne comederet panem neque biberet aquam, non inferretur cadaver tuuſ in ſepulchrum Patrum ſuorum &c. Qui cum comediſſet & bibiſſet, ſtravit Aſinum ſuum Propheta, quem reſluxerat. Qui cum abiſſet, invenit eum Leo in via, & occidiſt; & erat cadaver ejus projectuſ in itinere; Aſinuſ autem ſtabat juxta illuſ, & Leo ſtabat juxta cadaver* = . Hunc veto Prophetam culpæ remiſſione donatuſ D. Auguſtinuſ in *lib. de Cura pro Mortuiſ* agnoſcit ex eo, quod Leo inſaturatuſ non auſuſ fuerit ejus cadaver attingere. = *Hactenuſ enim* (verba ſunt prælaudati Sancti Doctoriſ) *noſuit Dominuſ ſervuſ ſuū plerere, quia non ſua contumacia ſpreverat præceptuſ ejuſ implere, ſed aliena deſcipiente fallacia obedire ſe credidiſ, quando non obediſti. Neque enim putanduſ eſt, ita fuiſſe interemtum morſu beſtiarum, ut ad ſuppliciuſ tartareuſ ejuſ deinde anima raperetur; quandoquidē ipſuſ ejuſ corpus, idem Leo, qui occiderat, cuſtodiſt; Jumento etiam, quo vehebatur illeſo, & ſimul cum illa immani fera, inſtrepi-da præſentia ad ſui Domini ſunuſ adſtante. Quis mirabili ſigno appareſ, hominem Dei coercituſ poſtiuſ temporaliter uſque ad mortem, quam puniſſimū eſſe poſt mortem* =

Refertur etiam *Numeror. 13.* correctoſ a Deo fuiſſe Hebræoſ, qui difficultatibuſ perterriti, ad terram Promiſſionis iter proſequi detrectaverant, contra Moſen clamanteſ, ita ut nulluſ ex iſ, qui tam auda-

audacter in Moyſen inſurrexit, terram la-
 æ & melle manentem acceperit poſſiden-
 dam; quamvis peccatum illud quoad cul-
 pam, Moyſe deprecante, Deus dimiſſet;
 ubi enim dixit Dominus = *Dimiſi juxta*
verbum tuum, = mox adjeçit = *Attamen*
omnes homines, qui viderunt majeſtatem
meam, & ſigna, quæ feci in Ægypto
& in ſolitudine, & tentaverunt me jam
per decem vices, nec obedierunt voci meæ,
non videbunt terram, pro qua juravi
Patribus eorum, nec quiſquam ex illis,
qui detraxit mihi, intuebitur eam = Quod
 advertens Calvinus, hunc corrigendi morem
 a Deo ſervari, fateri tandem compellitur
 dicens 3. *Inſtitut. cap. 8. §. 6.* = *Adde*
quod non modo infirmitatem noſtram præ-
venire, ſed præterita etiam delicta ſe-
pe corrigere habet Clementiſſimus Pater,
ut nos in legitima erga ſe obedientia con-
tinuat. Proinde quæſites aſſigimur, ſu-
 bire proſinus in mentem debet antea
 vite recordatio, ita procul dubio reperie-
 mus, nos amiſſiſſe, quod dignum ejusmodi
 caſtigacione eſſet.

Non diſſimili poena a Deo caſtigatos re-
 perimus Moyſen & Aaron, eo quod ad
 petram gloriam Deo non dediſſent; le-
 gitur enim Num. 20. = *Pergat Aaron ad*
populos ſuos, non enim intrabit terram,
quam dedi Filiiſ Israel, eo quod incredu-
lus fuerit ori meo ad aquas contradiccionis.
Tolle Aaron & Filium ejus cum eo,
& duces eos in Monte Hor, cumque nuda-
veris Patrem veſte ſua, induet ea Eleazarum
Filium ejus. Aaron colligetur & mori-
etietur ibi. Fecit Moyſes ut præceperat
Dominus &c. cumque Aaron ſpoliaſſet
veſtibus, induit eis Eleazarum filium ejus,
illo morituro in Montis ſupercilio = & *Deu-*
theronom. 32. Moyſi præcipitur = *Ascende*
montem illum Abarim, in montem No-
be, & morere in Monte, quem conſcen-
denti jungeris populis tuis, ſicut mortuus
eſt Aaron Frater tuus & appoſitus popu-
lis tuis, quia prævaricati eſſis contra
me = De utraque vindicta, nec non alia
 contra Samuelem exercita, hæc habet *Pſal-*
miſta Pſalm. 98. deſcriptis eorum precibus
 a Deo acceptatis = *Deus tu propitiuſ fuiſ-*
ſti eis, & ulciſcens in omnes adinventio-
nes eorum = Quid enim eſt, Deum illis
 fuiſſe propitium, & adinventioſum eorundem
 vindicem, niſi quoddam culpæ remiſſi-

ſione donatos, voluerit poenarum flagello
 corrigere? Quod luculenter oſtendit *D. Au-*
guſtin. illum *Pſalmum* exponens = *Etiã*
vindicant (inquit) *propitiuſ fuiſti, non*
ſolum donans peccata, ſed etiam vindi-
cant propitiuſ fuiſti. Videſe Fratres mei
quid hic commendavit &c. Agite Fratres
quomodo in illis vindicatum eſt. Si quæra-
mus aderit Dominus ut dicam. Quæramus
enim tres iſtas perſonas, Moyſen, Aaron, &
Samuelem & quomodo in eis vindicatum
ſit, quia dicit vindicant omnes affectiones
eorum; utique eas affectiones dicent eorum,
quas Dominus noverat in Cordibus eorum,
quas homines non noverant &c. Quæri-
mus vindictam in Moyſe, prope nullam
habet, niſi quod ad extremum ait illi
Deus: Ascende in Montem, & morere:
ait ſeni: morere! Jam peregerat etates
ſuas. Numquid nunquam erat moriturus?
Qualis illi vindicta? Oſtendit illi vindi-
ctam ſuam, ut diceret: Non intrabit in
terram promiſſionis, quam intraturus
erat Populus. Quandam figuram quorun-
dam gerebat Moyſes, nam qui in Regnum
Cælorum intravit, magna illa poena erat,
ad terram illam non venire, quæ ad tem-
pus erat promiſſa, ut umbram oſtenderet,
& tranſſet. Magnum erat non dediſſe
terram iſtam Moyſi, ſed Moyſen voluit ge-
ſtare figuram eorum, qui ſub lege erant,
quia per Moyſen data eſt lex: & oſtendit,
eor, qui ſub lege eſſe vellent, & ſub gratia
eſſe nollent, non intraturos in terram
promiſſionis &c. De Aaron autem quod di-
ctum eſt? Mortuus eſt & ipſe ſenex, filii
ſui ſucceſſerunt ei in Sacerdotio: Filius
ejus poſtea Sacerdotium adminiſtravit.
Quomodo & in iſtum vindicavit? Samuel
& ipſe Sanctuſ, ſenex mortuus eſt relictis
ſiliis ſucceſſoribus ſuis. Quid eſt quod in
illis vindicatum eſt? quæro, & ſecundum
homines non invenio; ſecundum autem
quod ſcio pati Servos Dei quotidie, in il-
lor vindicabatur. Legite & videte vindi-
ctas, ſed qui proſpiciat. Forte vindictas
quotidie patiebantur; populos contradi-
centes quotidie patiebantur inique viven-
tes: & inter illos vivere cogeantur, quo-
rum vitam quotidie reprehendebant. Hæc
erat vindicta, nondum proſpiciat, quia par-
va eſt.

Huc ſpectat quod dicitur *Michee 7.º* =
Iram Domini portabo, quoniam peccavi
 ei,

ei, donec causam meam judicet, & faciat judicium meum = id enim aliud non indicat, quam Prophetam illum ob peccatum Divinæ ultionis effectum, per flagella tandiu sentire, quandiu Divina Justitia toleratis suppliciis compenfaretur.

Prob. Conclusio quantum ad secundam partem ex variis Sacre Scripturæ Locis, quibus ad bonorum operum subsidium, fructusque dignos poenitentiz faciendos, allicimur, & suademur. *Proverb. 16. = Misericordia & veritate redimitur iniquitas* = *Job 4. = Eleemofyna ab omni peccato liberat* = & *Daniel 4. Quamobrem Rex consilium meum placeat tibi, peccata tua eleemofynis redime* =. Certum autem est, meris eleemofynarum largitionibus non emundari culpæ contagione lœdatis; adeoque sensus est, eleemofynis Deo pro poena temporali satisfieri; idem enim significat redimere, quod satisfacere, ut observat Bellarminus lib. de Penitent. cap. 8. = *Habemus vocem redemtionis, quæ equivalet voci satisfactionis*; & si absurdum foret dicere nostris operibus satisfieri Deo pro peccatis, multo esset absurdius dicere, nostris operibus redimi peccata = Quibusdam ergo bonorum operum exercitationibus redimi potest poenæ temporalis reatus.

Hinc miramur *Dalleum lib. de Pen. & satisfactiõib. human.* respondere: verbum redimere in Locis allegatis, non veram satisfactionem aut redemptionem, quæ pretio soluto fiat, significare, sed simplicem liberationem, & quidem gratuitam, a Deo non concessam nisi sub conditione operum poenitentiz; quo sensu usurpari probat pluribus testimoniis. Miramur inquam; Socinianis quippe contra Christi satisfactionem insurgentibus, eademque responsione utentibus, non alia via occurrunt Calvinistæ, quam dicendo: verbum redimere juxta Sacre Scripturæ phrasim pro vera satisfactione, pretique solutione passim usurpari. Vel ergo ad Socinianorum principia Dalleus recurrit, vel quemadmodum quando dicitur: Christum nostra redemisse peccata, hoc de vera satisfactione pretique solutione, juxta ipsummet Dalleum, intelligitur, ita, dum de bonis operibus idem asseritur, intelligendum est.

Aliam adhibet responsonem Calvinus, ut infringat vim autoritatum Sacre Scripturæ, quas modo attulimus, & potissimum

allatam ex *Danieli 4.* sermonem scilicet ibi institui de vera redemptione, seu compensatione, quæ, non ad debitum cum Deo, sed potius cum subditis contracta, refertur; plura namque Nabuccodonosor Rex a Subditis iniuste rapuerat, ad quæ solvenda Danielis voce indicitur redemptio, seu compensatio eleemofynis peragenda.

Sed quantum Calvinus divertat ab eo, quod intenditur mox laudata Sacre Scripturæ loco, satis superque colligitur ex adductis in eodem capite Danielis. Demus Calvinus, Regem illum alienorum bonorum usurpatorem extitisse; debitum tamen, quod illi redimendum hic suadet, erat cum Divina Justitia contractum; præmiserat enim Daniel in somnij interpretatione, quod Deus se adversus Regem ostenderat ob ejus superbiam iratum & vindicem = *Hæc est interpretatio sententiæ Altissimi, quæ pervenit super Dominum meum Regem: eicient te ab hominibus, & cum bestiis ferisque erit habitatio tua, & factum ut bos comederis, & rore Cali infunderis: septem quoque tempora immutabuntur super te, donec scias, quod dominetur Excelsus super Regnum hominum, & cuicumque volueris, det illud* = ideoque ad eleemofynas largiendas est adhortatus, ut Deum sibi redderet propitium; ac subdidit: *Forſan ignoscet delictis tuis*.

Eandem poenæ temporalis Redemptionem probat quod legitur *Jone 3. = Crediderunt Ninivite in Deum, & prædicaverunt jejunium, & vœſiti sunt Saccis a majori usque ad minorem* =, & deinde cap. 10 = *Et vidit Deus opera eorum, qui conversi sunt a via sua mala, & misertus est Deus super malitia, quam locutus fuerat, ut faceret eis* = En quomodo avertit iram suam, & vindictam Deus a Ninivitis, quam se facturum fuerat comminatus, ob jejunium atque cilicium.

Idem obtineri per quælibet opera poenitentiz, habetur *Ezechiel. 18.* ubi dicitur = *Si autem impius egerit poenitentiam ab omnibus peccatis suis, quæ operatus est, & custodierit omnia præcepta mea, & fecerit judicium & justitiam, vita vivet, & non morietur: omnium iniquitatum ejus, quas operatus est, non recordabor, in justitia sua, quam operatus est, vivet*.

Iis, quæ mox ex Testamento veteri prolata sunt, adnecti potest hæc Christi sententia ad Judæos *Luce 13. = Nisi poenitentiam egeritis omnes simul peribitis*: quæ indicta nobis fuisse poenitentia ipsius opera, & poenales exercitationes pro admisis criminibus, Sacre ipsius Scripturæ Interpretes fere omnes, & Ecclesie Patres fatentur; opera enim poenitentia Divinam præveniunt Justitiam, ne correptionem inducat pro merito culpæ, quia vindicant in nobis reatum poenæ nondum justificatione deletum, & ideo antea eosdem, & Sadducæos Dei Providentiam, vindicem Dei iram in impios, & gehennam negantes, per S. Joannem Baptistam Præcursores suum Christus monuerat *Luce 3. Facite fructus dignos poenitentia*, quibus verbis, non solum vitæ novitas, ac mandatorum Dei observatio significantur, ut volunt Heterodoxi, sed laboriosa opera ad puniendum peccata præterita, quæ seriâ poenitentiam indicant, atque ex animo vere poenitendi proficiscuntur. = *Facite fructus dignos poenitentia* (inquit S. Chrysostom. Homil. 10. in Mattheum, hoc laudatum Divi Joannis Baptistæ æssatum exponens) *Frustrificare poterimus, si utique peccatis adversa faciamus; verbi gratia aliena rapuisti? incipe jam donare propria. Longo et tempore fornicatus? a legitimo quoque usu suspendere conjugii, ac perpetuam continentiam sæpius paucorum dierum castitate meditare. Injuriam vel opere cuiquam vel sermone fecisti? refer benedictionis verba conviciis, & percutiens te nunc officiis, nunc etiam beneficiis placare contende: neque enim vulnerato sufficit ad salutem, tantummodo spicula de corpore evellere, sed etiam remedia adhibere vulneribus. Delicii antea & tumultus diffuebas? jejuniis, & aquæ potu utrumque compensa. Eodem modo loquitur S. Gregorius Papa Homil. 20. in Evangel. = Notandum est, inquit, quod amicus sponsi non solum fructus poenitentia, sed dignos poenitentia admonet esse faciendos. Aliud nancque est fructum facere poenitentia, aliud dignum poenitentia fructum facere; ut enim secundum dignos poenitentia fructus loquamur, sciendum est, quia quisque illicita nulla commisit, huic jure conceditur, ut licitis utatur: sique pie-*

tatis opera faciat, ut tamen si voluerit, ea, quæ Mundi sunt, non relinquat. At si quis in fornicationis culpam, vel fortasse, quod est gravius, in Adulterium lapsus est, tanto a se licita debet abscindere, quanto se meminit & illicita perpetrasse; neque enim par fructus boni operis esse debet ejus, qui minus, & ejus qui amplius deliquit, aut ejus, qui nullis & ejus qui in quibusdam facinoribus cecidit, & ejus qui in multis est lapsus. Per hoc ergo quod dicitur: Facite fructus dignos poenitentia: unusquisque conscientia convenitur, ut tanto majora acquirat bonorum operum lucra per poenitentiam, quanto graviora sibi intulit damna per culpam.

Inter eosdem poenitentia fructus, de quibus fit mentio in laudatis Evangelii *Luce* Authoritatibus enumerat S. Paulus *2. Corinth. 7.* punire & vindicare poenalibus operibus propria crimina = *& si contristasti vos, inquit, non me poenitet: & si poeniterat, videns quod Epistola illa, & si ad horam vos contristasti, nunc gaudeo: non quia contristati estis, sed quia contristati estis ad poenitentiam. Quæ enim secundum Deum tristitia est, poenitentiam in salutem stabilem operatur: seculi autem tristitia mortem operatur. Ecce enim hoc ipsam, secundum Deum contristari vos, quantum in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam = Cum ergo ad criminum vindictam proficit opera poenalia juxta mentem Apostoli, dicendum est, iis Divinam Justitiam compensari.*

Idem ostenditur ex Sanctis Patribus & Ecclesie Praxi.

Ad Catholica dogmata roboranda, atque Hæreticorum pervaciam demonstrandam, magis quandoque prodesse Traditiones, quam Sacra Scripturæ momenta, comperitum est. *Adversus Hæreticos* (inquit, Tertullianus lib. de Prescriptionib. adversus Hæretic.) = *magis Traditionibus, quam Scripturis differendum =* Quinimo universim id ratum fixumque est ex D. Epiphanio, quisquis contra Traditiones a Patribus & ab Ecclesia ad nos transfusas novi aliquid importat, quantumcunque Scripturis confidat, ad peregrinas absurdissimæque sententias delapsurum. Vide Hæresim 77.

Existere vero reatum poenae temporalis post justificationem, nec non inesse operibus poenitentialibus vim satisfaciendi Deo cum ipsonem satisfactionis vocabulo, quod permaxime oderunt Sectarii, apud Sanctos Patres tum Graecos tum Latinos, totamque Ecclesiam, firma sententia est & certa, ut ex Auctoritatibus hic referendis constabit.

Divus Justinus Martyr in *Dialogo* cum Thryphone apertissime ostendit, non nisi per poenitentiam peccata remitti, idque exemplo Davidis j. m. corde contriti confirmat: Itaque, ait, si omnes, qui misericordiam a Deo consequi volunt, superioris vite paniscent, id praestare possunt, eosque Beatos Scriptura appellat bis verbis: Beatus es, cui Dominus peccatum non imputavit. Hoc autem significat, cum, quem scelerum suorum panisueris, peccatorum veniam atque remissionem accepisse a Deo, non ut vosmet ipsos fallitis atque nonnulli vobis similes, qui ex hoc concludunt, si peccatores sint, dummodo Dei notionem habeant, Dominum sibi peccata non esse imputaturum. Hoc declarat unum peccatum Davidi, quod propter gloriationem & superbiam suam admisit, quod quidem tum denique remissum est, cum ita clamavit, & lamentatus est, ut Scriptura declarat. Quod si tali gratia delicti ante facta non est, quam cum illius panisueret, sed cum hac magno clamore pronunciavit magnus ille Rex, & Christus, & Propheeta; quid est cause, cur impurissimi flagitiosissimi, & desperati, nisi lamententur, plangant, eosque paniscent scelera, Dominum sibi peccatum non esse deputaturum, sperare possint?

Idem adstruit Tertullianus lib. de Penitentia: Quam porro ineptum est, inquit, poenitentiam non adimplere, & veniam delictorum sustinere, hoc est pretium non exhibere, ad mercedem manum mittere; hoc enim pretio Dominus veniam addicere instituit. Hoc poenitentiae compensatione redimendam proponit iniquitatem; Et lib. de Baptismo = De praeteritis, inquit, satisfacimus confessione carnis, & Spiritus, & cap. 9. satisfactione descripta, asserit, ab ea Divinam indignationem averti; quod profecto aliud non est, quam poenam a Deo peccatorum commissorum intuitu insigendam

media satisfactione relaxari = Itaque Exomologesi, ait, prosterndi & humiliantis hominis est disciplina, conversationem injungenti misericordiae illicem. De ipso quoque habitu atque victu mandata, sacco & cineri incubare, corpus foribus obscurare, animum maroribus delicere, illa, quae peccatis, tristi tractatione mutare: ceterum passum & potum pura nosse non veniris scilicet, sed animae causa; plerumque vero jejuniis precis alere, ingemiscere, lacrymari, & mugire dies noctesque ad Dominum Deum tuum, Presbyteris aduolui & caris Dei adgeniculari, omnibus Fratribus legationes deprecationis suae iniungere. Haec omnia Exomologesi, ut poenitentiam commendat, ut periculi timore Dominum honoret, ut in peccatorem ipsa pronuntiant, pro Dei indignatione fungatur, & temporali afflictione aeterna supplicia, non dicam frustrentur, sed expungantur = Debent advertere Sectarii ea, quae dictis operibus tribuit Tertullianus, non posse iis convenire, nisi vim satisfaciendi obtineant.

A Tertulliano non discrepat Origenes; suadet enim congruum post vitae superioris excessus Fidelibus poenitentiam, quam putat, Divinam praevire vindictam, ne graviora illi ex Dei sententia compellantur subire supplicia = Vides (inquit, Homil. 3. in Lib. Judicum) Misericordiam cum securitate miscentem, & ipsius pene modum iusta, & clementi libratione pensantem. Non in perpetuum tradit delinquentes, sed quanto tempore errasse te nosti, quanto tempore deliquisti, tanto nihilominus tempore humilia te ipsum Deo, & satisfacito ei in confessione poenitentiae. Non expelles, ut humiliter te Chusarsatom, & invito necessitas extorqueat poenitentiam, sed ipse praevenerit tororis istius manus: qui si te ipse emendaveris, si te ipse correxeris, pius & misericors Deus, qui vindictam temperet ab eo, qui illum puniendo praevenerit.

Nusquam meminit S. Cyprianus in Lib. de Lapsi poenitentiae absque satisfactione, velut proprio charactere = Confitentur, inquit, singuli delictum suum, dum satisfactio & remissio per Sacerdotes, apud Dominum grata est: conversamur ad Dominum mente tota, & poenitentiam criminis veris doloribus exprimentes, Dei misericordiae

sericordiam deprecemur. Illi se anima prosternat, illi maestas satisfaciatur; illi spes omnis incumbat = Deinde illorum temeritatem danans, qui pacem lapsis non praemissa congrua satisfactione largiebantur, inquit = *illa sola superest poenitentia, quae satisfaciatur. Qui autem poenitentiam criminis tollunt, satisfactionis viam claudunt: ita fit, ut dum de temeritate quorundam vel promittitur salus falsa vel creditur, spes vera salutis adimatur* = Tandem ubi multis offendit, Deum nostris laboriosis poenitentiae operibus placari, efficaciam satisfactionis commendat; unde destruitur Axioma, quo Heterodoxi contendunt, satisfactionem nulla penitus virtute pollere = *Qui sic Deo, inquit, satisfeceris, qui poenitentia facti sui, qui pudore delicti, plus virtutis & fidelis de ipso lapsus sui dolore conceperit, exauditus & adiutus a Domino, quam contristerat nuper, letam faciet Ecclesiam; nec iam solum Dei veniam merebitur, sed coronam* = S. Hilarius Pictaviensis Episcopus idem asseruit quarto saeculo, quod S. Cyprianus tertio, exponens illud Psalmi 118. = *Exitus aquarum deduxerunt oculi mei &c.* = *Hae poenitentiae vox est, inquit, lacrymis ingemiscere, & per hanc confidentiam dicere: lavabo per singulas noctes stratum meum &c.* Haec venia est peccati, fonte stectum flere, & longa lacrymarum imbre madescere = Operibus vero, quibus obtinetur venia peccatorum, inest vis satisfaciendi Deo pro poena temporali.

Iisdem fere coloribus, quibus D. Cyprianus & D. Hilarius Pictaviensis utuntur, poenitentiam adumbrat D. Basilii Neocaesariensis Episcopus Homilia in haec verba Moyses: *Attende tibi ipsi* = *Itaque, inquit, attende tibi ipsi, ut pro delicti proportionem, hinc quoque mutueris ex admota tibi medela valeat tibi instauranda subsidium. Magnum est & grave peccatum? multa opus habes confessione, lacrymis amarulentis, peracri contentione, vigiliarum indivulso & continentis jejunio. Levis est nec intoleranda offensio? hic quoque exequetur poenitentia, tantum hoc est: attende tibi ipsi, ut internosse possis, recte ne, an secus valeas.*

Audiendus nunc S. Ambrosius, vel quifquis sit Author libri de poenitentia ad Virginem lapsum, qui non suaderet laboriosa

poenitentiae opera post lapsum, nisi, ea ad solvendum debitum poenae temporalis plurimum prodesset, atque vim habere, ad compensandam injuriam Deo illatam per peccatum, sentiret = *In primis* (sic Virginem lapsum alloquitur) *vite hujus cura interimenda est, & quasi mortuam te existimans, sicut ei, quomodo possis reviviscere cogita.* Deinde lugubris tibi accipienda est vestis, & mens ac membra singula digna castigatione puniunda. Amputentur crines, qui per vanam gloriam occasionem luxuriae praestiterunt: defluant oculis lacrymae, qui masculum simpliciter non aspexerunt: pallescat facies, quae quondam virum impudice. Denique totum corpus injuria maceretur, cinere aspersum & opertum cilicio perhorrescat, quia male tibi de pulchritudine placuit. Cor vero sit liquefactum sicut cera, jejunium inquietans semetipsum, & cogitationibus ventilans, quare sit ab inimico subversum; sensus etiam crucietur, quia in membro corporis cum haberet dominationem, male cessit imperio. Talis vita, talis actio poenitentiae, si fuerit perseverans, audebit sperare, & si non gloriam virginitati debitam, certe poenae evacuationem = Idem docuit D. Ambrosius Lib. 7. in Lucam. cap. 9. his verbis = *Sicut qui pecuniam solvunt, debitum reddunt, nec prius evacuat se noris nomen, quam totius sortis ad numerum usque quocunque solutionis genere quantitas universa solvatur, sic compensatione charitatis, actuumque reliquorum, vel satisfatione quocunque peccati poena dissolvatur* = Haec pariter habet S. Antistes Lib. 2.º de Poenitentia cap. 5.º = *Qui agit poenitentiam, non solum diluere lacrymis debet peccatum suum, sed etiam commendatioribus factis operire & tegere delicta superiora, ut non ei imputetur peccatum.* Ergo regimus lapsus nostris posterioribus factis, mundemus stectibus, ut audiat Dominus noster ingemiscences.

His consentanea sunt quae tradidit S. Hieronymus Commentar. in Malach. = *Qui peccator est, inquit, & quem propria conscientia mordet, cilicio poenitentiae accingatur, & plangat tam sua delicta quam Populi, atque iterum ingreditur Ecclesiam, de qua fuerat eiecit, & cu-*

bet in sacco, ut prateritis deliciis, per quas Deum offenderat, vitæ austeritate compenset = Clarius autem luce meridiana est, quod delicias, quibus Deus offensus est, compensare vitæ austeritate, idem profecto sit ac Deo satisfacere.

Ex S. Gregorio Papa in *Lib. Moralium* aliqua proferimus, ad controversiam, de qua agimus, dirimendam, maxime utilia. Ostendit Sanctus Pontifex *lib. 4. Moral.* poenitentiam debere commissis criminibus correspondere = *Si diem, inquit, quam peccati delectationem discimus, tot impeti precibus audivimus, ut videlicet circumdantes fletus expient, qui aliquid delectatus per negligentiam animus deliquit, quanta animadversioe hujus diei nos ferienda est, videlicet ipse consensus ad culpam? Tanto arctiori manu poenitentiae menti a pollutione tergen la est, quanto se per consensum conspiciit sordibus inquinatum* = Et *Lib. 9. cap. 17. ex illo Job* Scio quod non parceres delinquenti = infert, peccatum impunitum remanere non posse ob maculam, seu reatum poenae in justis supersititem, vel Divinis correptionibus, vel poenitentiae operibus eradendum = *Delinquenti, ait, Dominus nequaquam peccato parcat, quia nullatenus sine vindicta laxatur. Sic David audire post confessionem meruit: Dominus transulit peccatum tuum: & tamen multis post cruciatibus afflictus ac fugiens, reatum culpæ, quam perpetraverat, absolvit. Sic nos saluti unda a culpa primi Parentis absolvimur, sed tamen reatum ejusdem culpæ diluentes, absoluti adhuc carnaliter obimus: sciens quod non parceres delinquenti: quia delicta nostra sive per nos sive per semetipsum rescat, etiam cum relaxat. Ab Electis enim sunt, iniquitatum maculas studet temporalis afflictione tergere, quas in eis in perpetuum non vult vindicare.*

Venio ad S. Iuliorum Hispalensem, qui *Lib. 2. de Divin. Offic. cap. 16.* cum dixisset: Deum in poenitentiae actionibus, non tam temporis mensurans, quam dolorem attendere, eoquod cor contritum & humiliatum non spernat, addidit: *Verum tamen quantum in peccando fuit. ad malum propensior mentis intentio, tanto devotior debet esse poenitudo.*

Sanctorum Patrum sententiis inhaeret

S. Bruno Carthusianus *cap. 12. in Epist. ad Roman.* his verbis = *Licet peccata dimittat Dominus, nulli tamen poena remittitur, quin vel in hac vita, vel in futura solvatur, vel ab ipso homine spontanea voluntate, quod acceptus est, vel ab illo sibi inferente.*

Accedit S. Bernardus, qui præcedentium Patrum doctrina in hac re apprime eruditus, se ipsum ad fletus & jejunia excitat, superni Judicis sententiam declinaturus = *Unum est tamen, si nosmetipsos judicaverimus, (inquit Serm. 55. in Cantica) non utique judicabimur. Bonum judicium, quod me illi districto Divinoque judicio subducit, & abscondit. Prorsus borreo incidere in manus Dei ventis. Volo vultui iræ judicatus præsentari, non judicandus. Spiritualis homo omnia judicat & ipse a nemine judicatur. Judicabo proinde mala mea, judicabo & bona; mala melioribus curaba corrigere actibus, diluere lacrymis, punire jejuniis, caterisque sanctis laboribus discipline. In bonis de me humiliter sentiam, & juxta præceptum Domini servum me inutilem reputabo, qui quod facere debui, tantum feci. Scrutabor ego vias meas & studia mea, quo is qui scrutaturus est Hierusalem in lucernis, nihil in scrutatum in me sine discussione inveniat; neque enim judicaturus est bis in idipsum. Quid mihi des, ita ad liquidum prosequi & persequi universa delicta mea, ut in nullo oporteat vereri oculos Capree, in nullo ad lumen contingat erubescere lucernarum? Et profecto D. Bernardus ad luctuosæ poenitentiae exercitium tantopere non se excitaret, neque id Patres, quos superius memoravimus, labore tanto ac vi aliis commendaret, nisi, post reatum poenae aeternæ, qui media justificatione aboletur, in justis ipsis debitum poenae temporalis operibus redimendum superesse, constantissime crederent.*

Respondet tamen Calvinus *Institution. lib. 3. cap. 5. §. 38.* a veritatis tramite declinasse Patres omnes, quos, id opinatos fuisse, nec ipse audent negare = *Parum, ait, me movent, quæ in veterum scriptis de satisfactione passim occurrunt. Video quidem eorum nonnullos, dicam simpliciter, omnes fere, quorum libri extant, aut hac in parte lapsos esse, aut minus asserere & dure locutos. Æquum*

Æquum tamen erat (quis non videat) & rationi accomodatius, ut Calvinus errores suos ex doctrina veterum Patrum corrigeret, quam ut ad culpam erroris sui defendendam, totius Ecclesie doctrinam, & unanimum Patrum sententiam reprobaret. Quam vero ineptum sit Calvini responsum, patet 1.^o ex eo, quod hieri non potuit, ut nemo errorem illum per quindecim priora secula in Patribus non deprehenderit. 2.^o Cum una omnium Patrum ea in re sententia sit, illud Tertulliani merito repetendum est = *Quod apud omnes unum est, non est erratum, sed traditum* = 3.^o tandem, quia opere pretium erat eundem meminisse doctrinæ, quam in *citat. lib. cap. 3. §. 15.* omnino conformem menti Sanctorum Patrum tradiderat, videlicet sperare nos debere Deum propitium atque misericordem ob severiorem vindictam de propriis sceleribus a nobis susceptam, Divini iudicii horrore excitatam; dixerat enim = *Postrema est vindicta, quo enim severiores in nos sumus, & acriori censura questionem habemus de peccatis nostris, eo sperare debemus magis propitium ac misericordem Deum. Et certe fieri non potest, quin anima Divini iudicii horrore percussa, partes ultionis in exigenda a se pena occupet* = Quod sane Sanctorum Patrum sententiam de satisfactionis virtute demonstrat, dum nos per opera poenitentiae ad placandam iram Divinam alliciunt, evincitque eadem opera vim satisfaciendi Deo pro poenis temporalibus obtinere.

Roboratur nunc eadem Doctrina, seu Dogma ex Praxi Ecclesie infligendi Peccatoribus poenitentias salutares. Mos enim Ecclesie semper obtinuit, poenalibus operibus eos, qui in Deum deliquerant, obligare, tum ad præterita peccata vindicanda, tum ad præcaveunda futura, quantumvis ad statum gratiæ sive per contritionem, sive per absolutionem revocatos; quod certe concludenter evincit, & reatus poenæ post justificationem non raro existentiam, nec non satisfactionis ad ejus remissionem utilitatem; & ideo monet Tridentinum *sess. 14. cap. 8.* = *Habeant autem præ oculis Sacerdotes, ut satisfactio, quam imponunt, non sit tantum ad novæ vitæ custodiam & infirmitatis medicamentum, sed etiam ad præteritorum vindictam & castigationem ad solvendum.*

Quatuor olim extitisse Poenitentium, classes, seu gradus, Fletum scilicet, Auditionem, Substrationem & Consistentiam ab iis, qui gravius criminibus publicis conscientiam suam foedaverant, poenalibus operibus percurrendas, supra in *Dissert. proemiali Historie. §. 2.* dictum est, ex Epistola Canonica D. Gregorii Thaumaturgi Neocæsariensis Episcopi, ex alia Epistola Canonica D. Basilii Magni ad Anphilochium Iconii Episcopum, nec non ex Conciliis, cæterisque Patribus. Ita autem publice poenitentia usus superioribus sæculis viguit, ut ad Apostolorum usque tempora pertingat. In interitum carnis, seu ad poenitentia labores S. Paulum Apostolum incæstuosum Corinthium damnasce, ut spiritus salvus fieret, proindeque ut superioris vitæ scelera redimeret, habetur ex *1. Corinthior. cap. 5. §. 3.* = *Ego quidem absens corpore, præsentem autem spiritu, jam iudicavi ut præsentem cum, qui sic operatus est, in nomine Domini nostri Jesu Christi, congregatis vobis, & meo spiritu cum virtute Domini nostri Jesu, radere huiusmodi Satanæ in interitum carnis, ut spiritus salvus fiat in die Domini nostri Jesu Christi* = *Ut luterimeret* (inquit D. Augustinus adversus Parmenianum scribens) *in se incæstuosus Corinthius sceleratam carnis concupiscentiam.*

Respondent Adversarii, non pertinuisse poenitentias illas antiquas ad remissionem poenarum, quæ peccatis debebantur, sed ad externam tantummodo Ecclesie politiam: ideoque poenitentia aut satisfactionis nomine, merum ritum externum intelligi, quo poenitentes Ecclesiam certiores reddebant de sua conversione. = *Vocarunt* (inquit Calvinus *lib. 3. Institutionum. cap. 4. §. 39.*) *ut plurimum satisfactionem, non compensationem, quæ Deo redderetur, sed publicam testificationem, qua qui excommunicatione multati fuerant, cum in communionem recipi vellent, Ecclesiam reddebant de sua poenitentia certiores; indicabantur enim illi poenitentia, certa jejunia & alia, quibus se prioris vitæ, vere & animo perituros esse, approbarent, vel potius priorum memoriam obliterarent: atque ita dicebantur non Deo sed Ecclesie satisfacere* = Eodem subterfugio se protegit Philippus Melancthon in Apologia Confessionis Augustanæ *Art.*

Art. de Confess. & satisfact., ubi dicit = *Scholastici viderunt in Ecclesia esse satisfactiones, sed non animadvertentes, illa spectacula instituta esse tum exempli causa, tum ad probandos hos, qui debebant recipi ab Ecclesia; in summa non viderunt esse disciplinam, & rem prorsus politicam.* Accedit, luctuosas corporis afflictiones, de quibus fit mentio apud Patres & Concilia, affecisse etiam Catechumenos; ut habetur ex *Epistol. Decretali Siricii Papæ ad Hymernum Episcopum Terraconensem cap. 2.* = *Generalia Baptismatis tradi convenit Sacramenta his dumtaxat electis, qui ante quadraginta, vel eo amplius dies nomen dederint exorcismis, quotidianisque orationibus atque jejuniis fuerint expiati* = & tamen nemo dixerit Catechumenos pro remissione poenæ temporalis jejuniis aliisque poenitentiae operibus indigere; cum juxta doctrinam a Patribus receptam Sacramentale Baptismatis lavacrum regenerans homines, nihil ex commissis criminibus eis relinquit solvendum pro poena temporali.

Sed licet hic sive oscitantiam, sive pertinaciam Hæreticorum notare. Primo enim apertissime liquet, Ecclesiam per poenitentiam publicam, non tam exterioris ritus civilisque disciplinæ rationem habuisse, quam ad debitum satisfaciendi Deo pro peccatis attendisse. Non pigeat Sanctos Confessores vinculis pro Christi fide mancipatos audire ita loquentes in Epistola ad Cyprianum data, inter Cyprianicas xxv i., in qua poenitentiae publicæ finis ejusque consuetudo laudatur. = *Ubi poenitentiae metus relinquitur, sitam facile peccantibus venia præstetur? Fovendi sunt sane ipsorum animi, & ad maturitatis suæ tempus nutriendi, & de Scripturis Sanctis, quam ingenti, & supra omnia peccatum commiserint, Instruendi* *Eluenda sunt igitur in ipso sacrificio manus inquinatæ, operibus bonis, & nefario cibo ora misera polluta, poenitentia sunt vere sermonibus expianda, & in secretis cordis fidelis novellendus & consecrandus est animus: crebri poenitentium gemitus audiantur; & iterum fideles ex oculis lacrymæ profundantur; ut illi ipsi oculi, qui male simulacra confecerunt, quæ illicitè commiserant, satisfaciendis Deo stetitibus deleant* = Disertissime idem

tradit S. Episcopus laudatus *serm. de Lapsis*: = *Orare, inquit, oportet impensius, justis operibus incumbere, quibus peccata purgentur: elemosynis frequenter insistere, ut inde crimen & culpa redimatur. Si precem toto corde quis faciat, si veris poenitentia lamentationibus & lacrymis ingemiscat, si ad veniam delicti sui Dominum justis & continuis operibus instectat, misereri talium potest, potest Indulgentiam dare. Poenitenti roganti, operanti potest Deus clementer ignoscere, potest in acceptum referre, quidquid pro talibus petierint Martyres, & fecerint Sacerdotes: vel si quis plus cum suis satisfactionibus moverit, sive iram, si indignantis offensam iusta deprecatione placaverit; dat ille & arma rursum, quibus victus armetur, & reparat & corroborat vires, quibus fides instaurata vegetetur* = . Non vocaret S. Basilii publicam poenitentiam ex Evangelio institutam, si ad civilem dumtaxat pertinuisset disciplinam = *Hæc omnia scribimus* (inquit, variis statutis poenitentialibus canonibus, in Epistola ad Amphilochem *Can. lxxxiii.*) *ut poenitentia eorum fructus probetur; non enim hoc omnino tempore judicamus, sed modum poenitentia attendimus. Quid si qui a propriis moribus non facile avellantur, & carnis voluptatibus potius quam Deo servire voluerint, vitamque ex Evangelio institutam non admittant, nulla est nobis cum illis communis ratio. Nos enim in inobediente & contradicente populo audire docti sumus: servans serva animam tuam* = Poenitentia publicæ actionem fundet D. Augustinus peccatori ex Apostolo, ob manifesta flagitia, quæ non tam ut ad aliorum exemplum pronoceret quam ut propriæ salutis consuleret. = *Quid ad Galatas* (ait Homil. i. de utilitate & necessitate poenitentia lib. 50. Homiliar.) *idem Apostolus? Nonne talia enumerant eodem fine concludit? Manifesta sunt, inquit, opera carnis, quæ sunt fornicationes, immundities, contentiones, emulationes, animositates, dissensiones, hereses, invidiæ, ebrietates, commensationes & his similia, quæ prædico vobis, sicut prædixi quoniam qui talia agunt, regnum Dei non possident. Judicet ergo se ipsum homo in istis voluntate dum potest veniat ad Antistites, per quos illi in Ecclesia Claves ministrant.*

nistrantur, & tamquam bonus incipiens jam esse filius, maternorum membrorum ordine custodito, a Præpositis Sacrorum accipiat satisfactionis sue modum, ut in offerendo sacrificio cordis contribulati, devotus & supplex id tamen agat, quod non solum illi pro se ad recipiendam salutem, sed etiam cæteris ad exemplum = Constat itaque ex Patribus, eas antiquas poenitentias non fuisse ad ritum dumtaxat externum institutas, quo Poenitentes Ecclesiam certiores redderent de sua conversione, ut volunt Heterodoxi, sed etiam potissimum, ut satisfactione Deo præstita, veniam peccatorum obtinerent.

Quod vero Catechumeni prævie ad Baptismatis receptionem poenitentialibus oneribus subderentur, id fiebat, ut efficax conciperent propositum non peccandi de cætero, depravatos corrigerent mores, atque habitus vitiosos eradicarent; ita tamen, ut si in vitæ discrimine constituti, post receptum Baptismatis Sacramentum convalescerent, ad poenitentiae onera non redirent. E contra ad poenitentiam publicam damnati, si mortis periculum evasisent, obtenta reconciliatione cum Deo & Ecclesia, adhuc tenebantur poenitentiae stadium exple = *Qui recedunt* (decrevit Concilium Arauxicanum Can. 11.) *de Corpore, poenitentia accepta, placuit sine reconciliatoria manus impositione eis communicare, quod morientis sufficit reconciliationi, secundum definitiones Patrum, qui hujusmodi communicationem congruenter Viaticum nominarunt. Quod si supervixerint, stent in ordine Poenitentium, ut ostensis necessariis poenitentiae fructibus, legitimam communionem cum reconciliatoria manus impositione recipiant* = Idem habetur ex Concil. Nicæn. Can. 111., & Carthagin. IV. Can. XXXVI. Quæ disciplinæ diversitas indicat, Patres etiam post reconciliationem in mortis periculo indultam illis, qui post Baptismum deliquerant, existimasse, opera poenalia necessaria esse, ut congrue Deo pro peccatis satisfacerent.

Solvuntur Argumenta, quibus Heterodoxi probare nituntur, nunquam, peccato remisso, superesse Debitum poenæ temporalis satisfactorii operibus redimendum.

Heterodoxorum contra nostram & Catholicæ Ecclesiæ doctrinam argumenta ad duo capita reducuntur: Contendunt primo non superesse in Justificatis reatum poenæ temporalis; secundo, nostris operibus non inesse virtutem ad satisfaciendum Deo.

Obiiciunt 1.^o Si justificatus foret debito poenæ temporalis obnoxius, adhuc post justificationem, ex sua impietate detrimentum subiret, contra id quod dicitur *Ezechiel. 33. = Impletas impli non nocebit ei, in quacumque die conversus fuerit*; & ad Rom. 8. *Nihil damnationis est illis, qui sunt in Christo Jesu* = Juxta ergo Ezechielis & Apostoli doctrinam, peccato quo ad culpam remisso, nihil superest, per quod justificatus Divinæ ultioni subdatur.

Resp. Damnum illud, cui subest justificatus, esse mere temporale, cui profecto non adversatur *Ezechiel* loco citato; vult enim dumtaxat, peccatum lethale minime impediturum impium convertentem se ad Deum per actum Charitatis, ut vitæ æternæ beatitudinem consequatur; & perspicue colligitur ex illis verbis: *quia non vult mortem peccatoris, sed ut magis convertatur & vivat*. Hanc esse legitimam illius autoritatis expositionem evincitur ex eo, quod poenæ temporales, quibus Deus peccatum remissum castigat, nedum habent rationem vindictæ, sed etiam remedii, quo Deus humanæ conditionis fragilitati medetur. = *Quando correptus* (inquit D. Augustinus libro. 22. contra Faustum loquens de Davide) *per Prophetam dixit: peccavi; continuo ad hoc verbum audire meruit, quod acceperit veniam. Ad quam rem? nisi ad æternam salutem? Neque enim prætermissa est in illo secundum Dei condemnationem flagelli paterni disciplina, ut & confessus in æternum liberaretur, & afflictus temporaliter probaretur. Intelligebat enim vir Sanctus, nisi Dominus esset confitenti, poenitentique propitius, quantum poenarum æternarum, ejus essent digna peccata, pro quibus cum temporalibus emendationibus urceretur; videbas erga se, & manere veniam, &*

non

non negligi medicinam = Insuper eodem sensu debent intelligi ea verba Ezechielis, quod ibidem alia leguntur de iusto in lethale peccatum prolapsio = *Iustitia Iusti non liberabit eum in quacunque die peccaverit* = Porro & Patres docent, & experientia suadet, quod quamquam ei opera prædicta ad vitam æternam non profint, aliqua tamen temporali mercede non fraudentur. Quod ergo impietas iustificatio non noceat, minime evincit, quod idem poenis temporalibus non subdatur, vel in hoc seculo media satisfactione luendis, vel in Purgatorio.

Ad aliam Apostoli auctoritatem respondemus cum Esilio, damnationem eo loci, vel mortem æternam vel mortis æternæ reatum significare. Tum quia Apostolus *capit. 8.* ejusdem Epistolæ ibi = *Quorum damnatio iusta est* = & 13. = *Ipsi sibi damnationem. acquirunt* = nihil aliud, quam æternam mortem, vel mortis æternæ reatum intelligit. Tum quia, ex eo quod aliquis spiritu serviat legi Dei, sola vero carne legi peccati, inserti, in tali homine nihil remanere damnationis, vel morte dignum, ut qui post Baptismum Christo incorporatus est, jam non secundum carnem ambulet. = *Lex enim, ait, Spiritus vitæ in Christo Jesu liberavit me a lege peccati, & mortis* = Ubi ut vides, quod antea damnationem dixerat, nunc mortem vocavit; quam citra dubium æternam significat; cum, quod ad temporalem attinet mortem, testetur eodem capite, etiam in renatis fonte Baptismatis corpus mortuum esse, id est morti obnoxium propter peccatum.

Obijciunt 2.^o nequit intelligi quomodo in homine contrito detur obligatio ad subeundam poenam temporalem; siquidem culpæ reatus, unde hæc obligatio tamquam a causa originem trahere asseritur, ita auferretur, ut emundari unusquisque dicatur in Sacra Scriptura. *Jo. 1.^o cap. 1.^o Sanguis Christi filii ejus emundat nos ab omni peccato* =, & 1.^o *Chorinib. 6.* = *Hæc quidem fuistis, sed abluti estis, sed sanctificati estis, sed iustificati estis in nomine Domini nostri Jesu Christi, & in spiritu Dei nostri* =. Ablata autem causa, auferri effectum pariter necesse est, ac proinde in homine perfecte contrito nunquam datur obligatio subeundi poenam temporalem.

Resp. In Moralibus, pereuntibus &

cessantibus causis adhuc effectus permanere; in Baptizatis enim Originalis culpæ non remanet, jam abluti & emundatis Sacramenti virtute, & tamen adhuc poenales ex ea prodeuntes perseverant. Sic ergo manet post justificationem homo obligatus ad poenam, non quia poenæ æternæ reatus persistat, sed quia poena æterna, quæ ante justificationem peccato lethali debebatur, commutatur in temporalem. Eo vel maxime, quod, licet homo per justificationem mündatus & ablutus sit & dicatur a macula peccati, adhuc ordo Divinæ Justitiæ postulat, ut ille debito poenæ temporalis subdatur, ac in se ipso puniat id quod antea contra Legem Divinam commisit = *Ordo Justitiæ*: (inquit D. Thomas 3. *contra Gent. cap. 158.*) *hoc requirit, ut peccato poena reddatur; ex hoc autem quod ordo servatur, in rebus sapientia Dei gubernantis apparet. Pertinet igitur ad manifestationem Divinæ bonitatis & Dei gloriam, quod pro peccato poena reddatur: sed peccator peccando contra ordinem divinitus institutum facti, legem Dei prætergrediendo. Est igitur conveniens, ut hoc recompenset in se ipso puniendo, quod prius peccaverat; sic enim totaliter contra ordinationem constituitur. Per hoc ergo patet, quod postquam homo per gratiam remissionem peccati consecutus est, & ad statum gratiæ rediit, remanet obligatus ex Dei Justitiæ ad aliquam poenam pro peccato commisso, quam quidem poenam, si propria voluntate a se exegerit, per hoc Deo satisfacere dicitur, in quantum cum labore & poena ordinem divinitus institutum exequitur, pro peccato se puniendo, quem peccando transgressus fuerat propriam voluntatem sequendo.*

Obijciunt 3.^o Gratia Christi, quæ per dilectionis meritum humani generis redemptionem operatur; non minus proficit ad salutem liberando homines a culpa, quam egerit Adæ peccatum ad ruinam, eos inficiendo, qui ex ipso nascuntur. = *Non sicut delictum ita & donum* (inquit Apostolus ad Rom. 5.^o) *semper unusquisque delicto mortui sunt, multo magis gratia Dei, & donum in gratia unius hominis Jesu Christi in plures abundavit* = Quamobrem sicut per primum Adæ peccatum, mortem animæ, seu culpam poenæque reatum contra-

tra-

traximus, ita per gratiam, nec non meritum Christi resurgentes ad novam vitam, tam a culpa quam a poena immunitatem obtinemus. Alias majus fuisset damnum ex demerito primi Parentis illatum, quam sit beneficium ex Christi redemptione derivans.

Resp. non dissimili argumento probari posse, mortem, aliasque vitæ præsentis calamitates esse a justificationis media gratia Christi ablegandas, ne minus prosit nobis obedientia Christi, quam attulerit detrimenti Adæ peccatum. Itaque quamquam poena relinquatur post justificationem, adhuc verum est, magis nobis prodesse Christi gratiam ad salutem, quam Adæ peccatum nocuerit ad mortem, quia per inobedientiam Adæ, peccatum dumtaxat, ab eo ut capite humanæ naturæ commissum, potuit ad posteros traduci, secus vero peccatum, quod ab eo ut a persona particulari perpetratum fuit. Ex dilectione vero Christi ejusque obedientia, adeo uberem gratiam in nos profusam agnoscimus, ut ea nedum Originale peccatum, verum etiam quodcumque personale deleatur: = *Illud verbum Apostoli* (inquit D. Thomas auctoritatem Apostoli prælaudatam exponens *quest. 89. art. 2. in resp. ad 3.*) = *intelligitur de gratia Christi, quæ superat omnem abundantiam humanorum peccatorum* = Addimus: Adæ peccatum ita quantum ad culpam posteros infecisse, ut solum juxta communio rem sententiam poenæ damni reatum induxerit, non verò poenæ servus. Ex merito vero Christi, gratiam in justificatione consequimur, dantem jus ad gloriam æternam, qua debitum pariter poenæ sensus æternæ penitus extinguitur, ex peccatis personalibus ortum ducens.

Obijciunt 4.^o Peccatorum remissio fieri debet omnino gratis juxta Apostolum ad Rom. 3. = *Justificati gratis per gratiam ipsius, per redemptionem, quæ est in Christo Jesu* = adeoque citra quamlibet ex parte nostra satisfactionem, quæ maxime gratiæ remissionis adversatur; justificatio namque ex operibus fieret, si ad poenæ temporalis veniam obtinendam actus nostri concurrerent. Ex quo legitime posset inferri, satisfaciendum habere causam, unde posset gloriarī, atque ab aliis non satisficientibus se discernere. Rursus: debitum illud poenæ temporalis in justificato perseverans

media satisfactione redimendum, non coheret orationi, quam æterno Patri nobis Christus *Matt. 6.* fuzidendam commendavit, quæ enixe postulamus, debita nostra relaxari, quemadmodum nos agimus cum Debitoribus, ibi = *Dimittite nobis debita nostra, sicut & nos dimittimus Debitoribus nostris* = constat enim ita nos illatæ injuræ debitum vere condonare, ut nihil ab offendente repetamus in vindictam. Hinc si aliquis, in remittendo alteri injuriam, ita se gereret, ut vellet nihilominus offensorem suum supplicio perstringi, illi ex corde ignoscere minime censeretur. Cum ergo dici nequeat, Deum ex corde homini justificato, qui eum graviter offenderat, vere & proprie culpam non remississe, dicendum est, tale debitum poenæ temporalis in homine justificato nequaquam persistere.

Resp. peccatorum remissionem, quæ cum impiorum justificatione coincidit, importare transitum, quo homo de statu peccati lethalis ad habendam gratiam, sanctificantem transfertur, ac a Diaboli servitute emancipatus, adoptivus Dei Filius evadit, atque hæres æternæ beatitudinis constituitur; quod quidem soli Divinæ misericordiæ reservatur, citra quodlibet meritum a peccatore conquistum. Et hoc meritum excludere nititur Apostolus dicens, gratis homines justificari. Hoc communiter docent Theologi juxta mentem S. Augustini aliorumque Patrum, qui acerrime contra Pelagianos & Semipelagianos gratiæ necessitatem, & Catholicam justificationis veritatem propugnaverunt: nihil scilicet eorum actuum, qui peccatorum lethaliū remissionem præcedunt, obtinere rationem meriti ad eandem remissionem habendam. Nec aliud voluisse Apostolum, declarat Tridentinum *sess. 6. cap. 8.* his verbis. = *Cum vero Apostolus dicat: justificari hominem per fidem gratis, ea verba in eo sensu intelligenda sunt, quem perpetui Ecclesiæ Catholice consensus tenuit & expressit; ut gratis justificari dicamur, quia nihil eorum, quæ justificationem præcedunt, sive fides, sive opera ipsam justificationis gratiam promeretur; sicut enim ex gratia fit, jam non ex operibus; alioquin, ut idem Apostolus inquit: gratia jam non est gratia* = Quæ autem nos de operibus poenæ temporalis pro

R

redem-

redemptione debiti poenae temporalis diximus, doctrinae Apostoli vel Tridentini non derogant, quia gratiae sanctificantis infusionem, seu impiorum justificationem ea opera subsequuntur, atque ab illa ad poenae illius compensationem faciendam, valorem accipiunt; quapropter non sequitur in illis quemquam posse gloriari = *Neque enim* (ut loquitur Tridentinum *sess. 14. cap. 8.*) *ita nostra est satisfactio hae, quam pro peccatis nostris exolvimus, ut non sit per Christum Jesum; nam qui ex nobis, tamquam ex nobis nihil possumus, eo cooperante, qui nos confortat, omnia possumus, ita non habet homo unde glorietur, sed omnis gloriatio nostra in Christo est. In quo vivimus, in quo meremur, in quo satisfacimus* = Nec debitum illud poenae temporalis, pro quo iustitiae satisfaciunt, officit, quominus sincere dicere possimus Deo = *Dimitte nobis debita nostra, sicut & nos dimittimus Debitoribus nostris* = quia quod post perpetrata crimina a Deo postulamur, non oritur ex odio, sed ex zelo Divinae iustitiae; non raro quippe charitas Patris in Filium, Praepositi in servum pie saevit, ubi iustitiae leges exposcunt. = *Charitas* (inquit, D. Bernardus in *Epist. 2.* *Ple solet saevire, sine dolo mulcere, patienter novis irasci, humiliter indignari* = Et ideo exemplum allatum potest in Adversarios retorqueri; qui enim offensam patitur, aut in facultatibus aut in fama, vel in persona, potest ita offendentem injuriam remittere, atque laudentem in gratiam recipere, ut velit, ne patiatur detrimentum iustitiae, damnum sibi illatum reparari; & quanquam nequeat auctoritate privata malum pro malo rependere, potest offendentem ad satisfactionem, vel ad poenam iudicis auctoritate compellere. Ita igitur Deus, qui non solum laesus, sed etiam iudex est, ut violata misericordiae simul ac iustitiae jura quodammodo reparentur, misericordia motus culpam condonat, ac poenitentes ad gratiam recipit, non tamen poenam semper relaxat; ut peccator, qui ab ordine Divinae iustitiae legumque Divinarum peccando ceciderat, ad eum per poenam temporalem reducat, nihilque in Providentiae Divinae dispositione inordinatum appareat.

Obijciunt 5. Non minor elucet gratiae sanctificantis effectus, quum Impiorum justificatio Sacramentali confessione peragi-

tur, ac quum Baptismali regeneratione completur; siquidem utraque in Christi passionem atque satisfactionem refunditur. Per gratiam autem in Baptismatis receptione communicatam, planum est, quamcunque poenam exolvendam aboleri, nulla ex parte nostra praestita satisfactione. Quod evincit idem esse dicendum; quum quis virtute confessionis Sacramentalis justificationem assequitur.

Resp. 1. hoc inter utramque justificationem intercedere discrimen, quod in ea, quam per poenitentiae Sacramentum obtinemus, aut in re susceptum aut in voto, Christo mediis actibus contritionis vel charitatis conjungimur; ideoque huiusmodi conjunctio, atque satisfactionis suae applicatio, ut in plurimum, non est integra ac perfecta, ut debitum poenae temporalis citra propriam satisfactionem a nobis semper auferatur. Caterum per justificationem, quam in Baptismate sortimur, independentem a nostris actibus Christo conjungimur, ac proinde perfecte & integre; unde a reatu etiam poenae temporalis absolvimur. = *Quia conjunctio nostra ad Christum in Baptismo*, (inquit, D. Th. contra *Gent. 1. cap. 72.*) *non est secundum operationem nostram, quasi ab interiori, quia nulla res se ipsam generat, ut sit, sed a Christo, qui nos regenerat in spem vivam, remisso peccatorum in Baptismo sit secundum potentiam ipsius Christi nos sibi conjungentis perfecte & integre, ut non solum impuritas peccati tollatur, sed etiam solvatur poenitentiae omnis poena reatus, nisi forte per accidens in his, qui non consequuntur effectum Sacramenti propter hoc, quod sic accedunt. In hac vero spiritali sanatione (nempe extra Sacramentum Baptismatis) Christo conjungimur secundum operationem nostram Divina gratia informatam, unde non semper totaliter, nec omnes aequaliter remissionis effectum per hanc conjunctionem consequuntur. Potest enim esse conversio mentis in Deum, & in detestationem peccati tam vehementem, qua perfecte remissionem peccati homo consequitur, non solum quantum ad purgationem culpa, sed etiam quantum ad remissionem totius poenae; hoc autem non semper contingit; unde quandoque per contritionem amosa culpa & reatu poenae aeternae soluto, ut dictum est,*

re-

remanet obligatio ad aliquam penam temporalem, ut iustitia Dei salvetur, secundum quam culpa ordinatur per penam.

Resp. 2.^o gratiam Baptismalem esse per modum gratiæ regenerantis, ac per se remittentis peccatum Originale a primo Parente in posteros propagatum, & ex consequenti actualia propria voluntate commissa, homine prius existente in statu imperfecto ob privationem gratiæ sanctificantis, ac ut in plurimum etiam luminis fidei, unde Baptizati cum Christo commorimur, & conspelimur, efficiamurque nova creatura in Christo spiritualiter regenerati. Congruum itaque est, ut qualibet culpa lethali remissa, quodcumque poenæ debitum ex Divina ordinatione relaxetur, remanentibus dumtaxat quibusdam huius vitæ poenaltibus atque defectibus. Gratia vero, quæ in poenitentia Sacramento percipitur, se extendit ad remittenda peccata post Baptismum commissa, supponitque fidei illuminationem nec non regenerationem in Christo, adeoque est per modum medentis & sanantis culpam, non relaxantis omnem poenam; seu ut inquit Origenes in Homil. 8. *Non tollens omnem cicatricem*. Unde Tridentinum sess. 14. cap. 2.^o docet. = *Allus est Baptismus, alius Poenitentia fructus. Per Baptismum enim Christum induentes, nova prorsus in illo efficiamur creatura, plenam & integram peccatorum omnium remissionem consequentes: ad quam tamen novitatem & integritatem per Sacramentum poenitentia, sine magnis nostris fletibus, & laboribus, Divina id exigente iustitia, pervenire nequaquam possumus: ut merito Poenitentia laboriosus quidam Baptismus dictus fuerit* = Et profecto æquum non est, illam vitæ novitatem ex integro tam facili ter ingratum restitui, qui (ut pergit Tridentinum cap. 8.) *semel a peccati & Dæmonis servitute liberati, & accepto Spiritus Sancti dono, scienter Templum Dei violare, & Spiritum Sanctum contristare non formidaverint*.

Obijciunt 6.^o Concors est Sanctorum Patrum doctrina in aleganda satisfactione pro præteritis culpis. D. Joannes Chrysostomus Homil. de S. Philogono asserit, nihil aliud Deum a peccatoribus recenter iustificatis exposcere, quam vitæ novitatem, atque efficax propositum non peccandi de

cætero: *Ego testificor aut, & sibi iubeo, ut si nostrum quisque, qui peccatis obnoxii sumus, recedens a præstis malis, ex animo verique promittat Deo se postea nunquam ad illa rediturum, nihil aliud Deus requirat ad satisfactionem ulteriorem* = Idem propositum corrigendi vitæ superioris excessus, rejectis poenitentia operibus exponit in Homilia 28. in prior. Epist. D. Pauli ad Corinth. super illa verba = *Si nos metipsos dijudicavimus, non utique iudicavimus, ubi dicitur Non inquit si puniemus, sed supplicium de nobis sumemus, sed si dijudicavimus, hoc est, si nostra tantum voluerimus peccata cognoscere, si nos ipsos condemnare, si delictis ferre sententiam, liberemur ab huius, & futuri sæculi supplicio* = A D. Jo. Chrysostomo alieus non est S. Ambrosius, qui omnem excludit satisfactionem a D. Petro post Christi negationem. = *Lacrymas Petri lego* (inquit, lib. 10. in Lucam cap. 22.) *satisfactionem non Legit* = Chrysostomo & Ambrosio consentit Theophilactus super caput 4.^m Epist. ad Ephes. his verbis = *Non dixit Apostolus puniatur, qui furtum commisit, sed a malo deficiat, punire namque est fori iudicarii; debortari a vitiis Christi doctrina* = Nullam ergo necessitatem satisfactionis Ecclesiæ Patres pro redimendis peccatis agnoscunt; ac per consequens in homine iustificato non remanet poenæ temporalis reatus.

Resp. cum Bellarmino in Lib. 4. de Poenit. cap. 16. Chrysostomum in Homilia laudata de S. Philogono satisfactionem sumere pro excusatione, & sensum esse: Deum non requirere, ut peccatum defendamus vel excusemus, & rationem reddamus, cur hoc aut illud fecerimus, sed satis illi esse, si simpliciter confiteamur peccatum, & promittamus nos de cætero non peccaturos; dixerat enim paulo ante = *Discede a malo, virtutem amplectere, desiste a pravitate: pollicere te posthac ista non commissurum; & istud sufficet ad excusationem* = Nec aliter potuit sentire Sanctus Antistes, qui in eadem Homilia satisfactionem docuerat, id est, opera laboriosa requiri ad placandum Dei vindictam, vel certe eorum propositum, ut temporis angustias ea haberi non possint = *Proinde, inquit, & tu quibus rebus provocasti Deum, per has rursus satisfacio. Provocasti illum pecuniarum rapina, per*

easdem illum reconcilla; cumque & rapta restitueris, & alia insuper adideris, dicto juxta Zacharum: Reddo, siquid vapui, quadruplum. Provocasti linguæ maledicentia, multis contumelia affectis, micissimæ linguæ placato, puras emittens preces, benedicens maledicentibus, laudans vituperantes, gratias agens injuriam inferentibus. Hæc non egent multis diebus anni sœ, sed solo animi proposito unico die perficiuntur = In alio vero loco citato super priorem D. Pauli *Epist. ad Corinth. b.* dicimus, velle eundem S. Antistitem solam contritionem cum proposito non peccandi de cætero sufficere ad remissionem offensæ Dei & reatus poenæ æternæ. Aliis si loco citato poenaliū operum jugum excluderet, ut volunt Heterodoxi tibi esset contrarius; eandem enim Apostoli auctoritatem in *Homil. xlii. in Matth.* exponens, satisfactionem his verbis commendat = *Audi Paulum dicentem: quod si nosmetipsos dijudicavimus, non utique judicemur. Et quonam modo, inquiet, a me ipso rationes vivendi, & supplicium exigam? Largos lacrymarum effunde fluvios, laboribus & vigillis te ipsum afflige =* Id quod mox diximus pro expositione D. Chrysostomi in *Homil. de S. Philogono*, solvit quod ex D. Ambrosio objectum est; constat enim eo loci apertissime satisfactionis vocabulum usurpassè pro defensione seu excusatione, ac declarasse, D. Petrum Apostolum non excusasse suum crimen, sed agnovisse, & pro ejus expiatione lacrymas fudisse = *Maluit, inquit, ipse suum accusare peccatum, ut justificaretur fatendo, quam gravaretur negando. Non invenio quid dixerit, invenio quod flevit: lacrymas ejus lego, satisfactionem non lego; sed quod defendi non potest, ablati potest.* Ad Theophilacti auctoritatem dicendum est, eum loqui de punitione secundum jus civile, non vero secundum Divine Justitiæ legem.

Obijciunt 7.^o Christus, qui (ut inquit Apostolus *1. ad Cor. cap. i.*) cruore perfuso factus est pro nobis Justitia, adeo uberem satisfactionem pro nostris criminibus exolvit, ut ea quodecunque debitum sive culpæ, sive poenæ superexcesserit; unde illud *Job cap. 6.* = *Utinam appenderentur peccata mea, & calamitas, quam patior in statera, quasi arena maris hæc gravior up-*

paret = exponitur de Christo, qui etli peccatum non fecerit, tamen peccata nostra portavit; & sensus est: si cunctis hominum culpæ cum mea passione conferantur, hæc superabundans apparebit. Accedit: consonum non esse immensæ, atque infinitæ charitati Christi, cum voluisse, mediis nostris operibus, ad debitum poenæ temporalis suæ satisfactionis beneficium extendere = *Quæso* (inquit Calvinus *lib. 3. Instit. cap. 4. §. 29.*) *quid præstiterit nobis Christus, si adhuc pro peccatis poena exigetur? nam cum dicimus eum peccata nostra pertulisse super lignum, non aliud significamus, quam defunctum poena, & vindicta; quæ peccatis nostris debebatur =* Non ergo superest in homine post justificationem aliquis poenæ temporalis solvenda reatus.

Resp. Christum æqualem, ac omnino de condigno satisfactionem pro reparatione humani generis obtulisse, atque secluso quocunque opere poenali, ab hominibus peragendo, illos potuisse, a debito tam culpæ quam poenæ liberare; noluisse tamen satisfactionem suam nobis quoad efficaciam prodesse, nisi mediis nostris actibus, ideoque Christi satisfactio ad redemptionem utriusque debiti culpæ scilicet, & poenæ per modum causæ universalis concurrat, quæ non refugit, imo requirit causæ particularis, nempe nostrorum actuum consortium, eorundem supplens imperfectiorem; quod profecto Divinam commendat justitiam; æquum enim erat, ut ii, qui deliquerant, poenæ alicujus debitum sua satisfactione persolverent; quapropter Apostolus in *Epistola ad Coloss. cap. i. ait = Adimpleo ea quæ defunt passionum Christi in carne mea, pro corpore ejus quod est Ecclesia =* non vero quia defunt passionum Christi ipsi Christo; nihil quippe deesse poterat eidem, ob eximiam meritum excellentiam, bene vero ex parte membrorum, quia, ut pretium redemptionis nostræ Christi Sanguine comparatum Fidelibus applicaretur, opus erat aspera, ac dura eos humiliter sustinere, ut per opera poenalia passioni Christi conformarentur juxta monitum Christi *Matthæi 16.* = *Si quis vult venire post me venire abneget semetipsum: tollat crucem suam, & sequatur me =* Quod pariter hortatur D. Petrus in sua *Epist. 2. cap. 21.* dicens = *Christus passus est pro nobis, vobis relin-*

quens

quens exemplum, ut sequamini vestigia ejus = Et ideo Tridentinum ita de satisfactione loquitur *sess. 14. cap. 8.* = *Accedit ad hæc, quod dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra satisfactio est, conformes efficiamur* = Hinc, Christum noluisse humanum genus ab onere satisfactionis eximere, tantum abest quod immensam ejus minuat charitatem, quin potius extollat; impius enim relicta via iniquitatis coram Deo procidens, faciemque ejus poenitentiae gemitibus præveniens, ita perpeſſiones suas cum Christi passione conjungit, ut æternam promeretur beatitudinem, dicente Apostolo ad *Roman. 8. v. 17.* = *Si tamen compatiimur, ut & conglorificemur* = imo, quo majores fuerint perpeſſiones & satisfactiones, eo erit uberius promeritæ beatitudinis incrementum.

Obijciunt 8.^o Peccatores, quos Sacra Scriptura iustificatos commemorat, nihil habuerunt poenæ temporalis exolvendum, ut patet in S. Maria Magdalena, quæ ne in poterum de antea vitæ criminibus foret sollicita, ab ore Christi audire promeruit *Luc. v. 50.* = *Vade in pace* = Insuper Lathro ille, qui Christum in Crucem pendentem verum Deum agnovit, plenam peccatorum veniam, ac æternæ beatitudinis præmium obtinuit: ut habetur *Luc. 23. v. 43.* = *Hodie mecum eris in Paradiso* = idque de Zachæo, altisque ex Publicanis ad Christi sequelam vocatis, tradunt nonnulli Doctores. Idem ergo dicendum est de aliis peccatoribus iustificatis per gratiam.

Resp. 1.^o exemplis adductis probari non posse, quod ab Heterodoxis contra Catholicæ veritatis assertores contenditur. Quis enim negat, Christum pro arbitrio culpam, & omnem poenam remittere potuisse? Quis novit, an poena solum æterna cum culpa remissa fuerit? Quis audeat dicere eos peccatores bonis operibus fletu, & acerbissimis doloribus æquo animo toleratis, Deo minime satisfecisse?

Resp. 2.^o nos non negare, imo admittere, quandoque propter contritionem ortam ex perfectissima conversione in Deum summe dilectum, poenæ reatum in ipsa iustificatione in totum auferri, quod in S. Maria Magdalena contigisse, non abscurè innuitur loco citato = *Remittuntur ei*

peccata multa quoniam dilexit multum = & declarat D. Thomas in 3.^a p. *quest. 86. art. 5. in resp. ad 1.* = *Dicendum, inquit, quod Deus totum hominem perfecte curat, sed quandoque subito; sic Sacrum Petri statim restituit perfectæ sanitati, ita ut surgens ministraret illi, sicut dictum est de Cæco illuminato Marc. 8., & ita etiam Spiritualiter quandoque tanta commotione convertit cor hominis, ut subito perfecte consequatur sanitatem spirituales, non solum remissa culpa, sed sublati omnibus peccatis reliquit, ut patet de Magdalena Luca 7.^o Quandoque autem remittit culpam per gratiam operantem, & postea per gratiam cooperantem successive tollit peccata reliquias* = Eandem plenam culpæ remissionem obtinuisse Lathronem cum Christo in Crucem pendentem, non negamus, sed vel ob contritionis fervorem, vel ob præclaram, & singularem Filii Dei confessionem, quum Christus a Judæis illudebatur; quam ita S. Augustinus commendat *Serm. 44. de temp.* = *Recolamus fidem Lathronis, quam non invenis Christus post resurrectionem in discipulis suis. Pendebat in Crucem Christus, pendebat & Lathro. In medio ille, illi a lateribus. Insultat unus, credite alter. Judicat medius ille. Ille enim qui insultabat, hoc dixit: si Filius Dei es libera te. Et allus ad illum: tu non times Deum. Si nos propter facta nostra merito patimur, ipse quid fecit? & conversus ad eum: memento, inquit, mei Domine dum veneris in Regnum. Magna fides, huc fidei quid addi potest ignoro. Titubaverunt, qui viderunt Christum mortuum suscitantem; credidit ille, qui videbat secum in ligno pendentem. Quando illi titubaverant, tunc ille credidit, quando ille fructum de arido ligno percepit. Quid enim Dominus dixerat tibi? Hodie mecum eris in Paradiso. Tu differis te, ego agnosco te. Quando hoc sperares Lathro adductus de latrocinio ad Judicem, a Judice ad Crucem, de Crucem ad Paradisum? Deinde ipse attendens merita sua, non dixit: memento mei, ut liberet me hodie, sed cum veneris in Regnum tuum, tunc memor esto mei. Et ille (nimis mirum Christus) non sic intransiit Regnum Cælorum, vim fecisti, credidisti, rapuisti: hodie mecum eris in Paradiso: non*

te differo, tanta fidei hodie reddo quod debeo. Latro dixit: memento mei Domine cum veneris in Regnum tuum: non solum credebas resurrecturum, sed etiam regnaturum. Maximam in Zachæo contritionem de propriis culpis agnoscimus ex pronta voluntate ablata restituendi in quadruplum *Luce. 19. = Ecce dimidium bonorum meorum Domine do pauperibus, & si aliquem defraudavi, reddo quadruplum* = unde mirum non est, quod completam tam culpam quam poenarum temporalium remissionem obtinuerit.

ARTICULUS II.

De conditionibus requisitis, ut opus aliquod pro pœna temporali, peccatis jam quantum ad culpam remissis, debita satisfactorium sit.

PLURA sunt, de quibus solet disputari, an necessario requirantur, ut opera nostra propriæ satisfactionis rationem obtineant? De his omnibus hic agendum est; sed ut claritati, nec non distinctioni consulamus, ea omnia pluribus Conclusionibus exponemus.

Conclusio 1. Ut opera nostra sint satisfactoria exigitur libertas vel contrarietatis, vel contradictionis.

Prob. 1.^o auth. *D. Thomæ*, qui in *Supplem. 3. partis quest. 13. artic. 1. ad 2.* obijciens sibi, reperiri non posse satisfactionem in hominibus, ratione dominii, quod habet Deus supra creaturas, hæc habet. = *Dicendum, quod homo, qui ad imaginem Dei factus est, aliquid libertatis participat, in quantum est Dominus suorum actuum per liberum arbitrium; & ideo hoc, quod per liberum arbitrium agit, Deo satisfacere potest: quia quantumvis Dei sit, prout a Deo est, sibi concessum, tamen libere ei traditum est, ut ejus Dominus sit, quod servo non competit* = Ergo juxta mentem *D. Thomæ* libertas contrarietatis, vel contradictionis exigitur ut opera nostra sint satisfactoria.

Prob. 2.^o Satisfacere pro pœna temporali, est poenam assumere ad compensandam injuriam Deo illatam, proindeque ad

Divinam iram placandam, inito quodammodo inter satisfaciendum & Deum hoc contractu: *Tolero ut ignoscas: exsolvo ut impollerum debitum relaxando nihil exigas* = Hoc autem fieri non potest circumscripto dominio voluntatis super actus tolerantie, & solutionis Divinæ majestati oblatos, ac per consequens sine libertate contrarietatis, vel contradictionis; eo pari modo quo, ut Petrus debitum pecuniarum cum alio contractum exsolvat, aut extinguat, opus est, ut pecunias dumtaxat ad hunc effectum impendat, quæ extant sub ejus dominio. Requiritur ergo, ut opera satisfactoria sint, alterutra ex dictis libertatibus.

Dices. Flagella, quibus a Deo plectimur in hac vita; nobis libera non sunt; non raro siquidem ea inviti ac reluctantes subire compellimur, & tamen certum est iis satisfacere quolibet posse; ut testatur Tridentinum *sess. 14. cap. 9.* his verbis: = *Tantum esse Divine magnificentie largitatem, ut non solum penis, sponte a nobis pro vindicando peccato susceptis, aut Sacerdotis arbitrio pro mensura delicti impositis, sed etiam quod maximum amoris argumentum est, temporalibus flagellis a Deo inflatis, & a nobis patienter toleratis, apud Deum Patrem satisfacere valeamus* = & *can. 13.* = *Si quis dixerit, pro peccatis quoad poenam temporalem, minime Deo per Christi merita satisfieri penis ab eo inflatis, & patienter toleratis, vel a Sacerdote injunctis, sed neque sponte susceptis &c. anathema sit.*

Resp. duplici modo posse flagella a Deo nobis immissa considerari. Primo quantum ad immissionem, ac eorum esse vel non esse. Secundo quantum ad acceptationem, ac tolerantiam. Primo modo sicut libera non est eorum permissio, ita nec ea nobis immissa vim obtineant ad satisfaciendum. Secundo vero modo, si patienter acceptentur, & æquo animo ferantur, libera nobis sunt, tum ratione actus interioris, quo illa libenter suscipimus, & æquo animo toleramus, tum ob actum ipsum exteriorem ipsam videlicet perpeffionem patienter acceptatam, atque toleratam; & hoc modo, cum cadant sub voluntatis dominio, nisi aliæ desint condiciones, sunt satisfactoria. Nec Tridentinum lococitato docet

docet oppositum, quinimo nostram confirmat Conclusionem, quia non asserit, Deo nos temporalibus flagellis quomocunque susceptis satisfacere, sed *patienter toleratis*, adeoque actu voluntatis libero concurrente. Quod etiam tradit D. Thom. in *supplem. 3. partis quest. 15. art. 2. in Corpore* = Si flagella, inquit, quæ pro peccatis a Deo infliguntur, fiant aliquo modo ipsius penitentis, rationem satisfactionis accipiunt; sunt enim ipsius, inquantum acceptas ad purgationem peccatorum, eis utens patienter; si autem eis per impatientiam differant, tunc non efficiuntur aliquo modo ipsius, & ideo non habent rationem satisfactionis, sed vindicationis tantum. = Et in responsione ad primum addit = Quonvis illa flagella non sint omnino in potestate nostra, tamen quantum ad aliquid sunt, ut scilicet eis patienter utamur, & sic homo facit de necessitate virtutem, unde & meritoria & satisfactoria esse possunt.

Conclusio 2.^a Ut opera nostra sint satisfactoria, debent esse honesta.

Prob. 1.^o Satisfactio exhibita ad poenæ temporalis compensationem debet cedere in honorem & obsequium Dei = Si quis dixerit (ita statuit Tridentinum *sess. 14. can. 14.*) satisfactiones quibus penitentes per Christum Jesum peccata redimunt, non esse cultus Dei, sed traditiones hominum, doctrinam de gratia, & verum Dei cultum, a quo ipsum beneficium mortis Christi obscurantes, anathema sit = Opera vero nostra si honestatem non obtineant, ad Dei cultum, de quo loquitur Tridentinum conducere non valent = Recompensatio offensæ (inquit Angelicus Præceptor in *supplem. 3. partis quest. 15. art. 1. in corp.*) importat adæquationem, quam oportet esse ejus, qui offendit, ad eum, in quem offensæ commissus est. Adæquatio autem in humana iustitia attenditur per subtractionem ab uno, qui plus habet iusto, & additionem ad alterum, cui substractum est aliquid. Quonvis autem Deo, quantum est ex ejus parte, nihil subtrahi possit, tamen peccator, quantum in ipso est, aliquid ei subtrahit peccando, ut dictum est. Unde oportet ad hoc quod recompensatio fiat, quod aliquid subtrahatur a peccante per satisfactionem, quod in honorem Dei cedat = Ex-

go ut opera nostra satisfactoria sint debent esse honesta.

Probatur 2.^o Ut opera nostra sint satisfactoria, opere pretium est, ea ordinarii ad redimendam deordinationem inductum, per culpam, ut id, quod in vindictam a lege Divinæ iustitiæ taxatum est, locum habeat. Porro opera quæ mala, aut indifferentia sunt in linea morali, ad hunc finem ordinari non possunt. Mala enim novam inordinationem, novumque poenæ reatum inducunt; quapropter sicut nemo sanæ mentis asserit, unum alteri pro irrogata injuria satisfacere, si offensæ offensam cumulet = Sicut nec homini satisfacere (inquit D. Thom. in *supplem. 3. part. quest. 14. art. p.^o in Corp.*) qui pro alapa ei data se prosternebat, & aliam ei simul daret = ita nec operibus malis potest Deo pro poenæ temporalis satisfieri: indifferentia vero quanquam deordinationem in linea morali non afferant, tamen Deo non placent, adeoque nec possunt ordinari ad redimendam deordinationem inductam per culpam. Ergo opera, quæ honestate careant satisfactoria esse non possunt.

Conclusio 3.^a Ut opera nostra sint satisfactoria, debent esse honesta honestate supernaturali.

Probatur Volontaria poenæ temporalis compensatio est effectus meritorum Christi, cui in satisfaciendo conformamur, ut docet Tridentinum *sess. 14. cap. 8.* his verbis = Accedit ad hæc, quod dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficiencia est, conformes effici-mur = Quod autem ita procedit ex meritis Christi, ut eidem in satisfaciendo nos reddat conformes, necessario dedet honestatē supernaturali gaudere. Itaque, ut opera nostra satisfactoria sint, debent esse honesta honestate supernaturali.

Conclusio 4.^a Ut opera nostra sint satisfactoria debent esse poenalia.

Prob. 1.^o Concilium Tridentinum *sess. 14. cap. 8.* opera satisfactoria vocat = Penas satisfactorias = & can. 3. = penas sponte susceptas, vel a Deo inflictas, vel a Sacerdote injunctas = Ergo juxta mentem Tridentini opera satisfactoria debent esse poenalia.

Prob. 2.^o ex Patribus pro Conclusionē dubii antecedentis relatis, qui omnes unanimi

nimi calculo contestantur, satisfactionem, ad culpam remissione in obtinendam, fieri debere per opera afflictiva & punitiva. Ergo opera satisfactoria debent esse poenalia.

Prob. 3.^o ex Catechismo Rom. *part. 2. cap. 5. n. 78.* qui de requiritis ad satisfactionem loquens ait = *Alium est, ut ejusmodi opera suscipiantur, quæ naturæ suæ molestiam & dolorem afferant; cum enim præteritorum scelerum compensationes sint, atque ut Sancti. Cyprian. Martyr. lib. 1. Epist. 13. post medium ait: relictis peccatorum, omnino necesse est, ut aliquid acerbisatis habeant; (quantum non semper illud consequantur) ut qui se in illis molestis actionibus exercent, doloris sensum habeant: sepe enim vel patienti consuetudo, vel accensa in Deum charitas efficit, ut quæ perpessa gravissima sunt, ne sentiantur quidem. Nec tamen idcirco fit, quominus ea ipsa opera satisfaciendi vim non habeant; siquidem hoc proprium est Filiorum Dei, ita ejus amore, & pietate inflammari, ut acerbissimis laboribus cruciati aut nihil incommodi sentiant, aut omnia latissimo animo perficiant.* Opera autem quæ molestiam & dolorem afferunt, sunt opera poenalia. Itaque, ut opera nostra satisfactoria, debent esse poenalia.

Conclusio 5. Ad opera satisfactoria exhibenda necessario exigitur status viæ.

Probatur 1.^o Ex illo Ecclesiasticis 9.^o = *Quæcumque potest agere manus tua instanter operare, quia nec opus nec ratio, nec sapientia nec scientia erunt apud inferos, quo tu properas;* ac si diceretur: tempus ad satisfaciendum Divina ordinatione hominibus præstitutum, solum est in hac vita, quæ habet rationem viæ, non in futura, ut exponunt Glossa, & D. Gregorius lib. 4. *Dial. cap. 39.* Rursus ex Ecclesiasticis 14. habetur = *Ante obitum tuum operare iustitiam quia non est apud inferos invenire cibum* = hoc est satisfactionem, vel tempus reddendi Deo quod debetur, ut communiter explicant Doctores. Status ergo viæ exigitur, ut opera nostra satisfactoria sint.

Prob. 2.^o Hujus vitæ tempus concessum est ad obtinendos fructus ex Divina gratia comparandos, inter quos poenæ temporales remissio recensetur; quando enim homo vivit, est quasi in certamine ac palestra, juxta illud *Job. 7.^o = Militia est vita ho-*

minis super terram = in alia verò vita si poenæ debito tenetur obnoxius, quasi in carcere multatur, ut unusquisque recipiat, prout gessit in corpore. Ergo satisfactio locum non habet extra statum viæ.

Prob. 3.^o Opera satisfactoria debent esse simul meritoria = *Satisfactio* (ait D. Thomas in 4. *dist. 17. quest. 2. art. 4. in resp. ad 3.*) *opus meritorium requirit* = quod protecto statum exposcit proficiendi, nec non acquirendi mercedem. Status autem proficiendi extra viam haberi non potest, utpote qui est status exeuntis de potentia in actum, & ejus, qui nondum terminum est assecutus. Ergo licet meritum non habetur extra statum viæ, ita neque satisfactio.

Ex quo Colliges 1.^o Poenam Animabus in Purgatorio detentis inflictam dici non posse in rigore satisfactionem; quamquam, enim dictæ Animæ libenter acceptent, ac ferant supplicium pro reatibus, seu debitis in hac vita contractis, ac nondum solutis, opera tamen meritoria nequeunt peragere = *Dicendum* (inquit D. Thomas loco prælaudato) *quod poena illa, quam animæ in Purgatorio sustinent, non potest dici satisfactio; quia satisfactio opus meritorium requirit. Sed largo modo dicitur satisfactio debite poenæ solutio.*

Colliges 2.^o Statum viæ, quem diximus necessarium ad satisfaciendum, usque ad instantem separationis animæ a corpore perdurare; idque præter superius adducta, illud Apostoli 2. ad Corinth. cap. 5. n. 6. optime probat = *Dum sumus in corpore peregrinamur a Domino; per fidem enim ambulamus* = ubi ut vides, statui peregrinationis, qui cum statu viæ coincidit, assignatur tempus, quo sumus in corpore & operamur per fidem, & non amplius. Idem habetur Ecclesiasticis 11. n. 3. = *Si cecideris lignum ad Austrum aut Aquilonem, in quocunque loco cecideris, ibi eris* = nempe in quo statu mors hominem invenerit, in eo permanebit, & amplius locus non erit satisfactioni.

Conclusio 6.^a Ut opera nostra sint satisfactoria debent necessario fieri in statu gratiæ.

Prob. 1.^o ex dictis in tertia probatione quintæ Conclusionis, meritum enim, quod indispensabiliter satisfactionem comitatur, haberi non potest nisi in statu gratiæ, ut docent communiter Doctores, ac per consequens neque satisfactio.

Prob.

Prob. 2.^o *authoritatibus Sacre Scripturæ; Isaia* enim 58. v. 3. habetur, jejunium illorum, qui nondum a peccati lethalis macula conscientiam purgaverant, non acceptari Deo pro poenæ temporalis satisfactione = *Quare jejunavimus, & non aspexisti; humiliavimus animas nostras, & nescisti? Ecce in die jejunii vestri invenitur voluntas vestra, & omnes debitores vestros repetitis* = Ecclesiastici 34. v. 23. = *Dona impiorum non probas Altissimus, nec respicit in oblationes iniquorum, nec in multitudine sacrificiorum, eorum propitiabitur peccatis* = & 1. Corinth. cap. 13. v. 3. = *Si distribuero in cibos pauperum omnes facultates meas, & si tradidero corpus meum ita ut ardeam, charitatem autem non habeam, nihil mihi prodest* = Dominum victimas, & dona impiorum non approbare, abominari, aliaque opera, alias pia, extra statum charitatis facta nihil prodesse, verba sunt, quæ manifeste declarant, opera in statu peccati lethalis exercita, a Deo ad satisfactionem minime acceptari; alias, ea a Deo probrentur, plurimumque peccatoribus proficerent, si remissionem poenæ temporalis obtinerent. Ergo ut opera nostra sint satisfactoria, necessarium fieri debent in statu gratiæ.

Prob. 3.^o ex Tridentino *sess. 14. cap. 8.* in quo habetur = *In Christo violamus, meremur, & satisfacimus facientes fructus dignos penitentiae* = ubi nota, prius dici, nos vivere in Christo, deinde mereri, & satisfacere; nemo autem in Christo potest vivere nisi in gratia & charitate constitutus. Ergo nemo potest opera satisfactoria peragere nisi in statu gratiæ.

Obijcies 1.^o Quod opera sint vere punitiva culpæ, & poenæ solutiva, non tam ad operantis dignitatem, quam ad qualitatem operis operati respicitur; si enim quis ratione delicti poenam a lege taxatam incurreret, quod ei manus abscinderetur, tolerato hoc supplicio, citra dubium poenæ debitum exolveret: vel alteri debens centum aureos, si totidem restitueret, ad nihil aliud teneretur; quamquam aut Regis decernerentis poenam, aut debitoris foret inimicus. Maxime quia poena temporalis a peccatore solvenda in quolibet statu consideretur, est ejusdem omnino conditionis, nec minor evadit per conjunctionem ad gratiam, nec major per conjunctionem ad pec-

catum. Non ergo necessario requiritur status gratiæ, ut opera nostra satisfactoria sint.

Resp. delinquentem, cui in poenam delicti manus amputaretur, puniri, & satisfacti, non vero proprie loquendo satisfacere. Aliud enim est, Regem ad poenam delicti subeundam delinquentem obligare, aliud poenam promeritam relaxare, delinquentis satisfactione placatum. Primum statum odio Regis. Secundum vero necessario poscit, inter utrumque instaurari amicitiam; satisfactio siquidem prout a satisfactione distinguitur, non tam intendit poenam culpam vindicare, quam instaurare, vel conservare amicitiam. Et hinc oritur discrimen, quare debens alteri centum, utique satisfaceret, si totidem restitueret; non vero ille injuriam Deo illatam suis actibus compensaret, qui opera poenalia in statu peccati lethalis exerceret; in debitis siquidem pecuniariis satisfactio ex ratione æquivalentis restitutionis attenditur: in satisfactione vero pro poena temporali orta ex offensa commissa in Deum, poscitur Divina acceptatio, quæ nequit locum habere, nisi insatisfaciente status charitatis supponatur. Hoc discrimen ita illustrat D. Thomas in *supplem. 3. part. 3. quest. 14. artic. 2. in corp.* = *In satisfactione oportet, quod amicitia restituta, etiam justitiæ equalitas restituatur, cujus contrarium amicitiam tollit, ut Philosophus in 9. Ethic. dicit. Equalitas autem in satisfactione ad Deum non est secundum æquivalentiam, sed magis secundum acceptationem ipsius, & ideo oportet, etiam si jura offensa sit dimissa per præcedentem contritionem, quod opera satisfactoria sint Deo accepta, quod dat ei charitas; & ideo sine charitate opera facta non sunt satisfactoria* = Quod autem poena in quolibet statu sit ejusdem conditionis, hoc verum est, si ea consideretur entitative & materialiter, secus vero formaliter ut acceptabilis a Deo pro debiti solutione.

Obijcies 2.^o Extra statum gratiæ & charitatis existens implet satisfactionem poenitentialem injunctam pro peccatis jam confessis, atque dimissis quantum ad culpam. Nihil ergo impedit, quominus iste pro debito poenæ temporalis satisfaciatur; etenim præceptum Confessarii satisfactionem poenitentialem injungentis est de compensatione pro tali poena exhibenda.

S

Resp.

Resp. admisso, quod poenitentiae Sacramentalis onus impleri queat in statu peccati inferri non posse eodem satisfieri pro poena temporalis: etenim sicut Confessarii praecceptum duobus modis potest considerari, & quoad substantiam praeccepti, quo pacto dicit opus taxatum, poenitentiam afferens correspondentem delectationi, qua peccatum fuit perpetratum; unde huiusmodi operis in iunctio poenitentiae solet vocari, alio modo quantum ad finem illius; & eandem poenalis operis in iunctionem importat, tum ad vitiorum praeteritorum medelam, tum ad debitum poenae temporalis exolvendum: ita & in iuncta poenitentia potest attendi, primo quantum ad substantiam, & dicit poenitentialis operis in iuncti executionem, secundo quantum ad modum, & importat affecutionem finium, ad quos ordinatur, nec non divinam acceptationem. Verum est, quod extra statum gratiae poenitentiam in iudicio Sacramentali taxatam peragens, Confessarii praecceptum quantum ad substantiam implet, sicut jejuniando tempore Quadragesimali, vel audiendo Sacerum diebus festis, Ecclesiae obligationibus de his operibus satisficeret; secus vero quantum ad finem, in ordine ad quem opera mortua, seu gratiae sanctificantis valore destituta, sunt propterea inutilia.

Quaerit 1.^a An opera poenalia, quae satisfactoria non sunt defectu status gratiae, eo adveniente, vel homine iam iustificato, incipiant esse satisfactoria?

Respondemus Negative: & probatur. Ea opera ante statum gratiae satisfactoria non erant, utpote quae ab ea informari non poterant. Per gratiae vero sanctificantis adventum, nequeunt tali informatione gaudere; ea enim opera tantummodo a gratia sanctificante possunt informari, quae ab eius influxu media charitate procedunt. Accedit: juxta sententiam Adversariorum principia, praedicta opera adveniente iustificatione non fieri meritoria; quod concludenter evincit, reddi non posse satisfactoria.

Dices. D. Thomas in *supplem. 3. partis quae 14. art. 3. in Resp. ad 3.* duo poenaliu operum genera distinguens, quorum aliqua nullum, alia vero aliquem effectum relinquunt in operante, arbitratur, haec secundi generis opera, puta jejuniu, eleemosynam, nec non corporis macerationem per gratiae & charitatis adventum

evadere satisfactoria = Dicendum, inquit Angelicus, quod aliqua satisfactoria sunt, ex quibus manet aliquis effectus in satisfaciendis, etiam postquam actus satisfactionis materialis scilicet transit, sicut ex jejuniis manet corporis debilitatio, & ex eleemosynarum largitione substantiae diminutio, & sic de similibus. Et tales satisfactoria in peccatis facta, non oportet ut iterentur, quia quantum ad hoc, quod de eis manet, per poenitentiam Deo accepta sunt. Satisfactoria autem, quae non relinquunt aliquem effectum in satisfaciende, postquam actus transit, oportet ut iterentur, sicut orationes, & alia huiusmodi. Actus autem interior, qui totaliter transit, nullo modo vivificatur, sed oportet ut iteretur = Non ergo universaliter vera est Conclusio.

Resp. auctoritatem Angelici Praeceptoris, (qua non pauci Thomistae, ut observat Soto in 4. dist. 19. quae 1. art. 5. vehementer allucinantur) nihil probare, quod nostrae Conclusioni adversetur. Aliud enim est opera poenalia secundum suum esse considerata, relinquunt post se effectum, vivificari per gratiam sanctificantem advenientem; aliud vero effectus operum poenaliu perdurantes usque ad gratiae sanctificantis infusionem ejusdem gratiae sanctificantis vitalitatem obtinere, atque a Deo acceptari. Primum (quod nostrae doctrinae opponeretur) non asseritur ab Angelico, sed solum secundum illud: *Quantum ad hoc, quod de eis manet, per poenitentiam Deo accepta sunt* = et merito, etenim si effectus, puta corporis maceratio, adveniente statu iustificationis perseveret, potest a gratia sanctificante valorem accipere, quatenus ipse virtute, & quo animo a voluntate tolerata, ad poenae temporalis remissionem dirigitur, & hoc modo satisfactoria virtute gaudet; & ideo dicit: satisfactoria in peccato lethali facta iterari non oportere, non per hoc, quod ea, quae satisfactoria non erant, talia subinde evadant adveniente gratia sanctificante, bene vero quia ad praedictos effectus, qui deinde perdurant, ordinantur, adeoque ea iterari minime necesse est: huiusmodi enim effectibus fructus satisfactionis comparatur, ad ceterorum operum poenaliu distinctionem, quae sunt omnino infructuosa.

Concl. 7.^a Ut opera nostra sint satisfactoria, requiritur necessario intentio ex parte

te operantis, non quidem formalis, seu explicita, bene vero virtualis.

Prob. 1.^a pars. Opera satisfactoria fieri debent ex fine virtutis poenitentiae, qui est, Deo solvere debitum poenae, per peccatum contractum: alias si procederent ab operante ex fine aliquid Deo retribuendi pro beneficiis collatis, vel colendi Divinam Majestatem, ad virtutem gratitudinis aut Religionis pertinerent. Porro quod actus alicujus virtutis proprii sint, ut ex fine virtutis illius procedant, necesse est. Tunc autem ex fine illo fieri dicendi sunt, cum voluntatis intentio illum respicit, ad illumque refertur. Ut ergo opera nostra satisfactoria sint, necessario requiritur intentio operantis.

Dices. Ad merendum premium vitae aeternae, non est necesse operari ex tali fine, sed sufficit opus premio dignum peragere; quod eo excellentiori premio dignum est, quo liberalius, ac citra mercedis intuitum exhibetur. Idem ergo de satisfactione dicendum est.

Resp. meritum procedere a charitate imperante, quae in Deum ut ultimum finem, ceterarum virtutum opera ordinat; quamobrem, cum actus charitatis sit amor Dei propter ipsum, illiusque dumtaxat bonitatem respiciat, mirum non est, ad meritum intentionem comparandae mercedis non requiri. Verum ut opera poenalia sint satisfactoria, fieri debent ex peculiari fine poenitentiae, qui est inaequalitatem per culpam inductam auferre, debitumque poenae post justificationem relictum propriis operibus compensare: quae si ex alia intentione fierent, ad poenitentiae virtutem minime pertinerent, proindeque neque inter opera satisfactoria possent connumerari.

Prob. 2.^a pars. Intentio virtualis in recitatione Divini Officii, aut in auditione Sacri, sufficit ex communi Theologorum sententia post D. Thomam, ut praedictis actionibus satisfiat praecipis recitandi Divinum Officium, nec non Sacrum audiendi diebus festis. Idem igitur de operibus poenalibus dicendum est, si ex fine virtutis poenitentiae procedant.

Dices cum Ludovico de Gandavo. Opera poenalia, quae ab intentione formali satisfaciendi minime diriguntur, non sunt actus iustitiae vindicativae, proindeque non formaliter satisfactoria; eo modo quo dans alteri

decem, totidem ei debens, debitum non solveret, si animum hunc non haberet:

Resp. ad quodcumque debitum sive vindicativae sive commutativae iustitiae persolvendum satis esse, operantem virtutalem dumtaxat intentionem habere; unde quavis debens creditori decem, qui nec formali nec virtuali intentione debitum vellet exolvere, nullo modo satisfaceret, eadem tradendo talem pecuniae summam, ut haberetur *L. cum plurib. ff. de Solutionib.*, aliud tamen dicendum est, si eam creditori tradendo, virtutalem saltem intentionem compensationis haberet.

Quaes. 1.^o An Opera nostra, quae alias cadunt sub praeepto, possint esse satisfactoria pro poena temporali?

Respondemus Affirmative. Ratio est, quia opera nostra si frant in statu gratiae, possunt habere rationem vindictae & punitionis liberatae, etiam si alias subdantur praeepto; hoc enim nec libertatem nec bonitatem moralem, neque poenam adimittit, vel minuit; idque exemplo mortis Christi declaratur, quae quamquam esset debita ratione praeepti, quo Pater Aeternus ad eam subeundam Unigenitum Filium suum obligaverat, fuit tamen satisfactoria pro poenis, quibus homines erant obnoxii.

Dices cum Paludano. Si opera nostra, quae cadunt sub praeepto, possint esse satisfactoria, sequeretur, quod quis debens alteri certam pecuniae summam ex uno titulo, alio adhuc superveniente, una eademque solutione utrique posset satisfacere; quod profecto falsum est. Quis enim dicat, quod debens alteri viginti aureos mutuo acceptos, & totidem eidem furto ablatis, viginti dumtaxat aureos solvendo, utrumque debitum persolveret? Adde, sequi ex hoc poenitentem a Confessario ad jejunium, vel eleemosynam obligatum, si die quadragesimali jejunaret, vel extreme laboranti eleemosynam largiretur, ad aliud non teneri.

Resp. verum esse, absolute loquendo, uno simplici opere unaque solutione duplici debito satisfieri non posse; aliter tamen dicendum est, si hoc idem ipse creditor velit, consentiatque, quod optime meritum exemplum declarat; nemine in quippe ex Theologis latet, opera nostra iure Religionis Deo deberi, proindeque stricto jure, ac secluso quocunque pacto non

posse aliam mercedem a Deo conferendam promereri; & tamen Deus, eadem opera a gratia sanctificante informata, alio titulo sibi debita, ita ad præmium acceptat, ut gloriam æternæ beatitudinis ex pacto, ea peragentibus conferat tanquam coronam: ita supposita gratiæ sanctificantis infusione opera nostra bona alias præcepta, Divinæ placuit bonitati ad poenæ temporalis relaxationem acceptare. Non sic in debitis pecuniariis contingit; creditor enim regulariter nullum debitum ex misericordia remittit, aut summam viginti aureorum debitam jure contractus acceptat pariter in satisfactionem titulo restitutionis exhibendam; quæ ratio militat pariter in jejuniis ac elemosyna à Confessario injunctis, quia quando Sacerdos poenitentiam Sacramentalem fieri præcipit, opus superogationis intelligit; nisi fortasse jejuniis ad utriusque præcepti obligationem implendam acceptaret.

Quæres 2.^o An possit quis mediis bonis operibus pro uno peccato satisfacere, non vero pro alio?

Respondemus Affirmative; quia (sicut dicemus inferius Articulo 5.^o) potest aliquis opera bona dirigere ad satisfaciendum Deo pro poena temporali peccati alterius, quin similis poena sibi relaxetur. Ergo ita opera bona diriguntur ad solvendum debitum unius peccati, quin ordinentur ad remissionem poenæ alterius peccati proprii.

Conclusio 8.^o Opera satisfactoria communiter reducuntur ad tria Capita, nempe Jejunium, Orationem, & elemosynam.

Prob. auth. D. Thomæ, qui in *supplem. 3. partis quæst. 15. artic. 3. in corp. ait.* = *Dicendum quod satisfactio, ut dictum est, debet esse talis, per quam aliquid nobis subtrahamus ad honorem Dei. Nos autem non habemus nisi tria bona, scilicet bona animæ, bona corporis, & bona fortuna, scilicet exteriora. Ex bonis quidem fortune subtrahimus nobis aliquid per elemosynam, sed ex bonis corporis per jejunium; ex bonis autem animæ non oportet quod aliquid subtrahamus nobis quantum ad essentiam, vel quantum ad diminutionem ipsorum, quia per ea efficiamur Deo accepti, sed per hoc quod ea submittimus Deo totaliter, & hoc fit per orationem. Competit etiam iste numerus ex parte illa, qua satisfactio peccatorum*

causas excidit, quia radices peccatorum tres ponuntur, prima Joannis 2.^o scilicet concupiscentia carnis, concupiscentia oculorum, & superbia vitæ. Contra concupiscentiam carnis ordinatur jejunium, contra concupiscentiam oculorum elemosyna, & contra superbiam vitæ ordinatur oratio, ut Augustinus dicit super Mattb. Competit etiam quantum ad hoc quod satisfactio, est peccatorum suggestionibus aditum non indulgere, quia omne peccatum, vel in Deum committimus, & contra hoc ordinatur oratio: vel in proximum, & contra hoc ordinatur elemosyna: vel in nos ipsos, & contra hoc ordinatur jejunium = Ergo opera satisfactoria juxta D. Thomam communiter reducuntur ad tria Capita, nempe jejunium, orationem, & elemosynam.

Dices. Oratio poenam non avertit, cum sit potius contra poenæ tristitiam remedium, & medicina, unde dicitur Jacobi. *Ep. cap. 5. Tristatur aliquis vestrum oret, æquo animo est psallat.* Ergo oratio non videtur inter opera satisfactoria numeranda.

Resp. cum Angelico Præceptore, qui hanc sibi objectam difficultatem diluens citato *artic. in resp. ad prim. ait = Quælibet oratio habet rationem satisfactionis, quia quomodo habeat suavitatem spiritus habet tamen afflictionem carnis, quia ut dicit Gregorius super Ezechiel: Decretis in nobis fortitudo amoris intimi, infirmatur procul iudio fortitudo carnis, unde & nervus femoris Jacob ex luctu Angeli emarcuisse legitur Genes. 32.*

ARTICULUS III.

An detur præceptum satisfaciendi Deo pro poena temporali.

AFFIRMATIVE respondent Paludanus in 4. *dist. 17. q. 1. artic. 5. Causa relect. p. 3. Conclus. 2.* alique. E converso hanc obligationem absolute negant Scotus 4. in *dist. 19. q. 1. art. 5.* Navarrus in *summa cap. 26. n. 20.* Gabriel Medina & quidam alii, idque adeo generaliter propugnant, ut etiam ad Sacramentalem satisfactionem extendant.

Nobis non libet in alterutram illam sententiam inclinare, nimis quippe onerosum vide-

videtur, nulla adjecta limitatione, Fideles ad poenalia operum exercitia, ob finem satisfaciendi Deo pro poena temporali generatim obligare, sed & periculis foret obnoxium obligationem illam penitus relaxare; ideoque ad primæ rigorem, nec non secundæ laxitatem temperandam, sit

Conclusio. Probabile, est non dari obligationem absolute & per se ad exhibendam satisfactionem pro poena temporali; ita ut novo peccato obstringantur, qui pro poena temporali non plene satisfaciunt in terris; bene vero præceptum agnoscimus ad injunctam in Sacramentali Confessione poenitentiam peragendam,

Prob. 1.^a pars. Obligatio satisfaciendi Deo pro poena temporali nequit procedere ex virtute iustitiæ; hæc enim reum non cogit, ut in se puniat delictum, sed ut poenam a Iudice taxatam sustineat. Cum ergo Deus sit Iudex & vindex, in alia vita poenam infligens illis, qui viventes non se condigna satisfactione purgarunt, poterit citra injuriam iustitiæ, eorum castigationem differre, usque dum ibi debitum poenæ temporalis extingatur. Non ex lege charitatis, vel erga Deum, vel erga seipsum; quia dilata punitione culpæ, nec æternæ beatitudinis præmium amittitur, nec amor Dei super omnia dilecti. Et quanquam æternæ beatitudinis affectu differatur, non damnum imminet irreparabile, aut adeo grave, ut ad illud evitandum Fideles sub lethali teneantur; nisi velimus dicere (quod Adversarii renuunt approbare) iustum pariter, in præsentī vita ad satisfaciendum pro culpis venialibus obligari, ne illi æternæ beatitudinis merces differatur. Probabile ergo est, non dari absolute, & per se obligationem pro poena temporali, ita ut novo peccato obstringantur, qui pro poena temporali non plene satisfaciunt in terris.

Prob. 1.^a altera pars quam tuerentur Alesius 4. p. quest. 24. memb. 4. artic. 5. Durandus dist. 20. quest. 2. n. 5. Dominicus Soto ead. dist. 9. 2. art. 2.; eamque adeo certam sensit suarius, ut asserere minime dubitaverit, citra temeritatis notam non posse negari ex capite Omnis usriusque sexus de Penit. & Remiss., ubi imposito præcepto cuilibet Fideli, ut postquam ad annos discretionis pervenerit, omnia sua peccata saltem semel in anno, fideliter proprio confiteatur Sacerdoti, additur. = Et injun-

ctam sibi poenitentiam propriis viribus studeat unusquisque adimplere, suscipiens ad minus reverenter in Pascha Eucharistiæ Sacramentum. Ergo sicut verbis laudatis indicitur obligatio ad annuam Confessionem, nec non Paschalem Communionem adstringens, juxta Ecclesiæ communem interpretationem, ita præceptum ad implendam satisfactionem in Sacramentali Confessione injunctam.

Prob. 2.^a Tam Poenitens exhibens in Confessione materiam Sacramenti Poenitentiae, quam Sacerdos ut Minister conferens formam, ex virtute Religionis integrum tenentur Poenitentiae Sacramentum perficere. Sicut ergo hujus Sacramenti nequaquam daretur integritas, ubi ab injungenda satisfactione Sacerdos deficeret, ita si id, quod pro satisfactione injunctum est, Poenitens renueret adimplere. Declaratur hoc magis. De ratione cujuslibet recti iudicii est, quod Iudex valeat reum sua auctoritate coercere ad poenam solvendam: & quod reus Iudici competenti parere teneatur. Porro cum Poenitentiae Sacramentum sit admodum iudicii a Christo institutum, in quo Poenitens se sinit ut reus, Sacerdos vero explet munus Iudicis competentis, dicere necesse est, requiri satisfactionis executionem. Et ideo Tridentinum sess. 14. cap. 8. firmatistum Confessarii potestate supra poenitentes, tum obligatione eisdem injungendi satisfactionem, sic loquitur = *Habeant autem Sacerdotes præ oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem. Nam claves Sacerdotum non ad solvendum dumtaxat, sed & ad ligandum concessas, etiam antiqui Patres, & credunt, & docent* = Idque ulterius confirmat can. 13. Anathemate percellens oppositum asserentes. = *Si quis dixerit Claves Ecclesiæ esse datas tantum ad solvendum, non autem ad ligandum, Anathema sit.* =

Prob. 3.^a S. Cyprianus in *Serm. de Lapsis* inquit = *Is veram poenitentiam agit, qui Dei, & Sacerdotis præceptis obediens, operibus iustis Dominum promeretur* = Eundem loquendi modum adhibet Author lib. de vera, & falsa poenitentia, sub nomine D. Augustini = *Quibus remittunt, Sacerdotes, remittit Deus,*
opus

opus enim iustitia exerceat in peccatores, cum eos iusta pena legant = Idem sentit D. Greg. Papa lib. 3. in 1. Reg. cap. 7. = *Afflictio penitentiae*, inquit, ad delenda peccata tunc demum idonea est, cum Sacerdotis fuerit iudicio imperata, cum ab eo consentium actibus discussi pro modo criminis, omnis ei decernitur afflictionis = Nec aliud docuit Doctor Angelicus fidelissimus Patrum discipulus in 4. dist. 18. q. 1. artic. 3. quaestione. 3. = *Ad tertiam quaestionem*, ait, *dicendum, quod operatio Sacerdotum in usu Clavium est conformis Dei operationi, cuius Minister est; Deus autem habet operationem in culpam, & in penam, sed in culpam ad solvendum quidem directe, ad ligandum autem indirecte, inquantum obdurare dicitur, dum gratiam non largitur. Sed in penam habet operationem directe, quantum ad utrumque, quia & penam parit, & penam infligit, similiter ergo Sacerdos in penam habet potestatem ligandi & solvendi, solvit enim a pena, quam dimittit, sed ligat ad penam, quae remanet. Sed ad hanc figure dupliciter dicitur. Uno modo considerando ipsam quantitatem penae in communi, & sic non ligat nisi inquantum non solvit, sed ligat offendit. Alio modo considerando penam hanc vel illam determinate, & sic ligat ad penam ligando eam = Ergo juxta mentem Sanctorum Patrum, datur praecipuum adimplendi poenitentiam injunctam in foro Sacramentali.*

At inquit cum Navarro in *summa cap. 26. n. 20.* Verba illa Tridentini ita sunt intelligenda, ut Ly = *ad ligandum* idem sit ac = *ad arbitrandum iustam penam* = non vero quod talem potestatem Sacerdotis declaret, ut Poenitentes queat ad executionem satisfactionis compellere. Quae interpretatio verbis laudatis Angelici Praeceptoris potest congruenter aptari; quo circa solum colligitur, oportere Confessarios poenae quantitatem culpae gravitati respondentem praefigere, ejusque executionem, citra obligationem arbitrio poenitentis commendare.

Resp. 1.^o verba illa = *ad ligandum* = exponere de Sacerdotis arbitrio, idem esse, ac ad futilem interpretationem recurrere, a Tridentini Concilii & Angelici Praeceptoris mente profus alienam; in eodem enim

sensu ab eisdem asseritur potestas ligandi, ac potestas, solvendi. Sed potestatis solvendi legitimus sensus est, Sacerdotes vera gaudere potestate auferendi ligamen, quo Poenitentes ad poenam aeternam subeundam sunt irretiti. Posse ergo ligare ad poenam, non est mere congruentem satisfactionem designare, relinquendo Poenitentium arbitrio, ut eam impleant (quod consilij legem non excederet) sed ad illam cogere, & obligare.

Resp. 2.^o Concilium verbis immediate antecedentibus declarasse, Sacerdotes levissima opera ob gravia delicta injungentes, peccatorum Poenitentium participes fieri. Si autem potestas ad ligandum idem esset ac potestas ad arbitrandum, nunquam alieni delicti participatio posset Sacerdotibus imputari; deberent quippe Sacerdotes, satisfactionem juxta arbitrium Poenitentium temperare; adeoque, ubi isti levissima tantum opera vellent acceptare, non essent alia necessario injungenda, ac per consequens minime fierent alienorum delictorum participes. Quod cum perspicue Tridentino adversetur; dissonum est pariter ejus menti, ea verba: *ad Ligandum*, de arbitrio juxta poenae interpretari.

Solvuntur Argumenta Adversariorum.

Obijciunt 1.^o contra 1.^{am} partem Conclusionis. Tridentinum *sess. 6. cap. 14. docet*; poenitentiam esse homini Christi fidei necessariam, eandemque inter cetera, jejunia, elemosynas, aliaque vitae spiritualis exercitia continere, de qua plures explicat Sacrae Scripturae auctoritates. *Apoc. 2. = Memor esto unde exideris, age poenitentiam, & prima opera fac. = 2. Cor. 10. = Quae secundum Deum tristitia est, poenitentiam in salutem stabilem operatur = Luc. 3. = Facite fructus dignos poenitentiae =* quem Apostoli locum ita pariter exponit D. Jo. Chrysostomus *Homil. 10. in Matth. = Neque enim vulnerato sufficit ad salutem tantummodo spicula e corpore evellere, sed etiam remedia adhibere vulneribus = & Mag. sententiarum in 4. dist. 16. D. Joannis Baptista sententiam Luc. 3.^o relatae explicans, sentit, ibi praecipi satisfactionem. Constat autem Joannem non potuisse novam condere legem, quia non Legislatoris, sed Praecursoris Christiungebatur.*

offi-

officio, sed naturalem legem explicasse. Datur ergo præceptum satisfaciendi Deo pro poena temporalis.

Resp. Tridentinum ibi non loqui de quacunque satisfactione, sed solum de iuncta in Sacramentali Confessione, ad quam suadendam utitur adductis Sacre Scripturæ autoritatibus. Et hoc patet ex verbis antea præmissis = *Docendum est Christiani homini penitentiam post lapsum, multo aliam esse a baptismali, eaque contineri non modo cessationem a peccatis, & eorum detestationem, aut cor contritum & humiliatum, verum etiam eorumdem Sacramentalem Confessionem saltem in voto, & suo tempore faciendam, & Sacerdotalem absolutionem, itemque satisfactionem per jejunia, elemosinas, orationes, & alia pia spiritualis vite exercitia* = Nec de alia satisfactione loqui dicendum est Magistrum sententiarum loco citato, qui de Penitentia disserens *dist. 15.*, tres ejus partes enumerat: compunctionem cordis: oris confessionem: & satisfactionem operis; ideoque de hac postea subdit = *Satisfactio a Joanne præcipitur, ubi ait, facite fructus dignos penitentiae, scilicet ut secundum qualitatem & quantitatem culpæ, sit qualitas, & quantitas poenæ.*

Obijciunt 2.^o Patres uno fere ore conclamant, necessariam esse hominibus lapsis in peccatum poenitentiam, & quo plura & graviora sunt crimina, eo duriora opera poenalia ad illorum deletionem postulari. Ita loquitur Auctor Commentariorum in Epistol. D. Pauli, quæ sub D. Ambrosii nomine circumferuntur, exponens illud 2. ad Corin. 7. = *Tristitia quæ secundum Deum est &c.* = *Quicunque, ait, inde tristis est, quia hoc ei in se ipso displicet, quod Deo displicet, elaborat illud penitendo delere, & Deo satisfacere, ut possit ad salutem, quam amiserat pervenire* = Idem tradidit Origenes *Homil. 8. in Levitic.* cum Tertullian. in *fin. de Penit.* & Cassian. *Collat. 13.* qui docuit, graviter delinquentem post baptismum, aut esse diuturna afflictione poenali dolore purgandum, aut ignis æterni supplicii addicendum. Ergo ex Patribus constat, dari absolute & per se præceptum ad exhibendam satisfactionem pro poena temporali.

Resp. ex Patribus nihil colligi contra

nostram Conclusionem; loquuntur enim vel de satisfactoriis operibus, a Sacerdotibus virtute clavium iunctis, quod nos propugnamus; vel volunt Fideles ad actus poenitentiales quandoque obligari per accidens, tanquam ad medicinam adhibendam, & remedium ad præservationem a culpis, puta ad jejunium, vel abstinentiam, ob servandam castitatis virtutem; vel dicas laboriosa & satisfactoria opera iis, qui peccaverunt, ab illis præcipi, non absolute & simpliciter sed sub conditione: hoc est, si a peccatis omnino liberari velint, & a poenis, quæ pro ipsis constitutæ sunt, saltem post hanc vitam luendæ.

Obijciunt 3.^o Cum peccatum non anima tantum, sed & corporis membris plerumque sit perpetratum, æquitatis jura postulant, congruam & animæ & corpori poenam respondere. Ubi vero supplicium in alia vita tolerandum satis esset, sola anima, non vero corpus poenæ succumberet. Dum ergo homo vivit, ad satisfaciendum adstringitur, ut corpus particeps culpæ non sit exemptum a poena. Cui argumento nititur Cano ad probandum, dari obligationem ad satisfaciendum Deo per actus poenales externos.

Resp. non esse contra justitiam punitionis differri poenam usque ad Purgatorium; anima enim est, quæ principaliter deliquit, corpus velut organum & instrumentum ipsius; ideoque ad æqualitatem compensatur in anima, quicquid in corpore peccatum est. Addimus: Argumento Adversariorum nihil concludi; alias = *probaretur sufficiens* (ut arguit Suarius *tom. 4. in 3. p. disp. 15. sect. 4. n. 4.*) *non posse hominem in hac vita satisfacere pro hac poena per solus actus interiores animæ, aut per intensissimam contritionem; vel contrario non posse hominem satisfacere per actiones corporis pro peccatis meritis internis, & in sola anima commissis.*

Obijciunt 4.^o contra alteram Conclusionis partem. Reatus poenæ temporalis non obligat ad solutionem in hac vita tantum, sed disjunctive vel in hac vita, vel in futura; alias ex opposito feret, eum, qui detrectavit Deo in humanis satisfacere, nunquam per toleratos Purgatorii cruciatus nancire solum. Non ergo tenentur Fideles debita poenæ temporalis per poenitentiam eluere, sed possunt solutionem in Purgatorio

torio exhibendam differre; qui enim disiunctiva obligatione gravantur, per alterutrius solutionem immunes evadunt a debito.

Resp. absolute verum esse, reatum poenae temporalis non obligare ad debiti solutionem determinate in hac vita; sed ex suppositione voluntariae & liberae Confessionis Sacramentalis, non amplius Poenitentes disiunctiva, sed determinata affici obligatione implendi hic satisfactionem injunctam in foro Sacramentali; si enim ab huiusmodi satisfactione Christi fideles deficerent, id in Sacramenti Poenitentiae deformitatem, atque imperfectionem redundaret. Nec novum, & inauditum est, ex actione voluntaria & libera, ad aliud cum illa connexum obligationem constringere. Sacerdos ad offerendum incrementum Altaris Sacrificium non adstringitur; facta tamen hypothese, quod id facere velit, nequit usque ad consecrationem dumtaxat celebrare, sed illud integrum perfectumque tenetur absolvere. Sic ergo licet absolute & per se loquendo, non teneantur Fideles ob poenae temporalis reatum in praesenti vita ad satisfactionem, ex suppositione tamen Confessionis Sacramentalis, liberum eis non est, ab injuncta satisfactione declinare, animo solvendi poenam in Purgatorio; debent enim explere id, quod ad Sacramenti Poenitentiae spectat integritatem.

Obijciunt 5.^a Nulla ratione probari potest obligatio implendi satisfactionem a Confessario injunctam; non quidem ex Confessarii praecepto, tum quia non est de re simpliciter, sed solum secundum quid conducente ad vitam aeternam, quippe quod praecipit solutionem poenae temporalis, cuius omisio, nec dilectionem Dei, vel contentis, aut proximi graviter laederet; tum quia firmata tali obligatione, tenerentur poenitentes ad condignam, ac per consequens quancumque etiam gravissimam; siquidem satisfactionis condignitas attendenda est penes peccati confessi gravitatem, vel penes debitum poenae luendae in alia vita. Ex primo capite certum est, nedum peccatum lethale, sed etiam veniale gravissimam quamlibet operum poenalitatem excedere. Ex secundo pariter liquet, levissimam Purgatorii poenam omnem prorsus vitae praesentis acerbiter superare. Neque vero aliunde probari potest praedicta obligatio, quam ex eo, quod injuncta

satisfactio sit pars integralis Sacramenti poenitentiae; quanquam enim hoc verum esset, eo tamen quandoque utitur Ecclesia, nullam adhuc satisfactionem injungens Poenitenti sensibus destituto. Insuper ex Ecclesiae praxi patet, Sacerdotes pios & probos Sacramentalis absolutionis beneficium impendere etiam nolentibus satisfactionem, vel ejus partem implere; ideoque Navarrus non contemnendae eruditionis Doctor inquit = *Video in Urbe & in Orbe receptum, ne cuiquam denegetur absolutio, eo solo, quod nolit acceptare poenitentiam* = Nulla ego ratione probari potest obligatio implendi satisfactionem a Confessario injunctam.

Resp. assertam obligationem ortum ducere ex voluntate Christi, qui demandavit Sacerdotibus novae legis potestatem ligandi ad poenam, subeuntes Sacramentale iudicium, ac ex consequenti voluit eosdem, ad taxatam poenae, seu satisfactionis executionem poenitentes obligare. Nec latent hujus obligationis rationes; cum enim doceat Tridentinum, oportere Sacerdotes poenitencias salutares injungere, tum ad praetoriorum criminum vindictam, tum ad futurorum praecautioem ibi = *Habeant autem Sacerdotes praec oculis, ut satisfactio quam imponunt, non sit tantum ad novae vitae custodiam & infirmitatis medicamentum, sed etiam ut praetriorum peccatorum vindictam & castigationem* &c. = discrete colligitur, poenitentes ad id exequendum teneri, tam ex virtute, contra quam imminet peccatum futurum, quam ex virtute poenitentiae intendens de perpetrato crimine exercere vindictam. Rursus cum ex Concilii Florentini decreto constet, satisfactionem esse partem integram Sacramenti Poenitentiae, consequens sit, ex virtute Religionis ad eam pariter poenitentes adstringi. Quapropter dato, quod poenae temporalis solutionem differre, non vergeret in grave damnum dilectionis Dei, aut contentis, vel Proximi in Sacramenti tamen praedictum cederet, juxta quod situm satisfactiois injunctae pro gravi aut levi peccato; illud enim imperfectum relinqueret, & alias nunquam perficiendum; quia satisfactio Purgatorii non obiret munus partis integralis hujus Sacramenti. Ex quibus male deducitur, Poenitentes ad quancumque satisfactionem etiam gravissimam obli-

gati, tametsi condignam subire teneantur, satisfactionis quippe condignitas aestimari potest, vel solum per respectum ad culpam, Clavium potestati subjectam, aut per respectum ad reatum poenae temporalis, necnon poenitentis fragilitatem, atque dispositionem, quibus consulendum dicitur prudentia. Si primo modo hae satisfactio consideretur, quodcumque peccatum confessum, etiam leve, eam superat, quae maximam secum affert severitatem; quia malum culpae, quod idem est omnino ac malum Dei in affectu, excedit ex genere suo quodlibet malum poenae. Ceterum si secundo modo accipiat, ut a Sacerdotibus expendenda est, ea condigna satisfactio censeri debet, quae non superat poenitentis vires, atque reatui poenae per culpam contracto responderet. Quo circa cum ex peccato veniali levis poenae reatus, ex lethali gravis proveniat, si propter primum gravis injungeretur satisfactio, non esset condigna, sed injusta, adeoque ad eam implendam poenitentem non cogeret. Quod similiter dicendum arbitramur, si propter unum numero lethale peccatum adeo gravis indiceretur, ut pluribus juxta prudentum aetimationem responderet. Verum si ex una parte peccata confessa plurima essent, maximaeque gravitatis, & alias poenitens esset magnae fragilitatis, ex satisfactio esset condigna saltem per accedens, quae etli poenae temporalis debitum non adaequaret, poenitentis tamen viribus par esset, conformiter ad benignum Ecclesiae Romanae usum, quae satisfactionem Sacramentalem consuevit indicare mitiorem ea, quae esset indicenda; ne illa, quae per se digna censetur, Fideles ab hujus Sacramenti participatione retraheret, ac ruinam potius, quam salutis occasionem praeberet. Quam doctrinam approbat, traditque D. Chrysostomus *Homil. 4. in Epist. 2. ad Corinth. b.* ponderata Apostoli Indulgentia erga Corinthium fornicarium his verbis = *Qua ex re docemur, quod non solum ad peccatorum naturam, verum etiam ad mentem habitumque peccantium oportet moderari poenitentiam, quod ipsum tum faciebat Apostolus* = Hinc quod minima Purgatorii poena hujus vitae acerbiores excedat, nil inde ab Adversariis evincitur ad institutum; quia satisfactionis condignitas non attenditur per ordinem ad poenam determinate in Purgatorio solvendam, sed per ordinem

ad debitum poenae a Deo determinatum, pro criminum varietate purgandum, vel in humanis, juxta hujus fori mensuram, vel secundum taxationem post mortem in Purgatorio correspondentem, supposito quod in humanis eo obligatus non solverit. Per hoc vero, quod sensibus destituto nulla injungatur satisfactio, male colligitur, nullum dari praeceptum satisfactionis Sacramentalis; quia licet per accedens in aliquo casu, ubi urgeret necessitas, posset subsistere Sacramentum sine ejus parte integrali, non tamen sequitur absolute & per se id posse praestari. Exemplum adducimus ad id explicandum in integritate materiali Confessionis Sacramentalis, seu in manifestatione cujuslibet peccati lethalis post Baptismum commissi nondum subiecti Clavibus, legitimo Poenitentiae Sacramenti Ministro facienda, qua non posita ex justa causa, potest impendi Sacramentalis absolutio poenitentis, juxta tritam Theologorum sententiam; & tamen non inferitur ex hoc, poenitentem pro suo libito posse Confessionem dimidiare, seu aliqua peccata lethalia silentio praeterire. Et ratio est, quia per hoc quod aliquid per accedens fiat, non recte colligitur absolute & per se fieri posse. Falsum est tandem, Sacerdotes pios, & probos absolute nullaque adjecta limitatione absolvere poenitentes nolentes, eum alias possent, satisfactionem Sacramentalem integraliter explere: nec in Urbe aut in Orbe (ut notant Patres Salmanticensis in *curso Scholastico tr. 24. de Poenit. disp. 11. dub. 2. n. 24.*) videre potuit Navarrus doctrinam illam ab ipso propugnatam, ad tam communem & frequentem praxim reduci, ut ejus verba declarant. Maxime quia, etiam permisso, hoc aliquando evenisse, haud facile potuit certo sciri, quid singuli Urbis, ac longe minus totius Orbis Sacerdotes observaverint.

ARTICULUS IV.

An homo iustus possit æquivalentem ac de condigno satisfactionem præbere pro pœna temporali sibi debita.

SATISFACTIO duobus modis dici potest æquivalens debito. Primo ab extrinseco, quando videlicet ex se valore non habet, ita tamen ex gratia creditoris admittitur, ac si debito comparata intrinsecum valorem, ac proportionem obtineret. Secundo ab intrinseco, cum ex propriis quandam importat cum debito æqualitatem: idque bifariam potest contingere, vel per æqualitatem geometricam, exhibito nempe eo, creditori, quod non dicit æqualitatem intrinsecam, sed tamen habet quandam intrinsecam proportionem, indigetque gratia creditoris defectum valoris, & inæqualitatem supplette; ut in civilibus eveniret, si debens alteri centum, solveret quinquaginta, plura non habens nec potens reddere: vel per æqualitatem quantitativam & arithmeticam, cum debito ita adequatur, ut citra gratiam creditoris, tantum in ratione solutionis præferat pretium, quantum est debitum exolvendum: puta, si is qui centum debet, totidem creditoris persolveret; diciturque huiusmodi satisfactio de condigno, nil enim reperire est in debito, quod præstita huiusmodi solutione non compensetur. Utrumque æquivalentis satisfactionis modum non obscure tradit D. Thomas in 4. dist. 15. quæst. 1. art. 2.

Hominem iustum Deo exhibere posse satisfactionem pro pœna temporali sibi debita æquivalentem seu æqualem æqualitate geometrica, communiter apud omnes Canonistas, nec non Theologos recipitur; quodlibet enim opus virtutis, gratiæ sanctificantis influxu elevatum, etiam cum remissione pœnæ temporalis æqualitatem non obtineat, intrinsecam tamen importat proportionem, ut momenta, quæ in Articulo 1.^o tum ex Sacra Scriptura, tum ex Conciliis, tum ex Patribus expendimus, perspicue demonstrant. Non omnes tamen fatentur, iustum posse satisfacere de condigno,

& æqualem æqualitate arithmetica compensationem exhibere. Negat Durandus in 4. dist. 15. quæst. 5. ad 2.^m, eique adheret Petrus de Ledefina 2. p. quæst. 5. ad. 12.^m. Ab his non diiçrepat Joannes Medina Codic. de Pœnit. & Cipullus asserens, non posse hominem huiusmodi satisfactione peccati lethalis offensam quantunvis finitam compensare.

Conclusio. Homo iustus potest satisfactionem æquivalentem & de condigno offerre pro pœna temporali sibi debita.

Prob. 1.^o authoritatibus Sacre Scripturæ, quibus talis satisfactio per redemptionem exprimitur. Proverb. 16 = *Miser cordia & veritate redimimur iniquitas* = Daniel. 4. = *Peccata tua elemosynis redime* = Redimere autem, non æquivalentem utcumque satisfactionem significat, sed arithmeticam, ac omnino proportionatam; non enim aliquid proprie redimi dicitur, nisi ad debitam commensurationem appendatur. Ergo homo iustus potest satisfactionem æquivalentem & de condigno offerre pro pœna temporali sibi debita.

Prob. 2.^o Tridentinum sess. 14. cap. 8. & 9. docet, homines gratia sanctificante præditos posse dignos poenitentiarum fructus exhibere = *Omnis glorificatio nostra in Christo est, in quo satisfacimus, facientes fructus dignos poenitentiarum* = Fructus autem digni poenitentiarum dicuntur ii, quibus tantum debiti cum Deo deletur, quantum per peccatum contractum erat = *Fructus poenitentiarum* (inquit Cajetanus in Opuscul. de Commun. & Confess. cap. 3. de satisfactioe) *sonat opus proveniens a poenitentia ut a radice, seu arbore. Perspicuum autem est, quod fructus dignus poenitentiarum est, reparare ea quæ admissæ & commissæ nos poenitet. Hoc autem vocatur, satisfacere pro peccato, pro quantum in hoc comprehenditur deletio omnium malorum, quæ in poenitente remanserunt, quorum unum est reatus relictæ pro peccato pœnæ* = Ergo homo iustus potest satisfactionem æquivalentem & de condigno offerre pro pœna temporali sibi debita.

Prob. 3.^o ex decreto S. Pii V. & Gregorii XIII. damnantium hanc Michaelis Buii propositionem, inter reprobata 77.^{am} = *Satisfactiones laboriose iustificationum non valent expiare de condigno pœnam temporalem restantem post culpam condonata* =

san = ex qua reprobatione, cum opposita contradictoria propositionis veritas habeatur, planum est, posse ita justos in satisfactionibus laborare, ut aequaliter & de condigno poenam temporalem subeundam per opus poenalem compensationem adaequant.

Prob. 4.^a ex Sanctis Patribus, & praecipue ex D. Ambrosio in *Commentar. ad cap. 12. Lucae*, ubi textum illum exponens = *Tollite, & mittite eum in tenebras exteriores* = confert opera satisfactoria poenitentis cum pecunia pro debito usque ad minimum quadrantem persoluta = *superest nunc*, inquit, *ut intelligamus, quid sibi velit figura quadrantis; & videtur usualis rei expressum nomine intellectus spiritualis arcanum*. Nam, sicut qui pecuniam solvunt, debitum reddunt, nec prius evacuatur favoris nomen, quam solutus sortis, ad minimum usque, quocunque solutionis genere quantitas universa solvatur, sic comparatione charitatis altumque reliquorum, vel satisfactione quacunque peccati poena dissolvatur. Nec otiosum, quia non era sicut alibi duo, non assensum, non denarium, sed quadrantem hoc posuit loco; quadrantaria enim permutatio veluti quaedam est compensatio, cum aliud redditur, & aliud significatur solutum, ita & hic, aut pretio charitatis redimitur injuria, aut injuriae estimatione poena laxatur = Vides quomodo D. Ambrosius, perfectam satisfactionis rationem operibus poenalibus attribuat. Eandem rem illustrat Venerabilis Beda, explicans, sacrificium iustitiae (ad quod per Regium Psalmistam Psalm. 4. hortamur) in huiusmodi adaequata compensatione consistere = *Sacrificium* =, inquit, = *Sacrificium iustitiae*, quasi dicat: ita dico ut irascamini praeteritis peccatis, & sacrificetis Sacrificium, id est mortificetis propria vitia, faciendo fructus dignos poenitentiae, tantum scilicet pro singulis vos affligentes, quantum digna expetit poenitentia, quod erit Sacrificium iustitiae; nam nihil iustius est, quam qui puniit aliena peccata, ut puniat propria, & ut quisque tantum se affligat, quantum sedata ejus meruit conscientia; & sic seipsum faciat Deo suae sacrificium = Tantum autem affligere nos, quantum exitur pro sacrificio iustitiae, aut quantum

petitur ad poenitentiae condignitatem, proprium est satisfactionis arithmeticae. Idem supponit Innocentius III. in *Serm. pro Solemnitat. S. Mar. Magdalen.*, observans requisita ad complementum consignae satisfactionis. = *Hec tria sunt, ait, quae dignam satisfactionem perficiunt: dolor in corde: pudor in ore: labor in opere, ut juxta Salomonis sapientiam, per quem quis peccat, per haec torqueatur* = His coherent alii Patres, quorum auctoritates pro Conclusionem in Articulo 1.^o statuta, retulimus. Ergo juxta mentem Patrum homo justus potest equivalentem ac de condigno satisfactionem offerre pro poena temporali sibi debita.

Prob. 5.^a Homo gratia, & charitate praeditus potest tantum solvere, quantum poenae temporalis debitum ad sui compensationem exposcit; etenim si tale meritum potest offerre, quod aeternae beatitudinis premium in valore adaequet, illudque sibi debitum reddat ex iustitia, dicente D. Paulo in *Epist. 2. ad Timotheum*. = *Reposita est mihi corona iustitiae, quam reddet mihi Dominus in illa die justus Iudex, non solum autem mihi, sed iis qui diligunt adventum ejus* = quare haberi non poterit talis satisfactio, quae poenae temporalis debito omnino commensuretur; tam enim beatitudo in ratione praemii obtinenda, quam poena temporalis exolvenda, finitarum rerum limites non excedunt. Quod non obscure innuit Tridentinum *sess. 6. cap. 16.* his verbis = *Nihil ipsi iustificatis amplius deesse, credendum est, quominus plene illis quidem operibus, quae in Deo sunt facta, Divinae Legi pro hujus vitae statu satisfecisse, & vitam aeternam, etiam suo tempore, si tamen in gratia decesserint, consequendam, vere promeruisse censeantur; cum Christus Salvator noster dicat: si quis biberit ex aqua, quam ego dabo ei, non sitiet in aeternum, sed fiet in eo fons aquae salientis in vitam aeternam* = Ergo sicut homo gratia & charitate praeditus potest de condigno vitae aeternae premium promereri, ita & de condigno pro poena temporali sibi debita satisfacere.

Dices. Si paritas illa inter meritum & satisfactionem in suo robore subsisteret, inferri posset legitime, hominem justum per quodlibet opus moraliter bonum a gratia & charitate elevatum, quodcumque debi-

tum poenae temporalis expiare; siquidem eadem esset gratiae sanctificantis, & charitatis virtus & elevatio, ad promerendum vitae aeternae praemium, ac ad satisfactionis onus exolvendum. Quemadmodum ergo per minimum opus bonum homo iustus potest praemium aeternae beatitudinis promereri, ita posset per minimum opus bonum, aequalem omnino poenae temporalis compensationem exhibere. Hinc unum ex fundamentis corrueret, cui innituntur Doctores ad propugnandam Orthodoxam de existentia Purgatorii veritatem, tam in Florentino Concilio, quam in Tridentino definitam; ex eo enim Dogma illud de Purgatorio a Catholicis comprobatur, quia Deus, animas a corpore separatas, propter poenae temporalis debitum in humanis non deletum, in alia vita medio igne aliisque tormentis, miris ac veris modis ad Divinae Iustitiae ostensionem exagitat. Verum cum nullus sit iustus ex adultis, qui ante egressum ex hac vita sicut actum vitae aeternae meritum, ita & temporalis poenae satisfactorium non eliquerit, nihil haberetur in alia vita purgandum, jam hic praestita satisfactione deletum.

Resp. ex illa paritate non colligi, quod obiectum est. Id enim discriminis observari velim inter aeternae beatitudinis meritum, & poenae temporalis satisfactionem, quod in ordine ad primum, aequalitas seu condignitas, non ex maiori operis difficultate, sed ex dignitate & valore ejusdem mensuratur; quapropter si opus factum ejusdem sit valoris ac dignitatis secundum prudentem aelimationem, sicuti est praemium, habet rationem meriti de condigno in ordine ad illud; & quia opus quodcumque bonum in linea morali hominis iusti, ob quendam modum a gratia & charitate participatum, eandem cum praemio aeternae beatitudinis dicit condignitatem, idcirco mirum non est, quod sit meritum de condigno respectu illius. Ceterum satisfactorium condignitas seu aequalitas vel a fervore virtutis charitatis, vel arduitate operis attenditur, id exigente lege Divinae Iustitiae, ut quantum perversiois ordinis rationis per peccatum inductum est, tantum proportionata satisfactione ejus, qui deliquerat, periculo, reparetur. Quid ergo mirum, si ex hoc Purgatorium existeret deducatur; quandoquidem nonnulli ex Fi-

delibus, qui etiam in gratiae statu constituti pro ante actae vitae gravioribus culpis remissis, ac tepide in humanis existentes, in satisfaciendo se gesserunt, carnis vinculis exoluti ibi detineantur, igne aliisque tormentis usque ad minimum quadrantem Deo reddituri?

Ex his colliges, non posse hominem iustum pro poena temporali sibi debita de toto rigore iustitiae satisfacere; talis siquidem satisfactio nequit locum habere in pura creatura quantumvis praedita eximio gratiae sanctificantis gradu, sed dumtaxat in Christo, qui pro humani generis peccatis superabundanter, & quoad culpam & poenam, sive aeternam sive temporalem, dignissimum sui Sanguinis pretium offerre non dubitavit, ut dicemus futuri *cap. 2. art. 1.* Quatuor enim conditiones ad satisfactionem huius generis ex communi Doctorum sententia deprehendimus. 1.^{am} quod fiat per propria bona creditoris; aliena quippe nec dare, nec solvere possumus. 2.^{am} quod non fiat ex bonis existentibus sub creditoris dominio. 3.^{am} quod non fiat per bona creditoris alio titulo debita; haec enim reputantur ut sua. 4.^{am} quod sit ad alterum, quia nemo ad se ipsum dicitur exercere iustitiam. Duas autem ex his conditionibus, quamlibet pure creature satisfactionem non habere, compertum est, cum & Dei creditoris gratiam satisfaciendi necessario communicatam requirat, tanquam fundamentum ad ejusdem valorem, essentialiter exactum: ac rursus titulo Religionis, Deo quaelibet actio creaturae debeatur.

At inquires. Praedictae conditiones in Christi satisfactione nullo modo reperiuntur; obstat enim gratia creditoris. Insuper ejus actiones etiam titulo Religionis erant Deo debita. Tandem, nec vere & proprie dici potest, quod Christi actiones essent ad alterum, cum Verbum Divinum ita humanam naturam assumpserit, ut nunquam Divinam amiserit. Aut ergo satisfactio de toto rigore iustitiae eas conditiones non exigit, aut talis non fuit Christi satisfactio pro nostris criminibus oblata.

Resp. non probari, quatuor illas conditiones Christi satisfactioni deesse; gratia enim creditoris obstat satisfactioni de toto rigore iustitiae ea est, quae principali satisfaciendi competit, secus vero si minus principa-

eipali conferatur, rigor quippe iustitiæ commutativæ non nisi penes principale satisfaciens attenditur, actiones enim sunt suppositorum. Porro quanquam unio hypostatica insignis fuerit grata respectu assumptæ humanitatis, imo & respectu nostri, secus respectu Verbi in humana natura subsistentis, quod est principale satisfaciens in negotio nostræ salutis. Ex quo inferitur 1.^o debitum alio titulo, iustitiæ rigorem adimere, si principale satisfaciens inspexerit, non vero si minus principale; quamobrem etsi Christus ut homo, ratione humanitatis debitum gratiarum actionis, ac Religionis pro beneficiis eidem gratuito collatis rependere teneretur, ejusdem tamen operationes prout a Divino egrediebantur supposito, seu a principali satisfaciente, non erant Dei subiectæ dominio; cum Verbum Divinum hisce obligationibus non sit, nec detineatur obnoxium. Inferitur 2.^o satisfactionem Christi fuisse ad alterum, satis enim est ad hoc, vel alicuius suppositorum, ut in humanis communiter contingit, vel naturalium in eodem supposito subsistentium; unde Christus ut homo satisfactionem obtulit, quam acceptavit ut Deus, talis enim alicuius ad solvendum alteri desideratur, quæ sufficit ad dominium & servitutem, involvens iurum diversitatem. Naturalium autem in Christo diversitas facit, ut Christus prout Deus sit Dominus, prout homo sit servus = *Esse Dominum* (inquit D. Thomas in 3. par. quest. 20. art. 2. in corp.) & *servum*, attribuitur persone vel hypostasi secundum aliquam naturam. Cum ergo dicitur Christus esse Dominus, vel servus sui ipsius: vel quando Verbum est Dominus hominis Christi, hoc potest intelligi dupliciter. Uno modo ut intelligatur, hoc esse dictum ratione alterius hypostasi vel persone, quæ talia sit persona Verbi dominantis, & alia hominis servientis, quod pertinet ad heresim Nestorii = & post pauca = *Allo modo potest intelligi secundum diversitatem naturalium in una persona & hypostasi, & sic dicere possumus, secundum unam earum, in qua cum Patre convenit, simul cum Patre præesse, & dominari, secundum vero alteram naturam, in qua nobiscum convenit, ipsum subesse, & servire.*

Solvuntur Argumenta, quibus Adversarii probare contendunt, hominem iustum non posse satisfactionem æquivalentem, & de condigno offerre pro pena temporali sibi debita.

Obijciunt 1.^o Satisfactio arithmetica, & de condigno postulat, ut talis sit in ratione solutionis, quod debitum poenæ temporalis exolvendum adæquet. Hoc autem in quacunque satisfactione per puram creaturam oblata reperiri non potest; poena siquidem Purgatorii, juxta Divinæ iustitiæ leges taxata, talis est conditionis, ut nequeat hujus sæculi poenis commensurari = *In Purgatorio* (inquit D. Thomas in 4. dist. 21. art. 1. quest. iunc. 3.) *erit duplex poena: una damni, in quantum scilicet retardantur a Divina visione: alia sensus, secundum quod ab igne corporali punientur, & quantum ad utrumque poena Purgatorii minima excedit maximam penam hujus vite* = Ergo nequit ab homine iusto satisfactio arithmetica, ac de condigno offerri pro poena temporali sibi debita.

Resp. quod poena temporalis remanens post justificationem non est determinate Purgatorii, sed indeterminate, aut hujus sæculi, aut alterius; imo in hoc sæculo toleranda, peccato per se correspondet, solvenda vero in altera vita tantum substitutive, factaque suppositione non impletur satisfactionis in humanis, ut docet D. Thomas in 4. dist. 20. quest. 1. art. 1. quest. iunc. 3. = *Oportet*, inquit, *quod adhuc in fine pœnitens quicumque satisfactionem non implet in hac vita, post hanc vitam puniatur* = unde ut verum sit, posse fieri pro poena temporali satisfactionem de condigno & ad æqualitatem, non exigitur adæquatio inter poenam hujus vite, aut sponte susceptam, aut a Deo immissam, patienter tamen toleratam cum poena peccato debita in Purgatorio. Quod vero in hac vita non satisfaciens, graviores in Purgatorio poenam subire compellatur, sua impunitæ negligentia, quia cum ab ea posset se eximere, noluit hic peccatorum reliquias ex piare unde inquit Anglicus *loc. cit. in solut. ad 1.^{am}* = *Ille qui in fine vite pœnitet, non puniatur post hanc vitam, quia non sa-*

satisfecit... sed quia peccavit, & quia satisfacere neglexit quando posuit.

Dices. Si Purgatorii poena, loco alterius debita in hac vita, subrogaretur, falsum esset Theologorum proloquium, plurimum Divinam Misericordiam commendans = *Deus punit citra condignam* = maximus enim esset Purgatorii excelsus supra huius seculi poenas.

Resp. Purgatorii poenas quantumvis atrocissimas, longeque superiores poenis vite presentis, nihilominus juxta mensuram a Divina Justitia taxatam, in ratione condignae solutionis, poenae compensandae debitum non excedere, quia Divina Justitia habens rationem mensurae, pro condigna adequatione exigit in Purgatorio poenam majorem quidem re ipsa, seu acerbiorum, quam sit toleranda in hac vita; quam in ratione iustae compensationis aequalis sit. Idque ne novum videatur, exemplo tritici poest apprimere declarari; modius enim illius, pro quo, ubi abundantia viget, quinque juliorum pretium iuste persolvitur, caritate urgente vix emeretur quinque aureorum pretio. Nec mirum est, utramque pecuniae summam adeo diversam, in ratione mensurae convenire, quia in pretiis mensurisque rerum venalium, id quod se habet de formali, est conformitas vel ad legem taxantem, vel ad id, quod fortasse inducit regionis usus, ac temporum varietas; quamobrem in ratione pretii ut iusti, reique venalis potest mensurae aequitas intercedere, esto plurimum re ipsa deatur inaequalitas. Ita pariformiter contingit in compensatione poenae temporalis debita pro peccatis; condigna quippe compensatio in humanis exhibitae, quamquam a condigna satisfatione poenarum Purgatorii in ratione rei ipsius excedatur, utraque tamen formaliter aequalis esse potest in ratione mensurae, iustaeque solutionis, expensis circumstantiis status, & conditionis subiecti, in hoc, & in alio saeculo. = *Dicendum* (inquit D. Thomas loco nuper citato *in resp. ad 2.^m*) *quod iustitia assimilatur mensurae, ut dicit Philosoph. in 5.^o Ethic. unde sicut in diversis terris sunt diversae mensurae rerum venalium, ita & diversae poenae secundum iustitiam pro eisdem culpis inferuntur: & similiter pro eadem culpa gravius quis punitur in Purgatorio, quam in hac vita, ratione alte-*

rius fore. Tamen illa aggravatio proportionaliter respondet poenae, cuius homo in hac vita, reus erat.

Obijciunt 2.^o Si compensatio pro poena temporali fieri posset aequalens, ac de condigno, homo Deo satisfaceret per iustitiam commutativam, non per poenitentiae virtutem; proprium est enim iustitiae commutativae perfectam inter debitum, ac solutionem constituere aequalitatem: poenitentiae vero ab illa deficere; quae ideo a ratione iustitiae rigorose recedit, ac inter ejus partes potentiales communi Theologorum calculo recensetur. Non ergo potest homo iustus de condigno pro poena temporali Deo satisfacere.

Resp. ex quo talis compensatio esset aequalens, ac de condigno, non bene inde deduci, eam actibus iustitiae commutativae esse adscribendam; non enim apparet, quare ad poenitentiae virtutem non possit pertinere; quia licet haec virtus ratione actus primarii, a quo specificatur, aequalitatem ad iustitiae rigorem exactam non attingat (& ideo nequeat de condigno poenitentiae virtus pro offensa Deo irrogata per peccatum lethale satisfacere, ac per consequens inter partes potentiales iustitiae numeretur) hoc tamen non tollit quo minus id praestet in ordine ad levem Dei offensam, ac poenae temporalis debitum ex lethali peccato relictum, per actus secundarios. Claritatem conciliat solutioni exemplum virtutis Religionis, quae, actu primario colendi Deum praese inspecto, deficit ab aequalitate, secus vero secundario solutionis decimarum, ut docet D. Thomas 2. 2. *quest. 87.*

Obijciunt 3.^o Satisfactio de condigno obligat creditorem ad debiti relaxationem. Ad id autem nequit Deus a creatura obligari, cum ratione supremi dominii quamlibet satisfactionem creatam ad poenae temporalis compensationem oblatam pro libito possit non acceptare. Ergo nequit offerri ab homine iusto satisfactio condigna pro poena temporali sibi debita.

Pro solutione huius Argumenti tria observare non pigeat. 1.^o duplici modo dici posse satisfactionem de condigno. Uno modo in actu primo, & aptitudinaliter: quum scilicet eam obtinet intrinsecam proportionem cum poena luenda, ut ex se possit esse adequata poenae temporalis compensatio:

Alio

Alio modo in actu secundo, quando ad debitam adæquationem addit jus, ut a creditore acceptetur, eaque præstita debitum relaxetur, quo pacto completam rationem satisfactionis sortitur. Hoc autem jus non habetur, nisi ex pacto, vel ex alio capite obligatio acceptationis confurgat, qua creditor teneatur ad debitum relaxandum; sic quinquaginta aurei, intrinsicam habentes in valore cum Equo proportionem, sunt pretium de condigno & æquale in actu primo, seu quoad sufficientiam respectu ipsius; ut tamen sint pretium de condigno in actu secundo, seu quoad efficaciam, requiritur ulterius jus ad Equum, ex conventionne, vel alio capite confurgens. 2.^m nullum opus hominis iusti, cuiuscunque valoris atque poenalitatis existat, posse ex suis intrinsicis, præcisi omni conventionne, jus ad poenæ temporalis remissionem obtinere, quia Iudex certa quadam poena pro determinato crimine statuta, aliam a reo pro illius compensatione acceptare non tenetur. Quod adeo verum est, ut quanquam Christi satisfactio fuerit superabundans, tum ex parte personæ offerentis, tum ex parte rei oblatæ, adhuc Deus potuisset, nulla facta pacti suppositione, eam pro humani generis reparatione respuere; Deus enim nequit ex acceptis debitor constitui, bonorum nostrorum non indigens, sed dumtaxat ex fidelitate ob promissionem; ut notat D. Augustinus *serm. 16. de Verbis Apostoli* = *Debitor* (inquit) *nobis factus est Deus, non aliquid accipiendo, sed quod ei placuit promittendo. Aliter enim dicimus homini, debes mihi quæ dedi tibi: & aliter dicimus, debes mihi, quia promissisti mihi. Quando dicis, debes mihi, quia dedi tibi, a se processu beneficium, sed mutuum non donatum: quando autem dicis, debes mihi quia promissisti mihi, tu nihil dedisti, & tamen exigit; bonitas enim ejus qui promissit dabit, ne in malitiam fides convertatur. Deo igitur quid dicimus: redde mihi quia dedi tibi? Quid dedimus Deo, quando totum quod sumus, & quod habemus boni, ab illo habemus? Nihil ergo ei dedimus, non est quemadmodum ista voce exigamus debitorem Deum. . . . Illo ergo modo possumus exigere Dominum nostrum, ut dicamus: redde quod promissisti, quia fecimus quod jussisti = Liqueat hoc pariter in*

merito vitæ æternæ, quod condignitate in actu secundo minime gauderet, nisi Divina præsupponeretur promissio; ut habetur ex Tridentino *sess. 6. cap. 16.*, ubi vitæ æternæ merces vocatur, ex Dei promissione bonis operibus iustorum reddenda. 3.^m satisfactio hominis iusti posse esse de condigno pro poena temporali commisi criminis tam in actu primo, ob debitam commensurationem, quam potest dicere cum illa, quam in actu secundo & quoad efficaciam; adest enim ex parte Dei pactum eam acceptandi ut colligitur ex illo præcepto *Matth. 6. = Facite fructus dignos penitentiae* = quod exponens Tridentinum *sess. 14. cap. 8.* inquit. = *In quo* (id est in Christo) *satisfacimus facientes fructus dignos penitentiae, qui ex illo vim habent, ab illo offeruntur Patri, & per illum acceptantur a Patre.*

His observatis Resp. Argumento, nullum esse inconveniens ob satisfactionem æqualem de condigno in actu secundo præstitam ab homine pro temporali poena, Deum ad debitum relaxandum obligari, quin minimum subeat detrimentum supremum ejus dominium, non enim ex intrinsicis suis haberet hujusmodi satisfactio vim obligandi Deum ad eam absolute admitteendam, sed ex suppositione Divinæ promissionis, sicut nostras acceptat operationes in ordine ad vitam æternam tanquam ad mercedem hominibus conferendam, ut docuit D. Thomas 1. 2. *quest. 114. artic. 1. ad 3.^m* his verbis = *Dicendum, quod quia actio nostra non habet rationem meriti, nisi ex præsuppositione Divinæ ordinationis, non sequitur, quod Deus efficiatur simpliciter debitor nobis, sed sibi ipsi, in quantum debitum est, ut sua ordinatio impleatur.*

ARTICULUS V.

An homo Iustus possit satisfacere Deo pro pœna temporali alteri, seu alterius peccatis debita.

OBSERVANDUM est hic, posse hominem iustum suis precibus alienam pœnam temporalem remissionem impetrare; hoc enim præcipue innuitur in Jacobi *Epist. cap. 5.º* = *Orate invicem, ut salvemini* = & ad *Roman. cap. 15.* = *Obsecro vos fratres, ut adjuvetis me in orationibus vestris pro me ad Deum* = Rursus: cum constet ex Sanctis Patribus, S. Stephanum orantem pro Paulo adhuc Christi persecutore, suis orationibus ejus conversionem obtinuisse, sequitur, iustos Divina misericordia fratros posse pariter pœnæ temporalis relaxationem pro aliis impetrare, gravius est enim genus culpæ, quam genus pœnæ.

Joannes Wicleffus *lib. de Orat. cap. 3.* iustorum orationes, aliaque charitatis exercitia ad spirituales proximorum utilitatem ordinata ita deprimunt, ut proventus inutiliter peragi, sentire non erubescat; verbis tamen utitur obscuris, ut virus interius conceptum exterius abscondat.

Nonnulli etiam ex modernis Authoribus quanvis propugnant, posse iustos ad sublevandos alios a pœnis temporalibus cooperari, id tamen adstruunt fieri posse, non per modum satisfactionis, sed impetrationis dumtaxat; vel per hoc quod Deus ob iustorum orationes cedat juri suo, aliisque pœnam temporalem remittat, nulla alia exacta compensatione: aut precum earum intuitu auxilia conferat supernaturalia habentibus dictum reatum, quibus per opera in statu gratiæ & charitatis expleta pœna temporalis expietur.

Conclusio. Homo iustus potest Deo satisfacere pro pœna temporali alteri, seu alterius peccatis debita.

Prob. 1.º ex *Epist. ad Galat. cap. 6.* = *Alter alterius onera portate, & sic adimplebitis legem Christi* = ad quam communionem declarandam, pluribus in locis utitur idem Apostolus exemplo cor-

poris = *Sicut enim* (inquit ad *Rom. 12.*) *in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra* = 1.º ad *Cor. cap. 12.* = *Vos autem estis corpus Christi, & membra de membro* = Ad *Ephes. v. 22.* = *Ipsam dedit caput super omnem Ecclesiam, quæ est corpus ejus* = Et *cap. 4. vers. 16.* = *Veritatem autem facientes in charitate, crescimus in illo per omnia, qui est caput Christus, ex quo totum corpus compactum & connexum per omnem juncturam subministrationis, secundum operationem, in mensuram uniuscujusque membri, augmentum corporis facit in edificationem sui in charitate* = Porro sicut ratio & natura membrorum corporis naturalis ea est, ut unum alteri profit, ita cum Christi fideles sint membra Ecclesiæ, quæ est corpus morale, possunt tibi invicem, in onere exhibendæ satisfactionis pro pœna temporali, adjuvari. = *Sicut in corpore naturali* (inquit D. Thomas = in *Opusc. 7.*) *operatio unius membri cedit in bonum totius corporis, ita in corpore spirituali, scilicet Ecclesia, & quia omnes Fideles sunt unum corpus, bonum unius alteri communicatur. Apostolus ad Romanos: Singuli autem alter alterius membra, unde & inter alia credenda, quæ tradiderunt Apostoli, est, quod communio bonorum sit in Ecclesia, quod dicitur Sanctorum communionem* = Ex quo concludit Sanctus Doctor: = *Non solum virtus passionis Christi communicatur nobis, sed quidquid fecerunt omnes Sancti, communicatur in charitate existentibus, sed tamen specialius illi* (id participant) *pro quibus specialius sit aliquid bonum, nam unus potest satisfacere pro alio* = Ergo homo iustus potest Deo satisfacere pro pœna temporali alteri, seu alterius peccatis debita.

Nec juvat cum Wicleffo respondere; auctoritatem Apostoli ad *Galat. 6.º* esse intelligendam de alienis oneribus sublevandis in rebus temporalibus dumtaxat, non vero in spiritualibus. Compertum enim est, Apostolum ibi antea sermonem infutuisse de charitate, qua quis in alterum delictis preoccupatum, debeat sententia correctionis animadvertere = *Fratres*, inquit;

quit, *si preoccupatus fueris homo in aliquo delicto, ut qui spirituales esis, huiusmodi instruite in spiritu lenitatis* = Dum itaque pergit, commendans onerum levamen, de spiritualibus loquitur: quatenus ea, quæ ex peccatis proveniunt, charitate suggerente invicem ferantur. Quod confirmat D. Thomas, ita illum D. Pauli locum exponens = *Admonet autem Apostolus ad mutuam supportationem dicens: Alter alterius onera portate; & hoc dicit tripliciter, uno modo pro pena sibi debita satisfactoria, de rationibus ac bonis operibus. Ratio autem administrationis est adimpletio Legis Christi, quæ similiter est charitas. Dicitur autem specialiter charitas Lex Christi, quia ipsam implevit Christus, & exemplum eam implendi nobis reliquit, nam ipse ex charitate peccata nostra tulit, Ista 53. Vere languores nostros ipse tulit in corpore suo propter lignum. Sic ergo debemus alter alterius onera portare, ut sic impleamus Legem Christi.*

Prob. 2.^o ex Catechismo Romano iussu S. Pii V. edito, quo declaratur, huiusmodi onera esse invicem ferenda = *In eo summa bonitas & clementia maximis laudibus, & gratiarum actionibus predicanda est, qui humane fragilitati hoc condonavit, ut unus pro alio possit satisfacere* = & infra = *Qui divina gratia preventi sunt, aliter nomine possunt, quod Deo debetur, persolvere. Non vero de hoc cuiquam Fidelium dubitandi locus relictus est, qui in Apostolorum Symbolo Sanctorum Communionem profite-mur* = Ergo potest homo iustus Deo satisfacere pro poena temporali alteri, seu alterius peccatis debita.

Prob. 3.^o D. Augustinus in lib. octoginta trium question., confone ad illud Apostoli ad Philipp. 2. = *Hoc enim sentite in vobis, quod & in Christo Jesu* = tradit, Christum peccatorum onus ferre non detrectasse, ut suo exemplo nos induceret, ad subeundam pro aliis satisfactionem = *Paulus dixit* (Verba sunt Sancti Doctoris) *non quæ sua sunt, unusquisque querat, sed quæ aliorum, cui sententia connexuit: Hoc sentite in vobis, quod & in Christo Jesu, ad hoc dumtaxat, ut quemadmodum in eo quod Ver-*

bum caro factum est, & habitavit in nobis, & sine peccato cum esset, peccata nostra suscepit, non attendens sua, sed nostra: ita & nos libenter ad ejus imitationem invicem onera nostra portemus. Hoc ergo exhibeamus illi, cuius infirmitatem portare volumus, quod ab illo nobis vellemus exhiberi = Ex D. Bonaventura promanet hic locum ex 4. sent. dist. 20. quest. 1., ubi considerata poena satisfactoria, non sub ratione medicinæ, sed secundum conceptum pretii, S. Augustini sententiam mirifice confirmat. = *Dicendum, inquit, quod poena satisfactoria habet in se medicamentum, & pretium. In quantum hæc poena est medicinalis, non datur satisfactio in aliam personam; si autem loquamur de poena, secundum quod habet rationem pretii, hoc modo est concedendum, quod potest commutari, quia potest unus pro alio penam solvere* = Constat ergo hominem iustum posse Deo satisfacere pro poena temporali alteri debita.

Prob. 4.^o ratione desumpta ex Angelico Præcepto, quæ ita proponitur. In humanis potest aliquis pro amici debito satisfacere, ita ut hic immunis ab ejus solutione maneat: quippe cum amicus sit alter ego, idem est per amicum, ac per se ipsum solvere. Apud Deum ergo poterit quis pro alio, supernaturali charitatis amicitia interveniente, poenæ temporalis debitum a Divina Iustitia taxatum propriis operibus compensare; charitas enim apud Deum efficacior est, ac Fidelium corda invicem fortiori vinculo, quam amicitia naturalis unit, juxta illud Act. 4. v. 32. = *Multitudinis autem credentium erat cor unum, & anima una* = unde inquit Angelicus Doctor in 4. dist. 2. quest. 1. art. 2. in Arg. sed contra = *Charitas magis potest apud Deum, quam apud homines. Sed unus potest apud homines pro alterius amore debitum ejus solvere. Ergo multo fortius in Divino iudicio fieri potest* = Ergo homo iustus ex D. Thom. potest satisfacere Deo pro poena temporali alterius peccatis debita.

Quætes 1.^o An ab homine iusto offerri possit Deo satisfactio pro poena temporali peccati alterius de condigno?

Respondemus, offerri posse satisfactionem de condigno in actu primo, & quantum ad

V satisfi-

sufficientiam, secus vero in actu secundo, & quantum ad efficaciam.

Prob. prior pars. Quæcunque poena temporalis solvenda, est finita & limitata. Tanta ergo esse potest satisfactionis virtus, ut intensive vel extensive considerata, ac cum illa comparata, ab arithmetica aequalitate non denciat; sicut ob hanc rationem in superiori Articulo diximus: hujusmodi condignitatem reperiri in iusti satisfactione, in ordine ad debitum poenæ temporali, ex propria culpa derivatum.

Prob. altera pars. Ad satisfactionem condignam in actu secundo, & quantum ad efficaciam, exigeretur, quod Deus illam teneretur acceptare. Quamquam vero deceat Divinam misericordiam, ejusque liberalitatem hujusmodi charitatis officium admittere: sicut congruum est iustorum preces & vota pro aliis excipere, non tamen id statuisse compertum est; quia quemadmodum secundum jus humanum pro reo ad trimeses damnato, si velit alter subire supplicium, potest a Judice recusari: summamque foret miserationis indicium, alterum acceptare ad hujusmodi poenæ levamen, ita non tenetur Deus ad recipiendam satisfactionem sibi ab alio oblatam; licet quandoque ita se gerat, ac si a propria persona, quæ debitum solvendi contraxit, satisfactio fuisset impleta. Non ergo ab homine iusto offerri potest satisfactio de con signo in actu secundo pro poena temporali peccati alterius.

Dices cum PP. Salmantic. Scholasticis in tr. 24. de Penit. disp. 12. n. 34.: Deus iniit pactum acceptandi satisfactionem ab uno pro alio oblatam: idque ex D. Paulo ad Galat. 6. deprehenditur ibi = *Alter alterius onera portate, & sic adimplebitis Legem Christi* = si enim lex charitatis dicitur, onus alienæ satisfactionis suscipere, necesse est dicere, Deum promississe se semper id acceptaturum.

Resp. in prælaudata Apostoli autoritate commendari satisfactionem ab uno pro alio præstitam, tanquam legi charitatis conformem. Ex quo nec promissio Divina, vel pactum infallibilis acceptationis evincitur, sed dumtaxat consilium, quo monemur Deo gratum esse, si Fideles alios onere solvendi poenam temporalem prægravatos adjuvent; quod probat satis, Deum quandoque ex sua misericordia id accē-

ptare, non vero ex aliqua promissione.

Quæres 2.^o An ut satisfactio hominis iusti pro debito poenæ temporalis acceptetur a Deo, ex parte ejus, cui facienda est relaxatio, requiratur impotentia satisfaciendi per opera poenalia?

Thomas de Argentina, cui nonnulli ex antiquis Doctores subscribunt, asserit, necessario causam legitimam exigere, ut satisfactio unius alteri profit: & hanc aliam non esse nisi impotentiam saltem commode satisfaciendi = *Prout satisfactio* (inquit in 4. dist. 20. artic. 2.^o) *est solutio pretii pro reatu ipsius peccati, tunc causa existente rationabili, unus homo potest satisfacere pro altero. Causam autem tunc appello rationabilem, quando homo, qui tenetur satisfacere, vel omnino non potest, vel non potest commode.*

Nos vero Respondemus non requiri impotentiam satisfaciendi pro reatu poenæ temporalis propria culpa contracto, ut quis alterius satisfactione fruatur. = *Nec exigitur etiam quantum ad solutionem debiti* (inquit D. Thomas in 4. dist. 20. artic. 3. questione. 3.) *quod ille, pro quo fit satisfactio, sit impotens ad satisfaciendum; quia etiam si esset potens, alio satisfaciente pro ipso, ipse a debito immunis esset* = Consonum enim est unioni charitatis, ut possit quis etiam satisfacere negligens, alieni suffragii opem expetiri; & ideo Scriptura & Patres ita nos ad satisfaciendum pro aliis invitant, ut nullo modo impotentiam vel absolute, vel commode satisfaciendi commemovent.

Quæres 3.^o An possit quis satisfactionem sibi a Confessario injunctam, ut peccati punitivam per substitutum implere?

Non immerito dubium proponitur de satisfactione Sacramentali ut punitiva, seu ut solutiva poenæ temporalis, quia de ea ut medicinali receptum est apud omnes, id fieri non posse quod queritur.

Respondemus, poenitentem ex proprio arbitrio satisfactionem ut peccatorum punitivam a Confessario injunctam non posse per alium implere, bene vero de Sacerdotis injungentis consensu.

Prima pars patet, 1.^o ex Decreto Alexandri VII., quo inter alias propositiones sub die 23. Martii anno 1666. damnatas, hæc in ordine 15.^o recensetur = *Poenitentem propria autoritate substitue-*

re

re sibi alium potest, qui loco ipsius poenitentiam adimpleat = 2.^o quia poenitens ex Sacerdotis præcepto tenetur satisfactionem implere tanquam partem integram Sacramenti Poenitentiae, juxta Tridentinum *sess. 14. cap. 3.* Satisfactio autem per substitutum impleta ex mero poenitentis arbitrio, non potest hoc habere; cum nequeat virtute Clavium elevari. Hæc siquidem virtus elevandi opera implenda, ut fiant pars Sacramenti Poenitentiae, non in poenitente ut tali, aut ejus substituto residet, sed dumtaxat in Confessario. Accedit: obligationem hujusmodi satisfactionis in Confessarii præcepto fundamentum agnoscere = *Quandocunque autem Confessor nihil explicat, sed absolute injungit poenitenti, ut hoc vel illud fiat* (ut dicit Suarius *disp. 38. sect. 9. num. 1.*), imponit obligationem personalem per ipsum, & non per alium implendam = Quamobrem sicut nemo dixerit, obligatum ab Ecclesiae præcepto ad jejunandum, vel Sacrum audiendum, eidem per illa opera ab alio executioni mandata satisfacere; ita neque per alium exequentem opus in satisfactionem Sacramentalem injectum ex propria voluntate, dicendum est, talem obligationem implere. Non potest ergo poenitens satisfactionem ut punitivam peccati, a Sacerdote injectam, per substitutum peragere.

Dices. Eleemofyna pauperi data per ministrum, attribuitur ei, cujus nomine a ministro confertur; adeoque poenitens obligatus a Confessario in foro Sacramentali ad erogandam eleemofynam, vel aliud pium opus peragendum, potest per alium, ad hæc exhibenda subrogatum, implere præceptum poenitentialis satisfactionis.

Resp. aliud esse uti ministro ad clarificandam eleemofynam: aliud vero substituto, ut notant PP. Salmanticenses Scholastici loco supra citato *sub. 3. num. 49.* minister enim ad dandam eleemofynam deputatus, se gerit ut instrumentum, & eo utens se habet tanquam causa principalis, ex bonis propriis eleemofynam impendens, quæ pauperi collata, in utentem ministro tanquam actus proprius refunditur. Substitutus e contra non se habet ut instrumentum, bene verò ut causa principali; quamobrem eo deputato, nequit alteri hujusmodi actus attribui. Hinc si poenitens ex propriis al-

teri daret pecuniam, ut eleemofynam sibi a Sacerdote in foro Sacramentali injectam impleteret, eo uteretur ut instrumento, proindeque illud miserationis officium in poenitentem, tanquam actus proprius transfunderetur. Oppositum esset dicendum, si poenitens alterum ad illum actum prædicto modo sibi injectum substitueret; cum substitutus non esset instrumentum, sed vera causa principalis hujusmodi actus.

2.^a Pars prob. Ut poenitens injectam sibi in Sacramentali Confessione peragat satisfactionem, satis est, quod eam implere satagat juxta Confessarii præcipientis voluntatem; unde eo in actuali Clavium ministerio consentiente, quod alius a poenitente ad opus poenale peragendum substituitur, citra dubium satisfactio poenitentialis implebitur. Maxime quia hujusmodi operi poenali nequaquam deesset elevatio ad esse Sacramentale;posito siquidem, quod fieret ex Sacerdotis consensu, jam totum haberet, quod ad elevationem partis Sacramentalis requireretur. Ergo de Sacerdotis injungentis consensu potest poenitens satisfactionem ut peccatorum punitivam per alium implere.

Dices cum Vasquez in 3. *part. quest. 94. artic. 5. dub. 1.* Juxta Concilium Tridentinum *sess. 14. cap. 3.* Satisfactio Sacramentalis est actus poenitentis. Jejunium vero per alium exhibitum etiam dependenter a voluntate Confessarii, actus poenitentis non est; adeoque alio ad jejunandum substituto, nequit satisfieri obligationi poenitentialis satisfactionis. Adde, a Sacerdote præcipi satisfactionem Sacramentalem. Ab illo autem nequit injungi substituto, ut pro poenitente jejunet; etenim in causa vindictiva reus potest puniri, non innocens.

Resp. tale jejunium esse physice actum jejunantis, moraliter tamen, & ratione charitatis tribui poenitenti; quod sufficiens est, ut prævia elevatione facta a Confessario, ejusque supposito consensu, ubi illud ab alio ponitur, sit vera ejusdem poenitentis satisfactio, eique profit ad veniam ex opere operato. Ad additamentum dicimus, Confessarium absolute loquendo, non posse nisi poenitenti præcipere; facta tamen hypothesi, quod quis vellet onus poenitentialis satisfactionis alterius ferre, se haberet ut reus, ac proinde capax alienæ obligationis implende.

Quæres 4.º An pro alio satisfaciens, eisdem actibus simul pro se satisfaciatur?

Resp. Negative; quia satisfactio fit per propriam solutionem, atque æquivalentem compensationem. Unus autem actus, qui in linea satisfactoria est finiti valoris, potest secundum æqualitatem ad tantam poenæ temporali remissionem duntaxat valere, & non ad aliam; unde si hunc obtinet effectum pro alio, in tali valore penitus exhauritur, ac per consequens ad proprii debiti solutionem nequit pertinere. Hanc doctrinam habes ex D. Thoma in 4.º artic. 2.º quest. 1.º quest. 1.º. 3.º ad 3.º qui discrimen tradens inter valorem operis satisfactorii & meritorii de congruo, inquit, = *In solutione debiti attenditur quantitas poenæ: sed in merito attenditur radix charitatis; & ideo ille, qui ex charitate pro alio meretur, saltem merito congrui, etiam sibi magis meretur de condigno augmentum gloriæ; non autem qui pro alio satisfacit, pro se satisfacit, quia illa quantitas poenæ non sufficit ad utrumque peccatum* = Rem, de qua agimus, illustrat exemplum solutionis debiti pecuniarii; debens enim alteri centum denarios; ac totidem tribuens, ut amici debitum solvat, aliis centum indiget, ut pro debito proprio satisficiat.

Dices. Oratio ad impetrandum a Deo spirituale beneficium ordinata, non raro idem pariter assequitur pro orante. Quare ergo idem dicendum non erit de satisfactione?

Resp. orationis vim impetratoriam secundum efficaciam non tam fundari in quantitate aut valore actus, quam in liberalitate remunerantis aut concedentis id, ad quod oratio dirigitur, ideoque mirum non est, quod possit ea mediante, tum ipsi oranti, tum alteri spirituale beneficium obtineri. E contra cum satisfactio fundetur in poenali- tate operis, ut habente valorem a gratia sanctificante, & charitate communicatum, fieri debet præstita solutione æquivalenti poenæ temporali solvendæ, quamobrem cum finita sit ea poenalis & satisfactionis vis, nequit ad duo debita æquali solvenda ordinari, proprium nempe & alienum.

Soluntur Argumenta Adversariorum, quibus probare nituntur, hominem justum non posse Deo satisfacere pro poenæ temporali alteri, seu alterius peccatis debita.

Obijciunt 1.º Sacra Scriptura de satisfactione pertractans, adeo proprium esse declarat ejus, qui peccavit, onus solvendi satisfactionem, ut nequeat unus ab alio in eo ferendo adjuvari. Ad Galat. 6. = *Unusquisque onus suum portabit* = 2. ad Cor. 5 = *Omnes nos manifestari oportet ante tribunal Christi, ut referat unusquisque propria corporis, prout gessit, sive bonum sive malum* = Psalm. 61. *Reddes unicuique juxta opera sua*. Tandem = Apocal. 18 = *Quantum glorificavit se, & in deliciis fuit, tantum date illi tormentum & luctum* = Ergo homo justus non potest Deo satisfacere pro poenæ temporali peccati alterius.

Resp. sanum earum autoritatum intellectum esse de propriis operibus consideratis quantum ad meritum vel demeritum, in ordine ad reddendam supremo Judici rationem, ut inde supplicia decernantur vel præmia. Quod innuitur potissimum subloquentibus verbis Apostoli loco citato; ubi postquam dictum est. *Unusquisque onus suum portabit* subditur = *Qui seminaverit homo, hæc & metet; quoniam qui seminat in carne sua, de carne metes corruptionem; qui autem seminat in spiritu, de spiritu metet vitam eternam* = Intendit itaque Sacra Scriptura, neminem a supremo Judice ad gehennæ supplicium damnari pro alienis criminibus, nisi aliunde proprii reatus involuco detineatur obnoxius. Cum quo optime coheret, ad levamen oneris poenæ temporali, fraternæ charitatis subsidio Christi-fideles invicem adjuvari; unum enim corpus morale sumus in Christo, ita ut, quantum ad poenæ temporali remissionem, actus unius alterius efficiatur; ideoque D. Augustinus Lib. 2.º de Consensu Evangelistar. cap. 30. ostendit duo posse verificari, & quod alter alterius queat onera portare: & quod unusquisque onus suum portabit, quin Apostolus sibi contradicere videatur. = *Nisi oneris nomen*, inquit, *sub diversis significationibus acceperis, putabis eundem sibi esse*

con-

contrarium: & hoc in sua sententia tam vicinis positis verbis; qui cum paulo ante diceret: Alter alterius onera portate: postea dixit: Unusquisque proprium onus portabit. Sed alia sunt onera participanda infirmitatis, alia reddende rationis Deo de actibus nostris. Illa cum Fratribus sustinenda communicantur; hæc proprie ab unoquoque portantur = Ab hac D. Augustini interpretatione alienus non est Angelicus Præceptor exponens eundem Apostoli locum ad Galat. 6. leß. 1. Unusquisque, inquit, onum suum portabit, quod videtur contrarium ei quod dixerat = Alter alterius &c. Sed sciendum est, quod ibi loquitur de onere sustinenda infirmitatis, quod debemus mutuo portare, hic loquitur de onere reddende rationis, quod quilibet pro se portabit, sive sit onus præmii sive pænæ.

Obijciunt 2.^o Hoc intercedit discriminis inter debitum personale, ac reale, quod hoc, per traditionem ipsius rei vel ab ipso debitore, vel a quocunque alio ipsius nomine factam, possit perfolvi; illud vero non nisi per actionem vel personæ propriæ passionem. Debitum autem subeundi pœnam temporalem pro culpa est personale; est enim ejus, qui culpæ reatum contraxit, juxta illud David, quando Angelum irruentem in populum Israeliticum vidit = 2. Reg. cap. 24. = Ego sum qui peccavi; ego inique egi. Isti qui oves sunt quid fecerunt? Vertatur obsecro manus tua contra me. Ergo nequit unus pro alieno debito personali pœnæ temporalis satisfactionem offerre. Idque confirmatur & declaratur magis. Nemo efficitur reus pœnæ, vel culpæ propter peccatum aliena voluntate perpetratum, sed per propriam voluntatis conversionem ad bonum commutabile; quod profecto evincit, neminem posse a reatu pœnæ temporalis explari per satisfactionem ab alio oblatam; intantum enim nemo pœnæ vel culpæ reus valet fieri per peccatum ab alio commissum, inquantum reus nequit constitui, nisi per peccatum insciens, idque neminem præter illum potest insicere, a quo perpetratur. Cum ergo satisfactio iujus peccati infectionem ab alio non tollat, nec pariter conversionem ad tale bonum commutabile, quæ est reatus pœnæ temporalis, origo & fundamentum: ac per se consequens ob-

terius satisfactionem a reatu pœnæ temporalis peccati proprii nemo evadit immunis.

Resp. debitum personale dupliciter accipi. Primo prout *Ly personale* stat omnino stricte, ac debitoris personam significat dumtaxat physice ac materialiter consideratam. Secundo, prout latius accipitur, importatque debitoris personam moraliter acceptam. Hoc secundo modo, non primo debitum satisfaciendi Deo pro pœna temporali est, & dicitur personale; quatenus a persona, quæ debitum contraxit, vel ab alia sibi aliquo modo conjuncta solvendum est, quæ eadem cum illa juxta prudentum æstimationem reputatur (qua conclusa distinctione, excogitari non posset, quomodo Christus potuerit satisfactionem pro nobis offerre, ut a debito pœnæ temporalis liberaremur, cum physice ac materialiter eadem persona cum debitore non fuerit) Quamobrem cum supernaturalis amicitia charitatis unionem quandam moralem inter personas efficiat, præstat, ut opus satisfactorium unius, ita pro alterius debito solvi possit, ac si exhiberetur ab eo, qui peccatum propria voluntate perpetravit. = *Quod per amicos facimus* = (dicit D. Thoma. 3. contra Gent. cap. 158.) = *per nos ipsos facere videtur: quia amicitia ex duobus factis unum per effectum, & præcipue dilectio charitatis; & ideo sicut per se ipsum, ita & per alium potest aliquis satisfacere Deo, præcipue cum necessitas fuerit, nam & panem, quam amicus propter ipsum passitur, reputat aliquis ac si pateretur* = & in 4. sent. dist. 45. q. 1. art. 1. quæstiunc. 1. = *Ad secundum, inquit, dicendum, quod opus quod pro alio fit, & similiter opus, quod est ejus, qui mecum est, unum est quodammodo meum, unde non est contra Divinam Justitiam: sed unus fructum percipit ab operibus factis ab eo, qui est unum secum in charitate, vel ab operibus a se factis. Hoc etiam secundum humanam justitiam contingit, ut satisfactio unius pro alio accipitur* = Itaque debitum personale prout a reali distinguitur, per actionem vel passionem ejus, qui illud contraxit, perfolvitur. Verum supposito, quod quis ex charitatis effectu propriam actionem vel passionem in alterius favorem dirigat, ea sit

fit moraliter propria illius, ita ut, per ipsum tanquam per propriam actionem vel passionem satisfaciatur. Exemplum ex 2.^o Reg. 24.^o non probat oppositum, etenim de dum David Populum numerando peccavit, verum etiam Populus Israel; ideoque tam Rex quam Populus pertulerunt supplicium = *Vindictam* =, inquit, D. Gregorius lib. 29. Moral. cap. 14. = *Populus, David peccante, suscepit. Cur hoc? quia secundum meritum plebium disponuntur corda rectorum. Iustus vero Judex peccantis visum ex ipsorum animadversione corripuit, ex quorum causa peccatis, sed quia ipse a culpa alienus non fuit, vindictam culpe etiam ipse suscepit* = . Quapropter licet David ob charitatis fervorem, solus poenae subesse exoptaret (fortasse quia causa potissima fuit culpa commissae) omnes tamen ejusdem reatus participes exitere, proindeque debebant exolvere. Ex quo eruitur responsio ad confirmationem; verum enim est, neminem reum poenae temporalis, vel culpe constitui per alienae voluntatis peccatum; verum hoc non obstat, quod quis ob alterius satisfactionem a reatu poenae temporalis solvatur, quia quanquam hujusmodi reatus originem atque fundamentum agnoscat ex proprio peccato, prout dicit conversionem ad bonum commutabile, quae ut auferatur, debet omnino retractari, id tamen fieri potest vel per proprium actum satisfactorium medicinale, vel per consensum praestitum, ut alter ejus poenam ferendam assumat: imo & per actum compassionis, qui in reo ex eo oritur, quod amicum infontem ob ejus dilectionem poenam videat tolerare; etenim, ut ait Angelicus Doctor in 3.^o contra Gentes cap. 158. = *Panam, quam amicus propter ipsum patitur, reputat aliquis, ac si ipse pateretur; & sic pana ei non deest, dum patienti amico compatitur, & tanto amplius, quanto ipse est ei causa patiendi* = quomobrem per hanc poenam compassivam toleratam, satisfactioni amici pro suo debito patientis adjunctam, potest & illam conversionem ad bonum commutabile secundum se acceptam auferre, atque poenam temporalem, cujus debitum in ea fundabatur, exhaustire.

Quomodo autem Adæ peccatum ad poenae quantum ad culpe & poenae reatum

independenter ab eorum consensu possit propagari: cum communi Theologorum sententia dicimus: hujusmodi peccatum esse etiam posteris voluntarium per se & intrinsece, non quidem formaliter per modum exercitii, sed per modum effectus, non physice, sed moraliter per ordinem ad Protoparentis Adæ voluntatem, continentis ex Dei institutione voluntates ceterorum, ab eo per seminale propagationem descendentium. Ex quo recte colligitur, neminem vel peccati reum posse constitui per culpam aliena voluntate commissam, aut citra propriae voluntatis influxum ad poenam peccato debitam obligari. Ceterum ad obtinendam immunitatem a poena temporalis subeunda, de qua est controversia, satis est Deum cedere juri suo, quod habet adversus peccatorem: idque fieri potest, vel intuitu propriae, vel alienae satisfactionis, ut in humanis fieri posse in quarta probatione nostrae Conclusionis expendimus.

Obijciunt 3.^o Eodem modo discurrendum est de poena, ac de culpa. Porro actus contritionis unus nequit ad delendam culpam alterius satis esse. Nec ergo quaecunque sit unius operatio, potest ordinari ad poenae temporalis remissionem alterius.

Resp. culpa remissionem ad intrinsecam rectitudinem, hominisque sanctitatem spectare, non comparandam connaturaliter juxta praesentis vitae statum, nisi mediis intrinsecis atque proportionatis dispositionibus peccatoris, ut tradunt Patres Salmanticensis Scholastici in *Traict. 15. de Justif. Impii disp. 13. dub. 1.^o*, quia praecedentem culpam retractari necesse est, peccatoremque intrinsece mutari. Hinc cum nequeat quis alieno actu peccatum retractare, ita nec alieno consensu, vel actu contritionis potest interius renovari, ac culpe remissionem obtinere. Ea autem bonorum actuum dispositio non semper exigitur, ut homini poena temporalis relaxetur; non enim oportet, ut id habeatur cum interiori hominis renovatione. Hanc difficultatem sibi propositam his verbis dirimit D. Thomas in *supplem. 3. partis quest. 13. artic. 2. In respons. ad 2.^{am}* = *Dicendum quod contritio ordinatur contra culpam, quae ad dispositionem bonitatis vel malitiae pertinet, & ideo per contritionem unius, alius a culpa non liberatur: similiter*

per

per confessionem habeo se Sacramentis Ecclesie subiecta; non autem potest unus Sacramentum pro alio accipere, quia in Sacramento gratia suscipienti datur, non alii: & ideo non est similis ratio de satisfactione, contritione & confessione.

Obijciunt 4.^o Non minor elucet virtus in homine iusto ad merendum, quam ad satisfaciendum. Itaque cum fieri nequeat, ut unus pro altero promereatur condignitatem ad gloriam, consequens sit, idem dicendum esse de exemptione a debito poenae temporalis media satisfactione.

Resp. condignitatem ad gloriam haberi per gratiam mediis propriis dispositionibus adultis conferendam; unde cum nemo ad gratiam sanctificantem disponatur mediis operibus aliorum, nequit adultus mediis operibus alienis gloriae condignitatem mereri. Ad poenae vero temporalis remissionem, non attenditur dispositio gratiae illius, qui tanquam reus in Divino Iudicio est debito poenae temporalis obnoxius (cum ille fortassis, qui majori, seu intensiori gratia dispositus reperitur quam alius, graviore poenae sit addictus) ideoque mirum non est, operationem minime sufficientem ad disponendum

alterum ad gratiam, qua mediante condignitas ad gloriam comparatur, prodesse alteri, ut reddatur non dignus poena, ac per consequens exemptus ab onere satisfactionis implendae. Disparitas haec ex Angelico Praeceptore desumitur, qui in 4. dist. 20. artic. 2. quaestione. 3. ad 1. inquit = *Premium essentiale*, quod est gloria aeterna, *redditur secundum dispositionem hominis, quia secundum capacitatem videntium eris plenitudo visionis Divinae; & ideo sicut unus non disponitur per actum alterius, ita unus alteri non meretur premium essentiale; nisi meritum ejus habeat efficaciam infinitam, sicut Christi, cujus merito solo pueri Baptizati ad vitam aeternam perveniunt. Sed poena temporalis pro peccato debita post culpae remissionem, non taxatur secundum dispositionem ejus, cui debetur, quia quandoque, qui est melior, habet majoris poenae reatum; & ideo quantum ad poenae remissionem unus alteri mereri potest, id est pro illo satisfacere, & actus unus efficitur alterius charitate mediante, per quam omnes unum sumus in Christo.*



CAPUT II.

DE THESAURO ECCLESIAE.



Difficultatibus, quæ satisfactionem concernunt, expediendi, ad pertractandum de Ecclesiae Thesauro progredimur. Porro ut pateat, quibus & quantis divitiis cumuletur, querendum est 1.^o An ille existat constans tum ex meritis Christi, tum ex iis, quæ Sancti per ejusdem Christi gratiam compararunt. 2.^o An ad eundem spectent dicta merita Sanctorum dumtaxat ut impetratoria, vel etiam ut satisfactoria? 3.^o An sit unus vel multiplex? 4.^o demum, An hæc in eo reposita quandoque deperdantur?

ARTICULUS I.

An existat Thesaurus Ecclesie constans tum ex meritis Christi, tum ex iis, quæ Sancti per ejusdem Christi gratiam compararunt.

QUANQUAM rerum existentia in aliis materiis, uti quid per se notum, probari minime consueverit, nihilominus, quum agitur de Ecclesiae Thesauro, multiplici argumentorum genere ab Heterodoxis conculso, opere pretium est ejus existentiam prolixo examini committere, ut humanus intellectus fidei ac Sacrae Theologiae principiis institutus, illorum tenebras detegat, ac lucem percipiat Catholicae veritatis.

Recensentur ii, qui existentiam Thesauri Ecclesie negant, proponiturque eo de argumento, quid Ecclesia Catholica sentiat.

Hæretici novatores Ecclesiae dogmata evertere conantes, ut Indulgentiarum fontem eripiant, Thesaurum Ecclesiae aperta fronte negare non erubescunt, solidifque juxta morem rationum momenti pro impugnatione destituti, ad irrationes recurunt, a Doctoribus Catholicis exquiren-

tes: Unde ille sit? Quibus clavibus obsetur? Quos ibi aureos habeat? Quæque monilia in eo recondantur.

Huic errori firmiter adhæsisse Lutherum satis superque constat ex dictis in *Præmiis. dissert. §. 6. pag. 70.* Quid de hac re senserit Calvinus, exponit ipse in *lib. 3. Institution. cap. 5. §. 2.* injuriam arbitratus hieri sanguini Christi, si ita ponatur Ecclesiae Thesaurus, ut ad illum spectent merita Sanctorum, his verbis sub Sophistarum nomine Catholicos perstringens = *Thesaurum Ecclesie vocant, Christi & sanctorum Apostolorum Martyrumque merita. ... Quid sedius poterat profanari Christi Sanguis, quam dum negatur sufficere ad peccatorum remissionem, ad reconciliationem, ad satisfactionem, velut arescentis defectus aliunde suppleatur & sufficiatur Christo? Lex & Propheta omnes, teste Petro Act. 10., testimonium perhibent, quod per ipsum accipienda sit remissio peccatorum. Indulgentie remissionem peccatorum per Petrum & Paulum, & Martyres largiantur. Sanguis Christi emundat nos a peccato, inquit Joannes 1. Jo. 1. Indulgentia Sanguinem Martyrum faciant peccatorum ablutio-nem. Christus, inquit Paulus 2. Corin. 5., qui peccatum non noverat, factus est pro nobis peccatum: id est peccati satisfactio, ut iustitia Dei efficeretur in illo. Indulgentia peccatorum satisfactionem in Sanguine Martyrum reponunt. Clamabat Paulus, & Corinthiis testificabatur, solum Christum pro nobis crucifixum, & mortuum. Indulgentie pronunciant Paulum & alios pro nobis mortuos = Et infra dicit = Christum acquisivisse Ecclesiam suo Sanguine Act. 20. Indulgentia aliud pretium acquisitionis in Sanguine Martyrum statuunt. Una oblatione Christus consummavit in perpetuum sanctificatus, ait Apostolus Hebr. 10. Indulgentie reclamant a Martyribus perfici satisfactionem, quæ alioquin non sufficeret. Joannes dicit Apocalypsis 7.^o Sanctos omnes lavisse stolas in Sanguine Agni. Indulgentia docent,*

cent, lavare stolas in Sanguine Sanctorum.

Ei quæ contra Ecclesiæ Thesaurum protulit Calvinus, ex putido Tertulliani fonte eum hausisse non ambigimus; qui olim, non jam Catholicus sed Hæreticus cum ab Ecclesia ad Montanistarum castra demigrasset (ut admonet D. Hieronymus, in *lib. de Scripioribus Ecclesiasticis*) animadvertens Ecclesiam a poenitentiae publicæ oneribus subeundis Mœchos liberare, ob Sanctorum Martyrum satisfactiones, in *lib. de Pudic.* cap. 22. ita Zephyrini Romani Pontificis pietatem suggillavit = *At tu in Martyres tuos effundis hanc potestatem. Quis permittit homini donare, quæ Deo reservanda sunt? sufficiat Martyri propria delicta purgasse. Ingrati vel superbi est in alios quoque spargere, quod pro magno fuerit consecutus. Quis alienam mortem solvit, nisi solus Deus? Proinde, qui illum imitari donando delicta, si nil ipse deliquisti, plane patere pro me. Si vero peccator et quomodo oleum facula tuæ sufficere tibi & mihi poterit? Si propterea Christus in Martyre est, ut Muebos & fornicatores absolvat, occulta cordis edicat, ut ista delicta concedat, & Christus est.*

Non desuit ex antiquis etiam Doctoribus Franciscus Mayroi qui Thesauri Ecclesiæ existentiam impugnaverit in 4. *dist.* 19. q. 2.^a ob completam remunerationem Christi meritis attributam = *Christus*, ait, *est plene remuneratus de omnibus actibus suis, unde ad Philipp.* 2.^o *Humiliavit se, propter quod Deus exaltavit illum; unde de omni superabundantia est sibi bene remuneratus.*

Admittit Ecclesiæ Thesaurum Cosmas Montigianus in libro idiome vulgari descripto de *Sanctiss.* *Jubil.* cap. 19. eum tamen non asserit, ex Christi meritis, ac superabundantibus Sanctorum satisfactionibus cumulari, sed ex Dei bonis Sanctissimæque Trinitatis Attributis, quem vocat, Potentiam Patris, Sapientiam Filii, & Misericordiam Spiritus Sancti, juxta illud *Deuter.* 32. = *Nonne hec recondita sunt apud me, & signata in thesauris meis* = Caterum Thesaurus hic a laudato Autore descriptus ad Theologicum non pertinet institutum; Theologi liquidem de Ecclesiæ Thesauo pertractantes, non ad Dei Sanctissimæque

Trinitatis Attributa recurrunt, sed ad meritum, ac satisfactionum cumulum, quæ pro remissione poenæ temporalis Christi-fidelium, in Divina maneant acceptatione.

Durandus de S. Portiano Episcopo Melensis, postea Anienis, Bellarmini judicio Theologus non ignobilis, alienus non est a propugnanda veritate Thesauri meritum Christi, negat tamen ad eundem Sanctorum merita pertinere. Excusandus profecto, quod Commentaria in sententiarum libros ediderit, nondum emanata Clementis VI. Constitutione *Unigenit.* de *Pœnit.* & *Remissionib.* Eo vel maxime, quod paratus fuerit Ecclesiæ indicio acquiescere, ubi Romanus Pontifex, ex Cathedra loquens, oppositum definiret: uti ea, quæ in eorundem Commentariorum Præfatione protulit, apertissime declarant = *Quoniam*, inquit, *interpretatio dubiorum Sacra Scriptura ad Sanctam Ecclesiam Romanam, & Catholicam pertinet, omnia opera, ejus correctioni totaliter suppono.*

Quid vero de Ecclesiæ Thesauo doceat Ecclesia Catholica, firmiter & columna veritatis, habetur ex laudata *Consis. Unigenit.* de *Pœnit.* & *Remissionib.* ubi dicitur = *Unigenitus Dei Filius, id quod fuit, permansit, & quod non erat assumptum, ut haberet unde hominem lapsum redimeret, & pro eo satisfaceret Deo Patri ... Quantum ergo exinde, ut nec supervacua, inanis, aut superflua tanta effusionis miscratio redderetur, Thesaurum Ecclesiæ militanti acquisivisti, volem suis thesaurizare filius pius Pater ... Ad cujus quidem Thesauri cumulum, Beata Dei Genitrix, & omnium Electorum a primo jussu usque ad ultimum merita, administrandum prestare noscuntur.*

Asseritur existere Ecclesiæ Thesaurum ex Christi Sanctorumque meritis coalescentem, multisque Argumentis comprobatur.

Conclusio 1.^a Existit Ecclesiæ Thesaurus in acceptatione & præsentia Divina, ad temporales poenæ nobis debite remissionem aptissimus, constans ex meritis superabundantis satisfactionis, quam Christus Deo Patri exhibuit pro humani generis reparatione.

Prob. 1.^a ex Sacra Scripturæ auctoritatibus, quibus edocemur, Christum, ob unionem hypostaticam, actibus suis ad li-

berandum genus humanum a culpis, obijisse munus Redemptoris, uberrima pro illo Aeterno Patri oblata satisfactio. Id tradit Apostolus pluribus in locis, ad *Roman.* 3.^o = *Justificati*, inquit, *gratis per gratiam ipsius, per redemptionem, quae est in Christo Jesu, quem proposuit Deus propitiationem per fidem in sanguine ipsius* = 1.^a ad *Corinth.* b. cap. 2.^o = *Ex ipso autem vos estis in Christo Jesu, qui factus est nobis sapientia a Deo, & Justitia, & sanctificatio, & redemptio* = 1.^a ad *Timoth.* 2. = *Qui dedit redemptionem semetipsum pro omnibus* = in *Epist.* Ad *Hebraeos* 9.^o *Christus semel oblatus est ad multorum exhauriscenda peccata* = Expresius idem asserit S. Joannes in *Epist.* 2 = *Ipse est propitiatio pro peccatis nostris, non pro nostris tantum, sed etiam pro totius mundi*; = ideoque velut victima Deo pro hominum peccatis offerenda *Isaie cap. 3.* describitur = *Verè languores nostros ipse tulit, & dolores nostros ipse portavit* = Pretium vero, quod ad satisfaciendum pro nobis Christus obtulit, fuit ipsemet Christus. Quamquam vero in allatis Sacrae Scripturae locis non fiat explicita mentio de poenis pro nobis persolutis, ut inde legitime inferatur, consilari ex eis Ecclesiae Thesaurum, ceteris hominibus ad poenarum temporalium remissionem applicandum, eas tamen, peccatorum nomine implicite contineri, compertum est; peccata siquidem, sicut culpa, ita & poenae reatum important. Itaque cum constat, Christum perfectam uberrimamque pro peccatis satisfactionem obtulisse, dicendum est, poenam pariter temporalem pro nobis exolvisse. Alias nequaquam posset ejus satisfactio, ut Scriptura loquitur, secundum iustitiae rigorem peccatis adaequate correspondere. Ideoque merita Christi sunt abundantes illae divitiae *gratie Dei* (ut utar verbis Apostoli = ad *Ephe.* 1.^o) *quae superabundavit in nobis in omni sapientia & prudentia* = Addimus: Sacram Scripturam clarius loqui de Christi satisfactioe exhibita pro solvendis poenis temporalibus nobis debitis *Psal.* 68. = *Quae non rapui tunc exolvebam* = & *Isaie 53.* = *Disciplina pacis nostrae super eum* = Nihil certe proferri poterat ad nostrae Conclusionis probationem accomodatus, quia Christus (ut supponit, docetque Tridentinum cap. 8.)

tulit poenas nostris peccatis debitas.

Consulto dictum est, *Christum, ob unionem hypostaticam actibus suis ad liberandum genus humanum a culpis, obijisse munus Redemptoris*; ea enim circumscripta, minime potuisset completa satisfactio exhiberi, vel Ecclesiae Thesaurus constitui. Ideoque adversus Nestorium ita loquitur D. Cyrillus Alexandrinus lib. 1.^o ad *Reginas* c. 7. = *Quid si vulgaris tantum homo esset Emmanuel, quomodo morti illius humanae naturae opem tulisset?* *Si Christus verus Deus non esset, quam utilitatem illius Sanguinis nobis potuit adferre? Aut quomodo conscientias nostras ab operibus mortuis potuit expiare? Quid enim vulgaris hominis sanguis virtutis aut efficacitatis habet, quod non etiam sanguis hircorum?* Omnino nihil.

Prob. 2.^o ex Patribus, qui ita meritorum Christi excellentiam commendant, ut asserant, eam fuisse sufficientem vel ad expianda nostra delicta, vel ad quodcunque poenae debitum exolvendum. Paucas cruoris Christi guttas humani generis reparationem, vocat S. Gregorius Nazianzenus *Orat. in Sancti Pasche*. = *Nullum signum, inquit, sicut meae salutis miraculum, gutta sanguinis paucae, Mundum universum reformantes* = Cohæret Gregorio Nazianzeno S. Ambrosius lib. 7. *Commentar. in Evangel. Luc.* = *Apostolus dixit: Empti enim estis pretio magno. Et bene magno, quod non estimatur ære, sed Sanguine, quia pro nobis mortuus est Christus, qui pretioso nos Sanguine liberavit; sicut etiam Sanctus Petrus in Epistola commemorat sua, scribens ad nos, quia non corruptibilibus argento, & auro, inquit, redempti estis de vana vestra conversatione paterne traditionis, sed pretioso Sanguine quasi agni incontaminati & immaculati Christi Jesu. Et bene pretioso, quia immaculati corporis Sanguis est, quia Sanguis est Filii Dei, qui non solum de maledicto legis, sed etiam de impletatis morte perpetua nos redemit* = Eloquentissime, ut solet, S. Joannes Chrysostomus *Homil. 10. in Epist. ad Rom.* comparat satisfactionem Christi solutioni innumerabilium talentorum auri, ad liberandum detentum in vinculis ob leve delictum = *Quemadmodum, inquit, si quis oculos decem sibi debeat, in carcerem*

rem

rem conficiat, nec cum tamen solum, sed etiam causa tum uxores, tum liberos, tum famulos; atque hic suberueniens unus aliquis decem, quos dixi, obolos non na neret molo, sed cum infinita item auri talenta largiatur, tum vero in aulis regias vniuersam illum introducat, in principatus altissimi thronum imponat, cum eo summam honorem, reliquumque principalem splendorem communicet, non possent utique postea obuli illi decem illius memorie obuersari, qui eos numeraverit, mutaueritque. Sic & in nobis evenit; multo enim plura istis, quæ debeamus, dependit Christus, atque adeo tanto plura, quanto mare immensum ad passillam guttam collatum, majus esse possit = Idem quod Patres laudati, tradit S. Cyrill. Alex. in mox citata Epistola = Non pauci Sanctorum Prophetarum mortem obierunt, inquit, ut laudatissimus idem Abraham, Isaac, Jacob, Moyses, Samuel, reliquique Princeps, qui omnes eximia vite sanctorum clauerunt; verum tamen mors illorum generi humano nihil omnino contulit. At vero mors Christi salutem prestitit; siquidem propriam pro nobis carnem obtulit, mortisque semetipsum nostri causa contrahens, omnes ex mortis laqueo exemit. Unus enim pro omnibus moriens abunde satisfecit = Huc spectat, quod expendit D. Cyprianus *serm. de Ascensione*, vel quisquis sit Author *lib. de operibus Cardinalibus Christi* = Impar sane commercium, pretium inaequale, inquit, sed qui pro nobis triginta argenteis appetiatur intelligi voluit, quanta fuerit in pretio, quod pro eo datum est, & in eo quod ipse dedit pro mundo, dissimilitudine, cum ipse exiguo argento emtus & venditus tanto pretio damnatos redimeret, ut dubium esse non possit, quin pretii magnitudo superaret negotium, nec æquari posset dampnum, quod omnino damnatio iusta meruerat, obedientie Christi, quæ gratis usque ad mortem progressa est, & ultro soluit, quod non debebat. = Quis ergo citra temeritatis notam in dubium revocare contenderit, existere Thesaurum meritorum Christi in acceptatione & presentia Divina, ad temporalis poenæ nobis debitæ remissionem aptissimum: quasi uno agmine conglobatos inspicens Sanctos Patres,

qui summas occupavere sedes in Episcopatu, quique immortalibus ingenii sui monumentis Ecclesia illustraverunt, & illustrant etiam nunc, dum unanimitè fatentur excessum pretii supra debitum peccatorum pro reparatione nostræ salutis a Christo fuisse exolutum?

Accedit & ratio. Omnis Respublica rite, & recte instituta debet habere Thesaurum ex divitiis congestum, ut communibus indigentis opportune subveniatur; ideoque Pharaon, ex publici Erarii pecuniis collecto frumento, potuit, sicut Joseph providere curaverat, Egypti populum a fame, vitæque periculo liberare & ideo D. Thomas *Opusc. 20. de Regim. Princip.* plures affert causas, quare expediat ad Regni munimen atque custodiam, aurum argentumque congregatum habere; ut enim docet Philosophus 8. *Ethicor.* Princeps se habet ad Populum, sicut Pastor ad oves, Pater ad filios. Igitur cum Ecclesia Christi sit, & dicatur Regnum *Matth. 13. v. 11. & 18. v. 23. Lucæ 19. v. 11.* postulat ratio, ut, ad sublevandos Fideles a spiritualibus animæ necessitatibus, & tam a reatu culpæ quam a debito poenæ temporalis, Thesaurum habeat, qui alius esse non potest, quam cumulus superabundantium satisfactionum, quas Christus Deo Patri exhibuit pro humani generis reparatione quæ in Divina acceptatione existunt.

Ex his colliges hunc Ecclesiæ Thesaurum esse absolute & simpliciter infinitum, ut in prelaudata Constitutione: *Unigenitus de Pœnit. & remissionibus* habetur his verbis = *De cuius Thesauri consumptione non est formidandum propter infinita merita Christi* = Et adest efficax ratio ad huiusmodi infinitatem probandam; quia actiones eo sunt cæteris paribus majoris valoris, quo a persona digniori procedunt; quamobrem cum operationes Christi, ad nos redimendos a debito tam culpæ, quam poenæ ordinatæ, a persona infinitæ excellentiæ ac dignitatis prodierint, habuisse putandum est valorem infinitum. Quam doctrinam sua autoritate firmavit Angelicus Præceptor in 3. *dist. 2. quæst. 1. art. 3.º ad 2.º* dicens = *Vita corporalis Christi habebat quandam infinitum valorem, ex Divinitate conjunctum, inquantum non erat vita puri hominis, sed Dei & hominis* = Pressius idem docuit Angelicus in quod

lib. 2.^o qu. 8. art. 16. in corp. = *Christus*, inquit, *pro Ecclesia sua sanguinem suum fudit*, & multa alia & fecit, & sustinuit, quorum aestimatio est infiniti valoris propter dignitatem personae; unde dicitur Sap. 8. quod infinitus est in illa Thesaurus hominibus = Et ideo ob unionem Verbi Divini ad humanitatem, actiones Christi vocantur *Theandricæ* a D. Cyrillo Alexandrino lib. de Trinit. cap. 19. eundemque loquendi modum adhibet Joannes Damascenus.

Dices contra Conclusionem. Nihil ex Christi meritis superfluit ad constituendum Ecclesie Theaurum; quandoquidem Christus, qui proposito tibi gaudio sustinuit Crucem consensione contenta, condignum suorum meritorum præmium recepit; gloriam nempe corporis, nominisque exaltationem, dicente Apostolo ad Philipp. 1.^o = *Propter quod & Deus exaltavit illum*, & dedit illi nomen, quod est super omne nomen = idque majus robur accipit in sententia Scoti & Durandi asserentium, Christi merita non habuisse infinitum valorem intrinsecum.

Resp. 1.^o Christum utique per suam passionem, gloriam corporis nominisque exaltationem promeruisse; hæc tamen præmia virtutem ejus meritoriam non adæquabant; qualibet enim ejus operatio fuit Theandrica & Deivirilis: proindeque in ratione meriti, tum relata præmia, tum omnium peccatorum remissionem quantum ad culpam & poenam in infinitum excessit. Nec ex sententia Scoti & Durandi aliquid evincitur in oppositum; ita enim Doctores laudati propugnant, Christi actionibus infinitum valorem intrinsecum defuisse, ut tamen admittant, eas non puri hominis extitisse, sed altioris ordinis, hominis scilicet Dei: ideoque eximiam, quanvis non absolute infinitam, ex circumstantia personæ elicientis dignitatem obtinuisse, ita ut pro infinitis propemodum peccatis abunde sufficiant; unde Scotus in 3. dist. 19. num. 7. de Christi satisfactione loquens, inquit: = *Ratione suppositi habuit quandam rationem extrinsecam, quare Deus potuit acceptare illud in infinitum. Si autem illud meritum fuisset alterius personæ, tunc nec ratione operis, nec ratione operantis, fuisset congruitas illius pro infinitis.*

Resp. 2.^o merita Christi prout erant sa-

tisfactoria nullum effectum obtinuisse eidem Christo communicandum, utpote qui peccatum non fecit; sed quia peccata nostra portavit, in Divina acceptione perseverant, ut ad nostram utilitatem dispensentur, possunt secundum illam rationem Ecclesie Thesaurum cumulare.

Conclusio 2.^a Thesaurus Ecclesie constat nedum ex meritis Christi, sed etiam ex meritis, quæ Sancti, dum viverent, compararunt.

Prob. 1.^o ex 2. ad Corinth. cap. 12. ubi testatur Apostolus, plurimas bonorum operum divitias se pro iis congregasse, quos tanquam Pater spiritualis in Christo per Evangelium genuerat = *Non quero*, inquit, *quæ vestra sunt, sed vos; nec enim debent filii Parentibus thesaurizare, sed Parentes filiis. Ego autem libentissime impendam, & superimpendam ipse pro animabus vestris* = Unde Origenes Homil. 10.^a in lib. Numer. hoc advertens ait = *Quod Dominus noster Jesus Christus venerit, ut tolleret peccatum mundi, & morte sua peccata nostra deleverit, nullus, qui Christo credit, ignorat. Quomodo autem & filii ejus auferant peccata sanctorum, id est Apostoli & Martyres, si poterimus ex Scripturis Divinis probare, tentabimus. Audi primo Paulum dicentem: libenter enim, inquit, expendam, & expendam pro animabus vestris: & in alio loco: Ego enim jam immolator, inquit, & tempus regressionis, seu resolutionis mee instat. Pro iis ergo quibus scribebas, expendi se & immolari, dicit Apostolus. Hostia autem cum immolatur, ad hoc immolatur, ut eorum, pro quibus jugulatur, peccata purgentur* = Rursus Apostolus laudatus Corinthios divites hortatur, ut eleemosynam libenter erogent in quosdam pauperes secundum temporales substantias, qui erant divites secundum spirituales, spondens illorum abundantiam fore spiritualis eorum inopie supplementum: seu eos pauperum satisfactionibus fore adjuvandos = *In presenti tempore*, inquit 2. ad Corinth. 8. v. 14. = *Non enim ut aliis sit remissio vobis autem tribulatio, sed ex equalitate. In presenti tempore vestra abundantia illorum inopiam suppleat, ut & illorum abundantia vestre inopie sit supplementum* = Porro ex bonis operibus tum ab Apostolo, tum a pauperibus pro aliis

aliis impensis inferitur, cumulari Thesaurum Ecclesiae. Quae Sacrae Scripturae loca, etiam ad nostram Conclusionem amplectendam non cogant, ad institutum tamen, addita Ecclesiae traditione, mirifice quadrant.

Prob. 2.^o autoritate Ecclesiae, hanc enim Scripturis copulandam, Catholicum tractatorem instituens, docuit D. Augustinus de Doctr. Christian. lib. 7.^o cap. 2. = *Consultat*, inquit, *regulam fidei, quam de planioribus locis & Ecclesiae auctoritate percipit* = Quum ergo ex Sacra Scriptura omnino certa, ac apertissima regula haberi non potest, ac de ejus sensu nobis sit controversia, Ecclesiae auctoritas est consulenda. Eam vero hanc Lutheri propositionem, inter reprobata decimam septimam, damnassem compertum est = *Thesauri Ecclesiae unde Papa dat Indulgentias non sunt merita Christi & Sanctorum* = ut habetur ex Constitutione Leonis X. incipiente = *Exurge Domine* = edita sub die 15. Junii MDXX, quamobrem verum est juxta Ecclesiae mentem, id quod directe opponitur praedictae propositioni: nempe ad Ecclesiae Thesaurum, nedum Christi sed etiam Sanctorum merita spectare. Thesaurus ergo Ecclesiae nedum ex meritis Christi, sed etiam ex superabundantibus Sanctorum satisfactionibus coalescit, quas illi dum viverent compararunt.

Prob. 3. Traditione Ecclesiae, quae concludenter ostenditur, P.^o ex antiqua praxi relaxandi poenitentias publicas, peccatoribus injunctas, ob Confessorum satisfactiones, qui contra Catholicae fidei Adversarios usque ad ultimum vitae agonem invictissime decertarunt; ut felse dictum est in *Differat. Proemial. Histor. §. 3.* = Sec.^o ex antiquissimo Sacramentario Sixti III, qui Summus Pontifex fuit electus anno CCCXXXII. publici juris facto ab eruditissimo Blanchino in tom. ultim. *Anastasi. Eiblisbecar.* ubi in quadam collecta legitur = *Deus qui Sanctos pro nobis pati posse concessisti, ut suas passiones ab Ecclesia offerri patientur* = Ter.^o ex Literis Decretalibus Leonis X. ad Cardinalem Cajetanum, in Germania Sedis Apostolicae Legatum, editis sub die 9. Novembris MDXVIII. in quibus habetur = *Romanam Ecclesiam, quam relique tanquam matrem sequi tenentur, tradidisse, Romanum Pontificem*

..... *Thesaurum meritorum Jesu Christi & Sanctorum dispensare* = Ergo constans est Ecclesiae Traditio, Thesaurum Ecclesiae nedum ex meritis Christi, sed etiam ex meritis Sanctorum constari.

Prob. 4.^o Eo symboli articulo *Credo Sanctorum Communionem* profitemur, Fideles, qui membra sunt corporis Mystici Ecclesiae, bene operando & satisfaciendo sibi invicem prodesse; ut ostendimus cap. anteced. artic. 5. Quod, profecto locum non haberet si Sanctorum merita ab Ecclesiae Thesouro excluderentur. Hinc ea merita juxta tritum ac vulgarem loquendi modum *Thesaurus* appellantur = *Præcipe*: (inquit Paulus in *Epist. ad Timoth. 6.*) *Divitibus hujus seculi divites fieri in operibus bonis in futurum* = Ad hunc Thesaurum comparandum voluit Christus Fideles suos operam dare = *Thesaurizate autem vobis* (ait *Matth. 6.*) *Thesuros in Caelis, ubi neque ærugo neque tinea demoliantur, & ubi fures non effodiunt, nec furantur* = Ergo merita Sanctorum spectant ad Ecclesiae Thesaurum.

Advertendum tamen est hic, non esse Sanctorum merita absolute & simpliciter necessaria, tum ad constituendum, tum ad dispensandum Ecclesiae Thesaurum pro remissione poenarum temporalium; sola quippe Christi passio superabundans fuit pretium pro humani generis reparatione, ac proinde ad Ecclesiae Thesaurum constituendum sufficiens; eidem tamen adduntur, nobisque applicantur ex Dei dignatione ad aliquem fructum obtinendum, ut pateat, eam virtutem Christo influente Sanctis fuisse communicatam, quae propria merita elicere potuerit ad Ecclesiae totius utilitatem. Quod in illorum honorem redundat, Christique gloriam indefinenter commendat. = *Non est quidem opus* (inquit Bellarmin. de *Indulg. lib. 1. cap. 4.*) *ut adjungantur Sanctorum passiones passionibus Christi, quasi hæc per se non sufficiant; sed adjunguntur tamen, quia æquum est, ut passiones illæ coram Deo non sint inane; præsertim cum id sit tam gloriosum Christo, a quo manat omne bonum Sanctorum, tum ipsi etiam Sanctis perhonorificum. Quomodo autem concurrant in hac applicatione satisfactiones Christi cum passionibus Sanctorum: id est, an applicetur pars alia ex pas-*

passionibus Sanctorum; an vero integra satisfactio accipiatur semper ex passionibus Christi, & ad satisfactionis cumulum superaddantur passiones Sanctorum; non videtur nimis curiose investigandum. Illud videtur certum, passiones Christi, quæ sunt infiniti pretii, per Indulgentias applicari finito modo; & Ideo aliquid revera superaddi, cum passiones Sanctorum illis a junguntur.

Ex quo inferitur, quomodo intelligendum sit dictum illud Clementis VI. in *clat. Extravag. Unigenitus*, de Sanctorum meritis spectantibus ad Ecclesiæ Theaurum = *Ad cuius Theauri cumulum Beata Dei genitricis, & omnium Ecclesiarum, a primo iusto usque ad ultimum, merita adminiculi prestare noscuntur* = Ea siquidem Sanctorum merita adminiculum dicto Theauro prestare dicuntur, quia ibi non in eodem ordine ac Christi merita reponuntur; cum hæc primario & per se ad illum pertineant, merita vero Sanctorum de secundario, & ob valorem, quem habent a Christi passione communicatum.

Solvuntur Adversariorum argumenta contra secundam Conclusionem.

Obijciunt 1.^o Ad cumulandum Ecclesiæ Theaurum ex Sanctorum meritis, requireretur ex parte Sanctorum intentio, qua voluerint mediis bonis operibus, aliis opitulari. Hac nanque non præhabita, nequit bonorum operum exhibitio ad Ecclesiæ Theauri cumulum prodesse. Sancti vero in præfenti vita ad Dei gloriam laborantes, sibi dari præmium, quam piis aliis levamen a poenis temporalibus asserre, cogitant. Ergo eorum merita non spectant ad Ecclesiæ Theaurum.

Resp. 1.^o non requiri formalem & explicitam intentionem Sanctorum ad conflandum Ecclesiæ Theaurum, sed virtutalem seu implicitam sufficere, quæ tunc adesse præsumitur, quam piis vacans operibus non excludit positive formalem intentionem satisfaciendi Deo pro poena temporali, sed vult apud Deum omnem fructum lucrari, qui valeat ex illis operibus provenire; tametsi expresse meriti, vel satisfactionis non meminerit. Porro in hoc generali actu (ut observant PP. Salmanticenses Scholastici in *tract. de poenis*.

di. p. 10. n. 55.) peculiaris intentio satisfaciendi implicitè continetur. Quamvis vero Sancti explicitam intentionem juvandi aliis in poenis temporalibus non habuerint, constat tamen in huius vitæ angustis perferendis, voluisse opera Deo accepta ex Christi gratia peragere, ad obtinendum fructum præstitutum juxta Divinæ Providentiæ regulas, quæ in sui dispositione non fallitur.

Resp. 2.^o Sanctos de facto talem intentionem habuisse = *Sancti autem* (inquit D. Thomas in 4. *distint. 25. artic. 3. quæstione. 1.^a) in quibus superabundantia operum satisfactionis invenitur, non determinate pro isto, qui remissione indiget, huiusmodi opera fecerunt: alias absque omni Indulgentia remissionem consequeretur, sed cum nuntius pro tota Ecclesia: sicut Apostolus dicit, se implere ea, quæ defunctis passioni Christi in corpore suo, pro Ecclesia, ad quam scribitur = Idem docet S. Doctor in quodlibet. 2. quæst. 8. artic. 16 = *Omnes autem Sancti, inquit, intentionem habuerunt in his, quæ passi sunt & fecerunt propter Deum, ut hoc esset ad utilitatem non solum sui, sed etiam totius Ecclesiæ* =*

Obijciunt 2.^o vel Martyres propter Deum usque ad ultimum vitæ agonem sustinentes laborarunt, dirigendo cruciatum ac Ecclesiæ utilitatem, vel non? Si primum dicatur, jam suum effectum sortiti sunt: si secundum, præmium sibi accidentale Aureolæ comparatur. Nihil ergo ex passionibus Martyrum superest, quod in Ecclesiæ Theauro reponatur.

Resp. Martyres, sive ordinarint cruciatum ad bonum Ecclesiæ five non, propter Martyrii Aureolam illis correspondentem, fructu satisfactionis pro communi Ecclesiæ bono, minime fraudari; alios siquidem a poena temporali sublevare, non adæquat omnino præmium correspondens cruciatibus, quos fortiter superarunt; quia, etsi decedentibus in Martyrio opus esset maximam poenam temporalem perferre, adhuc decorarentur Martyrii Aureola. Neminem enim latet, ex diverso capite habere opera, quod levamen obtineant a subcunda poena temporali, ac quod eisdem Aureola debeat, quæ est privilegiatum præmium privilegiatæ victoriæ correspondens. Primum eis competit, quatenus ope-

opera poenalia sunt, ac valorem recipiunt a gratia & charitate: secundum vero, quatenus procedunt a virtute fortitudinis; idque non obscure observat Saurius in *disput. 51. sect. 2. n. 17.* ubi ait = *Aureola non datur Martyri eo titulo*, nempe operis ut poenalis, *cujus signum est, quia licet Martyr indigeret tota illa pana ad satisfaciendum ex opere operantis pro suis peccatis, nihilominus acciperet Aureolam Martyrii, quae certa lege conferatur, independenter ab illa proportionem, seu merito ex parte operantis.* Item *Virginibus, & Doctoribus propriae Aureolae conferuntur, non quidem propter poenalitatem superabundantem, quae valde accidentaria est, sed propter alias rationes* = Quamobrem cum talia opera poenalia ad nullam personam particularem, sed generaliter ad Ecclesiae bonum ordinata fuerint, non apparet, quare adhuc in Divina acceptatione non perseverent, pro liberandis ceteris Fidelibus ab onere solvendi poenam temporalem.

Obijciunt 3.^o Infinito non potest fieri additio. Cum ergo merita Christi infinita sint, nequeunt iis Sanctorum merita superaddi.

Resp. infinitatem meritorum Christi admittere non posse additionem intensivam meritorum Sanctorum, bene vero extensivam = *Infinito unius generis* (inquit Sylvius in *commentar. ad supplem. 3. part. D. Thom. quest. 25. artic. 1.*) *addi potest aliquid alterius generis, sicut infinito intensive potest fieri additio secundum extensionem.* Satisfactiones autem & merita Sanctorum sic adduntur ad Thesaurum, meritis Christi principaliter innixum, ut is per eam additionem augeatur extensivum, quatenus accrescit numerus operum, non autem intensive, quia sic est infinitus. Non adduntur ergo ad Thesaurum, quasi auctiorem valorem ei tribuant, sed quia, ut loquitur Ponsifex dicta *Extraug. Unigenitus, administratum praestant ad cumulum Thesauri, dum scilicet ille cumulus accessione plurimorum meritorum efficitur major quoad numerum, etiamsi non quoad virtutem* = Ex quo constat, utraque merita non esse quid intensive majus aut excellentius, quam sola Christi ab illis sejuncta; eo pari modo quo causae secundae Deo in hac

rerum universitate servientes, non sunt quid majus intensive, seu majori pollent virtute, quam ipsa Omnipotentia sine illis inspecta. Nec a Divina Scriptura alienum est ea conjungere, quorum diversissima est ratio, velut quod dicitur *Exodi 14. v. 31.* *Israelitis credidisse Domino, & Moysi servo ejus* = *Reg. 4. cap. 19. v. 34.* = *Protegam Urbem hanc propter me, & propter David servum meum* = *Jo. 20. v. 31.* = *Sicut misit me Pater, & ego misso vos* = *Ad Philipp. 1.^o* = *Hoc mihi proveniet ad salutem per vestram orationem, & subministracionem Spiritus Jesu* = *Ad Philemon. 5.^o* = *Audient charitatem tuam & fidem, quam habes in Domino Jesu, & in omnes Sanctos.*

ARTICULUS II.

An ad Thesaurum Ecclesiae spectent merita & opera Sanctorum ut impetratoria tantum, vel etiam ut satisfactoria.

ANTE Dubii hujus solutionem prae-mittendum ducimus, in Sanctorum meritis, praeter jus ad aeternae Beatitude premium, duas rationes reperiri: & vni scilicet impetrandi, seu merendi de congruo aliquod spirituale beneficium: & virtutum satisfaciendi Deo pro poena temporali. Harum rationum diversitas ex eo constat, quod satisfacere, non sit impetrare, & e converso impetrare non sit satisfacere, sedolvere quod alteri debetur; intantum enim Deo satisfacimus, in quantum propriis operibus ut poenalis debitum poenae contractum persolvimus; unde etiamsi quisi alteri poenae temporalis remissionem impetraret, si non compensaret id, quod Deo propter culpam debetur, minime diceretur satisfacere. Et ideo docent Thomistae, posse unum alteri primam gratiam peccati lethalis remissionem impetrare, secus vero pro hujusmodi peccato in ratione offensae condigne satisfacere, quia nequit pretium moraliter aequivalens offensae Deo illatae, propriis operibus exhibere. Clarius haec rationum diversitas elucet in oratione facta a Ministris Ecclesiae, quae ut impe-

impetratoria fundatur in eo, quod est petitio ac significatio voluntatis & desideriorum Ecclesiae; prout enim hæc est unum corpus mysticum, potest per suos Ministros Deo sua desideria repræsentare, atque orationi aliquam dignitatem & efficaciam communicare. Caterum satisfactio, quæ per eandem orationem habetur, in eo fundatur, quod est opus poenale & afflictivum, sub qua ratione non refertur ad Ecclesiam, nec nomine illius, ut sic dicamus, sustinetur = *Cujus signum est* (ut loquitur Suarius in *tom. 4. in 3. part. disp. 48. sect. 8. n. 4.*) *quia nulla alia opera poenalis vel satisfactoria fieri solent ab Ecclesia per Ministros suos ad satisfaciendum Deo, nomine totius corporis, sed tantum orationes vel sacrificia, aut alia signa religiosi cultus* =

Nounulli ex Doctoribus, quorum meminit Suarius *disp. 51. sect. 2. n. 7.* arbitrantur, Sanctorum merita Ecclesiae Thesauro cumulare, non prout satisfactoria sunt, sed dumtaxat ut impetratoria: quatenus, id obtinent, quod reddantur idonei Fideles ad participationem fructus passionis Christi; seu Deum movent, ut in poenæ temporalis luendæ remissionem, superabundantem Filii sui satisfactionem, tanquam pretium impendat; quia maxime Divinam decet Bonitatem, ut operum intuitu, quibus sancti se Deo pergratos exhibuere, aliis adhuc in hoc sæculo viventibus beneficiat: ut revera Populo Israelitico, propter Abraham & Moysen plura beneficia contulisse, Sacræ Scripturæ autoritates testantur.

Conclusio. Ad Ecclesiae Thesauro spectant merita Sanctorum, etiam ut satisfactoria.

Merito in hac Conclusionem dicimus: *etiam ut satisfactoria*, non enim in dubio vocamus, quod communiter a Doctoribus recipitur, ea in Ecclesiae Thesauro reperiri, ut habent vim impetrandi, seu merendi nobis de congruo aliqua bona spiritalia.

Prob. 1.^o Sanctorum merita secundum illam rationem formalem spectant ad Ecclesiae Thesauro, secundum quam concurrunt ad remissionem poenæ temporalis Fidelium (quam ex iis fieri posse, *capite sequenti Articulo 1.* demonstrabimus). Ad hanc vero concurrunt ut satisfactoria. Primo, quia in Decretalibus Literis Leo-

nis X. ad Cardinalem Cajetanum statuitur, Romanum Pontificem Indulgentias concedere = *Ex superabundantia meritorum Christi, & Sanctorum* = Illa autem particula *ex*, non causam impetrantem, sed satisfaciensem, vel solventem designat. Quod clarius elucet in eo, quod ibi subditur = *Thesaurum meritorum Christi dispensando* = dispensare quippe merita aliorum, non est proprie propter ea aliquid impetrare, sed illa, in alieni debiti poenæ temporalis solutionem erogare: & idcirco concluditur, Thesauri Ecclesiae dispensationem fieri *Per modum absolutionis vel suffragii* seu solutionis. Secundo S. Pius V. Constitutione ineipiente *ex omnibus* edita Cal. Octobris anno MDLXVII. novem supra sexaginta Bani propositiones profligavit, quarum duæ circumscripta virtute satisfactoria pro poenâ temporalis a Sanctorum meritis, eam dumtaxat Christi meritis tribuebant = 10.^a in ordine = *Solutio poenæ temporalis, quæ peccato dimisso saepe manet & corporis resurrectioni, proprie non nisi meritis Christi adscribenda est*: 60.^a = *Per passiones Sanctorum in indulgentiis communicatas, non proprie redimuntur nostra delicta, sed per communicationem charitatis, nobis eorum passiones impertiantur, ut digni simus, qui pretio sanguinis Christi o poenâ peccato debita liberemur* = Unde Bellarminus *Lib. 1. de Indulg. cap. 1.* ait = *Damnavit Pius V. multos articulos quorundam Lovaniensium, quorum unus erat: solius Christi satisfactoriis remitti poenam temporalem; Sanctorum autem passionibus offerri Deo, ut Dei illarum intuitu applicet nobis merita Christi* = Si autem ut mere impetratoria dicta merita ad remissionem poenæ temporalis ex Ecclesiae Thesauro faciendam, atque solius Christi meritis satisfactoriis obtinendam concurrerent, nihil esset in dictis propositionibus censura dignum; verum enim esset, nedum redemptionem, sed etiam remissionem poenæ temporalis per solam Christi passionem, tanquam pretium satisfactorium obtineri. Tercio ex doctrina Ecclesiae, quæ semper credidit, merita Sanctorum ipsorumque satisfactiones pro poenis temporalibus a peccatoribus solvendis per Indulgentiarum largitiones applicari: ita ut vicem propriæ compensationis eorundem suppleant media Ecclesiae autho-

ritate

ritate. De quo enim Ecclesiam Romanam audacter redarguit Tertullianus in *Lib. de Pudicit.* nisi quod Martyres Moechis veniam darent: idque in aliorum utilitatem cederet, quod ad eorundem Martyrum solutionem exigebatur? Non crimen affinxit Zephyrino Pontifici Tertullianus, quod merita Sanctorum ad impetrandam expiationem a culpis offerret, sed quod merita eorum ut satisfactoria, aliena peccata purgarent; comparavit enim solutionem a Martyribus exhibitam, atque applicationem Lapis factam per Clavium potestatem, cum solutione Christi, perinde ac solvere alienam penam non pure creaturæ, sed soli Dei Filio conveniret; hoc enim ejus verba apertissime demonstrant = *Quis permittit homini donare, quæ Deo reservanda sunt? Sufficiat Martyri propria delicta purgasse, ingratis vel superbi est, in alios quoque spargere, quod pro magno fuerit consecutus.* Quis alienam mortem solvit, nisi solus Filius Dei? Proindeque, qui illum imitatoris donando delicta, si nil ipse deliquisti, putere pro meritis vero peccatoris, quomodo oleum faculae tue sufficere tibi & mihi poteris? = Censuit, se in Evangelica parabola ad id habere fundamentum, in qua fatæ Virgines dicunt ad prudentes = *Date nobis de oleo vestro, quia lampades nostræ exinguuntur* = & accipiunt responsum = *Ne forte non sufficiat nobis & vobis, ite potius ad vendentes, & emite vobis* = ubi ut videtur, Martyres vellet Virginum prudentium exemplum imitari, ac proinde proprias satisfactiones aliis non applicare. Dicendum igitur est, ad Ecclesie Thesaurum spectare merita Sanctorum etiam ut satisfactoria.

Prob. 2.^o Compertum est, nonnullas vitæ sanctitatis præclaras personas de facto plura edidisse virtutum exempla, vel operibus afflictivis vacasse, quæ prout erant meritoria, quanquam sublimem æternæ Beatitudinis gradum eisdem comparaverint, tamen ut erant afflictiva, aut nullo modo fuerunt ipsis necessaria, ob defectum proprii reatus poenæ temporalis, aut opus non fuit, tantam præferre poenalitatem ad excellentissimam compensationem pro debito dictæ poenæ, quæ modica aut nullo modo solvenda debebatur. Hoc certum est, in Beatissima Virgine Maria, quam adeo vehementer doloris gladius in Unigeniti Filii

sui passione pertransivit, ut ejus interioris animi afflictiones Martyrum cruciatus excellerint. Passiones & afflictiones supra id, quod sibi debebatur, de se ipso insinuat Job cap. 6. v. 2.^o dicens = *Utinam appendere peccata mea, quibus iram merui: & calamitas quam patior, in statera, quasi arena maris hæc gravior appareret* = Vexatus siquidem gravissimis flagellis, timens Deum, & recedens a malo enixe postulabat: cur tantopere torqueretur. Idem asseri potest de pluribus Sanctis Confessoribus qui ad eximiam morum integritatem, asperissima poenitentia addiderunt exercitia. Nec possumus alios Martyrii gloria decoratos silentio præterire, qui usque ad ultimum vitæ agone proprio sanguine, contra Diaboli nequitias strenue pugnarunt. Et sane si mors pro Christo libenter tolerata sufficiens est ad ejuslibet poenæ temporalis remissionem, ut tradit D. Cyprianus, vel quisquis sit Author libri de Laud. Martyrii ad Moys. & Maxim. aliosq. Confessor. his verbis = *Considerare enim utique debemus, quanta sit gloria, vitæ quamlibet maculam & sordes polluti corporis, & longa vitiorum tabe concreta contagia, tantoque temporis tractu crimen exceptum, unius instantis remediis expiare, quo & augeri merces, & crimen posse excludi;* (& ideo S. Cyprianus Martyrii excellentiam supra Baptismum fluminis declarat in Epist. ad Fortunat. = *Nos tantum, qui Domino permittente primum Baptisma credentibus dedimus, ad aliud quoque singulos præparemus, insinuantur & docentur: hoc esse Baptisma in gratia majus, in potestate sublimius, in honore pretiosius, Baptisma, in quo Deus & Christus exultant, Baptisma, post quod nemo jam peccat, Baptisma, quod fidei nostræ incrementa consummat, Baptisma, quod nos de Mundo recedentes statim Deo copulat* =) Quid dicendum erit de tot fortissimis Christi Athletis, qui nedum mortem, verum etiam atrocissima pro Christo toleraverunt supplicia? Certe hæc eorum merita ut satisfactoria ad poenæ temporalis propriæ remissionem superabundarunt. Cum ergo in Divina maneant acceptatione, in Ecclesie Thesauro una cum Christi meritis, aliis Fidelibus dispensanda, servantur. Audire non pigeat Cajetanum hoc luculenter de-

clarantem in Tr. 16. de Indulg. g. 1. = *Meritum*, ait, non excedit personam, quæ meretur, solo Christo excepto.....satisfacere autem unus potest pro alio; & ex hac differentia provenit, quod Sanctorum opera quatenus meritoria fuerunt, acceperunt mercedem suam in ipsis Sanctis..... quatenus vero satisfactoria fuerunt, primum quidem solverunt debitam pro illorum peccatis penam, deinde si plus penalitatis habuerunt, quam pena ipsorum peccatis debita exigeret, remansit illud plus, tanquam ipsis Sanctis superfluum. Et hoc plus est illud, quod a quibusdam vocatur irremuneratum in ipsis Sanctis, non propter defectum Divine largitatis, aut operis, aut ipsius Sancti, sed propter excellentiam illius personæ, quæ superabundanter passa est voluntarie. Ex eo namque quod persona patiens non habet excellentiam illius personæ, quæ superabundanter passa est voluntarie. Ex eo namque quod persona patiens non habet propriam penarum demerita pro peccatis, provenit quod satisfactiones superflue non possint in ipsa remunerari: seu relictus toquendo, non possunt in ipsa habere effectum solutionis: & quoniam constat, Sanctos multo plus passos, quam ex peccatis suis deberent pati, consequens est, ut multa satisfactoria remanserint superflua ipsis Sanctis..... Superfluum igitur multa satisfactoria Sanctis, ultra ingens pelagus superfluentis satisfactionis Christi = Deinde relatis exemplis B. V. Mariæ & plurium Sanctorum Martyrum, concludit = Quo circa ex meritis Christi & Sanctorum, quatenus satisfactoria sunt, superfluis, Thesaurum Indulgentiarum consilui intelligito, si non vis errare.

Hinc habes, quid dicendum sit de Doctorum quorundam opinione, quam superius recensuimus, cui etiam post damnatos Baii errores aliqui ex Parisiensibus & Lovaniensibus subscribere, inter quos Natalis Alexander Tom. 3. *Histor. Ecclesiæ. sec. 3. dissert. 3. prop. 4. in Schol.* referens ad suæ sententiæ patrocinium Maldonatum Societatis Jesu Theologum = Juvenin in *Tract. de Sacrament. part. 2.ª dissert. 14. de Indulg. quæst. 5. cap. 2.º* & præ cæteris Christianus Lupus Tom. 3. *dissert. de Peccator. ac satisfaction. Indulg.* ubi fateatur, merito 60.^{am} Baii propositionem fuisse proscriptam, pluribusque utitur rationi-

bus ad id suadendum, quæ, si accurate expendantur, deciant, ipsum penes verborum corticem duntaxat satisfactoriam virtutem in Sanctorum meritis pro cumulando Ecclesiæ Thesauro, admisisse = *Respondet*, inquit, circumscriptum Baii articulum ob iustissimas rationes. Primo, quia videtur Sanctorum Martyrum passionibus omnem nobis merendi, & pro nobis satisfaciendi virtutem auferre. Etenim ille licet non de condigno, pro peccatis nostris omnino satisfaciant, Sancti præsertim Martyres sunt veri de iniquitatis Mammona nobis facti amici, qui nos, cum defecerimus, recipiunt in æterna tabernacula. Eorum apud Deum merita sunt tanta, ut etiam in extremo tremendo die, quosdam æternæ damnationis reos, sint ab illius sententia liberaturi. Ita in *Libris de Dei Civitate* palam docet S. Augustinus: & de redeunte cum Trophymo Episcopo lapsa plebe scriptis ad Antonianum Episcopum S. Cyprianus: Pro quo satisfaciebat fratrum reditus: nempe non tantum semetipsa, sed etiam pro suo Trophymo faciebat lapsa plebs, quod, pro lapsu in latrocinia discipulo, fecisse Sanctum Joannem Apostolum, scribis in Ecclesiastica Eusebii Cæsariensis Historia Clemens Alexandrinæ Ecclesiæ Presbyter: crebris precibus pro illo Deum invocat, continuis jejuniis una cum eo se macerat. Non Lapsa plebs, nec unus Apostolus, sed tota triumphantium Sanctorum communio pro nobis fundit, & offert assidue suarum orationum, atque satisfactionum odorem ante thronum Dei & Agni, & ipsa nobis per Sancti Petri Claves applicantur. Quis ergo dubitet, quin pro nobis satisfaciant? Præterea male olent hæc articuli verba: Non proprie redimuntur nostra delicta. Quid articuli Author per vocem proprie intellexerit, ignoro. Interim articulus palam discedit a superius laudata Ambrosiana præbrasi de penitentibus: Velut operibus quibusdam totius populi purgatur, & plebis lacrymis abluitur, qui orationibus, & steribus plebis redimuntur a peccato, & in homine mundatur interiori. Nec enim ille sanximumdo redimit, qui condignum redemptionis pretium donat, sed etiam qui ipsum impetrat, & procurat.

curat. Nonne illi, qui redimendis apud Barbaros captivis eleemosynas colligunt in dies, dicunt: Nos illum aut illum redimimus? Et recte dicunt. Eodem imo majori sensu peccata nostra per Sanctorum Martyrum passiones redimuntur; nec ideo illi sunt nostri redemptores. Dei Ecclesia nunquam sic est locuta. In solum condigni pretii largitorem quadrat iste titulus. Proinde dictus articulus Sanctorum Martyrum passiones deprestitit, & palam recessit a phrasi Sanctorum Patrum. Hinc, passiones illas ab Ecclesie Thesauris excludere, fuit suspectus; ideoque optimo jure abolutus & circumscriptus = Hactenus ille.

Nos vero quamquam prælaudatorum Doctorum studium ac eruditionem satis superque commendare non possumus, qui de literaria Republica optime meriti Sacram Theologiam, nec non Historiam Ecclesiasticam uberrima eximiorum Operum suppellectili exornaverunt, perpensis tamen attenta mentis acie nostræ Conclusionis Argumentis, asserimus: falsitatem prædictæ opinionis satis constare. Neque enim, si mere ut impetratoria Sanctorum merita Ecclesie Thesaurum cumularent, aut ad alienæ expiationis subsidium dispensari, aut, ad redimendum debitum poenæ temporalis aliorum per Indulgentiarum largitionem, dicerentur impendi. Quadere non absolute Constitutioni *Unigenitus de Pœnit. & Remission.* adversatur hæc opinio, (ut perperam nonnulli Authores existimant: & probe advertit Natalis Alexander loco mox citato) qua edocemur ad Thesauri Ecclesie cumulum = *Beate Dei Genitricis & omnium Electorum a primo justo usque ad ultimum, merita adminiculum prestare* = aut Tridentini definitionibus est obnoxia, ex quibus apertissime constat = *In Ecclesia potestatem esse concedendi Indulgentias. Indulgentiarum usum Christiano populo maxime salutarem esse, & in Ecclesia retinendam* = sed ex S. Pii V. Constitutione supralaudata in ea aliquis error agnoscitur; si non ipsemet error Bâii (quem a se Lupus studuit amovere) ipsi tamen multum affinis & proximus. Enimvero quid propius ex ea opinione consequitur, quam quod per Sanctorum passiones in Indulgentiis communitas non proprie redimantur nostra deli-

cta? Et quid ea opinione docetur, nisi quod Sanctorum passiones impertiuntur nobis, ut digni simus, qui pretio Sanguinis Christi a poena peccato debita libere mur? Quod quidem evincit eam opinionem vel in Bajo damnatam, vel saltem post Bâii damnationem suspectam nimis.

Nec dicas, aliquas Bâii propositiones sustineri posse etiam in rigore & proprio verborum sensu; hoc enim effugium præclusum manet ex dictis in *Dissert. Proœmial. historica* §. 6. pag. 74.

Solvuntur Argumenta Aversariorum asserentium, Merita Sanctorum solum ut impetratoria spectare ad Ecclesie Thesaurum.

Obijciunt 1.^o Clemens VI. in *Constit. Unigenitus de Pœnit. & Remissionib.* post definitum Ecclesie Thesaurum asserit, merita Sanctorum, non vero eorum satisfactiones ad illum spectare = *Alcujus Thesauri cumulum*, inquit, *omnium Electorum, a primo justo ad ultimum, merita adminiculum prestare non solum* = Adde, ibi ut patet, sermo non est de Sanctis, quorum opera ut satisfactoria superabundaverunt, sed generaliter de cunctis Electis; quos, certum est, id non prestitisse; alias nemo ex illis, post hujus vitæ exitum, ad Purgatorium migrasset satisfactorius pro compensatione poenæ temporalis in humanis non solute. Tandem ad denotandum Thesaurum prædictum etiam meritis Sanctorum cumulum consumi non posse; subdit Clemens Pontifex = *Quanto plures ex ejus applicatione trahuntur ad justitiam, tanto magis crescit ipsorum cumulus meritorum* = Quæ sane verba accurate expensâ, nequeunt meritis ut satisfactoriis, sed tantummodo ut impetratoriis congruenter aptari. Ergo merita Sanctorum ut impetratoria dumtaxat spectant ad Ecclesie Thesaurum.

Resp. nullam vim fieri posse, quod Clemens loquatur de meritis; vero de satisfactionibus, 1.^o quia etiam loquitur de Christi meritis, quæ, certum est, etiam ut satisfactoria Thesaurum Ecclesie constituisse. 2.^o quia satisfactio nostra meriti, vocabulo designatur; ea quippe non habetur per compensationem omnino æqualem

in linea physica, rei ad rem cum ipsis poenis; Purgatorii enim poena quamlibet presentis vite penalitatem plurimum excedit; sed per aequalitatem moralem = *Quia*, ut dicit Suarius in *scet. cit. n. 14* = *huius vite poena voluntarie suscepta... valorem obtinet alteri Purgatorii poena equivalentem, in quo ad instar meriti se habet* = 3.^o quia satisfactiones non nisi per meritorias operationes exercentur; quamobrem et si meritum & satisfactio per habitudinem ad diversos terminos distinguantur, ob identitatem tamen, quam habent in iisdem operibus, solet meritum sub nomine satisfactionis comprehendendi. Ad additamentum dicimus 1.^o sermonem ibi fieri de iustis per distributionem accomodam, & sensum esse: omnes iustos a primo ad ultimum, Ecclesiae Thesauro cumulasse, qui habuerunt opera ut satisfactoria superflua, aut ob defectum debiti poenae temporalis, vel si aliqua poena ab eis fuit expungenda, haec fuit minor quam illa, quae per eorum merita potuisset expungi. 2.^o Dato, ibi sermonem esse generaliter de omnibus, & singulis Electis, qui fuerunt, ac qui futuri sunt in Ecclesia militanti: atque rationem adiectam, ob quam nequit Thesaurus exhauriri, nempe = *Quanto plures ex eis applicatione trahuntur ad iustitiam tanto magis crescit ipsorum cumulus meritorum* = meritis ut impetratoris melius, atque intellectu facilius accommodari, nil inde eruitur, quod nostrae Conclusioni adversetur; quia, ut observat Suarius, hoc non tollit quominus, nonnulli Sanctorum, qui plus passi sunt quam debuissent pro reatu poenae temporalis, alio modo operibus, ut satisfactoriis dicto Thesauro divitiis addiderint.

Dices. Non videtur Hominiibus, qui in sanctis operibus huius vitae cursum feliciter consummarunt, aliquid satisfactionis superfuisset pro Ecclesiae Thesauro; viventes enim poterant illud Dominicae orationis usurpare = *Dimitte nobis debita nostra* = & quod habetur in *Ep. 1.^a Jo. c. 1.^a* = *Si dixerimus quia peccatum non habemus, ipsi nos seducimus, & veritas in nobis non est* = coherenter ad id, quod dicitur *Luc. 17.* = *Cum feceritis haec omnia, quae praecepta sunt vobis, dicite, servi inutiles sumus, quod debuimus facere fecimus* = Et ideo quod spectat ad lineam satisfactionis per

oleum exprimitur, de quo a prudentibus Virginibus dicitur *Matt. 25.* = *Ne forte non sufficiat vobis & vobis*.

Resp. culpas, de quibus est sermo in praelaudatis Sacrae Scripturae auctoritatibus, esse quaedam peccata venialia Sanctorum, pro quibus facillimum est satisfacere; quia quasi aulicae rubigines sola oratione, aut fervore devotionis elvuntur; adeoque illae satisfactionum excessum supra proprium reatum poenae temporalis impedire non valent. Nec verum est, per oleum, de quo loquuntur prudentes Virgines, opera Sanctorum ut satisfactoria significari, sed ut meritoria vitae aeternae; ut advertit Cajetanus *lib. 1. tr. 16.* his verbis = *Oleum, quod Sapientes Virgines timuerunt sibi non sufficere, ad meriti conscientiam spectat, non ad penalitatem* = & ideo opera bona hoc modo considerata nequeunt ad aliam personam extendi.

Obijciunt 2.^o Redemptoris prerogativa soli Christo convenienter aptatur, dicente Apostolo 1.^a *ad Timoth. 2. v. 5.* = *Unus Deus & Mediator Dei & hominum homo Christus Jesus, qui dedit redemptionem semetipsum pro omnibus* = Si autem merita Sanctorum prout satisfactoria essent in Ecclesiae Thesauro, inde ad Fidelium utilitatem per remissionem poenae temporalis dispensanda, Sanctis pariter Redemptoris titulus conveniret; quia sicut Christi sanguine, ita & Sanctorum Martyrum nostra expiarentur delicta. Quod antiquo Ecclesiae Dogmati apud S. Leonem *serm. de Pass. Domini cap. 3.* adversatur. = *Quantis multorum Sanctorum* (sunt verba Sancti Pontificis) *in conspectu Domini pretiosa mori fuerit, nullius tamen infontis ecclesio fuit proptitatio mundi. Accipere iusti non dederunt coronas; & de fortitudine Fidelium nata sunt exempla patientiae, non dona iustitiae. Singulares quippe illorum mores fuerunt, nec alterius quisquam debitum suo sine persolvit, cum unus extiterit Dominus Christus, in quo omnes Crucifixi, omnes mortui, omnes sunt resuscitati* = Ergo merita Sanctorum ut satisfactoria non pertinent ad Ecclesiae Thesauro.

Resp. citra injuriam Christi humani Generis Redemptoris sustineri, ad Ecclesiae Thesauro Sanctorum passionem ut satisfactorias congregari; non enim culparum re-

remissionem, libertatem a Dæmonis captivitate inducta per peccatum lethale: condignitatem ad gloriam æternam (quæ redemptionis Christi stricte ac rigorose acceptæ, proprii sunt characteres) in Sancto-
rum passionibus retundimus, ut perperam Adversarii interpretantur, sed duntaxat ex Christi meritis agnoscimus, atque asserimus provenire. Eo vel maxime quod peculiare Christo fuit, ut ejus satisfactio condigni pretii pro cunctis hominibus largitatem obrineret; ideoque solus Christus introivit semel in Sancta æterna redemptione inventa; & ideo S. Leo Papa, qui loco citato demonstrandam sibi proposuerat contra Manichæos, necessitatem veræ Deitatis necnon humanitatis in Christo; alias nequaquam Christus potuisset pro nobis supplicium mortis subire, quo deficiente, genus humanum beneficio redemptionis a peccato destitutum agnoverat = *Nullus Infontis*, inquit, *oculis fuit propitiatio Mundi* = quia eam non medio alicujus Martyris, sed solius Christi cruore compravimus. Ceterum quamquam Christus & Sancti Martyres ad Ecclesiæ Thesaurum plurimum contulerint, aliter tamen Christus, & aliter Sancti. Finis præcipuus mortis Christi fuit, ut genus humanum tam a culpa, quam a poena æterna & temporali, soluta satisfactione de condigno, liberaret. Martyres solum de secundario & ex consequenti ad ferendum onus poenæ temporalis aliorum toleraverunt passionibus. Ille ex propria virtute divitiis exhibuit ad aliorum commodum applicandas: isti vero ex virtute gratiæ communicatæ per Christum; quomobrem de satisfactione pro poena temporali propriis culpis debita edixit Tridentinum *sess. 14. cap. 5.* = *Neque vero ista est nostra satisfactio hec, quam pro peccatis nostris exolvimus, ut non sit per Christum Jesum; nam qui ex nobis, tanquam ex nobis nihil possumus, eo cooperante, qui nos confortat, omnia possumus, ita non habet homo unde gloriatur, sed omnis gloriatio nostra in Christo est, in quo vivimus, in quo moriemur, in quo satisfactum fecerunt fructus dignos penitentiae; qui in illo vim habent, ab illo offeruntur Patri, & per illum acceptantur a Patre* = Itaque, quemadmodum ex quo poenitentes queant pro se ipsis poenæ temporalis debitum ex-

olvere Divine Justitiæ, minime sequitur, dici posse absolute & simpliciter propriorum criminum Redemptores, ita nec id infertur, ex quo Sancto-
rum pia opera aliis prosint, ad eundem effectum comparandum. Quod si Redemptoris nomen longo modo accipiat, incongruum non erit, illud Sanctis, hac adjecta limitatione, scilicet poenæ temporalis, convenire, ob prædicta opera satisfactoria; debitum enim poenæ temporalis vel proprium, vel alienum exolvere, est aliquo modo redimere; & ideo *Daniel. 4.* dicitur. *Peccata tua elemosinis redime.*

ARTICULUS III.

*An aliquando merita Sancto-
rum ut satisfactoria in Ec-
clesiæ Thesauris reposita de-
perdantur?*

AD eo eximie non raro ab hominibus justis prodierunt satisfactiones, ut in Ecclesiæ Thesauris infinito congregatæ una cum meritis Christi ad alienæ temporalis poenæ remissionem valeant impendi. Verum, quia vertibile est de bono in malum humanum arbitrium, ac tametsi quis præclara fulgeat sanctitate, uberissimisque editis operibus meritoris, adhuc perseverantiæ dono specialiter indiget, ut in statu gratiæ sanctificantis ex humanis decedat, dicente Regio Propheta *Pf. 164. v. 6.* = *Perfice gressus meos in semitiis tuis ut non moveantur vestigia mea* = & Tridentino *sess. 6. cap. 23.* = *Verumtamen qui se existimant stare, videant ne cadant: & cum timore ac tremore salutem suam operentur in laboribus, in vigiliis, in elemosinis, in orationibus & oblationibus, in jejuniis & castitate, formidare enim debent scientes, quod in spei gloriæ, & nondum in gloriæ renati sunt de pugna, quæ superest cum carne, cum Mundo, cum Diabolo* = idcirco ubi defectus contigerit doni perseverantiæ, illis, qui superabundantes satisfactiones ediderunt, in lethali crimine obcumbentibus, potest in dubium revocari: An hujusmodi satisfactiones deperdantur, ita ut perinde se habeant, ac si in Ecclesiæ Thesauris nunquam

quam fuissent congregatæ? Quod pariter queri potest de satisfactoriis præstitis ab aliis, qui in statum peccati lethalis postea prolapsi sunt. An scilicet hoc statu durante præcise ab eo quod ad pristinum gratiæ sanctificantis sint rediuri, vel non) cumulent prædictæ satisfactiones Ecclesiæ Thesaurum?

Advertit tamen Adrianus, dubium hoc esse magis subtile quam utile, etenim Ecclesia Christi spiritualibus iustorum divitiis, qui usque ad extremum viæ agonem in bono perseverarunt, opulentissimi ne ditata, reprobatorum hominum satisfactionibus non indiget.

Conclusio. Opera iustorum ut satisfactoria in Ecclesiæ Thesaurum reposita quandoque deperduntur.

Prob. Satisfactiones iustorum in Ecclesiæ Thesaurum repositas postea deperdi, est non acceptari a Deo una cum meritis Christi ad levamen poenæ temporalis aliorum. Facta autem suppositione, quod, qui eas operati sunt, vel impenitentes moriantur, vel in statu peccati lethalis existant, nequit locum habere Divina acceptatio ob contractam cum Deo inimicitiam, juxta illud *Ezechiel. 18. = Si averterit se justus a justitia sua, omnes justitiae ejus, quas fecerit, non recordabuntur* = Ergo aliquando opera iustorum ut satisfactoria in Ecclesiæ Thesaurum reposita deperduntur. Declaratur hoc magis. Ut opera satisfactoria in Ecclesiæ Thesaurum serventur, necesse est, persistere in iis, qui ea operati sunt, gratiam sanctificantem. Eodem quippe modo disserendum est de talibus operibus, ut satisfactoriis, ac ut meritoriis. Porro quemadmodum pluribus editis operibus ut meritoriis, ubi gratia sanctificans non manserit in subjectis, nequit iis præmium beatitudinis supernaturalis correspondere, ita nec ea possunt in Ecclesiæ Thesaurum ad solutionem poenæ temporalis aliis debita conservari. Quod nonnulli Doctores pressius ac efficacius urgent, ne admittere compellantur, superabundantes fortassis Judæ satisfactiones, prævie ad Christi proditorem editas, æque ac Pauli passionem in Ecclesiæ Thesaurum locum habere.

Hoc tamen discriminis observari volumus inter abundantes satisfactiones eorum, qui adhuc in via mortali crimine infecti sunt, ac alias illorum, qui in bono mini-

me perseverarunt, quod primæ ita deperduntur, ut ad gratiæ statum redeuntibus iis, qui illas exhibuerunt, denuo acceptentur a Deo, proindeque iterum cumulent Ecclesiæ Thesaurum; idque non immerito asserimus, quia hujusmodi opera satisfactoria iustorum per lapsum eorundem in peccatum lethale, sunt tantummodo mortificata, non vero mortua, possuntque, juxta satis probabilem Theologorum sententiam reviviscere. Secundæ vero sunt omnino arefactæ, inutiles, ac veluti, mortuæ, circumscripta spe reditus ad gratiam.

Objicies 1.^o Superabundans satisfactio ab hominibus iustis exhibita nequit manere infructuosa; tantæ quippe bonitatis est Deus, ut opus præmio dignum irremuneratum non deferat juxta Glossam in *Epist. ad Rom. 2. ex S. Ambros.* Si autem, posset aliquando deperdi, seu una cum meritis Christi ex Ecclesiæ Thesaurum non valeret dispensari, maneret infructuosa. Non ergo superabundans iustorum satisfactio semel in Ecclesiæ Thesaurum reposita deperditur.

Resp. superabundantem hominum iustorum satisfactionem quantum est ex se, intrinseca proportionem gaudere, ut fructum possit solutionis poenarum, aliis Christi-fidelibus debitum afferre; quandiu vero subiectum potens eam remunerationem exigere, aut sperare, peccati lethalis vinculis mancipatur, præpeditur hic fructus, & perinde se habet ea satisfactio, ac si debitam ad talem effectum obtinendum proportionem non haberet.

Objicies 2.^o Valor, quo gaudent hujusmodi satisfactiones, non pendet a gratia personali in conservari. Solum ergo finale peccatum potest obesse, quo minus a decedenti in peccato lethali debitum fructus minime percipiatur, non vero quod aliis possit conferri.

Resp. valorem satisfactionis necessario etiam in conservari a gratia sanctificante dependere; ut de operibus meritoriis vitæ æternæ innuimus; & hoc verum est, sive satisfactio prodesse debeat personæ satisfaciendi, sive alteri; intantum enim in Divina manet acceptatione, atque Ecclesiæ Thesaurum cumulare, inquantum qui eam obtulit, aliquod jus habuit obtinendi pro se poenæ temporalis remissionem, ubi

ne-

necessitas postulare. Deperdita autem gratia sanctificante ab homine, qui superabundantem satisfactionem obtulerat, durante tali statu, sicut illi nequit ea satisfactio prodesse ad poenae temporalis remissionem, ita nec aliis.

Ojicies 3.^a Talia opera fuerunt in Divina acceptatione, ac proinde in Ecclesiae Thesauris, quatenus facta ab hominibus iustis seu a membris Christi vivis. Nequit ergo Ecclesia jus super illa acquisitum amittere.

Resp. ea opera manere mortificata per peccatum lethale, aut se habere tanquam mortua; unde mirum non est, Ecclesiam jus super eisdem acquisitum aut pro semper, aut ad tempus amittere.

ARTICULUS IV.

An Unus vel multiplex sit Ecclesiae Thesaurus.

QUATUOR, opinatur, Ecclesiae Thesaurus reperiri, Auctor *Scrutin. Sacerdotal. tract. 5. secund. part.* primum ex infinitis Christi meritis coalescentem; secundum ex praeclarissimis meritis Beatissimae Virginis Mariae; tertium ex uberrimis S. Joannis Baptistae, necnon Sanctorum Apostolorum ac Martyrum satisfactionibus; quartum ex jeuniis, vigiliis, & Orationibus Confessorum & Virginum.

Alii Doctores apud Suarium admittunt, quod sicut una est universalis Ecclesia particulares vero quamplurimae, ita quod unus sit Thesaurus, in pluribus subinde juxta numerum particularium Ecclesiarum divisus, eisdemque correspondens: adeoque putant, tot dari Thesaurus, quot Dioeceses = *Hoc admittitur videtur Barbosa allegation. 88. n. 5.* (inquit Passerinus *tr. de Indulg. qu. 2. n. 21.*) *ex eo reddens rationem, cur Episcopi non possint nisi certas & finitas Indulgentias concedere, quia singularum Dioecesium Thesaurus Indulgentiarum generali commixtus non ita locuples est sortitus, ut inde plena remissio possit concedi* = Verum in hoc deceptum dixeris Passerinum, inspectis iis, quae tradidit praeaudatus Barbosa loco citato; quod enim Episcopi possint duntaxat concedere Indulgentias limita-

tas, non adscribit limitationi Thesauri singularum Dioecesium, sed eorum jurisdictioni jure canonico limitatæ = *Solus Papa, inquit, primario potest Indulgentias concedere, solusque plenarias concedit; Episcopi vero temporales limitatas, seu partiales jure communi canonico, & ab ipso Summo Pontifice dependentes. Ratio est, quia hujusmodi potestas est jurisdictionis non Ordinis. C. quod autem de Pœnit. & Remiss.; quatenus ibi dicitur Indulgentiae concessionem esse actum absolvendi & judicalem* =.

Conclusio Unus duntaxat datur Ecclesiae Thesaurus.

Prob. Thesaurus Ecclesiae constituitur ex meritis Christi, ejusque infinitis satisfactionibus, ut loquitur Clemens VI. in *Extravag. Unigenitus de Pœnit. & Remissionib.* = *Nē supervacua inanis aut superflua tanta effusionis miseratio redderetur Thesaurum Militanti Ecclesiae acquisitum Christi volens, suis thesaurizare filiis pius Pater* = Qui sane Thesaurus divisus non est, aut aliquarum Dioecesium peculiaris, sed unitus seu unus omnibus communis. Sanctorum autem superabundantes satisfactiones ad eundem spectant, quia de Christi gratia, ejusque meritis pretiosis participant, quatenus Sancti sunt membra ejusdem Corporis Mystici, sub eodem Capite = *In unitate Corporis Mystici* (= inquit D. Thomas = *dist. 20. quest. 1. art. 3. quest. 1.* de hoc Thesaurio agens.) *in qua multi in operibus penitentiae supererogaverunt ad mensuram debitorum suorum, & multas tribulationes sublenerunt, per quas multitudo penarum poterat expiari scitis deberentur* = quorum meritum tanta est copia quod omnem poenam debitam nunc viventibus excedunt, & praecipue ob meritum Christi. Itaque sicut unus est Christus thesaurizans, unum Ecclesiae Corpus Mysticum spirituales Ecclesiae divitias cumulans, unus erit Ecclesiae Thesaurus. Quod ita perspicue declarat Durandus in *4. dist. 20.* = *Thesaurus Ecclesiae, quem Christus ei divisit tanquam sponsa, non est divisus in Ecclesia; ita ut in una particulari Ecclesia sit una pars illius Thesauri, & in alia altera pars, sed est unus & indivisus in tota Ecclesia*.

C A P U T III.

DE POTESTATE DISPENSANDI ECCLESIAE THESAURUM
PER INDULGENTIARUM CONCESSIONES.

AD completam Thesauri Ecclesiae notitiam comparandam, opere pretium est agere de potestate illum dispensandi per Indulgentiarum concessiones, ideoque inquirendum est: An penes Ecclesiae Praelatos flet potestas praedictum Thesaurum dispensandi? Cujusmodi sit haec potestas, an Ordinis, an vero Jurisdictionis? An in aliis praeter summum Pontificem & Episcopos reperitur? Tandem An Summus Pontifex gaudeat potestate concedendi Indulgentias independentem ab Ecclesiae Thesauris?

ARTICULUS I.

An penes Ecclesiae Praelatos flet Potestas dispensandi Ecclesiae Thesaurum per Indulgentiarum concessiones.

CUM Ecclesiae Thesaurus ex Christi meritis sit constitutus, ac superabundantibus Sanctorum satisfactionibus cumulatus, non immerito hoc dubium proponitur. Ad quid enim tam uberrima meritorum coeries in Divina praesentia & acceptatione maneret, nisi posset ad aliorum utilitatem dispensari?

Quid praenotandum sit ad Dubii solutionem: quidue ea de re doceat Ecclesia Catholica.

Citra controversiam recipitur, militantis Ecclesiae Thesaurum privata auctoritate minime posse dispensari; idque adeo verum est, ut Sancti, qui ad ejus cumulum plurimum laborarunt, nemini Fidelium superabundantibus satisfactionibus applicatis expresse & formaliter, earum dominium non retineant, sed quicquid hujusmodi satisfactionum superabundantium in ipsis repperitum fuit, reputetur commune Christianae Reipublicae bonum.

Pro certo insuper tenendum est, non dari penes Ecclesiae Praelatos potestatem dispensandi dictum Thesaurum ex Christi Sanctorumque meritis coalescentem per Sacramentalem absolutionem, contra Marfilium (qui in 4. sent. adversus unanimum Theologorum doctrinam oppositum arbitratur) cum Sacramenti Poenitentiae virtus, in ordine ad remittenda peccata post Baptismum commissa, Christi meritis duntaxat innitatur.

Consulto tamen de potestate Praelatorum Ecclesiae dubium excitatur, (quorum nomine Episcopos intelligimus) licet enim verum sit, Sanctos veteris Testamenti plura, & quidem uberrima opera satisfactoria peregrisse, ut declarat Clemens VI. in *Extravag. Unigenitus de Penit. & Remiss.* non tamen, ut statim distribuerentur, sed tempore a Divinae Providentiae legibus praefinito; quamobrem nulla ratione, aut auctoritate probari potest, eam potestatem Synagoga fuisse collatam. Eo vel maxime, quod ante Christi mortem non erat Ecclesiae Thesaurus meritorum ejus ubertate consummatus, a quo ceteri sanctitate conspicui in veteri Testamento satisfaciendi virtutem receperunt. Ceterum si ad statum Evangelicae Legis attendamus, postquam Christus novam sibi desponsavit Ecclesiam, Theandrico cruore factam, liberalius Divinae gratiae munera communicantur, cumulatius fiunt peccatorum remissiones, atque ex ejus merito derivatum agnoscimus, quod talis potestas Ecclesiae commendaretur; proindeque Dubium, congruentius de ejus Praelatis examini committitur. Nemo tamen dixerit, inutilem collectionem meritorum Sanctorum fuisse ante tempus Evangelicae Legis factam, quia ea suo tempore fructum erat assecutura = *Non tamen* (inquit Suarius *disp. 51. sect. 2. nu. 20.*) *inutilis fuit illa collectio meritorum Sanctorum, seu inchoatio Thesauri, quae ante tempus Legis gratiae facta est, quia suo tempore fructum suum habebaturus erat Thesaurus, quando Dispensator Evangelicus proferre posset de*
The-

Theſauro ſuo nova & vetera, adinſtar prudentis Patriſfamilias, de quo loquitur Cōriſtus Matth. 13.

Innumeri fuerunt Hæretici, qui omnem moverunt lapidem, ut hanc poteſtatem impugnarent, atque Indulgentiarum valorum poenitis everterent, quorum errores in *Diſſert. Proœmial. Hiſtor. §. 16.* recensuimus.

Oppoſitam Heterodoxorum deliriis doctrinam tradidit Concilium Tridentinum, contra Indulgentiarum Impugnatores potiſſimum congregatum: Catholicamque ſuper hac re edidit Definitionem, atque contrarium afferentes anathemate percuſit = *Cum Poſſeſſas* (verba ſunt Decreti de Indulg. ſeſſ. 25.) *conferendi Indulgentias a Chriſto Eccleſiæ conſeſſa ſit*, atque hujuſmodi poteſtate divinitus ſibi tradita, antiquiſſimis etiam temporibus illa uſa fuerit, Sacroſancta Synodus Indulgentiarum uſum Chriſtiano Populo maxime ſalutarem, & Sacrorum Conciliorum auctoritate probatum, in Eccleſia retinendum eſſe docet, & præcipit, eoſque anathemate damnat, qui aut inutilis eſſe aſſerunt, vel eas concedendi in Eccleſia poteſtatem negant.

Pluribus Argumentis oſtenditur, penes Eccleſiæ Prælatos dari poteſtatem diſpenſandi Eccleſiæ Theſaurum per Indulgentiarum conſeſſiones.

Concluſio. Datur penes Eccleſiæ Prælatos poteſtas diſpenſandi Eccleſiæ Theſaurum per Indulgentiarum conſeſſiones.

Prob. 1.^o Auctoritate Sacre Scripturæ, *Matthæi* enim 16. Poteſtatem Clavium Petro ſe collaturum Chriſtus promiſit = *Tibi, inquit, dabo Claves Regni Cælorum, & quodcumque ligaveris ſuper terram, erit ligatum & in Cælis: & quodcumque ſolveris ſuper terram, erit ſolutum & in Cælis* = eandemque pariter pollicitus eſt cunctis Apoſtolis, qui futuri erant Eccleſiarum Antiſtites *Matth. 18.* dicens = *Quæcumque alligaveritis ſuper terram, erunt ligata & in Cælo, & quæcumque ſolveritis ſuper terram, erunt ſoluta & in Cælo* = Quod poſtea implevit *Joann. 17.* Petrum alloquens = *Pæſce oves meas* = & *Jo. 20.* = *Accipite Spiritum Sanctum, quorum remiſeritis peccata, remittuntur eis, & quorum retinueritis, retenta*

ſunt = Quibus locis ſermo eſt de poteſtate ſolvendi ac retinendi peccata, ligandi Fideles per Leges & cenſuras, omnemque actum juridiſſionis exercendi, qui Dei miſericordiam & gloriam, Eccleſiæ ædificationem, animarumque ſpirituale ſublidium apud peccatores commendaret. Itaque ſicut Petro cæteriſque Apoſtolis datum eſt, Fideles peccatorum laqueis irretitos, rite tamen ac recte diſpoſitos, a culpæ reatibus, Chriſti meritis ex Eccleſiæ Theſauro applicatis, abſolvere, ita & a poenis temporalibus ex eodem Theſauro, Chriſti Sanctorumque ſatiſfactiones diſpenſando, ubi adſit Chriſtiſidelium neceſſitas, vel utilitas = *Totus iſte Theſaurus* (inquit D. Thomas in *quodlib. 2. quæſt. 8. art. 16. in corp.*) meritorum Chriſti & Sanctorum eſt in diſpenſatione ejuſ, qui præſt generali Eccleſiæ, unde Petro Dominus Claves Regni Cælorum commiſit *Matth. 16.* Quando ergo utilitas vel neceſſitas ipſius Eccleſiæ hoc expoſcit, poteſt ille qui præſt Eccleſiæ, de iſta inſignitate Theſauri communicare alicui, qui per charitatem ſit membrum Eccleſiæ, de prædicto Theſauro, inquantum ſibi viſum fuerit, opportunitum, vel uſque ad totalem remiſſionem poenarum, vel uſque ad aliquam certam quantitatem; ita ſcilicet, quod paſſio Chriſti & aliorum Sanctorum ei imputetur, ac ſi ipſe paſſus eſſet, quantum ſufficeret ad remiſſionem ſui peccati: ſicut contingit, cum unus pro alio ſatiſfacit = Quod vero culpæ in Sacramento, poenæ temporales extra illud remittantur, in utriuſque reatus naturam reſunditur; culpæ ſiquidem nequeunt expiari niſi per inſuſionem gratiæ ſanctificantis, Sacramentorum duntaxat virtute communicandam: poenæ vero temporales, quæ deletis culpæ maculis debent exolvi, non expoſcunt pro remiſſione gratiam ſanctificantem de novo inſundendam, ſed eandem jam in anima receptam ſupponunt. Itaque cum Eccleſiæ Prælati, in ipſius Eccleſiæ regimine, Petro cæteriſque Apoſtolis ſuccedant, dicendum eſt, penes eoſdem dari Poteſtatem diſpenſandi Eccleſiæ Theſaurum per Indulgentiarum conſeſſiones.

Reſpondent Heterodoxi, in allatis Sacre Scripturæ auctoritatibus fieri ſermonem duntaxat de Poteſtate Clavium D. Petro aliſque Apoſtolis collata, in ordine ad

remittenda peccata, quod idem est ac eupharum reatum eorum autoritate posse relaxari: non vero de potestate remittendi debitum poenae temporalis; ac per consequens ex Sacra Scriptura non erui fundamentum, ad probandum, Ecclesiae Praelatos gaudere potestate concedendi Indulgentias ex Ecclesiae Thesauris.

Verum haec responsio corrui. Ea enim potestas, de qua ibi fit mentio, talis est, qualem agnoscit Ecclesia, ad quam pertinet Scripturas interpretari, & de vero eorum sensu iudicare. Ecclesia vero, laudatas Sacrae Scripturae sententias ita intelligit, ut per illam, quodlibet obstaculi genus, Regni Caelorum ingressum aut impediens, aut retardans, auferendi virtus collata sit. Alias notaret quod Christus, se Petro ceterisque Apostolis collaturum promiserat: neque communi Ecclesiae bono fuisset sufficienter provisum. Porro nedum vinculis peccatorum obstrictos, quin etiam ab eis solutos, habentes reatum poenae temporalis ab aeternae Beatitudinis assecutione praepediti compertum est. Quemadmodum enim, dicitur *Apocalyp. 21.* = *Nihil coinguinatum* (maculis videlicet eupharum) *intrabit in Regnum Caelorum* = ita nondum exsoluto debito poenae temporalis (quod non raro superest luendum post justificationem) idem Caelorum Regnum possideri non potest, ut habetur *Lucae 12. v. 59.* = *Dico tibi, non exies inde, donec etiam novissimum minutum reddas* = Igitur nedum Petro ceterisque Apostolis commissa est potestas remittendi peccata quantum ad culpam, sed etiam quantum ad poenam temporalem, Indulgentias largiendo ex Ecclesiae Thesauris. Rem illustrat luculenter Cajetanus in *Tract. 16. de Indulg. quest. 6.* his verbis = *Quoad impedimenta personalia, quae scilicet ex peccatis nostris actualibus sunt, ut culpa, & poena pro actualibus debita, per Petrum aperire Regnum Caelorum statuit, & propterea sicut ad potestatem Clavium Petri spectat tollere personalem culpam per Sacramenta Penitentiae, dicente Domino: Quorum remisistis peccata remittuntur eis, ita ad Clavium Petri potestatem spectat, tollere personalem poenam, quae scilicet pro actuali culpa est debita; utraque enim impedit ingressum hominis ad Regnum Caelorum. Alioquin Claves non suf-*

ficienter aperirent, dum non sufficerent ad tollendum utrumque genus personalis impedimenti ad Regni Caelorum ingressum: & periclitaretur illa universa a Domino data auctoritas: Quodcumque solveris super terram; nam si poena excipitur actuali peccato debita, iam non ad quodcumque solvendum extenditur Clavium subiectus actus per dicta verba. Clavium igitur Petri actus cum sit aperire Regnum Caelorum Christi membris, tollendo personalia culpe & poenae impedimenta, consequens est, ut, quia Indulgentiae auctoritate Ecclesiastica datae, servatis servandis, tollunt poenam pro peccatis debitam, ad potestatem Clavium pertineant.

Prob. 2.^o Ex Summorum Pontificum Diplomatis & Decretis eadem Indulgentiarum Potestas, & 1.^o ex Extravaganti *Unigenit. de Penit. & Remissionib.* in qua, Clemens VI., definita existentia Thesauri Ecclesiae, subdit = *Quem quidem Thesaurum, non in sudario repositum, non in agro absconditum, sed per Beatum Petrum Caeli Clavigerum, ejusque Successores suos in terris Vicarios commisit Fidelibus salubriter dispensandum: & propriis & rationabilibus causis, nunc pro totali, nunc pro partiali remissione poenae temporalis pro peccatis debita, tam generaliter quam specialiter, prout cum Deo expedire cognoscerent, vere penitentibus, & confessis, misericorditer applicandum.* 2.^o ex Constitutione Martini V. qui in ea, quae incipit *Inter Cunctas* emanata octavo Cal. Martii anno mccccxviii. Archiepiscopis, Episcopis atque haeretice pravitatis Inquisitoribus praescribit formam, de Wicleffica & Hussitica haeresi suspectum, interrogandi, his verbis = *Utrum credat, quod Papa omnibus Christianis vere contritis & confessis, ex causa pia & iusta possit concedere Indulgentias in remissionem peccatorum, maxime pia loca visitantibus, & ipsi manus suas porrigentibus adiutrices: & utrum credat, quod singuli Episcopi suis subditis secundum limitationem Sacrorum Canonum, huiusmodi Indulgentias concedere possint* = 3.^o ex Constitutione Pii IV. cujus initium est in *Sacrofancta* edita Idibus Novembris anno mclxiv., qua inter cetera pro Catholicae fidei professione, a cum-

etiam promotis, atque in posterum promovendis ad aliquam liberalium Artium facultatem, emittenda, habetur = *Ego N. Indulgentiarum potestatem a Christo in Ecclesia relictam esse, illarumque usum Christiano Populo maxime salutarem esse, affirmo* = Ergo ex Summarum Pontificum Diplomatis & Decretis constat, dari penes Ecclesie Prælatos Potestatem dispensandi Ecclesie Thesaurum per Indulgentiarum concessionem.

Prob. 3.^a Ex praxi & perpetuo Ecclesie usu, ex quo scilicet Ecclesia suis ab incunabulis ad hanc usque ætatem dederit Christianis Indulgentias, non omisissis monumentis ex quatuor prioribus sæculis deponentis, quæ Novatoribus puriora videntur; iisque laconice perstrictis, quæ fusiori calamo in *Dissertatione Proemiali* §. 3. & sequent. prosecuti fuimus. De incestuoso Corinthio, qui lacrymis atque poenitentis laboribus nefandum scelus eluebat, hæc loquitur D. Paulus in *Epist. 2. ad Corinth. cap. 10.* = *Suffici illi, qui ejusmodi est obfurgatio hæc, quæ fit a pluribus: ita ut e contrario magis donetis, & consoletur, ne forte abundantiori tristitia absorbeat, qui ejusmodi est* = quibus verbis jubet Apostolus, ut poenitentia onera, quæ ab incestuoso viro in interitum carnis damnato, adhuc erant explenda, relaxentur. Ea autem poenitentia exemptio aliud non est, quam Indulgentia ab Ecclesie Prælato facta concessio; quam proinde Christum ratam habuisse, testatur Apostolus laudatus subdens = *Cui autem aliquid donastis, & ego; nam & ego quod donavi, siquid donavi propter vos, in persona Christi* = Aliud Indulgentiarum exemplum præstitit S. Joannes Evangelista erga prædonem quandam adolescentem in plurima flagitia prolapsum, atque ad meliorem frugem deinde revocatum, ei dimisso poenitentia residuo, quod ad poenæ reatum expungendum debebat exolvere. Prædictis exemplis instructi Catholice Ecclesie Episcopi, ingruentibus Gentilium persecutionibus contra Evangelicæ Legis sectatores, iis, qui Idolis sacrificium obtulerant, ad luctuosas satisfactiones subeundas obligatis, poenitentia partem relaxarunt; ut præter Tertullianum *lib. de Martyribus*, Dionysium Alexandrinum, Ireneum Episcopum Lugdunensem, locu-

pletissimus testis est Cyprianus in *Lib. 3. Epistol. 11. ad Martyr.* Quod profecto minime fecissent, nisi in se ipsis potestatem agnovissent, ex Ecclesie Thesauri per Indulgentiarum largitiones remittendi debitum poenæ temporalis, cujus intuitu luctuosæ poenitentia labores injungebantur.

Dices. Illæ condonationes ad Martyrum preces & libellos datæ, non fuerunt veræ Indulgentiæ, quia nusquam apud Tertullianum aliosque Patres laudatos fit mentio hujus Thesauri Ecclesie, ad cujus cumulum Sanctorum merita putaverint pertinere; adeoque nihil evincitur ad propositæ Conclusionis intentum.

Resp. nec pro delendis peccatis quantum ad culpæ reatum per Poenitentia Sacramentum meminisse Patres expresse & formaliter Thesauri Ecclesie ex Christi meritis constituti; & tamen nemo dixerit, per hujusmodi Sacramentum non fieri veram culpæ remissionem propter merita Christi; quia ab eisdem Patribus traditum, Divinæque Scripturæ oraculo comprobatum accepimus, peccata minime deleri, nisi per Theandricum Christi Cruorem, Deo tanquam pretium nostræ redemptionis oblatum. Itaque cum ex Tertulliano ceterisque Patribus prælaudatis constet, propter Martyrum passiones pacem Lapsis fuisse datam, necnon poenitentia canonice relaxationem, recte colligimus, condonationes illas veras fuisse Indulgentias. Maxime quia, hanc ea ætate a Patribus consuetudinem observatam didicimus, ut nequaquam fieret Libellorum Martyrum executio, proindeque poenentialis satisfactio obunde relaxatio, donec Confessores, pro Christi nomine in carceribus mancipati, Martyrii cursum feliciter consummassent: adeoque post cumulatam superabundantibus satisfactionibus Ecclesie Thesaurum. Quamobrem D. Cyprianus in *Epist. 10. ad Clerum suum* data, quorundam Presbyterorum factum fugillat, qui contra hanc Ecclesie praxim intempestive Lapsis reconciliationis beneficium impertiri non dubitassent = *Consciamus, inquit, Domini lege & observatione, quam Martyres & Confessores tenendam mandarunt, ante exitum persecutionis metum, ante ipsum poenæ Martyrum excessum communicant cum Lapsis*

offerant, & Eucharistiam tradant = Hinc immerito sibi suadent Hæretici, voces *Theauri Ecclesie*, *meritorum Christi* & *Sanctorum* in Indulgentiarum dispensationibus adhibitis innovationem esse doctrinæ = *Ne eriam nos* (inquit D. Augustinus *contr. Cresconium* c. 13.) *verbi contraversia torqueat, cum res ipsa intelligitur, minus laborandum, quid eam hominibus vocare placuerit* = cum minime novum sit in Ecclesia, novas adhibere voces, ad antiquam fidem apertius declarandam.

Eandem praxim illustant pia miserationis officia ob poenitentium fervorem ab Episcopis impensa post sæculum tertium, eliminatis jam Gentilium contra Christianos persecutionibus, ut habetur ex Conciliis Eliberitano, Ancyrano, Nycæno, Laodiceo, Aurelianensi, Epaonensi, & Trullano.

His accensenda sunt subsecutus temporibus poenitentiarum canonicarum redemptiones, ex Episcoporum consensu certis quibusdam piis operibus, puta, Psalmorum recitationibus, jeuniis, corporis flagellationibus addictæ, de quibus sit mentio in Conciliis Cloveshovienli, Triburiensi, ac Rheimenli, necnon apud D. Petr. Damian. *Lib. 5. Epist. 8.*, & *Epist. ad Alexandr. II.*

Post sæculum undecimum uberioris fuisse poenitentiarum canonicarum relaxationes tum a Summis Pontificibus iis datas, qui sacras contra Saracenos expeditiones aggredierentur, tum ab Episcopis, visitantibus Ecclesias in eorum Dicationibus, adeo certum est, ut nec ipsi Heterodoxi in dubium revocare contendunt.

Probatioribus hætenus propositis aliam adjicimus ex quadam congruentia; supposita nanque existentia Theauri meritorum Christi & Sanctorum; congruum est, penes Ecclesie Prælatos potestatem ad illum dispensandum reperiri; quia quum Reipublicæ bona in communi thesauro congesta servantur, distribui oportet per eos, qui in ea sublimem obtinent principatum, ut Civium indigentis atque necessitatibus opportune subveniatur = *Ea, quæ sunt communia multitudinis alicujus* (inquit D. Thomas in 4. *dist. 20. artic. 3. quæstiunc. 1.ª*) *distribuantur singulis de multitudine, secundum arbitrium ejus, qui multitudinì præest* = Ecclesia autem Christi Regnum dicitur, Divinaque ordi-

natione, non humano ingenio adinstar Reipublicæ persistit. Data igitur ex parte Fidelium indigentia, qui aut nequeunt, vel nonnisi difficiliter solvere, quod Deo debent propter reatum poenæ temporalis, qui supereſt post justificationem, penes Ecclesie Prælatos est facultas ad dispensandum Theaurum Ecclesie; ideoque quemadmodum quis poenarum temporalium condonationem obtineret apud Deum, si alius pro eo satisfacere niteretur, ita idem obtinet, per Ecclesie potestatem Christi Sanctorumque superabundantibus satisfactionibus ex prædicto Thesauro misericorditer applicatis. Quam moralem congruentiam non contemnendam vocat Suarius *to. 4. in 3. part. D. Tb. scilicet. 5. n. 2.* ita eam exponens = *Quilibet Rex, qui Regna vel Provincias longinquas per Proreges gubernat, eis concedit facultatem aliquam distribuendi aliqua bona vel favores, aut privilegia aliqua concedendi subditis. Cum Ergo Christus Vicario suo non dederit bona temporalia, quæ possit distribuere, decuit maxime, ut daret saltem facultatem elargiendi aliqua spiritualia, quibus Christianum Populum sibi benevolam redderet* = Datur ergo penes Ecclesie Prælatos potestas dispensandi Ecclesie Thesauro per Indulgentiarum concessionem.

Quæres. An easdem Indulgentias concedere possint Episcopi, quas Summi Pontifices?

Respondemus negative; Summi enim Pontifices plenarias possunt indulgere, seu eas, quæ totam poenam temporalem peccatis debitam relaxent; Episcopi vero aliquam duntaxat partem, seu illam, quæ juxta *Can. LXII. Concil. Lateranen. IV.* est unius anni in Dicationibus Ecclesiarum, & quadraginta dierum pro aliis Festivitatibus & causis = *Decernimus, ut cum dedicatur Basilica* (sunt verba Canonis laudati) *non extendatur Indulgentia ultra unum annum, sive ab uno sive a pluribus Episcopis deducatur; ac deinde in Anniversario Dicationis tempore quadraginta dies de injunctis poenitentis indulta remissio non excedat. Ad hunc quoque dierum numerum Indulgentiarum literas præcipimus moderari, quæ pro quibuslibet causis aliquoties conceduntur* = Aliter tamen res se habebat antiquitus: id omne poterant Episcopi remitt-

mittere, quod erat a poenitentibus perfolvendum; sed cum postea ea abuterentur potestate in Fidelium atque Ecclesiasticæ disciplinæ detrimentum (ut habetur in Canone laudato = *Quia per Indulgentias & superfluas Indulgentias, quas quidam Ecclesiarum Prælati facere non verentur, & Claves Ecclesiæ contemnuntur, & poenitentialis satisfactio enervatur*) idcirco Concilii Lateranensis, Patres hoc ediderunt Decretum.

Solvuntur Heterodoxorum argumenta, quibus Catholicam sententiam concutere nituntur.

Obijciunt 1.^o Nulla est potestas solvendi, cui non correspondeat potestas ligandi, juxta illud Joann. 20. = *Quorum remiseritis peccata, remittuntur eis, & quorum retinueritis, retenta sunt* = & Matth. 18. = *Quæcunque alligaveritis super terram, erunt ligata & in Cælo, & quæcunque solveritis super terram, erunt soluta & in Cælo* = Nulla autem in Summo Pontifice aut Episcopis est potestas ligandi Fideles ad poenas in foro Dei. Nec ergo datur facultas absolvendi ab eisdem ex Thesauro Ecclesiæ.

Resp. 1.^o solvendi potestatem utique potestati ligandi correspondere, non tamen ita, ut nequeat ista latius se extendere: quod declaratur exemplo. Nequit Ecclesia votorum onere Fideles prægravare; & tamen citra dubium est, posse eorum obligationes iustis causis occurrentibus relaxare. Sic ergo, etsi nequeant Summi Pontifices & Episcopi, ad poenas in foro Dei subeundas Christiani debiles adstringere, possunt tamen ab illis absolutionem etiam in foro Dei impetiri: & hoc est Indulgentias ex Ecclesiæ Thesauro dispensare. Quamobrem hæc Lutheri propositio a Leone X. Constitutione incipiente *Exurge Domine* sub numero 26. fuit proscripta = *Verbum Christi ad Petrum: Quicumque solveris super terram &c. Extenditur ad ligata ab ipso Petro*.

Resp. 2.^o eandem latitudinem in utraque potestate servari, non quidem positive, sed privative, quatenus possunt Summus Pontifex & Episcopi quodammodo ad poenas in foro Dei debitas ligare, eas videlicet retinendo quantum ad usum

huius potestatis, vel Indulgentias non concedentes, vel concessas revocantes; sicut exponunt Theologi, potestatem retinendi peccata in eo consistere, quod possint Sacerdotes absolutionis beneficium, culpæ reatibus mancipatis, denegare.

Resp. 3.^o cum Passerino in *Tr. de Indulg. quest. 3. n. 39.* Poenas in foro Dei peccatoribus debitas sic ex lege Divinæ iustitiæ deberi, ut tamen sub sint Summi Pontificis & Episcoporum jurisdictioni quantum ad illarum determinationem; cum enim peccator per plura virtutum exercitia Divinæ queat satisfacere iustitiæ, ad Summum Pontificem & Episcopos spectat, vel per se, vel per suos ministros determinare, quod hæc satisfactio per hæc aut illa opera peragatur: ideoque eorum est ligare, ad hanc vel illam satisfactionem obligando: ac per consequens etiam culpas solvere, peccatoribus concedendo, ut per alios satisfaciant, seu ut aliorum eis pro sit satisfactio, cujus eorum munus sit, opera determinare, per quæ satisfactio exhibetur.

Obijciunt 2.^o Summus Pontifex & Episcopi nequeunt solvere ex Ecclesiæ Thesauro poenas gehennæ pro peccatis lethalibus debitas extra Sacramentum Poenitentiae. Ergo nec temporales, quæ luuntur in Purgatorio, cum tam istæ, quam ille sint extra Ecclesiasticam jurisdictionem.

Resp. Inferni poenas peccatis lethalibus deberi ob reatum poenæ æternæ, qui talem cum culpa connexionem importat, ut nec per Divinam virtutem fieri queat, eam aboleri, quin prædictus reatus relaxetur, juxta communem Thomistarum doctrinam. Porro cum culpæ lethales remitti non possint nisi per novæ Legis Sacramenta, vel per ordinem ad illa, & potissime actualia, nisi per Sacramentum Poenitentiae vel in re, vel in voto, perspicue datur intelligi, quare nec Summus Pontifex aut Episcopi potestatem obtineant ad poenas Inferni remittendas extra Sacramentum. Cæterum eandem non dicit connexionem cum culpa poena temporalis; ab illa enim potest hæc realiter separari, eaque deleta, in homine iustificato persistere: cumque media Clavium potestate possint Ecclesiæ Prælati quodcumque impedimentum retardans Cœlorum ingressum auferre, recte colligitur, eos posse extra Sacramentum debitum poenæ temporalis relaxare.

Obji-

Obijciunt 3.^o Nequit inferior absolvere ab eo, ad quod superior obligavit. Si vero Summus Pontifex & Episcopi Theſaurum Eccleſiæ per Indulgentiarum largitiones aperirent, ac diſpenſarent, jam verum eſſet, inferiores ab eo absolvere, ad quod ſuperior ligavit. Eo vel maxime, quod cum Deus ſit Iudex ſupremus, ejuſque voluntas efficaciffima ſit, ac immutabilis, ut dicitur *Malach. 3.^o = Ego Dominus & non mutor* = nequit poenam pro culpis ſtatutum condonare, alias Divinæ voluntatis propoſitum mutaretur. Ergo Summus Pontifex & Episcopi nequeunt Eccleſiæ Theſaurum per Indulgentiarum conſeſſiones diſpenſare.

Reſp. inferiorem non poſſe tollere propria authoritate poenam a ſuperiore taxatam ſecundum rectum juſtitia ordinem, bene vero dependenter ab eo, in id conſentiente. Non ergo dicimus utcumque ab Eccleſiæ Prælatiſ Indulgentias concedi, ſed per poteſtatem eis ad bonum Chriſtianæ Reipublicæ regimen divinitus communicatam; Deus enim, qui non vult mortem peccatoris, ſed ut magis convertatur & vivat, in illum decrevit culpa deleta temporalibus poenis animadvertere, niſi aut propriis ſumtibus, aut alia via illaſſa Divinæ Juſtitia jura ferventur. Quamobrem *Jonæ 3. v. 4.* ſubverſionem Civitatis legitimæ Ninivitis in poenam peccatorum indiſtam = *A ſub quædraginta dieſ & Ninive ſubvertetur* = & tamen minime conſtat, id executioni fuiſſe mandatum; in quo aliſſique ſimilibus eventibus, licet exterius appareat Divinæ ſententiæ mutatio, Decretum tamen abſolutum Divinæ Voluntatis perſeveravit irrefractatum; ut notavit S. Gregorius 16. *Moral. cap. 18.* his verbis = *Cum exterius mutari videtur ſententia, interius conſilium non mutatur, quia de unaquaque re intus conſtituitur, quidquid foris mutabiliter agitur* = Idem tradit Author *Homil. 5. ad Popul. Antiochen.* ſub nomine S. Joannis Chryſoſtomi his verbis = *Elegit Deus prophetiam poſſius ſuam cadere, quam Civitatem corrumpere*: imo vero neque Prophetia cecidiſſet, ſi enim hominibus quidem in eadem malitia permanenſibus, non in opus ſententiæ prodiiſſet, poſſet quis forte dicta oriminari: ſi vero mutatiſ ipſi, & a malitia deſſentibus, etiam Deus ab ira

deſiſſit, quis amplius prophetiam carere poterit, & diſſorum mendacium condemnare? Etenim legem, quam ab initio Deus cunctiſ hominibus poſuit, per Prophetam loquentem, hanc & tunc conſervavit. *Que lex autem? Exitium loquar, inquit, ad gentem & Regnum, ut eradicem & ſuffodiam, & perdam: & erit, ſi penitentiam egerint malitie, & ego ire, quam locutus ſueram facere illiſ, obſiſcar* = Itaque, quando per Clavium poteſtatem poena temporalis expungitur, hoc ſit citra Divinæ Voluntatis mutationem, ob involuntam tacitam conditionem plectendi crimen perpetratum, niſi Divina Juſtitia, vel propriis reorum, vel alieniſ ſatiſfactionibus ex Eccleſiæ Theſauro applicatis, preveniatur. Hanc ſolutionem habes ex Suario tom. 4. in 3. parte D. Thom. diſp. 49. ſect. 5. n. 2., qui optime animadvertit, eandem diſcultatem fieri poſſe, de ſuffragiorum ac ſatiſfactionum effectibus in ordine ad poenas Purgatorii. = *Hec diſcultas, inquit, obſiſcit etiam poteſt contra omnem effectum ſuffragiorum: imo & contra omnes ſatiſfactiones juſtorum.* Dicendum eſt ergo in hac lege Divina Purgatorii poenam taxante, non interveniſſe efficacem & abſolutam Dei Voluntatem ſtatuentem, ut omniſ qui ſemel contraberet reatum talis poenæ, illam in ſpecie omnino ſuſtineret, ſed adiunctam eſſe conditionem, niſi pro ſiſ peccatis ſatiſfaceret, vel aliſ modis a Deo ſtatutiſ veniam conſequeretur, ex quibus unus eſt per Indulgentias.

Obijciunt 4.^o Clavium poteſtas ſoli competit Chriſto, qui ſuæ paſſionis virtute ſanctificavit Sacramenta, quibus perfecta obtinetur peccatorum remiſſio, & quantum ad culpam, & quantum ad poenam; quapropter de eo *Apocalypſ. 3.* dicitur = *Hec dicis Sanctus, & verus, qui habet Clavem David, qui aperit & nemo claudis, claudis, & nemo aperit* = Et D. Cyprianus *Lib. de Lapſiſ docet*, poteſtatem dandi veniam peccatorum & Indulgentiam ei tantummodo convenire, qui peccata noſtra portavit = *Nemo ſe fallat, nemo ſe decipiat, ſolus Dominus miſereri poteſt. Veniam peccatis, quæ in illum commiſſa ſunt, ſolus poteſt ille largiri, qui peccata noſtra portavit, qui pro nobis doluit, quem Deus tradidit pro pecca-*

sis nostris. Homo Deo esse non potest major, nec remittere aut donare Indulgentia sua servus potest, quod in Dominum delicto graviore commissum est = Non potest ergo Clavium potestas aliis a Christo convenire, qua valeant uti Ecclesie Thesauro pro largiendis Indulgentiis.

Resp. triplicem dari Clavium potestatem: Authoritatis, Excellentie, & Ministerii. Prima Deo competit gratie sanctificantis Auctori, qua mediante, & peccata delentur, & Coeli aditus aperitur: Secunda elucet in Christo ratione unionis hypostaticae, ejusque virtus in eo sita est, quod per suae passionis meritum tanquam agens principale in genere moris, mediaque humanitate ut instrumento praestet fluxum in peccatorum remissionem. Tertia demum in Ecclesie Ministris reperitur = *Dicendum* (inquit D. Thomas in suppl. 3. part. quest. 17. art. 1. in Corp.) *quod in corporalibus Clavis dicitur instrumentum, quo osium aperitur: Regni autem osium per peccatum clauditur, & quantum ad maculam, & quantum ad reatum poenae; & ideo potestas, qua tale obstaculum removetur, dicitur Clavis. Hae autem potestas est Divina in Trinitate per Authoritatem; & ideo dicitur a quibusdam, quod habet Clavem Authoritatis: sed in Christo Domino fuit haec potestas ad removendum praedictum obstaculum per meritum passionis, quae etiam dicitur, januam aperire; & ideo dicitur secundum quosdam habere Claves excellentiae; & quia ex latere Christi dormientis in Cruce Sacramenta fluxerunt, ex quibus Ecclesia fabricatur, ideo in Sacramentis Ecclesiae efficacia passionis manet, & propter hoc etiam Ministris Ecclesiae, qui sunt Dispensatores Sacramentorum, potestas aliqua ad praedictum obstaculum removendum, est collata, non propria, sed virtute Divina, & passionis Christi; & haec potestas metaphysice est Clavis. Ministerii* = Ex quibus habes, textum relatum ex Apocalypsi alludere ad potestatem Excellentiae in solo Christo repertam, de qua loquitur pariter D. Cyprianus in auctoritate laudata; cum qua optime stat, ad Ecclesiae Praelatos spectare Clavem ministerii, eaque intra Sacramentum poenitentiae posse absolvere a culpa, & extra illud

poenas temporales Deo solvendas relaxare, ut cumulatissime testatur ipsemet D. Cyprianus, asserens, posse Episcopos ex Ecclesiae potestate Lapsos veniam & Indulgentiam donare, ut fusc dictum est in *Differat. Proemial. §. 3.* Quare autem Sacerdotibus, quibus etiam convenit absolvere intra Sacramentum a peccatis, non conveniat extra Sacramentum indulgentias concedere dicemus, infra *Artic. 6.*

Obiiciunt 5.^o Nulla datur necessitas hujus potestatis in Ecclesia Dei; concessio siquidem, quod inita reconciliatione hominis cum Deo per gratiam & charitatem, non raro debitum poenae temporalis superesset, citra Indulgentiarum subsidium, aut Sacramentis salubriter institutis, aut invento Altaris Sacrificio, vel Sanctorum precibus posset illud sufficienter explari. Ergo dicendum non est, Christum concessisse Ecclesiae Praelatis potestatem dandi Indulgentias.

Resp. duplex dari genus necessitatis, primum, eorum, sine quibus finis intentus absolute & simpliciter haberi non potest; secundum, eorum, quibus etiam non adhibitis, potest finis intentus obtineri, non tamen convenientius = *Dicendum* (ait Divus Thomas 3. p. quest. 1. art. 2. in corpore) *quod ad finem aliquem dicitur aliquid esse necessarium dupliciter. Uno modo sine quo aliquid esse non potest: sicut cibis est necessarius ad conservationem humanae vitae. Alio modo, per quod melius & convenientius pervenitur ad finem, sicut Equus necessarius est ad iter.* Porro quanquam potestas largiendi Indulgentias non sit absolute & simpliciter necessaria ad remittendum debitum poenae temporalis, ut recte concludit Adversariorum Argumentum, secus vero secundo modo; facilius enim atque congruentius aperitur via ad Regnum Coelorum media bonorum operum agendorum executione, ad Indulgentias comparandas adjuncta; ideoque earum usus, a Tridentino Sess. 24. Decr. de Indulg., dicitur = *Populo Dei maxime salutari.*

ARTICULUS II.

An Potestas dispensandi Ecclesie Thesaurum per Indulgentiarum concessionem sit Potestas Ordinis vel jurisdictionis.

CONVENIUNT omnes Doctores Catholici in admittenda potestate dispensandi Ecclesie Thesaurum contra Heterodoxos, hoc Fidei dogma acerrime impugnantes; maxime tamen discrepant inter se in exponendo, cujusmodi sit ea potestas, an scilicet ad Ordinem, seu potius ad jurisdictionem pertineat.

Durandus in 4.^o dist. 20. quest. 3. & 5. asserit, eam esse duntaxat curam, seu providentiam pastorem, non vero potestatem jurisdictionis; ut in Prælati Religionis bona dispensare, vel eorum indigentibus eleemosynarum subsidium impendere, & infirmos a languoribus curare, non quidem jurisdictioni, sed muneri pastoralis correspondet.

Alii apud Suarezium *com. 4. in 3. p. D. Th. disp. 49. sect. 3. n. 1.* putant, ita Indulgentiarum potestatem cum ordine Sacerdotali connecti, ut Ecclesie Prælati dicti Ordinis Characterem non insigniti nequeant Indulgentias concedere.

Conclusio 1.^a Potestas dispensandi Thesaurum meritorum Christi per Indulgentiarum concessionem est potestas jurisdictionis.

Prob. ex Cap. *Quod autem de Panis: & Remissionib.* ubi Alexander III. requiritur: Num Indulgentie ab Episcopis concessæ prodesse personis a jurisdictione concedentis exemptis, ita respondit = *Quod autem consulisti, utrum remissiones, que sunt in Dedicationibus Ecclesiarum, aut consensentibus ad edificationem pontium, aliis prosint, quam iis, qui remittentibus subsunt, hoc volumus tuam fraternitatem tenere, quod cum a non suo Judice ligari nullius valeat, vel absolvi, remissiones predictas, prodesse illis tantummodo arbitramur, quibus ut prosint, proprii Judices specialiter indulerunt.* = Potestas ergo concedendi Indulgentias est

potestas jurisdictionis; alias possent non subditi Episcopi concedentis Indulgentias, earundem concessionum fructum percipere.

Obiicies 1.^o Indulgentiarum concessio est opus misericordie, quo ex Ecclesie Thesauri peccatoribus spiritualiter indigentibus misericorditer subvenitur; ideoque in earum Literis Apostolicis hæc verba adhibentur = *Misericorditer elargimur.* = Quod profecto ad providentiam pastorem potius spectat, quam ad jurisdictionem. Non ergo Potestas dispensandi Thesaurum meritorum Christi per Indulgentiarum concessionem est potestas jurisdictionis.

Resp. per Indulgentiarum virtutem, spirituale auxilium præberi Christianidelibus obnoxii debito poenæ temporalis, quia solvitur ex Ecclesie Thesauri, quod Deo debetur; sed ita solvitur, ut ab eadem poenæ absolutionis beneficium impendatur, sicut dicemus fusius *cap. 6. Artic. 1.^o* Hoc autem puræ providentiæ aut curæ pastorali convenire non potest, sed potestati jurisdictionis duntaxat. Quod vero in Literis Apostolicis ea verba adhibeantur = *Misericorditer elargimur* = declaratur, Indulgentiarum concessionem esse actum misericordie, qui nequeunt nisi subditi Prælati concedentis afficere; formula enim integra hæc est = *Indulgentiam, & remissionem misericorditer concedimus* = ubi = *Per remissionem* = absolutio, seu actus jurisdictionis exprimitur.

Obiicies 2.^o Jurisdictionis potestas, cui absolutio correspondet, potest etiam in invitum exerceri, unde quia absolutio a censuris actum jurisdictionis importat, etiam nolens, a vinculo earundem absolvitur; ceterum minime potest quis nolens absolutionem a debito poenæ temporalis obtinere. Quaquam enim vellet Summus Pontifex, aliquem Fidelem Indulgentiam lucrari, si ille renueret operibus a concedente injunctis vacare, tali beneficio non gauderet. Ergo Indulgentias concedere, non spectat ad potestatem jurisdictionis.

Resp. duplicem esse jurisdictionis potestatem, unam coactivam, voluntariam alteram. Prima potest etiam exerceri in invitum; ideoque mirum non est, etiam nolentem ab excommunicatione vel aliis censuris absolvi posse. Aliter de secunda dicendum est, cujus actus est favor, vel gratia, seu

Idu privilegium, propter conditionem ex parte subjecti requisitam, in quo hæc indispensabiliter debet locum habere = *Si se voluntarie Clavium potestati subiciat* = proindeque sicut invitus non valet fructum absolutionis, quæ datur intra Sacramentum, obtinere, ita nec illius, quæ extra Sacramentum per Indulgentiarum largitionem impenditur = *Proprium esse* (inquit Suarius loco cit. nu. 8.) *horum effectuum internorum, qui ad perfectam animæ purificationem coram Deo spectant, ut non possint invitis concedi; sic enim absolutio a culpa, licet sit actus jurisdictionis, non potest invito tribui: idemque est de absolutione a peccato; unde etiam in Purgatorio, ubi dubium non est, quin punitio illa sit actus jurisdictionis, effectum suum non potest habere in invitum* = Quod adeo verum est, ut si quandoque a Confessario quis obligaretur ad comparandam sibi Indulgentiam, ea obligatio minime ex potestate Indulgentiarum oriretur, sed ex alia, quæ gaudet Sacerdotes in foro Sacramentali ad ligandum & solvendum, longe ab illa diversa, quæ absolute & simpliciter est voluntaria, licet aliquid de coactiva participet: quatenus ligare etiam potest ac punire, ut in Article antecedenti tradidimus in responsione 2.^a ad Heterodoxorum primum Argumentum.

Obijcies 3.^o Hoc est potestatis jurisdictionis indicium, ut nequeat reo poena relaxari, non præmissa causæ cognitione. In indulgentiarum vero concessionibus opus non est eorum Judicium præmittere, qui fructum Indulgentiarum sunt percepturi; ac per consequens potestas dispensandi Ecclesiæ Thesaurus non spectat ad jurisdictionem.

Resp. In exercitio potestatis jurisdictionis, juxta qualitatem absolutionis, causæ cognitionem esse præmittendam; quamobrem si sit particularis, etiam de particulari cognitionem prærequiri necesse est; ubi vero generalis, ut in largitionibus Indulgentiarum contingit, prævie ad eas oportet haberi generalem causæ cognitionem. Cæterum, hanc Prælati Ecclesiæ non deesse, compertum est. Ea siquidem est humanæ fragilitatis conditio, ut inita cum Deo reconciliatione per gratiam & charitatem, quanquam non semper, frequenter tamen fideles poenæ temporali luenda suc-

cumbant, adeoque propriis satisfactionibus, vel alienis ex Ecclesiæ Thesauri depromtis ad ejus expiationem indigeant.

Obijcies 4.^o Summus Pontifex potest Indulgentias concedere etiam Animabus in Purgatorio degentibus, & tamen super Defunctos nequit potestate jurisdictionis gaudere. Posse ergo Summum Pontificem Indulgentias concedere, non est actus correspondens potestati jurisdictionis.

Resp. Summum Pontificem in Indulgentiis hujusmodi non exercere jurisdictionem super Defunctos. Quomodo autem stet præhabita Conclusio, eo non obstante, dicemus infra cap. 13. art. 3.

Conclusio 2.^a Potestas dispensandi Ecclesiæ Thesaurum meritorum Christi & Sanctorum per Indulgentias non supponit necessario in dispensantibus potestatem Ordinis Sacerdotalis.

Prob. 1.^o Diaconi alique non Sacerdotes jure ordinario & delegato possunt facere Indulgentias. = *Potestas concedendi Indulgentias* (inquit D. Thom. in *Supplem.* 3. part. quest. 26. art. 2. in corp.) *sequitur jurisdictionem: & quia Diaconi, & alii non Sacerdotes possunt habere jurisdictionem, vel commissam sicut Legati, vel ordinariam sicut Electi, ideo possunt Indulgentias etiam non Sacerdotes concedere, quamvis non possint absolvere in foro penitentiali, quod est Ordinis, & in 4.^o dist. 20. artic. 3. qu. 2. ad 1.^{am} = Clavis jurisdictionis est quid Sacramentale, & effectus ejus arbitrio hominis subjacet, & hujus clavis effectus est remissio, quæ est per Indulgentias, cum non pertineat ad dispensationem bonorum communium Ecclesiæ; & ideo etiam Legati non Sacerdotes Indulgentias concedere possunt = Potestas ergo dispensandi Indulgentias non supponit necessario in dispensantibus potestatem Ordinis Sacerdotalis; alias Diaconi alique non Sacerdotes eas non possent concedere.*

Prob. 2.^o ratione, quam affert Suarius. Potestas Ordinis Sacerdotalis per se & de sui natura ad Sacramentum aliquod perficiendum duntaxat exigitur. Porro poenæ temporalis remissio, quæ Indulgentiarum virtute comparatur, actus Sacramentalis non est, sed absolutio, solutionem involvens ex Ecclesiæ Thesauri, extra Sacramentum;

ideoque est remissio dictæ poenæ, consequens ad culpam remissionem in Sacramento Pœnitentiæ, præsupponat in Ministro potestatem relaxandi culpas, ac proinde Ordinem Sacerdotalem; remissio tamen poenæ, de qua agimus, quæ nullo modo circa culpas versatur, dictum Ordinem, in habentibus potestatem concedendi Indulgentias, non requirit. Ergo potestas dispensandi Ecclesiæ Thesaurum per Indulgentias, non supponit in Summo Pontifice & Episcopis necessario Ordinem Sacerdotalem.

Dices. Indulgentiæ remittunt poenitentias a Sacerdotibus in Sacramento Pœnitentiæ injunctas, ut obtineatur poenæ temporalis remissio. Ergo ad illos Prælatos duntaxat spectat Indulgentias concedere, qui Pœnitentiæ Sacramentum valent administrare; ac per consequens potestas concedendi Indulgentias connectitur cum Ordine Sacerdotali.

Resp. per Indulgentias remitti poenitentias sacramentales, non quidem directe & immediate, sed indirecte, quatenus, Indulgentiis comparatis, cessat obligatio solvendi poenam temporalem, propter quam poenitentia erat injuncta, sicuti dicemus *cap. 5. art. 3.* Quamobrem ex hoc non inferitur, potestatem concedendi Indulgentias habere connexionem in actu cum Ordine Sacerdotali, aut Indulgentias debere prodire a potestate injungente poenitentias in foro sacramentali.

Consulto diximus: *Non infertur potestatem dandi Indulgentias habere connexionem in actu cum Ordine Sacerdotali*, quia, ut bene advertit Passerinus *quæst. 5. nu. 46.* cum illa spectet aliquo modo ad forum Pœnitentiale, Prælati quoque Ecclesiæ communicetur ad liberandum Fideles a debito poenæ temporalis, negari non potest, esse veluti corollarium quoddam consequens ad potestatem Ordinis Sacerdotalis; ideoque uno eodemque contextu, ac sub eadem verborum forma, utranque Petro cæterisque Apostolis communicatam agnoscimus *Jos. 20.* Hinc potestas dandi Indulgentias per se supponit Ordinis Sacerdotalis institutionem ad remittenda peccata, atque in proprio subiecto, quod est Summus Pontifex, ad minus legitimam ad Summum Sacerdotium electionem, ac in cæteris subiectis ad minus electionem ad Episcopatum confir-

matam, quamquam Sacerdotium non exigit actu collatum.

Ex his colliges 1.^o Episcopum canonice electum, etiam non consecratum, dummodo tamen confirmatum, posse Indulgentias concedere; etenim media confirmatione potestatem jurisdictionis assequitur, gradumque Episcopalem: cum Spirituale coniugium inter ipsum atque Ecclesiam sibi commissam, electione inchoatum, per confirmationem perficiatur, & compleatur; quia sicut Episcopus confirmatus, nondum consecratus, potest alios actus explorare, qui ad jurisdictionem Episcopalem spectant: puta judicare delinquentes, excommunicatione corrigere contumaces, juramentum a subditis exigere, atque in beneficiis instituire, ita & Indulgentias concedere.

Episcopi tamen Germaniæ ante Sedis Apostolicæ confirmationem possunt Indulgentias largiri; quia, ut habetur *Cap. Nihil de Election. & Elect. potestas.* administrationem Ecclesiarum obtinent in Spiritualibus & temporalibus, statim post electionem concorditer factam, ibi = *Inscriptum valde remoti, videlicet ultra Italiam constituti, si electi fuerint in concordia, dispensative propter necessitates Ecclesiarum & utilitates, in Spiritualibus & temporalibus administrant* = Quamquam vero Abbas Panormitanus in citato *Cap. num. 4.* putet, hoc privilegium hodie non habere locum, ex eo quod Sedes Apostolica potestatem providendi de Dignitatibus sibi reservaverit, ac consequenter jus eligendi ab electoribus abstulerit, ut *Cap. Eo tempore eodem lib. 6.* Nihilominus dicendum est, id posse nunc fieri ab Episcopis prælaudatis, cum jus eligendi Episcopos fuerit Capitulis Germaniæ præservatum in Concordatis, ut in Constitutione Nicolai V. incipiente *Ad Sacram Petri Sedem* edita anno MCCCXLVII. Calendis Aprilis quæ habetur in Bullar. Romano Tomo 1. pag. mibi 305. quibus profecto non obstant reservationes non clausæ in corpore Juris. Idem ex facto respondisse Geminianum in *Conf. 36. casus talis est per totum*, observat Fagnanus in dicto *Cap. Nihil num. 18. & 19.* Et ita servatur in praxi. Nec mirum est Abbatem Panormitanum ita sentiisse; obijt enim anno MCCCXLV. teste Bellarmino in *Lib. de Script. Ecclesiasticis*. adeoque biennio antequam dicta Concordata prodirent.

Col-

Colliges 2.^o Potestatem concedendi Indulgentias ex officio Episcopis competentem posse aliis delegari: quod a fortiori dicendum est de hujusmodi potestate residente in Summo Pontifice; siquidem potestas, quae jure ordinario alicui competit, potest per delegationem aliis communicari, nisi detur prohibitio in oppositum; rectus enim officii usus postulat, ut Ordinarius vires suas alteri possit delegare, ut habetur *Cap. Inter cetera de Officio Ordinarii. Cap. cum Episcopus eod. titulo, & Cap. Omnis utriusque sexus de Penis. & Remissionib.* Nullibi autem in sacris canonibus inibiatur delegatio potestatis concedendi Indulgentias.

Hic tamen adverte, Delegatum ab Episcopo debere esse Clericum, quia Laicus inhabilis est ad hujusmodi munera obcunda, etiam ex delegatione, ut volunt Suarius *disp. 55. sect. 6. num. 5.* Reginaldus, Bonacina & Lavius; quanvis ad id non oporteat, Clericum esse in Dignitate Ecclesiastica constitutum. Non tamen necesse est, a Summo Pontifice ad concedendas Indulgentias delegatum esse Clericum, quia Laicus ea caret habilitate, ut notant Auctores praelaudati, de jure canonico, non tamen de jure Divino; unde sicut Summus Pontifex potest Laico de plenitudine potestatis Clericorum causas cognoscendas committere, ita & Indulgentiarum concessionem.

Colliges 3.^o Episcopum posse exercere potestatem largiendi Indulgentias, etiam si in statu peccati lethalis existeret; peccatum enim hujusmodi hominem exuit gratia sanctificante, ceterisque supernaturalibus habitibus, cum illa essentiali connexionem habentibus, non tamen potestate jurisdictionis, ut declaratum est in Concilio Constantinensi contra Wicleffistas & Hussitas. Etenim sicut status peccati lethalis non impedit aequae a bonis, ac malis Ministris per Sacramenta gratiam sanctificantem conferri, ita non admittit exercitium potestatis jurisdictionis = *Dicendum* (inquit D. Thomas in 4. dist. 20. art. 4. quest. 4.) = *quod largiri Indulgentias pertinet ad jurisdictionem. Sed per peccatum homo non amittit jurisdictionem, & ideo Indulgentiae aequae valent, si fiant ab eo, qui est in peccato mortali, sicut si fierent ab eo, qui est sanctissimus: cum non remittant*

penam ex vi suorum meritorum, sed ex vi meritorum reconditorum in Ecclesiae thesauris.

Quod si dixeris: majus esse Indulgentias dare, quam recipere, adeoque sicut in statu peccati lethalis nequeunt illae acquiri, ita nec concedi: Respondemus, majus quidem esse quantum ad potestatem, secus quantum ad utilitatem.

Quæres 1.^o An Episcopus aliqua censura irretitus possit Indulgentias concedere?

Respondemus, Episcopum Excommunicatum non toleratum non posse; est enim ab Ecclesia præcisus: proindeque omnis ejus actus ad jurisdictionem spectans nullitatis vitio laboraret. Ita Suarius in 3.^o p. 10. 4.^o disp. 55. sect. 3. nu. 18. Passerinus qu. 85. num. 623. alique. Idem senties de Suspensione per Suspensionem absolute & simpliciter latam; privatur enim omni usu Ordinis & jurisdictionis, alteriusve Ecclesiastici Ministerii, ut docent PP. Salmanticenses Morales in Tr. 12. de censur. cap. 5. puncto 3. num. 23. Aliter dicendum esse arbitramur de Interdicto cum laudatis Patribus in c. 6. puncto 3. nu. 29. quia Interdictum non privat exercitio jurisdictionis tam interioris, quam exterioris, tam fori contentiosi, quam conscientie; effectus enim dictæ censuræ, de quibus sit mentio in cap. Alma mater de sententia excommunicationis in 6.^o cap. Quod in re de Penis. & Remissionib. cap. Responsio de sent. Excom. in 6.^o sunt tantum tres. Primus, privatio Divinorum Officiorum tam activa quam passiva. Secundus, privatio aliquorum Sacramentorum. Tertius, privatio sepulture Ecclesiasticæ. Privatio autem exercitii jurisdictionis tam interioris, quam exterioris, tam fori contentiosi, quam conscientie ad nullum ex tribus enumeratis reducitur: ac proinde potest Episcopus Interdictus Indulgentias concedere, sicut conferre beneficia, absolvere a peccatis & excommunicare, & Excommunicationis vinculum relaxare, alique munera explere, quæ pertinet ad jurisdictionis Episcopalis potestatem.

Quæres 2.^o An Episcopus Excommunicatus non toleratus, vel Sensus possit alteri saltem Episcopo committere, ut suæ Dioceseos subditis Indulgentias largiatur?

Respondent Paludanus & Corduba, talem Episcopum non posse proprie eam delegare, sed posse permittere, ut alius Epi-

scopus id præstet. Aliud enim esse, putant, delegare potestatem, aliud permittere & licentiam impertiri, ut proprii subditi alterius concessione fruantur. Primum, quia jurisdictionis exercitium importat, dicunt, Episcopo Excommunicato non tolerato vel Suspendo convenire non potest fecus verossecundum, cum tantum sit, subditos alteri subicere. Quod videtur dubium Azorio, & incertum, quanquam aliquam præferre probabilitatem fateatur.

Nos vero putamus, hunc dicendi modum esse intrinseca probabilitate destitutum, atque incoherenter Paludanum & Cordubani procedere; quia si verum est, ut dicitur, hanc permissionem in eo consistere, ut subditi Episcopi non tolerati vel suspendi subiciantur alteri in ordine ad Indulgentias obtinendas, cum id sine jurisdictione fieri nequeat, si ob dictæ potestatis defectum nequit talis Episcopus alteri Indulgentiarum potestatem delegare: nec pariter poterit facere, ut alias non subditi alterius Episcopi, tales ex vi dictæ permissionis evadant, ac possint de concessione Indulgentiarum illius gaudere.

Quæres 2.^o An Concilii Lateranensis Decretum, de quo supra meminimus, adimant Episcopis potestatem in ordine ad uberiores remissiones & Indulgentias, quam sint ibi determinatæ: an vero eas duntaxat reprobet, tanquam illicitas, adeo ut si Episcopi hanc Concilii legem non observarent, concessiones in suo robore & valore subsisterent?

Respondemus cum Suario *disp. 55. Sect. 3. n. 11.* ablatam ab Episcopis fuisse prælaudato Decreto potestatem concedendi ampliores Indulgentias, quam ibi sint statuatæ: quod est commune Theologorum placitum; ea enim verba = *Non extendatur = Non excedant* = clausulis irritantibus æquivalent, adeoque potestatis limitationem indicant. Et habetur pariter ex Decretali Bonifacii VIII. *cap. Indulgentiæ de Pœnit. & Remiss.* = *Indulgentiæ quæ ab uno, vel pluribus Episcopis. In Ecclesiarum Dedicationibus, vel aliis quibuscumque casibus conceduntur, vires non obtinent, si statutum exceßerint generalis Concilii.*

Hinc quanquam verum sit id, quod dicunt quidam Pontificii Juris Interpretes & Glossa super dicto Concilii Canone opposi-

tum sustinentes, deesse scilicet clausulam his verbis expressam = *Quod si secus fuerit, irritum sit & inane* = tamen, dictæ clausulæ, quarum meminimus, idem important æquivalenter.

Quæres 3.^o An si Episcopus duorum annorum Indulgentiam in Basilicæ Dedicatione desponderet, saltem quantum ad unum annum valida esset concessio?

Respondemus affirmative cum communiori Doctorum sententia; est enim Indulgentiæ largitio quædam liberalitas, & donatio, quæ valet usque ad legitimum modum ex *Reg. juris in 6.* = *Utile per inutile non vitiatur* = *L. Sancimus C. de donationib. cap. Si quis de Sero 12. q. 2. Archidiaconus c. 9. quæst. 12.*, adeoque cum alias possit Episcopus partialem unius anni Indulgentiam in Basilicarum Dedicatione concedere, de ejus valore dubitandum non est; quanquam Prælati concedens, in tota concessione, limites suæ facultatis excederet.

Dices cum Gabriele in *4. dist. 45. qu. 3. artic. 2. pag. 8.* & Geminiano in *cap. ult. de Pœnit. & Remiss. in 6.* contrariam sententiam propugnantibus. 1.^o Prælati amittit privilegium, quo abutitur. Privilegio autem abutitur, qui limites tribuatæ sibi facultatis prætergreditur. 2.^o Potestas concedendi Indulgentias in Episcopis, de qua loquitur Concilium Lateranense IV., est conditionata, videlicet, quod concessio statuta non superet quantitatem, ut *Cap. Nostro de Pœnit. & Remiss.* = *Ita tamen ut statutum Concilii generalis non excedat* = adeoque conditione non impleta corrui actus, atque concessio nullitatis vitio laborat. 3.^o tandem. Irrita est sententia lata sine jurisdictione. Cum ergo hæc reperiri non valeat in concessione duorum annorum Indulgentiæ facta ab Episcopo, tota concessio erit invalida; nequit enim una eademque sententia, partim esse valida, & partim invalida. Quod exemplo Judicis declaratur, qui potens damnare ad solvendum decem aureos duntaxat, si obligaret ad solutionem viginti, sententia hæc lata nullum robur præferret: ut volunt Glossa, Bartholus alique Doctores in *Lult. ff. de Jurisd. Omn. Judic.* Ergo si Episcopus duorum annorum Indulgentiam concederet in Basilicæ Dedicatione, neque quo-

ad

ad unum annum valida esset concessio.

Resp. locum hic non habere id, quod 1.^o objicitur, quia potestas concedendi Indulgentias non competit Episcopis ex privilegio, sed ex jure ordinario; adeoque in casu proposito nequaquam amittitur. Ad idem, verum non esse, abutentem privilegio illud actualiter amittere, sed solum id promereri, quia privilegiatus concessa sibi abuteretur facultate. *Cap. ubi dist. 74. cap. Privileg. xi. qu. 3. cap. licet de Regularibus.* Ad 2.^m satis constare, Concilium Lateranense non conferre Episcopis eam potestatem, sed antiquam limitare atque restringere: ac per consequens falsum esse, potestatem Episcoporum Indulgentias concedendi esse conditionatam. Neque textus ille ex *Cap. Nostro* probat oppositum, cum declarat duntaxat, similem Archiepiscoporum potestatem esse pariter restrictam, sicut expresse de Episcoporum potestate statuerat Concilium Lateranense IV. Ad 3.^m, non repugnare eandem sententiam ex parte validam esse, & ex parte nullam, sive hoc (ut hic notat Suarius) sit speciale in hoc foro; quod solemnitate non servat fori contentiosi; vel quia, tunc verum est, unam eandemque sententiam esse non posse partim validam, partim invalidam, quando sententia non est divisibilis, aut quando tota causa, hoc ipso quod est circa majorem quantitatem, extra jurisdictionem judicantis constituitur.

Quæres 4.^o An prædictum Concilii Lateranensis Statutum publicam & in foro exteriori duntaxat, vel etiam secretam & in foro Pœnitentiali concessionem complectatur?

Natalis Alexander in *Tom. 5. tract. de Indulg. cap. 3. Reg. 4.* tantum publicas Episcoporum concessiones comprehendere, putat, Concilium Lateranense, non vero secretas pro foro Pœnitentiali = *Sacris namque Canonibus*, inquit, & *summarum Pontificum Decretis* modus præscriptus non est Episcopalis Indulgentiis, nisi quæ publice ac solemniter in foro externo conceduntur, non autem illæ, quæ in foro externo dispensantur = Idem sentiunt Sylvester verbo *Indulgentia*, Innocentius citatus a Fagnano in *Cap. cum ex eo de Pœnit. & Remiss. n. 17.*

Nos vero respondemus, Decretum Con-

cilii Lateranensis utranque concessionem comprehendere. Ita Suarius *Disp. 55. sect. 3. num. 15.* Passerinus *quest. 85. num. 618.* alique: Concilium enim utitur ibi particulis negativis = *Non extendatur = Non excedat* = quas certum est, juxta Scholasticorum principia, esse malignantis naturæ: adeoque quamlibet Indulgentiam irritam reddere, excedentem limites statutos, sive publice sive secreto factam. Deinde ut bene dixerit Suarius *vel est sensus illorum Auctorum, Episcopos in foro Pœnitentiali, id est audiendo confessiones & Sacramentaliter judicando, posse largiores concedere Indulgentias.* Et hic etiam sensus non magis probabilis est, quia Episcopi in illo foro non se gerunt proprie ut Episcopi, sed ut Sacerdotes habentes jurisdictionem illi foro proportionatam, ex vi cujus nulla potest Indulgentia concedi, ut infra dicam. Si vero simul uti velint jurisdictione Episcopali ad concedendas Indulgentias, jam formaliter non remittunt in foro Pœnitentiali, sed in proprio foro Indulgentiarum, quod dictum est: quod autem simul cum altero concomitantur, & secreto exercetur, per accidens est, nec mutat naturam talis actionis, nec excludit illam a limitatione juris. Ergo Concilii Lateranensis IV. Decretum tam publicam quam secretam Indulgentiarum concessionem complectitur.

Dices. Prædictum Decretum editum fuit propter abusus, qui in concessionibus Indulgentiarum in foro externo irrepserant. Ergo non prohibet earundem largitiones in foro Pœnitentiali faciendas.

Resp. causam hujusmodi prohibitionis fuisse, ne per largiores Indulgentias satisfactio pœnitentialis enervaretur = *Quia per indiscretas, & superfluas Indulgentias, quas quidam Ecclesiarum Prelati facere non verentur, & Claves Ecclesiæ contemnuntur, & pœnitentialis satisfactio enervatur* = Quod certe militat tam in concessionibus publicis fori exterioris, quam in secretis & fori Pœnitentialis.

Quæres 5.^o An plures Episcopi extranei possint singuli valide quadragenam Indulgentiarum concedere eidem Ecclesiæ sitæ in alia Diocesi, ejus tamen Episcopo approbante?

Paludanus in 4.^o dist. 20. *quest. 5. n. 43.*
id

id fieri posse arbitratur ; quia Episcopus extraneus potest quadraginta dies Indulgentiarum dare Ecclesie alterius Diocesis de licentia proprii Episcopi adeoque pluribus extraneis Episcopis ita inter se convenientibus, dubium non erit de valore hujusmodi quadragenarum . Hac sortassis ductus ratione Bzyl in *Summ. Concillor. tom. 2. in additionib.*, relatis Actis Concilii Vauensis celebrati anno mccc.lviii. cunctas Indulgentiarum quadragenas a singulis Episcopis concessas iis, qui dicto Concilio interfuerunt, & cunctis Fidelibus, qui de suis facultatibus manus porrigere ad Ecclesie Vauensis ædificium vel ornatum, validas extitisse putat .

Nos vero respondemus negative cum Suario *disp. 55. scilicet. 3. num. 6.* Passerino *quest. cit. n. 619.* Nullus enim Episcopus per se ipsum uni Ecclesie potest concedere nisi quadraginta dies, excepto Dedicationis die ejusdem . Vel itaque Episcopi extranei Ecclesie sitæ in aliena Diocesi Indulgentias desponderent Autoritate ordinaria, vel delegata . Primum admittere non potest, nullus quippe Episcopus extra suam Diocesim potest ordinariæ jurisdictionis exercitio gaudere . Si secundum dicatur, sustineri nequit cunctas hujusmodi quadragenas subsistere, quia cum Episcopus delegans non possit unius quadragenæ limites excedere, nec pariter delegati id poterunt præstare . Ergo plures Episcopi extranei non possunt singuli valide quadragenam Indulgentiarum concedere eidem Ecclesie sitæ in alia Diocesi, etiam ejus Episcopo approbante .

Quæres 6.^o An facta concessione ab Episcopo quadraginta dierum Indulgentiarum pro Ecclesie visitatione vel alio opere pio, possit valide ejus successor ob eandem causam aliam quadragenam adjicere ?

Respondemus non posse, quia cum prima, ejusdem causæ intuitu supponatur concessa, secundæ valorem & efficaciam non obtineret = *Hoc vetasse videtur Innocentius III.* (inquit Gavantus in *Theaur. Sacror. Rit.*) *in Concilio Lateranensi relatus in Cap. Romana eodem titulo in 6.^o, & ibidem Bonifacius VIII. in Cap. ult. ut recte advenit Sylvester in Verbo Indulgentia quesito 5. §. 6. his verbis: Si Episcopus dedit quadraginta dies Indulgentiæ, & successor ejus totidem, non valet utraque*

secundum Geminianum in Cap. fin. de penit. & Remiss. lib. 6. ex mente Joannis Andreae Specul., quia per talem multiplicationem veniret contra Concilium in cap. cum ex eo supra allegato = Accedit, quod, cum jussu Clementis IX. Sacre Congregationis Indulgentiarum & Sacrarum Reliquiarum examini commissum fuisset statutum Archiepiscopi Terracoenensis, in Provinciali Synodo editum, quo, Prædecessorum Archiepiscoporum constitutionibus confirmatis, quibus quadraginta Indulgentiarum dies certa pia opera explentibus concedebantur, alias quadragenas in singulis casibus antiquis concessionibus addiderat: eadem Sacra Congregatio sub die 20. Novembris ann. mdc.lxviii. censuit = Moderandum esse Archiepiscopi statutum, delendum & corrigendum = Ergo facta concessione ab Episcopo quadraginta dierum Indulgentiarum pro Ecclesie visitatione, vel alio opere pio, non potest valide ejus successor pro eadem Ecclesia aliam quadragenam adjicere .

ARTICULUS III.

An Concilium Generale gaudeat potestate concedendi Indulgentias .

DUBIUM de potestate Concilii generalis pro concedendis Indulgentiis propositum, corollarium videtur Controversie illius, quæ solet a Theologis excitari = *An Concilium generale ex se, independenter a Summo Pontifice, gaudeat potestate jurisdictionis: imo sit supra Papam?* Verum non ex eo duximus id examini committere, sed ex concessione Indulgentiæ plenariæ facta a Concilio Basilensi *sess. 24.* celebrata die Sabbati, 4. Maii anno mccccxxvi. semel in vita, & semel in mortis articulo, cunctis Christianidelibus utriusque sexus, qui ad sanctum opus unionis Græcorum tantum contribuerent, quantum quilibet hebdomadæ unius decursu pro sua, familiæque refectione expendere: aliis præterea injunctis pietatis operibus; ut videre est in Bulla Indulgentiarum & remissionum omnium peccatorum in favorem subsidii procurandi pro reductione Græcorum in Italiam.

liam, quam dabimus in calce hujus Articuli, eo modo quo Summi Pontifices eam confueverunt vel Romani euntibus tempore Jubilæi, vel Crucisignatis ad Tertæ Sanctæ receptionem confluentibus respondere. Cui concessioni restitit Eugeniū IV. per Cardinales S. Crucis, & S. Petri ad Vincula nuncupatos, ad Synodum missos: ac Basileensibus obtulisse, si convenire vellet cum eo de loco Concilii, daturum ipsum pro conductu Græcorum sexaginta aureorum millia, quantam summam Indulgentiæ ab illis promulgatæ nunquam contingerent, testantur Acta Patriciana

Andreas Dualius, licet Doctor, ac Professor Sorbonicus, in præfatione Libri de *Autorit. Pap. & Concil.*, Synodum Basileensem criminatur, quod plenarias Indulgentias concedendi auctoritatem sibi arrogaverit; quarum largitionem, existimat, uni competere Romano Pontifici = *Es quod, inquit, novam erroris circumstantiam arguit, quæstiose fuerunt illa Indulgentiæ, contra Lateranensem, Lugdunensem & Viennensem Concilia; siquidem illi duntaxat concessæ fuerunt, qui, quantum singulis septimanis sustentande familie impenderent, pro Orientalium subsidii contribuerent* = Cui sententiæ subscribit Henricus Spondanus in *Annalib. Eccles.* ad annum MCCCXXXVI.

E contra Natalis Alexander Tom. 8. *histor. Ecclesiast. dissert.* 8. art. 3. num. 53. & *sequens.* prædictam Synodi Basileensis concessionem legitimam arbitratur, quia Indulgentias multo magis Ecclesia, quam Summus Pontifex potest concedere; cum Claves Regni Cælorum & potestas ligandi atque solvendi D. Petro datæ non sint duntaxat ut singulari, ac private persone, sed ut representanti Ecclesiam Universalem; quod ex pluribus D. Augustini auctoritatibus nititur demonstrare, ac potissimum ex *Lib. de doctr. Christian.* cap. 8. ubi S. Doctor inquit = *Christus Claves dedit Ecclesie sue, ut qua solveret in terris, soluta essent in Cælo; & que ligaret in terra, ligata essent in Cælo* = *lib. de Azone Christi cap. 31.* = *Nec eos audiamus, qui negant Ecclesiam Dei omnia peccata posse dimittere: Itaque miseri, dum in Petro Petram non intelligunt, & nolunt credere datæ Ecclesie Clavis Regni Cælorum, ipsi eas de mani-*

bis amiserunt = tandem *Enarrat. in Psalm. 108.* = *Quædam dicuntur, quæ ad Apostolum Petrum pertinere videntur, nec tamen habent illustrem inscilleum, nisi cum referuntur ad Ecclesiam, cujus ille agnoscitur in figura gessisse personam, propter Primatum, quem in discipulis habuit, sicuti est: Tibi dabo Claves Regni Cælorum* = Idem confirmat Natalis ex D. Fulgentio *Lib. de fide ad Petrum cap. 3. lib. 1.*, Bedæ in *cap. 19. S. Joannis*, Ambrosii Autperto *lib. 4. 5. & 7. in Apocalypsi*, Dungalo Diacono *lib. contra Claudium Taurinensem*, Paschasio Radbertum *lib. 8. in Marsh.* = Addit insuper, Scholasticos, post Magistrum sententiarum & S. Thomam, potestatem solvendi & ligandi Claves Ecclesiæ semper appellare, non vero Claves S. Petri, quia immediatius Ecclesiæ traditæ sunt, quam D. Petro, illique fuisse commissas, ut gerenti personam Ecclesiæ; unde ligandi solvendique potestatem in Ecclesia tanquam in proximo subiecto residere (ut loquuntur Theologi Parisienses) in D. Petro ejusque Successoribus tanquam in subiecto remoto. Tandem, ut ab objecto Dualii crimine Indulgentias Basileensium vindicet, subdit = *Non quæstiose Indulgentia dici possunt, & venales, nec in Ecclesia novæ sunt, & inusitæ, quæ elemosynas erogantibus, & subsidia conferentibus in usus pios, cujusmodi sunt Ecclesiarum vel Nosocomiorum ædificationes, instauraciones, captivorum liberationes, sumtus ad bellum sacrum contra Turcas aut Hæreticos, & alia hujusmodi conceduntur; ut docent antiquæ de canonice penitentia redemptionibus monumenta, & Diplomata Pontificum, ac Decreta Conciliorum de sacris Expeditionibus.* Cum igitur de tollendo Schismate, de unione Ecclesiæ Orientalis cum Occidentali procuranda ageretur, nec ad Concilium generale in Occidente celebrandum proprii sumtibus venire, ac redire Orientales possent, Urbisque Constantinopolitana munitioni ac securitati, absente Græcorum Imperatore providendum esset, ut ipse Concilio præsentiam exhiberet suam, ad unionis negotium conficiendum: Ecclesiæ concedere posuit Indulgentias illi, qui elemosynas conferrent ad tam pios usus, absque ulla specie aut sus-

suspensione nundinationis, questus, ac venalitatatis. = His tamen non obstantibus

Conclusio fit. Concilium generale, accedente Summi Pontificis autoritate potest Indulgentias concedere; secus vero eo invito, vel tempore Schismatis, aut Sede vacante congregatum.

Prob. 1.^a pars. Concilium generale, accedente Summi Pontificis autoritate, eundem includit, qui potestate divinitus accepta potest Ecclesiastici Thesauri dona per se ipsum dispensare, aliisque dispensanda committere. Ergo Concilium generale, accedente Summi Pontificis autoritate, id potest prestare.

Prob. altera pars 1.^a ex Constitutione *Unigenit. de Penit. & Remissionib.* ubi dicitur, Christum Ecclesie Thesaurum suis meritis comparasse, ejusque dispensationem D. Petro Caeli Clavigero ejusque Successoribus commisisse = *Thesaurum*, inquit Clemens VI. *ibi militanti Ecclesie acquisivit Christus, volens suis thesaurizare filiis pius Pater quem quidem Thesaurum non in Sulario repositum, non in agro absconditum, sed per Beatum Petrum Caeli Clavigerum, ejusque Successores suos in terris Vicarios commisit Fidelibus salubriter dispensandum: & propriis & rationabilibus causis, nunc pro totali, nunc pro partiali remissione pene temporalis pro peccatis debite, tam generaliter, quam specialiter, prout cum Deo expedire cognoscerent, misericorditer applicandum* = Rursus Martinus V. Constitutione incipiente *Inter Cunctas* precipit de Hussitica heresi suspectum interrogari. = *An credas, quod Papa omnibus Christianis possit concedere Indulgentias. Et utrum credas quod singuli Episcopi suis subditis secundum limitationem sacrorum Canonum hujusmodi Indulgentias concedere possint* = Ergo ad Summum Pontificem & ad Episcopos duntaxat, non vero ad Concilium generale; circumscripta Summi Pontificis autoritate, spectat Indulgentias concedere.

Prob. 2.^a Nequit alicui convenire potestas dispensandi Indulgentias, cui non convenit potestas Clavium. Hæc autem collata non est toti Ecclesie, seu ejus membris conjunctim acceptis. Tum quia D. Petro, & in ejus persona Romano Pontifici a Chri-

sto dicitur *Matth. 16. = Dico, tibi tu es Petrus & super hanc petram edificabo Ecclesiam meam: = & Apostolis, Episcoporum personas representantibus, Matth. 18. = Quaecunque alligaveritis super terram erunt ligata & in Cælo & quaecunque solveritis super terram erunt soluta & in Cælo.* Tum quia esto potestas Clavium Regni Cælorum, seu ligandi atque solvendi Petro prout representanti Ecclesiam universalem fuerit collata, tamen noluit Christus eam exerceri in ordine ad Sacramenta a toto Fidelium Cætu, sed a personis ad ea munera obeunda specialiter deputatis. Ergo quamquam Christus, Thesaurum suorum meritorum divitiis constitutum, Ecclesie tradiderit, noluit tamen a Concilio, sed duntaxat ab Ecclesie Prælati ad Fidelium utilitatem dispensari.

Hinc colliges 1.^o Concilium Provinciale non gaudere potestate concedendi Indulgentias, quia, esto Episcopi in eo congregati possint singuli id præstare pro suis subditis, non tamen per modum unius corporis morales.

Colliges 2.^o Authoritates D. Augustini aliorumque Patrum & Theologorum a Natali supra congestas, quibus dicitur = *Claves Regni Cælorum Ecclesie fuisse collatas, seu Petro ut representanti Ecclesie* = nostram non evertere, imo potius firmare Conclusionem. In triplici enim sensu juxta Joannem de Turrecremata in *Summa de Potest. Pap. Lib. 2. cap. 72.* id potest intelligi. Primo. Quod Clavium ministerium lingulis Ecclesie membris conveniat: qui profecto falsus est, & erroneus, atque ab Ecclesia inter Waldensium errores eliminatus, qui volebant, singulos Fideles probata vitæ Claves obtinere, sive posse peccatores a culpis absolvere. Secundo. Quod universali Ecclesie in omnibus membris conjunctim sive simul acceptis Claves datæ sint: eo modo, quo dicitur de Principatu politico potestatem regiminis penes communitatem reperiri: & hic sensus est alienus a mente Patrum & Theologorum, tum quia nulla potestas valet alicui Universitati competere, ad quam magna pars illius est inhabilis. Porro cum Ecclesia (ut inquit Beda in *gloss. super Luc. & Hugo de Sancto Victore lib. de Sacramentis p. 2.*) duos ordines complectatur, Laicos & Clericos quasi duo latera corporis unius,

unius, major pars nempe Laicorum incepta est jurisdictionis Ecclesiastica. Tum quia, cum Ecclesiae regimen Monarchicum sit institutum, quod tam a Philosopho 8. *Ethicor.*, quam a Theologo nobilissimus atque excellentissimus reputatur, nequit potestatis plenitudo penes totam Fidelium communem residere. Tertio. Quod universali Ecclesiae datae sint Claves, non tamen omnibus ejus membris, sed aliquibus duntaxat principalioribus: ita ut plenitudo potestatis jurisdictionis in capite ejus viibili reperitur; qui quidem verus & catholicus est. Ceterum ex eo non sequitur, Concilium generale ex se potestatem concedendi Indulgentias aut Sede vacante aut tempore Schismatis congregatum obtinere, sed duntaxat Capiti Ecclesiae viibili unitum, ejusque auctoritate suffultum.

Colliges 3.^o Indulgentias a Patribus Basileensibus concessas, stipendiantibus pro reductione Graecorum in Italiam; nullius valoris extitisse: idque clarius elucet, si illius concessionis intentatæ modum observes, ex libello Apologetico Eugenii IV. Cardinalium consilio ad Reges & Principes missis, recitato a Raynaldo ad ann. mcccxxxvi. sub numero 12.^o ibi. = *Dum hæc sic aguntur, & fiunt, & dum expectant Legati ut ad singula in cedula eorum contenta suo ordine Patres illi respondeant, nullo primo dato responso, sed sprete oblatione omnino S.D.N. quam fecerat per medium Legatorum de dandis Indulgentiis plenariis in forma Ecclesiae consuetæ, ut in cedula continentur, decreverunt in publica Congregatione Concilium, & sessionem demum tenere, in qua auctoritate, qua funguntur, quæ in hac parte est nulla, Indulgentias plenarias publicarent. In qua conclusione de publicandis magna arte, ne dicamus circumventionem, vel potius deceptionem usi sunt quidam, quoniam in generali Congregatione, antequam Legatus concluderet, & compositum & præordinatum erat, petiit fuit ab eo: sicut Legatus & presidenti Apostolice, & si sciebat se esse revocatum: & quæ auctoritate intendebat concludere super Indulgentiis dandis. Quibus omnibus Legatus respondit, antequam concluderet, notorium esse per bonæ memoriæ Dominum Martinum Papam V., cum primum missum fuisset ad partes Germaniæ*

Legatum, & ad celebrandam in Basilea Concilium, deinde quoad hæc omnia confirmatum fuisse per Dominum nostrum Eugenium Papam IV. nec sciebat, quod a presidentia, aut legatione esset revocatus; & quod in facto indulgentiarum intendebat concludere tanquam Presidenti Apostolice; de qua responsione rogati fuerunt Notarii Concilii, qui aderant, ita ut, quum Legatus concludit, intelligerent cuncti, eum Apostolica auctoritate conclusisse, illo modo plenarias Indulgentias esse dandas, in qua re (salva tamen tanti Patris reverentia) nullam habebat potestatem; nam per relationem Legatorum constabat ei de contraria voluntate S. D. N., & in actu illo, nomine presidentie nihil poterat, cum haberet Collegas parit potestatis, nec esset presidenti in solidum, & nomine etiam legationis non poterat, quia non veniebat hæc ex tali potestate sibi concessa. Tradunt insuper Acta Patriciana editum id Decretum a factionis adversariis Sedis Apostolicæ Legatis, ac decem tantum Episcopos, ac tredecim Abbates dictæ sessioni interfuisse; quod quidem in ea re, non Synodum Oecumenicam sed Fratellorum conciliabulum referebat, quod universitate potestatis, vel multitudinis caruisset, quivis facile colligit.

Obijcies 1.^o contra secundam Conclusionis partem. Concilium generale independentem a Summi Pontificis auctoritate, quibusdam circumstantiis occurrentibus, facultatem obtinet supra totam Ecclesiam in ordine ad regimen animarum, ac disciplinam; ut suadet decretum sessionis 4. Concilii Constantiensis = *Primo declarat, quod ipsa Synodus in Spiritu Sancto congregata legitime, generale Concilium faciens, Ecclesiam militantem representans, potestatem a Christo immediate habet, cui quilibet cujusque status, dignitatis, etiam si Papalis existat, obedire tenetur in his, quæ pertinent ad fidem, & extirpationem scilicet Schismatis, & reformationem generalem Ecclesie Dei in capite & in membris* = & confirmat decretum sessionis 5. = *Item, declarat, quod quicumque cujusque conditionis, status, dignitatis, etiam si Papalis, qui mandatis, aut præceptis hujus Sacræ Synodi, & cujusque alterius Concilii generalis*

legitimè congregati super præmissis, seu ad ea spectantibus sacris, vel faciendis, obedire contumaciter contemserit, nisi responderit, condigne penitentiae subijciatur, & debite puniatur, etiam ad alia juris subsidia, sopus fuerit, recurrendo = Dici autem nequit cœtum Fidei-
 lum tam suprema autoritate decoratum, Indulgentias concedendi potestate destitui; ac per consequens dicendum est, posse Concilium independentem a Summi Pontificis autoritate Indulgentias facere.

Resp. 1.^o cum Emmanuele a Schelestrae in *tract. de sens. & auctor. Decretor. Constantiensis sess. differt. 1. cap. 1.* in pluribus antiquissimis codicibus circa tempus dicti Concilii Constantiensis exaratis, ea verba Decreti sessionis quartæ & quintæ minime reperi, sed addita atque affuta fuisse Basileensium arte, & industria. Cum enim, post electionem Felicis V. sancti in locum Eugenii IV. animadvertissent dicti Patres, suam auctoritatem contemni, atque in toto Orbe catholico diminui, ut factum, ubique reprobatur, iusta occurrente causa, iurisque præsidio gestum demonstrarent, curarunt, ut Concilii Constantiensis Decreta denuo a duobus Cardinalibus, totidemque Episcopis, & Sacre Theologiæ Doctoribus, nec non Archidiacono Zigabrienſi specialiter deputatis compilarentur, illis verbis adjectis = *Potestatem a Christo immediate habet, cui quilibet cujusque status, dignitatis, etiam si Papalis existat, obedire tenetur in his, quæ pertinent ad fidem &c.* = Hinc factum est, ut exemplaria subinde prælo commissa prodierint, eam clausulam habentia de Concilii superioritate supra Papam. Unde minime probari potest tanta in Concilio auctoritas, ut possit citra Romani Pontificis consensum Indulgentias Fidelibus despondere.

Resp. 2.^o ex Cardinali Joanne a Turrecremata in *summa de Potest. Pap. cap. 99.* Decretum illud quartæ sessionis, non sub ea forma in Argumento nobis objectis, emanasse, sed sub ista = *Hæc Sancta Synodus Constantiensis generale Concilium faciens pro extirpatione præsentis Schismatis, & unione ac reformatione Ecclesiæ in Capite, & in membris scienda, declarat, quod ipsa in Spiritu Sancto congregata general. Concilium faciens, & Ecclesiæ Ca-*

tolicam militantem representans, potestatem a Christo habet immediate, cui quilibet &c. = adeoque Decretum laudatum non loqui generaliter de quocunque Concilio, sed de illo specialiter, pro cuius tempore non erat unus Pastor totius Ecclesiæ indubitatus; idemque pariter de alio quintæ sessionis decreto dicendum esse non ambigimus. Cæterum neque in casu Schismatis evincitur, Concilium potestatem Clavium obtinere.

Resp. 3.^o eo tempore, quo duæ sessiones quarta & quinta agebantur, non fuisse reputatum pro Oecumenico Concilium Constantiensis, cum ea Decreta a Patribus duntaxat, qui Joanni XXIII. obsequabantur, emanaverint, eademque Cardinales & Episcopi Gregorio & Benedicto adherentes minime approbaverint. Rem narrat luculenter Cardinalis Turrecremata laudatus, testis omni exceptione major, qui eidem interfuit Concilio = *Secundo non militant (inquit capit.) quæ inducuntur de Concilio Constantiensis; quoniam, dato, quod tale decretum, sicut dicitur, per Adversarios ibi fuisset factum, non habet necessitatem; quoniam hoc, quod Adversarii præsupponunt, videlicet quod fuerit ab universali Concilio legitime congregato, & representante Universalem Ecclesiam militantem, est valde dubium apud multos; imo plurimorum iudicio, scilicet eorum, qui fuerunt de obedientia Gregorii, & Benedicti falsum; quoniam sicut apertissime patet ex gestis illius Congregationis, Decreta illa, si ita sint appellanda, facta sunt solum a Patribus aliquibus Obsequentibus Joannis XXIII. Pro quo notandum, quod Congregatio illa Constantiæ celebrata tria tempora habuit. Primum fuit, in quo sola obedientia Joannis Balthasar Constantiæ convenerat. Secundum tempus fuit, in quo Angelus Corarius, vocatus in obedientia sua Gregorius XII. iuri suo cedenti, præfata Congregationi sub certis modis & formis se conjunxit. Tertium tempus est, in quo Reges & Principes ac Prælati obediētes Petro de Luna, Benedicto XIII. vocato in obedientia sua, per suos Oratores, nova facta convocatione Concilii, se unierunt præfate Congregationi, ad pacem dandam Universali Ecclesiæ: & fuimus nos tunc præ-*

*sentis in minoribus constituti; pro quo solo tempore, convenientibus omnibus simul tribus obedientiis, fuit certum dicere, quod universalis Ecclesia representative congregata esset Constantiæ. Nullus autem dubitat, quin asserere, quod sola obedientia Joannis fuceret Concilium, universalem Ecclesiam representans, esset temerarium, & scandalosum aliis duabus Obedientiis. Et deinde ea, quæ inducuntur de Decretis Concilii Constantiensis, non militat; quoniam auctoritati illius alia due obedientiæ, scilicet Gregorii & Benedicti apertiissima contradictione in plena Congregatione se opposuerunt: & eorum contradictio fuit acceptata. Contradixit, ac reclamavit in primis Gregorius, ita in sua obedientia vocatus, qui verum se Romanum Pontificem asserens, & scribens, mittens, post præfatam declarationem factam ab illis de obedientia Joannis, Oratores suos ad Constantiam, committit eis Dominis, scilicet Cardinali Sancti Sixti, Joanni electo Patriarchæ Constantinopolitano, Archiepiscopo Treverensi, Comiti Palatino, Carolo de Malatesta, auctoritatem, Congregationem ipsam Constantiensem; in quantum per Serenitatem Regiam, & non per Balisbassar, se nuncupari facientem, Joann. XXIII. vocatam, vice sua convocandi, & auctorizandi in Gener. Concil., remota tamen omnimode inde prædicti Balisbassar præsentia & præsentia ab eisdem &c. Verba sunt formalia Bullæ date auctoritatis præfatis Oratoribus, quæ inserta est in gestis præfati Concilii. Quod autem hæc verba, & gesta Domini Gregorii præfatis Decreto contradicant, manifestum est. Contradixit præterea eidem Decreto obedientia Dominorum Regum, Prelatorum, & Principum, & Communitatum, qui Petro de Luna, Benedicto XIII. vocato tanquam vero Summo Pontifici universalis Ecclesiæ ad hærebant = Adde decreta quartæ & quintæ sessionis dicti Concilii a Martino V. in eodem Concilio electo Summo Pontifice, non fuisse approbata. Cum enim quatuor ex Prothonotariis Apostolicis, omnium, quæ in prælaudato Concilio gesta fuerant, confirmationem expecterent, declaravit (ut habetur ex *Seff. 45.*) se omnia & singula*

determinata, conclusa, & directæ in materiis fidei per Concilium Constantiense conciliariter tenere velle, ipsaque sic conciliariter facta approbare, & ratificare, & non aliter, nec alio modo.

Obicies 2.^o Concilium generale, Sede vacante, aut tempore Schismatis, congregatum est representative tota Ecclesia Catholica, cui profecto, ut loquitur Clemens VI. in *Extravag. Unigenitus de Pœnitentiis*, & *Remission.* = Ipse, nempe Christus, *Thesaurum militanti Ecclesiæ acquisivit, volens suis thesaurizare filiis pius Pater* = Cum ergo Ecclesiæ concedenda sit Potestas Thesaurum illum dispensandi, id generali Concilio non est denegandum.

Resp. Concilium generale tempore Schismatis congregatum esse representative totam Ecclesiam, non quantum ad potestatem jurisdictionis, (cum illam representet sine Capite, a quo fons Ecclesiasticæ jurisdictionis promanât) sed quantum ad potestatem judicii: quatenus duobus ac pluribus de Papatu contententibus, potest cognoscere, atque discernere, cui jus canonicæ electionis assistat: dubioque, si expedit judicaverit, deponere, aliumque rite & canonicè electum constituere super Ecclesiæ candelabrum. Et hoc eidem ex Christi institutione concessum fuisse, evidentissima ratione deprehendi potest; ne videlicet Christus, Ecclesiam Sponsam suam penitus deseruisset, videatur = *Ecclesia enim* (inquit Bellarminus loquens de Concilio in hoc casu congregato) *sine dubio habet auctoritatem providendi sibi de Capite, quavis non possit sine Capite statuere de multis, de quibus potest cum Capite, ut recte docet Cajetanus in Opusculo de Potestate Papæ cap. 15. & 16., & multo ante Præbiteri Romane Ecclesiæ in Epistola ad Cyprianum, quæ est septima lib. 3. in Operibus Cypriani* = Neque ex eo, quod Christus Thesaurum meritorum suorum Ecclesiæ comparaverit, inferitur, toti Fidelium cœtui facultatem consulisse illum dispensandi, sed id tantum Ecclesiæ Prælati ad hoc specialiter deputatis fuisse concessum.

Decretum Concilii Basileensis, quo conceduntur Indulgentiæ semel in vita, & semel in morte conferentibus subsidium pro reductione Græcorum in Italiam.

Sacrofancta generalis Synodus Basileensis in Spiritu Sancto legitime congregata, universalem Ecclesiam representans, universis Christi-fidelibus salutem, & Omnipotentis Dei Benedictionem. Vox illa jucunditatis & lætitiæ ad Populum Israeliticum olim de Cælo lapsa, eadem nunc per os hujus sanctæ Synodi in auribus Populi Christi-ani insonans clamat: Consolamini consolamini popule meus, dicit Dominus Deus vester. Loquimini ad cor Hierusalem, & advocate eam, quoniam completa est malitia ejus, & dimissa est iniquitas illius. Merito lætari & consolari te debes plebs Christiana, cum his novissimis diebus, tanta lætitiæ causa offertur, quantam vix unquam experta es. Uno enim eodemque tempore plenariam omnium peccatorum veniam consequeris, & fratres tuos, quorum innumerabilis est multitudo, quingentis ferme annis a tuo consortio segregatos, tibi proxime reuniri speras. O quanta erit ista jubilatio! O quam suave cordibus Christianorum orietur gaudium, cum primum homines Deo, & ipsi inter se fraterna charitate conciliabuntur! Quis igitur Christo nostro pro hac duplici læticia, qua nulla major desiderari potest, gratias agemus? Quis Domini misericordias ad plenum enarrabit, qui populum Christianum variis undique calamitatibus hoc tempore afflictum, tanta gaudii novitate consolatur? Ecce popule Dei, adest tibi annus Jubilæus, annus remissionis omnium peccatorum, annus generalis unionis Ecclesiæ: Proinde loquimini omnibus Christi-fidelibus, qui in sancta habitant Hierusalem peregrinante in terris ad cor eos consolando, & advocate eos ad hanc duplicem læticiam, quoniam malitia tam diuturni Schismatis, quod innumerabilia Ecclesiæ Sanctæ Dei mala intulit, auxiliante Domino (ut confidimus) cito complebitur, & finem accipiet. Iniquitas quoque peccatorum, quæ hujus Schismatis, & iræ Dei causa fuit, Divina Clementia remittitur. Consurge igitur, consurge, induere for-

titudine tua Sion, induere vestimentis gloriæ tuæ Hierusalem Civitas Sancta. Quam fortis & gloriosa eris tunc mater Ecclesiæ, cum omnes, qui Christum colunt, ab Occidente in Orientem eodem fidei & charitatis vinculo unitos conspicias? Ingenui multi hætenus nimio dolore afflicti, cum a fœvissimis Turcis & Saracenis, aliisque Christiani nominis inimicis, innumeras patereris injurias, iacturas, persecutiones & opprobria, & nemo te consolari poterat. Cum passim videres filios tuos omnis sexus, ætatis, & dignitatis in servitutem trahi, & (quod servitute deterius est) plurimos ab uberibus tuis abstractos, ad insipium Mahumeti cultum perducere. Harum autem calamitatum quid aliud, quam hoc diuturnum ac pestiferum Schisma causa extitit? Sed Divino munere appropinquat jam tempus, ut omni penitus extincto dissidio, unitas sancta fiat, quæ cum impleta fuerit, atque hi magni populi Occidentales & Orientales fraternum fœdus simul inierint, nemo tunc fortitudini tuæ resistere poterit. Tunc abjectis lugubribus, consurgas Regina Ecclesiæ in vestitu deaurato, circumdata varietate: & qui te olim persequentes concubabant, procedent coram te, & venient ad te, qui detrahebant tibi, & adorabant vestigia pedum tuorum. O vos omnes, qui Christiano nomine censemini, expergiscimini jam talia audientes, plaudite manibus, & jubilate Christo salutari nostro: ecce enim nunc tempus acceptabile, ecce nunc dies salutis: ecce jam Pater misericordiarum, & Deus totius consolationis, visitat nos in abundantia gratiæ & felicitatis. Assurgite, & occurrите illi in humilitate spiritus, in orationibus, atque elemosynarum largitate, ut qui pro peccatis nostris iuste iratus, tandiu hoc Schisma durare passus est, & multis persecutionum flagellis, ab his qui intus, & ab his qui foris sunt, vos cædi permisit, nunc purgatis, & emendatis indulgens, sanctam inter vos unionem inspiret, unitisque non solum perditam restauret, sed & vobis vestros subjiciat inimicos. Audistis pridem solemnes Ambassadors Serenissimi Imperatoris Græcorum & Patriarchæ Constantinopolitani, ab hac Sancta Synodo accersitos, Basileam advenisse, & tandem Deo propitio, conclusisse nobiscum modum hujus sanctæ unionis

nis

uis perficienda, assensu Sanctissimi Domini Eugenii Papæ accedente, ut videlicet ad locum Synodi Universalis, tam nostri, quam sui Archiepiscopi & Episcopi, ipseque Imperator & Patriarcha Constantinopolitanus, alique Orientalis Ecclesiæ Patriarchæ accedant. Ut autem tantum opus certius firmetur, tres nostros Oratores postea Constantinopolim destinavimus, ut ab ipsis Imperatore & Patriarcha ratificationem eorum, quæ hic sui concluderant Ambasiatores, obtinerent. Quæ omnia ipsi Imperator & Patriarcha juxta nostri Decreti capitula, ratificarunt, & approbaverunt, ac literas Latino Græcoque sermone scriptas, & eorum manibus subscriptas, bullisque aurea & plumbea munitas, per unum ex tribus nostris Oratoribus, ad nos nuper reversum, transmiserunt. Et cum ad ipsam Synodum propriis expensis, tam procul de partibus Orientalibus, Græci proficisci nequeant, opus fuit, ut expensas inveniendæ standoque, & redeundæ necessarias, & quasdam alias pro tuitione Civitatis Constantinopolitanæ, ne Imperatore absente, a Turcis forsitan expugnari posset, polliceremur. Et quamquam hujusmodi impense nonnullis graves viderentur, nos tamen animadvertentes, quantus Dei honor & profectus Ecclesiæ, quanta exaltatio fidei orthodoxæ, quantum incrementum nominis Christiani, quot millium animarum salus, quantaque utilitas, & innumerabilia bona populo Christiano hinc forent proventura, non solum ipsas impensas, sed & personas proprias fore exponendas, dignum esse judicavimus; spem ponentes in Domino, cujus negotium agitur, & in charitate, ac devotione Fidelium, qui dum talia intellexerint, subsidii, & auxilii opportunis non deerunt. Si Christus Deus noster sanguinem suum toto pretiosiore Mundo pro nostra redemptione effudit: si ejus vestigia secuti Apostoli atque alii Sancti viri, pro salute proximorum & incremento fidei corpora sua libenter morti objecerunt: quid nos facere oportet, a quibus nonnulli caduca hujus Mundi substantia efflagitur? Si Reges & Principes pro recuperandis expugnandisque Civitatibus & Oppidis multo ampliorem summam exponere soliti sunt: si denique pro argendis facultatibus & vanitatibus sæculi se & sua multis periculis homines subjiciunt,

& ut exemplo utamur Salvatoris, querens aliquis pretiosam Margaritam, cum inveniret ipsam, vendit omnia bona sua & emit illam: nonne Ecclesia Dei & universus populus Christianus facere hanc impensam poterit & debet, ex qua nihil terrenum, nihil caducum, sed omnia, quæ supra memoravimus, bona succedent? Si una duntaxat anima Christo carior est, quam totum mundi aurum, nos ubi millia millium salvanda sunt, avari aut negligentes videbimur? Consuevit aliquando Ecclesia ad liberandum de manibus Infidelium Terram Sanctam, seu pro debellandis Hæreticis indicere generale Passagium, convocare quæ Reges & Principes & alios bellatores ut armis ita peragerent; nec non & pro aliis iustis causis ab omnibus Christianis subsidium postulare, ad quæ, ut promptiores efficerent donis spiritualibus plenarie remissionis peccatorum invitavit. Profecto si veterum revolvantur historię, nulla unquam assuit causa iustior, quam ista est, nec pro qua Christicolæ omnes se, & sua libentius exponere deberent. Hic enim non solum ad recuperandam terram intenditur, sed etiam millia millium animarum, pro quibus medicare subsidium petitur, unde impense Græcis promissæ, sine quibus tam sanctum opus perfici nequit, inveniri possint. Quis igitur pro tanto universæ Ecclesiæ bono, proque tanto animæ suæ merito portuiculam rerum suarum, quas dono Dei obtinet denegare audebit. O felicem & pretiosam eleemosynam, quæ Regnum Cælorum promerebitur, & quæ Sanctam fidei catholicæ utilitatem dabit. O beatum illum hominem, quem Dominus ad tam sanctum opus inspiraverit. Hunc quidem (sicut scriptum est) in die mala liberabit Dominus. Licet autem ex debito Christianæ professionis quisque ad hoc sanctum negotium pro viribus contribuere, ac subvenire obnoxius sit, nihilominus, ut eo libentius omnes faciant, quos, se hic & in futuro sæculo per amplius remunerandos fore intellexerint; decrevit hæc Sancta Synodus universam Ecclesiam representans Sponsam Christi, assuetum aperire spirituales Thesauros, quos ipse Salvator ascendens in Coelum sibi reliquit. Omnibus igitur Christianis utriusque sexus, qui ad sanctum opus hoc tantum contribuerint, quantum quisque una integra hebdomada pro
sua

sue personæ ac familiæ, si eam habuerit, refectione, exponit, vel si de propriis viveret, exponeret: Religiosis, pro quibus quoque suus conventus aut superior, vel juxta prædictam rationem erogaverit, omnium peccatorum suorum, de quibus corde contriti & ore confessi fuerint, Autoritate omnipotentis Dei & de ejus misericordia confisi illam plenariam remissionem impertitur semel in vita, & semel in mortis articulo, quam Ecclesia concedere solet omnibus euntibus Romam tempore S. Jubilei, vel Cruce signatis ad recuperationem Terræ Sanctæ tempore Passagii generalis, & in retributione iustorum salutis æternæ pollicetur augmentum. Ita tamen, quod per annum integrum (si vixerit) singulis sextis feriis, impedimento cessante, aut si dictis feriis sextis ex præcepto Ecclesiæ, regulari observantia, injuncta poenitentia, voto, vel alias jejunare teneantur, una alia die singularum septimanarum ejusdem anni, qua ad jejunandum non sint adstricti, jejunent, aut ad judicium sui Confessoris in alia pietatis opera commutent. Ac etiam eadem die, qua jejunabunt, vel (ut præmittitur) jejunare deberent, si sint Clerici septem Psalms vel Missam: si Laici, septem Pater noster, & septies Ave Maria, dicere sint adstricti, vel alia pietatis opera judicio sui Confessoris agant. Quod si conventus tales sint, qui nihil in communi possideant, vel alia personæ victum vera mendicitate quærentes, seu alias contribuere non valentes, ne hujus spiritualis muneris sint expertes, si ultra jejunium (ut prædicitur) observandum singulis diebus unius anni, prædictos Psalms & Missas, si Clerici: si Laici, prædictas orationes, cessante legitimo impedimento, eo modo quo supra exprimitur, suppledo, dixerint, vel alia pietatis opera sui Confessoris judicio (ut præmittitur) exercuerint, ac pro felici hujus negotii consummatione Deum supplexiter exoraverint, eandem plenariam remissionem consequantur. Erogantibus autem ad idem opus, quantum una die pro se sue quæ familiæ expensis expendere, vel si de propriis viverent exponerent, septem annos & totidem quadragenas de injunctis sibi poenitentis elargitur. Et ut hi omnes ad hujusmodi Indulgentiæ gratiam aptiores existant, omnibus Sacerdotibus Sæculari-

bus & Regularibus, alias discretis, quos in Confessores pro hujusmodi consequenda Indulgentia elegerint, indulget, ut confessionibus eorum auditis, a quacunque excommunicationis, suspensionis & interdicti sententia, a jure vel constitutione, seu etiam non nominatim sed generaliter ab homine lata, & a quibuscunque aliis, propter quæ etiam Sedes Apostolica merito esset consulenda, impolita satisfactione & restitutione iis, quorum interest, facienda, salutarem injungant poenitentiam, & debitæ absolutionis, in foro poenitentiali dumtaxat, in forma Ecclesiæ, beneficium impendant. Quam satisfactionem ac restitutionem, si infra terminum a Confessore statutum facere neglexerint, hujusmodi Indulgentia in nullo suffragetur. At cum Clericis super irregularitate occulta, alias quam ex bigamia, vel homicidii voluntaria causa contracta, dispoſent. Super votis vero peregrinationis seu abstinentiæ aut aliis similibus, quæ ipsi Fideles emiserint, etiam si ultramarina, aut alia loca, seu Limna Sanctorum Petri & Pauli, ac Jacobi Apostolorum visitare voverint, seu alias non impletis, dispensandi eisdem Confessoribus etiam facultatem concedit: ita tamen, quod ipsi cum quibus taliter dispensari contigerit, expensas, quas ad Loca hujusmodi, vel pro aliis votis implendis, juxta ipsorum Confessorum taxationem, fecissent, ad hanc causam contribuant. Et ut nulla cuiquam peccati rubigo remaneat, vult & indulget hæc Sancta Synodus, ut quicumque ex usurario vel non debito quæstu, seu qualitercunque illicite aut indebite aliquid percepisset, seu bona ablata aut quævis incerta possideat, si non extent, vel ignorentur personæ, quibus facienda esset restitutio, aut res quascunque tenentes, cujuscunque status, aut regionis existant, in quorum detensione conscientia eorum gravantur, vel quæ de jure ad pias causas per Ecclesiam deberent exponi hujusmodi res & bona, seu valorem, nec non & qui arma vel alia prohibita Infidelibus seu Hæreticis portaverint, lucrum, quod inde perceperunt, ad hoc opus juxta suam, & sui Confessoris conscientiam & æstimationem, tradere teneantur, Jubet insuper eadem Sancta Synodus, ut habita hujus Decreti notitia, omnes Dioecesani in Cathedralibus, Collegiatis, & parochialibus,

libus, in quibus eis visum fuerit, ac etiam Generales Oedinum mendicantium in conventualibus Ecclesiis eis subiectis, mox disponant; quatenus verbum Dei per Prædicatores idoneos ad populum annuncietur, prædictas Indulgentias publicando, & fideliter exhortando ad subsidium in tam piissima causa impendendum, quibus Prædicatoribus & Prædicationem audientibus, ac etiam omnibus aliis, qui circa prædictam æstimationem, subsidium aliquid vel auxilium in hac re dederint, centum dies de iunctis poenitentibus, singulis vicibus in forma Ecclesiæ relaxat. Ne autem in colligendis, ac conservandis pecuniis fraus aliqua committatur, ordinat Sancta Synodus, quod in qualibet Cathedrali in Civitatibus, in oppidis vero & aliis locis in principali Ecclesiâ unus cippus, truncus vel capsâ ponatur, ubi tanquam in gazophilacio Domini, quilibet pecunias erogandas, ac incerta, & ablata seu illicitè quæsitâ reponere possit & debeat: cujus sint tres claves, quarum unam teneat Episcopus, vel cui voluerit ipse committere, pro quolibet truncus in omnibus locis Civitatis & Diocesis, Capitulum aliam in Cathedrali, Prælati seu rector in principali, tertiam timoratus aliquis vir, quem Civitas, oppidum seu locus deputare voluerit, qui diebus per eos statuendis, talem ipsum truncum vel capsam coram Notario, vel duabus fide dignis aperiant personis, & pecunias ad fidem manus deponant, eas sine fraude, diminutione vel contractione illi vel illis assignaturi, quas hæc Sancta Synodus ad hoc deputaverit. Quod si in campestribus locis vel alibi periculum seu detrimentum in conservatione pecuniarum, per modum superius expressum, verisimiliter timeretur, Diocesani vel ad colligendum huiusmodi pecunias ab hoc Concilio deputandi (prout magis expediens visum fuerit) utiliter provideant. Quicumque autem etiam si Pontificali aut Papali præfulgeat dignitate, fraudem, furtum sive rapinam circa prædictas pecunias, seu impedimentum ex proposito & malitiose in hoc sanctissimo opere fecerit, ultra indignationem Omnipotentis Dei & reatum supremi sacrilegii, sententiam Excommunicationis incurrat, a qua, nisi prius plenaria facta restitutione, & impedimento sublato, absolvi non possit. Vult autem hæc Sancta Syno-

dus, quod elapso biennio a die præsentis Decreti, prædictæ Indulgentiæ ac facultates nemini concedi valeant, præterquam in mortis articulo, quoad illos qui infra biennium (ut supra dictum est) contribuerint. Quodque personis illis, quæ sub spe huius gratiæ & Indulgentiæ aliquid commiserint, in nullo huiusmodi gratia & specialis concessio suffragetur. Et quia difficile foret præsentem Literas singulis exhibere, decernit hæc Sancta Synodus, ut earum transumpto, manu publica, autoritate Archiepiscopi in tota Provincia, & Ordinarii in sua Diocesi, proprio sigillo munito, tanquam Literis originalibus plena fides in omnibus adhibeatur. Datum in Sessione publica huius Sanctæ Synodi solemniter celebrata in majori Ecclesiâ Basileensi decimo octavo Calendas Maii, anno a Nativitate Domini millesimo quadringentesimo trigésimo sexto.

ARTICULUS IV.

An Capitulum vel ejus Vicarius Sede vacante possit Indulgentias concedere.

MIRUM non est dubium hoc sub disinctione proponi, quia licet spectato jure communi, non teneatur Capitulum Sede vacante Vicarium constituere, sed possit per se ipsum jurisdictionem ad se devolutam exercere. *Argum. Cap. Si Episcopus de supplicanda negligentia Prælatorum in 6.º de jure tamen novo debet Vicarium idoneum infra octo dies a morte Episcopi deputare, vel jam existentem confirmare; alias ea deputatio ad Metropolitanum devolvitur = Capitulum Sede vacante (decernit Tridentinum sess. 24. cap. 16. de Reformatione) = Officiale, vel Vicarium infra octo dies post mortem Episcopi constituere, vel existentem confirmare omnino teneatur, qui saltem in jure Canonico sit Doctor, vel Licentiat, vel alias quantum fieri potest idoneus. Si secus factum fuerit ad Metropolitanum deputatio huiusmodi devolvatur.*

Potestatem dandi Indulgentias habere Capitulum propugnant Bologninus de Indulgent. num. 40. Sylvius verbo Capitulum.

lum num. 10. Maranta in *Medulla Decreti*. Sed hæc sententia nobis non arridet, unde

Conclusio sit. Capitulum vel ejus Vicarius, Sede vacante, non potest Indulgentias concedere. Ita Palasius in *Tr. 24. puni. 6. nu. 2.* Granado, Henriquez, Calderinus in *Cap. Nostro de Penit. & Remissionib.* Suarez in *3. par. tom. 4. disp. 55. sect. 4. n. 5.* Bonacina apud Passerinum *quest. 86. num. 631.*

Prob. Capitulum Sede vacante, vel ejus Vicarius succedit Episcopo in jurisdictione necessaria ad Ecclesie regimen, non autem in voluntaria; est enim necessarius, & non voluntarius administrator, ut habetur ex *Glossa in Clement. 1. in verbo Capituli de Hæresic.* & a fortiori in iis quæ sapiunt gratiam juxta *Glossa in Cap. 1.º Verbo Presentatos de Institut. lib. 6.* Porro concedere Indulgentias, non pertinet ad jurisdictionem Episcopo necessariam ad gubernium Ecclesie, sed sapit gratiam. Non ergo Sede vacante, Capitulo velejus Vicario convenit posse Indulgentias Christianidelibus largiri.

Obijcies. Non fuisset specialiter provisum bono particularium Dioecesum, si Sede vacante per obitum Episcopi, non posset fieri thesauri Ecclesie per Indulgentiarum concessiones dispensatio; oporteret enim illarum Dioecesum Fideles Indulgentias percepturos vel Romam, vel ad alias Dioeceses migrare. Ergo Sede vacante, Capitulum vel ejus Vicario competit Indulgentias concedere.

Resp. non probari, quod bono particularium Dioecesum non fuisset provisum, supposita veritate nostræ Conclusionis. Tum quia dictum tempus breve est, ac proinde tanta non urgeret necessitas, ut eo durante, deberet spirituale illud beneficium conferri, quod fortasse viventibus Episcopis concederetur. Tum quia aliæ vigerent hujusmodi concessiones, vel Summorum Pontificum, vel Episcoporum, qui obijciunt.

ARTICULUS V.

An Prælati Episcopo inferiores gaudeant potestate concedendi Indulgentias.

PRÆLATI Episcopo inferiores intelliguntur 1.º Abbates, ut constat ex *Cap. Decernimus de Jureiur.* ibi = *sed Episcopi Abbates Archiepiscopi, & alii Ecclesiarum Prælati, sive Seculares, qui Clericos & Laicos habent subiectos, in quos jurisdictionem quasi Episcopalem exercent: sive Regulares, qui Monachorum regimini præstuntur,* = & etiam ex ratione, quia autoritas ad illud munus obeundum eis competit ratione officii & dignitatis, & consuetudinis immemorabilis, habent enim pastorale munus Sedis Apostolicæ autoritate institutum. Ubi autem hoc reperitur, jurisdictionem in subditos dari, compertum est, uti docent Panormitanus *Cap. Cum Ecclesiar. de Officio Ordinarii.* Bartholus *L. Ambitiosa num. 34. 55. de Decret. ab Ordinario faciend.*

Alii pariter 2.º intelligi possunt, ut Generales, Provinciales, Priores, Præpositi, Guardiani, alique Superiores Regulares quocunque alio titulo decorati, uti de Superioribus Ordinum Mendicantium, habetur ex *Glossa in Cap. Nullus, verbo Prælatum* & alia *Glossa in Clem. 1. in verbo Prælatum eod. tit.* in quibus dicitur, quod Guardiani Fratrum Minorum, & Priores Ordinum Mendicantium dicuntur obtinere prælaturam, & dignitatem. Imo Prædicti Superiores tam Mendicantium Ordinum, quam non Mendicantium, quoad potestatem jurisdictionis, quam obtinent supra subditos, juxta tradita per Tamburinum *Tract. de Jure Abbas. disp. seq. c. 8. num. 3.* veniunt nomine Abbatum, & colligitur ex *Cap. Cum olim de præbendis & dignitatib.* ubi Gregorius IX. Priori Conventus Ordinis Prædicatorum delegat causam ibi contentam. Delegatus autem Summi Pontificis debet esse in Ecclesiastica dignitate constitutus *Cap. statutum de Rescript. in 6.* Quamquam aliter dicendum sit quoad ea, quæ spectant ad potestatem Ordinis & dignitatis Episcopalis ab Abbatibus partici-

pe-

patam, siquidem neque Mitra neque Baculo Pastoralis, aliisque Pontificalibus Infulis uti valent: ac per consequens nec Ordines conferre, vel alia munera obire, quæ hujusmodi insignis nequeunt exerceri. Insuper neque in Synodis aut Conciliis gaudent voto consultivo, aut in functionibus tam Ecclesiasticis, quam secularibus adhibentur, sicut Abbates.

Cæterum, cum Abbates aliquæ Superiores Regulares gaudeant jurisdictione supra personas sibi subiectas, revocatur in dubium: an ea possit ad concessionem Indulgentiarum se extendere?

Michael Medina *Disp. 6. cap. 29.* affirmat, Abbates, Generales ac Provinciales Ordinum Regularium gaudere potestate dandi Indulgentias suis subditis; quem dicendi modum amplectitur Rodericus in *Questionib. Regularib. & Canonicis to. 2. qu. 86. artic. 1.º*, idque exponit his verbis: *Dico, quod loquendo de Prælati Religionum habentibus jurisdictionem Episcopalem, quales sunt Generales & Provinciales, eos habere auctoritatem ordinariam jure Divino concessam, ad largiendas Indulgentias; licet enim Corduba teneat partem negativam, partem tamen affirmativam teneat Michael de Medina, & ut probabilissimam amplectitur, a qua sententia, cum sit pia, nolo recedere; eo præsertim, quod in Religionum tutelam ac patrocinium excogitata sit.* Nec obstat suæ assertioni, contendit Rodericus, consuetudinis defectum; subdit enim: *Consuetudinem usum tollere, non tamen jus utendi: adeoque si Prælati Episcopo inferiores Indulgentias attentarent, procul dubio in suo robore subsisterent.*

Conclusio. Prælati Episcopo inferiores non possunt de jure communi Indulgentias suis subditis concedere. Ita D. Th. in 4. dist. 20. art. 4. qu. 1.º D. Bonaventura ead. dist. art. 1. qu. 3.º Suarez to. 4. in 3. part. D. Thom. *Disp. 55. sect. 4. nu. 1.º* Pafkerin. qu. 86. num. 630.

Prob. 1.º ex Capite *Accedentibus de excessib. Prælati*, in quo Innocentius III. nonnullos Abbates reprehendit, qui hujusmodi potestatem Episcopis propriam sibi arrogare non dubitaverant. Ergo eis non convenit suis subditis Indulgentias elargiri.

Dices cum Roderico = Ibi reprehenduntur Abbates, dantes Indulgentias, non quidem exempti Regulares, sed Abbates subditi Episcopis: cognoscentes insuper de causis matrimonialibus, & beneficiis; & si erant Abbates exempti (quod ego non admitto,) erant quidam Prælati locales, non habentes jurisdictionem quasi Episcopalem: reprehenduntur, quia concedebant Indulgentias non solum suis subditis, sed etiam secularibus, & Religiosis sub aliorum jurisdictione militantibus = His addit Medina, eos duntaxat Abbates reprehendi, qui non servabant legem a Concilio Lateranensi IV. statutam.

Respondemus, in supralaudato Capite prohiberi, Indulgentias fieri per Abbates, ut Episcopali consuleretur dignitati. Quæ ratio militat pro quibuslibet Prælati, sive secularibus Episcopo subiectis, sive Regularibus ab Episcopali jurisdictione exemptis: quamobrem prohiberi ibi non immerito contendimus, Indulgentias factis juxta limites Concilii Lateranensis; alias redargui non deberent Abbates ab Innocentio Pontifice, eo quod suis finibus non contenti, ad ea, quæ erant propria dignitatis Episcopalis, manus extenderent = *Accedentibus* (inquit Innocentius ubi supra) ad nos, de diversis Mundi partibus, Episcoporum querelis, intelleximus graves & grandes quorundam Abbatum excessus, qui suis finibus non contenti, manus ad ea, quæ sunt Episcopalis dignitatis, extendunt: de causis matrimonialibus cognoscendo: injungendo publicas penitentias: concedendo etiam Indulgentiarum litteras: & similia presumendo; unde contingit interdum, quod viles Episcopalis auctoritas apud multos. Voluerit igitur in his, & Episcoporum dignitati, & Abbatum providere: saluti, præsentis decreto firmiter prohibemus, ne quis Abbatum ad talia se præsumat extendere, si proprium voluerit periculum evitare; nisi forsitan quisquam eorum speciali concessione, vel alia legitima causa super hujusmodi valeat se tueri.

Prob. 2.º Illis competit de jure ordinario potestas concedendi Indulgentias, ad quos tanquam ad Ecclesiarum Pastores pertinet gubernium Ecclesiarum, inito, inter eosdem & Ecclesias, spiritali conjugio.

Cc

Por-

Porro Prælati Episcopo inferiores non sunt Sponsi Ecclesiarum, nec earundem regimen obtinent, sed duntaxat particularium Congregationum, vel potius familiarum. Non possunt ergo Indulgentias concedere. Quam rationem expendit D. Thomas in 4. dist. 20. art. 4. q. 1. his verbis = *Solus ille, qui præficitur Ecclesie, potest Indulgentias elargiri. Sed cum Ecclesia sit Congregatio Fidelium. Congregatio autem hominum sit duplex, scilicet OEconomica, ut illi qui sunt de una familia: & Politica, sicut illi, qui sunt de uno Populo. Ecclesia similatur Congregationi Politicæ, quia ipse Populus Ecclesie dicitur, sed Convocatus diversus, vel Parochia in una Diocesi si nilantur Congregationi in diversis familiis, vel in diversis officiis; & ideo solus Episcopus proprie Prælati Ecclesie dicitur...* & ideo solus ipse habet plenam potestatem in dispensatione Sacramentorum, & jurisdictionem in foro causarum, quasi persona publica; alii autem secundum quo seis committitur. Sed Sacerdotes, qui plebibus præficiuntur, non sunt simpliciter Prælati, sed quasi Coadiutores, unde in Consecratione Sacerdotum Episcopus dicit: *Quantofragilliores sumus, tanto magis vis auxilii indigemus; & propter hoc non omnia Sacramenta dispensant; unde Sacerdotes Parochiales, vel Abbates, aut alii hujusmodi Prælati non possunt hujusmodi Indulgentias dare* = Item docet D. Bonaventura in 4. dist. 20. par. 2. art. 1. qu. 3. conclusitque = *Concedendum igitur est, quod Indulgentias facere, non tantum non conceditur Laicis, sed etiam nec Sacerdotibus, nec Prælati inferioribus, ut Abbasibus, vel Prioribus* = Ergo Prælati Episcopo inferiores non possunt de jure communi suis subditis Indulgentias concedere.

Inferitur ex dictis, Vicarios Generales Episcoporum non gaudere jure ordinario potestate concedendi Indulgentias: idque communiter a Doctoribus recipitur, quia etiam Vicarii Generales prædicti potestatem non delegatam, sed ordinariam obtineant a jure, ac ratione officii, nec diversum ab ea, quam habent Episcopi, cum quibus unum idemque tribunal constitunt, non tamen habent jurisdictionem Episcopis collatam, ratione eximie dignitatis. Pasto-

ralis supra Fideles, non quidem necessariam aut contentiosam, sed mere voluntariam.

Obijcies 1.º contra Conclusionem. Prælati Episcopo inferiores gaudent jurisdictione quasi Episcopali: ideoque possunt suos subditos excommunicatione, aut suspensione ad meliorem frugem revocare, atque ubi expedierit, eandem hujusmodi vinculis irretitos absolvere. Si ergo tanta pollet jurisdictione, nequit assignari ratio, quare debeant Indulgentias faciendi potestate destitui.

Resp. ex quo hujusmodi Prælati possint absolvere a censuris, eisque subditos eorumque percellere, non inferri, posse eandem Indulgentias elargiri = *Minus est* (ait D. Thomas in 4. dist. 20. art. 3. in arg. sed contra) = *excommunicare, quam Indulgentias dare*.

Obijcies 2.º Prælati Regulares cujuslibet Congregationis possint bona opera subditorum extraneis communicare, seu alias personas ad participationem fructuum spiritualium eorumdem admittere, ut docet D. Thomas in 4. dist. 20. art. 4. quest. 1. = *Ille, qui Congregationi præest, inquit, potest opera illa communicare, applicando intentionem illorum, qui sunt de Congregatione sua* = & habetur ex Ivone Carnotensi, Anselmo aliisque Patribus, qui hujusmodi suffragia benefactoribus applicarunt, ut quorum temporalis, juxta doctrinam Apostoli 2. ad Corinth. 8., merebant, eisdem spiritualibus operibus retribuere. Quæ specialiter professe iis, quibus applicantur, habetur ex Concilio Constantiensis reprobande hanc Wicleffi propositionem = *Speciales orationes applicare uni personæ per Prælatos vel Religiosos, non plus profans est, quam generales cæteris paribus* = His autem applicare, est quoddam genus Indulgentiarum impertiri; vel saltem a pari proavare videtur, potestatem in iismet Prælati Indulgentias concedendi.

Resp. Prælatos Regulares ad participationem bonorum spiritualium suorum subditorum exteris personas posse recipere, citra dispensationem thesauri meritorum Christi & Sanctorum, auctoritate communi naturali, quam quilibet obtinet in bona vel sua, vel eorum, qui sibi commisi sunt; etenim sicut Religiosi in particulari possunt

cui-

cuiuslibet proprias orationes, atque satisfactiones applicare, ita Prælati Regulares illas possunt exteris personis communicare, etiam subditis specialiter non applicantibus. Hoc autem est suffragia pro aliis offerre, non vero Indulgentias concedere = *Dicendum est* (inquit Suarius *Disp. 55. sect. 5. num. 2.*) *quidquid in hoc genere Prælati Religiosorum aut possint, aut faciant, solum esse suffragiorum oblationes, seu donationes, non vero esse Indulgentiarum concessiones* *nam hæc duo diversa esse, manifestum est; nam quilibet persona privata potest offerre suffragium pro alio ex suis operibus: Indulgentiam autem concedere non potest, etiam per modum suffragii, ut ex supra dictis constat, & ex communi sensu Ecclesiæ. Alius possit unusquisque sua auctoritate Indulgentiam aliquam pro Defunctis concedere; quod est absurdum, & erroneum* =

Ad majorem hujus rei explanationem nota cum laudato Doctore, quædam suffragia esse oblata per modum impetrationis, aut meriti de congruo: alia per modum satisfactionis & solutionis. Ea, quæ primi generis sunt, manifestissime ab Indulgentiis differunt, siquidem poenas temporales in foro Dei debitas pro culpis immediate non remittunt, ut præstant Indulgentiæ. Secundi generis, aliqualem important cum Indulgentiis convenientiam, quatenus utrisque poenæ temporalis solvendæ compensatio exhibetur, in pluribus tamen distinguuntur. Primo, quia Prælati Regularis in iis nullo modo utitur Clavium potestate, neque ullam tribuit absolutionem, aut relaxationem, ut fit in Indulgentiarum concessionibus, sed simplicem solutionem duntaxat; quod est conforme ordinariæ legi obliganti hominem ad debitam satisfactionem, pro debito poenæ ex peccato relicte, vel per se vel per alium exhibendam. Indulgentiæ a lege ordinaria exorbitant, & quandam in jure Divino dispensationem includunt: ideoque nullum ad eas faciendas humanum jus est sufficiens, sed necesse fuit relinqui a Christo potestatem ad eas concedendas. Secundo, quia in Indulgentiis Christi merita Sanctorumque satisfactiones per potestatem super Ecclesiæ Thesaurum donantur; in communicationibus vero suffragiorum, etiam per

modum solutionis, fit dispensatio duntaxat de spiritualibus bonis particularis congregationis, ex autoritate communi & naturali in sua bona, aut sibi commissa, non vero per potestatem Clavium merita Christi & Sanctorum ex Ecclesiæ Thesaurò dispensantur. Tertio, quod hujusmodi bona spiritualia non debent esse jam facta, sed præsentia, vel in futurum facienda: per Indulgentias vero, non futuræ, sed præstitæ Christi Sanctorumque satisfactiones applicantur.

Objicies 3.^o Non videtur conveniens, degentes sub jurisdictione Abbatum habentium territorium separatam, & quasi Dioecesim, deterioris esse conditionis quam sint illi, qui Episcopis subduntur. Porro si Indulgentias concedendi potestas in Abbatibus minime reperiretur, eorum subditi deterioris essent conditionis iis, qui manent sub Episcoporum jurisdictione; ac per consequens dicta potestas Abbatibus non est deneganda.

Resp. degentes sub jurisdictione Abbatum habentium jurisdictionem quasi Episcopalem, non esse deterioris conditionis, quam sint subditi Episcopalis jurisdictionis, in iis enim subditi Episcopis reputantur, quia esto non sint de Dioecesi, sunt tamen in Dioecesi, in qua constituta sunt tales Ecclesiæ Abbaticæ, sicuti dicemus inferius *cap. 7. artic. 4.* de Regularibus, qui licet ex privilegio Sedis Apostolicæ Episcopis subditi non sint, in ordine tamen ad Indulgentias ab illis concessas, tales possunt esse, easque lucrari.

Ex his inferes id, quod de Prælati Episcopo inferioribus asseruimus, dicendum esse de Parochis. Tum quia non præsent nisi uni familiæ, & sunt quasi Prælatorum coadiutores. Tum quia minus est excommunicare, quam Indulgentias facere. Cum itaque Parochis datum non sit excommunicationis vinculo suos parochianos innodare, nec proinde eis convenire potest de jure communi Indulgentias concedere.

Quæres 1.^o An ex consuetudine præscripta Prælati Episcopo inferiores possint Indulgentias elargiri?

Prælatum Episcopo inferiorem ex consuetudine & praxi ea potestate gaudere putat Barbosa de *Off. & Potest. Episc. allegat. 88. num. 18.*, ac citat pro hac sententia Henriquez in *summa lib. 7. de Indul.*

dulg. cap. 21. §. 4. Augustinus de Ancona *Tract. de Ecclesiæ potest. quest. 29. art. 8.* Panvinus de *potest. cap. Sede vacante in 4. quest. principat. in princ.* Gambarà *dict. tit. quid possit Legatus circa Indulgent. nu. 2.*

Nos vero respondemus, ex consuetudine vel praxi præcise considerata non posse Prælatos Episcopos inferiores concedere Indulgentias, quod sentiunt Corduba *tr. 15. de Indulg. quest. 12.* Suarius *dict. scilicet. 4. n. 3.* quia potestas concedendi Indulgentias ob sui excellentiam Dei forum attingens, ob temporalem poenam peccatis debitam quam remittit, Summo Pontifici atque Episcopis concessa est a Christo. Ex consuetudine autem acquiri non potest id, quod obtingit de jure Divino. Ergo ex consuetudine præcise considerata Prælati Episcopo inferiores non possunt Indulgentias concedere.

Obijcies 1.^o In Cap. *Accedentibus de Excessibus Prælatorum*, post statutum, quod Abbatibus non conveniat potestas dandi Indulgentias, subditur = *Nisi forte ex concessione, vel alia legitima causa possint se tueri* = ubi Glossa dicit: *Nisi per consuetudinem*; & profecto prima pars, nempe *Ex concessione*, immediatam potestatem a Summo Pontifice collitam designat. Secunda: *Vel alia iusta causa*, aliud significare non potest, quam consuetudine. *r.* legitime præscriptam. Constat ergo posse ex consuetudine Prælatos Episcopo inferiores gaudere potestate concedendi Indulgentias.

Resp. 1.^o cum aliquibus Doctoribus apud Cordubam, textum *ex Cap. Accedentibus* prælatum nihil dicere de consuetudine; sed id Glossam addidisse secundum suam opinionem.

Resp. 2.^o quod etiam si per illa verba textus intelligeretur consuetudo secundum Glossam, ex eo tamen nihil inferri potest contra nostram sententiam. Duplex enim munus, præter Indulgentiarum largitionem, declaratur ibi Abbatibus non convenire: scilicet in causis matrimonialibus proferre sententiam; & poenitentias publicas indicere; deinde subditur: *Nisi ex concessione, vel alia legitima causa &c.* ita ut hæc verba ad tria insinuat capita referantur; quod ut verum sit, non exigitur quolibet ex illis actibus singillatim ac-

ceptum posse ex concessione, vel alia causa hujusmodi Prælati competere, sed solum unum aut alterum ex consuetudine, vel etiam concessione, alium ex concessione duntaxat: ideoque citra violentiam textus interpretationem salvatur, ex consuetudine oriri posse facultatem indicendi poenitentias publicas, atque judicandi in causis matrimonialibus, non tamen posse concedere Indulgentias.

Obijcies 2.^o Per consuetudinem potest jurisdictio comparari a non habentibus, *L. Viros C. de divers. offic. libr. 12. Cap. Cum contingat de Foro compet.*, & recte ostendunt Petrus de Marcha in *Concord. Sacerdotii, & Imperii libr. 3. capit. 9.* Thomas Bene de *Immunit. Ecclesiasticæ* dummodo subiecti incapaces non obstat. Cum ergo dare Indulgentias, sit actus potestatis jurisditionis, concurrente consuetudine cum suis requisitis, poterit ea potestas Prælatis Episcopo inferioribus concessi.

Resp. per consuetudinem acquiri jurisditionem, ex jure humano, non vero ex jure Divino proveniente: & de hac loquuntur textus, & Doctores citati, sicut consuetudo potest prævalere contra legem humanam; jurisdictio autem dandi Indulgentias oritur a jure Divino, contra quod consuetudo sicut nequit prævalere, ita nec jurisditionem hujusmodi communicare.

Dices. Sanctæ Romanæ Ecclesiæ Cardinales in Ecclesiis, eisdem in Titulum assignatis, possunt Indulgentias concedere: & de facto centum dies impertiuntur Fidelibus, in Ecclesiasticis functionibus, quibus assistunt occasione solemnium Festivitatum, lecto diplomate a Gæremoniariis Magistro, vel alio ad hoc munus obeundum specialiter deputato: hoc autem eis ex Summi Pontificis commissione minime competit; nullibi enim reperire est, aut in Sacris Canonibus, aut Constitutionibus Apostolicis privilegium hujusmodi: adeoque in consuetudinem refunditur, quæ valet hanc potestatem communicare.

Resp. duplici modo percipi posse consuetudinem ad potestatem dispensandi Indulgentias concurrere. 1.^o tanquam principium, seu causam per se & originem talis potestatis. 2.^o tanquam merum indicium, seu signum ejusdem, aliquando a Summis Pontificibus concessæ. Porro quam

quam nequeat a consuetudine prodire Indulgentiarum potestas, potest tamen consuetudo esse concessæ potestatis indicium; ut observat Suarius loco citato = *Probat efficaciter*, inquit, *ratio facta, consuetudinem ipsam non posse esse propriam ac per se originem talis jurisdictionis*. Nihilominus tamen *prescripta consuetudo, est indicium jurisdictionis aliquando concessæ a Summo Pontifice, quia non est verosimile in re tam gravi, propria auctoritate fuisse usurpatam, & tanto tempore tacentibus, & consentientibus Prælati continuatam; atque in hoc sensu sequitur Corduba, & juxta illa possunt intelligi illa ultima verba C. Accedentibus, si ad concessionem Indulgentiarum referantur* = Hinc colliges potestatem Cardinalium concedendi Indulgentias in Ecclesiis, quarum Titulis gaudent, non oriri ex consuetudine, sed hanc esse concessæ potestatis indicium. Quod vero de hoc, neque ex Sacris Canonibus, aut Constitutionibus Apostolicis constet, nihil refert; cum acquiescentia, & tolerantia Summorum Pontificum, qui certe non ignorant publicas hujusmodi concessionem a Cardinalibus fieri consuetas, non leve ad id potestatis communicatæ sit argumentum.

Non dubitamus tamen admittere, ex Sedis Apostolicæ privilegio, nonnullis Prælati Episcopo inferioribus prædictam facultatem convenire: & de facto eo privilegio gaudet Abbas Montis Virginis, ut habetur ex Brevis Urbani IV. incipiente *Ecclesia Romana* edito secundo Idus Septembris MCCCXIV., relato in libro inscripto: *Monte Vergine Sagro Abbatis Anuti Mistrulli*, editionis Neapolitanæ pag. mibi 317. b3 = *Nos itaque ob devotionem B. Mariæ Virginis gloriosæ in cuius honore dictum Monasterium est fundatum, vestris supplicationibus inclinati, usum Mitre, Baculi, Anuli, Sandalium, Chirothecarum, Tunice, Dalmaticæ, Benedictione solenni ad populum, Ordinatione Minorum, Indulgentia quadraginta dierum: benedicere etiam calices, & omnia alia ornamenta Ecclesiastica: & cognoscere de Matrimonio inter Vassallos, in quibus habetis spiritualia, tibi fili Abbas & Successoribus tuis, sit in perpetuum, quos postus signatos in-*

tendere cupimus, dummodo si bi, & eisdem Successoribus tuis, sit more, ac modo debito munus benedictionis impensum, & te, ac eos constet existere Sacerdotes, auctoritate presentium concedimus ex gratia speciali = Quod privilegium extendi putat Tamburinus in *Tract. de jure Abbatum* Tom. 2. *disput. 9. quæst. 2. n. 1.* ad ceteros Abbates aliarum Congregationum, quæ ejus privilegiorum communicatione fruuntur.

Idem privilegium Indulgentiarum dedisse Bonifacium IX. Priori Sancti Frigidiani Civitatis Lucensis, Cananico Regularium, octavo Idus Aprilis MCCC., Pontificatus sui anno duodecimo, colligitur ex Constitutione incipiente *Sacra Religionis* relata in *Lib. Privileg.* dictæ Congregationis pag. 274. = *Nos quoque* (inquit Bonifacius Pontifex) *cupientes reddere Domino Populum acceptabilem, & bonorum operum sectatorem, tuis in hac parte supplicationibus inclinati, Priori præfate Ecclesiæ pro tempore existentis, dum Missam & alia Divina Officia in Pontificalibus celebrabit, in sine dictarum Missarum & officiorum, universis & singulis Christi fidelibus prædicti adstantibus, relaxari quadraginta dies de injunctis eis penitentiis, de Apostolica plenitudine potestatis, facultatem plenariam tenore presentium elargimur, tibi que potestatem, populo prædicto adstante, concedimus, nunciare faciendi.*

Non dissimilem facultatem, Abbatibus Canonicorum Lateranensium concessisse S. Pius V. decimo sexto Cal. Februarii anno MDLXVI. habetur ex *Libro privilegior. dictæ Congregation.* eaque potestate usum fuisse anno MDCLIV. coram duodecim Sanctæ Romanæ Ecclesiæ Cardinalibus, die 2. Julii in festo Visitationis B. M. V. Dominum Joannem Chrysostomum Neapolitanum, in Templo Pacis ejusdem Monasterii de Urbe Abbatem, testatur Gabriel Pennot in sua *Tripart. hist. lib. 3. cap. 35. num. 4.*

• Ampliorem facultatem, quam fecerint Urbanus IV., Bonifacius IX. & S. Pius V. Abbatibus prælatis, concessit Cappellano Majori Regis Lusitanæ Leo X. datis Literis ad Regem Cal. Maii anno MDV. ut interdum posset concedere ducentos Indulgentiarum dies = *Denique Cappella-*

nus Major (sunt verba dicti privilegii) *vel ejus locum tenent, quotiescunque & ubicunque in Missarum Solemnitate, per predicationis ministerium, in tua & dictæ Regine presentia, per eundem Cappellanum Majorem, vel alium, publice proponi consigerit verbum Dei, illud proponent, omnibus vere penitentibus & confessis, ibidem presentibus, ducentos dies de injunctis eis penitentibus in Domino relaxare libere, & licite possit* = Quod confirmavit Clemens VII. Idibus Januarii MDXXIII. & Paulus V. die 17. Februarii, idem privilegium communicavit Cappellano Majori Regis Catholici.

Arbitrantur plurimi Doctores, ex Apostolicæ Sedis concessione Prelatos Regulares suis subditis posse Indulgentias largiri. Afferunt ad hujus sententiæ probationem, quod habetur in *Compend. Privilegior. Mendicant.* Verbo *Indulgentia Plenarie quoad Fratres §. ibi* = Leo X. concessit omnibus Provincialibus Fratrum Minorum de Observantia, quod, facta visitatione ordinaria in Conventibus sue Provincia, facultatem habeant concedendi Indulgentiam Plenariam omnibus Fratribus cujuslibet Conventus visitatis: & idem intelligitur de Monialibus Sanctæ Clare, & de Tertiariis in Congregatione viventibus = Circa quam concessionem advertunt, quod quamquam prædictum privilegii, um indultum fuerit Ministris Provincialibus vivæ vocis Oraculo, in praxi tamen & consuetudine positum esse, ut eo pariter Minister Generalis ejusque Commissarius utantur; quoniam concessum interioribus, non videtur Superioribus denegatum: maxime quum utrobique eadem ratio militat. Tradunt insuper Rodericus Tom. 2. qu. 86. art. 2. & Peyrinus in *Prælat. Regulari qu. 3. cap. 6. n. 16.* Gregorium XIII. idem privilegium dedisse, etiam vivæ vocis Oraculo Visitatoribus Societatis Jesu, ut habetur ex *Compend. Privilegior. dictæ Societatis.* Verbo *Visitatores.* Passerinus tamen qu. 88. num. 650. asserit, privilegium illud in dicto Compendio Romæ impresso minime reperiri, subdens, ibi minime esse hunc titulum *Visitatores*, quamquam sub titulo *Indulgentia §. 10.* prædictum Leonis X. privilegium ex Supplemento Minorum concessum referatur: addaturque: *Idem posse*

Visitatores peracta Visitatione. Tandem Peyrinus privilegium refert a Clemente VIII. emanatum pro Generali Minorum, ut quolibet triennio possit Fratribus & Sororibus Tertiariis, Fundatoribus, Conservatoribus & Procuratoribus dicti Ordinis Indulgentiam Plenariam impertiri, dando facultatem prædictis personis eligendi Confessarium, qui eas absolvat a casibus Episcopalibus, & censuris Ecclesiasticis: quæ esse vivæ vocis Oraculo factum Laurentio, tituli Sanctorum quatuor Coronatorum, Presbytero Cardinali, Ordinis Minorum Protectori, testatur ipse Peyrinus in *Constit. 9.* Clementis VIII.

Ceterum, an ex vi dictorum privilegiorum Provinciales Ordinis Minorum de Observantia, necnon Visitatores Societatis Jesu, ceterique hujusmodi superiores aliorum Ordinum Regularium, habentium communicationem in illis privilegiis & facultatibus, possint modo ita se gerere in ordinariis Visitationibus cum suis Religiosis visitatis, seu prædictis privilegiis uti, dubio remanet obnoxium; cui affirmative respondet Peyrinus, tum loco citato, tum in *Constit. Leonis X. §. 2.* quia hujusmodi facultates non videntur revocata per Constitutionem Pauli V. incipientem *Romanus Pontifex*, quæ abrogantur duntaxat Indulgentiæ personis Regularibus concessæ. Facultates autem supradictæ Indulgentiæ non sunt: & ex diversis non fit illatio *Cap. Ad audientiam, de Decimis.*

Nos tamen respondemus negative, quia licet hujusmodi facultates Indulgentiæ dici nequeant, ac per consequens in ea generali Pauli V. revocatione non comprehendantur, ut vult Peyrinus, tamen omnes facultates, privilegia, indulta, vivæ vocis Oraculo concessa, abrogata sunt a Gregorio XV. & Urbano VIII. juxta dicenda *cap. 12. Art. 4.* Ergo ex vi dictorum privilegiorum, Provinciales Ordinis Minorum de Observantia, necnon Visitatores Societatis Jesu, alique Provinciales aliorum Ordinum Regularium habentium communicationem in illis, non possunt modo ita se gerere in ordinariis Visitationibus cum suis Religiosis visitatis, & prædictis privilegiis uti.

Consulto dubium de prædictis privilegiis proposuimus, quia si aliqui Ordines Regu-

Regulares Literas Apostolicas ad id faciendum habuerint, aut post revocationes memoratas obtinuerint alia vivæ vocis Oracula, citra controversiam admitti debet, eorundem Superiores illis tuto uti posse, cum non reperitur Constitutio Apostolica post Urbanum VIII. euanata ea privilegia revocans.

ARTICULUS VI.

An simplices Sacerdotes ad excipiendas Confessiones approbati habeant potestatem concedendi Indulgentias in foro Sacramentali.

AFFIRMATIVE respondet Bartholomæus Fumus in *Summa aurea*, quæ *Armilla* dicitur, ita suam exponens sententiam verbo *Indulgentia* num 2. = *Quilibet Sacerdos Confessor*, inquit, *secundum Innocentium in Cap. Quod autem. Zabarell. in Clement. Religiosi, Panormitanus in Cap. Sicut dignum col. 12.* & alios, *in foro conscientie potest dare Indulgentiam sibi consentientibus; ideo bonum est, ut Sacerdos in Impositione dispenset cum confitente circa restituum penæ, si major esset imponentia, ut ibi dicit Panormitanus. Nec obstat Caput Accedentibus, cum similibus capitibus, quibus prohibetur dare Indulgentias; quia aliud est dare Indulgentias per Literas, aliud in Foro conscientie in absolutione penitentis per Sacerdotem, cui non est restricta potestas in Indulgentiis in foro penitentiali; licet sit restricta in foro exteriori per Bullas, vel publice concedere Indulgentias, ut Prelati faciunt; ut dicit Innocentius ibi supra. Potest igitur hoc modo Sacerdos indulgere dies & annos, prout vult, dummodo iuste & discrete faciat: & hoc potest Sacerdos facere vi Clavium. Idem docuit Maldonatus, eo ductus fundamentum, quod, qui Sacramentales Confessiones excipiunt, melius internas poenitentium dispositiones expendunt, ad quas Concilia, inquit, Indulgentias exposcunt, quam Episcopus & alii, qui externam tantum jurisdictionem plerumque exercent.*

Conclusio. Simples Sacerdotes ad excipiendas Confessiones approbati non habent potestatem concedendi Indulgentias in foro Sacramentali. Ita sentiunt communiter Canonistæ & Theologi.

Prob. 1.^o Cunctæ Indulgentiarum concessionis fieri debent ex Thesauri meritum Christi & Sanctorum; adeo ut ejusmodi spiritualia beneficia intelligi, nequeant citra dicti Thesauri dispensationem. Id autem non convenit nisi iis, quibus commissum est Ecclesiæ regimen. Ergo cum Sacerdotibus commissum non sit hujusmodi munus, non poterit eis dispensatio meritum Christi & Sanctorum in foro Sacramentali per Indulgentias convenire. Accedit 1.^o Ecclesiæ praxis; Sacerdotes enim, dum absolutionem a peccatis impendunt, a poenis temporalibus per dispensationem meritum Christi & Sanctorum nequaquam absolvunt. 2.^o Si tali potestate pollerent in foro Sacramentali Sacerdotes, taxationem vel limitationem habuissent in eorum dispensatione, uti providè sancivit Concilium Lateranense IV. de Episcoporum Potestate. Nullibi autem constat ex Sacris Canonibus fuisse limitatas Indulgentias a simplicibus Sacerdotibus concedendas. Sacerdotibus itaque in foro Sacramentali non convenit facere Indulgentias.

Prob. 2.^o Ex traditione, cum enim quidam ex Presbyteris D. Cypriani ætate, eam sibi potestatem arrogarent, ostendit S. Antistes *Epist. xii. ad Cler. Rom. data*, id Evangelio atque Episcoporum auctoritati ac veteri disciplinæ adversari = *Aud. o*, inquit, *quosdam de Presbyteris, nec Evangelii memores, nec quod ad nos Martyres scripserunt cogitantes, nec Episcopo honorem Sacerdotii sui & Cathedralæ reservantes, jam cum Lapsis communicare cepisse, & offerre pro illis, & Eucharistiam dare, quando oporteat, ad hæc per ordinem pervenire* = *Aperit* Episcopus duntaxat potestatem relaxandi poenitentiam canonicam adferibunt Concilia. Ancyana Synodus *Can. 5.* = *Episcopum*, inquit, *hanc habere licentiam oportet* = & Concilium Nicenum I. = *Postmodum licebit Episcopo de his aliquid humanius decernere* = Ergo non convenit simplicibus Sacerdotibus potestas concedendi Indulgentias in foro Sacramentali. Si tamen alicubi afferat Cyprianus, se non solum

solum, sed una cum Clero Lapsi pacem conferre, hoc ad positam refert, non ad Presbyterorum auctoritatem. Hinc facile deprehendes allucinatum Bartholomæum Fumum, asserentem memoratis Authoribus ad sue sententiæ patrocinium; illi enim volunt duntaxat, commissum esse Sacerdotibus ad Confessiones audiendas apprehatis, ita satisfactiones Sacramentales poenitentibus posse temperare, ut, quod superest secundum veterum Canonum disciplinam pro purgandis criminibus Divinæ Iustitiæ exhibendum, vel per opera supererogationis, vel per flagella in hac vita divinitus inflata, & patienter tolerata, posse relinquere persolvendum; & in eo se iis poenitentibus indulgere: quatenus eos eximunt a Canonum poenitentiarum rigore, seu (ut verbis utar Innocentii) *provident tantum diversos modos liberandi a poenitentia*.

Objicies. Quilibet Sacerdos in foro interiori, poenitenti satisfactionem injungens, eum ligat. Ergo potest a satisfactione eundem eximere, cum ejusdem sit solvere, cuius est ligare.

Resp. ex poenitentia injuncta poenitentibus in foro interiori minime colligi posse in Sacerdotibus potestatem dandi Indulgentias; non raro siquidem inferior ligat, quod solus superior potest solvere, quia scilicet circumstantia, quæ ad publicum bonum pertinet, in solutione reperitur, quæ tamen, ubi quis ligatus est, non occurrit.

ARTICULUS VII.

An Archiepiscopus in tota Provincia possit Indulgentias concedere?

CONCLUSIO. Archiepiscopus potest concedere Indulgentias pro sua Provincia, eo modo quo Episcopus pro sua Diocesi.

Prob. Ex *Cap. Nostro de Poenitent. & Remissionib.* ubi Honorius III. super hoc requisitus ita respondit. *Nostro pastoralis certificari responsio, utrum per tuam Provinciam possis concedere remissionis litteras generales. Nos igitur tue Fraternitati breviter respondemus, quod per Provinciam tuam libere potes bu-*

jusmodi concedere litteras: Ita tamen, quod statum generalis Concilii non excedas. Potest ergo Archiepiscopus in tota sua Provincia Indulgentias concedere.

Nec dicas cum Abbate Panormitano, quem sequitur Cironius, statutum hoc procedere, quando Archiepiscopus in Provincia munus Visitatoris exequitur, cum tunc duntaxat, sicut potest subditos Suffraganeorum Episcoporum corrigere, ita eisdem & Indulgentias donare. Honorius enim Pontifex absolute & generaliter iuxta dubium sibi propositum loquitur, adeoque citra limitationem est intelligendus.

Hinc bene observit Cistopala *tr. 24. par. 5. num. 8.* quod facta ab Episcopo, vel alio ex ejus auctoritate concessione quadraginta dierum Indulgentiarum in propria Diocesi, possit Archiepiscopus illius Provincie aliam Quadragesimam superaddere; quia in hoc nec Archiepiscopus procederet ut Delegatus Episcopi, nec e converso, sed uterque, ea qui gaudet autoritate ordinaria, Ecclesie Thesaurum dispensaret.

Quod de Archiepiscopo supra statuimus de Indulgentiis pro tota sua Provincia, nequit ad ejus Coadiutorem extendi, juxta Responsum a Sacra Congregatione Concilii sub die 31. Januarii MDCLXI. emanatum, relatum a Barbosa *Summ. Verb. Indulgentia*.

Objicies 1.^o contra Conclusionem. Non omnes degentes in Provincia se habent tanquam subditi Archiepiscopi; subjectionem vero desiderari ex parte eorum, quibus Indulgentia conceduntur, habetur ex *cap. Quod autem de Poenitentia & Remissionib.* Quamobrem sicut ob subjectionis defectum dequit Archiepiscopus Judicis ordinarii manus obire respectu omnium, qui sunt de sua Provincia. *Cap. Pastorali de Offic. Ordinarii.* aut citra appellationis articulum, partibus etiam consentientibus aliquid cognoscere; exceptis duntaxat quibusdam casibus in jure expressis, ut loquitur Marcus Antonius in *praxi cap. 70. nu. 6.* ita nec Indulgentias concedi in sua Provincia degentibus impertiri.

Resp. Indulgentiarum concessionem spectare ad jurisdictionem voluntariam, ac proinde omnes intra Provincie terminos existentes, quantum ad hunc actum, esse

ac reputari subditos Archiepiscopi = *Subditi intelliguntur Archiepiscopi*, inquit Hofiensis, *non tantum illi, qui habitant in Diocesi, sed in tota sua Provincia* = Quod vero ea munera, quæ in Argumento commemorata sunt, nequeat præstare Archiepiscopi, provenit ex eo, quod important jurisdictionem contentiosam.

Objicies 2.^o Primas in toto Regno, & Patriarcha in sua Patriarchali Provincia nequeunt Ecclesiæ Thesaurum per Indulgentias dispensare. Nec ergo Archiepiscopi id poterunt; ne quod minori dignitate polleant conceditur, in sublimiori gradu constitutis denegandum sit.

Resp. Patriarchas & Primates non habere eandem auctoritatem in suis Patriarchalibus Provinciis, ac Regnis, quam obtinent Archiepiscopi in Diocesium suorum Suffraganeorum (quanvis quatenus sunt Archiepiscopi in Archiepiscopalibus Provinciis eadem gaudeant) idque maxime verum est de facultate dandi Indulgentias; ea enim in jure non legitur attributa hujusmodi Prelatis pro suis Provinciis Patriarchalibus ac Regnis, sicut Archiepiscopis pro suis Archiepiscopalibus Provinciis nescitur communicata.

ARTICULUS VIII.

An Legatus Sedis Apostolicæ & Major Penitentiarius Summi Pontificis gaudeant facultate concedendi Indulgentias.

AD propositi dubii solutionem, de Legato Summi Pontificis, observandum primo est, quod Legatus a *legando*, imo & a *legendo* dictus est, quasi prius lectus & electus ea, quæ apud longinquas regiones a Principe seu a Republica, vel ab alio quovis agenda essent, publica seu illius, a quo mittitur, auctoritate ipse pertractet; occurrunt siquidem plura negotia, quæ nequeunt nisi per Legatos cum absentibus expediri, quia periculis foret obnoxium ea literarum fidei commendare, quæ magis congruum est explorare, præsentique colloquio desinire. Hinc

apud varias Nationes Legati officium invecum comperimus, ad publica live pacis, live belli negotia pertractanda; adeo ut ii, quibus munus legationis injungebatur, Legati cum additione talis Provinciæ dicerentur, ut Legatus Ciliciæ in *L. testium* 3. *versu* Ideoque ff. *de testibus*. Legatus Galliæ in *L. 2. ff. de jure communi*. Legatus Numidiæ in *L. Nam* 7. ff. *de legat. præstand.*

Observandum 2.^o est, etiam in Ecclesiæ Romana prioribus sæculis Legatorum auctoritatem viguisse; quantumvis impij Heterodoxi putidis viciis eorum nomen irridere contendant. Cum enim Romani Pontificis munus sit omnibus Ecclesiis pastoralis sollicitudine consulere, juxta textum in *Cap. Cum instant de Censib.*, & ad Ecclesiarum negotia peragenda ejus auctoritas desideraretur, recte fuit constitutum, ut ipse Pontifex, qui alias non poterat omnibus Ecclesiis personaliter interesse, selectissimos viros opere & sermone potentes ad eandem Ecclesiæ dirigeret, qui tanquam Pontificis Vicarii legationis officium exercerent, gravissimaque negotia ad spirituales Christi fidei utilitatem expedirent; ut in Conciliis in Oriente celebratis Nicæno, Ephesino, Calcedonensi aliisque contigit. Vide de his legationibus Crespetium in *Summa verbo Legatus*, & Petrum de Marcha lib. 5. *Concord. Sacerdotii & Imperii*.

Observandum est 3.^o Legatorum Sedis Apostolicæ tria esse genera. Alii sunt Legati Nati, quorum certæ dignitati, quam in Ecclesiâ obtinent, munus legationis est annexum, ac proinde cæteris aliis legationibus diuturnius. Natorum enim legatio quia beneficio adheret, tandiu durat, quandiu Legati illud possident *Cap. Antiqua de Privilegiis*, cum aliorum legato personis duntaxat adhereret, ac post elapsum tempus illis præstitutum expiraret: & tales sunt, Archiepiscopus Salisburgensis in Germania, Archiepiscopus Rhemenfis in Gallia, Archiepiscopus Toletanus in Hispania. Alii sunt Legati a Latere, quos Laterales vocat Yvo Carnotensis in *Epist.* 109, quia a Summi Pontificis Latere mittuntur, ut ait S. Leo Pontifex in *Epist.* 14. *ad Faustum* illis verbis = *Cum propter causam fidei, quam Eutyches perturbare tentavit, de Latere meo mitterem, qui defensionem*

D d

fioni

fonti veritatis afflueret = dicuntur enim circa latus Principis agere ii, qui in ejus comitatu sunt, sicut apud Possidium in *vita. Sancti Augustini* de Judice Africa ab Honorio Imperatore dato, ita legitur = *Propter quod perficiendum etiam de suo latere Tribunalum & Nosarum Marcianellinum ad Africanam justitiam miserat* = & ideo Cardinales ad obeundum alicubi legationis officium destinati, Legati a Latere dicuntur *Cap. volentes* 3. *de off. Ordinarii Lib. 6. Cap. Si Abbatem* 36. *de Election. eodem libro*, quia de corpore ipsius Pontificis, & ad latus ejus sunt *Cap. quisquis* 6. *qu. 1. Clement. Felicis de pennis*; licet olim necessarium non esset, ut Legati a Latere præclara Cardinalatus dignitate fulgerent. Alii sunt Legati Nuntii, qui non sunt Cardinales, mittuntur tamen ad aliquam Provinciam, ut ibi munus legationis exercent. Hinc non omnes Ecclesie Prælati, qui Pallii honore a Summo Pontifice decorantur, Legati creantur; quam enim Pallium plenitudinem Pontificalis dignitatis significet, non tamen eo decorati legationis officium nanciscuntur, ut probat Cironius *lib. 1.º Observat. cap. 7.º* His observatis sit

Conclusio 1.ª Legati Nati intra sue legationis terminos non possunt concedere Indulgentias.

Prob. Si facultate dandi Indulgentias Legati Nati gauderent, vel id eis ex officio, vel ex peculiari privilegio seu concessione Summi Pontificis conveniret. Primum dici non potest; quia in jure nihil reperitur, quod evincat, prædictos Prælatos intra terminos suarum legationum potestatem dandi Indulgentias obtinere. Insuper, quia competit ex officio Archiepiscopis in suis Provinciis, nec non Episcopis in suis Diocæsisbus Indulgentias elargiri, ad evitandos hujusmodi concessionum excessus, constat, in jure utrisque Indulgentiarum terminum fuisse præfixum *Cap. Cum ex eo de Penit. & Remiss. cap. Nostro cod. titulo*. Nullus autem Indulgentiarum terminus præscriptus est in jure Legatis Natis. Nec potest dici secundum, cum non expendantur in Curia Romana Literæ Apostolicæ, quibus Legatis Natis hujusmodi facultas conferatur. Ergo Legati Nati intra sue legationis terminos non possunt Indulgentias concedere.

Conclusio 2.ª Legati sive a Latere, sive Nuntii Sedis Apostolicæ possunt Indulgentias concedere intra terminos suarum legationum. Ita communiter sentiunt Doctores.

Prob. ex praxi & consuetudine Ecclesie, qua edocemur non raro hujusmodi Prælatos, intra propriarum legationum terminos, Christianidelibus Indulgentias despondere. Consuetudo autem legitime præscripta, ut in præcedenti Articulo diximus ex Suario, est indicium jurisdictionis aliquando concessæ a Summo Pontifice; quia non est verosimile in re tam gravi id propria auctoritate fuisse usurpatum, & tanto tempore tacentibus, & consentientibus Summis Pontificibus continuatum. Ergo Legati, sive a Latere, sive Nuntii possunt intra suarum legationum terminos Indulgentias Christianidelibus concedere.

Cæterum, an id ex jure communi, an potius ex speciali, & ex concessione Summi Pontificis Legatis sive a Latere, sive Nuntiis conveniat, non una est Doctorum sententia. Navarrus in *Comment. de Indul. & Jubileo Notab. 31. num. 3.* hanc Legatorum potestatem censet esse ordinariam: ita tamen, ut unum annum Indulgentiarum in Basilicatum Dedicationibus, in aliis vero occasionibus quadraginta dierum terminum non excedant. Suarius tamen *disp. 55. num. 3.* hoc Navarri assertum vocat incertum, nulloque juris præsidio roboratum = *Navarus*, inquit, *dicto num. 3. significat cum* (nempe Legatum) *habere potestatem ordinariam, nam illum vocat ordinarium Judicem in hoc foro, æque ac Episcopum, & cum eadem limitatione. Sed id nullo jure probat, cum tamen certum videatur, Legatum Pontificis non comprehendere in citatis juribus nomine Episcopi, vel Archiepiscopi, sunt enim munera & jurisdictiones valde diversæ: & ideo ex vi juris communis non videtur Legatus habere hanc potestatem: quia neque in toto tit. de officio Legati, neque in alio textu communis hæc potestas eis conceditur. Semper tamen habens illam ex commissione Pontificis. Non constat autem mihi, an juxta ritum, vel consuetudinem Romanæ Curie intelligatur concessa, eo ipso quod aliquis in Legatum destinatur, quanvis nihil aliud exprimitur, vel semper fiat specia-*

cialis concessio. Et simili modo incertum est, an eadem quantitas eis definita sit, quæ Episcopis, & Archiepiscopis, vel major concedatur ex vi numeris, aut arbitrio Pontificis: ac denique, an hæc potestas ita eis concedatur, ut possint eam aliis delegare, vel tantum per se exercere: & ex horum resolutione pendet, an hæc potestas in eis sit ut ordinaria, vel tantum delegata.

Nos vero cum Suario convenimus in eo quod ait: hujusmodi Legatos, de quibus ipsemet loquitur, habere potestatem concedendi Indulgentias intra suarum legationum terminos ex Summi Pontificis commissione; asserimusque præterea semper eis speciale fieri concessionem dictæ facultatis, ampliorem profecto, quam quæ Archiepiscopis & Episcopis in jure constituitur, ita ut Legati a Latere, Christianidelibus poenitentibus & confessis, & sacra Communione refectis, qui in una anni festività quancunque Ecclesiam ab ipsis designatam visitaverint, ibique oraverint septem annos Indulgentiarum & totidem quadragenas possint concedere = *Utriusque sexus Christianidelibus vere poenitentibus & confessis, ac Sacra Communione refectis* (sunt verba Literarum Apostolicarum, quæ juxta stylum Sedis Apostolicæ dantur Legatis a Latere) *qui quascunque Seculares, & Regulares Ecclesias, in una anni festività, & una vice tantum visitaverint, nec non ibi pias preces Altissimo effuderint, septem annos & totidem quadragenas de injunctis eis poenitentibus: ita quod postea iterum, & pluries, prout sibi videbitur id concedere possint, misericorditer in Domino relaxandi facultatem & auctoritatem concedimus* = Legati vero Nuntii Christianidelibus pia opera exercentibus centum aut plures dies Indulgentiarum citra annum: eisdemque poenitentibus & confessis, & Sacra Communione refectis, qui in una vel duabus Ecclesiis festivitatis ejusdem anni easdem devote visitaverint, ibique oraverint, septem annos Indulgentiarum possint despondere, ut habetur ex verbis Literarum Apostolicarum, quæ juxta stylum Sedis Apostolicæ expédiuntur pro Legatis Nuntiis, ibi, = *Omniibus utriusque sexus Christianidelibus ad pia & salutaria opera exercenda centum aut plures dies*

citra annum: nec non vere poenitentibus & confessis, ac Sacra Communione refectis, qui quascunque Seculares, vel Regulares Ecclesias, vel Cappellas, in una, vel duabus anni festivitatis duntaxat a primis Vesperis usque ad secundas Vesperas & occasum cujuscunque diei festi visitaverint, & pro unione Christianiorum Principum, ac fidei Catholicæ propagatione preces Altissimo effuderint, quo die id egerint, septem annos & totidem quadragenas aut infra de injunctis poenitentibus, seu quæ merito injungi deberent, misericorditer in Domino relaxandi: ita ut relaxatio hujusmodi semel tantum pro una Ecclesia, vel Cappella fiat, etsi pro duobus festis diebus concedatur ad triennium; pro uno vero festo concessa ad quinquennium tantummodo debeat perdurare, facultatem & auctoritatem concedimus.

Conclusio 3.^a Major Poenitentiarius Summi Pontificis potest Indulgentias concedere centum dierum. Ita Lavorius *par. 2. cap. 11. num. 17.* Suarius loco mox citato.

Prob. quia quanquam ex jure nequeat hæc potestas in Majori Poenitentiario probari, consuetudo tamen legitime præscripta, sciente & tolerante Summo Pontifice servata, evincit, potestatem dandi Indulgentias in Majori Poenitentiario ex Summi Pontificis commissione reperiri; unde Paludanus *dist. 20. quæ 4. artic. 2. Conclus. 3.* refert, se audivisse Summum Poenitentiarium ita loquentem = *Auctoritate nostra ordinaria damus vobis centum dies Indulgentiæ.* Ergo Major Poenitentiarius Summi Pontificis potest Indulgentias concedere centum dierum. Illud tamen adnotari velim, Majorem Poenitentiarium posse centum Indulgentiæ dies potissimum quibusdam Hebdomada Majoris diebus Christianidelibus impertiri, qui se eidem submiserint poenitentiæ virga tangendos; ut habetur ex Constitutione Innocentii XII. incipiente *Romæ Pontifex*, edita tertio Nonas Septembris anno MDCLXXXII, recitata a Tiburtio Navar in *Manuductione ad Praxim execution. Literar. Sacr. Poenitentiar. part. 4.* ibi = *Omniibus Christianidelibus, qui ex veteri & laudabili instituto Poenitentiarium Majorem, manere suo statuti diebus in Hebdomada majori*

solemni ritu fungentem, pie reverenterque adierint, seseque penitentiali virga tangendos submiserint, centum dies de injunctis eis, seu alias quomodolibet debitis penitentialis in forma Ecclesie consueti relaxandi, perpetuam facultatem eidem Majori Penitentiario confirmamus, & quatenus opus sit de novo concedimus.

ARTICULUS IX.

An sit deturque Potestas concedendi Indulgentias independentem ab Ecclesie Thesauris.

AFFIRMATIVE Dubio respondet Michael Medina in *Disputatione de Indulgent. disp. 8. cap. 41.* contra communem Theologorum sententiam post D. Thom. in 4. sent. dist. 20. qu. 1. artic. 3. *questiunc. 1.* = Dico Pontificem, inquit, aliquando per modum potestatis tantum, idest nullo Ecclesiastici Thesauri adiutorio & auxilio, posse peccatorum temporales penas condonare = & inferius = Pontifex non modo reatus peccatorum condonat, sed tribuit aliquando peccatorum Indulgentiam ex sola potestate, cum aequae rationes suggeruntur; cum vero ambigua est causa, partim ex potestate, partim ex Thesauri applicatione penas condonat. Quando exiles rationes ad condonationem invitant, solaque eandem misericordia effragitare videtur, tantummodo Thesauri applicatione Divina Justitia satisfacit.

Conclusio. Non datur potestas concedendi Indulgentias citra dispensationem Thesauri Ecclesie.

Prob. 1.^o Ex Extravaganti *Unigeniti. de Penit. & Remissionib.* in qua Clemens VI. post definitam veritatem Thesauri meritorum Christi & Sanctorum, subdit = *Quorum uni* (scilicet Apostolorum Principi) *sicut bono Dispensatori Claves Regni Caelorum commisi* = Ubi ut vides, inter potestatem concedendi Indulgentias, & munus Dispensatoris Thesauri Ecclesiastici innuitur connexio: quatenus Summus Ecclesie Claviger intantum ea gaudet potestate, in quantum media dispensatione meritorum Christi & Sanctorum, potest di-

ctum Thesaurum ad solvendas penas temporales Deo debitas Christifidelibus aperire. Idem eruitur ex Literis Decretalibus Leonis X. ad Cardinalem Cajetanum datis, ubi duplex duntaxat modus concessionis Indulgentiarum agnoscitur, nempe per modum absolutionis viventibus, & per modum suffragii Defunctis, ac uterque apertitioni dicti Thesauri innixus = *Romanum Pontificem* (sunt verba dictarum Litterarum) *Petri Clavigeri Successorem & Jesu Christi in terris Vicarium, potestate Clavium quarum est aperire Regnum Caelorum tam pro vivis, quam pro defunctis Apostolica auctoritate Indulgentiam concedendo, Thesaurum meritorum Jesu Christi, & Sanctorum dispensare, & per modum absolutionis Indulgentiam ipsam conferre, vel per modum suffragii illam transferre consuevit* = Ergo non datur potestas concedendi Indulgentias citra dispensationem Thesauri Ecclesie, prout constat ex satisfactionibus Christi & Sanctorum.

Prob. 2.^o Quelibet remissio poenae peccato debite, vel per propriam satisfactionem ejusmet, qui peccavit, fieri contingit, vel per alterius satisfactionem, qui pro alio fidei jubet. Sic autem fieri necesse est, tum ne peccatum quodcumque maneat impunitum = Tum quia dicitur *Job. 9. v. 28.* = *Scio quod non parceres delinquenti* = quod ita exponit D. Gregorius lib. 9. *Moral. c. 17.* = *Delinquenti Dominus nequaquam peccato parci, quia nullatenus sine vindicta laxatur* = Tum quia id ordo Divinae Justitiae postulat, ut injuria Deo per peccatum illata reparetur. Itaque si poenae remissio per propriam satisfactionem non habeatur, necesse est, ejusdem absolutionem etiam a Summo Pontifice concedendam fieri cum applicatione satisfactionis Christi. Quamquam enim Deus potuisset de plenitudine potestatis, non exacta ulla peccatoris, vel Christi satisfactione, homines a culpa & poenae reatu liberare, ex vi tamen praesentis Decreti, quo eundem Christum humani generis Reparatorem constituit, ejusque satisfactiones in Ecclesie Thesauris recondi (cum aliud Nomen sub Caelo datum non sit hominibus, in quo eos oporteat salvos fieri) non renuitur poena temporalis Fidelium peccatis debita, nisi vel exhibitis eorundem satisfactionibus habentibus

vir-

virtutem a Christo, vel non nisi loco illarum Christi satisfactio applicetur & subrogetur. Eo vel magis, quod alias satisfactioes Christi inutiles remanerent, si alia via beneficium absolutionis a poena temporali Fidelibus posset impendi. Accedit, quod congruentius alteri causae effectus minime tribuitur quam univoca, ac remissionis poenae causa univoca magis non est, quam satisfactio Christi. Ergo ex Thesauris Ecclesiae, prout continet merita & satisfactioes Christi, necessario fieri debent Indulgentiarum concessioniones.

Objicies 1.^o Eadem potestate Clavium Summus Pontifex a vinculo excommunicationis absolvit, ac a poenae temporalis debito. Si ergo primum praestare valet, quin Ecclesiae Thesaurum adhibeat, poterit etiam secundum.

Resp. 1.^o Censuram esse impedimentum proveniens ab extrinseco, cujus absolutio spectat ad forum Ecclesiae: reatum vero poenae temporalis esse impedimentum ab intrinseco, ortum ducent ex peccato actuali, ejusque absolutionem ad forum internum pertinere per remotionem poenae peccatis debita. Ex quo sequitur, pro actu potestatis absolventi a censuris non exigi Thesauri Ecclesiae dispensationem, secus vero pro exercitio potestatis largiendi Indulgentias.

Resp. 2.^o cum Suario, censurarum poenam fuisse impositam ab Ecclesia; ideoque superiores Ecclesiasticos ad hujusmodi vincula auferenda Thesauri Ecclesiastici dispensatione non indigere. Caterum ad subeundam poenam temporalem non ligavit Ecclesia, sed Lex Divina: imo ipsemet peccator seipsum, supposita Divinae Justitiae lege; quamobrem nequit Ecclesia ad ejus remissionem concurrere, nisi aliunde servetur aequalitas, juxta modum a Deo

praescriptum, nempe per applicationem satisfactionum Christi, ac per consequens dependentem ab Ecclesiae Thesauris.

Objicies 2.^o Quilibet Princeps in Locis sibi pleno jure subjectis potest subditorum debita pecuniaria condonare, vel solvendo ex publico Aulario, vel nulla adhuc praestita solutione. Potest ergo supremus Ecclesiae Princeps, & Caput visibile, utroque modo se gerere in relaxandis poenis temporalibus peccatorum.

Resp. 1.^o Principem tunc debitum subditorum utroque modo posse condonare, quum valet debiti causam remittere. Porro cum Summus Pontifex nequeat culpam, unde poenae reatus originem trahit, relaxare independentem a Christi satisfactionibus, per consequens non potest citra dispensationem Thesauri Ecclesiae poenam temporalem per Indulgentias remittere.

Resp. 2.^o dato, Principem Saeclarem posse simpliciter debitum pecuniarium ex quacunque causa contractum liberaliter relaxare, adhuc non impendendo nummos ex publico Aulario, minime tamen sequitur Summum Pontificem, idem, in ordine ad debitum poenae temporalis, posse praestare; quanquam enim sit Princeps supremus in foro Ecclesiasticae jurisdictionis exterioris, tamen in iis quae spectant ad forum Dei (ut sunt remissiones poenarum temporalium) tum quantum ad se tum quantum ad alios, non habet liberam omnino potestatem, sed ad metam Juris Divini. Porro Jus Divinum exigit, ut peccati reus vel poenam solvat, vel alienis satisfactionibus adjuvetur. Jus Divinum est, & recta ratio dicat, ut diximus in secunda probatione nostrae Conclusionis, ut injuria Deo per peccatum illata reparetur; idque sit, vel per poenam inflictam, vel per Christi, vel aliorum satisfactiones.

C A P U T IV.

DE CAUSA AD INDULGENTIAS CONCEDENDAS
NECESSARIA.

CAUSAM pro dispensatione Theauri Ecclesie indispenfabilitate postulari, in confesso est apud omnes. Verum quia de ea non leves forent difficultates a Doctoribus excitari, ut iis omnibus occurramus, curabimus in hoc Capite inquirere. 1.^o An detur necessitas causæ piæ pro valida Indulgentiarum concessione? 2.^o An causa pia debeat esse proportionata? 3.^o An publica seu universalis?

ARTICULUS I.

An ad validam Indulgentiarum concessionem necessaria sit pia causa.

CAUSÆ piæ nomine nihil aliud hic intelligimus, quam id, quod vel ex se, vel ex relatione ad aliam causam Dei honorem promovet, Ecclesie bonum, atque Fidelium spiritualem utilitatem; quamobrem quodlibet opus moraliter bonum, pium dici potest, ad prædictos fines saltem virtualiter ordinatum.

Duplex autem in re præsentī potest causa Indulgentiarum reperiri: alia concessionis, quæ etiam finis operis dicitur: alia concedentis, seu operantis, nempe movens Prælatum ad Indulgentiarum largitionem.

Consulto non vocatur hic in controversiam necessitas causæ piæ ex parte concedentis pro valida Indulgentiarum largitione, sed solum ex parte concessionis; defectus enim illius causæ duntaxat Indulgentiarum validæ concessioni nequaquam obstat. Hinc ut advertit Corduba *Lib. 5. de Indulg. qu. 20.* Si Summus Pontifex Indulgentiam deponderet dantibus elemosynam ad bellum contra Infideles, seu ad reparationem alicujus Ecclesie, quanvis finis movens principaliter esset cupiditas eas elemosynas in pravor usus convertendi, de illarum validitate dubium nequaquam subreperet.

Nec refert si dicas, opus injunctum pro acquirenda Indulgentia ex fine perverso impletum, minime prodesse, ut quis illius fructum sibi comparet (quod nos inferius propugnabimus *Cap. 10. Art. 4.*) Igitur malus finis seu causa ex parte concedentis obstat videretur, ne Prælatus valide suis subditis Indulgentias largiatur.

Non refert inquam; quia quemadmodum dispensatio in votis & juramentis in suo robore perseveraret, etiam si malus finis Prælatum ad hujusmodi dispensationem induceret, ita valida dicenda esset Indulgentiarum concessio, non obstante quod causa movens Prælatum concedentem non posset a malitia depurari. Exemplum de lucrante indulgentias nihil penitus concludit, quia lex Prælati concedentis est, opus injunctum pietatem sapere, atque honestatem redolere, ut fructus Indulgentiarum percipiatur; quod profecto minime impletur (ut latius dicemus loco citato) ubi ex perverso fine opus injunctum executioni mandari contingeret.

Conclusio. Pia causa exigitur ad validam Indulgentiæ concessionem. Ita communiter omnes Theologi.

Prob. 1.^o Prælati gaudentes potestate concedendi Indulgentias se habent non tanquam Domini, sed tanquam Dispensatores Theauri meritum Christi & Sanctorum, juxta illud *Epist. 1. ad Corinth. 4. Sic nos existimus homo ut ministros Christi, & Dispensatores mysteriorum Dei* = & *1. Petri 4. Sic uti boni Dispensatores multiformis gratiæ Dei* = Illi autem, qui Dispensatorum gerunt officium, non possunt de rebus Domini sine causa disponere. Quamobrem quemadmodum ut valida sit distributio Aerarii publici, & rata habeatur, fieri non debet præter voluntatem, ac præscriptum Principis, ita, ut proprium sortiatur effectum, & valida sit Indulgentiarum concessio, fieri debet juxta voluntatem Christi & Dei. Christi autem voluntas est, quod non fiat illius dispensatio, nisi causa pia occurrente, alias vellet potius dissipationem, quam dispensationem.

Igi-

Igitur causa pia semper exigitur ad validam Indulgentiæ concessionem.

Prob. 2.^a Potestas Ecclesiæ collata ad remittendas poenas temporales peccatis debitas, est in ejus adificationem, non vero in everisionem = *Non habemus* (loquit Apostolus 1.^a ad Corinth. b. 4.) *potestatem in destructionem, sed in adificationem* = Vergeret autem in Ecclesiæ everisionem, animarumque perniciem, si non occurrente pia & iusta causa, fieret valide Indulgentiarum concessio; ab operibus siquidem, quibus Deo pro peccatis satisfacere possunt, Christiani fideles cessarent, maximeque proclives ad vitia redderentur spe Indulgentiarum illecti; nec poenas in Purgatorio subeundas formidarent. Dicendum itaque est, causam piam exigere ad validam Indulgentiæ concessionem.

Prob. 3.^a Indulgentiarum Dispensatores debent munus illud Dei exemplo exercere, cujus sunt Ministri. Porro Deus peccata remittens, non omnino gratis poenas temporales condonat, ut locum habeat iustitia, sed poenitentem satisfactioni obnoxium relinquit, quam profecto non sine causa remittit. Ergo citra injuriam iustitiæ non possunt sine causa pia Dispensatores Indulgentiarum absolutionem a poenis temporalibus Fidelibus impartiri.

Prob. 4.^a Ad dispensandum in votis, quæ ex voluntate voventis ortum habent, necessario requiritur pia causa. Idem ergo fateri necesse est de dispensatione Theauri Ecclesiæ, ut Fideles absolvantur a lege iustitiæ, qua iudicio Dei constringuntur, vel pati poenas peccatis debitas, vel eas media satisfactione persolvere. Idem confirmat loquendi modus Summorum Pontificum in suis Constitutionibus, ut constabit ex dicendis in Articleo immediate sequenti.

Obijcies 1.^a Finis Indulgentiarum intrinsecus in poenæ temporalis remissione consistens, sufficientem ex se explicat honestatem. Sicut ergo propriæ satisfactionis officium alteri applicatum, & Sacramentalis absolutio prodesse possunt alteri, per hoc quod unice fiant opus finem relaxandi vel poenam temporalem, vel culpam, etiam si vel absolutionis Sacramentalis, vel aliæ satisfactionis fructum percepturus, non præmiserit pro poena temporalis satisfactionem, ita & Indulgentiæ ex causa duntaxat

remittendi eandem poenam concessæ. Igitur hunc finem satis erit intendere Ecclesiæ Prælatum pro causa concessionis Indulgentiarum.

Resp. non semper honestum esse, hominem a miseria ac malo poenæ liberare, quando miseria aut malum poenæ majorem habet rationem boni, aut respectu ejus, qui illam patitur, aut per comparisonem ad bonum commune, in ordine iustitiæ potissimum elucens, cujus munus est, tam benemeritis præmia largiri, quam malos pro criminum qualitate poenis corrigere; & profecto ex nimia liberalitate dandi Indulgentias, mala sequerentur, scilicet otium, desidia, & major ad vitia facilitas. Ex quibus constat, quare quis, unice ex ratione sublevandi miseriam, possit pro alterius utilitate satisfactionem offerre, non vero Prælatum Indulgentiam dispensare; quia in primo casu, offerens se habet ut persona particularis, nec ut misericordię impendat officium erga alium, oportet, altiores sibi finem præstare, quam alteri subvenire. In secundo, Prælatum Ecclesiæ se gerit ut Iudex, qui nequit, nisi legitima causa suadente, reum a poenis absolvere; debet enim ita misericordię virtutem exercere, ut detrimentum nequaquam subeat iustitia. Hinc corrui paritas absolutionis Sacramentalis; hæc enim est forma Sacramenti Poenitentię, quæ rite, ac debito modo materiæ applicata, se habet per modum sententiæ, qua peccator a culpis absolvitur, & Deo reconciliatur (unde perperam Amaldisæ ceterique Jansenistarum fautores affirmare non dubitarunt lege & præscripto Christi absolutionem esse satisfactioni postponendam: & per praxim mox absolvendi, poenitentię ordinem esse inversum) ea enim absolutio, circumscripto quocunque alio fine, ita intrinsecam explicat honestatem, atque poenitentis consilium promovet, ut bonum commune non adimat; quod & Ecclesiæ traditio, & praxis confirmat; ubi eniui deprehenditur legitima poenitentis dispositio, nec præmissæ satisfactionis executio pro poena temporali, nec alius finis extrinsecus exigitur, ut absolutionis beneficium impendatur. E converso Indulgentiæ sunt solutiones & dispensationes ex Ecclesiæ Thesauro, ac per consequens concedi non debent nisi ex pia causa, quæ ad Dei honorem referatur.

Obji-

Obijcies 2.^o Christus D. Petro ejusque Successoribus plenitudinem potestatis super Ecclesie Theaurum promittens, noluit in terris eundem alteri subesse, neque limitationem quantum ad causam in exercitio potestatis suo tempore conferendæ definire, sed absolute inquit *Matth. 16. = Quodcumque solveris super terram, erit solutum & in Cælis* = Ergo Summus Pontifex non tenetur causam piam in concessionibus Indulgentiarum adhibere.

Resp. plenitudinem potestatis Clavium de sui natura importare connexionem cum pia causa, quantum ad ejus exercitium; ea si quidem constituit Summum Pontificem, non quidem Dominum Theauri Ecclesiastici, sed duntaxat Dispensatorem = *Dicendum* (inquit Glossa in Extravaganti *Unigenitus de Penitent. & Remissionib.*) *quod licet Papa habeat plenitudinem potestatis, quantum ad omnia bona Ecclesiastica, temporalia & spiritualia, non habet tamen eam ut Dominus, sed ut Minister & Dispensator Domini principalis; unde licet non habeat superiorem in terris, eum tamen habet in Cælis: & ideo dispensatio talium bonorum ab eo non debet fieri, nisi in illis casibus, in quibus verosimiliter apparet, quod Dominus, cujus sunt bujusmodi bona, consensum adhiberet, ut potestas semper ratione restringatur. Constat autem, quod Deo non placet, quod tanta bona sua sine causa rationabili concedantur; & ideo talis concessio non valet.*

ARTICULUS II.

An ad validam Indulgentiarum concessionem causa proportionata requiratur.

NONnulli ex Doctoribus, qui cum sententia communiter recepta propugnant causam piam exigere ad validam Indulgentiarum concessionem, negant ad eandem causæ proportionatæ necessitatem requiri; inter quos Paludanus in 4. *dist. 4. quest. 4. in princip.* D. Antoninus *part. 1. tit. 10. cap. 3. §. 1.* Tabienna Verbo *Indulgentia num. 10.* relati a Passerino *qu. 79. num. 564.*: dummodo enim causa sit, & pietatem redoleat, arbitrantur, nullo mo-

do irritam esse Indulgentiam, quanquam a culpa, eam concedens minime posset excusari; non quia Ecclesiastici Theauri dilapidator, sed quia Dispensator indifferens, non attenta causæ proportionem, ejus divitias larga manu profunderet.

Conclusio. Ad validam Indulgentiæ concessionem non sufficit causa quæcumque pia, sed necessario requiritur proportionata. Hæc sententia verior est, & jam communis. Eandem tucntur D. Albertus Magnus in 4. *dist. 20. artic. 17.* D. Bonaventura *qu. ultima.* Richardus *art. 3. qu. 1. alique,* quos affert & sequitur Suarius *disp. 54. sect. 3. n. 1.*

Prob. 1.^o Clemens VI. in Extravaganti *Unigenitus de Penit. & Remissionib.* asserit, hæc lege D. Petro ejusque Successoribus creditum fuisse Ecclesiæ Theaurum = *Et propriis & rationabilibus causis, nunc pro totali, nunc pro partiali remissione pænæ temporalis pro peccatis debita tam generaliter, quam spectaliter, prout cum Deo expedire cognoscerent, vere penitentibus & confessis misericorditer applicandum* = Itaque non servata conditione causæ rationabilis, irrita erit Indulgentiarum concessio. Porro causa rationabilis cum proportionata coïncidit. Rursus Martinus V. Constitutione supra laudata Incipiente *Inter cunctas* decrevit de hæresi Hussitica suspectum interrogari non absolute; an credat Summum Pontificem posse Indulgentias elargiri, sed eum addito causæ piæ & justæ = *Utrum credat, quod Papa omnibus Christianis vere contritis ex pia & justa causa possit concedere Indulgentias in remissionem peccatorum* = Nullas ergo esse censuit Martinus Pontifex Indulgentias sine justa causa concessas. Ad validam ergo Indulgentiæ concessionem non sufficiens est causa quæcumque pia, sed proportionata requiritur.

Pro. 2.^o Tam rationi dissonum est, Prælatum Ecclesiæ ex parva causa magnam Indulgentiam concedere, quam ex nulla causa parvam. Sed ubi nulla causa Indulgentiæ concessionem præcederet, hæc non esset valida. Ergo nec valida erit concessio magnæ Indulgentiæ ex parva causa, ac per consequens ad validam Indulgentiæ concessionem justa ac proportionata causa existit.

Prob. 3.^o Exemplo humanæ politiæ, in qua

qua tam civili quam Ecclesiastica animadvertimus, quod relictis redditibus in Civium utilitatem impendendis indeterminate, non taxata quantitate huic vel alteri, in illo aut isto casu conferenda, perspicuum est, distributionem fieri debere congrue ad causas, personas & circumstantias occurrentes: adeo ut, si aliter fiat, irrita ac contra Domini voluntatem censetur. Thesaurum itaque Ecclesie sub Prælatorum potestate constituto, juxta causæ proportionem debet distribui; ac per consequens non subsistit valida Indulgentiæ concessio, ubi causæ proportionatæ defectus contingit.

Prob. 4.^o Autoritate D. Thomæ, qui, de Potestate concedendi Indulgentias in 4. dist. 20. art. 4. *quæstione*. 3. pertractans, inquit = *Potestas faciendi Indulgentias plene residet in Papa, qui potest facere prout vult, causa tamen existente legitima* = Causa autem, quæ proportionata non est, nequit esse aut dici legitima. De mente ergo D. Thomæ necessaria est causa proportionata pro valida Indulgentiæ concessione.

Hic tamen adverte cum communi sententia apud Suarium, quod si Indulgentiæ concessioni causa proportionata deficeret, non tota nullitatis vitio laboraret; quamquam enim quantum ad illum excessum, ratione cujus causa concessionis minime esset proportionata, irrita foret Indulgentia, tamen pro rata, pro qua causa adhibita fuisset, sufficiens valoris robur obtineret; sicut in præcedenti *Capit. Artic. 2.* diximus, Indulgentiam duorum annorum ab Episcopo in Basilicæ Dedicatione concessam contra Concilii Lateranensis statutum, quantum ad unum annum, validam esse, quia utile per inutile non vitatur: & Pontifex sive Episcopus illam Indulgentiam facere censetur, quam potest.

Ex dictis colliges, quod ubi a principio causa proportionata non exiit ad despondendam perpetuam Indulgentiam, sed duntaxat ad tempus duraturam, tunc concessio facta hujusmodi Indulgentiæ non esset in totum valida, sed tantum pro tempore causæ proportionatæ; quia sicut servari debet proportio Indulgentiæ ad causam, ita ad durationem: adeoque eo tempore elapso deficeret Indulgentia, quan-

tum ad suum valorem apud Deum; non quia cessaret causa physice (fieri enim potest juxta dicenda *Cap. 13. Art. 3.* ut ea tali modo pereunte, Indulgentia in suo robore perseveret) bene vero, quia a principio non fuit valida, nisi pro tali & tanto tempore.

Quæres 1.^o Qualis causa censi debeat Indulgentiæ proportionata?

Respondemus causæ proportionem ad Indulgentiarum concessionem requisitam, non sitam esse in aliqua propria quantitate vel æqualitate in ratione meriti & præmii, aut satisfactionis & remissionis inter causam & Indulgentiam, sed in convenientia atque adæquatione mediæ ad finem; ita ut ea causa proportionata censetur, ad quam obtinendam hic & nunc, libratis omnibus circumstantiis, talis Indulgentia congruum atque conveniens medium reputatur. Causa autem hoc modo proportionata finem aliquem importat Deo gratum, cujus assecutio per Indulgentias, gratior futura videtur quam satisfactio Fidelium pro poena temporalis, alias subeunda sine Indulgentia. Et hæc causæ proportio non raro vel ab opere juncto constituitur vel completur, non quatenus in se satisfactorio, arduo aut laborioso, sed ut medio apto & utili ad finis assecutionem, cujus gratia conceditur Indulgentia.

Observa tamen, proportionem causæ motivæ concessionis Indulgentiæ non importare indivisibilitatem, sed suam latitudinem gaudere; consistit enim in convenientia & adæquatione mediæ ad finem habentis latitudinem boni, melioris & optimi, quo modo cadit sub honesta rationabilique electione: sicut rerum pretium gaudere dicitur latitudine rigorosi, moderati & mitissimi intra latitudinem justitiæ & æqualitatis.

Quæres 2.^o An proportio seu adæquatio causæ concessionis Indulgentiarum debeat esse re ipsa & a parte rei: an vero juxta prudentum æstimationem? ita ut etiam si non sit proportionata & sufficiens re ipsa, æstimentur tamen prudenter talis a Præfato concedente Indulgentiam, concessio sit valida?

Respondemus: sufficere proportionem seu adæquationem secundum prudentum æstimationem. 1.^o Quia S. Bonaventura

E e in

in 4. *dist. 20. artic. 1. quæst. 6.* de hac re diligerens inquit = *Hæc quantitas* (nempe Indulgentiarum) *mensuratur secundum rectum iudicium Summi Pontificis, vel ejus qui Indulgentias facit* = Rectum autem Prælati id concedentis iudicium, cum prudenti æstimatione coincidit. 2.^a Non est verosimile, Christum hanc potestatem Ecclesiæ suæ tali libramine exercendam dedisse, ut si reipsa vera inter causam seu finem concedentis & Indulgentiam proportio nequaquam attingeretur, non obtineretur totum, quod a Prælati concedentibus intenditur; tum quia Prælati nunquam possent certam atque determinatam Indulgentiæ quantitatem rationabiliter concedere, propter dubium quod posset prudenter suboriri, an in causa, vera coram Deo proportio reperiretur; tum quia non plus postulat Christus ab Ecclesiæ Ministris, quam quod Spiritualis Thesaurus meritorum Christi & Sanctorum, eorum arbitrio prudenter modoque humano, dispensetur; juxta illud Lucæ 12. v. 42. = *Quis putas, est fidei dispensator & prudens, quem constituit Dominus super familiam suam, ut de illis in tempore irrisi mensuram* = In humanis vero constat, gesta atque dispensata ab Oeonomo secundum rectam æstimationem, rata & valida haberi; Quam rationem tradidit Gerson in *Tract. de Indulgent. confider. 9.* expendens Indulgentiarum requisita = *Præsupponit*, inquit, *tertio causam concessionis, seu distributionis hujusmodi Indulgentiarum legitimam, Clavæ scilicet Ecclesiæ non errante, neque Christo reprobane, ubi non certa & evidens notitia requiritur, sed æstimatio bonæ fidei, & probabili conjectura; quemadmodum in distributione thesauri materialis de fisco regio vel Ecclesiastico, Papa vel Rex, vel alius distributor attenderet.*

Dices. In aliis effectibus ex opere operato, deficiente reipsa causa necessaria, quanquam de ejus existentia prudens intercederet iudicium, id tamen non sufficeret ad eorundem asecutionem. Et hoc 1.^o Ministri Confessionis Sacramentalis exemplo ostenditur, qui poenitentem Sacramentaliter absolvet, in eo existimans adesse causam necessariam, seu dispositionem indispensabiliter requisitam ad peccatorum remissionem; si enim in hoc defectus contingeret, nec absolutionis Sacramentalis beneficium valide impenderet, nec gratiam sanctificantem peccatorum remissivam communicaret. 2.^o Poenitentialis satisfactionis exemplo, quam esto Confessarius prudenter, ad satisfaciendum Deo proportionatam, existimaret, si reipsa & coram Deo gravitati culpæ ea minime commensuraretur, non posset integre temporalis poenæ reatum eisdem culpis respondentem auferre.

Resp. ad 1.^{am}, causam necessariam seu dispositionem requisitam ad percipiendum fructum Confessionis Sacramentalis non se tenere ex parte absolventis Sacramentaliter, sed ex parte recipientis seu accedentis ad Sacramentum Poenitiæ, adeoque reipsa debere existere; nequit enim adultis infundi gratia peccatorum remissiva, quin præcesserit actus peccatorum retractativus, & quidem ex supernaturali fine; quia quemadmodum homo culpæ lethalis reatum nequaquam incurrit, nisi per actum voluntatis avertatur a Deo, & convertatur ad creaturam, ita nec per gratiam ab eodem eximitur, nisi mediante actu voluntatis avertatur a creatura, & convertatur ad Deum = *Justificatio Impii* (ait D. Thomas 1. 2. q. 113. art. 5.) *est quidam motus, quo humana mens movetur a Deo a statu peccati ad statum justitiæ. Oportet igitur quod humana mens se habeat ad utrumque extremum secundum motum liberi arbitrii, sicut se habet corpus localiter motum ab aliquo movente ad duos terminos motus. Manifestum est autem in motu locali corporum, quod corpus motum recedit a termino a quo, & accedit ad terminum ad quem. Unde oportet quod mens humana, dum justificatur per motum liberi arbitrii, recedat a peccato, & accedat ad justitiam* = Causa vero ad Indulgentias elargiendas requisita non se tenet ex parte recipientis, sed potius ex parte concedentis, ne Prælati Ecclesiæ prodigus, sed prudens Dispensator inveniat; quod fit, quoties juxta prudentiæ regulas operatur, & tunc fideliter Thesaurum Ecclesiæ dispensare dicendus est. Ad 2.^{am} respondent nonnulli Doctores, negando assumptum; putant enim cum Scoto, Gabriele, Medina, Sacramentale iudicium inti-

tutum

tutum fuisse, ut humano modo peragendum: ideoque prudenter lata sententia satisfactionis ponendæ adæquatæ gravitati culparum, ipsam efficaciam habere ad totam poenam temporalem remittendam, quantumvis, ea quæ debetur coram Deo, major aut minor esset materialiter; quod profecto si verum esset, nihil evinceretur ad institutum.

Sed hanc responsum non recipimus, quoniam enim verum sit, Christum potuisse decernere, per satisfactionem, juxta prudens Confessarii judicium, culpis proportionatam, totam poenam temporalem remitti, non tamen ex Sacra Scriptura, Conciliis aut Patribus fundamentum habemus, unde colligamus, de facto ita fuisse ordinatum. Eo vel maxime, quod si poenæ reatus expungeretur totaliter ab injuncta satisfactione, quæ juxta rectam Confessarii exultimationem poenæ relaxandæ aequalitatem attingeret, plura scire opus esset, quæ captum humanum excedunt, quæque cognoscere est moraliter impossibile. Cui enim innotescit quantitas poenæ, vel hujus præsentis vitæ vel futuræ cuilibet peccato respondens? Quanta sit peccatorum gravitas tam in specie ac individuo, quam in intentione ac duratione? Rursus quanto animi dolore poenitens excitatus ad Sacramentalem absolutionem recipiendam accedat, ut inde prudenter percipi valeat, poenæ luendæ reatum jam diminutum minoribus poenitentiz laboribus ad sui expiationem indigere?

Ad aliam itaque responsum pro Objectionis solutione recurrimus, dicendo: Poenitentiz Sacramenti Ministrum indistentem satisfactionem non immediate debitum poenæ temporalis remittere, sed Sacramenti partem applicare, habentem virtutem ad illud remittendum: eundemque latere, an coram Deo poenitentia, quam injungit, totam vel partem poenæ temporalis debita culpis adæquet: Prælatum vero gaudentem potestate concedendi Indulgentias, non applicare causam, ut ea mediante poenæ temporalis debitum remittatur, sed per se ipsum virtutem Clavium Christifideles judicialiter absolvere, injuncta ut in plurimum per modum conditionis alicujus pii operis executione: eundemque cognoscere virtutem Indulgentiæ, quæ si sit Plenaria, quodcumque poenæ tempora-

lis debitum exolvit, ubi subiectum sit ad id prævie dispositum, si vero partialis, ad remissionem duntaxat partis se extendit.

Obijcies 1.^o contra Conclusionem. Ideo ad validam Indulgentiarum concessionem exposceretur causa proportionata, quia alias esset injusta. Defectus autem justitiæ concessionem illam irritam non redderet. Primo, quia Excommunicatio injuste contra subditum lata esset duntaxat illicita. Secundo, dispensatio in lege justam causam non involvens non censeretur nullitatis vitio laborare, possetque dispensatus citra scrupulum legem non servare; quam hujusmodi dispensatio opponeretur justitiæ legali, quæ curat potissimum, leges in suo vigore servari, quatenus (ut notant PP. Salmanticenses Scolaſtici in *Tract. de Virtutibus in Arbore Predicamentali*) media earum observatione bonum commune promoveatur. Tertio, collatio beneficii facta indigno justitiæ distributiæ contraria valide sustinetur. Ergo ut valida sit Indulgentiæ concessio, non requiritur causa proportionata.

Resp. ea quæ in Argumento adducta sunt, non probare valorem Indulgentiæ seclusa causâ proportionata. Non primum; duobus enim modis potest esse ædici injusta Excommunicatio, vel ob defectum solemnitatum, quæ accidentaliter requiruntur in jure, puta quod non fuerit lata in scriptis, aut non præmissa triplici monitione: vel quia justa causa non supponitur, seu quia culpa subditi non adeo gravi poenâ corrigi merebatur. Primo modo, nihil reperiretur in Excommunicatione, unde de ejus valore posset prudenter dubitari. Altero modo valida esse non posset; quod profecto concludit, idem dicendum esse de Indulgentia ob defectum causæ justæ seu proportionatæ. Exemplum de dispensatione nihil evincit, hæc enim in lege humana data ab eo, qui legem tulit, vel ejus superiore, aut æqualis potestatis, ex legislatoris voluntate dependet, qui sicut potuisset legem non condere, eandemque, iusta etiam causâ decedente, in totum abrogare: aut quando promulgat, declarare, hos, & non illos adstringere, ita cum eo, qui sibi placuit, dispensare. Cæterum vim remittendi poenam temporalem obtinent Indulgentiæ ex meritis Christi & Sanctorum, non vero ex Ecclesiæ

Prælati, qui ad eas concurrunt ut Ministri Christi, & Dispensatores Theauri Ecclesie.

Admissimus dispensationem duntaxat in lege humana datam ab eo, qui legem tulit, vel ejus superiore, vel æqualis potestatis validam esse; sed aliter dicendum est, si dispensatio ab inferiori procederet, ut permittitur in *Cap. Postulatis de Clerico excommunic. ministran.* vel quia id æquitas juris, & bonum commune, aut prudens regimen petat: vel scienda sit in Legibus Summi Pontificis, sicut in impedimentis Matrimonii, sive in aliis gravioribus casibus, ubi ad eundem non esset facilis accessus; tunc enim esset prorsus invalida, cum potestas inferioris ad dispensandum in lege superioris nequeat juxta suæ voluntatis arbitrium exerceri, sed secundum superioris beneplacitum; & ideo irrita foret dispensatio Summi Pontificis tanquam Vicarii Christi in votis & juramentis, ubi pia ac rationalis causa eam non suaderet; unde eam S. Bernardus *lib. 3. de Considerat. ad Eugen.* vocat = *Dispensationem*, non factam de plenitudine potestatis, sed de plenitudine potestatis = Ad 3. respondemus 1.^o (quidquid sit de antecedenti) non esse in utroque parem rationem; collatio enim beneficii facta indigno iustitiæ opposita, violat quidem jus Divinum, eandem prohibens, non tamen dispensationem importat alicujus rei Divinæ, & Divini juris; est enim distributio rei humanæ, quia beneficium, esto sit res Ecclesiastica, & aliquo modo Spiritualis, est res humana sub dominio hominum cadens, atque per homines immediate confertur. Concessio autem Indulgentiæ, supposito eausæ proportionatæ defectu, non solum Divino juri opponeretur, sed etiam esset aliquo modo dispensatio rei Divinæ, sive meritorum Christi, & in juræ Divino, quod scilicet Deo convenit in punitionem & vindictam malefactorum: & indirecte in obligatione exhibendi poenitentiam Sacramentalem ut solutivam poenæ temporalis.

Resp. 2.^o cum Passerino *qu. 79. nu. 571.* boni communis necessitate exigere, collationem beneficii etiam contra iustitiam distributivam validam esse, ac reputari, quia boni communis ratio postulat, Prælatum jam constituto, eam potius validam

esse, quam irritam. Alias Ecclesia certa non esset de suis Prælati, si foret dispensandum, an collatio dignitatis fuerit vel non contra iustitiam distributivam. Igitur valida ea collatio reputanda est, cum & merito censeatur, Ecclesiam (cujus sunt bona, quæ per beneficia distribuntur) eam validam velle, ne sequantur gravissima incommoda, & aliunde ex illorum collatione nullum incommodum sequeretur, semper enim remaneret obligatio eam irritandi. In Indulgentiis autem totum e converso est.

Obijcies 2.^o ut valida sit, & habeatur Indulgentia, sufficit quod detur juxta intentionem Christi, qui Theaurum Ecclesie suis satisfactionibus congregatum Summo Pontifici dispensandum commisit. Intentio autem Christi ea fuit, ut Dei honor promoveretur, qui licet minimus, magis est Deo gratus ac æstimandus, quam sit quælibet uberrima Indulgentiæ concessio. Ergo quælibet causa pia, quæ Dei honorem promovet, erit sufficiens ad valorem Indulgentiæ.

Resp. admittendo quamlibet causam piam Dei honorem promovere, non tamen sufficere circumscripta proportionem, ad Indulgentiam concedendam; quia in præsentem attendi non debet Dei honor secundum se, sed ut quæsitus per hujusmodi medium: ita ut libris omnibus major honor Dei ex Indulgentiæ concessione credatur confurgere, quam ex rigoroſa injunctioſe poenæ in peccatorum vindictam; non raro autem major honor Dei promovetur ex poenæ injunctæ vel satisfactione ad poenæ temporalis solutionem præstita, eo, quod posset ex quacunque causa pia improporcionata obtineri = *Non recte consideratur* (inquit Suarez *loc. supracit. n. 20.* *Divinus honor secundum se, sed ut intentus & quæſitus per tale medium: hoc autem modo non pertinet ad Divinum honorem, etiam minimum, ut talis finis improporcionatus per tale medium inquiratur: quia etiam satisfactio pro poenâ & vindicta delictorum pertinet ad Divinum honorem, quia sepe est longe major, quam ille, qui redundare posset ex causa pia, levi, & improporcionata.* Oportet ergo ut, omnibus pensatis, resultare credatur major honor Dei ex concessione Indulgentiæ, quam sine illa pos-

fit sperari ex rigorosa peccatorum vindicta.

Obijcies 3.^o Non raro pro eadem causa pia, puta pro eadem Ecclesie visitatione modo septem annorum, modo amplior conceditur Indulgentia: imo aliquando recitantibus semel Pater & Ave, vel assistentibus prae foribus Basilicæ S. Petri, Summo Pontifice solemniter Populum benedicente, idem spiritualis favor despondetur: uberiores insuper remissiones hujusmodi largiuntur ad preces & petitiones personarum munere & dignitate fulgentium, quæ profecto si deficerent, nequaquam Theasaurus meritorum Christi & Sanctorum tanta liberalitate dispensaretur; & hoc habetur in Extravaganti *Unig. de Pen. & remissionib.* ubi Clemens VI. dicit, se precibus ac supplicationibus Populi Romani motum fuisse, ut Plenariam Indulgentiam, a Bonifacio VIII. quolibet anno centesimo recurrente indictam, ad quinquagesimum annum revocaret = *Nos autem attendentes..... clamorem peculiari Populi nostri Romani, videlicet hoc reductionem Jubilei ab anno centesimo ad quinquagesimum humiliter supplicantis* = & Sixtus IV. Constitutione incipiente: *Quemadmodum* relata in *Dissert. proemiali* §. 7. n. 17. testatur, se ac Paulum II. Prædecessorem suum ob eandem rationem plurimas peccatorum remissiones concessisse = *Verum*, inquit, *quia tam Nos, quam idem Paulus Prædecessor noster, dum in humanis ageret, animarum saluti fidellum intenti, multorum Principum & aliorum Christianissidellum, ac devotarum personarum pulsati precibus diversas Indulgentias & peccatorum remissiones plenarias nonnullis Ecclesiis, Monasteriis & Piiis Locis duximus concedendas* = Quæ profecto concessiones irritæ fuissent, si Indulgentiæ causam proportionatam exposcerent. Non ergo ad validam Indulgentiarum concessionem necessario requiritur causa proportionata.

Resp. 1.^a verum esse, pro eadem causa modo majorem, modo minorem Indulgentiam concedi, quia passim pro causa, quæ, secundum proportionem quam dicit amplior est, Indulgentia minor impenditur, ne ex nimia Indulgentiarum liberalitate Ecclesiastica Disciplina relaxetur; ubi vero hujusmodi periculum non subest, major

Indulgentia tribuitur; quod ex prudenti Prælatorum arbitrio dependet.

Resp. 2.^a videri interdum eandem causam ob operis similitudinem, considerato opere in junclo phyice, revera tamen constare esse diversam moraliter, expensis circumstantiis in una potius, quam in alia occurrentibus, ratione quarum, major potest utilitas vel necessitas reperiri, uno tempore potius, quam alio; pietas nanque seu convenientia causæ respectum dicit ad bonum Ecclesie, atque ad Dei honorem inde prudenter, seu rationabiliter speratum: & ideo idem opus, puta Templi visitatio, ob majorem Ecclesie Catholice utilitatem vel necessitatem, hoc potius tempore quam alio, exercita potest esse causa conveniens ac proportionata, eandemque complere ad Indulgentiæ plenariæ concessionem, quæ alias vix ad partialem sufficeret = *Ex causa eadem* (dicit Cajetanus in *tract. 15. disput. 8.*) *secundum se datur Indulgentia parva, & quandoque maxima: & apparet quod eadem sit causa totaliter, & non est eadem in veritate secundum se, est enim relata valde major se ipsa absolute: V. G. visitatio Ecclesie Sancti Petri equalis est secundum se hodie, & in anno Jubilei, sed non est equalis relata ad professionem unitatis Ecclesie sub uno Capite Petri Successore (ad quod in anno Jubilei refertur ab universo Orbe terrarum) est immensa causa Indulgentiæ* = Ex qua doctrina colligitur, causam dari proportionatam pro Indulgentia concedi consuetam, quum Summus Pontifex in Coena Domini, vel aliis diebus, Christianidelibus presentibus vel ante fores Basilicæ Principis Apostolorum de Urbe, vel in Monte Quirinali, & Specula solemniter Benedictionem impertitur; ea siquidem presentia secundum se, & absolute inspecta quid levissimum est, magnum tamen in ratione causæ prædicto tempore, utpote quæ est medium aptum & utile, ad Fidei Catholice protestationem de Capite Visibili universalis Ecclesie; manent enim ibi Christianifideles profitentes sub uno Capite Visibili unitatem, & plenissimam Summi Pontificis in tota Ecclesia Catholica Auctoritatem. Quod profecto nemo non dixerit summam importare proportionem cum Indulgentia plenaria. Ut occurramus exemplis Indulgent-

gentiarum, quæ aliorum precibus conceduntur, inutile prorsus non erit advertere, in duplici sensu posse preces Indulgentiarum largitionibus prodesse. 1.^o ut jam causa motiva iusta ac omnino proportionata supponatur, qua expensa, quanquam nolle Summus Pontifex id concedere, ut caute ac moderate in Ecclesiastici Theſauri dispensatione procedat, annuit tamen aliorum precibus excitatus. Et hoc modo videtur, quod Clemens VI., supplicante humiliter Populo Romano, centenariam Jubilæi Indulgentiam ad annum quinquagesimum reduxerit. 2.^o ut de facto causa proportionata Indulgentiæ plenariæ concessioni deficiat: ex tamen porrecta a personis eximii ob dignitatem, atque munerum excellentiam, vel ob præclara gesta de Christiana Republica benemeritis, valeant causam Indulgentiis proportionatam complere, atque constituere. Diximus *constituere*, quia cum Principum preces sint quedam fidei proteſtatio, ac specialis ergo Sedem Apostolicam devotio, ex se solæ possent adhuc congrue Indulgentiarum remunerationem promereri. Et hoc modo Paulus II. & Sixtus IV. Indulgentias illas merito concesserunt. Addimus, ad maiorem Argumenti solutionem, pro nostræ Conclusionis propugnatione minime teneri Doctores ad asserendum, in omnibus ac singulis Indulgentiarum concessionibus iustam atque proportionatam causam intervenire; huiusmodi enim res facti est; quare sicut non est omnino certum, absolvi eos omnes valide, quos Summus Pontifex absolvit, aut semper validam esse voti dispensationem, quam concedit, sic non oportet, quod sit semper certus Indulgentiarum valor, quanvis in dubio semper sit pro valore præsumendum; multa enim novit superior, quæ latent subditos, & quæ possunt reddere rationabiles concessionem, ut sentit Cardinalis de Lugo de *Sacrament. Pœnit. disp. 27. scđ. 8. §. 2. nu. 143.*

Obijcies 4.^o si necessario exigeretur causa proportionata pro Indulgentiæ concessione, illa deficiente nihil prodesſent ceteri favores intuitu Indulgentiæ Christiſidelibus collati. Accessorium nanque sequitur naturam principalis; quapropter is, qui ratione Jubilæi percipiendi dispensationem a votis, vel absolutionem a reservatis impetraret, si causæ proportionatæ ad Indulgentias conce-

dendas suboriretur suspicio, non posset tuto favoribus illis gaudere. Quod certe a nullo Doctore recipitur. Non ergo exigitur necessario causa proportionata pro valida Indulgentiæ concessione.

Resp. Aliud esse ratione Indulgentiæ moveri Summum Pontificem ad prædictos favores concedendos: aliud vero inter eosdem, ac Indulgentiæ valorem dependentiam constituere. Primum est verum; quandoque enim, ut facilius inducantur Christiſideles ad Indulgentiæ plenariæ affectionem, huiusmodi favoribus cumulantur: non tamen secundum; adeoque licet ob defectum causæ proportionatæ irrita prorsus foret Indulgentia, non tamen prudenter dubitari posset de favorum substantia, dummodo votorum dispensationem iusta causa præcederet, & debita dispositio ex parte absolvendi. = *Neque obstat* (inquit Suarius *Disput. 54. scđ. 2. nu. 18.*) *quod simul cum Indulgentia concedantur hi favores, vel propter illam, nam interdum se habent mere concomitanter, seu accumulative: Et tunc nulla est omnino ratio dubitandi, ut quando conceditur facultas audiendi Sacrum tempore interdicti, vescendi lacticinii tempore prohibito, Et similia. Aliquando videntur concedi in ordine ad Indulgentiam, ut homo facillius se disponat ad illam obtinendam: Et de his procedit ratio dubitandi, sed nullum scrupulum ingerere debet, quia, licet intentio Pontificis revera sit, unum concedere in ordine ad aliud, non tamen vult, ut valor Indulgentiæ sit conditio necessaria, sed absolute vult utrumque, Et in utroque vult operari quantum potest, quanvis ad unum moveatur ex intentione alterius; quia vero plus potest circa dispensationem, quam circa ipsam (ut sic dicam) ideo fieri potest, ut una concessio sit valida sine alia. Atque hinc sequitur, absolutionem a reservatis, vel dispensationem in voto, Et similia ex vi talium privilegiorum esse validam. Dico autem, quamvis unum ex hoc capite, quia oportet, ut alia necessaria concurrant, ut V. G. quod dispensatio in voto fiat ex legitima causa, quod absolutio a reservatis fiat cum debita dispositione, Et similia: nam in hoc sensu datur Summus Pontifex, nec potest, quia hæc jam attingunt jus Divinum.*

A R.

ARTICULUS III.

*An præter supradicta requiratur
Causa publica pro valida In-
dulgentiarum concessione.*

CAUSÆ publicæ nomine ea intelligitur, quæ bonum commune concernit. Eandem, ad quancunque Indulgentiam Christifidelibus despondendam, prærequirit, censuit Albertus Magnus in 4. *dist.* 20. *art.* 17. illam exemplificans in auditu Verbi Dei, frequentatione Reliquiarum, & hujusmodi. Cui opinioni adhæsit Sotus in 4. *dist.* 21. *quæst.* 2. *art.* 2. dicens = *Cum thesaurus sit bonum commune, non nisi pro alio bono in communi dispensari valet: & ita habent omnes Indulgentiæ, quæ publicis conferantur, quia nunquam, ut paulo ante dicebamus, prædicantur, nisi ingruente aliqua communi Ecclesiæ necessitate. Dare tamen Indulgentias, nulla tamen imminente causa communi, sed ob causam particularem, nempe intuitu & precibus cujusdam personæ nobilis, vel propter suam particularem affectionem ad aliquid Sacellum, vel Aliare, vel certe ad exollendam suam auctoritatem (ut cum omni obedientia, quæ Ecclesiæ debetur loquar) non res antiqua est, nec sinceritatem causæ, quæ in Indulgentiis observanda est, præferre videtur. Quare neque solam habet valoris certitudinem, quia non tam in utilitatem Ecclesiæ conferuntur, quam ex mera supplicatione petentium.* His tamen non obstantibus sit

Conclusio. Indulgentiarum concessio ita causæ debet correspondere, ut necessaria sit causæ communis, in bonum universale Christianæ Reipublicæ redundans, si toti Ecclesiæ Indulgentia concedenda sit: particularis vero, si particulariter fiat: ac personalis si alicui personæ detur. Ita Suarius in *Disp.* 54. *sect.* 4. *nu.* 4. Pallerinus *quæst.* 82. *num.* 577.

Prob. 1.^a pars. Juxta modum concessionis Indulgentiæ, debet esse modus causæ, ob proportionem, quam inter utranque reperiri, necesse est. Ergo si Indulgentia danda sit cunctis Christifidelibus, debet causæ saltem indirecte bonum commune eorundem

respicere, secundum prudentem æstimationem; alias proportio inter causam & Indulgentiam necessario requisita deesset. Consulto dicimus: Si Indulgentia pro cunctis Christifidelibus sit concedenda, debet causæ saltem indirecte bonum commune respicere. Ex laudabili siquidem Ecclesiæ consuetudine didicimus, non raro dari, ac datas fuisse Indulgentias pro bono Provinciæ particularis; unde Innocentius III. in Concilio Lateranensi plenam fecit remissionem pro recuperatione Terræ Sanctæ & pro pugnantibus contra Hæreticos; ut habetur *Cap. excommunicamus* 1. §. *Catholici, de Hæreticis*; ita enim particulare bonum per eam Indulgentiam intentum fuit, ut communi Christianæ Reipublicæ utilitati prodesset, ac bonum totius juxta prudentem æstimationem censeretur. Idem dicendum est de Indulgentiis, omnibus confluentibus ad peculiarem locum concessis; quia quantumvis Sanctum aliquem directe respiciant, speciali veneratæ ne colendum, ejus tamen celebritas indirecte commune bonum promovet, ut patet in concessis pro confluentibus SS. Apostolorum Petri & Pauli Limina, ac pro visitatione S. Jacobi Compostellani. A quo dicendi modo alienus non est Filidus *tract.* 8. *cap.* 3.^o *num.* 123. (esto si verborum corticem attendamus, dissentire videatur) docens enim causam etiam particularem sufficere ad Indulgentiam generaliter concedendam, explicat suam sententiam, quum ait: quod illa peculiaris causæ commune Christianæ Reipublicæ bonum notabiliter adjuvat.

Observa tamen, bonum commune, quod statuimus, ad constituendam causam pro generali concessione Indulgentiæ proportionatam, non oportere esse immediate aliquid spirituale, sed sufficere, quod sit mediate, nempe temporale, ad spirituale tamen relatum = *Non oportere* (inquit Suarius *sect.* citat. *num.* 6.) *utilitatem hanc immediate esse spiritua-* lem; aliquando enim esse posse temporalem, qualis est defensio Ecclesiæ ab hostibus ejus, aut expulsio famuli aut peccati a Deo impetranda; ut satis constet ex usu Ecclesiæ. Et ratio est clara, quia sicut est honestum, hæc bona a Deo petere, præsertim pro tota communitate, ita est optimum adjungere favorem Indulgentiæ, ut hujusmodi oratio devotius, &

frequentius fiat . Hac enim ratione sepe etiam conceduntur Indulgentie in solemnitate alicujus festi, ut majori devotione celebretur, ut in Clement. unica de Reliquiis & veneras Sanctorum de Festo Corporis Christi, & in Extravag. 1. & 2. eodem titulo de Festo Conceptionis . Item est alia ratio, quia sepe licet bonum Spirituale ordinare ad temporale, quando totum refertur ad Dei honorem: hæc autem bona temporalia Ecclesie ejusque pax temporalis ad Spiritualem & ad Dei honorem ordinatur. Atque hæc spectat causa Indulgentie, quæ proponitur in Cap. Cum exco de Penit. & Remissionib. nimirum erigere, aut sustentare Hospitalia: nam licet finis proximus hujus operis corporalis esse videatur, tamen & ipsum opus per se ipsum est, & ad augmentum charitatis, & commune bonum ordinatur. Idemque a fortiori dicendum est de instauratione Templi, aut aliarum rerum sacrarum . Imo antiquitus vix concedebantur Indulgentie, nisi propter hujusmodi fines .

Prob. 2.^a pars . Ita se habet causa communis, ad bonum universalis Ecclesie pro Indulgentia cunctis Christi fidelibus concedenda, sicut bonum particulare Regni, Provincie, Diocesis, aut Congregationis pro peculiari concessione iis facienda, qui sunt de Provincia, Diocesi, aut Congregatione . Sicut ergo primum exigitur pro generali Indulgentie concessione, ita secundum pro particulari .

Quod si reponere, personalem atque privatam causam salutis Regis, Principis, aut Prælati præbere quandoque causam sufficientem atque convenientem, ut aperiatur Ecclesie Thesaurus meritorum Christi & Sanctorum pro Regno, aut Provincia, citra controversiam admittimus; verumtamen ea causa non gerit munus cause motiva convenientis, quatenus spectat ad particularem personam, sed prout bonum publicum respicit . Enim vero si Rex sapiens stabilimentum Populi est, ac Prælati forma gregis factus ex animo, potens in opere & sermone, nec non prudentia & sanctitate præditus valet plurimum ad erudiendum populum Dei, publicæ profectio Regni, Provincie ac Dioceseos utilitati consulitur, ubi eorum salus hujusmodi medio perquiritur . Idque servata pro-

portionem dicendum est, quanquam persona non ex munere, sed ex nobilitate, literis, aut alia prerogativa Regno, aut Provincie maximam utilitatem esset verosimiliter allatura . Immo si merita Regis, Principis, aut alterius personæ, universalis Ecclesie bono plurimum prodesse, fieri posset generalis concessio, propter bonum quod Regi, aut Principi speratur obventurum . Tum quia non tanquam privatam, sed commune Christianæ Reipublicæ putaretur . Tum quia ea generalis concessio se haberet uti premium virtutis, aut grati animi officium, ut omnibus innotescat, Sedem Apostolicam gratias ac Spirituales favores benemeritis Principibus impetiri . Hinc Innocentium IV. orantibus pro Rege Gallie decem Indulgentiarum dies concessisse, testis est Angelicus Præceptor in 4. dist. 20. art. 3.

Prob. 3.^a pars . Ut persona particularis in lege dispensationem obtineat, non exigitur recursus ad causam communem, sed sufficit causa privata ex parte illius se tenens . Ergo ut Indulgentia alicui privatæ personæ concedatur, satis erit causa privata . Et hoc Apostoli exemplo confirmatur, qui, ut habetur 2. ad Corinth. cap. 2. fornicarium Corinthium Indulgentiam donavit, non intuitu boni communis, sed ne tædulo vitæ affectus desperaret = *ne forte*, inquit, *abundantiori tristitia absorbeatur* = Unde D. Ambros. lib. 1. de Penit. c. 7. = *Si satis est, ait, ad condemnandum objurgatio, quæ fit a pluribus, satis est quoque ad remissionem peccati obsecratio, quæ fit a pluribus* . Moralis Magister, & nostræ infirmitatis conscius, & pietatis Divinæ interpret, vult donari peccatis, vult consolationem adhiberi, ne tristitia penitentem tædio longæ dilationis absorbeat . Ideo ergo donavit Apostolus . Nec solum donavit, sed etiam in eum voluit confirmari charitatem . Nec solum donavit ipse, sed voluit etiam omnes donare = Ergo si concessio Indulgentiæ particulariter fiat, sufficit causa particularis .

Objicies 1.^o contra tertiam partem Conclusionis . Thesaurus meritorum Christi & Sanctorum, ex quo fit Indulgentiarum dispensatio, est in publicam Ecclesie utilitatem congregatus . Solum ergo poterit Christi fidelibus distribui causa communi, & communi utilitate concurrente .

Resp.

Resp. Ecclesie Theſaurum ita propter bonum publicum fuiſſe congregatum, ut facultas Summo Pontifici tradita fuerit illum diſpenſandi ex propriis & rationabilibus cauſis (ut loquitur Clemens VI. in Extravaganti *Unigenitus de Penit. & Remiſſionib.*) Rationabilis autem cauſa tum pro generali tum pro particulari conſeſſione poteſt multiſarium contingere, ſicut in diſpenſatione Theſauri temporalis Reipublice fieri quandoque, conſeptum eſt.

Dices. Si bonum privatum ſufficeret pro cauſa neceſſario requiſita ad elargiendam indulgentiam, particularis utilitas eorum omnium, qui ex humanis decedunt, eſſet ad eam concedendam cauſa proportionata.

Resp. per ſe loquendo dictam cauſam ſufficientem eſſe, unde & ſæpiuſcule propterea pro cauſa privata conceduntur, ſed non ſemper, ne Claves Eccleſie contemnuntur, & poenitentialis ſatisfactio enervetur, quod cavendum obſervavit Concilium Lateranenſe IV.

Obicies 2.^o Ad cognoscendam cauſam propriam & rationabilem Indulgentiarum, attendi debet antiqua Eccleſie diſciplina, quæ illas, niſi ex cauſa communi, concedere minime conſuevit; ut patet in Conſeſſione Urbani II. in Concilio Claramontano, Calliſti II. in Lateranenti I. aliſque ſimilibus. Ergo ſemper neceſſaria eſt cauſa univerſalis pro Indulgentiis.

Resp. ex veteri Eccleſie praxi nos edoceri, non raro pro cauſa privata datas fuiſſe Indulgentias, ut perſpicue demonſtrat, tum quod geſſit Apoſtolus erga fornicarium Corinthium, tum quod conſeſſerunt Epifcopi ad Martyrum preces, tum quod ſtatuit Concilium Nicænum can. 2. = *De illis (dicit) qui propter neceſſitatem prævaricati ſunt, aut propter abolitionem facultatum, aut propter periculum, aut aliquid huiusmodi, quod factum eſt ſub tyrannide Licini, placuit Sanctæ Synodo, licet indigni ſint, miſericordia tamen aliquid circa eos humanius oſtendi.*

Ex huiusmodi dictis colliges, Indulgentias pro porrigentibus manus adiutrices olim datas validas omnino extiſſe, atque cauſam omnino piam ac proportiona-

tam habuiſſe. Id omnino inferendum duximus contra Lutherum & Calvinum, qui eas reprobarunt velut bonorum operum remiſſiones, ac queſtuſas undinationes; ut dictum eſt in *Diſſert. Proem. §. 6. & c. 2. art. 1.* Non enim hæc recentior conſuetudo fuit, ſed Praxis Eccleſie ſuperioribus ſeculis ſervata, ut paſſim deſponderentur Indulgentiæ pro eleemoſynis infumendis ad pauperum inopiam ſublevandam, conſtructionem & manutentionem Eccleſiarum, pro expenſis ſacrarum Expeditionum contra Infideles. Ex mandato Pontii Arelatenſis Eccleſie Archiepiſcopi, quod aſſert Lucas Dacherius in *Ton. 6. Spicleg. pag. 427.* habes in Dedicatione Eccleſie Montis-Majoris latam fuiſſe ſub hæc forma Indulgentiam = *Illos, qui de minoribus peccatis ſunt conſeſſi, & habeant poenitentiam acceptam, ſi venerint ad Dedicationem Eccleſie, aut ſemel in anno cum adiutorio ad opera Eccleſie, abſolvimus de una medietate acceptæ poenitentia uſque ad unum annum* = Poenitentiarum Canonicarum redemptiones, de quibus egimus in *Diſſertat. Poenit. citat. §. 4.* commendat S. Petrus Damiani in *Epifſola 12. ad V. Epifcopum* data ſcribens = *Non ignoras, quia cum a poenitentibus terras accipimus, juxta menſuram muneris eis de quantitate poenitentia relaxamus, ſicut ſcriptum eſt: Dimittis hominis redemptionem ejus* = Quæ fuerint Indulgentiæ, & ex qua cauſa datæ Alexandro III. Summum Pontificatum regente, colliges ex ejus reſponſo ad Archiepiſcopum Cantuarienſem relato in cap. *Quod autem de Penit. & Remiſſionib.* ubi decernitur = *Indulgentias & remiſſiones, quæ ſunt in Dedicationibus Eccleſiarum, aut conſeſſionibus ad ædificationem Pontium non aliis prodeſſe quam illis, qui remittentibus ſubſunt* = Celebris eſt præ cæteris Indulgentiis a Sede Apoſtolica conſeſſa ea, quam fecit Innocentius III. in Concilio Lateranenſi IV. Patribus ibi congregatis id approbantibus, pro Chriſtiſidelibus, qui ſtipem præberent ad Terræ Sanctæ ſubſidium = *Eis, qui ſuis duntaxat expenſis, inquit, juxta facultatem, & qualitatem ſuam viros idoneos deſignarint, plenam ſuorum concedimus peccatorum remiſſionem. Huius quoque remiſſionis vo-*

lumus, & concedimus esse participes juxta qualitatem subsidii, & devotionis affectum omnes, qui ad subventionem Terræ Sanctæ de bonis suis congrue ministrabunt = Non dissimilem gratiam concessit Innocentius IV. in Concilio Lugdunensi 1., Generali XIII. illis, qui in ultimis voluntatibus aliquid vel ad Terræ Sanctæ, vel Imperii Romani subsidium tribuerent. Accedit, quod ut verum sit, Indulgentias pro porrigentibus manus adiutrices habuisse causam piam, justam ac publicam, satis est, cessisse in Dei honorem & Ecclesiæ utilitatem immediate, vel mediate. Porrigere autem manus adiutrices (ut pro hujusmodi gratiis spiritualibus impendendis olim observabatur) esto esset quid temporale, ad spirituale tamen Christifidelium utilitatem ordinabatur; puta ad constructionem vel instaurationem Templorum, quibus honori, ac cultui Dei consulebatur: ad instruendos exercitus contra Infideles, ad Catholicæ fidei nec non Religionis dilatationem, vel alias similes causas = *Temporalia* (inquit D. Thomas in 4. dist. 20. art. 3. *quæst. 3.*) *ad spiritualia ordinantur, quia propter spiritualia temporalibus uti debemus. Et ideo pro temporalibus simpliciter non potest fieri Indulgentia, sed pro temporalibus ordinatis ad spiritualia: sicut represso inimicorum Ecclesiæ, qui pacem Ecclesiæ perturbant: sicut constructio Ecclesiarum, & Pontium, & aliarum elemosynarum; & per hoc patet, quod non fiat ibi simonia, quia non datur spirituale pro temporali, sed pro spirituali.*

Dices. Spirituale pro temporali conferre, non apparet, quomodo possit a simonia labe purgari. Concedere Indulgentias pro porrigentibus manus adiutrices, est conferre spirituale pro temporali; adeoque hujusmodi Indulgentiæ non fuerunt valide.

Resp. 1.^o Duplici modo posse spirituale pro temporali conferri. Primo principaliter, quando finis movens ad illud tradendum, unice sistit in lucro temporali. Secundo, cum finis movens est quidem lucrum temporale, non secundum se præcise inspectum, sed ut ordinatum ad bonum spirituale: & hoc modo fieri possunt Indulgentiæ citra minimam timo-

niz labem = *Calumniantibus interdum* (inquit Reginaldus in *Praxi fori Penitentia. lib. 7. cap. 12. nu. 135.*) *Indulgentias dari pro certa pecunie summo, sicque dantes incurrere in peccatum illius, cui dictum est: Pecunia tua tecum sit in perditionem, quoniam existimasti donum Dei pecunia possideri, occurrendum est secundum institutum, talem pecuniam nunquam exigi, ut quasi negotiatione quadam emeretur peccatorum remissio, sed ut largitione elemosynæ ad aliquem bonum finem suppeteret causa idonea dispensandi Indulgentiam ex Thesauro Ecclesiæ =*

Resp. 2.^o cum Adriano. Indulgentias hujusmodi nec principaliter nec minus principaliter datas fuisse pro quota pecuniæ ad fidei defensionem, atque opera impendenda, sed pietatis intuitu, quæ sequitur ad elemosynam, in præmium scilicet boni affectus, quo eam tradendo, exoptant Christifideles misericordiæ, ac cæterarum virtutum actus exercere, vel Ecclesiarum ædificiis vel pauperum egestatibus subvenire, iuxta modum in Pontificiis Diplomatibus statutum; unde passim innuitur, loco distributionum manualium conferri, tum ut virtutum operibus consulatur, tum ut ad similia peragenda Christifidelium pietas excitetur. Itaque sicut pauperi elemosynam porrigens, non intendit sibi orationis subsidium emptione comparare, sed duntaxat pauperem inducere, ut ex fine charitatis referat pro se preces ad Deum, percepturum inde se pro animæ suæ emolumentum confidens; ut notat D. Thomas 2. 2. qu. 32. artic. 4. in resp. ad 2.^m dicens = *Ille qui dat elemosynam, non intendit emere aliquid spirituale per corporale, quia scilicet, spiritualia in infinitum corporalibus præminere, sed intendit per charitatis effectum spirituales fructus promereri* = Ita in hac re tam de porrigente manus adiutrices, quam de Prælato Indulgentias concedente dicendum est: A qua doctrina alienus non est D. Bonaventura in 4. dist. 20. par. 2. art. 1. qu. 4. de hujusmodi enim concessionibus disserens inquit = *Non dat Indulgentias Prælati pro elemosyna exteriori considerans datum, sed fructum, videlicet quia ex radice bonæ voluntatis procedit* =

Mo-

Monuit tamen Sotus in 4. dist. 21. qu. 2. art. 2. quod, licet ea, quæ diximus, vera sint, oporteat tamen modum in huiusmodi formis Indulgentiarum adhibere = *Ne ansam, inquit, Hæresibus offeramus, illas blasphemandi: ne scilicet figuram potius compulsionis habeat, quam prædicationis; eleemosyna enim ultro oblata est quæ Deo placet, nam hilarem datorem diligit Deus.*

Quod autem S. Pius V. quasunque Indulgentias Constitutione incipien. *Et si Domini Gregis* revocaverit, id ex iustissimis causis factum fuisse censendum est. 1.º quia ex hominum malitia plurimi abusus increverant; quanquam enim omnem curam adhibuerint Summi Pontifices, ut salubribus legibus statutis pie sanctæque citra avaritiæ, turpisque lucrilabem Ecclesiæ Thesaurus dispensaretur, experientia tamen docuit, inutiles fuisse eorum conatus. 2.º quia Christiani fideles ve-

niz facilitate inducuntur, quæ passim hisce spiritualibus gratis impendebatur, ad peccandum procliviores reddebantur non sine aliorum scandalo = *Præcavendum esse censemus (sunt verba Constitutionis laudatæ) ne cuiusvis Indulgentiæ, remissionis vel facultatis obsequio Christiani fideles procliviores ad illicita Inposterum committenda reddantur, ausu facilitati venia eis peccandi tribuat incrementum; & exinde Clavium Auctoritas deducatur in contemptum, & Christiani fideles quamplurimum scandalizentur.* Sane cum ad auditum nostrum ex diversis Mundi partibus quamplurime querelæ perlatae fuerint, quod vigore diversarum Indulgentiarum & facultatum per Prædecessores nostros ac etiam Nos vel auctoritate nostra Multi Quæstiones ex eisdem Indulgentiis lucrum temporales tantum quaerentes &c.



CAPUT V.

DE EFFECTU INDULGENTIARUM.



UT Indulgentiarum effectus innotescat, inquirendum est? 1.^o An Indulgentiæ remittant peccata quantum ad culpam? 2.^o An poenas temporales? 3.^o An remittant Pœnitentias Sacramentales? 4.^o An de injunctis Concessis extendantur ad peccatorum poenas, pro quibus pœnitentiæ injunctæ non sunt? 5.^o An suum fortiantur effectum recedente fictione?

ARTICULUS I.

An Indulgentiæ remittant peccata quantum ad culpam?

CONCLUSIO 1.^a Peccatum lethale quantum ad culpam remitti non potest per Indulgentias.

Prob. Peccati lethalis culpa relaxari non potest, quin Deus, in misericordia sua dives, nostræ humanitatis figmentum agnoscens cor hominis intrinsecus inmutet; quandiu enim homo manet habitualiter aversus a Deo, poenæque æternæ subiectus, nequit peccati lethalis macula expers intelligi. *Non potest* (inquit D. Thomas *quest. 28. de veris. artic. 2.*) *aversio removeri, nisi fiat conjunctio ad bonum incommutabile, a quo bono per peccatum discessit*. Hæc autem immutatio cum fiat per gratiam sanctificantem, idcirco ad auferendam aversionem ex peccato lethali relictam, gratiæ sanctificantis donum necessarium poscitur, non secus ac ad cæcitatis sanationem necessaria est potentie visivæ restitutio. Porro hujusmodi gratiæ assecutio non per Indulgentias, sed duntaxat per Sacramenta tanquam per instrumenta Divinæ virtutis habetur. Ergo nequit remitti peccatum lethale, quantum ad culpam per Indulgentias.

Si quis vero reponeret, solum inde inferri, culpæ lethalis remissionem haberi non posse circumscripta Sacramentorum virtute: ceterum, hoc non ob stare, quominus Sacramentis in voto influentibus

possint Indulgentiæ ad eam pariter concurrere; querendum ab eo est: An Sacramentis in voto influentibus perfecta peccatorum lethaliū exhiberetur contritio: an imperfecta, quæ attritio supernaturalis dicitur; vel utraque deficiente, efficaciæ Sacramentalis confessionis propositum? Si primum dicatur, admittimus, tunc hujusmodi remissionem obtineri, independentem tamen id fieri ab Indulgentiarum subsidio, sed ob indispensabilem nexum perfectæ contritionis cum gratia sanctificante, quæ nequit cum lethali peccato consistere. Secundum recipi non potest, quoniam enim supernaturalis attritio consona ad Tridentinæ doctrinam *Seff. 14. cap. 3.* Dei donum sit ac Spiritus Sancti impulsus, non adhuc quidem inhabitantis, sed tantum moventis, quo pœnitens adjutus viam sibi ad iustitiam parat, nequit tamen sine Pœnitentiæ Sacramento in re suscepto ad dictam remissionem seu gratiam sanctificantem impetrandam perducere. Tertium non facit ad rem; siquidem seclusa pœnitentia, nequit peccatum lethale deleri, ut docet Tridentinum *Seff. mon. citata cap. 1.* his verbis = *Fuit quidem pœnitentia universis hominibus, qui se mortali aliquo peccato inquinassent, quovis tempore ad gratiam & iustitiam assequendam necessaria, illis etiam, qui Baptismi Sacramento ablut peccatis, ut perveritate abjecti & emendati, Dei offensionem cum peccati odio, & pio animi dolore detestarentur* = Ubi duo innuit ad pœnitentiam requiri, peccati nempe abjectionem, & animi dolorem seu peccati detestationem, quæ non possunt in simplici confitendi proposito reperiri.

Dices. Ex Summorum Pontificum Decretis constat, Indulgentiarum virtutem ad remittendum tum poenæ tum culpæ reatum extendi. 1.^o quia Urbanus II. pro Hierosolymitana Expeditione Indulgentiam Plenariam concedens inquit = *Moneamus igitur & exhortamur in Domino, & in remissionem peccatorum injungimus* = Ac deinde subdit de iis, qui sacram

Ex.

Expeditionem susceperint = *Si in vera penitentia decesserint*, & peccatorum Indulgentiam, & fructum eterne mercedis se non dubitantes habituros = Ea autem verba Remissionem peccatorum, his aliis conjuncta Et fructum eterne mercedis se non dubitantes habituros de poena & culpa possunt intelligi 2.^o Gelasius II. ad Christianorum exercitum, Civitatem Casaraugustanam obsidentem scribens, his utitur verbis = *Si quis vestrum accepta de peccatis suis penitentia, in Expeditione hac moruus fuerit, Nos eum Sanctorum meritis, & iussu Catholice Ecclesie precibus, a suorum vinculis peccatorum absolvimus* = 3.^o In nonnullis antiquis Indulgentiarum Diplommatibus hæc clausula reperitur *A culpa & poena* quæ citra fallitatis ac deceptionis notam adhiberi non posset, si Indulgentia & culpam & poenam non remitteret.

Resp. ad 1.^{am}, Urbanum II. asserere, eos, qui sacram Expeditionem susceperint habituros fructum eterne mercedis ob conjunctam operi præscripto Confessionem Sacramentalem, quæ necessario secum affert absolutionem remittentem culpas. Ad 2.^{am} facilis est solutio, nempe Gelasii verba = *A suorum vinculis peccatorum absolvimus* = esse intelligenda de vinculo poenæ, non culpæ. Nec mirum est, cum per impositam satisfactionem Sacramentalem poenitens ligatus censetur, donec illam expleverit; ideoque Tridentini Patres *Seff. 14. cap. 8.* (ut notavimus supra *Cap. 1. art. 3.*) hanc Christi sententiam = *Quæcunque ligaveritis super terram erunt ligata & in Cælis* = interpretati sunt de impositione satisfactionis in foro Sacramentali. Ad 3.^{am} Respondent nonnulli Doctores, falsum esse, Sedem Apostolicam quandoque in Indulgentiarum concessionibus eam clausulam adhibuisse. His favet Cardinalis Cusanus Legatus Apostolicus in Germania, de quo hæc refert Magnum Belgii Chronicon = *Reverendissimus in Christo Pater, Dominus Nicolaus tituli S. Petri ad Vincula Presbyter Cardinalis per Alemanniam Legatus* *omnibus qui in sue Legationis terminis habitabant, vere contriti & confessi* *concessit Jubilæum, id est plenam omnium peccatorum remis-*

ssionem, non autem a poena & culpa absolutionem; quia, ut ipse in Synodo Provinciali, nobis audientibus, Magdeburgi per ipsum celebrato dicebat: *Sedes Apostolica sub his verbis: a poena & culpa, Indulgentius nunquam sære consuevit* = ideoque eorum sententia est, ex Quæstorum malitia id fuisse adinventum, atque in Literis Apostolicis insertum, ut ad Indulgentias pro portigentibus manus adiutrices concessas allicerent, aurumque facilius a Christianis delibis extorquerent. Alii Authores putant, eam clausulam esse intelligendam de remissione venialium duntaxat; ad ea quippe delenda, inquit, etiam Indulgentiam conferuntur. Quantum autem veritatis & roboris hæc opinio præferat, constabit ex inferius dicendis. S. Antoninus & Tabienna arbitrantur, ea verba = *Remissionem a culpa & poena* = esse quendam loquendi modum ad Plenissimam Indulgentiam declarandam perbelle accomodatam; ideoque dicunt, culpæ vocabulum in ejusmodi concessionibus fuisse usurpatum, non quia Indulgentiarum virtute inducatur culparum relaxatio: bene vero quia ad illas compandandas debeat unusquisque contritus ac devotus accedere, ut hujus præviz dispositionis intuitu, culparum remissionem assequatur. Quod diversis sane vocibus, eundem tamen sensum reddentibus, a quibusdam Doctoribus exponitur: Indulgentiam nempe non concurrere ad relaxandam culpam aut effective aut formaliter, sed solum excitative, eo modo quo supernæ Beatitudinis merces movet ad observantiam mandatorum Dei, juxta illud Psalm. 118. = *Inclinavi cor meum ad faciendas justificationes tuas in æternum propter retributionem* = Sylvius in *Commentar. ad Supplement. 3. part. D. Thomæ qu. 25. art. 2.* asserit, eam clausulam, in Jubilæis sive ordinariis sive extraordinariis usurpatam, significare facultatem obtinendi absolutionem a casibus reservatis. Cæterum sive D. Antonino, sive Sylvio subscribas, colliges, nunquam verum esse, per Indulgentias culparum relaxationem obtineri.

Hinc inter aniles fabellas recensendum non ambigimus id, quod refert in *Historia Mediolanens.* Bernardinus Corius, vir cæteroquin rerum Theologicarum imperitus:

tus: Bonificium scilicet IX. dedisse pro ditione Vicecomitum Indulgentiam, qua unusquisque certis collatis elemosynis ad Pauperum levamen, a quocunque peccato beneficium absolutionis obtineret, quamquam nec confessus esset, nec corde contritus; in eo profecto non leviter deceptus, quod Indulgentiam, si quæ fuit a Bonificio concessa, ad remittendam peccati penam intellexerit eandem propria virtute culpæ reatum expungere; Curia siquidem Romanæ prælaudati Pontificis ætate hunc palmarem errorem, aut adeo supinæ & crasse ignorantie notam asingere, non leve stupiditatis est vitium. Vide dicta in *Differt. Proximal. Historie*. §. 5. ex quibus constat, quam accurate se gesserit Bonificius Pontifex, ut huiusmodi Indulgentiarum abusus, qui ex Quæstorum malitia prodierant, penitus tolleretur, atque eorum Authores eliminaret.

An vero, quod de culpa lethali statuiamus, de culpis venialibus sit dicendum, major est difficultas = *An Indulgentiæ* (inquit, *Zerula in Tract. Jubil. & Indulgentiar.*) remittant culpam saltem venialem. Respondet quod sic, ex D. Antonino: *per Indulgentiam, inquam, ut habet rationem cujusdam absolutionis remittit culpam peccati venialis, sicut per Confessionem generalem non Sacramentalem, sed ad hoc requiritur contritio, non perfecta, sed aliqua contritio semiplena adjuncta Papali vel Episcopali absolutioni, vel aliquo alio remedio, quod per se non est sufficiens. Clarum enim est, ad deletionem venialium non requiri actualem contritionem; & hic sufficere virtuale & habitualem dolorem de illis* = Idem ante Zerulam asseruerunt Paludanus alique, quos supra diximus, Clausulam *A culpa & pena de venialibus exposuisse*.

Ad hujus rei perfectam intelligentiam præmittendum est primo, peccatum veniale ex eo nomen accipere, quod principium veniæ ac remissionis nempe gratiam sanctificantem non excludat (ut docet D. Thomas *qu. 7. de Malo art. 1.*) in quo a lethali differt; quamquam enim utrunque inordinationem importet in linea morali, non tamen veniale avertit ab ultimo fine; ac proinde nec charitatis amicitiam dirimit, vel gratiam adimit,

moralis supernaturalisque vitæ fundamentum, ex cuius deficientia & privatione homo efficitur filius iræ, filius vindictæ, filius gehennæ, sed solum quandam maculam in anima relinquit, quæ est privatio nitoris gratiæ sanctificantis, non quidem se tenens ex parte subjecti, perinde ac aliquis gradus intentionis prædictæ gratiæ deficiat, sed ex parte termini duntaxat, quia venialia præpediunt, ne prompte feramur in Deum = *Per peccatum veniale* (ait D. Thomas in 3. par. q. 87. art. 1. in corp.) *retardatur affectus hominis, ne prompte in Deum feratur* = & in 4. diff. 16. qu. 2. art. 1. *quæstionunc. 2. ad 3. = Peccatum veniale quantumvis Deo displicat, quia inordinatum est, non tamen facit peccantem Deo displicentem, quia non aufertur claritas gratiæ, sed quodammodo obnubilatur, in quantum ejus processus ad exteriora impeditur* = eo modo quo inclinatio naturalis ad bonum honestum minuitur, non quasi aliquid entitatis ab ea auferatur, sed quia appositis impedimentis ad boni honesti prosecutionem redditur minus expedita. Præmittendum secundo est, culpam venialem in eo, qui peccat, nedum maculam mox descriptam inducere, verum etiam aliquam offensam Deo irrogare, non infinitam, sed limitatam; quemadmodum enim ob aversionem a Deo in peccato lethali comprehensam, relucet in eo peccato offensam Dei simpliciter infinitam (ut docet D. Thomas in 3. par. q. 1. art. 2. in resp. ad 2. dicens = *Peccatum contra Deum commissum quandam infinitatem habet ex infinitate Divinæ Majestatis, tanto enim offensa est gravior, quanto major est ille, in quem delinquitur* = quæ consistit in intentata privatione juris, quod habet Deus, ut tanquam ultimus finis ab omnibus habeatur) ita venialis culpa ab ipso Deo divertens, ordine tamen ad eundem ut ultimum finem servato, adimit ab actu terminationem actualem ad Deum, quem actualiter delinquens non respicit, prohibetque ne Deus per modum ultimi finis prædicto operi actualiter dominetur. His præmissis

Conclusio 2.^a sit. Per Indulgentias remitti non possunt peccata venialia quantum ad culpam.

Prob. Non obtinetur peccatorum venialia-

nalium remissio nisi per actus a gratia & charitate prodeuntes = *Remissio venialium*, inquit Angelicus in 3. par. qu. 87. art. 2. in respons. ad 1.^m *est effectus gratiae, per actum scilicet, quem de novo elicit, non autem per aliquid habituale* = & in respons. ad 3.^m = *Ad tollendam maculam venialis peccati requiritur actus procedens ex gratia, per quam removeatur inordinata adhæssio ad rem temporalem* = Hujusmodi autem actus alii esse non possunt quam contritionis & charitatis expliciti, vel impliciti, ut docet idem D. Thomas ubi supra. Ea siquidem voluntatis exigitur mutatio, qua actus, vi cuius macula habitualis fuit inducta, retrahitur; quando enim voluntas eodem modo perseverat, ea macula deleri non potest. Per Indulgentias igitur peccata venialia quantum ad maculam seu culpam, quam in anima relinquunt, remitti non possunt.

Obijcies. Sacramentalia possunt ex opere operato veniales culpas delere; adeoque neut ad Catholice Religionis cultum ex Ecclesiae institutione ordinata, eum effectum possunt prestare, quem ex se considerata nequaquam inducerent, ita eundem effectum possunt causare Indulgentiæ, mediante Ecclesiae institutione.

Respondent 1.^o aliqui Doctores, admit- tendo sacramentalia venialium deletionem ethere ex opere operato, sed Ecclesiam ea physice non elevare, ut gratiæ auxilia communicent ad eorundem venialium deletionem necessaria, sed duntaxat id suis orationibus impetrare. Hoc autem nequit Indulgentiis applicari; nisi dixeris, eas inter sacramentalia recenseri, quod nullus ex Theologis recipiet.

Resp. 2.^o huius esse, Sacramentalium virtute peccata venialia immediate relaxari ex opere operato, quia quando forma, perfectio aut effectus subjectis tribuitur juxta eorum dispositionem, eorumque dispositioni respondet, non communicatur ex opere operato, sed ex opere operantis. Remissio autem venialium non fit formaliter per ipsa sacramentalia, quæ quid extrinsecum sunt, aut per aliquod donum habituale præcise ab omni operatione per sacramentalia communicatum, sed per actus venialibus culpis repugnantes, quibus tanquam propriis

congenitisque dispositionibus respondet ipsa remissio.

Diximus: *immediate & ex opere operato*, quia sacramentalia causalitatem habere in venialium remissionem, citra dubium recipitur; ad hanc enim sufficit causare auxilia moventia ad actus, per quos venialia immediate & formaliter excluduntur, quod profecto præstant, quatenus sunt instituta & consecrata orationibus Ecclesiae habentis sufficientem virtutem, ad hujusmodi auxilia ex opere operato via impetrationis obtinenda. Hinc quod perperam obijcitur, ex dictis inferri sacramentalia parum prodesse ad venialia delenda, invicte refellitur dicendo, esse utilissima, tum quis dicto modo concurrunt, tum quia actus pro remittendis venialibus essentialiter exacti non fierent, nisi sacramentalium usus præcederet. Verum si quis hanc medietatem quoque causalitatem, in Indulgentiis reperiri, asserere niteretur, id minime inipugnaremus earum siquidem occasione non raro Christi-fideles ad actus contritionis & charitatis excitantur.

ARTICULUS II.

An Indulgentiæ remittant pœnas peccatis debitas solum in foro Ecclesiae?

EX dictis in Cap. 2. Artic. 1. ubi potestatem penes Ecclesiae Praelatos quibus Indulgentias ex Ecclesiae Thesaurò statuimus, inutiliter prorsus videtur examini commissum inquirere: an Indulgentiæ remittant pœnas solum in foro Ecclesiae? Cæterum quia hoc Dubium non fuit pro merito discussum, ac quædam Argumenta contra Indulgentiarum valorem solvenda supersunt, satius duximus de hac re in hoc capite pertractare, ubi propriam sedem obtinet, quam eam silentio præterire.

Præter Heterodoxos, qui Indulgentiarum valorem in foro Dei prodesse denegarunt, quorum fecimus mentionem in *Differ. Proæmial.* § 6. non defuerunt quidam ex veteribus Doctoribus, qui putarunt, per Indulgentias reatum pœnæ temporalis in foro Dei minime relaxari, sed

sed poenitentiam duntaxat in foro Ecclesie inunctam auferri = *Ab omnibus conceditur* (inquit Angelicus in 4. dist. 20. qu. 1. art. 3. *questiunc. 1.*) *Indulgentias aliquid valere, quia impium esset dicere, quod Ecclesia aliquid vane faceret, sed quidam dicunt: quod non valent ad absolvendum a reatu poenae, quam quis in Purgatorio secundum iudicium Dei meretur, sed valent ad absolutionem ab obligatione, qua Sacerdos obligavit poenitentem ad poenam aliquam, vel ad quam etiam ordinatur ex Canonum statutis.*

Conclusio. Indulgentiae remittunt poenas temporales etiam in foro Dei. Ita nunc sentiunt omnes Doctores Catholici.

Prob. 1.^o Ex Concilio Tridentino in *Decret. de Indulg.* ubi earum utilitas his verbis definitur = *Sacrosancta Synodus Indulgentiarum usum Christiano populo maxime salutarem esse docet* = Si autem Indulgentiarum locum haberent solum in foro Ecclesie, non essent Christianis fidelibus maxime salutares. Dicendum ergo est Indulgentias poenas temporales remittere in foro Dei.

Prob. 2.^o ex Constitutione Leonis X., cuius initium est *Exurge Domine* recitata in *Disert. Proemial.* §. 7. num. 20., qua sub num. 19. hæc Lutheri propositio damnatur = *Indulgentiæ, his qui veraciter eas consequuntur, non valent ad remissionem poenae pro peccatis actualibus debite apud Divinam Iustitiam* = Ergo affectio Indulgentiarum valet ad poenae temporalis remissionem apud Divinam Iustitiam: quod profecto idem est, ac Indulgentias remittere poenas temporales in foro Dei.

Prob. 3.^o Argumento petito a ratione. Si Indulgentiae tantam non haberent virtutem, ut poenas temporales debitas in foro Dei relaxarent, non in spirituales animarum utilitatem cederent, sed potius in gravamen: quia ab exhibenda Deo debita satisfactione Christiani fideles abducerent, ipsosque Divinae vindictae in saeculo futuro traderent puniendos; Quod inconueniens, ut veteres Theologi rejiciant, nostram Conclusionem propugnant = *Remisso* (inquit D. Thomas loco mox laudato) *quæ sit quantum ad forum Ecclesie, valet etiam quantum ad forum*

Dei; & præterea Ecclesia huiusmodi Indulgentias largiens seu dant magis damnificaret, quam adjuvaret, quia remitteret ad graviores poenas scilicet Purgatorii, absolvendo a poenitentis inunctis; & ideo aliter dicendum, quod valent & quantum ad forum Ecclesie, & quantum ad iudicium Dei = Latum unguem ab hac doctrina non defleat D. Bonaventura in 4. dist. 20. par. 2. art. 1. qu. 2. oppositam enim nostrae Conclusioni sententiam rejiciens ait = *Ista Optio etsi relaxationes videatur ponere, verius tamen interimit, quia si relaxantur, ita quod Deus non relaxat, potius deceptio quam relaxatio vera iudicanda est, & potius crudelitas, quam pietas dici potest, dum minuendo hic poenitentiam, in futuro ad graviora erabit supplicia.* Ideo aliter dicendum est, quod relaxatio illa, non solum valet in foro Ecclesie, verum etiam in foro Dei = Indulgentiae ergo remittunt poenas temporales etiam in foro Dei.

Obijcies 1.^o cum Kemnitio in 4. par. *Examin. Concil. Tridentini Cap. ult.* Relaxationes multarum Canoniarum, de quibus fit mentio apud Patres & Concilia, habuerunt locum duntaxat in foro Ecclesie, satisfactiones enim illae non indiciebantur ab Ecclesia ad poenae temporalis expiationem, quæ peccato quoad culpam diuinitus Deo solvenda debebatur, sed ad meram Fidelium ædificationem; ut qui se gravioribus criminibus maculaverant, iis essent exemplum, quibus antea per suum peccatum scandalum fuerant. Vel ergo Indulgentiae non relaxant poenas debitas in foro Dei, vel sunt diversae ab antiquis relaxationibus.

Resp. Falsum esse satisfactiones illas, juxta veterem Ecclesie disciplinam publicis peccatoribus pro gravioribus criminibus inunctas, locum habuisse solum in foro Ecclesie; plurimum enim valuisse in foro Dei, late ostendimus in *Disert. Proem.* §. 2. ex Patribus contra Calvinum: ac proinde virtutem obtinuisse, ac obtinere ibi earundem relaxationes. Et hanc fuisse mentem Ecclesie in huiusmodi relaxationibus elargiendis, in pluribus locis nos edocet D. Cyprianus, sed potissimum in *Epist. xiv.* ad Presbyteros & Diaconos data = *Satis plene scripsisse* (inquit) *me ad rem proximis literis*
ad

ad vos factis credo : ut qui libellum a Martyribus acceperunt, & auxilio eorum adjuvari apud Dominum in delictis suis possunt, si premi infirmitate aliqua, & periculo caperint, exomologesi facta, & manu a vobis in poenitentiam imposita, eum pace a Martyribus sibi promissa, ad Dominum remittantur = Adjuvari autem Christifideles in delictis suis apud Deum, nihil aliud est, quam poenae remissionem obtinere, quae aliquin non in hac vita, tantum ex vi Canonum poenitentialium, sed & in altera peccatis debetur, sic exigente Divina Iustitia. Idque magis ex eo roboratur, quod Poenitentes, de quibus loquitur S. Cyprianus, erant morti proximi = *Si premi, inquit, infirmitate aliqua & periculo caperint* = Indulgentia vero, quae valeat duntaxat in foro Ecclesiae, non indigent illi, qui viam universae carnis sunt quantocumque ingressuri; siquidem in eo casu non possent poenitentiae canonicae labores subire; & praeterea mors, quae supponitur imminere, reos absolute ab illis oneribus implendis eximeret. Antiquarum, igitur relaxationum virtus, de quibus sit mentio apud Patres & Concilia, alteram in Purgatorio subeundam poenam poterat expiare. Hinc antiquae & novae Indulgentiae quamquam accidentaliter differant, non tamen in quatuor causarum generibus discriminantur, ut notat Bellarmin. *Lib. 2. de Indulg. Cap. 18.* Conveniunt 1.^o in causa materiali; omnium enim subiectum est poenitens vel poenis temporalibus obnoxius, vel poenitentiis salutaribus mancipatus. 2.^o Eandem causam efficientem agnoscunt, quia Indulgentiae a Summis Pontificibus, vel ab Episcopis conceduntur, quod pariter constat de antiquis relaxationibus; & ideo diximus *Cap. 3. Artic. 6.* D. Cyprianum temerarium quorundam Presbyterorum ausum damnassee, qui propria auctoritate poenitentes ad pacem ac reconciliationem admiserant. 3.^o In causa formali non discrepant, quae est absolutio vel a poena temporalis in praesenti vita vel in futura solvenda, vel a poenitentiis iniunctis per ministerium potestatis Clavium. Quod vero per antiquas relaxationes poenitentiae Canonicae iniunctae remitterentur, per recentiores tam iniunctae quam injungendae, hoc ideo est, quia ante saeculum duodecimum duriores imponebantur satisfactiones,

quae non raro culpae gravitatem aequabant, nunc vero mitiores criminibusque impares injunguntur. 4.^o Si causam finalem in utrisque attendas, eandem reperies, Dei gloriam ac spirituale Christifidelium utilitatem.

Dices. Variis in locis D. Cyprianus impugnat antiquarum relaxationum valorem, apud Deum, pro remittendis poenis temporalibus; *Libro enim de lapsis*, contra eos, qui pro obtinendis Indulgentiarum Libellis Martyres deprecabantur, ostendit, peccata sive quoad culpam sive quoad poenam considerata posse duntaxat poenitentiae laboribus deleri, non vero Indulgentiis = *Dominus, inquit, orandus est, Dominus nostra satisfactione placandus. Sola superest poenitentia, quae satisfacit Christo. Qui autem poenitentiam criminis tollunt, satisfactionis viam claudunt, ita sit, ut dum temeritate quorundam, vel promittitur solus lapsa, vel creditur, spei vere salutis, adimatur* = Praeterea Indulgentiam sine legitima poenitentia impetratam vocat bellum = *Ante expiata delicta, ante purgatam conscientiam Sacrificio & manu Sacerdotis, ante offensam placatam, pacem putant esse, quam quidam verbis fallacibus venditant. Non est pax illa sed bellum* = Tandem affirmat Indulgentiam nullam Lapsis posse utilitatem asserere = *Contra Domini ac Dei legem temeritate quadam laxatur incautis communicatio. Irrita & falsa pax, periculosa dantibus, & nihil accipientibus profutura* = Censuit ergo D. Cyprianus, antiquis relaxationibus non deleri poenas temporales in foro Dei, sed ad summum poenitentias Canonicas in foro Ecclesiae.

Resp. non improbasse praelaudatum Sanctum Antifistem antiquarum Indulgentiarum valorem, etiam in foro Dei, in *Libro de lapsis*, quem perspicue constat, in supracitata *Epistola* xiv. tantopere commendasse, sed duntaxat abusum, qui in applicatione earundem irrepsit. Lapsi enim, excitatis tumultibus, nulla satisfactione perfuncti, quae juxta veterem Ecclesiae disciplinam exigebatur, pacem sibi temerario ausu dari contendebant, ut dictum est in *Dissert. Proemial. §. 3.* Eo vel maxime quod ipsa relaxatio a Sacerdotibus, nullam ad id habentibus auctoritatem, impetrabatur. Hunc ergo modum expetendi &

G g dandi

dandi Indulgentiam damnavit Cyprianus: & merito ostendit, huiusmodi relaxationum genere falsam promitti salutem, satisfactionis vitium claudere, falsam pacem incautis promitti, nihil accipientibus profuturam.

Obijcies 2.^o cum Petro Suavi. Concilium Tridentinum in *Decret. de Indulgentiis* asseruit: ex nimia Indulgentiarum facilitate Ecclesiasticam disciplinam enervari. Igitur Indulgentiæ non nisi ad remittendas poenas in foro exteriori debitas ordinantur, nec ad conscientiam spectant, aut delent reatum poenæ temporalis Divinæ Justitiæ exolvendum.

Resp. Argumentum Suavis maxime claudicare; oppositum enim ex eo principio deducitur. Indulgentiæ profecto liberant ab exterioribus poenitentis Canonici: id tamen minime præstarent, nisi pariter a poenis in foro Dei debitis liberarent; cum ad eas exolvendas huiusmodi poenitentia sint iunctæ. Alias morbum relinquerent, & medicinam auferrent. Ideoque hunc valorem significari notat Bellarminus his verbis = *De vera Indulgentia* = quæ solent adhiberi in Sacello Pontificio, cum promulgantur Indulgentia = *Quia vera Indulgentia*, inquit, *dicitur, quæ reatum poenæ non solum coram Ecclesia, sed etiam coram Deo tollit.*

Alia, quæ ab Adversariis contra nostram Conclusionem directe vel indirecte proponuntur Argumenta, pertractata & soluta reperit Lector supra Cap. 3. Artic. 1.

ARTICULUS III.

An Indulgentiæ remittant Poenitentias Sacramentales.

POST excitatum dubium de Indulgentiis in ordine ad poenas temporales, quod disquisitione potissimum indiget, illud est de Poenitentia Sacramentalibus: num ex per Indulgentias remittantur?

Pro quo observandum est 1.^o, in recenti justificatis, præter poenæ temporalis reatum, manere quosdam spirituales animæ languores, qui a Doctoribus scoriæ seu reliquæ peccatorum, & pronitates in malum vocantur. Meminit de his D. Thomas in 3. p. quæst. 86. art. 5. ad 1. his verbis = *Dicen-*

*dum, quod peccatum mortale, ex parte conversionis inordinatæ ad bonum commutabile quandam dispositionem causat in anima, vel etiam habitum, factus frequenter iteretur. Sicut autem dictum est, culpa peccati mortalis remittitur, in quantum tollitur per gratiam aversio mentis a Deo; sublato autem eo, quod est ex parte aversionis, nihilominus remanere potest id, quod est ex parte conversionis inordinatæ, cum hanc contingat esse sine illa, sicut prius dictum est. Et ideo nihil prohibet, quin remissa culpa, remaneant dispositiones ex præcedentibus actibus causatæ, quæ dicuntur peccati reliquæ, remanent tamen debilitatæ, & diminuatæ, ita quod homini non dominentur: & hoc magis per modum dispositionum, quam per modum habituum = Idem docet D. Bonaventura in 3. dist. 36. Art. unico quæst. 4. ostendens, huiusmodi animæ languores oriri ex conversione ad bonum, commutabile = *Si loquamur*, inquit, *de vitis quantum ad conversionem, sic per conversiones ad diversa bona commutabilia, diverse oriuntur in nobis pronitates in vitia.**

Observandum est 2.^o, Poenitentia Sacramentales ad duos fines ex Divina institutione ordinari, ad puniendos scilicet antea vitæ excessus, quo pacto punitivæ dicuntur: & ad cohibendas passiones, qua ratione curant spirituales animarum morbos, & a futuris criminibus præservant, & medicinales nuncupantur; quomobrem Concilium Tridentinum declarans, quomodo se gerere debeant Sacerdotes in poenitentialibus satisfactionibus injungendis, *Sess. 14. cap. 8.* inquit, = *Habeant autem præ oculis Sacerdotes, ut satisfactio quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam & castigationem. proculdubio enim magnopere a peccato revocant, & quasi freno quodam coercent hæc satisfactoria poenæ: cautioreque & vigilantiores in futurum poenitentes efficiunt: medentur quoque peccatorum reliquiis, & vitiosos habitus male vivendo comparatos, contrariis virtutum actibus tollunt.*

His observatis, primus dicendi modus est, per Indulgentias nullo modo poenitentiam

tiam ut punitivam seu solutivam poenae temporalis relaxari. Ita sentiunt Gregorius Valentia *Tom. 4. in 3. p. disp. 7. quest. 20. §. Sunt autem*. Andreas Duallius in *Tract. de Indulgent. quest. unic. Art. 8.* Vivaldus de *Indulg. nu. 26.* Candidus *disquis. 24. dub. 10. num. 30.* Trullenc in *Bullam §. 1. dab. 14. num. 14.* Secundus vero admittit per Indulgentias poenitentiam tum solutivam poenae temporalis, tum medicinalem relaxari, ac per consequens cessare omnino obligationem poenitentiae ut medicinalis susceptis Indulgentiis; & hunc propugnat Cardinalis de Lugo adducens in sui patrocinium Viguierum *Cap. 16. §. versu 21.* Alexandrum Alensem *4. p. quest. 23. membr. 1. art. 1.º*; D. Bonaventuram in *4. disp. 20. art. 1.º quest. 2.º*, Richardum *art. 3. quest. 1.º* & alios Doctores.

Conclusio 1.ª Per Indulgentias remittuntur Poenitentiae Sacramentales ut punitivae, seu solutivae poenae temporalis. Subscribunt huic Conclusioni omnes Doctores, exceptis his, qui primum dicendi modum amplectuntur.

Prob. 1.ª autoritate Divi Thomae in *4. disp. 20. quest. 1. art. 3. quest. unic. 1.º* ubi ait = *Dicendum est, quod valent Indulgentiae, & quantum ad forum Ecclesiae, & quantum ad iudicium Dei: ad remissionem poenae residuae post contritionem & absolutionem, & confessionem, siue sit iuncta siue non* = Clarius idem docuit D. Thomas in *Quodlibeto 2. quest. 8. artic. 16. in resp. ad 3. = Dicendum*, inquit, *quod satisfactio & est punitiva, in quantum est actus vindictivae iustitiae, & etiam est medicativa, in quantum est quoddam sacramentale. Indulgentia ergo supplet locum satisfactionis, in quantum est punitiva, quia scilicet poena, quam alius sustinuit, imputatur isti ac si ipse sustinisset; & ideo reatus poenae tollitur* = Ergo de mente Divi Thomae Indulgentiae remittunt poenitentias ut solutivas poenae temporalis.

Prob. 2.ª Satisfactio Sacramentalis ut punitiva est in ordine ad solvendum reatum poenae temporalis inductum per culpam, Confessione Sacramentali subiectam; adeoque ubi non datur aut cessat dictus reatus, opus non est satisfactionis Sacramentalis subsidium. Porro obtentis Indulgentiis cessat dictus reatus per applicatas Christi,

Sanctorumque satisfactiones in Ecclesiae Thesauris reconditas. Quod magis declaratur & ostenditur. Affectu Indulgentiarum effectu, non subsistit Poenitentiae Sacramentalis obligatio; lex enim aut praeceptum, in praesumptione fundatum, locum non habet circumscripta praesumptione. Itaque cum praeceptum ad Poenitentiae Sacramentalis obligationem, praesumptioni poenae debita non soluta innitatur, ea praesumptione cessante, propter Indulgentias acquisitas, quibus poena debita solvitur, & ab ea Fidelis absolvitur, deficit obligatio implendi poenitentiam ut solutivam. Ergo tanta virtute pollent Indulgentiae, ut remittant Poenitentias Sacramentales prout solutivas poenae temporales.

Salubre tamen consilium esse, tradit Angelicus loco citato, Fideles, etiam Indulgentiarum virtute ab onere solvendi poenam temporalem exemptos, non omittere satisfactionem Sacramentalem = *Consuendum est eis, qui Indulgentias consequuntur, ne per hoc ab operibus poenitentiae iunctis abstineant, ut etiam ex eis remedium consequantur; & praecipue quia quantoque sunt plurium debitores quam credant.*

Obijcies 1.º Supremum est Poenitentiae Sacramenti tribunal, nec ullus excepto poenitente reperitur in terris, valens satisfactionem in hoc tribunali a Sacerdotibus indictam implere; haec enim ex iure Divino spectat ad Sacramenti Poenitentiae integritatem. Alias si per Indulgentiarum virtutem Poenitentia Sacramentalis ut solutiva poenae temporalis remitteretur, earum concessionibus jus Divinum abrogaretur; quod cum repugnantiam involvat, consequens est, Indulgentias non posse Poenitentias Sacramentales remittere.

Respondent 1.º aliqui Doctores, Praetatum Indulgentias concedentem posse, ac velle Poenitentiam Sacramentalem, seu onus eam implendi immediate relaxare, quia suprema, qua pollet solvendi potestate, valet quodcumque jus humanum auferre, unde praeceptum Sacerdotis obligans ad Sacramentalem satisfactionem obeundam, noscimus dimanare. Verum hanc responsionem obiectam difficultatem non solvere, constat ex eo, quod sententia lata in foro Sacramentali est definitiva; adeo-

que nemo in humanis extra Sacramentum operans, quamquam Summi Pontificis Auctoritate supra ceteras personas emineret, posset eam aut immutare, aut abrogare; causa quippe tractata, ac definita in foro potissimum supremo, nequit in aliud revocari; ut ex ratione naturali constat, habeturque *cap. Cum quidam de Exceptionib. in 6.* Forum autem Sacramentale supremum est, Christo per suum Ministrum ibi sententiam ferente. Accedit, dari proportionem inter potestatem solvendi, & potestatem ligandi. Cum ergo nullus extra tale forum possit ligare ad Pœnitentiam Sacramentalem, nec pariter poterit ab ea absolvere directe & immediate.

At Inquis. Indulgentiæ in foro Pœnitentiali conceduntur, ac proinde obligationem de Pœnitentia Sacramentali valent immediate relaxare.

Resp. vel verum non esse absolute, quod Indulgentiæ in foro Pœnitentiali concedantur, ut inquit Suarius *Disp. 50. sect. 2.º num. 6.*: vel per forum Pœnitentiale, non illud duntaxat intelligi, quod Sacramentale est, sed etiam illud, quo Deo satisfactio pro pena temporalis ipsi debita exhibetur. Cæterum ex hoc non evincitur, Indulgentias obtinere virtutem ad relaxandas immediate Pœnitentias Sacramentales, ut solutivæ poenæ temporales debita in foro Dei.

Resp. 2.º ad Objectionem, & quidem melius. Ob supremum Sacramenti Pœnitentiæ tribunal, neminem posse absolvere ab onere Injunctæ Pœnitentiæ directe, Sacerdotis sententiam irritando, vel in ea dispensando, bene vero indirecte, reatum poenæ temporalis auferendo per Indulgentiarum dispensationem. Sacramentum enim hoc, non ex alio capite ad sui integritatem Pœnitentiam ut punitivam exposcit, quam propter poenæ temporales debitum non solum. Verum cum Indulgentiæ per Christi Sanctorumque satisfactiones pœnitentibus applicatas, illud relaxent, sequitur, Summum Pontificem vel alium Prælatum indirecte vel mediate solvere, seu remittere mediis Indulgentiis Pœnitentiam Sacramentalem dicto modo consideratam: eo modo quo pecuniarum poenam, Senatus decreto alteri impositam exhibens ex propriis, debitorem eximeret a lege solvendi a superiore lata, non sententiam directe corrigendo, ob auctoritatis defectum, sed debitum solvendo.

Objicies 2.º Remissio Pœnitentiæ Sacramentalis ut solutivæ poenæ temporales, mediis Indulgentiis obtentis, fundamentum agnosceret in applicatione satisfactionum Christi & Sanctorum; istæ autem plus præstare non valent, quam si pœnitens, propriam satisfactionem adminiculo extra sacramentaliter, temporalis poenæ reatum compensaret. Itaque cum non remittatur pœnitentibus onus implendi pœnitentiam injunctam ut poenæ temporales solutivam, ex eo, quod illam in alia opera poenalia commutatur, nec pariter ob Christi Sanctorumque satisfactiones sibi per Indulgentias applicatas.

Resp. remissionem Pœnitentiæ Sacramentalis ut punitivæ non ita fundari in applicatis Christi Sanctorumque satisfactionibus, ut ea Sacramentalis satisfactio in istas commutetur; deest enim in Summo Pontifice extra Sacramentum auctoritas supra sententiam in foro Sacramentali prolatam, sed quia illis applicatis per Indulgentias concessas, reatus poenæ temporales expungitur, remittitur per consequens Pœnitentia Sacramentalis. Hinc esto quis possit plura opera satisfactoria extrasacramentalia peragere, non tamen in ea pœnitentiam sibi injunctam commutare; hic enim actus ad jurisdictionem judicalem pertinet, quem supra seipsum pœnitens non valet exercere.

Dices. Quamquam nequeat quis Pœnitentiam Sacramentalem in alia opera commutare, nihilominus potest reddi immunis ab onere hujus satisfactionis ut solutivæ poenæ temporales exhibendæ per alia opera præstita, ob quæ poenæ temporales reatus remitteretur. Ergo sicut per Indulgentiarum virtutem, ita per alia opera satisfactoria eximeretur pœnitens ab onere satisfactionis Sacramentalis ut solutivæ poenæ temporales.

Resp. 1.º cum Dicastillo in *tract. 8. de Sacram. Pœnit. disp. 1.º. dub. 2.º num. 37.* disparitatem in eo consistere, quod opera satisfactoria, ex propria voluntate suscepta, non gaudent ratione punitionis vindictæque judicialis, ad quam ex Confessarii præcepto pœnitens obligatur: adeoque ea pœnitentiæ injunctæ ut solutivæ poenæ temporales onus non relaxare. Per Indulgentias vero, nedum poenæ reatus aufertur vi satisfactionum Christi & Sanctorum, verum etiam ratio hujus vindictæ & puni-

tio-

tionis, quia Summus Pontifex Indulgentias ut Christi Dispensator faciens, valet utrumque debitum poenae vindictaeque iudicialis ex Ecclesiae Thesauro relaxare. Et haec doctrina ex eo robur accipit, quod Summus Pontifex nedum poenae reatum ex Christi Sanctorumque satisfactionibus compenset, verum etiam ab eo beneficium absolutionis impendat, acceptata solutione nomine Dei. Hoc autem non verificaretur, ubi poenitens propriis operibus satisfaceret; ibi enim non adest, qui Dei nomine solutionem acceptaret, nec aliunde constaret, Deum per seipsum eam solutionem admittere.

Resp. 2.^a Poenitentem exhibita, satisfactione extrasacramentaliter, si ita poenae temporalis debitum perfulverit, ut constet de adaequata & condigna solutione, ab implenda poenitentia Sacramentali omnino excusari, sicut ob certam notitiam duntaxat Indulgentiae comparatae excusaretur quis ab onere Poenitentiae Sacramentalis implendae; deficiente enim sine praeepti, & soluto debito, praeeptum atque solvendi obligationem deficere necesse est. Ceterum cum nemo, seclusa Divina revelatione, certus esse possit, se per opera extrasacramentaliter exhibita adaequate solvisse debitum poenae temporalis, hinc est, neminem ob hanc causam ab onere implendi satisfactionem Sacramentalem excusari. Tum, quia ratio poenitentiae ut medicinalis adhuc urget, ut ex mox dicendis constabit. Tum etiam quia licet poenitens aliis operibus extrasacramentaliter satisfactoriis, aliquam poenae temporalis remissionem obtineret, non ideo statim a toto illo reatu suorum peccatorum immunitatem assequeretur, in quorum poenam atque vindictam Sacerdos poenitentialem satisfactionem indixit; etenim non raro quamplurima alia peccata sunt, quorum debitum nondum est in foro Dei persolutum: imo & ipsa peccata, in quorum vindictam poenitentia est iuncta, contrahunt maiorem reatum poenae temporalis, quam sit ille, qui iuncta Sacerdotis satisfactione deletur; ideoque ex quocunque capite reatus ille nondum esset adaequate solutus, Sacerdotis praeeptum, adhuc vim obligandi retineret. Idque sedulo ac prudenter expensum evincit, neminem, moraliter loquendo, posse ob satisfactionem extrasacramentalem proprio

arbitrio oblatam, ad solutionem reatus contracti per culpas Confessione subiectas, ab onere implendi Poenitentiam Sacramentalem liberari. Hanc solutionem tradit Suarius loco citat. num. 9. his verbis: *In primis nemo potest licite ea intentione alia opera satisfactoria exercere, aut procurare, ut liberetur onere implendi poenitentiam iunctam, quando nullam aliam habet legitimam excusationem, quia hoc reuera esset in fraudem praeepti impossiti, quod primum omnium impleri debet, si commode fieri potest. Deinde, quavis alia opera satisfactoria aliquis faciat, aut aliis vili remissionem consequatur, non prospera statim liberatur a proprio reatu, & debito illorum peccatorum, pro quibus poenitentia Sacramentalis iuncta fuerat; nam semper esse possunt alia peccata non integre remissa, & illam peccata possunt esse digna maiori poena, quam fueris imposita, vel quam, alia via sit exhibita; & quacunque ratione non sit integre satisfactum pro tali peccato, adhuc permanens obligatio exercendi satisfactionem Sacramentalem.*

Conclusio 2.^a Per indulgentias non remittuntur Poenitentiae Sacramentales ut medicinales. Ita Suarius *scilicet. supradict. n. 8.* PP. Salmanticens. Scholastici *Disput. pariter supradict. num. 79.*

Prob. Ut Indulgentiae remitterent Poenitentias Sacramentales quatenus medicinales, requireretur, satisfactiones Sanctorum ex Ecclesiae Thesauro applicatas prodesse tum ad coercendas aliorum passiones, tum ad corporis macerationem, ad quae obtinenda, eas diximus a Sacerdotibus iungi, ut sic possint peccata praevereri in futurum. Hos autem effectus, sicut ea opera satisfactoria, dum Sancti humanam vitam agebant, praestare non poterant, ita nec post mortem; ideoque D. Thomas *dist. cit. artic. 2. quaestione. 3.* *Dicendum*, inquit, *quod poena satisfactoria est ad duo, scilicet ad solutionem debiti, & ad medicinam pro peccato vitando. In quantum est ad remedium sequentis peccati, sic satisfactio unius non prodest alteri: quia ex jejuniis unius caro alterius non domatur, nec ex actibus unius alius bene agere consuevit* & loco in prima Conclusionem citato inquit: *Non succedit Indulgentia in locum satisfactionis, in quantum est medi-*

dicativa, quia adhuc remanens pronitate ad peccandum derelicta ex priori peccato, ad quas sanandas necessarius est labor satisfactionis; & ideo Cruce signatis, dum veniunt, consulendum est, ut non prætermittant satisfactionis opera in quantum sunt præservatio a peccatis futuris, licet reatus pena sit totaliter solutus; nec ad hoc requiritur aliquis labor, quia sufficit labor passionis Christi; morientibus autem non est necessaria huiusmodi præservatio, sed solum liberatio a reatu penæ = Cohæret Angelico Seraphicus Doctor dist. 20. q. 1. in resp. ad argum. = Dicendum, ait, quod pena satisfactoria habet in se duplicem rationem, scilicet virtutem; pena enim talis propter duo est maxime, & propter medicamentum contra sequelas peccati, & in pretium ad solvendum reatum peccati. Si enim loquamur de ista pena secundum, quod est purgatoria sive medicinalis, cum mortuus non recipiat medicinam ex pena aliena, sed propria, unde non extinguitur concupiscentia in me, si tu jejunes pro me) quantum ad hanc rationem pena satisfactoria non potest nec debet commutari in aliam personam = Clarius & proximius ad rem nostram accedens eandem tradit doctrinam laudatus Doctor Artic. 1.º = Quantitas, inquit, Indulgentiæ attenditur respectu penæ, secundum, quod habet rationem pretii vel debiti solvendi, non ratione antidoti, vel purgationis scoriæ peccati, quam necesse est amoveri per propriam penam, ut puta per contritionem, vel alicujus penæ perpeffionem = Ergo per satisfactiones Sanctorum ex Ecclesiæ Thesauris applicatas, & consequenter per Indulgentias, non remittuntur Pœnitentiæ Sacramentales prout medicinales.

Explicatur hoc magis. Firmis remanentibus tum præcepto pœnitentiæ ut medicinalis, tum ejusdem fine ac materia, necesse est obligationem illam subeundi persistere: quod in præsentî verificari certum est; Pontifex enim per Indulgentiæ concessionem, nequit præceptum pœnitentiæ ut medicinalis auferre directe & immediate a Sacerdote injunctum, prout Sacramenti Ministro. Rursus per Indulgentias non cohibentur vitia, neque inordinatæ passionēs, aut peccatorum ulceribus medicamen ali-

quod in futurum apponitur. Igitur omnia persilunt, quæ obligationem explendi pœnitentiam prout medicinalem evincunt.

Hinc rejicimus Cajetani & Navarri Sententiam, asserentium, Sacerdotem prudenter existimantem, satisfecisse pœnitentem integre pro poena temporali, antequam ad Sacramentum accederet, excusari ab obligatione injungendi satisfactionem Sacramentalem; imo cum Mediavilla sustinemus, Confessarium, qui ex Divina revelatione cognosceret, media contritionis efficacia, cuncta pœnitentis peccata quantum ad culpam pœnamque temporalem fuisse deleta, teneri adhuc pœnitentialem satisfactionem illi injungere; hæc enim aliquem effectum assequeretur, purgandi scilicet animam a scoria peccatorum, seu a pronitate in malum.

Objicies 1.º Concilium Lateranense IV. Can. LXII. ideo Indulgentias in posterum ab Episcopis concedendas definivit & restrinxit, quia, ut statuit, *per indiseretas & superfluas Indulgentias, quas quidam Prelati facere non verentur, & Claves Ecclesiæ contemnuntur, & pœnitentialis satisfactio enervatur*. Quod profecto verum non esset, si obligatio ad Pœnitentiam Sacramentalem, Indulgentiis acquisitis, urgeret; adhuc enim subsisteret obligatio implendi pœnitentiam prout medicinalem. Vel ergo per Indulgentias superfluas pœnitentialis satisfactio minime enervatur (quod est contra Concilium) vel remittuntur pœnitentiæ etiam prout medicinales.

Resp. Concilium Lateranense Canone citato non intelligendum esse de satisfactionibus prout medicinalibus, sed prout vindicativis; istæ enim sunt, quæ per Indulgentias indiseretas & superfluas enervantur, quantumvis obligatio implendi pœnitentias prout medicinales non tolleretur, quia ut observant PP. Salmanticenses, illis concessis, non tanta injungitur pœnitentia, quanta injungenda esset absolute in vindictam, sed illa minor duntaxat, quæ alias ad medicinam satis esset. Maxime quia per satisfactionem Sacramentalem absolute, prolatam ea venit, quæ in vindictam atque punitionem decernitur.

Objicies 2.º Nequit Sacerdos obligare pœnitentem ad satisfactionem prout medicinalem, sed duntaxat prout vindicativam.

1.º Quia pœnitentia injuncta in medicinam

pre-

procedit a Sacerdote ut Medico, ad quem spectat consulere, non vero precipere: ut vero decernitur in vindictam, iungitur ab eodem ut Iudice, cuius munus est obligare. 2.^o Si ablato poenae reatu per Indulgentiam adhuc ad jejuniū in medicinam determinatum poenitens obstringeretur, vel illud deberetur tanquam satisfactio & pars Sacramenti, vel non? Primum dici non potest; enim vero qui nihil debet, nequit solutionis onere pregravari. Non secundum, quia praeceptum Sacerdotis esse potest de satisfactione, prout parte integrali Sacramenti. Sacerdos ergo non potest poenitentem obligare ad satisfactionem prout medicinalem, sed duntaxat ad satisfactionem prout vindictivam.

Respondent Patres Salmanticenses Schoolastici in *Traict. 24. de Poenit. disp. 11. dub. 5. num. 86.* Sacerdotem nedum obligare poenitentem ad satisfactionem ut vindictivam, sed etiam prout medicinalem: idque ex eo constare, quod in communi sententia, quam amplectitur Lugo *disp. 25. sect. 5. num. 74.*, potest Sacerdos iustis de causis gravem iungere poenitentiam pro venialibus, vel etiam pro mortalibus jam confessis, ad evitandum vel lapsum viri Religiosi, vel relapsum ejusdem, aut alterius, ad cujus exhibitionem poenitens graviter tenetur; id enim iungitur a Sacerdote ut Medico. Sed cum pace eorundem Patrum, (quos alias veneramus ut Magistros) Cardinalis de Lugo cum pluribus Doctoribus statuens, propter sola venialia, aut mortalia jam confessa posse gravem poenitentiam iungi, doctrinam non limitat ad casum particularem praevendendi lapsum aut relapsum viri Religiosi, vel alterius personae: nec generaliter loquitur de satisfactione prout medicinali, sed praecise ut punitiva, seu solutiva poenae temporalis; hoc enim sibi obijciens Argumentum = *Tota obligatio poenitentiae succedit peccato veniali, quae tota erat levis. Ergo succedit cum eadem levitate* Respondet = *Sed contra, haec obligatio, proprie loquendo, non succedit obligationi vitandi peccatum veniale, quae erat levis, sed potius obligationi & debito passivo patenti poenam temporalem, quod relictum fuit ex culpa veniali: hoc autem debitum, seu haec obligatio non*

erat ad culpam gravem aut levem, sed ad poenam, & quidem erat obligatio gravis, hoc est ad poenam gravem; erat enim obligatio ejusdem rationis cum illa, quae remanet ex culpa etiam mortali jam remissa ad poenam temporalem, quae obligatio commutatur in obligationem satisfactionis Sacramentalis; & potest contingere, quod aliquis debeat majorem poenam temporalem propter multa venialia, quam alius propter mortalem culpam jam remissam. Ergo si satisfactio imposita propter culpam mortalem obligat graviter, eodem modo poterit obligare satisfactio imposita propter multa venialia, cum haec etiam satisfactio succedat obligationi ad poenam temporalem debitam, sicut illa = Ut ergo occurramus argumento.

Resp. Sacerdotes obligationem indicere ad Poenitentiam tum prout vindictivam, & solutivam poenae temporalis, tum prout medicinalem; nec oppositum evinci ex prima probatione ab Adversariis adducta; Sacerdos enim explet munus Melici, nedum suggerens sibi poenitentibus consilia, vel culparum foeditatem, aeternaeque damnationis periculum aperiens, verum etiam medicinalem satisfactionem praecipiens, cum in foro Sacramentali sistat ut Christi Minister; ideoque sicut Christus potest ad poenitentiam prout medicinalem obligare, ita Sacerdos, ob huiusmodi Ministerium sibi demandatum. Et profecto si Iudex quatenus talis non solum poenam indicit ad vindicandam antea vitae criminis, sed etiam ad eadem in futurum vitanda, ut perspicue constat in Iudicibus fori exterioris, non videtur id Sacerdoti, qui in foro Sacramentali Iudex a Christo est constitutus, denegandum. Maxime quia, sicut potestas ligandi & absolventi non est duplex, sed una simplex, ita potestas Sacerdotis prout Iudicis & Medici unica est atque indivisibilis.

Ad 2.^{am} probationem dicimus, quod ablato per Indulgentias poenae temporalis reatu, ad jejuniū poenitens obligaretur a Sacerdote, tanquam ad partem Sacramenti: nec incongrue; in eo enim eventus satisfactionis nomen iuncta poenitentia sibi vindicaret, non quia reatum poenae solveret, sed quia poenitentiae nomen applicatur operi, in foro Sacramentali in-

jan-

juncto, tum ad reatus poenae solutionem, tum ad praeservationem a culpis.

Obijcies 3.^o Indulgentiae praebent remedium ad praevenda peccata futura = *Dicendum* (inquit Angelicus loco cit. art. 3. *questiunc. 1.^o*) *Quod majus remedium praebetur contra peccata vitanda ex gratia, quam ex assuetudine nostrorum operum. Et quia ex affectu, quem accipiens Indulgentiae, concipit ad causam, pro qua Indulgentia datur ad gratiam disponitur, ideo etiam per Indulgentiae remedium ad peccata vitanda datur* = Dari autem remedium ad peccata vitanda per Indulgentias, est idem praestare, quod facit Poenitentia ut medicinalis; ac per consequens illarum virtute Poenitentiae etiam prout medicinalis obligatio relaxatur.

Resp. D. Thomam non loqui de Indulgentiis formaliter, aut effective consideratis, quo pacto applicationem important satisfactionum Christi & Sanctorum ex Ecclesiae Thesuro, ad solutionem reatus poenae, factam ab habente legitimam auctoritatem, sed de illis, secundum quod afferunt concomitanter conditiones ad earum fructum percipiendum requisitas, ut sunt sacrae peregrinationes, Ecclesiarum visitationes, piaer preces, Sacramentales Confessiones & Communiones, quae omnia devote atque ferventer impleta, ex se medicinae sunt, animamque ad recipiendam gratiam preparant, ut pro vitandis culpis in futurum, majus ac validius remedium exhibeatur. Porro hanc esse legitimam Angelici Praeceptoris interpretationem, constat ex eo, quod ipsemet statuatur (ut dictum est in probatione nostrae Conclusionis) satisfactionem unius alteri applicatam nullo modo ad ejus medelam atque correctionem prodesse = *Quia*, inquit, *ex jejuniis unius, caro alterius non domatur, nec ex alibiis unius, alius bene agere consuevit*, = adeoque Indulgentiae formaliter, aut effective consideratae ad evitanda peccata non juvant, sed solum secundum opera, aut conditiones, quas concomitanter important.

Ex dictis colliges 1.^o, falsam esse quorundam Doctorum sententiam (quam amplectitur Glossa in Cap. *Quod autem de Penit. & Remissionib.*) asserentium, Indulgentiarum virtute Poenitentias Sacramentales relaxari, dummodo Sacerdos Poenitentiam injungens id concesserit; tum

quia hujusmodi opinio imminuere videtur Summi Pontificis potestatem ad remittendas poenas temporales; tum quia ea est Indulgentiae natura, ut ex se sit relaxatio poenae debita in foro Dei, independentem ab auctoritate Sacerdotis absolventis in foro Sacramentali.

Colliges 2.^o salutatis vitio laborare aliam sententiam, cujus meminit Corduba Lib. 5. qu. 50., quae etsi proprium Indulgentiarum valorem agnoscat, ac a praecedenti diversa sit, statuit tamen concedenti Indulgentias onus incumbere satisfaciendi Deo pro illis, quorum favore concessio fieret; etenim Indulgentiae non sunt ex propriis, sed de alienis satisfactionibus, applicatis ex Ecclesiae Thesuro. Accedit, quod si Indulgentias concedens, satisfacere teneretur, aut ante perceptionem fructus earum, aut postea. Primum dici non potest; ad quid enim Indulgentiarum adhiberetur subsidium, ubi debitum poenae temporalis alienum, ob praestitam satisfactionem Praelati concedentis Indulgentias, esset fortassis integre persolutum? Non secundum, quia applicatis Christi Sanctorumque satisfactionibus, altera solutio nihil proderet. Itaque non incumbit onus concedenti Indulgentias ad satisfaciendi pro illis, quorum favore hujusmodi concessionem fierent.

ARTICULUS IV.

An Indulgentiae de Injunctis poenitentiae concessae extendantur adhuc ad remittendas peccatorum poenas, pro quibus poenitentiae injunctae non sunt.

DUrum ex eo oritur, quod non raro expletis poenitentiae, quae in foro Sacramentali injunctae sunt, supersunt tamen adhuc poenae temporales peccatis debita, pro quibus poenitentiae injungi possent: An scilicet hujusmodi Indulgentiae ita praescriptas poenitentias prout punitivas, poenamque temporalem illis correspondentem relaxent, ut etiam ad reliquas injungendas, aliasque poenas in foro Dei debitas se extendant?

Ne-

Negative respondet Cajetanus in *Tom. 1. Tract. 15. cap. 17.* dicens = *Quia hujus rei veritas ex facto dependet, & Sacri Canonis tantum de injuncta loquuntur, ideo tenendo certum, & dimittendo incertum, definita est Indulgentia, quod est absolutio a poenitentia injuncta* = Imo anceps, an unquam Summi Pontifices aliam adhibuerint formam, qua injungendam poenitentiam relaxarint, subdit = *Utrum autem haec Summi Pontifices sic dederint Indulgentiam, nescio* = Pro hac sententia ex antiquis Doctoribus referuntur Alensis in 4. par. quest. 23. num. 2. Adrianus *Quest. altim. de Indulg.* Durandus in 4. dist. 20. quest. 4. nu. 9. Paludanus *quest. 4. art. 1. in 2. par. conclus. 2.* aliique apud Passarinum *qu. 10. nu. 118.*

Conclusio. Indulgentia de injunctis poenitentis extenduntur etiam ad peccatorum penas, pro quibus poenitentia injuncta non sunt. Ita D. Thomas in 4. dist. 20. quest. 4. artic. 1. Suarius *disput. 50. sect. 3. num. 24.*

Prob. 1.^a. Majus est poenitentia injunctas, quam non injunctas relaxare, ut patet in foro exteriori, in quo difficilius est poenarum remissionem post latam sententiam obtineri, quam praeve ad illam. Quando vero majus conceditur, minus concessum esse videtur *Cap. ex parte de Decim.* Quod potissimum verum est in iis, quae sunt ejusdem ordinis, sicuti sunt poenitentiae, de quibus agimus; quamobrem sicuti alicui facultate attributa absolvendi a reservatis, intelligitur, cum pariter a non reservatis posse absolutionis beneficium Christianidelibus impartiri; ita Indulgentiae de injunctis concessae, debent ad non injunctas extendi, supposita aliunde Praelati concedentis potestate, ad eas, modo in praecedenti Articulo explicato, remittendas.

Dices. Indulgentia Plenaria quandoque conceditur cum illo addito = *De poenitentia injuncta* = Ibi autem nequit ea particula ad extensionem mox dictam significandam usurpari; cum Plenaria ex se & immediate omnem penam temporalem remittat, atque ex consequenti etiam poenitentia non injunctas expungere sitis esset.

Resp. 1. nunquam in antiquis aut recentioribus Indulgentiae Plenariae concef-

sionibus hanc clausulam reperiri; ut advertit Suarius, qui plures enumerat.

Resp. 2.^a dato & non concessio, eam clausulam etiam pro Indulgentiis Plenariis fuisse usurpatam, non proinde a Conclusionem propugnanda recedere compelleremur; arbitramur enim, fuisse adjectam, ad declarandum, ut Indulgentiam non dari de culpis, sed duntaxat de penis: vel tam ubi fuisse concessionem, ut injunctas quoque poenitentias complecteretur, quia, sub injunctis injungendae comprehenduntur, seu quae a jure injunctae sunt, & per hominem debent injungi. Et hoc necessario est admittendum, nisi velint dicere Adversarii, Indulgentiam Plenariam de injunctis majorem vel minorem effectum fortiri, quia majorem vel minorem poenitentiam Sacerdos imposuit in foro Sacramentali.

Prob. 2.^a Nulla potest ratio congrua excogitari, quare Summi Pontifices, per Indulgentias de injunctis concessas, penam tantum temporalem eisdem correspondentem remittant, ea exclusa, quae aliis poenitentis aut injungendis, vel sponte suscipiendis responderet, quum nullum inconveniens aut damnum sequeretur. Quod si cum Navarro reponeres, reddi dignos Christianifideles dicta remissione propter poenitentias injunctas acceptatas, parum aut nihil contrariae sententiae posset prodesse; imperceptibile enim est, quomodo posset Indulgentiarum beneficium ob poenitentias injunctas acceptatas, Christianidelibus concessum, vergere potius in eorum detrimentum, quam utilitatem. Demus enim, Christianifideles praeve ad Indulgentias, injunctas satisfactiones explevisse, si niterentur deinde earundem fructum percipere, quanquam aliarum culparum reatibus essent obstricti, pro quibus poenitentiae injunctae non sunt, privarentur Indulgentiarum fructu; cum alias fortassis majori fervore se dignos reddidissent. Quod praefectus potest contra Cajetarum urgeri. Concessis Indulgentiis juxta praedictam formulam, non esset in concessione sermo de injunctis in ultima Confessione duntaxat; locutio siquidem esset indefinita, quae non posset juxta proprium verborum sensum ad istas tantummodo alligari. Si vero de injunctis in antea actis Confessionibus intellexeretur, posset inquiri: An id de poeni-

H h ten-

tentiis non impletis intelligendum esset, vel de impletis? Primum non videtur dicendum, etenim in eis exhibendis negligentior, aptior redderetur, meliorisque esset conditionis ad obtinendum Indulgentiarum fructum præ cæteris, qui poenitentias illas explere satagerent, contra Summorum Pontificum mentem, qui non raro in hujusmodi concessionibus Christi fideles hortantur ad penitenciales satisfactiones peragendas. Secundum apertissime contrarie sententiæ refragaretur; impletis siquidem poenitentis injunctis, opus non esset poenas temporales Clavium virtute relaxari, quæ illis correspondent; ac proinde irritæ prorsus fierent ejusmodi Indulgentiarum concessionis. Quod si responderes: in hoc casu ad injunctarum mensuram illius debiti remissionem comparari, pro quo poenitentia injunctæ non fuissent, jam admitteretur quod ab Adversariis negatur; concluderetur enim, formam illam esse intelligendam de *injunctis*, aut juxta earum mensuram, seu quod idem est. (ut notat Suarez) de *injunctis* aut injungendis, vel etiam de *injunctis*, licet nondum a Fidelibus impletis.

Dices. Ad quid ergo hæc clausula solet adhiberi, si Indulgentiæ de *Injunctis* ampliantur ad quascunque poenas temporales debitas in foro Dei?

Resp. cum Suarez, id fieri, quia Indulgentiis sub hac formula concessis, primo ac per se relaxatur poena *Injunctis* poenitentis correspondens: quod forte non heret, si concessio esset absoluta.

Obijcies 1.° Standum est verborum sensui, & conformiter ad ipsa debet intentio concedentis intelligi, ut habetur in Extravag. *Quorundam de Verbor. Signif.* non enim præsumendum est, concedentem velle oppositum suis verbis intendere. Itaque cum clausula de *injunctis* sententias Judicum significet de explendis poenitentis datis in foro Sacramentali, dicendum est, has & non alias per hujusmodi Indulgentias remitti. Aliis si licitum foret eam particulam etiam addere ad exponendas poenitentias injungendas, quæ remitterentur, plurimi Sacrorum Canonum textus posset ad sensum alienos a Summorum Pontificum mente detorqueri.

Resp. traditam interpretationem esse omnino juri conformem, cum sensus a ver-

borum proprietate alienus non sit; vere enim injunctæ poenitentia sunt, vel a Jure, vel a Deo, vel in Sacramentali Confessione taxatæ juxta Innocentium & Turrecremantam in Capite *Cum ex eo de Pœnit. & Remissi.* Imo quanquam hæc esset ampla interpretatio, tamen quia agitur de Indulgentiarum beneficio, quod nemini nocet, & alteri prodest, late proinde debet interpretari juxta Doctores in Capite *Quo circa de Privileg.* Nec inde sequeretur, licitum semper fore in Sacrorum Canonum interpretatione particulam etiam addere, sed tunc solum, quando implicite in verborum proprietate contineretur, expensis aliis regulis juris, & recta ratione. Accedit, dari in proposito interpretandi necessitatem, ne verum sit, Indulgentias istas majorem effectum inducere, non quia majorem concesserit poenarum temporalium remissionem Sedes Apostolica, sed quia majorem in foro Sacramentali Poenitentiam injunxerit Sacerdos.

Obijcies 2.° in Cap. *Cum ex eo de Pœnit. & Remissi.* cavetur, ne Episcopi dent Indulgentias, nisi de *Injunctis*. Hoc autem non expediret determinari, nisi limitationem remissionis poenitentiarum exprimeret. Ergo Indulgentiæ cum illa clausula, non possunt intelligi etiam de non injunctis.

Resp. Legem ibi statutam, ut tradunt communiter Doctores, Episcoporum potestatem restringere, ne ultra annum in die Dedicationis Ecclesiarum, aut ultra quadraginta dies pro aliis causis dicti Prælati Indulgentiæ concessionem extenderent, non vero esse in ordine ad poenitentias, ita ut præter injunctas, alias non possint relaxare.

Obijcies 3.° Indulgentiarum usus ex eo natus est, quod Canones poenitenciales qui olim erant in usu Sacramenti, ad gravissimas satisfactiones obligarent, quibus, tepefcente in Christi fidelibus fervore, arduum erat eos prægravare: ideoque ceperunt Summi Pontifices Indulgentias dierum, vel annorum de *injunctis* despondere. Non ergo alia poenitentia præter injunctas per hujusmodi Indulgentias remittuntur.

Resp. ex Indulgentiarum usu non probari Adversariorum intentum. Non enim est verosimile, Summorum Pontificum mentem fuisse, ut Indulgentias de *inju-*
ctis

his lucraturi, non uberiores obtinerent remissionem, ubi ex Sacerdotis errore nullo poenitentis interveniente defectu; minores forent satisfactiones implenda, quam culparum gravitas exigeret; & ideo Cardinalis de Lugo & Cottonius contrariæ sententiæ propagatores admittunt, Indulgentias de *injunctis* concessas esse intelligendas de *injunctis*, vel ex vi Canonum injungendis. Verum nobis verosimilius videtur, eas ad Canonum Leges non ita restringere, sed pariter ad Dei Legem poenam taxantem ampliare. Ex his colliges, Indulgentias absolute concessas, non solum de *injunctis*, sed etiam de injungendis poenitentis, seu quomodolibet debitis certissime & a fortiori intelligendas esse; quia, cum nulla poenarum, vel poenitentiarum distinctio ponatur, ad omnes per consequens illæ sunt extendendæ; ubi enim Jus non distinguit, nec nos distinguere debemus, ut habetur *Diff. 20. Si Evangelia*, & *Cap. Solite de Majoris. & Obed.* Quod notavit D. Thomas loco citato dicens absolute de Indulgentiis = *Valent ad remissionem poenæ residuæ post contritionem, & absolutionem, & Confessionem, sive sint injunctæ sive non* = Eo vel maxime, quod nonnullæ Indulgentiæ sine adjecta clausula de *injunctis* sunt Plenariæ, per quas certum est, omnem poenam temporalem relaxari.

Nec audiendus est Cajetanus asserens: Indulgentiis Plenariis plenam remissionem injunctarum concedi, non vero ampliorum. Primo quia constat ex Summorum Pontificum Bullis, eas omnes poenas remitti, quæ per Baptismale Lavacrum remitterentur; quod profecto verificari non posset, si de solis *injunctis* loquerentur. Nisi velimus dicere, Summos Pontifices plus promittere, quam reipsa concedant. Secundo quia Bonifacius VIII. pro comperto habens, hanc Plenariæ Indulgentiæ limitationem per ora Doctorum circumferri, in Consistorio publico declaravit, teste Joanne Monacho in expositione Extravag. *Antiquorum verbo Plenissimum*, ipsoque præfente & audiente, se voluisse eam Plenam Indulgentiam concedere, quam possent Ecclesiæ Claves impertiri.

Antequam hoc dubium absolvamus, duo observa. Primum, quod in Cappella Pontificia, quando habentur sermones, pro-

mulgantur ab Oratoribus Indulgentiæ decem, vel plurium annorum absolute, sine clausula de *injunctis*. Secundum, cum Indulgentiæ partiales per Literas Apostolicas in forma Brevis modo conceduntur, adhiberi clausulam de *Injunctis*, sed additis his verbis: *vel alias quomodolibet debitis poenitentis*; quem morem arbitramur invecum sub Pontificatu Gregorii XIII.

ARTICULUS V.

An Indulgentiæ suum sortiantur effectum recedente fictione.

Fictionem, de qua loquimur, in Indulgentiis contingere statuimus, quando tacta legitima earum concessione, operibusque injunctis a Summo Pontifice vel alio Ecclesiæ Præfato, jam expletis, adhuc pro tempore ad acquirendas Indulgentias designato, remanet quis ob peccatum lethale gratiæ sanctificantis communicatione destitutus. Hac itaque fictione concurrente, certum est Indulgentias effectum non sortiri, unde dubium oritur: An post elapsam tempus Indulgentiæ comparandæ præfinitum, redeunte Christi fidei ad statutum gratiæ vel per contritionem, vel attritionem supernaturalem Sacramento Poenitentiae conjunctam, Indulgentiarum effectus recuperetur?

Parti affirmativæ subscribitur Paludanus, in *4. Diff. 20. quæst. 4. art. 3.* D. Antoninus *p. 1. tit. 10. §. 2.* Sylvester *verb. Indulgent. n. 32.* apud Passerin. *Quæst. 26. n. 2* 10. contra quos sit

Conclusio. Indulgentiæ suum non sortuntur effectum recedente fictione. Ita sentiunt fere omnes Doctores.

Prob. Indulgentiæ nequeunt suum effectum operari ultra intentionem concedentis. Hac autem non est, poenas temporales relaxare recedente fictione; habetur enim ex forma in Literis Apostolicis expressa *Contritis, vel Confessis* Indulgentiam concedi, unde hanc formam extendere ad eos, qui obice per contritionem remoto redeunt ad gratiæ sanctificantis statum, est sine ullo prorsus fundamento mentem concedentis interpretari: cum, contritio, aut Confessio Sacramentalis sit una ex conditionibus necessario prærequisita, ad Indulgentias comparandas intra tempus de-

H b a

fini-

finium. Igitur Indulgentiæ non sortiuntur suum effectum recedente fictione.

Objicies. In omnibus Sacramentis novæ Legis, fictione recedente, principalis effectus obtinetur = *Dicendum* (inquit D. Thomas in 4. dist. 27. quæst. 4. art. 4. quæstionum 1.) *quod Confessio est actus virtutis, & pars Sacramenti. Secundum autem quod est actus virtutis est actus meritorius proprius: & sic Confessio non valet sine charitate, quæ est principium meriti. Sed secundum quod est pars Sacramenti, sic ordinat penitentem ad Sacerdotem, qui habet Claves Ecclesiæ, qui per Confessionem conscientiam penitentis cognoscit. Et secundum hoc Confessio etiam potest esse in eo, qui non est contritus: quia potest peccata sua Sacerdoti innoscere, & Clavibus Ecclesiæ se subicere; & quavis tunc non percipiat absolutionis fructum, tamen recedente fictione percipere incipiet, sicut est in aliis Sacramentis; unde non tenetur iterare Confessionem, qui fictus accedit, sed tenetur postmodum fictionem suam confiteri = Idem ergo dicendum erit de Indulgentiis, cum tam Sacramenta quam Indulgentiæ suos causent effectus ex opere operato.*

Resp. 1.º (Quidquid sit de allati textus D. Thomæ intelligentia) juxta Doctrinam Durandi, Richardi, Suarii, & aliorum, qui arbitrantur omnia, & quæcunque Sacramenta, recedente fictione, gratiam sanctificantem producere, id propterea fieri, quod Sacramenta remota fictione perficiantur, & Christi fidelibus applicentur, illorumque virtus intra determinatum temporis spatium non restringatur; unde nihil obstat, quod peccati lethalis obice remoto, gratiæ sanctificantis effectus inducatur. In casu vero, de quo agimus, Indulgentiæ post præfinitum tempus nec in se perficiuntur, neque applicantur, earumque virtus præter tempus ab habente facultatem concedendi determinatum non extenditur.

Resp. 2.º Id quod de Sacramentis objicitur recedente fictione, solum verificari de impræviis Characterem; hæc enim ex una parte sunt opus Dei, aptaque de sui institutione gratiam sanctificantem producere, atque in virtute, & effectu in rerum natura permanere saltem virtualiter in suo termino quantum ad executionem

primario, nempe in Characterem, velut in semine, ut sublatum impedimento possint dictum effectum causare. Indulgentiæ e converso, cum nihil in homine intrinsece receptum relinquant, nequeunt proprium effectum formalem sortiri. Rursus congruum fuit, rationique maxime consentaneum, in prædictis Sacramentis Deum ita disposuisse, cum nequeant iterari; unde si gratiam sanctificantem nequaquam efficerent, proprio fraudarentur effectu. Verum si forte aliquarum Indulgentiarum fructus propter impedimentum percipi non valeret, posset ex aliis hujusmodi concessionibus, ubi illud non occurreret, obtineri.

Quæres. An saltem Summus Pontifex de plenitudine Potestatis valeat Indulgentias concedere, quæ penam temporalem remittant fictione recedente?

Respondemus negative; Indulgentiarum enim fructus nequit comparari citra dispensationem Thesauri meritorum Christi & Sanctorum, pro tempore ab Ecclesiæ Prælato factam. Porro vel dicta applicatio fieri posset pro Christi fidelibus, quando gratiæ sanctificantæ, ceterisque virtutibus supernaturalibus decorantur: vel quando sunt in statu peccati? Si primum dicatur, expletis operibus injunctis Indulgentiæ suam assequerentur effectum; quod profecto non est, Indulgentias remissionem poenæ temporalis causare fictione recedente. Secundum nihil probat contra nos, ea liquidem intentio foret irrationabilis, ac contra jus Divinum; statu enim peccati durante, seu nondum culpa lethali remissa, datur incapacitas obtinendi remissionem poenæ temporalis.

Dices. Thesauri Ecclesiæ applicationem fieri posse a Summo Pontifice pro Christi fidelibus nondum existentibus in statu gratiæ: non quidem ut cum peccato lethali Indulgentiarum effectum component, sed cum primo actum perfectæ contritionis emisserint; ac per consequens recedente fictione, acquiri potest effectus Indulgentiæ correspondens.

Resp. etiam hoc dicendi modo admissio, solum sequi, Indulgentias suam sortiri effectum impleta conditione contritionis a concedente injuncta: non autem quod ab Adversariis intenditur; ut enim verum esset, Indulgentias suum effectum causare recedente fictione, oporteret, quod expletis

vel

vel operibus, vel conditionibus a Summo Pontifice in concessionibus expressis intra tempus designatum ad eas acquirendas, eorum fructus ob culpam reatum impeditus, propter reditum ad statum gratiae communicaretur. Quod profecto in adducta hypothesi nequaquam contingeret; contritio enim esset una ex conditionibus requisitis ad Indulgentiam comparandam, citra temporis determinationem a Summo Pontifice concessam: ac proinde Indulgentiae valor perduraret usque ad tempus, quo Christianifideles illum actum emitterent.

ARTICULUS VI.

An Indulgentiae tantum valeant quantum sonant.

NEGANT nonnulli Authores, tantum valoris Indulgentias praeferre, quantum in formis concessionum exprimitur, sed arbitrariis, Christianifidelibus illum duntaxat fructum correspondere, quem sibi quilibet fide ac devotione promeretur: addentes, id Ecclesiam asserere, ut pia, quadam fraude filios suos ad bene agendum alliciat, eo modo, quo mater proprio filio pomum ostendit, quod postea non donat, ut illum provocet ad ambulandum.

Hæc tamen sententia communiter a Doctoribus reprobat; nihil enim quod umbram fraudis, aut infidelitatis præfert, est Ecclesiae tribuendum = *Hoc videtur valde periculosum dicere* (inquit D.Th. Dist. 20. quest. 1. art. 3. quest. 1. c. 2. a) sicut enim dicit Augustinus in Epistola ad Hieronymum, si in Sacra Scriptura deprehenditur aliquid falsitatis, jam robur Sac. Scripturae perit: & similiter si in predicatione Ecclesiae aliquando falsitas deprehenderetur, non esset documenta Ecclesiae alicujus auctoritatis ad roborandam fidem.

Alii relati a Petro Soto in *Instructione Sacerdot.* scilicet. 2. a putant, Indulgentias valere secundum justam prudentis estimationem, seu secundum justum valorem operum, quorum intuitu conferuntur; quamobrem si peregrinatio, elemosyna, vel quodcunque aliud opus pium sufficiens sit ad satisfaciendum pro poena temporali dierum vel annorum, idem dicunt, Indulgentiarum virtute comparari. Itaque juxta

hunc dicendi modum reipsa nihil per Indulgentias acquiritur, sed una satisfactio commutatur in aliam, vel datur occasio agendi, quod alias valet ad poenae temporalis remissionem.

Cæterum hoc modo dicendi admissio evitari non potest inconveniens mox ponderatum; daretur enim intelligi potestate Clavium, annorum vel dierum poenitentiam relaxari, cum id duntaxat remitteretur, quod operi meritorio aut satisfactorio responderet = *Alii dixerunt* (inquit S. Thomas laudatus,) *quod valent, quantum promittuntur* *secundum estimationem, quæ justa est secundum judicium bonorum pensata conditione persona, & utilitate & necessitate Ecclesiae, quæ uno tempore Ecclesia plus indiget, quam alio. Sed hæc etiam opinio non potest stare, ut videtur: primo, quia secundum hoc Indulgentiae non valerent ad remissionem, sed magis ad commutationem, quandam: & præterea predicatione Ecclesiae a mendacio non excusaretur, cum quandoque Indulgentia prædicetur longe major, quam justa estimatio possit requirere, omnibus prædictis conditionibus pensatis.*

Alia sententia est apud Suarium *disputat.* 56. scilicet. 3. num. 1., Indulgentias nempe semper valere quantum sonant, ita ut ad earum valorem dicat, causam non exigi, vel eam semper adesse, quum Summus Pontifex Indulgentias impertitur: quia, aliis deceptionis periculum non posset evitari; promitteretur enim absolute, quod non nisi sub occulta, ac tacita conditione posset comparari.

Quantum autem a veritate declinet hic dicendi modus, constat ex eo, quod apud Doctores communiter receptum est, nosque superius *Cap. 4. Artic. 2. a* firmavimus, justam, seu proportionatam causam ad Indulgentiarum concessionem postulari: cum Summus Pontifex non sit Thesauri meritorum Christi & Sanctorum Dominus, sed merus Dispensator; eam autem ad Indulgentiam validam in Literis Apostolicis concessionem exprimi non oportet, ut evincitur exemplis voti, & juramenti, in quibus certum est, Summum Pontificem prævia justa causa posse dispensare, nulla facta expressione conditionis: *Si subsit justa causa, sed duntaxat hujusmodi conditione subintelle-*

cta.

ita. Neque ex hoc sequitur, Summum Pontificem Christifideles decipere, sicut nec Deus ipse aliquid simpliciter promittens, quod postea non implet, nos fallit, deficiente conditione, que quinquam in promissione declarata non fuerat, in re promissa implicite continebatur.

Conclusio 1.^a Clave non errante infallibile est, Indulgentias tantum valere, quantum sonant. Ita sentiunt D.Th. loco *supra citat.* Albertus in 4. dist. 20. *quest. 1.^a Artic. 3. quest. 1.^a*, Turrecrinata §. Item in *Levitic. de penit. dist. 1. art. 4. n. 23.*, Bologninus de *Indulg. num. 78.*, Suarius loco *supra cit.* num. 7. & ceteri Doctores communiter.

Prob. Clave non errante ex iusta & rationabili causa movetur Summus Pontifex ad Indulgentiarum concessiones, gaudetque potestate tribuendi valorem per verba in earundem concessionibus significatum. His autem suppositis ex nullo capite potest subreperere dubium de valore Indulgentiarum. Ergo Clave non errante infallibile est, Indulgentias tantum valere, quantum sonant.

Conclusio 2.^a In particulari infallibile non est, hanc Indulgentiam valere quantum sonat. Ita sentiunt communiter Doctores.

Prob. Quanquam nequeat prudenter dubitari, dispensationem factam a Summo Pontifice, vel in voto, vel in iuramento esse omnino validam, tamen in particulari infallibile non est, hanc dispensationem validam esse. Insuper certum est, absolutionem Sacerdotis a peccatis in foro Sacramentali validam esse, suumque effectum fortiri, suppositis debitis conditionibus, non tamen idem pari certitudine tenendum est de hac absolutione in particulari; deberet liquidem in utroque casu constare de legitimis causis & conditionibus huius Pontificie dispensationis, & absolutionis Sacerdotalis. Cum ergo nequeat certo sciri, Indulgentiam in particulari ex legitima causa factam fuisse, consequens est, non esse infallibile, hanc Indulgentiam in particulari tantum valere, quantum sonat.

Hic tamen observamus cum Suario loco citato, quod ubi evidenter non constet, Indulgentiam sine iusta causa fuisse concessam, presumendum non esse, eam minoris efficaciz quam verba sonant, quia Superioris factum presumendum est legitimum ac validum, & maxime Summi Pontificis,

tum propter specialius auxilium ei a Deo ad Ecclesie Universalis regimen promissum & collatum, tum quia difficile est cogitare defectum, vel ex parte voluntatis, ut nolit concedere, quantum verba concessionis expriment: vel ex parte causae proportionatae, quia proportio causae ad Indulgentias iuxta prudentis Dispensatoris arbitrium attendi debet.

ARTICULUS VII.

Unde sit ut ab iis, qui opera pro Indulgentiis requisita aequae implent, non raro magis vel minus de earum effectu participetur.

SUPPONIT hoc dubium, non raro contingere, vacantes eisdem operibus pro Indulgentiis injunctis inaequalem poenae temporalis remissionem obtinere. Unde autem ea inaequalitas proveniat, sine discussione praeteriri non debet; & quidem controversia est, quum in forma Indulgentiae, una eademque sit concessio per omnibus Christifidelibus; neminem enim fugit; facta declaratione, quod plus Indulgentiae desponderetur iis, qui magis laborarent, aut devotius se gererent in certis piis operibus adimplendis, admittendum esse Indulgentiarum effectum inaequaliter comparari, cum diversae fierent in eo casu Indulgentiarum largitiones.

Conclusio 1.^a Ex majori vel minori devotione & labore, quo opus injunctum impletur pro comparanda Indulgentia, non desumitur inaequalitas participationis effectus ejusdem.

Prob. Si ex majori, vel minori devotione & labore, quo opus injunctum impletur pro acquirenda Indulgentia, desumeretur inaequalitas percipiendi effectum illius, vel hoc esset ex parte subjecti: vel quia opus injunctum se haberet tanquam dispositio ad Indulgentiam: vel quia tale opus majori devotione ac labore impletum esset magis meritum ac satisfactorium pro poena temporalis: vel tandem ex parte causae piaratione cujus Indulgentia concessa est. Nullum autem ex his evincit inaequalem Indulgentiae effectum obtineri

ob dictam maiorem vel minorem devotionem, & laborem. Non primum, quia opus inunctum ex se vere & proprie dispositio non est, sed mera conditio exacta accedente; unde quanquam in ejus executione plus devotionis & laboris impenderetur, nihil referret ad uberiorem Indulgentiæ fructum recipiendum; etenim majore labore, aut devotione implentibus opus inunctum, aliquid plus Indulgentiæ promissum non est. Non secundum, quia Indulgentiæ effectus non innititur operi prout meritorio, aut prout satisfactorio; ideoque quod unus præ alio vel devotius hujusmodi opus implet, vel in eo plus laboraret, nihil poneret quod ad uberiorem Indulgentiæ fructum majorem proportionem haberet = *Ille qui est vicinus Ecclesie* (inquit Angelicus Præceptor in 4. dist. 20. qu. 1. art. 3. quæstiunc. 2.) = *Quando datur Indulgentia indeterminate v. g. qui dat auxilium ad fabricam Ecclesie, intelligitur tale auxilium, quod sit conveniens ei, qui auxilium dat, & secundum illud plus vel minus de Indulgentia consequitur*; unde etiam aliquis pauper danti unum denarium consequitur totam Indulgentiam, non autem dives, quem non decet, ad opus tam pium & fructuosum ita parum dare: sicut non diceretur Rex, alicui homini auxilium dare, si ei obulum daret.

Resp. Angelicum Præceptorem loqui, quando Indulgentiæ concessio non est una, sed æquivalenter multiplex = *Hæc D. Thomas doctrina* (inquit Suarius in Disput. 52. sect. 8. nu. 3.) intelligi, ac procedere videtur, quando forma Indulgentiæ, licet in specie verborum unica & inlesivita appareat, in virtute & in sensu est multiplex, quia includit plures quantitates proportionales respectu diversarum personarum juxta earum qualitates; tunc autem in unaquaque illarum quantitarum potest intelligi latitudo inclusa in locutione illa indefinita; nam licet auxilium postulatum a divite, majus sit, quam postulatum a paupere, tamen intra latitudinem auxilii postulati a divite, aliquod est minimum respectu illius, aliud vero majus, vel maximum; & idem est proportionaliter in paupere, quovis fortasse secundum absolutam quantitatem, minimum auxilium divitis majus forte esse debeat, quam in pau-

pere; privata siquidem Christianifidelium devotio in implendo opere pro Indulgentia inuncto, nequit præstare ut major Indulgentia comparetur, si ejus intuitu valide concessa non est. Ceterum si opus inunctum indeterminate justam causam Indulgentiæ completeret: puta si injungeretur eleemosyna pro Ecclesia ædificanda, vel reparanda, tunc etiam aliquod minimum daretur certum & determinatum, ad totum Indulgentiæ effectum recipiendum sufficeret. Ex nullo igitur capite ob majorem vel minorem devotionem, aut laborem, quo opus inunctum impletur pro comparanda Indulgentia, habetur inæqualitas effectus illius.

Dices. Hæc doctrina contraria videtur D. Thomæ, qui in 4. dist. 20. qu. 1. art. 3. quæstiunc. 2., inquit = *Quando datur Indulgentia indeterminate v. g. qui dat auxilium ad fabricam Ecclesie, intelligitur tale auxilium, quod sit conveniens ei, qui auxilium dat, & secundum illud plus vel minus de Indulgentia consequitur*; unde etiam aliquis pauper danti unum denarium consequitur totam Indulgentiam, non autem dives, quem non decet, ad opus tam pium & fructuosum ita parum dare: sicut non diceretur Rex, alicui homini auxilium dare, si ei obulum daret.

Resp. Angelicum Præceptorem loqui, quando Indulgentiæ concessio non est una, sed æquivalenter multiplex = *Hæc D. Thomas doctrina* (inquit Suarius in Disput. 52. sect. 8. nu. 3.) intelligi, ac procedere videtur, quando forma Indulgentiæ, licet in specie verborum unica & inlesivita appareat, in virtute & in sensu est multiplex, quia includit plures quantitates proportionales respectu diversarum personarum juxta earum qualitates; tunc autem in unaquaque illarum quantitarum potest intelligi latitudo inclusa in locutione illa indefinita; nam licet auxilium postulatum a divite, majus sit, quam postulatum a paupere, tamen intra latitudinem auxilii postulati a divite, aliquod est minimum respectu illius, aliud vero majus, vel maximum; & idem est proportionaliter in paupere, quovis fortasse secundum absolutam quantitatem, minimum auxilium divitis majus forte esse debeat, quam in pau-

pere posses esse maximum; nihilominus tamen si dives intra suam proportionem attingas saltem minimam quantitatem, id facis eris, ut totam Indulgentiam lucreris. Et ob eandem causam, licet alius aequo dives majus auxilium tribuat, non plus fructus consequetur, quia non potest amplius quam totam Indulgentiam lucrari.

Conclusio 2.^a Magis vel minus de Indulgentiae effectu participatur ab implentibus opus, in ejus concessione requisitum, propter contritionis vel charitatis inaequalitatem.

Nostri Conclusio debet intelligi per se; etenim facta concessione Indulgentiae centum annorum, si unus habens debitum poenae temporalis luendae quinque annorum, perfectionem actum contritionis vel charitatis eliceret quam alius, qui sexaginta annorum debito esset obstrictus, minus fortassis quam iste de Indulgentiae praedictae concessione perciperet (suppositis aliis requisitis ex parte utriusque) hoc tamen esset per accidens; actus enim ille ex parte sui foret sufficiens ad aptandum subiectum pro uberiori effectu, quamquam id nequaquam praestaret defectu majoris reatus poenae temporalis.

Prob. Eo implentes opus pro Indulgentia percipienda requisitum, de ejus effectu inaequaliter participant, quo majori vel minori gaudent peccatorum venialium remissione quantum ad culpam (Consulto dicimus *majori vel minori peccatorum venialium remissione quantum ad culpam*, quia ubi peccati lethalis culpa remissa non est, non datur capacitas proxima ad effectum Indulgentiae) etenim sicut non acquiritur remissio poenae alicujus peccati venialis, nisi supponatur deleta ejus culpa, ita quo major est remissio eorundem peccatorum quantum ad culpam, eo magis aptantur Christiani fideles ad participandum effectum Indulgentiae. Major autem aut minor percipitur venialium culparum relaxatio, quo magis vel minus fervidus fuerit actus contritionis vel charitatis; qui vel potest esse adeo perfectus, ut cuncta venialia detestetur, si memoriae occurrant, propter Deum super omnia dilectum: adeoque nec secum peccata actualia quantumvis minima permittat, aut eorum maculas patiat in anima permanere

= Non sufficit (inquit D. Thomas in 3. par. qu. 87. artic. 1. in Corpore venialium culparum remissionem expendens) ad remissionem venialium habitualis displicentiae, quae habetur per habitum charitatis, vel penitentiae virtutis, quia sic charitas non compateretur peccatum veniale, quod patet esse falsum; unde sequitur quod requiratur quaedam virtualis displicentia: puta cum aliquis hoc modo fertur secundum affectum in Deum & res Divinas, ut quidquid sibi occurreret, quod eum ab hoc motu retardaret, displiceret ei, & doleret se hoc commisisse, etiam si actum de illo non cogitaret = vel potest esse valde remissus atque restrictus actus contritionis vel charitatis: puta, cum quis culparum venialium non immemor, firmiter statueret, de cetero peccata lethalia solum vitare, in quo eventu venialium remissionem minime assequeretur; non enim hujusmodi actus eorundem culparum retractationem afferret: vel quandoque actus charitatis non se habet aequaliter ad omnia venialia, puta cum ob Dei amorem timeret ab eo separari per culpam, sed non aequaliter attingeret omnia, quia non decerneret recedere a cunctis, sed a quibusdam specialiter, quae magis a dicto amore retardant; quamobrem cum hujusmodi actus ea, quae magis atque proximius ad lethalia disponunt, retractare videatur, hinc est, quod tunc solum aliqua venialia, non vero omnia remitterentur, ut docet Doctor Angelicus prae laudatus *Quaest. 7. de Malo artic. 12. ad 4.^m* his verbis: *Quamvis Sacramentalia aequaliter se habeant ad omnia peccata venialia, tamen fervor ab eis excitatus, non aequaliter semper se habet ad omnia, sed quandoque respicit aliquam in speciali, & contra illa efficacius operatur: & si in generali respiciat ea, potest contingere, quod non habeat eundem effectum in omnibus, eo quod affectus hominis aliquando habitualiter est inclinatior ad aliqua peccata venialia committenda: ita scilicet, quod si in memoria haberentur, non displicerent, vel forte si opportunitas adesset, committerentur* = Quamobrem, sicut eo magis vel minus de Sacramenti fructu percipitur, quo magis vel minus aptantur Christiani fideles ad recipiendum gratiae sanctificantis effectum,

fectum, ita in participatione fructus Indulgentiæ contingit. Cum itaque magis vel minus aptentur poenitentes ad remissionem poenæ temporalis, quo major, vel minor est remissio culparum venialium, & hæc majori vel minori fervore contritionis, vel charitatis comparetur, dicendum est, magis vel minus de Indulgentiæ effectu participari ab implevitibus opus in ejus concessione requisitum, ob contritionis, vel charitatis inæqualitatem.

Obijcies 1.^o contra secundam Conclusionem. Postulat justitia distributiva, ut inæqualiter laborantibus non conferatur equalis merces. Ergo de dispensatione facta ex Thesaurò Ecclesiæ a Summo Pontifice debet fieri participatio, secundum quod magis vel minus laboratur in executione operis injuncti pro Indulgentia acquirenda.

Resp. in Indulgentiis non observari legem justitiæ distributiæ, sed liberalis dispensationis factæ ab habente auctoritatem supra Ecclesiæ Thesaurum; hæc autem lex obligat Christianos ad ponendum opus pium, prout exigitur a Præfato, si volunt Indulgentiæ concessæ fructum obtinere. Quod si illud majori labore aut devotione fiat, cum hoc injunctum non sit in Literis concessionis, majus meritum in ordine ad gratiæ sanctificantis augmentum & præmium vitæ æternæ obtinebitur, non vero major Indulgentiæ fructus = *Remissio* (inquit Angelicus loco citato) *non proportionatur labori; ut dictum est, sed meritis, quæ dispensantur.... sed ille, qui plus laboraret, plus de merito acquireret.*

Obijcies 2.^o Opera pro Indulgentia a Concedente requisita se habent tanquam dispositiones ad ejus effectum; unde quo quis alium excedit in devotione aut labore, eo magis erit particeps de Indulgentiæ effectu: sicut idem docent communiter Theologi de accedentibus ad Sacramenta.

Resp. opera injuncta in Indulgentiæ concessione esse conditiones, non vero dispositiones ex se proprie tales; Indulgentiæ enim effectus aliam de sui natura dispositionem non agnoscit præter remissionem culparum = *Effectus Indulgentiæ* (inquit Suarius loco supracitato) *per se & quasi ab intrinseco nullam dispositionem requirit in recipiente præter ablationem*

culpæ & statum gratiæ, & ideo major vel minor devotio, seu dispositio actualis per se non confert ad inæqualem effectum Indulgentiæ.... Quod si dicatur, tale opus esse dispositionem operantis, saltem ex impositione concedentis Indulgentiam, hoc etiam nihil obstat, quia si quis efficiat totum opus impositum, jam habet totam dispositionem necessariam; unde licet alius plus laboris, devotionis aut operis adjungat, nihil confert ad majorem effectum, quia neque illud totum injunctum est, nec ratione illius aliquid amplius est promissum: & ideo totum id non habet rationem dispositionis.

Obijcies 3.^o Tempore Jubilæi juxta mensuram devotionis ac laboris, quo statuta peragitur Ecclesiarum visitatio, Indulgentiæ fructus obtinetur; ut declarat Bonifacius VIII. in Extravaganti *Antiquorum de Pœnit. & Remissionib.*, dicens = *Unusquisque tamen plus merebitur, & Indulgentiam efficacius consequetur, qui Basilicas ipsas amplius & devotius frequentabit* = Idem ergo de aliis Indulgentiis dicendum erit.

Resp. Ex eo quod Bonifacius Pontifex in Constitutione laudata loquatur, ut in argumento relatum est, non probari eo uberius Jubilæi fructum haberi, quo devotius ac frequentius impletur injuncta visitatio; duo enim dicit de visitantibus Basilicas Apostolorum Urbis devotius ac frequentius: Primum = *Eis plus mereri* = Secundum = *Eis efficacius Indulgentiam consequi* = Primum affirmat de majori merito, non in ordine ad Indulgentiam, sed in ordine ad augmentum gratiæ sanctificantis & gloriæ æternæ, quia visitatio Ecclesiarum, aliaque opera pia injuncta non sunt meritoria Indulgentiæ. Secundum utique verum est, sed maximum intercedit discrimen inter consequi uberius, & consequi efficacius. Primum non dicit Bonifacius, sed secundum: quod idem est, ac consequi certius ac securius, removendo eum majori vi & efficacia ea, quæ poterant Jubilæi asecutionem impedire; per hoc scilicet, quod si aliqua ex jam factis Basilicarum visitationibus apta non esset ad acquirendum Jubilæi fructum, ejus defectus nova earundem Basilicarum visitatione, juxta formam in Literis Apostolicis præscriptam, suppleretur. Hoc in-

nuit Suarius loco *supracit.*, aliam huic Argumento addens solutionem his verbis = *Dicere possumus efficacius consequi quam certius, & quantum est ex parte cause, cum majori efficacia consequi eundem effectum. Adde insuper, fortasse voluisse Pontificem per illa verba aliquid novi concedere; nam ex vi prioris concessionis, qui per triginta dies visitat Basilicas, statim completa ultima visitatione consequitur Indulgentiam Plenissimam: postea vero licet pluries intra eundem annum visitet easdem Basilicas, nihil amplius re-*

missionis consequetur, ex vi priorum verborum. Fortasse ergo per illa verba voluit Pontifex, ut qui post definitum dierum numerum amplius & devotius easdem Basilicas visitaverint, semper aliquid novum de Indulgentia consequantur, quoad scilicet peccata, que postea commiserunt; hoc enim modo non repugnat, post Plenissimam Indulgentiam maiorem remissionem fieri, nam in hac vita facile novum reatum contrahimus post Plenissimam Indulgentiam de prioribus peccatis comparatam.



C A P U T VI

QUID ET QUOTUPLEX SIT INDULGENTIA.



UM omnis, ut inquit Tullius in *Lib. 1. Officior.*, qui instituitur sermo, debeat a rerum definitione proficisci, debuitset profecto in huius Tractatus limine Indulgentiæ essentia, nec non multiplicitas explicari. Verum cum hæc Theauri meritorum Christi & Sanctorum, Potestatis eundem, dispensandi, nec non aliorum, quæ in superioribus Capitulis tradita sunt, notitiam exposcerent, ideo in præsentî Capite pertractanda reservavimus.

ARTICULUS I.

In quo sita sit Essentia Indulgentiæ.

Franciscus Mayro, quem in *cap. 2. art. 1.* vidimus existentiam Theauri Ecclesiæ meritorum Christi & Sanctorum denegasse, in *4. dist. 10. quæst. 2.* arbitratur, Indulgentiæ conceptum essentialem in sola absolutione consistere, circumscripta quacunq; solutione ex eo facienda.

Durandus de Sancto Portiano e contra in *4. pariter dist. 20.* putat, Indulgentiam esse solam solutionem seu distributionem factam de Theauro meritorum Christi: additque, cunctos fere Doctores hunc dicendi modum amplexari = *Communiter*, inquit, *tentur, quod modus, quo valent Indulgentiæ, est per modum solutionis poenæ debite* = In eodem conveniunt Paludanus *ead. dist. 1.*, Sylvester *Verbo Indulgentiæ*; quo sensu inquit Tabienus *col. 1. Verbo num. 2.* Indulgentiam esse remissionem quantum ad recipientem, donationem quantum ad donantem.

Nonnulli Doctores apud Cajetanum in *Tom. 1. Tract. 13. cap. 6.* secundum diversis temporum divisiones diferentes conceptus essentielles Indulgentiis attribuunt; quanquam enim, inquit, unius ejusdemque rationis sint Indulgentiæ, quantum ad ultimum effectum remissionis poenæ temporalis, tamen olim de primario

absolutionem, de secundo solutionem ex Ecclesiæ Theauro factam importarunt, post Bonifacium VIII. e contra de primario fuerunt solutiones, seu distributiones Ecclesiastici Theauri, accessorie vero absolutiones.

Conclusio. Indulgentia essentialiter est absolutio habens annexam solutionem ex Theauro meritorum Christi & Sanctorum. Ita sentiunt Sotus in *4. dist. 21. quæst. 1. artic. 2.* Suarius *disput. 49. sect. 4.* Sylvius *qu. 25. supplementi artic. 1.* Cardinalis de Lugo *disput. 27. de Pœnit. nu. 4.* & alii Theologi communiter.

Prob. prior pars 1.^o Ex praxi Ecclesiæ; Gregorius enim VII. Lyncolniensi Episcopo delictorum veniam & Indulgentiam roganti, usus est vocabulo Absolutionis = *Absolutionem*, inquit, *peccatorum tuorum, sicut rogasti, Auctoritate Principum, Apostolorum Petri & Pauli, quorum vice quavis indigni fungimur, tibi mittere dignum duximus* = In pluribus pariter aliis Epistolis prædictus Pontifex Indulgentiam respondens eodem utitur vocabulo. Item Alexander III. ut habetur in *cap. Nostro de Pœnit. & Remissionib.* a Cantuariensi Archiepiscopo consultus: num concessæ per Episcopos Indulgentiæ Christi fidelibus non subditis prodesse? respondit = *Hoc volumus tuam fraternitatem tenere, quod, cum a non suo iudice ligari nullus valeat vel absolvi, remissiones prædictas prodesse illis tantummodo arbitramur, quibus ut pro sint, proprii iudices specialiter indulerunt* = Hæc autem Alexandri Pontificis declaratio non esset necessaria, si Indulgentia absolutionis conceptum essentialiter non importaret; nullam enim in concedente jurisdictionem requireret, ac proinde, ut rationatur Estius, nihil obfaret, quin Episcopalis autoritas non subditis Indulgentiarum beneficium conferret. Insuper Martinus V. Plenariam faciens Indulgentiam in Constantiensi Concilio, asserit: *Se Absolutionem Plenariam concedere*. Tandem si recentiores Summorum Pontificum Litteras Apostolicas percurres, invenies passim

concessionem Indulgentiarum his verbis expressas = *Peccatorum remissiones, vel penitentiarum relaxationes* = Dicendum ergo est, Indulgentiam essentialiter consideratam esse absolutionem.

Prob. 2.^o Indulgentiam concedens utitur Clavum potestate, seu jurisdictione supra subditos. Non ad eos ligandum. Ergo ad eos absolvendum. Ergo Indulgentia essentialiter in absolutione consistit.

Prob. altera pars. Christi fideles, quibus Indulgentias conceduntur, non tenentur amplius solvere satisfactiones alioquin peragendas; solvit tamen Christus, seu Prælati Ecclesiæ potestate Clavum, illis applicando merita Christi & superabundantes Sanctorum satisfactiones, quæ in Ecclesiæ Thesauro conservantur = *Pro eo dant Indulgentias* (inquit D. Thomas in 4. artic. 3. quæst. unc.) *solvit penam quam debebat de Ecclesiæ communibus bonis* = Tam solutionem prædictam, quam absolutionem ab Indulgentia importatam hisce verbis innuit D. Bonaventura in 4. dist. 20. quæst. 5. = *Dicendum quod relaxatio duo dicit, Thesauri Ecclesiæ communicacionem, & cum hoc quandam judicariam absolutionem* = Ergo Indulgentia habet annexam solutionem factam ex Thesauro meritorum Christi & Sanctorum.

Advertendum tamen est, quod licet utraque ratio ad Indulgentiam pertineat, non tamen de primario, sed absolutio de primario, solutio vero de secundario.

Hinc habes 1.^o quomodo intelligas Divum Thomam in 4. dist. 20. q. 1. artic. 3. quæst. unc. 1. ubi inquit = *Dicendum, quod iste, qui indulgentias suscipit, non absolvitur simpliciter loquendo a debito penæ, sed datur sibi unde debitum solvitur* = non enim ab Indulgentia absolutionem excludit, sed vult duntaxat, non esse puram absolutionem, quæ secum non afferat solutionem. Porro hanc interpretationem consonam esse menti Angelici Præceptoris, ex eo constat, quod infra in articulo 5. quæst. unc. 2.^a asserat = *Per indulgentias absolvitur Christi fidelis, a pena injuncta, vel debita pro peccato in foro penitentiali*.

Habes 2.^o Quare in Literis Apostolicis ad declarandas Indulgentiarum concessionem, quandoque absolutionis, quandoque vero solutionis vocabulum Summi Pontifices

adhucverint, non quia Indulgentiæ aut hunc, aut illum conceptum duntaxat importent, sed quia cum uterque in iis comprehendatur, possunt sine vel absolutionis, vel solutionis vocabulo significari.

Habes 3.^o quomodo Indulgentia sit definienda nempe = *Remissio penæ temporalis debita Deo pro peccatis actualibus jam dimissa, concessa homini extra Sacramentum per Ecclesiæ auctoritatem, ex applicatione earum satisfactionum, quæ in Ecclesiæ Thesauro sunt reposita*.

Dicitur = *Remissio*, ut determinetur per quid Indulgentia primario & essentialiter constituatur. Additurque = *penæ temporalis*; tum quia reatus poenæ æternæ non per Indulgentias, sed vel per Baptisma lavacrum, vel per Sacramentum Poenitentiae, in re aut in voto susceptum relaxatur; sive enim is reatus condignitatem proximam ad poenam æternam subeundam significet, sive Divinæ Justitiæ ordinationem, qua gehennalibus suppliciis peccator addicitur, solum per gratiam sanctificantem aboletur: tum propter præsentis vitæ poenalitatem, puta famem, sitim, frigus &c., quæ nequeunt per se virtute Indulgentiarum auferri.

Ponuntur particulae *Debita in foro Dei pro peccatis actualibus* ut significetur, non civiles poenæ remitti, ad forum externum spectantes, non ordinatas ad satisfaciendum Deo, sed eas, quæ post expletam justificationem non raro remanent solvenda. Hinc remittuntur pariter Poenitentiae Sacramentales, sive injunctæ sive injungendæ, non directe, neque ut medicinales & purgativæ, sed indirecte & ut solutivæ dictarum poenarum temporalium, quæ a Divina Justitia taxatæ solvenda erant in foro Dei. Opus tamen non est addere: *Ordinaria* ad distinctionem poenæ extraordinariæ, ut vult Medina; quanquam enim cum ipso admittamus, poenæ quasdam esse ordinarias pro omnibus scilicet culpis certa lege statutas, alias vero extraordinarias, non raro delinquentibus injungendas, ut fuit, respectu adulterii, nec non homicidii David, mors filii recenter nati, citra tamen dictæ particulae additionem id non obscure declaratur = *Nego tamen propterea* (inquit Suarius *Disp. 49. sect. 4. n. 14*) *necessariam esse particulam illam in definitione addere, tum quia juxta subje-*
Etiam

Etiam materiam constat, sermonem esse de hac pena, quia sermo est de remissione pœnæ, pro qua fieri possit condigna satisfactio per se vel per alium; ostendimus autem hanc condignam satisfactionem solum habere locum in ordinariis pœnis: tum etiam, quia nulla est remissio, quæ virtute Clavium fieri possit: circa extra-ordinarias pœnas, ut propterea necessarium sit, addere illam particulam ad distinguendam Indulgentiam a tali remissione.

Consulto adnectitur: *Dimissis*. Indulgentia enim semper supponit subiecti recipientis dispositionem, videlicet deletionem peccatorum quantum ad culpam, mediante gratia sanctificante infusa in animam; quandiu enim Christiudelis lethalis culpæ macula infectus est, tandiu incapax est ad remissionem pœnæ temporalis consequendam.

Dicitur: *Concessa homini extra Sacramentum*, quia esto fiat aliqua pœnæ temporalis relaxatio homini accedenti ad Sacramentum Pœnitentiæ, imo excellentior ea, quæ Indulgentiarum virtute participatur, non tamen Indulgentia dici potest; unde erravit Marfilius in 4. dist. 21. art. 2. nullum inter utranque relaxationem discrimen agnoscens.

Quæres tamen, in quo sita sit diversitas inter remissionem pœnæ temporalis, quæ intra Sacramentum Pœnitentiæ, ac aliam quæ extra Sacramentum per Indulgentias comparatur?

Cajetanus in *Tract. 16. quæst. 5.* sentit Christiudèles, mediante Pœnitentiæ Sacramento liberari ab illa pœna, ac si ipsi, patiente Christo, passionem subiissent: per Indulgentiam vero pœnæ temporalis remissionem obtinere, ac si Ecclesiæ pro ipsis passa fuisset.

Sed hanc doctrinam inanem esse Cajetani speculationem, nulli solido fundamento innixam, nemo non videt; quamquam enim Christi passio nobis ad redemptionem proficiat, non tamen nobis per Sacramentum Pœnitentiæ applicatur, in sensu Cajetani: adeoque non sufficienter elucet utriusque remissionis pœnæ temporalis discrimen.

Navarrus putat, per Indulgentias fieri compensationem pœnæ temporalis tantum de Ecclesiæ Thesauo solvendo, quantum illas obtinentibus relaxatur: Sacramenta-

lem vero remissionem fieri sine prædicta compensatione a Divina liberalitate factam, ut ejus deceat Magnificentiam. Cæterum hæc diversitas non videtur coherere communibus Theologorum principiis, liberalis siquidem pœnæ temporalis condonatio, nedum extra, verum etiam intra Pœnitentiæ Sacramentum, citra Sanguinem pro nobis a Christo profusum, & ejus passiones pro nobis toleratas, nequit obtineri.

His modis dicendi rejectis, Respondemus, utranque remissionem in eo potissimum differre, quod Pœnitentiæ Sacramentum est instrumentum a Christo institutum applicans ejus Passionem duntaxat, non vero superabundantes Sanctorum satisfactiones, quæ utique aliis ad solutionem pœnæ temporalis proficiunt, non tamen gratiam sanctificantem de condigno promerentur, ut advertit Dominicus Soto in 4. dist. 21. art. 2. Insuper in Sacramento Pœnitentiæ fit remissio culpæ per se, ut inquit Suarius, & non nisi ex consequenti pœnæ, vel certe non fit per modum pœnæ remissionis, bene vero per modum condignæ satisfactionis, quæ virtute Clavium ad ampliorem effectum elevatur. Indulgentia est absolutio a pœna directe & per se, virtute tum Passionis Christi applicatæ non per suum instrumentum, sed per peculiarem Ecclesiæ potestatem, tum satisfactionum Sanctorum.

Propter alias subsequentes particulas: *Per Ecclesiæ auctoritatem* Indulgentia a suffragio particulari secernitur; quamquam enim in eo potissimum conveniant, quod sint spiritalia subsidia, aliter tamen & aliter; suffragium enim non est nisi vel quædam deprecatio, vel privata alieni debiti compensatio Deo oblata, quæ dummodo acceptetur, pœnam remittit. Indulgentia vero est judicialis, & autoritativa relaxatio pœnæ debite, æquæque judicis, non nisi in subditos exercendus.

Dicitur tandem: *Ex applicatione eorum satisfactionum, quæ in Ecclesiæ Thesauo sunt repositæ*: ad significandum, Indulgentiam esse etiam solutionem, seu satisfactionem quandam ex alienis operibus pœnalibus, ut quemadmodum are alieno gravatis ex publico Aërio forte tribuitur, unde possit eorum debitum solvi, ita ab Ecclesiæ Prelatis dispensatur Indulgentia ex Thesauo meritorum Christi & Sanctorum,

rum, quæ adhuc in Divina acceptatione perseverant, ut Divinæ satisfiat Justitiæ; per quod distinguitur Indulgentia a communicationibus bonorum spiritualium a. Prælati Regularium Congregationum fieri consuetis, quæ de Ecclesiæ Thesauris non non conferuntur, cum nequeant ab eisdem subditorum vigilie, labores & jejunia aliaque hujusmodi ceteri personis applicari postquam facta sunt, sed vel dum fiunt, vel antequam peragantur.

ARTICULUS II.

De divisione Indulgentiæ.

Conclusio I. Recte dividitur Indulgentia in totalem & partialem.

Prob. 1.^a Ex Extravaganti *Unigenitus de Penit. & Remissionib.*, ubi Clemens VI. post definitum Ecclesiæ Thesaurum Petro ejusque Successoribus commendatum, ut Christi fidelibus salubriter dispensaretur, dicit = *Nunc pro totali, nunc pro partiali remissione penæ temporalis pro peccatis debita, tam generaliter quam specialiter prout cum Deo expedire cognoscere* = Ergo dispensatio facta ex Ecclesiæ Thesauris meritorum Christi & Sanctorum alia est, quæ totam poenam temporalem remittit, alia vero quæ partem, ac per consequens recte dividitur Indulgentia in totalem & partialem.

Totalis itaque Indulgentia dicitur integre poenæ temporalis remissio, cui solvendæ poenitens post justificationem obnoxius est: adeo ut si debitis requisitis atque dispositionibus præsuppositis, eam acquireret, ex humanis illico decedens, nihil amplius in Purgatorio Divinæ Justitiæ persolvere deberet, statimque ad elaram Dei visionem esset admittendus. Unde habes, hanc Indulgentiam quantum est ex parte sui ac formaliter, non esse majorem aut minorem, cum poenæ debitum ex se totaliter extinguit. Nihil tamen officit, majorem aut minorem materialiter esse, ac vocari, eo quod Indulgentiam consecutus, majori aut minori poenæ detineatur obnoxius, sicut Baptismitis Sacramentum adultis æque dispositis applicatum, inæqualia culparum atque poenarum debita habentibus, majora extinguit in uno quam in alio.

Indulgentia partialis ea dicitur, qua non omnis poena Deo debita, sed pars ejus duntaxat secundum formam concessionis relaxatur; & aliquando est indeterminata, puta tertiæ aut quartæ partis peccatorum, vel determinata, ut septem annorum, aut quadraginta dierum.

Quæres. Quid per partialem Indulgentiam annorum vel dierum intelligatur?

Respondet Viguerius in suis *Institutionib.* cap. 18. §. 6. *vers.* 22. Dies & annos Indulgentiarum ita Purgatorii poenis comparari ut tot dierum vel annorum poenæ in dicto loco luendæ habeatur remissio, quot annorum, vel dierum Indulgentia conceditur. Idem fuit quorundam Doctorum placitum apud Turrecrematam §. *Item in Levitico de Penit. dist.* 1. *art.* 4. *num.* 5. Quod ansam præbet Kemnitio, aliisque nostri temporis Hæreticis, ut laudabilem Indulgentiarum morem irridere, reprobare, blasphemare, totisque viribus eliminare contendant; desumtis siquidem ex ineertis Authoribus plurimum millium annorum Indulgentiarum monumentis, tanquam risu dignas hujusmodi concessionem excipiunt, cum eis non videatur Purgatorium per tot sæcula duraturum.

Quod autem hic Viguerii dicendi modus a veritate dislet, ex eo constat, quod Sedes Apostolica Indulgentias partiales dierum vel annorum despondens non dicit in formis concessionum, *remittimus, aut relaxamus septem annos aut quadraginta dies poenarum, sed septem annos, vel quadraginta dies de injunctis*.

Nos igitur supposita doctrina, quam supra cap. 1. *artic.* 4. in *responsione ad prim. Adversarii. argument.* tradidimus, nempe poenam in hoc sæculo tolerandam peccatis per se correspondere, poenam vero Purgatorii substitutive, cum communi Doctorum & Eruditorum opinione respondemus, Indulgentiam partialem alludere ad poenitentialem satisfactionem juxta veterem Ecclesiæ disciplinam exhibendam; quatenus sicut septem annorum vel quadraginta dierum poenitentia canonica vel alia hujusmodi pro quorundam criminum poenis per se in hac vita persolvendis injungebatur, ita hujusmodi Indulgentiarum beneficio poenitentialis toridem dierum vel annorum satisfactio

factio Clavium virtute relaxetur: ac per consequens tantum poenae temporaliis per se debita peccatis per huiusmodi Indulgentiam expungitur, quantum per satisfactionem canonicam exhibitam remitteretur. Quamobrem non oportet annos vel dies poenitentiae canonice numero annorum vel dierum poenae Purgatorii, ut ita dicamus, respondere, adeo ut quot anni vel dies de injunctis poenitentis per Indulgentiarum partialium concessionem relaxantur, totidem dierum vel annorum poenae Purgatorii fiat remissio; poena enim Purgatorii plurium dierum, vel annorum etiam intentione & acerbitate maxima, per hujus vitae poenitentiam unius diei ex fervore charitatis & contritionis praestitum, potest expungi.

Quaeres. An Indulgentia Plena, Plenior, & Plenissima differant inter se?

Affirmative respondet Paluanus in 4. dist. 20. q. 4. cum aliis Doctoribus putans, Plenam referri ad solam poenam peccatis mortalibus debitam: Plenorem ad poenam debitam etiam pro venialibus: Plenissimam ad quaecunque poenam temporalem, imo & ad culpas veniales. Sed haec sententia scopus veritatis non attingit, 1.^o quia Christi fideles lubentes duntaxat deotum poenae temporalis ob peccata venialia, non possent fructu Indulgentiae Plenae gaudere, cum haec ad huiusmodi debitum remittendum non se extenderet: deteriorique essent conditionis ad illam consequendam, quam sint ii, qui subijciuntur debito peccati lethalis; quod alienum est a mente Summorum Pontificum concedentium Plenam Indulgentiam. 2.^o quia jam supra statutum est *Cap. 5. art. 1. concl. 2.* peccata etiam venialia quantum ad culpam Indulgentiarum virtute non posse relaxari; unde non immerito de Paludani expositione Indulgentiae Plenae, Plenioris, & Plenissimae inquit Sotus in 4. dist. 21. *quest. 2. art. 1. = Est hoc excogitatum commentum, quod certe nullo nititur fundamento, neque dignum est Doctore Theologo.*

Alia via incedit Navarrus in *Comment. de Indulgentiis & Jubil. Norab. 9.* ad explicandam earum Indulgentiarum diversitatem = *Consentaneum*, inquit, *videtur rationi & menti scribentium, & stylo Indulgentiarum praesertim antiquo, ut*

*Plena dicatur, quae omnes poenitentias injunctas tollit, quae cum nisi pro confesso nequeant esse injunctae, merito ea, quae totam poenitentiam pro confesso injunctam tollit, Plena dicitur. At si haec Plena dicatur, majore cum ratione Plena erit ea, quae omnem poenitentiam tam injungendam, quam injunctam peccatis confesso debitam tollit, quandoquidem haec major est praecedenti. Et si Plena simpliciter dicatur, tamque omnes poenitentias injunctas, quam quae injunctas & injungendas pro peccatis confesso condonat, merito Plenior dicitur, quae totam omnibus peccatis lethaliibus etiam non confesso debitam tollit. Cum autem huc superaddi nequeat, nisi venia etiam poenae venialium, merito dicitur Plenissima, quae omnem tam venialibus quam lethaliibus, tam confesso, quam non confesso, debitam poenam condonat = Nec mirum esse arbitrat Navarrus, quod censibet ex his Indulgentiis assignata plenitudine, adhuc detur major, aut minor excessus unius, remissionis supra aliam: ita ut una Plena diei queat secundum quandam considerationem, quae alteri comparata est deficiens, cum gratiae sanctificantis exemplo possit declarari. *Actorum enim 6.* dicitur de B. Stephano Protomartyre = *Stephanus autem plenus gratia & fortitudine* = De B. Virgine Maria Luca 1.^o = *Gratia plena* = & de Christo Jo. 1.^o = *Vidimus gloriam ejus, gloriam quasi unigeniti a Patre plenam gratiae & veritatis* = & tamen certum est, non eandem omnino graduationem in dictae gratiae infusione reperiri; quanquam enim dictae personae plenitudinem gratiae dicantur habere, major tamen est Christi, quam Beatissimae Virginis Mariae, & hujus quam S. Stephani.*

Sed huic Navarri sententiae non possumus subscribere, quia si Indulgentiae de *Injunctis* se extendunt ad poenarum temporalium remissionem, pro quibus poenitentiae injunctae non sunt, ut dictum est *Cap. 5. art. 4.* a fortiori Indulgentiae citra huiusmodi clausulam concessae, & potissimum Plenae ad quascunque poenas in foro Dei quomodolibet debitas debent ampliari. Nec faveat Navarri exemplum illud plenitudinis gratiae; solum enim evincit, posse Summos Pontifices in Indulgentiarum conce-

cessionibus sic procedere, non tamen quod de facto ita se gesserint, ac se gerant.

Respondemus itaque Dubio cum Suario *disp. 50. sect. 4. num. 7.* Soto *disp. 21. qu. 2. art. 1.* prædictas Indulgentias quantum ad effectum remissionis poenarum temporalium secundum præsentem usum, ac statum, nullo modo inter se differre; in Extravaganti enim *Unigenitus de Pœnit. & Remissionib.* adæquate dividitur Indulgentia in totalem & partialem; juxta autem usum præsentis temporis Plena Indulgentia vocatur totalis. Rursus Sixtus IV. in Extravaganti *Quemadmodum* volens suspendere cunctas Indulgentias æquivalentes illi, quæ Romæ in anno Jubilæi conceditur, neipue Plenissimas, inquit = *Omnes & singulas Plenarias etiam ad instar Jubilæi tenore præsentium de Apostolica potestatis plenitudine usque ad nostrum & ejusdem Sedis Apostolicæ beneplacitum suspendimus* = Item Innocentius III. in Decreto pro Expeditione Terræ Sanctæ, edito in Concilio Lateranensi IV. Plenam Indulgentiam largitus est dicens = *Plenam suorum concedimus veniam peccatorum* = quam compertum est fuisse Plenissimam. Tandem Martinus V. eum absolveretur Concilium Constantiensis, Plenam Indulgentiam concessit illis, qui prædicto Concilio interfuerant, eam vocans *Absolutionem Plenariam* = *Concedimus*, inquit, *Omnibus & singulis, qui in hoc Sacro Concilio & causa ipsius interfuerunt, Absolutionem Plenariam semel in vita* = quam a Plenissima non differre, liquido deprehenditur ex gravissimis oneribus ibi injunctis. Non ergo aliquis effectus Indulgentiæ Plenissimæ proprius est, vel Plenioris, qui Indulgentiæ Plenæ non respondeat.

Dices. Quare ergo traditur a nonnullis Doctoribus divisio Indulgentiæ in Plenam, Plenioram, & Plenissimam, si quantum ad effectum remissionis poenæ temporalis idem omnino sunt?

Sotus *loc. supracit.* illam adscribit Concionatorum exaggerativæ expressioni = *Non est*, inquit, *Major Indulgentia Plenissima quam Plenior, sed Indulgentiarum Concionatores exaggerationis gratia illam graduationem invenerunt, positivi, & comparativi, & superlativi, instar illius juridice, sepe, sepius & sa-*

pissime = Et de facto solius exaggerationis atque explicationis gratia, videtur, quod Bonifacius VIII. in Extravaganti *Antiquor. de Pœnit. & Remissionib.* in concessione Indulgentiæ Plenariæ pro visitantibus Limina Sanctorum Apostolorum anno MCCC. hanc formam concessionis adhibuerit = *Non solum Plenam & Largiorem, imo Plenissimam omnium suorum concedimus veniam peccatorum* = Unde Joannes Monachus in Expositione Extravagantis laudatæ verbo *Plenissimam*, ait = *Dico Papam interpretatum fuisse in Consistorio, me præsentem, illam Indulgentiam quam dederat, adeo Plenam, prout Claviam potestas se extendit* = Posset insuper responderi, id solum factum fuisse ad majorem rei declarationem, & ad auferendos scrupulos, qui poterant ex variis Doctorum opinionibus suboriri.

Cæterum probabilius putamus, non solius exaggerationis gratia eam distinctionem fuisse adhibitam, sed propter causam, quæ major aut maxima Indulgentiis solet apponi, ac certiores nos reddi de earum effectu = *Cum Pontifex Bonifacius* (inquit Suarius in *sect. cit. n. 7.*) *usurpet illam loquendi formam, majus aliquod fundamentum habere videtur, & fortasse non improbabilius possumus ulterius considerare, sicut Philosophi dicunt, privationem totalem non recipere in se magis & minus, interdum tamen ratione causæ unam vocari majorem alia: ita in præsentem Indulgentiam appellatam esse Plenioram, aut Plenissimam, non quia in remissione vel privatione poenæ magis aliquid efficiat, sed quia majorem vel maximam habet causam, quæ de effectu Indulgentiæ certiores potest reddere Christianifideles.*

Hinc Jubilæus a Plenaria, seclusa causæ inæqualitate, penes privilegia & indulta distinguitur: puta, penes facultatem eligendi quemlibet Confessarium ex approbatis ab Ordinario, qui a peccatis & censuris alias reservatis absolvat, atque in votis quibuscumque dispenset: idque merito præbuit occasionem Prælaudato Doctori, asserendi, Plenariam non esse sub nomine Jubilæi publicandam = *Adnotare*, inquit *debent, qui denuntiant, & predicant*

in-

Indulgentias, ne simplicem Indulgentiam Plenariam nomine Jubilæi pronuncient, ne fortasse aliqui decipiantur, putantes, non tantum propriam Indulgentiam, sed etiam alios favores seu privilegia eis concedi. Quia nomen Jubilæi juxta usitatum & adequatam significationem hæc omnia in rigore complectitur.

At inquires: si Plena Indulgentia cum Plenissima, in effectu integræ atque totalis remissionis poenæ temporalis omnino conveniret, opus non esset in ejus concessione aliam partialem annorum vel dierum adjicere; supervacaneum quippe foret partialem superaddere, ubi Plenaria quancunque poenam tempora em Deo debitam aboleret. Quod vero ea superadditio quandoque facta fuerit, patet ex pluribus Bullis antiquis.

Respondet 1^o. Corduba, morem illum addendi partialem Indulgentiam concessioni Plenariæ, olim fuisse investum ob varias opiniones, quæ de Indulgentiis inter Doctores circumferebantur, ac deinde usu fuisse retentum. Hæc tamen ratio non explicat sufficienter vim ejusmodi concessionis.

Respondent 2^o. alii Doctores, additionem illam fuisse factam, ut fortasse deficiente causa proportionata pro Plenaria, saltem partialis valida subsisteret. Ceterum hæc responsio inconveniens illud superfluum additionis minime evitat; quamquam enim causa Plenariæ Indulgentiæ respondens non esset proportionata, posset pro partiali sufficere, citra additionem partialis annorum vel dierum, ut dictum est *Cap. 3. art. 1. in resp. ad dub. 3.*

Resp. 3^o. Non extitisse antiquitus morem illum, nec ad id probandum as-

ferri posse authentica Summorum Pontificum Diplomata. Dato tamen aliqua hujusmodi reperiri, dicimus, potuisse fieri additionem illam Indulgentiæ partialis, citra imminutionem totalis remissionis poenæ temporalis, vel per hoc quod partialis aliud tempus respiceret, diversum ab illo, quo Plenaria esset percipienda, juxta morem, qui nunc servatur, eodem Brevi concedendi Plenariam pro uno Festo, & pro alio septem annorum, totidemque quadragenarum: vel si idem tempus respiceret, una esset per modum absolutionis pro vivis, altera per modum suffragii applicanda pro Defunctis. Quod si traditiæ responsioni animus non acquiesceret, adde cum Passerino in *Quæst. 12. numer. 135.*, ea Diplomata esse de veritate suspecta.

Conclusio 2.^a Indulgentia recte dividitur in Localem, Personalem, ac Realem. Ita sentiunt omnes Doctores.

Prob. Quanquam soli homines sint capaces fructus Indulgentiarum propter reatum poenæ temporalis, qui in iis remanet post peccatum deletum quantum ad culpam, dicuntur tamen Indulgentiæ concedi quandoque Locis, quandoque Personis, quandoque Rebus; quia omnes in eo conveniunt, quod hominibus suum effectum communicent, ita tamen ut Localis inhereat Locis in ordine ad personas: Personalis tanquam favor vel gratia hominem afficiat, quia illi directe impenditur, adeoque quocunque pergat, ut sic dicamus, eam secum deferat: Realis quæ in gratiam alieius rei mobilis concedatur, puta Coronis, Numismatibus & Granis, quibus inhaeret, ita ut mediis his rebus ab hominibus percipiatur. Ergo recte dividitur Indulgentia in Localem, Personalem & Realem.

CAPUT VII

DE SUBJECTO INDULGENTIARUM.



SUBJECTUM Indulgentiarum dicimus hominem, qui earum fructum potest percipere; ideoque examinandum est 1.^o An is sit excommunicatus? 2.^o An ut Catechumenus? 3.^o An & quomodo Prælati facta generali Indulgentiarum concessione, possint sibi eas acquirere? 4.^o An Regulares, nec non Vagi, Advenæ & Peregrini possint lucrari Indulgentias Civitatibus & Oppidis generaliter concessas.

ARTICULUS I.

An Excommunicatus capax sit Indulgentiarum.

CONCLUSIO 1.^a Excommunicatio minor non impedit, quin Christiani Indulgentias sibi lucrari possint. Conclusio hæc est communiter inter Doctores recepta.

Prob. Excommunicatio minor privat baptizatos passiva Sacramentorum participatione, atque passiva electione ad beneficium, ut habetur *Cap. si celebres de Clerico Excomm. ministrant*. Ergo non est impedimentum, ad participandum fructum Indulgentiarum, suppositis alijs conditionibus prærequiritis ad eas comparandas.

Conclusio 2.^a Excommunicatio major impedit, ne Christiani Indulgentias lucrari possint. Ita Ugolinus *de Censur. tabul. 2.^a cap. 9.* Nugnus *in addit. ad quest. 27. art. 1.*, Lavorius *par. 2.* aliique apud Passerinum *Quest. 25. num. 196.*

Prob. Effectus Excommunicationis majoris est, baptizatos privare suffragiis, bonisque inter Ecclesiæ membra sibi in vicem unita dividendis. Inter hæc autem bona Ecclesiastica Indulgentiæ ex autoritate Summorum Pontificum, vel aliorum Prælatorum concessæ enumerantur; unde licet Excommunicatione majori irretitus, post emissum actum contritionis vel charitatis, novo gratiæ sanctificantis amictu ad Deum, a quo recesserat, revertatur, adhuc tamen Excommunicationis vinculum non exueret,

donec ei absolutionis beneficium impenderetur; ut habetur *Cap. A nobis 2.^o de sent. Excommunication.*, ibi = *Vinculum, quo peccator ligatus est apud Ecclesiam, cum sententia remittitur, relaxatur; quod in suscitatione Lazari sermo Evangelicus manifestat, quem prius Dominus suscitavit, & Apostolis præcepit postmodum solvere suscitatum* = Excommunicatus erga Excommunicatione majori remanet privatus omnibus spiritualibus bonis Ecclesiasticis, ac per consequens Indulgentiis, quibus pia Mater Ecclesia filios suos adjuvat in spiritu, promoveatque ad salutem. Alias iustificatus per gratiam illico a vinculo Excommunicationis liber evaderet.

Obijces 1.^o contra secundam Conclusionem in favorem Navarri in *Comment. de Anno Jubilei & Indulg. Nota. 18. n. 14.* Enriquez & Sâ, qui putant, Excommunicatum Excommunicatione majori contritum, ac in statu gratiæ constitutum capacem esse obtinendi fructum Indulgentiarum. Homo ad statum gratiæ reversus est vere membrum Christi & Ecclesiæ. Non autem videtur credibile, Christiani, qui sunt membra Christi, filii Dei adoptivi, æternæque gloriæ heredes, Ecclesiastica communione privari: adeoque nihil obstat, quin Excommunicatus eorum bonorum sit particeps, quæ ex Ecclesiastici Thesauri meritorum Christi & Sanctorum dispensatione proveniunt, ejusmodi sunt Indulgentiæ.

Resp. Excommunicatum esse membrum vivum Ecclesiæ, si habeat gratiam sanctificantem, quæ est vitæ supernaturalis principium; cæterum hoc probat, Excommunicatum per actum contritionis vel charitatis coram Deo deposuisse contumaciam, non tamen coram Ecclesiâ, quæ eundem adhuc rebellem reputat, donec a contumacia coram Ecclesiâ resipiscens, absolutionis beneficium a vinculo Excommunicationis obtinuerit: ideoque eo infelici statu durante, nedum activa & passiva Sacramentorum participatione privatur, verum etiam quibuslibet alijs Ecclesiæ bonis.

Obijces 2.^o Indulgentiæ sunt de genere bonorum spiritualium, conducentium ho-

hominem ad vitæ æternæ affecutionem : adeoque si stare potest jus ad æternam Beatitudinem cum Excommunicatione, non habetur ratio, quare debeat Excommunicatus justus Indulgentiis privari, cum sint media, ad eam Beatitudinem quantocius obtinendam, proportionata.

Resp. quædam boni spiritualia ad æternam Beatitudinis linem conducentia esse, propria personæ particularis : ut gratia, charitas, cæteraque opera bona moralia, tam secundum vim meritariam, quam satisfactoriam considerata : alia omnibus communia, puta Sacramenta, Sacrificia, Beneficia Ecclesiastica, spiritualis Jurisdictio, publica Suffragia. Super bonis primi generis certum est, Ecclesiam nulla gaudere potestate, ac jurisdictione, adeoque non posse eisdem privare Christianos habentes jus ad æternam Beatitudinem. Alias posset efficere, ne quis vitam promeretur æternam, ne gratiæ sanctificantis augmentum reciperet, aut pro se, vel aliis Ecclesiæ membris eam impetraret, & satisfactionem pro solutione poenæ temporalis exhiberet. Inspectis verò bonis secundi generis, licet Ecclesia illorum dominium non obtineat, habet tamen dispensationem atque administrationem; quod præbet sufficiens fundamentum, ut justa causa occurrente, eorundem participationem suis subditis denegat. Et de facto ita se gerit cum Excommunicatis Excommunicatione majori, qui sunt ei rebelles & contumaces, ipsos privando dictis bonis spiritualibus, inter quæ neminem latet, Indulgentias recenseri.

Obijcies 3.^o Pro Excommunicatis possumus Deo offerre orationes, aliaque suffragia; nullius enim extat præceptum hoc interdicens. Ergo erunt capaces fructus Indulgentiarum.

Resp. orationes & suffragia Ecclesiæ esse in duplici differentia, quædam profecto communia & universalia Ecclesiæ, ea nimirum, quæ Deo ejus nomine ad indigentium subsidium exhibentur : quædam peculiaritè personæ, quæ ad eundem effectum a particularibus personis offeruntur. Si de orationibus communibus atque Ecclesiæ suffragiis sermo sit, salum est, Excommunicatos ex illis aliquam percipere utilitatem : contra verò si de particularibus loquamur; imo orationes hujusmodi fieri

possunt etiam pro Excommunicato existente in peccato lethali; pro illis enim orare, non est communicare in bonis spiritualibus Ecclesiasticæ jurisdictioni subjectis, sed actus virtutis misericordiæ tendens ad alienam spiritualem inopiam sublevandam; quare sicut nulla lex prohibet corporalem eleemosynam in pauperes & mendicos erogare, ita nec spiritualem Deo mediis particularibus orationibus atque suffragiis offerre. Insuper in incruento Missæ Sacrificio, potest Sacerdos prout persona particularis privatas orationes, sibi fructum satisfactionis correspondentem, aliaque bona opera Excommunicatis applicare, ut a malo resipiscant, atque ad meliorem frugem convertantur, ut volunt Suarius *De Censuris disp. 9. sect. 5. n. 4.* Diana *resol. 77.* Ex quibus non rectè arguitur idem esse de Indulgentiis dicendum; sunt enim bona communia nomine Christi ex Ecclesiæ Thesauo applicata, juxta illud 2.^a ad Corinth. 2. = *Nam & ego quod donavi, si quid donavi propter vos in persona Christi.*

Ea, quæ tunc in nostra Conclusionem, tum in solutione ad Adversarium Argumenta protulimus, vera sunt juxta Suarium aliorumque Doctorum satis probabilem opinionem, etiam de Excommunicatis occultis; quamquam enim post Constitutionem Martini V. in Constantiensis Concilio emanatam, incipientem *Ad vitanda* teneamur, aut nominatim denunciatos, aut notorios publicosque Clericorum perversos duntaxat vitare, cum cæteris verò, vel a jure, vel ab homine Excommunicatis, siue occultum sit, siue publicè innotescat, eos esse hujusmodi Censura irretitos, possumus tum in Divinis tum in civilibus actionibus communicationem habere, tam enim sicut ex jure antiquo, ante distinctionem inter vitandos, ac non vitandos nullus Excommunicatione majori innodatus capax erat participationis Indulgentiarum, aliorumque suffragiorum communium Ecclesiæ, ita nec de jure novo per laudatam Constitutionem inducto; cum Martinus V. ita eam communicationem cum toleratis indulgeret, ut noluerit illorum, sed potius aliorum Christianissimorum utilitati prodesse = *Per hoc tamen, sunt verba dictæ Constitutionis, hujusmodi Excommunicatos . . . non intendimus in aliquo relevare, nequaquam debet suffragari* = Porro relevarentur

rentur in aliquo, atque in eorum commodum redundaret, si communium suffragiorum capaces evaderent, atque Indulgentiarum participationem obtinerent.

Colliges ex dictis, Suspensionis, aut Interdicti Censuris irretitos posse Indulgentias lucrari; Suspendio siquidem Clerico prohibet duntaxat alicujus Ecclesiastici Ministerii exercitium: Interdictum vero remouet usum Divinorum, quatenus à Christi fidelibus possunt haberi, ac per consequens sit, utranque Censuram indennem, communicationem in bonis spiritualibus atque communibus relinquere. Idem dicendum est de Irregularibus, cum Irregularitas Censura non sit, sed canonicum impedimentum, primo & per se Ordinis suspensionem prohibens, atque per accidens illius exercitium.

Queres 1.^a An propter Excommunicationem maiorem iniustam homo ab Indulgentiarum participatione repellere-

Respondemus. Excommunicationem iniustam ex defectu causæ sufficientis, vel aliorum tum ex parte iudicis eam ferentis, tum ex parte personarum, in quas lata est, non repellere Christi fideles a participatione Indulgentiarum: secus vero iniustam ob defectum solemnitatis accidentalis a iure requiritur.

Prob. prior responsionis pars. Intantum Excommunicatio major excluderet baptizatos ab Indulgentiarum participatione, in quantum indispensabiliter priuaret eosdem communibus Ecclesiæ suffragiis, bonisque inter Ecclesiæ membra sibi inuicem unita diuidendis. Excommunicatio vero maior dicto modo iniusta nullitatis vitio laboraret, ac proinde effectum illum inferre non valeret = *Excommunicatio* (inquiunt Patres Salmanticenses Morales in *Tract. 10. de Censur. cap. 3. puncto 1.^o num. 5.*) *que ita est iniusta, ut sit nulla, nihil operatur, nec ullum ex enumeratis effectibus producit tam in foro interno quam externo, si causæ nullitatis sufficienter manifestentur; ita ut scandalum non sequatur: & tunc se gerere debet ac si Excommunicatus non esset, quia sententia nulla non est sententia, & quod nulliter factum est, factum non censetur* = Ergo Excommunicatio dicto modo iniusta non repellit

Christi fideles ab Indulgentiarum participatione.

Prob. altera pars. Excommunicatio iniusta defectu solemnitatis accidentaliter requiritur non differret a sententia, quæ iusta est quantum ad essentialia. Itaque sicut hæc impediret, ne quis ea innodatus Indulgentiarum fructum perciperet, ita & iniusta defectu solemnitatis accidentalis.

Queres 2.^a An Summus Pontifex concessus impedimenti Excommunicationis, quæ Petrus E. G. irretitur, si eidem Indulgentiam concederet, hujus concessionis fructus obtineretur?

Respondemus affirmative; per huiusmodi enim concessionem scienter factam, Petrus qui erat Excommunicatus, absolveretur a vinculo Censuræ; quia sicut Excommunicatione innodatus non presumetur ille, quem Papa scienter ad pedum osculum reciperet, *Cap. Cum olim 1.^o de Privileg.* & notat Glossa in *Cap. si inimicus verbo expectare 39. dist. ibi = Si Papa Excommunicaret, intendendo eum absolvere facto, etiam si non verbo, habendus esset pro absoluto* = cum Princeps sola voluntate libertatem concedat. *L. Imp. de Munific.*, ita nec reputari deberet pro Excommunicato is, quem Pontifex sciens, & volens ad participationem Theauri meritorum Christi & Sanctorum media Indulgentiæ largitione reciperet. Rursus intantum Excommunicatus ex vi Pontificiæ concessionis sibi scienter factæ lucrari non posset Indulgentiam, in quantum beneficium absolutionis a vinculo Excommunicationis iuxta formam juris positivi non obtinuit. Hoc autem facile corrui; Summus enim Pontifex nullis subditur formis juris positivi, sed quod vult, lex est, si de illius scientia appareat, cum sit a legibus solutus *l. Digna Codic. de Legib. l. Princeps ff. eodem*, sacrisque Canonibus potestatem tribuit, qui ab eo vigorem desumunt, & non e converso *Cap. significasti de Electione*. Posita ergo concessione Indulgentiarum facta Excommunicato a Summo Pontifice scienter, vere esset is a vinculo Excommunicationis absolutus, quantumvis Papa hanc formam non adhereret = *Ego te absolvo a vinculo Excommunicationis* = huiusmodi enim Indulgentiæ largitio esset vir-

virtualis & æquivalens absolutio ab Excommunicatione.

Consulto diximus per Indulgentiæ concessionem scienter factam; si enim Summus Pontifex Excommunicationem penitus ignorans, eo vinculo irretito Indulgentiam desponderet, non fieret ille ad Indulgentiarum participationem idoneus, quia pro absoluto minime putaretur; ut habetur in Clementina *si sumus de sententia Excommunicationis*; & firmant Joannes Andreas num. 4. Abbas n. 3. & 4. Ancharanus num. 4. *Versicul. Oportet ergo.*

Objicies. Si quis literas servo scriptas tanquam Decurioni, vel ancillæ tanquam forori mitteret, non exinde fieret, unum vel alterem libertate donari. *l. Jubemus Codic. de Probationib.* Ergo si Summus Pontifex Excommunicato tanquam subiecto capci Ecclesiasticæ communionis in bonis spiritualibus Ecclesiæ Indulgentias largiretur, non idcirco eum capacem redderet ad illarum acquisitionem.

Resp. eas leges loqui, ubi non constaret de scientia Domini. Quod si clare constaret, Dominum ex certa scientia servum liberum vocasse, atque ad eundem literas tanquam ad Decurionem, vel ad ancillam tanquam ad sororem literas dedisse, ejus animus sufficienter exprimeretur de donatione libertatis, quam citra dubium assequeretur servus, vel ancilla; libertatis enim concessio unice ex libera Domini voluntate dependet. Quod profecto probat, idem asserendum de Excommunicato in ordine ad Indulgentias, si Summus Pontifex Censuræ dictæ impedimentum agnoscens adhuc vellet eidem Indulgentiæ beneficium impendere.

ARTICULUS II.

An Catechumenus possit lucrari Indulgentias?

DUUM procedit de Catechumeno, qui ita votum habeat recipiendi Baptismatis Sacramentum, ut fide Theologica præditus jam sit, & charitate; ubi enim dictæ virtutes deessent, non daretur capacitas ad acquirendas Indulgentias.

Cum Catechumenus vere de culpis contritus, ex voto Baptismatis sit jam Fide-

lis, atque Ecclesiæ unitus per charitatem, atque purgatus a culpis, videtur pariter pollere capacitate Indulgentiarum. Sic sentiunt Navarrus, Leo, Polanchus, & Bañtonus.

Conclusio. Catechumenus nequit Indulgentiarum fructum obtinere. Subscribunt huic Conclusioni Suarius *Disp. 53. sect. 4. num. 8.* Nugnus in *Additionib. qu. 27. art. 3.* Cottonius *lib. 2. contro. 11.* Palaus *Tr. 24. puncto 8. n. 2.* aliique.

Prob. 1^a. Ad comparandas Indulgentias requiritur, ut quis Ecclesiasticæ jurisdictioni, aut potestati subiectus sit. Catechumenus autem ante Baptismatis receptionem Ecclesiasticæ potestati, aut jurisdictioni subiectus non est, ideoque ut notarunt Azorius, in *Institution. Moral. 1. parte lib. 7. cap. 28. qu. 3.* Menochius *de Arbitr. casu 29.* non ligatur Ecclesiasticis Constitutionibus: nec potest excommunicari, aut interdicti juxta Navarum in *Manuali cap. 17. n. 13.* Ugolinum *de Censuris tabul. 17. §. 5. num. 3.*, aut ad propriam sœdam revertens, potest Apostoliæ poenæ multari; quanvis ex suppositione, quod Catechumenus sit recepturus Baptismatis Sacramentum, plura pro eo ab Ecclesiâ statuta sint: puta, quod certo tempore illud recipiat *Can. Duo & Can. de Catechumen. De Consecratione dist. 4.* & quod certis diebus quædam faciat, ut *Can. ante Baptism.*, & *Can. ante viginti dies eadem distinet.*, & quod multo tempore non differatur ejus spiritualis regeneratio ut *Can. Quando ead. dist.* Nequit ergo fructum Indulgentiarum obtinere. Confirmatur, magisque explicatur ratio nostræ Conclusionis. Catechumenus capax non est poenitentiae a Sacris Canonibus injunctæ pro merito delictorum; non enim ea, quæ contra legem vel Divinam, vel humanam ab iis perpetrata sunt præviæ ad Baptismatis receptionem, quod est omnium Sacramentorum janua, Poenitentiae Sacramenti virtute possunt expiari, nec per votum illud recipiendi idonei ad eorum expiationem efficiuntur: adeoque nequeunt subdi Clavium potestati, atque judicio Prælatorum Ecclesiæ, dicente Apostolo *1. ad Corinth. 5. vers. 12. = Quid mihi de iis qui foris sunt judicare?* Itaque cum Indulgentiæ poenæ temporalis absolutionem & poenitentiarum remissionem

nem a legitimo superiore virtute Clavium factam importent, sequitur, capacitatem ad eas recipiendas in Catechumeno non periri

Dices. Peccata Catechumeni ante Baptismum commissa sunt materia poenitentiae, ut patet in D. Paulo, quem post illius Sacramenti receptionem poenituisset compertum est, quanquam nullum in posterum peccatum lethale perpetraverit: & in Divo Augustino, qui licet Baptismali caractere insignitus gratiam sanctificantem non amiserit, reliquo vitae cursu sancte ac laudabiliter consummato, tamen Psalmos Poenitentiales contra parietem positos legebat, jugiter deflens vitae superioris errata; imo adeo poenitentiae laboribus vacandum est, ut nunquam ab eis cessandum esse tradiderit idem S. Episcopus (vel quisquis sit Author *Lib. de vera & falsa Poenitent.* sub nom. S. Augustini) = *Quid restat nobis, inquit, nisi semper dolere in vita, ubi enim dolor finitur, quid relinquitur de venia* = Ex quibus perspicue deprehenditur, Catechumenum posse poenitentiae legibus obligari, proindeque subijci Ecclesiae Clavibus.

Resp. aliud esse Catechumenorum peccata ante Baptismum commissa esse materiam virtutis poenitentiae, aliud esse materiam Sacramenti Poenitentiae. Secundum non evincunt mox adducta Sanctorum exempla, neque suadet Author *Libri de ver. & fals. Poenit.*, sed solum primum; poenitentia quippe, ut est virtus, latius patet se ipsa, prout est Sacramentum, quandoquidem gratiam sanctificantem comitatur, statui novae Legis non alligatam, sed cunctis hominibus necessariam ad aeternae vitae felicitatem comparandam. Ceterum Poenitentiae Sacramentum proprium est huius status, supponentis Institutorem Sacramentorum, humanique Generis Reparatorem. Hinc poenitentia prout est virtus, considerata quantum ad sua essentialia, non importat cum Sacramento Baptismatis connexionem (& ideo aliqua ejus opera praevia ad Baptismatis receptionem fuisse indicta Catechumenis expensum est supra *Cap. 1.º pag. 127. col. 1.ª* ut effectus conciperent propositum non peccandi de cetero, atque vitiorum habitus evellerent) alias si connexionem

diceret cum Sacramento Baptismatis, nec fuisset in Adamo, neque in Patribus veteris Testamenti. Secus dicendum est de Poenitentia ut est Sacramentum a Sanctis Patribus atque Doctoribus vocata *Secunda tabula post naufragium*, primam Sacramenti Baptismatis praesupponens, velut januam ad reliqua Sacramenta, ut habetur *Cap. Veniens de Presbytero Baptizato*. Ex qua doctrina colligitur, Catechumenos propter peccata subijci non posse Ecclesiae Clavibus, ac per consequens nec Indulgentias posse percipere, cum Indulgentiae sint actus potestatis earundem, imo saltem per extensionem ad Poenitentiae Sacramenti forum aliquo modo pertineant, ut docet Magister Sententiarum in *4. diff. 21. & Soto ibidem qu. 1.ª ars. 1.*

Prob. 2.º Virtus capitis nequit communicari nisi membris corpori actu unitis. Ut ergo virtus satisfactionis Christi per Indulgentiarum concessionem ex Ecclesiae Thesauri hominibus communicetur, debent ii Christo Capiti, atque Corpori Ecclesiae actu uniri. Quod sane de Catechumenis verificari non potest nondum Baptismali lavacro regeneratis, sed velut in Ecclesiae utero conceptis duntaxat = *Nondum quidem* (inquit D. Augustinus *lib. 2. de Synb. ad Catechumen.*, eos alloquens) *adhuc per sacrum Baptisma renati estis, sed per Crucis signum in utero Sanctae Matris Ecclesiae jam concepti estis* = ea enim unio fit mediante Baptismate = *Per Baptismum* (inquit D. Thomas in *3. par. qu. 86. artic. 4. in corp.*) *homines Christo incorporantur secundum illud ad Galat. 3.º. Quicumque in Christo baptizati estis, Christum induistis* = Ergo Catechumeni non possunt Indulgentiarum fructum obtinere.

Dices. Catechumeni, qui fide & charitate praediti sunt, pertinent ad Ecclesiam. Non ergo apparet, quare a participatione bonorum ejusdem debeant repelli.

Resp. tripliciter homines posse ad Ecclesiam pertinere, ut tradit Bannez 2. 2. qu. 1.ª. ars. 10. Primo numero & merito, ut Christiani fideles baptizati in statu gratiae constituti. Secundo numero & non merito, ut Christiani fideles baptizati, labetamen peccati lethalis coinquinati. Tercio merito & non numero, & hoc modo Catechumeni, de quibus agimus, juxta inter-

ternam dispositionem, quam habent gratiæ, nec non fidei Theologicæ Ecclesiæ membris aliquo modo connexis, non tamen unione, aut cum ipsis, aut cum toto Ecclesiæ Corpore. Ea autem unio præcise secundum internam dispositionem, sicut sufficiens non est, ut Catechumeni Ecclesiasticæ jurisdictioni subdantur, ita nec ut participant de bonis Ecclesiæ spiritualibus, quæ cadunt sub ejus dispensatione.

Objicies. Catechumeni in gratia & fide ex hac luce migrantes capaces sunt Indulgentiarum, quæ cæteris Fidelibus obuentibus applicantur. Poterunt ergo in hac vita Indulgentias consequi aliis viventibus concedi consuetas.

Resp. (transmisso antecedentis) Indulgentias, quæ Defunctis applicantur, esse per modum meræ solutionis non existentis jurisdictionis potestatem supra personas, quibus hoc spirituale subsidium est conferendum, ut dicemus infra *Cap. 14. art. 8.* ideoque mirum non est, Catechumenos hujusmodi suffragio posse gaudere. Aliter tamen dicendum est de Indulgentia vivorum, quæ est per modum absolutionis, ac per consequens actus potestatis jurisdictionis, qui nequit supra Catechumenos exerceri.

ARTICULUS III.

An & quomodo Prælatus sua generali Indulgentiarum concessione possit illarum particeps esse?

Conclusio 1.^a Possunt Prælati lucrari sibi Indulgentias, pro suis subditis generaliter concessas. Ita sentiunt Innocentius in 4.^o *qu. 3. art. 1. ad 2^m.* Durandus *qu. 4. nu. 11.* Augustinus de Ancona *de Potest. Eccl. Navarrae de Jubil. notab. 20. nu. 18.* alique Doctores communiter.

Prob. 1.^o Ex Angelico Præceptore, qui in 4.^o *dist. 20. qu. 1. art. 5. questione. 4.* inquit = *Prælatus potest uti Indulgentia, quam pro aliis facit, quia aliis subest causa faciendi* = Ergo possunt juxta D. Thomam Prælati lucrari Indulgentias suis subditis generaliter concessas.

Prob. 2.^o a ratione. Negari nequit Ecclesiæ Prælato beneficium pro subditis generaliter datum, occurrente eadem indigentia; etenim si incongruum foret, Principem bona communia Reipublicæ cunctis subditis distribucentem, non posse sibi ex eisdem portionem recipere, cum sit potissimum membrum, eademque ac subditi prematur necessitate, durissima esset Summi Pontificis aliorumque Prælatorum Ecclesiæ conditio, si alios nutriendos ex officio, ipsi jejuni remanerent: ac cæteros Christifideles pro relaxandis poenis temporalibus adjuvantes, sibi auxilium asserere non valerent. Porro eos Indulgentiarum subsidio indigere nemo non novit, testante Isaia *Cap. 13.* = *Omnes nos quasi oves erravimus* = & D. Joanne in *Epist. 1.^a* = *Si dixerimus quoniam peccatum non habemus, ipsi nos seducimus & veritas in nobis non est* = Ergo Prælati Ecclesiæ possunt sibi lucrari Indulgentias concessas generaliter pro suis subditis.

Non omnes tamen Doctores unanimes sunt in exponendo modum, quo Prælatus hujusmodi Indulgentiarum concessionem participat. Corduba *qu. 13. de Indulg.* triplicem distinguit Indulgentiam: primam per modum absolutionis, seu remissionis: secundam per modum suffragii, cujus ratio essentialis in Thesauro Ecclesiastici sola communicatione consistit; adeoque Defunctis duntaxat applicandam: tertiam per modum participationis & usus prædicti Theauri aliquibus concessi, quæ solum locum habeat in Prælatis habentibus potestatem ad Indulgentias concedendas, ut hac via sibi ad poenæ temporalis levamen opportune provideat, quin opus sit ad id obtinendum, auctoritatem propriam aliis committere.

Verum hic modus dicendi non coheret essentiali Indulgentiæ vivorum conceptui, qui in absolutione positus est; quare novum adinvenire, qui sit simplex participatio, seu usus Theauri meritum Christi & Sanctorum, nulli prorsus innitur fundamento. Maxime quia difficultas versatur circa Indulgentiam ex vi generalis concessionis tum a subditis tum a Prælato eam concedente comparandam: quæ profecto, aut pro omnibus foret duntaxat dispensatio, usque Ecclesiastici Theauri, (quod Corduba juxta sua principia nequit admittere, vel

vel necesse est omnibus, & per consequens ipsi Prælato sub conceptu absolutionis correspondere, quod prælaudatus Doctor apertissime negat.

Nec aliter subditis, aliter Prælati Indulgentiæ conveniant, Vincentius in *Capite Cum ex eo de Pœnit. & Remiss.* Guillelmus in *specul.* & Archidiaconus in *Cap. Indulgentiæ eod. titulo in 6. l. unica C. ne quis in causa*, & Cajetanus, relati a Corduba *Quæst. citat.* eas putant locum habere in Prælati concedentibus, eodem modo in specie ac in subditis, diverso tamen in individuo; quia quantumvis nequeant Prælati absolutionis a pœna temporali sibi beneficium impendere, cum non possint aut ligando aut solvendo actum jurisdictionis in seipsum exercere, alia tamen via possunt sibi Indulgentias comparare, committendo vel Confessariis vel aliis personis, ut sibi conferant pœnæ temporalis relaxationem: sicut ex vi delegatæ jurisdictionis a culpis in foro Pœnitentiali Sacramentaliter absolventur. Itaque hac admissa opinione, Indulgentia a Prælati obtinenda esset vera absolutio.

Sed hanc sententiam non approbat Navarrus, ideoque eam acerrime impugnatur in *Commentar. de Indulg. & Jubil. notab. 20. nu. 9.* absurdum reputans Prælatos hac via Indulgentiarum fructu gaudere = *Quia sicut nemo, inquit, potest seipsum absolvere, vel condemnare: ita nemo potest dare alteri potestatem se absolvendi, vel ligandi: tum quia potestatem quam quis non habet non potest alteri mandare; at nemo habet potestatem seipsum absolvendi. Ergo nemo potest alteri delegare illam: tum quia ratio, qua Papa absolvitur a suo Confessario non est, quia ipse commisit ei jurisdictionem id faciendi, sed alia, ut profundius, quam hactenus dictum sit, scrutabimur.*

Cæterum ea, quæ ad prælaudatos Doctores impugnandos assert Navarrus de absolutione a culpis per Summum Pontificem obtinendam, non recipiunt Theologi, ac Pontifici Juris Interpretes, nisi unum vel alterum novitatis amatorem excipias; cum id ratum fixumque sit, Summum Pontificem, electo sibi in Confessarium simplici Sacerdote, potestatem jurisdictionis in seipsum eidem conferre

pro foro Sacramentali, cui, non secus ac cæteri Christiani fideles, in eodem foro parere tenetur. Ex quo colligitur, posse pariter Ecclesiæ Prælatum alteri committere facultatem dandi sibi Indulgentiam, prout expedire judicaverit; & de facto (Estito teste) fertur de Summo Pontifice, quod moriturus, sibiipsi Indulgentiam Plenariam non conferat, sed ab aliis accipiat, quibus id juris commiserit. In eo tamen sententiam a Navarro rejectam falsam judicamus, eo quod ipse putet, Summum Pontificem vel alium Prælatum, ad comparandum sibi fructum concessionis Indulgentiarum generaliter a se factæ, indispensabiliter adjutorio delegatæ potestatis indigere; etenim sibi Sacramentalis absolutio, personarum distinctionem necessario requirens, minime intervenire, vel actio punitiva ad alteram personam dirigenda. Addimus constare ex usu, Summos Pontifices acquirendis Indulgentiis ab eisdem generaliter concessis vacare, independentem a quacunque delegatione alteri facta, sicut vacant aliis, a Prædecessoribus generaliter datis, de quibus eadem militat ratio.

Alii Doctores apud Passerinum *qu. 21. num. 184.* sentiunt, Indulgentias a Prælati generaliter concessas pro suis subditis, ab eisdem acquiri, non quidem ex ordinaria eorundem autoritate in se ipsos exercita, sed ex aliorum potestate, ac voluntate si superiores agnoscant, sin minus ex lege Divina vel Christi voluntate: unde verissimum esse dicunt, Prælatos Indulgentias illas sibi posse comparare, eo modo, quo Legislatores propria præcepta observare tenentur, non obligati ab eisdem legibus, sed a Deo mediante jure naturali.

Utinam hic dicendi modus scopum veritatis attingeret, nec ad probandum intentum incerto prorsus inniteretur principio. Dicant enim amabo si Authores, unde deprehendatur, Indulgentias hujusmodi a Prælati obtineri ex superiorum voluntate, aut ex Christi concessione? Quod nam sit ejus rei vel ex ratione vel ex probatis Authoribus fundamentum? Paritas desumpta ex lege lata obligante superiorem qui eam tulit, parum aut nihil evincit ad eorum institutum; quod enim Legislator obligetur a lege quantum ad vim directivam, quæ ostendit bonum esse faciendum, atque

atque ad illud dirigat, fundamentum habet in jure naturali, quod vim obtinet eos obligandi, ut inter caput & membra detur conformitas, illudque sibi non contradicat, aliud edocens verbo ac lege, aliud exhibens opere & exemplo; si enim, ut inquit D. Augustinus in *Lib. 3. Confession.* *Cap. 8 = Turpis est omnis pars suo universo non congruens* = major foret difformitas, si uno modo caput, alio modo membra se gererent. Ceterum cum Indulgentiarum assecutio in dispensatione Theauri meritorum Christi & Sanctorum ab Ecclesie Prælati facta fundetur, circumscripta ordinaria, aut delegata eorundem potestate in se ipsos exercita, non daretur fundamentum ad asserendum, Summum Pontificem aliosque Prælatos de generali Indulgentiarum concessione a se facta participare; non enim esset, qui media Clavium potestate Theaurum meritorum Christi & Sanctorum ad spirituale eorum utilitatem eis aperiret in terris. His igitur dicendi modis rejectis, sit

Conclusio 1.^a Prælati possunt sibi acquirere Indulgentiam pro suis subditis generaliter concessam, quatenus Indulgentia est absolutio: ita ut actus ille jurisdictionis directe & primario in populum subditum exercitus, de secundario & indirecte ad singulos, atque ad ipsosmet concedentes extendatur. Ita Suarius *Disp. 52. sect. 1. num. 16.*, Passerinus *quest. 21. n. 185.*

Prob. 1.^o Indulgentia generaliter concessa eandem vim obtinet pro concedente ac pro aliis Christianis subditis: eodem tenore verborum exprimitur: proindeque eadem judicatur Prælati concedentis voluntas tam respectu sui, quam aliorum; ubi enim Summus Pontifex, diversimode Indulgentiam largitur per modum absolutionis, & per modum suffragii, utrumque expresse declarat. Ergo sicut ejusmodi Indulgentia respectu singulorum Christianis subditorum est actus absolutionis, ita respectu Prælatorum eandem concedentium.

Prob. 2.^o Ideo de generali Indulgentiarum concessione non participarent tam Prælati concedentes, quam subditi eodem modo, quia cum Indulgentia dicat conceptum absolutionis erga personas absolventi subjectas, non videtur ipsum Prælatum comprehendere, defectu realis

distinctionis inter absolventem & personam a poenis temporalibus absolvendam. Hanc vero distinctionem non exigi, plura exempla planissime demonstrant. Potest superior condere legem, quæ vi directiva eundem Legislatorem afficiat, quod citra jurisdictionis exercitium fieri non potest. Rursus Supremus Legislator potest se ipsum sicut & ceteros subditos in jejuni lege dispensare, occurrente justa ac rationabili causa; hæc autem dispensatio in lege jurisdictionem importat tum in se ipsum, tum in subditos: *Neque ex generali ratione* (inquit Suarius loco supracitato) *actus jurisdictionis repugnat exerceri ab eodem circa se ipsum: neque etiam ex speciali ratione talis actus, scilicet Indulgentia; quia Pontifex rationabili ex causa potest secum dispensare in humana lege aut in voto, quia neque esse debet deterioris conditionis, ut careat in terris dispensatore, sicut caret superiore: neque etiam est jus aliquod vel ratio sufficiens illum obligans ad hæc exercenda per alium, & non per se ipsum. Quid enim, si nullus esset idoneus, cui posset tale judicium committere? Nunquid necessario cariturus esset dispensatio, etiam si illa indigeret? Maxime quidem, quia actio illa non requirit coactionem: Quæ robur accipiunt ex Capite Per Venerabilem Qui filii sint legis, ubi habetur, posse Principem supremum in temporalibus cum suis filiis naturalibus ita se gerere, ut eos legitimando, ad hereditatem admittat, cæterisque seculares dignitates; quod actum virtualis dispensationis erga seipsum importat, ne dum quia filius est aliquid Patris, verum etiam quia præstat, ut possit ab eo fieri hæc hereditatis institutio. Enim vero statuta distinctione morali in eadem persona penes diversa munera, utrumque potest salvari: & quod eadem persona pro ut Papali aut Regia eminet dignitate, beneficium dispensationis indulgeat: ac ut Pater eidem dispensationi subdatur. Non ergo exigitur realis distinctio inter personam absolventem a poenis temporalibus media Indulgentiarum concessione, ac ab eisdem absolvendam, ac per consequens non obstat, Ecclesie Prælatos eodem modo ac suos subditos Indulgentia generaliter concessæ fructum obtinere: adeo ut tanquam Pastores Theauri; meritorum Christi*

sti & Sanctorum dispensatores Indulgentiam largiantur: & ut personæ particulares, & alias solvendis pœnis temporalibus obnoxia, illis generaliter propriis subditis concessis utantur & gaudeant.

Dices. Nemo potest pro se ipso ferre sententiam, ut *l. Pen. ff. ad Senat. Consult. Trebell.* Ergo Prælati nequit per generalem Indulgentiæ concessionem factam subditis etiam se ipsum a pœnis temporalibus absolvere.

Resp. tunc verum esse neminem pro se ipso posse ferre sententiam, quando sententia iudicii formam exposceret, in quo Juxta, Actor, & Reus debent convenire, secus ubi hæc non requireretur; & de facto minime est necessaria in concessione Indulgentiarum.

Quæres. An Prælati habens potestatem descendendi generales Indulgentias, etiam particulari concessione sibi soli duntaxat possit facere remissionem pœnæ temporalis?

Innocentius in *4. dist. 20. art. 1. ad 2.*, Nugus in *Supplem. dist. 27.* respondent negative, non quidem propter defectum jurisdictionis in se ipsum exercendæ immediate, sed quia causa sufficiens reperiri non valet, prudenter movens Prælatorum iudicium, ut iuste ac rationabiliter ad huiusmodi concessionem procedant; ea enim debet esse pia, Dei honorem nec non Ecclesiæ utilitatem respiciens, quæ nequit locum habere in Prælati, aliunde ex officio addictis ad illam causam promovendam.

Hic tamen discursus non placet Suario, qui oppositum propugnat, *Disput. cit. num. 23.* = *Cum enim* (inquit) *non potest Prælati seipsum per Indulgentiam provocare ad illum actum exercendum in utilitatem Ecclesiæ, quem aliquem ex officio facere tenetur: Hæc enim duo non repugnant simul conjungi in eundem actum; sicut potest per Indulgentiam provocare alios Fideles ad illos actus faciendos, quos ex aliis præceptis facere tenentur: & alicui Regi potest concedere Indulgentiam hoc fine, ut per eam provocetur ad suum munus regium recte exercendum. Eo vel maxime, quod licet Prælati teneatur bonum Ecclesiæ procurare, non tamen per quoslibet bonos actus, multi enim possunt respectu illius esse in consilio, & non in præcepto. Ergo ad illos potest se per Indulgentiam provocare.*

Suarium doctrinam refellere nititur Passerinus *quest. cit. nu. 191.* negatque, eam locum habere in Summo Pontifice. Admittit itaque, posse eundem se ad Ecclesiæ utilitatem promovendam indefinenter excitare, eo tamen sibi Ecclesiæ Thesaurum, per particularem Indulgentiarum concessionem aperire, cum aliunde ad id obligetur ex officio. Solvit deinde paritatem de aliis Christifidelibus: quia Indulgentias dare, ut subditi torporem, atque negligentiam in ordine ad legum observantiam abjiciant, propriisque obligationibus satisfaciant, cedit in Dei honorem atque Ecclesiæ utilitatem; cæterum torporem ac negligentiam Prælati a se tenetur abjicere: subditque, debitum Summi Pontificis in procurandis tum honore Dei tum Ecclesiæ utilitate quandam habere infinitatem, legique charitatis æquiparari, obliganti ad Deum diligendum perfectius ac perfectius, ex toto corde & ex tota anima: ideoque sicut non datur actus charitatis, qui sit de consilio; quia nihil facere licet nisi ex Dei dilectione, ex qua non licet impedire intensionem actus dilectionis, vel non diligere Deum quantum possumus ex toto corde & ex tota anima, ita in ordine ad Summum Pontificem nequit actus excogitari bonum Ecclesiæ respiciens, ad quem exercendum non teneatur, cum debeat Ecclesiæ utilitatem toto corde, tota mente ac tota anima promovere: nec sibi licet ab aliquo actu ad Ecclesiæ bonum ordinato cessare, nisi intuitu majoris boni ejusdem; ideoque si Ecclesiæ utilitas sit possibilis, ad eam procurandam obligatur Summus Pontifex.

Verum hac Passerini responsione Suarii ratio minime concutitur; falsum enim est, actus omnes, quibus Summus Pontifex potest se ad Dei honorem atque Ecclesiæ utilitatem excitare, cadere sub Divino Præcepto. Et sane nullum poterit aut ex autoritate, aut ex ratione adduci fundamentum, quare plurimi solum sub Divino non cadant consilio: ideoque adhuc urget prælaudati Doctoris argumentum, quod saltem ad huiusmodi actus exercendos, possit se ipsum per Indulgentiarum concessionem sibi particulariter factam excitare.

Respondemus igitur Dubio. Prælatum habentem potestatem concedendi Indulgentiam

gentias sibi soli duntaxat posse facere remissionem poenae temporalis; sufficiens enim datur jurisdictionem ad hunc actum potestatis Clavium in se ipsum exercendum, ut constat ex probatione secundae Conclusionis, nec deest causa pia ac proportionata ad id praestandum: cum plura possint ad Dei honorem atque Ecclesiae utilitatem referri, ad quae potest se excitare Praelatus ex officio non obligatus.

Dices. D. Thomas in 4. dist. 20. quest. 1. artic. 5. quest. 4. aptissime docet oppositum = *Dicendum*, inquit, *quod Indulgentia debet ex aliqua causa dari, ad hoc quod aliquis per Indulgentiam ad aliquem actum provocetur, qui utilitatem Ecclesiae, & in honorem Dei vergat. Praelatus autem, cui cura Ecclesiae utilitatis propagatione & honoris Divini propagandi est commissa, non habet causam, ut se ipsum ad hoc provocet: & ideo non potest praebere Indulgentiam sibi tantum, sed potest uti Indulgentia, quam pro aliis facit.*

Resp. mentem Divi Thomae esse, causam utcumque ducentem ad Dei honorem atque Ecclesiae utilitatem, alias pro generali concessione Indulgentiarum proportionatam, pro particulari in ordine ad ipsum Praelatum concedentem non sufficere: illud expendens, quod ipse ex munere Dei honori atque Ecclesiae utilitati operam impendere teneatur; & ideo subdit = *Non habet causam, ut se ipsum ad hoc provocet* = Nihilominus cum Summus Pontifex (ut dicebat Suarius) perfectioribus actibus, quos certe ex praecepto exequi non tenetur, eos fines efficacius possit attingere, sequitur, quod ob hanc causam (de qua ibi non loquitur Sanctus Doctor) a particulari concessione sibi facienda minime repellatur. Hanc vero interpretationem consonam esse menti Praeceptoris Angelici, ex eo colliges, quod cum sibi eadem quaestiuicula objecisset, Praelatum Ecclesiae se ipsum non posse Excommunicationis vinculo innodare, ac per consequens nec sibi Indulgentias concedere, respondet: Excommunicationem proferri per modum sententiae, quam nullus in se ipsum ferre potest, eo quod in iudicio non potest idem esse Iudex & Reus: Indulgentiam autem non per modum sententiae dari, sed per modum dispensationis cuiusdam, quam homo

potest facere ad se ipsum. Agnoscit ergo, causam aliquam dari, ratione cuius possit Praelatus concessionem particularem Indulgentiae sibi facere = *Dicendum*, inquit S. Doctor, *quod Excommunicatio proferatur per modum sententiae, quam nullus in se ipsum ferre potest, & quod in iudicio non potest idem esse Iudex & Reus. Indulgentia autem non per modum sententiae datur, sed per modum dispensationis cuiusdam, quam homo potest facere ad seipsum* = Admittit ergo Angelicus, posse Summum Pontificem quandoque sibi soli duntaxat facere remissionem poenae temporalis. Adverte hic tamen cum Sylvio in *Supplem. ad 3. part. D. Thom. quest. 27. art. 3. S. Doctorem* asserentem loco mox laudato = *Indulgentia non per modum Sententiae datur, sed per modum dispensationis cuiusdam* = nequaquam sentire, Indulgentiam esse nudam solutionem, ac nullo modo absolutionem, sed solum significare, Indulgentiam non dari per modum sententiae pure & simpliciter absolventis, sed compensationem, seu dispensationem ex Ecclesiae Thesaurio factam etiam importare.

Queres. An ut Praelatus Indulgentiam generaliter pro subditis suis concessam lucraretur, teneatur implere opera iuncta?

Respondemus, Praelatum ad id obligari; quia eodem modo sibi, ac aliis Christianis subditis Indulgentiam impertitur. Ergo eodem modo ac alii pro implendis oneribus in huiusmodi concessione iunctis debet se gerere; non secus ac tempore Quadragesimae debet a cibis vetitis abstinere, ut impleat jejunii praeceptum.

Hinc non admittimus absolute, quod dicit Gabriel: posse Praelatum opus pro Indulgentia iunctum in aliud pro se commutare, dummodo illud sufficientem compleat, aut constituat causam concessionis, cum hoc unice ex eius voluntate dependeat: sed solum id verum putamus iuxta existentem causam commutationis, puta, si opus a ceteris subditis ponendum non posset ipse peragere.

ARTICULUS IV.

An Regulares possint acquirere Indulgentiam Civitatibus & Oppidis generaliter concessas: & an etiam Advenæ & Peregrini?

Conclusio 1.^a Indulgentias a Summo Pontifice quibuscunque Locis concessas possunt lucrari Regulares, & omnes cujuscunque conditionis homines. Hæc Conclusio est communiter recepta inter Doctores.

Prob. Non deest autoritas in eo, qui concessit; tanta enim est, ut totum Orbem habeat pro Diocesi, omnesque Christiani-deles cujuscunque ordinis & dignitatis sint ejus subditi, ac per consequens ligari, & absolvi tum a culpis tum a poenis temporalibus possint: nec de voluntate ejus dubitandum est, quia verba concessionis, (ut supponimus) generalia sunt pro Civitate, vel Oppido, quæ cunctis habitatoribus possunt applicari. Ergo Indulgentias a Summo Pontifice quibuscunque Locis concessas possunt acquirere sibi Regulares, ac cujuslibet conditionis homines.

Conclusio 2.^a Regulares possunt sibi comparare Indulgentias, ab Episcopis Civitatibus aut Oppidis generaliter concessas. Ita sentiunt Navarrus *Notab.* 31. n. 13. Barbosa *Alleg.* 88. nu. 27. Palaus in *Tract.* 24. *disput. unica puncto* 3. num. 14. Passerinus *quest.* 20. num. 175.

Prob. Ex una parte Regulares sunt pars Civitatis vel Oppidi: ex alia exemptio eorundem a jurisdictione Episcopali non officit Indulgentiarum acquisitioni; etenim statuta in favorem exemptorum nequeunt illis obesse: nec inventa ad augmentum debent ab augmento retrahere, aut operari diminutionem; ut ex textu *l. si ex toto in princip. ff. de Legat. 2. si a Milite ff. de Militari testam. l. si Rufinus C. eod. titul.* Insuper favore concessa non vertuntur in odium *L. Nulla juris ratio* 22. *ff. de Legib. Cap. quod ex gratiam* 61. *Regula juris in* 6. Regulares ergo in favorabilibus ab Episcopali jurisdictione non excluduntur, adeoque possunt lucrari Indulgentias

ab Episcopis generaliter pro suis subditis concessas.

Obijcies. Interdictum generaliter latum non extenditur ad Regulares aliasque Ecclesiasticas personas juxta Doctorum sententiam, quia hujusmodi leges dictas personas non afficiunt; quod a pari convincit, eos in Indulgentiarum concessionibus non comprehendi.

Resp. materiam Interdicti esse odiosam, adeoque stricte interpretandam; maxime quia, ut advertit Suarius, in hac materia pro Populo laici intelliguntur, prout a Clericis distinguuntur, ut *Cap. Si sententia de sentent. Excommunication. in* 6. & notat etiam Ludovicus Bologninus in *tract. de Indulg. num.* 10. ex Baldo in *Leuntios Populos column.* 7. & 8. de *summa Trinit.* Materia autem Indulgentiarum est favorabilis, adeoque late debet interpretari.

Conclusio 3.^a Vagi, Advenæ & Peregrini possunt acquirere Indulgentias pro locis, in quibus vagantur & peregrinantur. Ita Abbas, Ludovicus Bologninus, Emmanuel Sà, Layman, relati a Palao loco supracitato.

Prob. Dictæ personæ gaudent privilegiis Civitatum aliorumque Locorum, in quibus vagantur & peregrinantur. Ergo repelli non possunt ab Indulgentiis acquirendis eisdem Civitatibus & Locis concessis.

Monet tamen Navarrus, Advenas & Peregrinos ad hujus spiritualis gratiæ effectum acquirendum, ut propriorum Episcoporum licentiam obtineant = *Inferitur* (inquit in *Notab.* 31. n. 15.) *utile esse consilium, scilicet ut is, qui vult peregrinari, & visitare loca pia, muniat se facultate sui Episcopi, ad querendas Indulgentias Episcoporum alienorum. Secundo inferitur, falsum videri id, quod quidam vir certe doctus & acri judicio, in suo Tractatu de Indulgentiis vulgari sermone scripto sine ullo serupulo affirmavit scilicet, Indulgentias concessas ab Episcopo omnibus etiam exteris, ad suam Diocesim venientibus prodesse, etiamsi nulla in id facultate suorum Episcoporum sint muniti.*

Sed Navaro minime subscribimus; esto enim Advenæ, Vagi ac Peregrini specialem propriorum Episcoporum licentiam non obtinentes, adhuc possent aliorum Episcoporum foro se submittere, ad quod vel dicta licentia non requiritur, vel sufficit præsumta.

C A P U T V I I I

DE DISPOSITIONE AD INDULGENTIAS
ACQUIRENDAS NECESSARIA.

DISCU TIENDUM est hic
1.^o An ad assequendum In-
dulgendarum fructum re-
quiratur in subiecto gratia
sanctificans? 2.^o An præter
gratiam sanctificantem opere pretium sit,
quod subiectum sit expers cujuslibet pecca-
ti venialis? 3.^o An præter gratiam sancti-
ficantem necessaria sit sollicitudo satisfac-
ciendi?

ARTICULUS I.

*An ad percipiendum Indulgen-
tiarum fructum requiratur
actu in subiecto gratia
Sanctificans?*

AD lucem conciliandam dubio propo-
sito notandum est, ad examen mi-
nime revocari: An quis possit fructum In-
dulgendarum obtinere extra statum gra-
tiæ & charitatis existens, pro peccatis non-
dum quantum ad culpam deletis; hæc enim
lex pro remittenda poena temporali culpa
debita indispensabiliter observatur, ut do-
nec macula culpæ perseveret, nequeat
poena eidem correspondens Clavium pote-
state condonari. Verum quia de facto non
raro contingit, ita per gratiam sanctifican-
tem culpæ lethalis relaxationem obtineri,
nondum remissa poena temporali, ut de-
nuo in peccatum quis lethale labatur, dif-
ficultati manet obnoxium: An homini exi-
stenti in peccato lethali Indulgentiarum
virtute remitti queat poena temporalis de-
bita pro peccatis, alias quantum ad cul-
pam remissis, quo sensu procedit hoc du-
bium.

Conclusio 1.^a Gratia sanctificantis sta-
tus necessarius est ad percipiendum fru-
ctum Indulgentiarum. Hæc conclusio est
communiter recepta apud Doctores.

Prob. 1.^o Fideles, qui perseverant in
statu peccati lethalis, sunt membra Ecce-
lesiæ mortua. Hæc autem nequeunt partici-

pare influxus ad remissionem poenæ tempo-
ralis, ex membris vivis provenientes = *Mem-
brum* (inquit D. Thomas *in 4. dist. 20.
quest. 1. art. 5.*) *mortuum non suscipit
influentiam ex aliis membris vivis: sed
ille, qui est in peccato lethali, est quasi
membrum mortuum. Ergo per Indulgen-
tias non suscipit influentiam ex meritis
vivorum membrorum* = Ergo qui non sunt
in statu gratiæ sanctificantis, nullum possunt
percipere fructum Indulgentiarum.

Perperam tamen a nonnullis Doctoribus
respondetur, D. Thomam esse intelligen-
dum de remissione poenæ respondentis cul-
pæ, per quam membrum Eccelesiæ mortu-
um constituitur. Tum quia Angelicus
Præceptor repugnantiam non constituit in
eo, quod nequeat remitti poena nondum
culpa deleta, sed in eo quod iuxta modum
Eccelesiæ membrum non participet de in-
fluxu vivorum, ac proinde statum pecca-
ti compati non posse cum participatione
Indulgentiæ. Tum quia in citato articulo
ventilandum sibi proponit: Utrum Indul-
gentia valeat existentibus in peccato lethali.
Sentit ergo ibi, peccati lethalis culpam
obesse Indulgentiarum perceptioni, sive
aliud peccatum quantum ad culpam sit de-
letum sive non.

Prob. 2.^o Ut poena temporalis Indul-
gentiarum virtute relaxetur, exigitur ami-
citia cum Deo per gratiam & charitatem;
Christi enim merita, nec non supera-
bundantes Sanctorum satisfactiones, quæ
per Indulgentiarum concessionem ab Ecce-
lesiæ Prelatis dispensantur, debent Christi-
fidelibus juxta illorum intentionem prodesse.
Hæc autem alia non fuit, quam amicis
atque filiis Dei per adoptionem utilitatem
asserere, non vero inimicis Dei, ac filiis
Diaboli; unde sicut dici non potest, inten-
tionem Christi fuisse, proprium meritum
per Sacramenta communicari ad poenæ
temporalis relaxationem iis, qui in pec-
cato lethali perseverant, ita nec extra
Sacramentum una cum superabundanti-
bus Sanctorum satisfactionibus illud eis-
dem dispensari. Ergo gratiæ status est
ne-

necessarius ad acquirendas Indulgentias.

Prob. 3.^o Ex usu Ecclesie concedendi Indulgentias, in quarum Brevibus hæc forma adhibetur *vere penitentibus*; idque observatur, ut notat Suarius, non tantum quia volunt Summi Pontifices solis poenitentibus Indulgentias elargiri, verum etiam ut ostendant, hanc conditionem esse ex ratione, & natura Indulgentiæ petitam, atque potestatem Clavium esse limitatam ad remittendas poenas temporales extra Sacramentum personis habentibus veram de perpetratis excessibus in Deum contritionem, seu existentibus in gratia & charitate; ideoque Clemens VI. in Extravaganti *Unigenitus de Penit. & Remissionib.* post enunciatis divitiis Thesauro a Christo Ecclesie suæ relictas, subdit = *Quo qui usi sunt, participes facti sunt amicitie Dei* = significans proinde, neminem posse eo perfrui, qui Deo per charitatis amicitiam minime communicaret. Rursus declarans condiciones ad prædicti Thesauri participationem necessarias, pergit prælaudatus Pontifex = *Propriis & rationabilibus causis* *vere penitentibus & confessis misericorditer applicandum* = & Martinus V. suspensum de erroribus contra Indulgentias ita voluit interrogari; ut habetur ex Constitutione incipiente *Inser cunctas* = *Utrum credas, quod Papa omnibus Christianis vere contritis & confessis possit concedere Indulgentias* = Ergo prævic ad fructum Indulgentiarum acquirendum exigitur ex parte Christi fidelium vera contritio, ac per consequens status gratiæ.

Obijcies 1.^o Deus passim suæ liberalitatis potiora beneficia peccatoribus elargitur, eorum intellectum Divinis inspirationibus illustrando, atque voluntatem gratiæ actualis auxiliis roborando, ad quæ obtinenda plurimum conducunt Ecclesie suffragia. Cur ergo Ecclesie suffragia non poterunt eisdem communicari ad remissionem poenarum temporalium, quæ debentur culpis deletis?

Resp. non eandem esse rationem de Divinis inspirationibus, aliisque gratiæ actualis auxiliis, mediis Ecclesie suffragiis impetratis, atque a Deo collatis, cui proprium est misereri semper & parcere, ac de Indulgentiis; illa enim optime valent componi cum statu peccati, cum gratiam

sanctificantem præcedant, ad eamque disponant: Indulgentiæ vero quantum ad proprium effectum cum eo statu sunt incompossibiles, ac tantum abest, quod possint gratiæ sanctificantis infusionem vel Dei amicitiam præcedere, quin potius debeant ad eam subsequi; unde quanquam possint Christi fideles in statu peccati gratiæ actualis dona percipere, focus vero Indulgentiarum effectum.

Obijcies 2.^o Status peccati lethalis non impedit Ecclesie Prælatos, ut valide possint Indulgentias concedere. Ergo neque impedit eorum subditos a valida Indulgentiarum receptione.

Resp. peccatum lethale non tollere potestatem Clavium; quantumvis enim Christi fidelis sit culpis gravibus irretitus, nequaquam privatur potestate jurisdictionis, aut potestate conficiendi Sacramenta. Cæterum cum peccatum lethale vinculum charitatis dissolvat, faciatque hominem Dei inimicum, poenæque æternæ obnoxium, reddit proinde illum indignum remissione poenæ temporalis, donec infusa gratia sanctificante Dei amicus evadat.

Sed hic oritur dubium, nempe: quo tempore gratia sanctificans in Christi fidei ad percipiendum fructum Indulgentiarum requiratur?

Cajetanus in *Opusc. de Indulg. ad Jul. Medic. cap. 9.* & in alio *Opusc. de Indulg. quest. ult.*, gratiam sanctificantem exposcit in subiecto, quando impletur opus injunctum, cujus intuitu Indulgentia data est: adeo ut, si quis in eo instanti iustificaretur, quo Indulgentia est percipienda, minime fructum Indulgentiarum participaret; quam sententiam tutiorem vocat, magisque rationi consentaneam. Eandem amplectitur Navarrus in *Comment. de Indulg. & Jubil. notab. 17. num. 7.* Natalis Alexander in *Tom. 5. Theolog. dogm. lib. 2. Reg. 11.*

Alii verum dicendi modum Cajetani arbitrantur, quando unum tantummodo opus in Indulgentiarum concessionibus iungitur, secus ubi multiplex; quia in his casibus, inquirunt, sufficit vel tempore operis principalis, vel ultimi, quo Indulgentiæ consummantur, gratiam sanctificantem in Christi fidei reperiri: quamobrem concessa Indulgentia pro jejuniis, eique adjecto onere visitationis Exempli

cau-

causa Basilicæ S. Petri de Urbe, quamquam in peccato lethali quis jejunaret, dummodo iustificatus prædictæ Ecclesiæ visitationem impletet, de Indulgentia ab eodem percipienda non ambigit.

Conclusio 2.^a Per se loquendo, ac nisi oppositum constet de mente concedentis, non debent opera injuncta pro acquirendis Indulgentiis necessario perfici in statu gratiæ: sed satis est, quod subiectum sit iustificatum ea temporis duratione, qua Indulgentia ultimo percipitur. Ita Suarius *disp. 52. sect. 2. num. 7.* Passerinus, & alii quos refert & sequitur Palaeus *puncto 8. n. 3.*

Prob. prior pars 1.^a Opus injunctum non se habet ad Indulgentias ut meritum de condigno, exigens in gratia sanctificante radicari, sed velut conditio aut dispositio, non quidem de sui natura, sed ex voluntate concedentis exacta, quæ gratiæ statum non exposcit; si enim opera supernaturalia, gratiæ sanctificantis statu nondum affecto, possunt esse dispositiones ad gratiam sanctificantem & charitatem, poterunt pariter opera injuncta, quantumvis gratiæ sanctificantis vitalitate destituta, subiectum preparare ad poenæ temporalis remissionem: ac per consequens non est necesse, ea perfici in statu gratiæ ad acquirendas Indulgentias.

Prob. 2.^a Summi Pontifices possunt Christianis Indulgentias impertiri sub conditione operum injunctorum, quæ determinant, quod illa in gratiæ sanctificantis statu, vel in peccato impleantur; in hujusmodi enim concessionibus omnes conditiones ad validas thesauri meritorum Christi & Sanctorum dispensationes concurrerent: auctoritas nempe in concedente, & capacitas in recipiente, quia non eodem tempore Indulgentiæ effectus esset percipiendus, quo Christiani in statu peccati lethali exsistunt: nec abesset pietas, aut proportio ex parte causæ; nihil enim pietati ac proportioni causæ detraheretur per hoc, quod opus injunctum fieret extra statum gratiæ & charitatis. Itaque cum de facto Indulgentiarum concessionibus ita sint intelligendæ, nisi in Pontificiis Diplomatis oppositum declaratur, sequitur, non oportere opera injuncta per se loquendo perfici in statu gratiæ.

Prob. altera pars. Ut Indulgentiarum comparatur effectus, aliis præsuppo-

sitis requisitis tum ex parte concedentis, tum ex parte causæ, tum ex parte recipientis, exigitur, quod subiectum in eapam non sit ob lethale peccatum, quando Indulgentia obtinenda est. Ergo sufficiens erit status gratiæ, quandiu Indulgentia consummatur.

Diximus in Conclusionem *per se loquendo* seu attenta natura Indulgentiarum, quia si opus injunctum impleatur, quum Indulgentia consummatur, esset utique tunc necessaria gratia sanctificans in subiecto, quando opus peragitur; non quia opus illud per se id postulare, sed quia eadem temporis duratione fieret, ac consummaretur Indulgentia, quæ suum effectum communicare non potest subiecto, nisi supposita culpæ remissione, ac per consequens gratiæ sanctificante; quamobrem ubi hujusmodi opus, successive perficiendum, in peccato lethali inchoari contingeret, dummodo quando ultimo perficeretur, subiectum esset in statu gratiæ, id satis esset ad lucrandam Indulgentiam.

Non diffitemur insuper verosimillimam esse opinionem eorum (quam nos non improbamus) qui docent, requiri, ut opera injuncta in statu gratiæ perficiantur, quando opera injuncta talia sunt, ut ad finem a concedente Indulgentias intentum non conferant, nisi fiant in statu gratiæ: ut si finis esset Deum Christiano Populo propitium reddere &c. & ideo injungerentur jejunia, Ecclesiarum visitationes, preces, & similia; tunc enim cum Deus profecto non placeat operibus mortuis, necessarium esse videtur, ut opera illa fiant in statu gratiæ, alioquin nihil conferrent ad finem: & proinde non videtur, quod sit concedentis intentio, eos Indulgentias lucrari, qui in statu peccati ea opera faciunt, sicut & eos, qui per actum esse vel alias vitium adimplent; & ideo dicemus *Cap. sequent. art. 4.* per opus ex circumstantia intrinsece malum non impleri obligationem de operibus injunctis. Cæterum comprobata Conclusionem nostram tuemur, inspectis Indulgentiis secundum se, quando opera injuncta utilia sunt ad finem, pro quo Indulgentiæ Fidelibus conferuntur, etiamsi non fiant in statu gratiæ, puta, si Indulgentiarum finis sit subventio pauperum, puerorum instructio, Liminum Apostolorum honor, Hierosolymæ recuperatio.

candam gratiam sanctificantem, sed ad alium effectum, necessario prerequisite ad sui receptionem eandem gratiam.

Nec possumus admittere, quod asserit Natalis Alexander: opus pietatem veram non redolere, nisi subiectum vivat per gratiam sanctificantem; aliunde enim habet opus, quod sit pium, aliunde quod sit vivum. Ad primum satis est, si sit bonum bonitate morali ex objecto & fine, & Deo quodammodo honorificum. Ad secundum opus est, ut a charitate cum gratia sanctificante necessario connexa imperetur: proindeque potest absolute in peccatore opus vere pietatem redolens reperiri, quanquam eo vitalitatis genere, quod ab Adversariis contenditur, vivificatum non sit; non enim repugnat peccatores permultos actus virtutis circa materiam non admodum difficilem elicere, quia licet virtutes sine gratia sanctificante perfectum statum non obtineant, propriam tamen retinent ac servant naturam & quidditatem. Et profecto quantum ad fidem theologica perspicue definitur a Tridentino *sess. 6. can. 28.* his verbis = *Si quis dixerit, amissa per peccatum gratia, simul & fidem semper amitti: aut fidem, quae remanet, non esse veram fidem, licet non sit viva: aut eum, qui fidem sine charitate habet, non esse Christianum, anathema sit* = quantum vero ad morales acquiratas, ratio efficacissima id suadet, ejusmodi enim virtutibus homo ob lapsum in peccatum lethale non exiit, donec multiplicatis actibus malis illis per habitus vitiosos contrarios expellantur. Hinc etiam admisso, debere utilitatem in opere injuncto pro Indulgentia reperiri, ut habetur ex Glossa, non tamen requiritur, quod tale opus sit meritorium vitae aeternae, aut satisfactorium pro poena temporali, quia non hoc modo pro Indulgentia requiritur: bene vero quatenus utile est fuit intento a Summo Pontifice, ac disponens peccatores ad poenitentiam, perfectamque conversionem in Deum ut ultimum finem supernaturalem.

ARTICULUS II.

An praeter gratiam sanctificantem requiratur, quod subiectum sit expers peccati venialis, ad percipiendum fructum Indulgentiarum?

CUM peccatum veniale sit, ac dicatur illud, quod ex se venit ac remissionis principium, nempe gratiam sanctificantem non excludit, potest in hominibus justis reperiri, quin eorumdem iustitiae repugnet; ideoque docet Tridentinum *sess. 6. cap. 11.* = *Licet in hac mortali vita quantumvis sancti & iusti in levibus saltem, & quotidianis, quae etiam venialia dicuntur peccata, quandoque cadant, non propterea desinunt esse iusti; nam iustorum illa vox est, & humilis, & verax: dimitte nobis debita nostra* =

De peccato ergo veniali, quod potest se habere ad opera injuncta vel antecedenter vel concomitanter, nondum deletum quantum ad culpam, antequam Indulgentia consummetur, inquirimus: An obstat Indulgentiarum perceptioni? De eo siquidem prout incipit opera injuncta, agendum erit infra *Cap. seq. Articulo 4.*

Conclusio. Peccatum veniale absolute non impedit fructum Indulgentiarum: nisi duplaxat in ordine ad debitum poenae respondens culpe, quae non supponitur deleta ante Indulgentiae consummationem. Ita, Bellarminus in *lib. 1.º de Indulg. cap. 13.* Sylvius in *Supplement. quest. 27. art. 1.º qu. 1.º*

Prob. 1.ª pars. Peccatum mortale potest deleri quantum ad culpam & poenam sine veniali: & de facto quandoque ita remittitur. Ergo peccatum veniale absolute non obstat Indulgentiarum perceptioni.

Prob. altera pars. Impossibile est remitti debitum poenae temporalis nondum deleta culpa, ex qua ortum habuit dictum debitum. Ergo per Indulgentias non remittitur reus poenae temporalis peccati venialis, qui deletus non supponitur quantum ad culpam.

Dices. Ex hac ratione sequitur, neminem ex adultis acquirere posse integrum Indulgentiæ Plenariæ fructum: etenim exigeretur efficax propositum vitandi inposterum seu per totam vitam cuncta peccata venialia, quia eo efficaci proposito non præmissio, nemo sibi posset de totali eandem culparum remissione polliceri. Huiusmodi autem propositum concipere, est impossibile, sicuti impossibile est omnia peccata venialia vitare, docente Tridentino *sess. 6. can. 23.* = *Si quis, hominem semel iustificatum, dixerit, posse in tota vita peccata omnia etiam venialia vitare, nisi ex speciali Dei privilegio, quemadmodum de Beata Virgine tenet mater Ecclesia, anathema sit* =

Resp.^a potest 1.^o ex quorundam Authorum doctrina, quod quamquam moraliter omnia peccata venialia collective nequeant vitari per longum tempus, tamen physice impossibile non est, cum non deficiant arbitrio vires ad id præstandum; quæ profecto possibilitas physica, sicut sufficiens est, ut adultus cuncta venialia vitare teneatur, ita ut efficax concipiat propositum non peccandi venialiter de cætero: ac proinde ut indispositus non sit ad acquirendam integre Indulgentiam Plenariam, licet in aliquo eorum certo deficiet.

Sed hæc responsio sustineri non potest; impossibilitas siquidem moralis, potestati physice contraposta ad aliquid agendum, aliud non est, quam maxima difficultas ad illud exequendum. Dicit autem non potest, adultum maximam difficultatem duntaxat habere ad vitanda cuncta peccata venialia, quia Concilium Tridentinum anathemate perculsit asserentem: posse hominem iustum citra speciale Dei privilegium ab omnibus culpis venialibus abstinere per totam vitam. Addimus, quod ubi dantur vires sufficientes ad aliquid faciendum ex parte principii, spectat ad Divinam Providentiam, extrinseca impedimenta removere, ut principium in actum suis viribus proportionatum erumpat, si non in omnibus personis, saltem in aliquibus. Nullus autem ex hominibus etiam eximia sanctitate præditis, qui hæcenus extiterunt, fuit expertus, vel per longum tempus, vel per totam vitam a peccati venialis contagio, præter Beatissimam Virginem Mariam, ex speciali privilegio. Non ergo ex

gratiæ viribus communiter collatis potest dari sufficiens principium ad vitanda cuncta peccata venialia per longum tempus. Tandem gratia adultis communiter collata nec ligat, nec extinguit concupiscentiæ fomitem, qui non ligatus nec extinctus seminarium est innumerabilium fere motuum insurgentium, & allicientium ad malum, ad quos vincendos, citra quamlibet minimam culpam, continua exigitur vigilantia atque advertentia ad omnes circumstantias: & gratia impotens fomitem ligare & extinguere, non tribuit sufficientem virtutem ad continuo vigilandum, atque ad advertendum ad omnes circumstantias. Itaque adultus nedum moraliter, sed etiam physice impotens est, ad vitanda cuncta peccata venialia ex viribus gratiæ communis. Ea ergo insuficiente solutione rejecta

Resp. 2.^o ex nostra ratione perperam inferri, impossibile esse, adultum posse percipere integrum Indulgentiæ Plenariæ fructum, ob defectum propositi vitandi omnia peccata venialia; ad hunc enim actum eliciendum, sufficit, quod possit omnia & singula ea peccata, prout occurrunt, vitare, ad quod sufficient vires gratiæ communiter adultis collatæ. Idque ut magis declaretur, observa, posse adultum verum & efficax propositum elicere circa ea, quæ potest facere vel viribus propriis, vel viribus gratiæ communiter datis. Porro citra controversiam est, adultos vel viribus propriis, vel viribus gratiæ ea posse peragere, quæ non faciendo peccant, ubi enim ad aliquid deest potestas, omisio libera non est, sed necessaria, proindeque non peccaminosa; quamobrem peccatum ipsum & obligatio illud evitandi apertissime nos edocent, adultos potestatem habere ad ipsum vitandum, posseque ac debere id ipsum proponere. Peccant autem, non quod omnia collective peccata non vitent per longum tempus, aut per totam vitam, cum nullum extet præceptum particulare omnia collective vitandi, sed quia a singulis, prout occurrunt & cadunt sub lege, nequam se abstinere; hæc siquidem non in communi culpas veniales prohibet, sed in particulari, juxta peculiarem uniuscuiusque rei materiam. Ex quo sequitur, quod licet nequeant cuncta venialia per totam vitam, aut per longum tempus vitari, ut

Tri-

Tridentini authoritas allata, ac rationes expositæ satis evincunt, unumquodque tamen illorum, prout de facto occurrit, possimus non committere. Non negamus Fideles in ejusmodi legum observatione infallibiliter defecturos, nulla tamen est designabilis, ad cujus observationem, prout obligat in casibus particularibus occurrentibus, arbitrii vires non sufficiant. Ex quo pariter fit, quod cum voluntatis propositum liberi arbitrii viribus omnino commensuretur, verum possimus concipere propositum non peccandi de cætero, seu vitandi citra ullam exceptionem quodcumque peccatum veniale divisive, prout in particulari occurrit, & lege prohibetur: propositum vero ad eorundem collectionem terminatum, sive ad omnia collective, in nullo adhuc vage deficiendi, stultum foret elicere, quia circa illa sic sumta nulla lex constituitur, nec eadem sic sumta quandoque occurrunt, adeoque foret de re non supponente. In hoc itaque sensu recipimus, quod quis juxta communem & præsentem providentiam valeat vere firmiterque proponere, se cuncta peccata venialia absolute & sine termino vitaturum, cuncta inquam divisim prout occurrunt, & lege prohibentur, non tamen copulative & simul, quo pacto neque occurrunt, neque a lege respiciuntur: eoque elicto cum perfectæ eorundem venialium contritione, si quis ad Ecclesiam devote visitandam accedat animo Indulgentiam Plenariam percipiendi, asserere non ambigimus, eum certo hujusmodi concessionis fructu integre gaudere. Sed ut hoc propositum ad integrum Indulgentiæ Plenariæ beneficium acquirendam necessarium, magis magisque declaretur

Instabis. Eadem ratio est de voto, ac de efficaci proposito vitandi cuncta venialia per totam vitam, aut per longum tempus. Porro hujusmodi votum nedum in ordine ad peccata venialia collective, verum etiam divisive & prout occurrunt, esset invalidum ac nullum. Idem ergo dicendum est de proposito earundem culpam.

Resp. assignando disparitatem inter votum & propositum, sitam in eo, quod votum, ut prudenter emittatur, & per consequens obligationem inducat, debet ita suum objectum respicere, ut non sit admo-

dum difficile, nec certum asserat periculum in eo deficiendi. Quanquam vero possibile sit omnia venialia vitare divisive sumta, prout occurrunt, nihilominus id valde arduum est, & alias est infallibile, liberum hominis arbitrium in aliquo defecturum; quamobrem imprudenter & nulliter ageret is, qui ejusmodi voto se Deo manciparet. Cæterum cum propositum minori determinatione quam votum suum respiciat objectum, prout scilicet est absolute possibile, atque aliam supra materiam præceptam obligationem non inducat, imprudens actus non esset, sed prudens & obligatorius, si quis firmiter proponeret omnia peccata, prout occurrunt, vitare: quanquam difficillimum id sit, aut infallibile, quod non erit. Unde quidam Doctores asserunt, ad legitime votendum, spem rei futuræ, quam Deo promittimus, desiderari: ad verum autem firmumque propositum hujusmodi spem non exigi, sed possibilitatem absolutam rei futuræ sufficere; ut D. Petri exemplo declaratur, qui a Christo de sua negatione monitus poterat, debebatque, nolle tale peccatum perpetrare, seque illud non commissurum efficaciter proponere; quantumvis certo crederet, ut debuit, aliter omnino futurum esse. Addunt Theologi, communiter hanc doctrinam ad peccata etiam lethalia extendentes, non officere veritati & firmati propositi in lethali Sacramentali Confessione emittendi ad Sacramenti Pœnitentiæ fructum percipiendum, pœnitentem credere atque vehementer timere, se de cætero peccaturum, atque in eo minime permanens, adhuc enim posset de præsentī oppositum efficaciter proponere: & quando ita se gerit, nequit tanquam indifpositus a Sacramentali absolutione repellī.

ARTICULUS III.

An ad Indulgentias acquirendas præter gratiam & charitatem requiratur sollicitudo satisfaciendi?

CUM constet ex dictis *Cap. antecedent. Artic. 3.* proprium Indulgentiarum effectum non esse Pœnitentias Sacramentalis prout medicinales & purgativas, sed solum prout solutivas pœnæ temporalis, in foro Dei taxatas pro criminum qualitate, relaxare, dubium non est, quod satisfaciendi studium per opera pœnalia sive in Confessione Sacramentali inuncta ex Sacerdotis præcepto, sive sponte assumpta, ad peccatorum reliquias penitus delendas, spiritualesque animæ languores sanandos, adhuc obtenta justificatione superstitēs, necessario requiratur; adeoque in præsentiarum examini committitur dictum satisfaciendi studium, prout satisfacere idem est, ac solvere pœnam temporalem: An scilicet hujus animi & studii, hujusque satisfactionis tanta sit necessitas, ut illo neglecto, vel ea satisfactione nec animo nec opere exercita, Indulgentiarum fructus obtineatur? Diximus an tanta sit necessitas studii satisfaciendi &c. hoc enim magnopere suademus, nec abjiciendum arbitramur etiam ab iis, qui Indulgentias lucrari conantur, cum nemo sibi possit certo de earum assecutione polliceri.

Proponitur sententia Cajetani & Recentiorum.

Duos Christifidelium ordines in gratia & charitate existentium distinguit Cajetanus in *Tract. 10. de Suscipientib. Indulg. quest. 1.*, primum eorum, qui propter vitæ superioris errata duris student pœnitentiæ laboribus, vel a Confessariis inunctis, vel propriæ voluntatis arbitrio susceptis, puta jejuniis, aliisque corporis macerationibus, ut quod debent Divinæ Justitiæ propriis operibus persolvant: alterum vero illorum, qui satisfaciendi studio parum addicti leves sibi exoptant a Confessariis Pœnitentias injungi, nullo adhibito conatu, ut

congruam saltem Deo satisfactionem exhibeant, nihil aliud volentes, quam proprias conscientias expiare a culpis, atque ab æternæ damnationis sententia, gratiæ sanctificantis statu assecuto, declinare.

Hac præmissa distinctione, docet Cajetanus, tantam satisfaciendi sollicitudinem, quantum quis potest adhibere, necessario ad acquirendas Indulgentias postulari; ad eam ea deficiente, etiam il, qui gratiæ statum assecuti sunt, non possint illarum fructum comparare: additque, dictam sollicitudinem aliquando per æquivalentes compensari, sed raro, sicut forte contingeret, ubi causa despondendi Indulgentias adeo excellens opus exigeret, ut animi præparationem, atque satisfaciendi studium excederet = *Nec intelligo*, inquit, *hanc præparationem ad satisfaciendum ita stricte, quin per aliquid æquivalens aut majus suppleri possit: ut putes ex hoc, quod contingit, quandoque causam, pro qua datur Indulgentia, tale ac tantum exigere opus, ut excedat præparationem ad satisfaciendum, puta, si detur Plenaria pro actu, quo se exponit morti pro Christo, aut perpetuæ mancipationis alicujus pii servitii, aut aliquo hujusmodi: & tunc causa Indulgentiæ ex parte concedentis tenet locum causæ rationabilis tantæ Indulgentiæ: & ex parte suscipientis supplet locum dispositionis reddentis dignum amabili satisfactione. Secus autem est, si daretur Plenaria pro visitante aliquam Ecclesiam; nam dato, quod causa esset rationabilis ex parte concedentis, visitatio tamen ipsa non supplet vicem præparationis ad satisfaciendum, quum nec illi æquivalet, nec excedat = Ad declarandum vero, quod suus dicendi modus veritati consonet, atque difficultatibus evellendis contra Indulgentiarum valorem excitatis viam aperiat, subdit = *Scito, quod juxta hunc dicendi modum, solvantur omnes questionēs, tam de nimis largo Dei foro, quam de omittendis suffragiis pro plenarie absolutis in morte, quam de admiratione sapientum, & de oblationibus detrabentium, & exultantur Christifideles ad pœnitentiæ opera. Nec aliquid admittitur efficaciæ Indulgentiarum, sicut nihil admittitur efficaciæ Sacramentorum, ex hoc quod oportet accedentes ad illa, esse diæne dispositos, si fructuosa si-**

bi esse volunt: soli siquidem indigni Indulgentia, ab illius fructu juxta hunc dicendi modum excluduntur = Caterum de hac Cajetani sententia veterum Doctorum patrocinio destituta ita loquitur Bellarminus in *Lib. 1. de Indulg. cap. 13.* = Nullum legi Auctorem, qui Cajetunum sequatur, præter Bartholomeum Fumum in *summa, quæ Armilla dicitur Verbo Indulg. num. 13.*, & Eminentissimus Lambertinus *Tom. 3. notificat. in Notif. 12.* = Ab aliis Auctoribus hæc sententia non est communiter recepta, neque nos illam amplectimur, cum nobis opiniones singulares non ardeant; & cum nullum sit Breve Pontificum concessionis Indulgentiarum, a quo prædicta conditio, nempe propositi satisfaciendi Deo propriis operibus poenalis, requiratur =

Eandem sententiam adeo rigide expositam defendi non posse, meritoque ab omnibus impugnari, testantur alii Doctores, inter quos Eusebius Amort in suo opere novissime typis edito de *Orig. Prog. val. & fruc. Indulgentiar. 1. 2. sect. 4.* liquido enim ex Cajetani verbis deprehenditur, ejus sensum esse, satisfaciendi sollicitudine destitutum nec integrum Indulgentiæ fructum neque ejus partem posse lucrari; hunc tamen rigorem temperant asserentes, neminem utique ex Fidelibus Indulgentiæ Plenariæ fructum percipere, qui non studeat Deo congrue satisfacere, sed semper aliquid remissionis poenæ temporalis obtinere propter operum injunctorum sollicitudinem, juxta Bullarum tenorem adhibendam: ideoque arbitrantur, Plenariam Indulgentiam earum poenarum excessum, duntaxat relaxare, qui attenta hominum imbecillitate exolvere impossibilis, vel admodum difficilis sit. Ex quo sequitur, Plenariæ Indulgentiæ operam dantem, teneri per se ipsum reliquæ parti poenarum per bona opera satisfacere, si velit totaliter a poenæ temporalis debito liberari: De Indulgentiis (inquit Eusebius laudatus) quæ dantur pro vivis sentio: eas videlicet pie suscipiensibus valde utiles esse, & summo opere commendamus. Ratio est, quia sicut culpa peccati per absolutionem Sacramentalem remittitur, sic poena peccati debita per Indulgentias relaxatur; sicut tamen ad validam absolutionem requiritur in poenitente debita

per veram contritionem dispositio, sic ad obtinendum plenariam Indulgentiarum fructum, per modum præviæ dispositionis in suscipiente, requiritur firmum propositum ac serius conatus satisfaciendi pro suis peccatis etiam in hac vita de congruo. Dico de congruo: si enim requireretur satisfactio condigna, frustranea forent Indulgentiæ; dum vero requiro satisfactionem de congruo, eam videlicet, quæ spectata cujuslibet conditione ac debilitate, non est moraliter impossibilis, aut nimis ardua, relinquo Indulgentiis excusam suam vim, ut nempe humanam infirmitatem suppleant, & satisfactionem congruam ex Thesaurò Ecclesiæ æquent cum peccatorum meritis, alioquin non abolendis, nisi juxta satisfactionem nostrarum, aut satisfactioem condignitatem. Ceterum si quis hoc satisfaciendi de congruo studium neglexerit, ne illi quidem Indulgentiæ prorsus sine fructu abire assero, quia opera pro lucrandis Indulgentiis præscripta etiam si levissima sint, aliquantulum tamen satisfactionum nostrarum de congruo portunculam continent, digna proinde, quibus ex Thesaurò Ecclesiæ juxta ratam totius congruitatis major, quam ex seipsis haberent, valor accedat. Ex hoc ipso autem ingenti Indulgentiarum multitudini, quæ his ultimis temporibus excrevit, adhuc servatur auctoritas, quia vilescere non potest, quod nunquam sine copioso fructu est: simul autem excitatur vigor Disciplinæ Ecclesiasticæ, & bonorum operum studium, dum non usque ad socordiam nostram, ac vite blandioris molliorem contemperantur.

Statuitur præter gratiam & charitatem ad acquirendas Indulgentias non requiri necessarium satisfaciendi studium neque congruam satisfactionem:

Conclusio. Ad acquirendas Indulgentias non exigitur necessario satisfaciendi studium aut congrua satisfactio, ut volunt Cajetanus, alique recentiores. Ita post D. Thomam in 4. dist. 20. quæst. 1. artic. 3. quæstionem. 2.^a sentiunt Suarius disp. 52. sect. 9. num. 2. Corduba lib. 5. quæst. 30. de Indulg. Bellarminus lib. 1. de Indulg. cap. 3. alique apud Passerinum qu. 77. num. 550. Prob.

Prob. 1.^o Ex Constitutione *Unigenitus* de *Panis*. & *Remiss.* Clementis VI., ubi definitur, potestatem dispensandi Ecclesie Thesaurum, Petro ejusque Successoribus Romanis Pontificibus divinitus convenire, etiam ad integram & adequatam poenae temporalis remissionem; his verbis = *quem quidem Thesaurum non in sudario repositum, non in agro absconditum, sed per Beatum Petrum Caeli Clavigerum ejusque Successores suos in terris Vicarios commissis Fidelibus salubriter dispensandum nunc pro totali, nunc pro partiali remissione poenae temporalis pro peccatis debite* = Porro totalis poenae temporalis remissio virtute Clavium per dispensationem Thesauri meritorum Christi & Sanctorum obtinenda, congruam non requirit satisfactionem aut studium satisfaciendi: alias verum non esset, Petro ejusque Successoribus Romanis Pontificibus fuisse commissam potestatem dispensandi Ecclesie Thesaurum, pro totali remissione poenae temporalis peccatis debite, ut in praelaudata Constitutione Clemens Pontifex nititur definire ac declarare. Plenaria siquidem Indulgentia, quae cum totali coincidit, eam poenam non remitteret, quae per satisfactionem moraliter possibilem juxta Adversarios luenda omnino esset. Ad acquirendas Igitur Indulgentias praeter gratiam & charitatem non exigitur necessario satisfaciendi studium, aut congrua satisfactio.

Confirmatur, magisque declaratur ratio nostrae Conclusionis. In ea Clementis VI. Constitutione fit mentio causae essentialiter requisitae ad Indulgentias = *Propriis & rationabilibus causis*; sicut in alia Martini V. incipiente *In Eminentis*, & in Literis Decretalibus Leonis X. ad Cardinalem Cajetanum, quarum initium est, *Per praesentes*, ubi pariter, plenissima supponitur in Summo Pontifice potestas in ordine ad remittendam Indulgentiarum beneficio quancunque poenam temporalem. Rursus, quia datur necessitas status gratiae, ut Christianifideles percipiant Indulgentiarum fructum, hoc innuitur vel iis verbis *Vere poenitentibus*, ut in Constitutionibus Clementis VI. & Martini V., vel similibus puta *Qui charitate jungente membra sunt Christi*, ut in praelaudatis Literis Decretalibus Leonis X. Nullibi autem sermo est de

studio satisfaciendi, aut congrua satisfactione. Ergo id non exigitur necessario ad acquirendas Indulgentias; & ideo D. Thomas in 4. *dist.* 20. *quest.* 1. *artic.* 3. *quest.* 1.^o de Indulgentiarum valore differens, docet, eas suum assequi effectum citra quamlibet satisfactionem a Christianifidelibus exhibendam; allatis enim Argumentis in contrarium, inquit = *Sed contra 2. Corin. 13. 2. Nam & ego quod donavi, si quid donavi, propter vos in persona Christi, Glossa idest ac si Christus donasset. Sed Christus poterat relaxare absque omni satisfactione poenam peccati: ut patet Joann. 8. de muliere adultera. Ergo Papa potest, qui non est minoris potestatis quam Paulus fuit* = Non ergo exigitur necessario ad acquirendas Indulgentias satisfaciendi studium aut congrua satisfactio, ut volunt Cajetanus & Recentiores.

Respondent Adversarii, admittendo Summi Pontificis potestatem illa amplitudine gaudere, ut dictum est; non tamen ejus voluntatem esse, totalem remissionem poenae temporalis concedere, citra congruam satisfactionem aut satisfaciendi studium.

Cæterum hac responsione non evincitur Adversariorum intentum: quia si Summus Pontifex vel satisfaciendi studium, vel congruam satisfactionem pro comparandis Indulgentiis exposceret, id profecto ex earum concessionibus erueretur, sicut colligitur, quædam pia opera poenitentibus injungere, ad earundem effectum obtinendum, quarum defectu ex Thesauri Ecclesie dispensatione fructus minime comparatur. Tantum vero abest, quod alterutram ex illis conditionibus requirat, quin potius deprehenditur oppositum; 1.^o quia spondet omnibus, *se plenam omnium peccatorum remissionem elargiri*: quod idem est, ac quancunque satisfactionem, pro debito poenae temporalis a poenitentibus Deo exhibendam Christi Sanctorumque superabundantibus meritis compensare. 2.^o Bonifacius VIII. a nonnullis personis interrogatus, ut suam mentem aperiret super Indulgentia Plenaria concessa visitantibus Basilicas Sanctorum Apostolorum Petri & Pauli de Urbe anno MCCC. ac quolibet anno Sæculari recurrente, declaravit: secundum totam Pontificiae potestatis

tis plenitudinem, se poenarum temporalium relaxationem elargiri = *Plenissimam* (inquit) *quantum Claves Ecclesie se extendere possunt* = quam formulam deinde alij Summi Pontifices Bonifacii Successores adhibuisse compertum est. Cum ergo Claves Ecclesie possint quancunque satisfactionem remittere, id ipsam Plenarias Indulgentias ex eorum voluntate de facto præstare, dicendum est. 3.^o Ex Concilio Lateranensi IV. Capite *Cum ex eo habetur* = *Per indiscretas & superfluas Indulgentias, quas quidam Prelati facere non verentur penitentialis satisfactio enervatur* = Porro, si Ecclesie Summorumque Pontificum sensus foret, per Indulgentias condonari duntaxat poenas, pro quibus solvendi satisfactio aut nimis ardua, aut ea, quæ esset moraliter impossibilis, verum non esset, per eas indiscrete concessas, poenitentialem satisfactionem enervari; illa siquidem ætate non nisi tenuis, attentaque humanæ conditionis fragilitate, faciliter implenda injungebatur. Rursus, expenso more concedendi Indulgentias, qui supra Sæculum septimum invaluit, reperimus, adeo contrarium menti Ecclesie & Summorum Pontificum fuisse pro dispositione ad Indulgentias acquirendas indispensabiliter requisita, congruam satisfactionem exposci, ut cum exactissima in vindicandis Reorum excessibus antea floruerit disciplina, ac Christiani humiliter ac prompte luctuosos poenitentiae canonicæ laboribus se subjecerint, parcissimus tunc fuerit Indulgentiarum usus; deinde eorum fervore deficiente, liberalius se gesserit pia Mater Ecclesia, quemadmodum apparet ex poenitentiæ redemptionibus Sæculo octavo & sequentibus fieri consuetis: ac tandem cum post Sæculum duodecimum, fere nullum vigeret satisfaciendi studium juxta veterum Canonum instituta: adeo ut Sacerdotes in Sacramentali Confessione poenitentium duritiam ad illius disciplinæ onera subeunda enollire, aut flectere non valerent, tunc tandem coeperit thesaurus meritum Christi & Sanctorum per Indulgentiæ Plenariæ concessiones cumulatus dispensari. Hinc remissum, ac penitus extinctum satisfaciendi studium occasionem præbuit Ecclesie, uberioribus atque frequentiores Indulgentias concedendi, ut congruis satisfac-

tionibus alias exhibendis, Christi Sanctorumque satisfactionibus ex Ecclesie thesauro applicatis suppleretur; quæ consuetudo nequaquam fuisset inducta, si Indulgentiarum virtus, juxta Summorum Pontificum mentem, a satisfaciendi studio, vel a congrua satisfactione dependeret. Non ergo mens Summorum Pontificum est, ita Indulgentias poenitentibus concedere, ut necessario velint pro earum assecutione eos satisfactoriis operibus vacare.

Prob. 2.^o Si aut sollicitudo satisfaciendi, aut congrua satisfactio exigeretur ad acquirendas Indulgentias, essent profecto ipsarum Indulgentiarum concessiones pæ fraudes Fidelium: etenim partialis viginti annorum Indulgentia poenitentiae a Canonibus eo temporis spatio definitæ condonationem, Plenaria totalem poenæ temporalis relaxationem promitteret: cum revera ubi non daretur satisfaciendi sollicitudo, vel congrua satisfactio, aut non valeret omnino, aut remissionem decem annorum duntaxat, vel illam, quæ impossibilis esset aut nimis ardua, relaxaret. Omnem autem fraudem ab Ecclesie prædicatione operepretium est ablegare; ait enim Angelicus Præceptor loco citato = *Quidam dicunt, quod hujusmodi Indulgentia non tantum valent quantum prædicantur sed hoc videtur valde periculosum dicere. Sicut enim dicit Augustinus in Epistola ad Hieronymum, si in Sacra Scriptura deprehenditur aliquid falsitatis, jam robor auctoritatis Sacrae Scripturae perit: & similiter si in prædicatione Ecclesie aliqua falsitas deprehenderetur, non essent documenta Ecclesie alienius auctoritatis; ad roborandam fidem* = Sollicitudo ergo vel congrua satisfactio non requiritur, ut percipiatur fructus Indulgentiæ.

Solvuntur Argumenta Cajetani.

Obijcies 1.^o Nullus indignus aliena satisfactione, valet consequi Indulgentiam pro remissione poenæ temporalis sibi debitæ; Indulgentia enim ex alienis satisfactionibus confert dicte remissionis effectum. Quilibet autem gratia & charitate præditus satisfacere negligens pro reatu poenæ temporalis, indignus est alienis satisfactionibus, per potestatem Clavium applicandis,

ami-

amicitiæ siquidem ratio postulat (ita arguit Cajetanus) amicorum esse idem velle ac nolle, ac proinde, si ego pro me, quum sane possim, satisfacere detrectarem, æquum est, amicum pariter onus a me subeundum non implere; non enim iuste & amicabiliter peterem, ut si ab onere exhibendæ satisfactionis declinarem, alius ex charitate id subiret, quia merito possem inter eos recenseri, de quibus Matthæi 23. v. 4. dicitur = *Alligant onera gravia, & importabilia, & imponunt in dueros hominum, digito autem suo nolunt ea movere* = Ergo pro acquirendis Indulgentiis exigitur sollicitudo satisfaciendi.

Resp. negligentem satisfacere non esse absolute indignum alieno adiutorio, quia poena temporali luenda sublevetur; sufficienti quippe gaudet condignitate, si sit in statu gratiæ. Hinc verum non est, quod amicus tenuens onus propriæ satisfactionis perferre, non possit alieni adiutorii beneficium experiri: imo est maxime amicitie supernaturali charitatis consentaneum, quod amicus in implenda satisfactione deiciens, ab alio sublevetur = *Alter alterius* (inquit Apostolus ad Gal. 6.) *Onera portate, & sic adimplebitis legem Christi* = Lex autem Christi, de qua loquitur Apostolus, est lex charitatis. Quam solutionem his verbis tradit Dominicus Soto *dist. 21. quæst. 2. art. 3.* = *Propterea quod amicus meus sit negligent in suis negotiis, non est indignus, cui ego succurram: imo inter amicitie jura, & hoc venit, ut amicus amici defectus suppleat etiam spirituales, atque adeo sola gratia, quæ facit amicos Dei; facit eos dignos, quibus Ecclesiæ subjidia Christi impertiantur. Præsertim quod, dum suscipiens Indulgentiam facit aut solvit, quod in Indulgentiæ præceptis Pontifex, jam adhibet diligentiam ad suorum remissionem debitorum* = Ex quo colliges, quam immerito Eusebius Amort *scilicet citata* §. 87. inter suæ sententiæ patronos Dominicum Soto recenset, dicens = *Revera hanc sententiam* (nempe de congrua satisfactione ut prosint Indulgentiæ) *mitigatam, non impugnari ab aliis Theologis, ostenditur ex eo, quod Dominicus Soto, sententiam mitigatam ipsemet defen-*

dit, ut patet ex ejus textu infra referendo = apertissime enim constat, Sotum loco a nobis citato id docere, quod nedum Cajetani, verum etiam Recentiorum sententiæ adversatur. Quid enim est asserere, amicitie jura postulare, ut amicus alterius amici defectum suppleat in onere ferendæ satisfactionis: ac solum gratiam sanctificantem Dei amicos facientem, reddere dignos Christiadeles ad percipiendâ Ecclesiæ subsidia, nisi tam satisfaciendi studium quam congruam satisfactionem, pro Indulgentiis acquirendis non exigi? Non enim verum esset, solam gratiam facientem Dei amicos reddere eos dignos ad perceptionem subsidiorum Ecclesiæ, si proprii laboris in satisfaciendo admitteretur necessitas.

Objicies 2.^o Totalem poenæ relaxationem non pereiperet Fidelis, qui nullum habens impedimentum contritus de culpis Sacramentalem absolutionem obtineret. Nec ergo id percipi poterit per virtutem Indulgentiæ Plenariæ, licet quis quocunque obice carens actum veræ perfectæque contritionis eliceret. Tum quia Poenitentiae Sacramentum est efficacius atque excellentius Indulgentia. Tum quia Deus præcipuus Thesauri Ecclesiastici distributor, liberalior est quocunque Summo Pontifice Indulgentias concedente. Itaque, si independenter a congrua satisfactione, licet Deus liberaliter se gerat in Sacramento Poenitentiae, adhuc non acquiritur tota poenæ temporalis relaxatio; nec pariter extra Sacramentum mediis Indulgentiis idem spirituale beneficium comparatur.

Resp. disparitatem in eo sitam esse, quod Poenitentiae Sacramentum per se & ex sua institutione non ordinatur ad poenarum temporalium, sed ad culparum remissionem (quantum ejus virtute ex consequenti, aliqua hujusmodi poena relaxetur; ut diximus supra *cap. 6. art. 1.^o*) cæterum Indulgentia per se & primario ordinatur ad illum effectum conferendum, suppositis tum proportionem ex parte causæ, tum voluntate ex parte Prælati concedentis; ideoque nullo existente impedimento reatus culpæ ex parte subjecti, integrum atque totalem suum effectum communicat. Cum quo optime stat, Poenitentiae Sacramentum Indulgentiarum virtutem excedere,

re, majoremque Deum hi illo quam in his liberalitatem exercere, quia remissio culpæ obtemperat per gratiam sanctificantem, nobiliter atque excellentius beneficium est, quam sit quælibet uberrima temporalium poenarum remissio facta per Indulgentias.

Obijcies 3.^o In forma concessionis Indulgentiarum dicitur = *Plenam vel septem annorum remissionem concedimus vere Pœnitentibus* = adeoque illis, quibus virtus poenitentiae inest, & affectus satisfaciendi Deo pro culpis. Tales autem dici nequeunt ii, qui nolunt propriis operibus poenalibus Deo satisfacere: alias Indulgentiarum concessio foret non liberalis, sed potius prodiga thesauri Ecclesiae dispensatio. Pœnitentes itaque, poenae temporalis remissione per Indulgentias donandi, juxta Summorum Pontificum mentem dicendi sunt, qui Deo per opera poenalia student satisfacere.

Resp. ea verba non significare affectum satisfaciendi Deo per opera poenalia, cum exclusione satisfactionis alienae applicandæ ex Ecclesiae thesauro, sed potissimum odium, ex amore Dei summe dilecti conceptum, contra antea factæ vitæ excessus, quo quis serio proponit, se ad eos de cætero minime rediturum = *Dicitur quis vere pœnitens* (inquit Navarrus Cajetani sententiae patronus in *notab.* 17. nu. 9.) *cum omnia & singula peccata lethalia ita ob Dei amorem principaliter displicuerint, quod ob nullum bonum querendum, malumque vitandum, ea denuo admittere proponat* = Hujusmodi autem odium coïncidit cum vera cordis contritione, quæ cum involvat propositum compensandi injurias Deo irrogatas vel propriis operibus poenalibus vel alienis satisfactionibus, sufficiens est ex propria virtute, ut ea mediante habeatur dispositio ad effectum Indulgentiæ comparandum; quamobrem in antiquis concessionibus habebatur mentio de Contritis = *Plenam suorum peccatorum* (inquit Innocentius III. in Decreto Concilii Lateranensis edito pro adjuvantibus Hierosolymitanam Expeditionem) *de quibus fuerint corde contriti & confessi, veniam indulgemus* = Et Martinus V. Constitutione supralaudata de Hussitica hæresi suspectum iussit interrogari = *Utrum credat, quod Papa omnibus Christianis vere contritis & confessis possit con-*

cedere Indulgentias in remissionem peccatorum = Ubi non debet sine observatione præteriri, Martinum V. non præcepisse interrogari de ea hæresi suspectum, num crederet, quod Summus Pontifex omnibus Christianis vere satisfactionibus propriis operibus poenalibus, vel dictæ satisfactionis propositum habentibus, possit Indulgentias despondere? sed *vere contritis & confessis*. Quod profecto demonstrat, ex parte subiecti posci necessario contritionem, seu statum gratiæ & charitatis ad percipiendum Indulgentiarum fructum, non vero studium satisfaciendi a Cajetano expositum necessario desiderari; idque notavit D. Thomas in *quodlib.* 2.^o *quæst.* 8. art. 16. = *Charitas recipientis, inquit, designatur in hoc quod dicitur, omnibus vere pœnitentibus & confessis, non dicitur & satisfaciendibus: quia Indulgentia non excusatur a contritione & confessione, sed cedit in locum satisfactionis* = Hinc falsum est, poenitentes vere & proprie dici non posse eos, qui non curant propriis operibus poenalibus Deo satisfacere pro poena temporalis, dummodo velint, eo modo quo possunt, Deo solvere quod debent. Cum enim non unus a Christo modus satisfaciendi fuerit institutus, impoenitentes dicendi non sunt ii, qui aliquem ex illis eligerent, sed potius prudentes, si Indulgentiarum subsidio suæ debilitati subvenirent. Nec Indulgentiarum concessio inde censenda foret prodiga thesauri Ecclesiae dispensatio, quia, ut inquit Passerinus, *qu. eis. n. 553. = si Christus non fuit prodigus, fundendo suum sanguinem etiam pro indignis, multo minus est prodigus Summus Pontifex, si alias iustis concedit facilem modum satisfaciendi, ex hoc simul alliciens eos ad veram pœnitentiam, a qua ex fragilitate abstinere forsitan, si per propria opera necessitarentur satisfacere pro gravibus peccatis*.

Ex tradita vero responsione non recte colligeretur, quamlibet contritionem, etiam minimam, vel statum gratiæ sufficere ad totalis, seu Plenariæ Indulgentiæ fructum obtinendum; siquidem supposita contritione duntaxat de lethalibus, retentoque affectu ad peccatum veniale, deficeret ad illum percipiendum necessaria dispositio, non ob negligentiam satisfaciendi

Deo per opera poenalia, sed quia impossibile est, penam relaxari nondum delecto culpe reatu: ideoque ad Plenariam Indulgentiam integre comparandam, contritionem emitti necesse est de culpis quantumvis minimis, seu odium efficax de illis concipi, quatenus sunt offensæ Dei summe dilecti, cum proposito, quod pari polleat extensione & efficacia in ordine ad peccata vitanda de extero juxta dicta *Art. antec.*

Obijcies 4.^o In qualibet bene instituta Republica, etiam si rationabilis adesset causa ad eorum numerum Thesaurum dispensandum Civibus ære alieno gravatis, illius tamen distributione censeretur indignus, qui ex bonis suis ad satisfaciendum creditoribus posset supplere. Ob eandem ergo rationem satisfacere negligens, indignus putandus est Ecclesiastici Thesauri dispensatione.

Resp. dato, indignum reputari participatione Thesauri Reipublicæ potentem ex propriis pecuniis satisfacere creditoribus; fortasse enim quod illis, ad solvendum debitum, esset collatum, subtraheretur pecuniarum aliarumque rerum temporalium inopia laborantibus: non tamen inferri potest, idem dicendum esse de dispensatione Thesauri Ecclesiæ mediis Indulgentiarum concessionibus, quia satisfacere negligentes per propria opera poenalia, ex una parte essent amici Dei, ac proinde viva Ecclesiæ Christi membra, in cujus unitate fundatur valor Indulgentiarum = *Ratio* (inquit D. Thomas *dist. citata qu. 1. artic. 3. quæstione. 1.*) *quare valere possint Indulgentiæ, est unitas corporis mystici, in qua multi in operibus penitentiae supererogaverunt ad mensuram debitorum suorum, & multas etiam tribulationes sustinuerunt patienter, per quas multisulo poenarum poterat explari, si eis deberetur quare sicut quis ratione prædictæ unitatis satisfactionis subsidium aliorum Christi fidelium assequeretur, quanquam esset negligens ad satisfaciendum per propria opera poenalia, ita Indulgentiarum beneficium gauderet. Eo vel maxime, quod celestium divitiarum cumulus in Ecclesiæ Thesaurio ad Christi fidelium utilitatem congregatus, quantumvis liberaliter Christi fidelibus sine personarum discrimine dispensaretur, inhiis adhuc egentibus superesset, ut innuit Clemens VI. in Extravagan-*

ti Unigenitus de Panis. & Remissionib. = De cujus consumptione (nempe Thesauri Ecclesiæ) seu minutione non est aliquatenus formidandum, tam propter infinita Christi merita, quam pro ea, quod quanto plures ex ejus applicatione trahuntur ad justitiam, tanto magis accrescit cumulus meritorum.

Alia Recentiorum Argumenta convelluntur.

Obijcies 1.^o Juxta antiquam Ecclesiæ consuetudinem non dabantur Indulgentiæ, nisi ob diuturnos gravissimosque penitentiae labores defatigatis; ideoque D. Cyprianus Sanctos Confessores deprecans *Epist. XI. ad Martyres & Confessores* data, qui Lapis petierant pacem dari, ut in dandis Indulgentiarum Libellis eos duntaxat Episcopis commendarent, quos poenitentiam, juxta censuram Canonum injunctam, mox impleturos animadverterent = *Peto*, inquit, *ut eos, quos ipsi videtis, quos nescitis, quorum poenitentiam satisfactionem proximam conspiciatis, designetis nominatim libello, & sic ad nos fidei ac disciplinæ congruentes literas dirigatis, & Lib. de Lapsu de Indulgentiarum utilitate differens inquit = Si precem toto corde quis faciat, si veris poenitentiae laboribus ingemiscat, si ad veniam delicti sui Dominum justis & continuis operibus instet, misericordiam suam protulit dicens: Cum conversus ingemueris tunc salvaberis ... potest ille Indulgentiam dare, sententiam suam potest ille scelerare. Poenitenti, operanti, roganti potest clementer ignoscere, potest in acceptum referre, quidquid pro talibus, & petierint Martyres & fecerint Sacerdotes = Ergo cum Indulgentiæ, quæ juxta novam Ecclesiæ Disciplinam dantur, eundem valorem obtineant ac antiquæ; conceduntur enim passim sub hac clausula = *In forma Ecclesiæ consuevit* = nequeunt prodesse nisi iis, qui congruam satisfactionem emiserint.*

Resp. ad Argumentum, quod est Adversariorum Achilles: aliud esse, quod Ecclesiæ Disciplinam demonstrat in dandis Indulgentiis: aliud, quod earundem valorem intrinsecum & potestatem concernit.

Si Disciplinam Ecclesiæ attendamus, fateri necesse est, non fuisse prioribus temporibus potissimum Cypriani ætate datas Indulgentias regulariter, quin prius Christiani-fideles per opera ac Pœnitentiæ labores magna ex parte pro commissis criminibus satisfecerint : & hoc ob prudentem quandam œconomiam ; animadvertens enim Ecclesiâ plurimos charitatis ardore succensos ob vitæ superioris flagitia satisfactionibus Canonicis libenter sese subjicere, maluit tunc congruam satisfactionem exigere (quod & ab iis criminibus admittendis tunc ætatis Christiani-fideles magis magisque retrahebat) quam Canonum rigorem totaliter per Indulgentiarum dispensationem relaxare. Caterum hoc non reputabatur necessarium ad intrinsecum earundem Indulgentiarum valorem, cum ab hac disciplina recesserint tunc etiam aliquando Episcopi . Perfectam communicationem cum Pœnitentiæ congruæ relaxatione Victori Presbytero a Therapio Episcopo indultam, nondum expletis luctuosæ Pœnitentiæ laboribus, ratam habuit D. Cyprianus : & quanquam id temere factum æstimaretur, noluit tamen Victorem recipi ad Consistentiam, (quæ erat ultima statio a pœnitentibus subeunda) ut quod supererat satisfactionis persolveret = *Legimus* (inquit S. Antistes in *Epistola LIX. ad Fidum data*) *litteras tuas, Frater charissime, quibus significasti de Victore quodam Presbytero, quod ei, antequam pœnitentiam egisset, & Domino Deo, in quem deliquerat, satisfecisset, temere Therapius Collega noster immaturo tempore, & præpropere festinatione pacem dederit. Quæ rei nos facti movit, recessum esse a decreti nostri auctoritate, ut ante legitimum & plenum tempus satisfactionis, & sine petitu & conscientia plebis, nulla infirmitate urgente, ac necessitate cogente pax ei concederetur : sed librato apud nos diu consilio, facti fuistis objurgare Therapium Collegam nostrum, quod temere hoc fecerit, & instruxisse, ne quid tale de cætero faciat. Pacem tamen quomodocunque a Sacerdote Dei semel datam non putavimus auferendam, ac per hoc Victori communicationem sibi concessam usurpare permiximus* = Irritam profecto eam pacem fuisse, assereret Cyprianus, si illi duntaxat valide Indulgentiam consequen-

rentur, qui luctuosis operibus occupati proxime satisfactionem omnem impleturi erant . Imo quanquam idem S. Antistes acerrimus fuerit Ecclesiasticæ Disciplinæ propugnator, tamen ex iustis cauvis, congruam satisfactionem prævie ad Indulgentiarum assecutionem, minime censuit præmittendam ; & ideo licet in ea fuerit sententia, ut satisfactioni proximis Indulgentia duntaxat concederetur, tamen nova imminente persecutione sub Gallo & Volusiano, ad Christianæ Fidei ac Religionis exitum, Lapis omnibus, approbavit, indiscriminatim pacem atque remissionis satisfactionem conferri : ut Corporis Christi participatione protecti alacriores se pararent ad prælium atque gloriosissime, Christianæ Religionis adversariis devictis, per Martyrii lauream triumpharent = *Merito* (inquit D. Cyprianus in *Epistola LIV. ad Antonianum data*) *trabebatur dolentium pœnitentia tempore longiore, ut infirmis in exitu subveniretur, quando quies & tranquillitas aderas, quæ disferre diu plangentium lacrymas, & subvenire sero morientibus in infirmitate pateretur. At vero nunc non infirmis, sed fortibus pax necessaria est, nec morientibus, sed viventibus communicatio a nobis danda est, ut quos excitamus & hortumur ad prælium, non inermes & nudos relinquamus, sed protectione Sanguinis & Corporis Christi muniamus : & cum ad hoc fiat Eucharistia, ut possit accipientibus esse tutela, quos tutos esse contra adversarium volumus, munimento Dominice Saturitatis armemus. Nam quo modo docemus, aut provocemus eos in Confessione nominis sanguinem suum fundere, si eis militaturis Christi Sanguinem denegamus ? aut quo modo ad Martyrii poculum idoneos faciemus, si non eos prius, ad bibendum in Ecclesia poculum Domini, jure communicationis admittimus ? Intereffe debet, Frater charissime, inter eos, qui vel a postulataverunt, & ad sæculum, cui renuntiaverant, reverti gentilitier vivunt, vel ad hæreticos transfuga facti contra Ecclesiam parricidalia quotidie arma suscipiunt : & inter eos, qui ab Ecclesiæ limine non recedentes, & implorantes jugiter ac dolentes Divina & paternæ solatia, nunc se ad pugnam paratos*

esse, & pro Domini sui nomine, ac pro sua salute fortiter & pugnare proficentur. Hoc in tempore pacem nos dormientibus, sed vigilantibus damus: pacem non ad quietem, sed ad aciem damus. Si secundum quod eis audimus, & optamus, & credimus, fortiter steterint, & adversarium nobiscum in congressione prostraverint, non penitet pacem concessisse tam fortibus: imo Episcopatus nostri honor grandis & gloria est, pacem dedisse Martyribus, ut Sacerdotes, qui Sacrificia Dei quotidie celebramus, hostias Deo & victimas præparemus. Rursus S. Cornelius Papa Indulgentiam dedit Trophimo Episcopo, qui Gentilium simulachris sacrificiis obtulerat; non quia congruam satisfactionem implevisset, sed ex aliis rationibus, & potissimum quia plurimi cum ipso Trophimo ad Ecclesie gremium reverti fuissent; cumque ob id aliter vulgatum traduceretur Sanctus Pontifex, ita in Epistola prælaudata vindicatur a D. Cypriano: De Trophimo, de quo tibi scribi desiderasti, non ita res est, ut ad te perulsit rumor, & mendacium malignorum. Nam sicut antecessores nostri sæpe fecerunt, colligendis fratribus nostris, carissimus frater noster Cornelius necessitati succubuit: & quoniam cum Trophimo & satisfaciente, & penitentia deprecationis errorem pristinum confitente, & fraternitatem, quam nuper abstraxerat, cum plena humilitate & satisfactione revocante, audita sunt ejus preces, & in Ecclesiam Domini non tam Trophimus, quam maximus fratrum numerus, qui cum Trophimo fuerat, admissus est: qui omnes regressuri ad Ecclesiam non essent, nisi cum Trophimo comitante venissent. Tractatu ergo illuc cum Collegis plurimis habito, susceptus est Trophimus, ut laicus communice; non secundum quod ad te malignorum literæ perulerunt, quasi locum Sacerdotis usurpet. Nec Adversariorum intentum evincit clausula non raro in concessionibus Indulgentiarum reperta. In forma Ecclesie consueta; ea siquidem verba, ut tradit Lavorius de Indulg. p. 2. cap. 14., nihil aliud significant, quam Indulgentias vere poenitentibus concedi, seu vere contritis.

Objicies 2.^a Summi Pontifices Indul-

gentias elargientes peccare non præsumunt. Porro a culpa excusari non possent, si in earum concessionibus conditionem congruæ satisfactionis præterirrent; communis enim Doctorum sententia est, Pontifices ac Episcopos peccare, si tam prodige atque indiscrete desponderent Indulgentias, ut satisfactionis studium negligeretur. In arbitrio dantis Indulgentiam (ait Divus Thomas Dist. citata quest. 1. artic. 3. questiuic. 2.^a) est taxare quantum per Indulgentiam remittatur; si tamen inordinate remittatur: ita quod homines quasi pro nihilo ab operibus penitentiae revocentur, peccat faciens tales Indulgentias = Idem infert Hostiensis in Summa tit. de Remissionib. cap. 5. ex Concilio Lateranensis IV. Decreto = Concilium Lateranense (inquit) artavit Episcopos, ne propter remissiones indiscretas & superfluas contingat contemni Claves, & satisfactionem penitentiae enervari. Ergo Prælati, qui hoc fecerunt, agant penitentiam = Ergo conditio congruæ satisfactionis per opera poenalia a Prælati concedentibus Indulgentias necessaria est, ne invalidæ & inordinate sint dispensationes ex Thesauro meritorum Christi & Sanctorum concessæ, ac per consequens ut earum fructus comparetur.

Resp. Doctores utique asserere ob inordinatas Indulgentias, scilicet superfluas atque indiscretas, a culpa excusari non posse Ecclesie Prælatos, nequaquam tamen (excepto causæ proportionatæ defectu) illas esse validitatis robore destitutas existimare: imo si eorum dicta & rationes expendamus, excluditur potius, quam adstruitur congruæ satisfactionis necessitas; D. enim Thomas arbitrat, per Indulgentias hujusmodi indiscretas Christi fideles a Poenitentiae oneribus revocari = Ita quod, inquit, homines quasi pro nihilo ab operibus penitentiae revocentur = quas nihilominus validas esse testatur, subdens = Nihilominus quis Plenariam Indulgentiam consequitur = Porro si Indulgentiæ congruam satisfactionem necessario requirerent juxta DD. potius Fideles poenitentiam peragerent, quam ab ea revocarentur; ea quippe seclusa, nequaquam integre ac totaliter, juxta Recentiorum doctrinam, Indulgentiæ concessæ fructus perciperetur. Cohærenter ad Concilii Lateranensis De-

cre-

eretur faceret Hostiensis, per Indulgentiarum virtutem poenitentialem satisfactionem enervari, quod idem est ac dicere, auferri indirecte obligationem implendi poenitentiam ut vindictivam, seu prout solutivam poenae temporalis: alias ea subsistente, nihil prorsus poenitentialis satisfactionis enervaretur.

Obijcies 3.^a Hanc legem novimus a Deo constitutam, ut nemini poenae temporalis debitum remittatur, quin dignos poenitentiae fructus exhibuerit: ideoque Matthaei 3.^o v. 8. dicitur = *Progenies viperarum quis demonstravit vobis fugere a ventura ira? Facite ergo fructus dignos poenitentiae* = Idem innuitur Lucae 13. v. 5. = *Si poenitentiam non egeritis, omnes simul peribitis* & Actor. 3. v. 19. = *Poenitemini, & convertimini, ut deleantur peccata vestra* = Ab hac autem lege nequit Summus Pontifex dispensare. Ergo citra satisfaciendi studium ac congruam satisfactionem, nequit percipi fructus Indulgentiarum.

Resp. dato (sed non concessio) ex locis Sacrae Scripturae objectis erui preceptum satisfaciendi Deo pro poena temporalis, adhuc verum esset Fideles acquirentes Indulgentias peccatorum poenitere; quantumvis enim per opera propria poenalia minime satisfacerent, adhuc Deo id, quod eo precepto injungitur, exhiberent = *Ad illud quod objicitur* (dicit S. Bonaventura in 4. dist. 20. artic. 1. quest. 2. ad 3.^m) *quod tenetur ad faciendum dignos fructus poenitentiae, dicendum, quod facere dignos fructus poenitentiae est dupliciter, scilicet vere, & interpretative: & ille dicitur dignos fructus poenitentiae facere, qui non solum per se ipsum, sed etiam per suffragium alienum habet sufficiens pretium ad solvendum debitum* = Nec tamen verum esset, Summum Pontificem directe & immediate in Jure Divino dispensare, sed debitum poenae temporalis relaxare, ex quo ortum ducit obligatio satisfaciendi Deo pro dicta poena, ut dictum est Cap. V. art. 4.

Obijcies 4.^a A tempore Apostolorum, usque ad Saeculum duodecimum nulla fuit a Sede Apostolica concessa Indulgentia Plenaria ab omnibus Christi fidelibus ejusque aetatis, sexus, conditionis in Oriente & Occidente degentibus acquirenda:

adeoque innumerabiles pene personae fuissent destitutae tam salutari remedio, se eximendi a satisfactionibus Deo exhibendis pro poena temporali. Vel ergo Ecclesia fuit minus pia, Sanguinem Christi filiis suis non dispensans, & ipsiusmet Ecclesiae Thesaurum clausum retinens: aut certe in Indulgentiis Plenariis eam virtutem non agnovit. Maxime quia post inventum morem dandi generaliter Plenariam, veteres Doctores existimantur propter Indulgentias minime poenitentiae labores esse omittendos.

Resp. Ecclesiam optime etiam ante Saeculum duodecimum Indulgentiae Plenariae virtutem, quam nos exposuimus, agnovisse; expediens tamen judicavit, fervente adhuc Christi fidelium devotione Canonum poenitentialium rigorem retinere, quo subinde deficiente, satius duxit Ecclesiae Thesaurum mediis Indulgentiis liberalius quam antea aperire, quam illos Canonum poenitentialium onere praegravatos satisfactioni obnoxios relinquere; quod maxime Ecclesiae oeconomiam commendat. Doctores vero antiqui existimantes propter Indulgentias personales satisfactiones nequam esse omittendas, nihil aliud volunt, quam eas obtinere volentes, poenitentiae operibus applicaretur ut a scoria ac peccatorum reliquiis purgentur, quod Indulgentiarum virtute minime potest comparari, ut dictum est cap. 5. Art. 3.^o non vero quod eisdem ad poenae temporalis remissionem indigeant. Eo vel maxime, quod proloquium illud, cujus meminit S. Thomas dist. cit. art. 3. quest. 1. 2.^a erat communiter receptum = *Indulgentiae simpliciter tantum valent quantum predicantur, dummodo ex parte dantis sit auctoritas, ex parte recipientis charitas, ex parte causa pietas, quae comprehendit honorem Dei & proximi utilitatem* = Ex mente igitur Doctorum antiquorum non probatur, inter condiciones ad percipiendum fructum Indulgentiarum necessario requisitas congruam satisfactionem recenseris, ab iis praemittendam, qui exoptant illis ditari.

Obijcies 5.^a cum Eusebio Amort. Si Indulgentiae citra satisfaciendi studium virtute gauderent remittendi poenas temporales, illud duntaxat in materia satisfactionis versaretur discrimen inter Catholicos & Ha-

& Hæreticos, quod illi assererent, Plenariam a Christo mediante Summo Pontifice relaxationem obtineri, sub conditione quædam pia opera peragendi: e contra isti propugnarent, Plenariam Indulgentiam a Christo recipi circumscriptis piis operibus etiam a Summo Pontifice injungendis. Quod certe dici non potest, alias Catholici non invicte sed sive contra Hæreticos decertarent pro adstruendis poenitentialibus operibus, ad assequendam vitam æternam necessariis. Studium ergo satisfaciendi requiritur, ut Fidelibus profint Indulgentiæ.

Resp. inquirendo, quomodo in dogmate de satisfactione Deo pro peccatis a Christianis exhibenda Sententiæ contrariæ propugnatores differant ab Hæreticis? Respondent, Hæterodoxos poenæ temporalis debitum omnemque satisfactionem exolvendam a recenter iustitiae ablegasse, ne fiat injuria Theandrico Christi cruori liberaliter profuso ad expianda nostra delicta: ipsis ex adverso statuentibus, non semper iustitiae per gratiam sanctificantem, in Poenitiæ Sacramento Sacerdotum ministerio communicant, peccata quantum ad poenam condonari: ideoque necessarium esse ex parte Christianidelum propriæ satisfactionis conatum. Ex quo inferunt, quod etiam Summorum Pontificum liberalitate fiat concessio Indulgentiæ Plenariæ, non posset obligatus ad poenam temporalem subeundam, eo satisfaciendi studio prætermisso, de totalis fructus perceptione sibi polliceri; quibus armis muniti, invicte contra Hæreticos pro Indulgentiarum valore ac potestate contendunt. Quare ergo nos non pari, imo majori facilitate certabimus, si tradita comuni cum Adversariis Catholica de impiorum justificatione doctrina, ita de Indulgentiis sentimus, ut quamquam satisfactionem poenitentialem, prout est medicinalis, necessario ad purificationem scoriæ peccatorum admittamus, quæ neque applicatis Christi & Sanctorum meritis supplet, eam tamen ut vindictivam propugnamus, posse totaliter (nisi obset culpæ reatus) Indulgentiæ Plenariæ virtute, citra alterius satisfactionis necessitatem, integre relaxari? Quod magis Clavium potestatem commendat, ac perversam contra Indulgentiarum dogma Hæreticorum doctrinam jugulat, ac penitus evertit.

Obijcies 6.° Quantunvis fiant plenissimæ Indulgentiarum concessiones, atque Fideles obligationes præscriptas implere fatagant, Summi Pontifices tamen Poenitentialium operum studium in earum concessionibus maximopere commendant; quamobrem Sixtus V. in suis Apostolicis Literis editis anno MDXC. inquit = *Placanda est ira Divina poenitentia, contestante Scriptura: Deum oblitus sibi altaris precibus, jejuniis; elemosinis sepe posuisse iras; hinc in Urbe ordinavimus supplicationes ut inveniamus misericordiam &c.* = & Clemens VIII. in aliis ejusmodi Literis editis anno MDXCII. ait = *Deum per poenitentiam placandum esse existimavimus. Dignos itaque poenitentiae fructus faciamus, & in Quadragesimali tempore ad pensum sanctæ institutionis aliquid addamus, corda nostra sciendam, & in oratione, jejuniis, cæterisque pietatis operibus unanimiter perseverantes, ut mutuis poenitentiae suffragiis adjuvemur* = Item habetur in aliis Literis editis ab Urbano VIII. anno MDCXXVIII., ab Innocentio XI. MDC-LXXXI., ab Alexandro VIII. anno MDC-LXXXIX., & pressius in Declaratione Innocentii XII. pro anno Jubilæi MDCC. his verbis = *Proponatur Fidelibus utilitas, quam ex magna hac Indulgentia consequuntur; qualiter videlicet illius virtute ac operatione remittantur illæ poenæ, quas bono Divinae Justitiæ debet, modo, Divina gratiæ condigna satisfactione cooperetur; doceatur ergo populus, quod licet per Sacramentum Poenitiæ culpa & æterna poena remittatur, nihilominus post remissionem delictorum debitum temporalis poenæ, adeoque grave onus satisfactionis remaneat, quod copiosis elemosinis, rigorosis jejuniis, & longis ac difficilibus operibus poenitentiae, ut tempore veterum fervidorum Christianorum factum esse liquet, ex Canonibus Poenitentialibus, aut horrendis panis purgatorii solvi deberet; cum vero talia susserre humane infirmitati nimis grave foret, ideo Vicarius Christi tales satisfactiones per Indulgentias minuit* = Quod profecto minime fieri oporteret, si Indulgentiæ Plenariæ omnem poenam temporalem, citra nostræ congruæ satisfactionis subsidium, poenam temporalem ex se relaxarent.

Resp.

Resp. verum esse, quod Summi Pontifices satisfaciendi studium in Indulgentiarum concessionibus non raro expresse commendent; non quia id omnino necessarium existiment ad plenum earum fructum acquirendum, sed ut Fideles exuant veterem hominem cum actibus suis, ac novum superinduant per virtutum exercitia: quia inde facilius actum fervidæ perfectæque contritionis vel charitatis eliciunt, quo ab omni peccati etiam venialis labe purgati, tum Deum sibi reddunt propitium, tum integrum Indulgentiæ Plenariæ fructum comparant: qui faciliter minime obtineretur, si opera poenitentiae a Summis Pontificibus commendata præterirent.

Objicies 7.^o Si Indulgentiæ ita valerent, ut inde satisfactionis alias exhibendæ onus cessaret, cederent potius in Ecclesiæ damnum, quam adquisitionem: plures siquidem ex Catholicis ansam arriperent sese tradendi viæ laxiori, sperantes unica Indulgentiæ Plenariæ solvere quodcunque debitum poenæ temporalis: ideoque lata via aperiretur ad abusus, atque vitiorum illecebras. Quod profecto minime sequeretur, si debitum poenæ temporalis eo majora, poenitentiae opera necessario ad integram sui solutionem exposceret, quo ex pluribus

gravibusque criminibus confurgeret: esset enim peccandi frænum, & licentiæ retinaculum. Itaque ut Fidelium damnum vitetur, atque Ecclesiæ ædificationi consulatur, dicendum est, pro acquirendis Indulgentiis satisfaciendi studium ex parte illas recipientium, seu congruam satisfactionem necessario desiderari.

Resp. Indulgentias per se peccatores ad statum gratiæ revocare, ad contritionem de culpis eliciendam, ad pia opera peragenda, ac per consequens fovere virtutes, Divinarumque Legum observantiam, quibus Ecclesiæ ædificationi prospicitur: non enim conceduntur nisi *vere Contritis*, ac ex iusta & rationabili causa, quæ ut in plerumque ex piis operibus aut constituitur, aut compleitur. Quamobrem non earum, sed hominum vitio foret adscribendum, si quis spe obtinendi integrum Indulgentiæ Plenariæ fructum illectus, laxiorem vivendi methodum amplecteretur: sicuti non in Poenitentiae Sacramentum refunderetur, si quis se vitiorum omnium cœno coinquinaret, ob fiduciam obtinendi cunctarum culparum remissionem, per unicam Sacramentalem absolutionem: uterque enim periode se gereret ac ille, qui antidoti virtute frætus venenum audaçter sumere non dubitaret.



CAPUT IX.

DE USU INDULGENTIARUM.



UNICUM Articulum hoc caput complectitur: comparamus enim tantummodo usum Indulgentiarum ad perfectionem vite Christiane propter Heterodoxos, ac Pseudomysticos, qui omnem adhibent conatum, ut studio perfectae charitatis deditos ab acquirendis Indulgentiis amoveant.

ARTICULUS UNICUS.

An Usus Indulgentiarum perfectae charitati adversetur?

AD Controversiae statum exponendum duo observanda praemittimus; 1.^a perfectionem charitatis importare infinitum amorem affectivum uniens hominem cum Deo = *Unumquodque* (inquit D. Thomas 2. 2. qu. 184. art. 1. in corp.) *dicitur perfectum, inquantum attingit proprium finem, qui est ultima vel perfectio.* Charitas autem est, quae unit nos Deo, qui est ultimus finis humanae mentis: *Quia qui manet in charitate, in Deo manet, & Deus in eo: ut dicitur 1. Joann. 4.* & ita secundum charitatem specialiter attenditur perfectio Christianae vitae = Quibus vero modis claritas ad suae perfectionis complementum pertinere queat, declarat luculenter idem Angelicus Praeceptor in *Quaest. citata art. 2. in corpore*, his verbis: *Perfectio vitae Christianae in charitate consistit. Importat autem perfectio quantum universalitatem, quia ut dicitur in tertio Physicorum: Perfectum est, cui nihil deest.* Potest ergo triplex perfectio considerari. Una quidem absoluta, quae attenditur non solum secundum totalitatem ex parte diligentis, sed etiam ex parte diligibilis, prout scilicet Deus tantum diligitur, quantum diligibilis est: & talis perfectio non est possibilis alicui creaturae, sed competit soli Deo, in quo bonum integraliter, & essentialiter invenitur. Alia autem est

perfectio, quae attenditur secundum totalitatem absolutam ex parte diligentis, prout scilicet affectus secundum totum suum posse, semper actualiter tendit in Deum: & talis perfectio non est possibilis in via, sed erit in patria. Tertia autem est perfectio, quae neque attenditur secundum totalitatem ex parte diligibilis, neque secundum totalitatem ex parte diligentis, quantum ad hoc, quod semper actus feratur in Deum; sed quantum ad hoc quod excludantur ea, quae repugnant maiori dilectionis in Deum: sicut Augustinus dicit libro octoginta trium questionum: *Quod venenum charitatis est cupiditas, perfectio nulla cupiditas: & talis perfectio potest in hac vita haberi, & hoc dupliciter. Uno modo, inquantum ab affectu hominis excluditur omne illud, quod contrariatur charitati, sicut est peccatum mortale: & sine tali perfectione charitas esse non potest, unde est de necessitate salutis. Alio modo, inquantum ab affectu hominis excluditur non solum illud, quod est contrarium, sed etiam omne illud, quod impedit, ne affectus mentis totaliter dirigatur ad Deum, sine qua perfectione charitas esse potest, puta, in incipientibus, & proficientibus.*

Hinc propter diversos perfectionis modos facile possunt varia Sacrae Scripturae loca ad concordiam revocari. Ubi enim dicitur ad Philipp. 3. v. 12. = *Non quod jam acceperim, aut jam perfectus sim, & 1.^a ad Corinth. cap. 13. v. 10.* = *Cum veneris, quod perfectum est* = le perfectione eiusdem in alia vita interpretatur. Alii vero significatur in unoquoque iusto perfectionem reperiri: ut 1.^a Joann. 2. v. 5. = *Qui servat verbum ejus, in hoc charitas Dei perfecta est* = & hic sermo est de perfectione charitatis, in ordine ad exclusionem eorum, quae dicuntur virtuti inspectae praecise quantum ad suam naturam adversantur. Alii tandem ad perfectionem incitatur, uti ad peculiarem quorundam iustorum gradum: ut Matthaei 19. v. 21. = *Si vis perfectus esse, vade, & vende quae*

quæ habet, & da Pauperibus, & habebis thesaurum in Cælo: & veni, sequere me = in quibus locis ut sermo de charitatis perfectione (de qua procedit hoc dubium) in ordine scilicet ad exclusionem peccati lethalis, & etiam eorum, quæ mentem retrahunt, ne ad Divina homo feratur, illisque adhæreat duntaxat, quantum patitur vitæ præsentis conditio. Quamquam vero secunda ac tertia charitatis perfectio nunc descripta, cum priori collata, sit perfectio secundum quid, valeatque potius imperfectio nuncupari, absolute tamen utraque perfectio est; quælibet enim in suo ordine pro conditione vitæ præsentis totalitatem & complementum attingit.

Observandum secundo est, non esse a perfectione charitatis alienum, ad æternam patriæ Beatitudinem hic in via jugiter aspirare: ideoque D. Paulus Apostolus exortabat mori, ut quantocyus Christi consortio frueretur = *Coartor e duobus* (inquit ad Philipp. 1.^o v. 23.) *desiderium habens dissolvi, & esse cum Christo, multo magis melius, permanere autem in carne necessarium propter vos* = Idque pariter verendum est, quantumvis hujusmodi desiderium ex aliquo amore concupiscentiæ oriatur. Alias charitas perfecta spei theologicæ amorem excluderet, quod reprobatur novimus in propositionibus Archiepiscopi Cameracensis duodecimo Cal. Martii anno MDCIC. Et profecto vir sanctus atque studio perfectæ charitatis dedicatus erat Regius Propheta, & tamen huius præmii concupiti amore ductus, quod Dei præcepta servantibus promittitur, se in id ferri fatetur = *Inclinavi cor meum* (inquit Psalm. 118. v. 112.) *ad faciendas justificationes tuas in æternum propter retributionem* = Non minori sanctitate, ac perfectione fulgebunt Moyses, ob eximia virtutum opera a Sanctis Patribus maxime commendatus, & tamen propter ejusdem Beatitudinis amorem magis elegit affligi cum Populo Dei, quam temporalis peccati habere jucunditatem = *Aspiciebat enim in remunerationem* (ut inquit Apostolus ad Hebræos cap. 11. v. 26.) quem Apostoli locum D. Thomas *1.^o 2.^o in Epistol. citat.* expendens ait = *Aspiciebat oculis fidei in remunerationem, quam scilicet ex hoc sperabat, unde fides est substan-*

ta sperandarum rerum, argumentum non apparentium.

Et ratio potest assignari; quilibet enim justus studio perfectionis adductus ita ex amore spei theologicæ ad æternam Beatitudinem possidendam anhelat, ut eam ultimatè in Deum tanquam in ultimum finem per amorem supernaturalis amicitie, nempe charitatis referre non desinat. Quod autem ita a virtute spei theologicæ elicitur, atque in finem ultimum supernaturalem actualiter refertur, nullo modo potest perfectioni charitatis adversari.

His observatis, cum inconveniens non sit, una cum perfectione charitatis in præsentis vitæ statu reatum poenæ temporalis debitæ pro peccatis antea vitæ conjungi, non immerito inquiritur: An Indulgentiarum usus perfectioni charitatis officiat?

Favet parti affirmativæ Lutherus, qui in publica concione ad populum habita anno MDXVIII. inter ceteros, quos ore sacrilego eructavit errores, asseruit: Indulgentias hominibus duntaxat imperfectis, qui nolunt bona facere, aut mala sustinere, utilitatem asserre: nihil tamen in melius promovere.

Conclusio. Usus Indulgentiarum nullo modo adversatur perfectæ charitati. Hanc Conclusionem propugnant Cajetanus To. 1. *Tract. 16. quest. 2.* Suarius *disp. 49. sect. 5. num. 4.* Corduba *qu. 40.*

Prob. 1.^o Ex Constitutione Leonis X. incipiente *Exurge Domine* edita decimo septimo Cal. Julii anno MDXX., qua inter errores Lutheri hæc sub numero 22. proscribitur = *Sex generibus hominum Indulgentiæ nec sunt necessariae, nec utiles, videlicet mortuis, seu morituris, his qui meliora operantur &c.* = Ergo cum studio perfectæ charitatis additi inter eos, qui meliora operantur, valeant recenseri, utilitatem possunt ex usu Indulgentiarum percipere.

Prob. 2.^o Non dedecet personas studio perfectæ charitatis deditas, ob amorem æternæ Beatitudinis, illud Dominicæ orationis effatum usurpare = *Dimitte nobis debita nostra* = Nec ergo alienum erit a perfectione charitatis, mediis a Deo ad hujusmodi remissionem institutis, & ab Ecclesia propositis incumbere, ut sunt Indulgentiæ. Tum quia, opera ad eas comparandas injuncta & requisita, bona sunt ex

genere suo & meritoria, ac etiam ex parte finis, utpote quæ ordinantur ad maiorem animæ puritatem, remouent impedimenta, quæ retardant ingressum Regni Cælorum = *Stat quod aliquid facere* (inquit Cajetanus loco citato) *pro Indulgentia satisfactoria sit meritorium, non solum ex genere operis, puta subuenire Ecclesiæ, aut orare, sed ex intentione facientis, qui mouetur ex charitate ad hoc ut impedimenta sui ingressui ad alteram viam tollantur* = Imo maiorem fructum percipi ex huiusmodi operibus quam ex aliis, testatur Gerson in *Opusculo de Indulgentiis confid.* 12. ubi ait = *Fructuosior & acceptabilior est Deo & hominibus operatio talibus innitens Indulgentiis, quam altera cæteris paribus non innitens* = Tum quia, ea opera imperfecta non sunt; non enim impediunt alia perfectiora pietatis exercitia: nec euent perfectione suæ lineæ, cum possit vacans Indulgentiis in eorum executione ita se gerere, ut nihil omittat, quod ad complementum perfectæ charitatis desideretur. Ergo usus Indulgentiarum nullo modo aduersatur perfectioni charitatis.

Nec valet, si dicas: modum satisfaciendi Deo, mediis Indulgentiis pro poena temporali debita peccatis, imperfectum, dici in genere satisfactionis, quia ei remissio poenæ temporalis corresponderet non iuxta, sed supra proprii laboris mensuram. Non valet, inquam, facile enim rejicitur dicendo: hunc remissionis poenæ temporalis excessum non inferre perfectæ charitatis detrimentum. Alias idem oportet admitti de Sacramentis: necnon de incruento Altaris Sacrificio, cum pariter in iis supra cuiuscunque labores ex opere operato fiat poenæ temporalis relaxatio. Quamobrem quantumvis verum sit, Indulgentias lucrantes non perfecte satisfacere Deo, exhibitis satisfactionibus ex Ecclesiæ Thesauro, modus tamen hic satisfaciendi absolute dici non debet imperfectus, quia non importat positivam, aut privativam imperfectionem, sed duntaxat negativam, non excludentem solutionem ad æqualitatem, quæ aliunde ex propriis operibus poenalibus posset exhiberi = *Satisfactio* (inquit Suarius loco citato) *in rigore connotat habitudinem ad hominem operantem, in quo sensu verum est, cum,*

qui lucratur Indulgentiam, non perfecte satisfacere; illa vero, ut dixi, tantum est imperfectio negativa, quæ non excludit, quin talis satisfactio exhiberi possit: nec aliud quidpiam ad perfectionem necessarium est.

Colliges ex dictis, merito Sacram Supremam & Universalem Inquisitionem hanc Michaelis de Molinos propositionem (cui nonnulli ex Pseudomysticis adherent) inter cæteras, sub die 28. Augusti MDCLXXXVII. sub numero 16. reprobasse = *Non convenit Indulgentias querere pro poena peccatis propriis debita, quia melius est, Divinæ Justitiæ satisfacere, quam Divinam Misericordiam querere; quoniam illud ex puro Dei amore procedit, & istud ex amore nostri interessato: nec est rei Deo grata & meritoria, quia est velite crucem fugere* = Quæ propositio si vera esset, occludendum foret ostium Divinæ Misericordiæ pluribus Sacræ Scripturæ oraculis nobis repromissæ Justitiæ rigor ultra Dei voluntatem in hominum desperationem esset ampliandus: oporteret plurima Conciliorum Decreta penitus eliminare, atque cunctas Literas Apostolicas Indulgentiarum abrogare; quod profecto si dicatur, nihil est Lutheri ejusque Affectuum menti accommodatius, nihilque sensui Ecclesiæ ac Theologorum magis difform. Indulgentias siquidem non curare, vellesque propriis operibus poenalibus de condigno pro poenarum reatu satisfacere, potest fortasse non leve presumptionis indicium ingerere: e converso, mediis Christi Sanctorumque superabundantibus satisfactionibus Dei Justitiam compensare, atque misericordiam expetere & implorare, præclarum est humilitatis testimonium, quæ virtus spiritualis nostri ædificii fundamentum dicitur, monente D. Augustino *Serm.* 10. *de Verbis Domini* = *Cogitas magnam fabricam construere celsitudinis, de fundamento prius cogita humilitatis: & quantum quisque vult, & disponit superimponere molem ædificii, quanto erit majus ædificium, tanto altius fodit fundamentum. Et fabrica quidem, cum construitur in superna conjungit qui autem fodit fundamentum ad ima deprimitur. Ergo & fabrica ante celsitudinem humiliatur, & fastigium post humiliationem erigitur* = Et quantum

In-

Indulgentiarum usus nostram utilitatem proxime respiceret, supernaturale tamen, charitatis meritum non adimeret: quia. Indulgentiarum beneficium regulariter Fidelibus non impenditur, nisi dependenter ab exercitio piorum operum, quæ si ex charitate sunt, obtinent sine tunc gratiæ, tum æternæ Beatitudinis augmentum.

Obijcies 1.^o Perfectis viris consonum est ad acquirendam peccatorum remissionem quantum ad poenam Deo solvendam, exercitia mortificationum eligere: imperfectorum vero conditio & proprietas est, ab illis declinare. Qui autem Indulgentiis comparandis vacanti, sese a subeunda cruce mortificationis avertunt, Christique exemplum imitari detestant, qui, ut monet D. Petrus. Epist. 1. cap. 2. v. 21. = *Passus est pro nobis, vobis relinquens exemplum, ut sequamini vestigia ejus* = Porro ea, quæ imperfectorum propria sunt, viris in claritate perfectis convenire non debent. Ergo Indulgentiarum usus officit perfectioni charitatis.

Resp. duplici modo nos posse operam dare Indulgentiis. Primo, ita studium & curam in illis constituentes, ut cætera bonorum operum officia positive excludamus, quibus possumus eradicare vitia, & plantare virtutes. Secundo, si animum ita intendamus Indulgentiis acquirendis, ut quantum est ex earum usu, non excludamus media, quæ positive ad intentam perfectionem conducunt; in quo sensu præsens dubium examini committimus. Primus modus proprius non est perfectorum, sed imperfectorum, illi enim in hoc potius ab istis differunt, quod propter Indulgentias facilius poenitentiales satisfactiones ut solutivas poenarum temporalium amplectuntur = *Quoniam enim fortasse aliqui (ut dicit Suarez n. 3.) ea occasione, satisfactiones aliquas, vel poenitentiae opera pro peccatis suis facere omittant, id tamen est per accidens; & ego opinor, spirituales viri, dum Indulgentias lucrantur, potius in se magis excitantur, & promtiores redduntur ad poenitentiae opera.*

Obijcies 2.^o Christifideles ad acquirendas Indulgentias excitari, provenit ex amore sui seu Beatitudinis concupitæ, tanquam boni proprii amantis. Hic autem amor perfectioni charitatis opponitur: &

ideo Apostolus 2.^o ad Timotheum. cap. 3. v. 2. perditæ gentis conditionem prædicens, inquit = *Hoc autem scitote, quod in novissimis diebus instabunt tempora periculosa, erunt homines seipso amantes cupidi &c.* Ideoque Angelicus Præceptor in expositione loci prælaudati ex Apostolo 1.^o leff. 1., inquit = *Cupiditas primo ponitur, quia est radix omnium malorum* = Ergo cum nihil magis perfectioni charitatis opponatur, quam amor proprius, dicendum est, ex amore sui seu Beatitudinis concupitæ, Indulgentiis acquirendis vacare, consonum non esse perfectioni charitatis.

Resp. dupliciter amari posse bonum proprium. Primo, tanquam id in quo diligens quiescit, quo modo respicitur, ut finis ultimus diligentiis, ac per consequens ut finis ultimus etiam Dei amati, qui ut medium ad ejusmodi finem ordinatur. Secundo, ut bonum quo quiescit, & hoc pacto non se habet ut finis amati, sed potius amoris. Primo modo cum amore sui perfectio charitatis non stat: & de hoc quæ loquitur Apostolus loco citato: nec ex hæc ejusmodi amore Indulgentiæ comparantur; amor enim hic *edificat Civitatem Babylonis*, ut verbis utar Augustini in lib. 14. de Civit. Dei cap. 28. *faciens amorem sui usque ad contemptum Dei*. Aliter dici debet de alio amore boni proprii seu Beatitudinis, etiamsi aliquid concupiscentiæ involvat; in eo quippe amans non ultimate quiescit, hunc enim amorem cæteraque omnia per charitatem, *quæ Dei Civitatem edificat usque ad contemptum sui*, in Deum summe & super omnia dilectum actualiter refert. Igitur sicut hic amor supernæ Beatitudinis non adversatur, imo coheret perfectioni charitatis, ita ex eo querere Indulgentiarum utilitatem.

Quæres. An magis perfectioni charitatis consonum sit, velle in Purgatorio poenas luere, quam potius in statu vitæ præsentis mediis Indulgentiis Divinam Justitiam compensare?

Sotus in 4. dist. 21. qu. 1. art. 1. inspecto præcise Purgatorio quantum ad acerbitatem poenæ sensus, melius esse arbitratum, illud eligere, quam in præsentī vitæ per Indulgentias velle Divinam Justitiam compensare: secus vero si Purgatorio quantum ad poenam damni, seu privationem

beatificæ Visionis consideretur = *Si in pœnis*, inquit, Purgatorii solum pœnam sensus contemplaremur, profecto ingentis excellentisquæ esset pœnitentia indicium, velle crucis illas pro Deo perpeti, quas quis meruit. *Si tamen consideretur pœna damni, quæ est a Divino conspectu retardari, multo majoris dilectionis signum est, velle hominem ab illo carcere brevissime dissolvi, & esse cum Christo.*

Nos vero respondemus: perfectioni charitatis magis congruere, velle hic mediis Indulgentiis Divinam compensare Justitiam, quam in Purgatorio pœnam luere. Quinquam enim verum sit, magis esse conforme perfectioni charitatis, ceteris paribus, velle in hac vita per opera pœnalia Deo satisfacere ad pœnæ temporalis expiationem, quam lucrari Indulgentias, propter majus augmentum meriti vitæ æternæ, satisfaciendi dicto modo correspondens, quam querenti Indulgentiarum subsidium; ut docet D. Thomas in 4. dist. 20. qn. 1. artic. 2. questione 2. his verbis = *Dicendum, quod quavis istæ Indulgentiæ multum valeant ad remissionem pœnæ,*

tamen alia opera satisfactoria sunt magis meritoria, respectu præmiis essentialis, quod in infinitum majus est, quam dimissio pœnæ temporalis = Non tamen velle satisfati in Purgatorio, sive alterutra sive utraque pœna; deiceret enim ibi expleto statu vitæ tum pabulum, tum meritum charitatis, tum etiam cum Christo conformitas: nec aliquid in proximi utilitatem ex ea tolerata pœnarum acerbitate redundaret. Magis ergo est charitati consonum, eligere in præsentī vita Deo per Indulgentias velle solvere pœnas temporales, quam pœnas luere in Purgatorio.

Hinc corrui id quod ait Passerinus Qu. 124. Soto subscribens = *Sotus consideravit solum excessum acerbissimæ pœnæ: & bene dixit, quod hoc solo spectato, majoris charitatis est, velle satisfacere per pœnas illas acerbissimas Purgatorii, quam solvendo per Indulgentias* = Corruit, inquam, quia pœnas in Purgatorio tolerare, est satisfati pro debito pœnæ temporalis, non vero satisfacere; cum ex dictis Cap. 1. art. 2. constet, ad satisfaciendum statum vitæ necessario desiderari.



C A P U T X.

DE OPERIBUS AD ACQUIRENDAS INDULGENTIAS INJUNCTIS IN COMMUNI

CUM juxta morem Sedis Apostolicæ ii, quibus Indulgentiæ conceduntur, piis quibusdam operibus onerentur, de illis in communis agemus in hoc Capite, inquirentes 1.º An in concessione Indulgentiarum necessario debeat injungi opus pium: & an earum concessio fieri queat pro opere mere interno? 2.º An ignorantia vel impossibilitas exequendi opus injunctum obstat Indulgentiarum assecutioni? 3.º An opus injunctum possit per alium impleri? 4.º An per actum venialiter peccaminosum ratione circumstantiæ impleatur obligatio de operibus injunctis? 5.º Qua intentione fieri debeant opera injuncta ad acquirendas Indulgentias? 6.º An per opera alias præcepta satisfieri queat obligationi de operibus injunctis? 7.º An uno eodemque opere possint plures Indulgentiæ simul comparari? 8.º An quis sæpius opus injunctum peragens, possit pluries eandem Indulgentiam obtinere?

ARTICULUS I.

An in Concessione Indulgentiarum necessario debeat injungi opus pium: & an earum concessio fieri queat pro opere mere interno?

Conclusio 1.ª Non est absolute & per se de necessitate Indulgentiarum, ut concedantur sub conditione operis pii ad earum effectum obtinendum. Ita Suarius *Disput. 52. sect. 4. nu. 3.* Passerinus *qu. 29. num. 249.*

Prob. Si per se & absolute necessario exigeretur opus pium pro Indulgentiis concedendis, vel hoc esset ex parte causæ, vel ex parte effectus earundem. Neutrum autem hanc evincit necessitatem.

Non primum; potest enim justa causa in hujusmodi concessionibus intervenire citra onus operis pii: vel ut animi moerore tabescentes erigantur in spem obtinendi salutem, ut se gessit Apostolus cum Fornicario Corinthio, ne scilicet abundantiori tristitia absorberetur: vel per modum cujusdam liberalis donationis; unde nihil est in urbe familiarius, quam quod Indulgentiæ dentur pro mortis articulo: & in Sacello Pontificio finita concione aut Missa: vel ad preces personarumque dignitate aut aliquo præclaro munere decorantur; & ideo supplicantibus Confessoribus Christi, superioribus Sæculis, poenitentiz canonicæ relaxatione Lapsos donarunt Episcopi. Non secundum, relaxatio siquidem temporalis poenæ per se aliam in Christi fidelibus dispositionem non exigit præter remissionem culpæ lethaliæ, gratiæ sanctificantis virtute comparatam. Ergo per se & absolute necessario non exigitur opus pium pro Indulgentiis concedendis, neque ex parte causæ neque ex parte effectus earundem.

Dices. Quare ergo in Summorum Pontificum Indulgentiarum concessionibus piotum operum passim indicitur obligatio, si ejusmodi conditio per se & absolute non poscitur?

Resp. quod quantumvis absolute verum sit, non connecti necessario applicationem & dispensationem Thesauri meritorum, Christi & Sanctorum cum piis operibus, finis tamen intentus in hujusmodi dispensationibus regulariter, aut ex se sufficiens non est, aut nequit obtineri, quin opus aliquod pium causam, justam atque proportionatam constituat. Hinc ergo oritur, quod ut in plurimum non fiant ex Thesauri meritorum Christi & Sanctorum Indulgentiarum concessionibus sine operibus injunctis, quibus magis earum valori & Christi fidelium utilitati consulitur. Rem illustrat Suarius *loco citato num. 5.º = Dicendum est*, inquit, *injunctionem alicui*

jus pii operis interdum esse necessarium, ut Indulgentia concedi valeat, nimirum quando causa Indulgentiæ talis est, ut sine intervenitu talis operis, vel non sit sufficiens, vel non possit convenienter ad finem Indulgentiæ applicari. Declaratur, supponendo requiri ad Indulgentiam ex parte finis aliquam piam causam proportionatam, ut infra dicemus. Hæc ergo causa aliquando supponitur in re jam existens; tamen sæpe contingere potest, ut causa, quæ supponitur, per se non sufficiat, ut Indulgentia simpliciter concedatur, satis sit autem, ut deatur sub conditione talis vel talis operis. Sicut causa, quæ interdum offertur ad dispensandum in voto, aliquando potest esse insufficiens ad absolutam dispensationem, sufficere autem ad tollendum votum sub tali vel tali onere. Sic ergo dicimus injungere aliquod opus pium, interdum esse posse necessarium, quia sine illo causa Indulgentiæ non esset sufficiens. Aliquando vero contingit finem Indulgentiæ pendere in futurum, ut quando conceditur Indulgentia ad obtinendum a Deo aliquod beneficium: & tunc sæpe semper est necessarium aliquod pium opus, ut tali Indulgentia possit ad hujusmodi finem applicari; non enim potest Indulgentia esse utilis ad impetrandum a Deo tale beneficium, nisi ipsi Fideles ratione Indulgentiæ aliquam orationem fundant, vel aliquod pium opus faciant, quo Deum excitent ad id prestandum. Unde quia frequentius conceduntur Indulgentiæ propter hujusmodi fines: & quia etiam hic modus concedendi Indulgentiam, exigendo aliquod pium opus, securior est, & Fidelibus utilis, ideo regulariter a Pontificibus observatur.

Conclusio 2.^a Pro actu pio mere interno potest concedi Indulgentia. Ita Passerinus qu. 30. num. 251.

Prob. 1.^o Actus pius quanquam mere internus sit, tamen ad Dei honorem & Ecclesiæ utilitatem conducit; est enim, actus virtutis, qui proinde ad Indulgentiarum concessionem requisitus posset causam piam & justam vel complere vel constituere. Ergo pro actu pio mere interno potest fieri Indulgentiæ concessio.

Prob. 2.^o Ex praxi Sedis Apostolicæ,

tum Indulgentias elargiendi piorum virorum Congregationibus certo temporis intervallo singulis diebus mentalis orationis exercitio vacantibus: tum donandi Plenaria Christifideles in mortis articulo constitutos, Sanctissimum Jesu nomen saltem corde invocantes, si illud ore non possent exprimere. Ergo pro actu mere interno potest concedi Indulgentia.

Objicies 1.^o Ecclesia nequit de actibus mere internis certum proferre judicium. Ergo non potest eos tanquam conditiones ad Indulgentias requisitas injungere; alias limites propriæ jurisdictionis excederet. Quod adeo verum est, ut quantumvis nonnulli Doctores asserant, Ecclesiam ad opus internum eliciendum posse obligare, quando cum exteriori connectitur: ac propugnent per consequens, posse Ecclesiam internam attentionem ad Divini officii pensum devote persolvendum saltem indirecte precipere, non tamen docent, posse illud citra talem connexionem injungere. Cum ergo concessionem Indulgentiarum, sint actus Ecclesiasticæ jurisdictionis, non poterunt fieri pro actibus piis mere internis.

Resp. (quidquid sit de potestate Ecclesiæ super actus mere internos,) non esse extra spheram jurisdictionis Ecclesiasticæ se extendere ad hoc, ut determinet condiciones internas pro obtinendo effectu mere interno, quæ etsi humanam lateant cognitionem, non tamen Deum intime cordium secreta penetrantem. Itaque, Summus Pontifex Indulgentias concedens pro actibus mere internis, condiciones determinat ad earum fructum percipiendum requisitas; & sicut potest Indulgentias elargiri citra quodlibet opus injectum, si aliunde a causa pia & justa moveatur, ita condiciones actuum interiorum exigere, quin ei opus sit de illis judicare; satis enim est, id a Deo cognosci, a quo actus hujusmodi non implentibus Indulgentiæ effectus minime communicatur.

Objicies 1.^o Perspicuum est, ex quo Sacramentum sit signum sensibile rei sacræ sanctificantis animam, actiones Sacramentales externas atque sensibiles exposcere, ipsum integraliter constituentes. Cum ergo concessionem Indulgentiarum Sacramentalis assimilentur, quatenus Pœnitentiæ Sacramentalis quodammodo in aliud pium opus com-

commutatur, hoc debet esse externum atque sensibile.

Resp. quod inspecta natura Sacramenti, etiam ab aliquo interno cognoscitur dependere; idque potest in Pœnitentiæ Sacramento declarari, quod pendet ab animi dolore sive contritionis sive attritionis supernaturalis. Hoc tamen inter Sacramenta & Indulgentias versatur delictum, quod illa sunt signa effectuum quos causant, Indulgentiæ vero rationem signorum non obtinent; imo etsi prout ab Ecclesiæ Prælati conceduntur, sint actiones sensibiles, nihilominus prout se tenent ex parte Christiani, qui de earum fructu participant, sunt potius passionis, in condonatione reatus poenæ temporalis consistentes; ideoque possunt Ecclesiæ Prælati pro earum concessione sive actus externos, sive mere internos postulare.

ARTICULUS II.

An ignorantia vel impotentia exequendi opus injunctum obstat Indulgentiarum affecutioni?

DUOBUS modis pia opera in Indulgentiarum concessionibus possunt Summi Pontifices Christianis commendare. Primo mere adhortando, ut se gessit Gregorius XIII., Plenariam remissionem in forma Jubilæi despondens Fidelibus pro felici successu belli Flandrici ad Fidei Catholicæ exaltationem suscepti, eos monens, ut publicis interessent supplicationibus; quod non raro hujusmodi aliisque causis occurrentibus Summi Pontifices præstiterunt. Tunc autem ea opera exequi non est necesse ad effectum acquirendi Indulgentias; lex enim consilii non est obligatoria. Secundo ad quædam opera obligando, sub conditione Indulgentiæ obtinendæ, quæ proprie opera injuncta dicuntur.

Conclusio. Omissio operis injuncti ex ignorantia vel impotentia illud exequendi obstat Indulgentiæ affecutioni. Ita, D. Bonaventura in 4. *dist.* 20. *part.* 2. *q.* 4. Palau in *Traict.* 24. *disp.* unica *puncto* 9. nu. 1. Passerinus *q.* 33. *n.* 267. aliique communiter.

Prob. 1.^o Autoritate D. Thomæ, qui *Quodlibeto* 2. *artic.* 16. inquit = *Dicendum quod si secundum formam Papalis Litteræ Indulgentia concedatur accipientibus crucem in subsidium Terræ Sanctæ, Crucisignatus statim habet Indulgentiam, etiamsi decedat, ante quam iter arripiat, quia sit causa Indulgentiæ erit non iter, sed votum itineris. Si autem in forma Litteræ contineatur, quod Indulgentia detur his, qui transferint ultra mare, ille, qui decedit antequam transeat, non habet Indulgentiam, quia non habet Indulgentiæ causam* = Ergo omittens vel ex ignorantia vel ex impotentia opus injunctum, juxta mentem Angelici Præceptoris, non habet Indulgentiæ causam; ac per consequens hujusmodi omissio obstat Indulgentiæ affecutioni.

Prob. 2.^o Quum Indulgentia pia exercitia peragentibus conceditur, spirituale beneficium promittitur sub conditione operis onerosi. Quod autem cadit hoc modo sub promittentis concessione, eo non impleto obtineri non potest, itaut concessio habeatur pro non facta *L. pecuniam ff. si cert. pietr. l. necessario §. quod si pendere ff. de peris. & com. rel vend.* Ergo omissio operis injuncti vel ex ignorantia vel impotentia obstat Indulgentiæ affecutioni.

Prob. 3.^o Quod Indulgentiæ valent etiam iis, qui opera injuncta non perficerent vel ex impotentia vel ex ignorantia, vel alias, deberet colligi ex intentione eas concedentium; si enim de hujusmodi voluntate non constaret, corrueret profecto fundamentum asserendi, in his eventibus percipi fructum Indulgentiarum. Illam, vero intentionem non habere Summi Pontifices Thesaurum meritum Christi & Sanctorum dispensantes, perspicue colligitur ex eo, quod volentes Indulgentias illis prodere, qui nequeunt injuncta jejunia, aut præscriptas Ecclesiarum visitationes adimplere, declarant, se tribuere facultatem Confessariis alia pia opera determinandi; ut observatur in Jubilæis. Quod sane superfluum foret, imo nonnullis personis valde onerosum foret, imo nonnullis personis constaret excipiendi ab implendis hujusmodi oneribus ignorantia laborantes, aut ex alia causa impotentes. Ergo ex intentione concedentium Indulgentias non colligitur, eas

eas prodesse Fidelibus, qui vel ex ignorantia vel impotentia nequeunt implere opera injuncta.

Obijcies 1.^o Non videtur quis poenae privationis fructus Indulgentiarum mutandus ob non impletum opus injunctum ex inadvertentia aut ignorantia; id enim quod culpa caret, in damnum vocari non convenit: nec oppositum de Summis Pontificibus est praesumendum. Omnis ergo operis injuncti, dummodo sit ex ignorantia vel impotentia, non obstat Indulgentiae affectuioni.

Resp. falsum esse, non affectuonem Indulgentiae in eo eventu habere rationem poenae: tum quia nulla praesupponeretur culpa: tum quia nulla daretur privatio fructus earum, cum nullum daretur debitum illum percipiendi.

Obijcies 2.^o Conditio habetur pro completa, quando per aliquem non stat, quod impleatur *l. Jure Civili ff. de Conditionib. & demonstration. l. Nepos 14. Pro dolor 125. in fine ff. de Verbor. signif.* quare servus sub conditione libertate donatus, eam assequitur, quando per eum non stetit adimpletio conditionis ad id requisitae. Itaque si quis ex oblivione, aut ignorantia invicibili non potuit opus ad Indulgentias acquirendas praescriptum peragere, adhuc earum fructum perciperet. Maxime quia tanquam Axioma receptum est committere hoc proloquium: voluntas tam apud Deum, quam apud homines pro facto computatur. Ubi ergo adest voluntas lucrandi Indulgentiam, quantumvis opus injunctum ex ignorantia aut impotentia, minime periciatur, adhuc ejus fructus obtineretur.

Resp. conditionem haberi pro impleta juxta leges mox praedatas, quando conditio utcumque requiritur: secus vero appositae ut meritum aut quasi meritum in ordine ad praemium obtinendum; etenim tunc se habet per modum conventionis, in qua non solum animus, sed etiam executio operis attenditur, qua conditione non purificata, ex quacunque causa impedimentum confurgat, perinde se habet, ac si conventio minime facta fuisset. *l. Pecuniam ff. si cerite petas*. Idque potissimum locum habet in mixtis & casualibus conditionibus *l. in Testament. 2. de Conditionibus*. Certum autem est, non aliter

quam per modum conventionis & meriti aut quasi meriti requiri opus injunctum ad Indulgentias comparandas. Neque huic nostrae doctrinae allatum Axioma adversatur: etenim illud verum est, quando tota ratio meriti, totusque valor unice in actu voluntatis consistit, secus quantum ad beneficia oblata a Principe sub conditione operis onerosi; quamobrem licet coram Deo quantum ad praemium essentiale, perinde ac factum, voluntas illud peragendi, acceptetur, non tamen quantum ad accidentale = *Neque in beneficiis Principis voluntatis & sic conditionis & modificatis* (inquit Lavorius *par. 1. cap. 21.*) *voluntas reputatur pro facto; voluntas enim coram Deo pro facto reputatur quoad essentiale praemium, quoad accidentalia praemia seu beneficia secus, etiam quoad homines.*

Obijcies 3.^o Ubi alicujus requisiti defectus Sacramenti Baptismatis receptionem impediret, votum satis esset ad participandum primum ejus effectum, nempe gratiam sanctificantem; ut habetur *Cap. Debitum de Baptismo*; ubi legitur, Judaeum quendam, qui seipsum in mortis articulo constitutum baptizaverat, ad celestem Beatitudinem evolasse, non quia Sacramentum illud rite suscepisset (cum nemo sibi illud valide possit ministrare) sed propter votum suscipiendi Baptisma. Votum ergo recipiendi Indulgentiam adjunctum impotentiae peragendi opus praescriptum, sufficit ad ejus fructum consequendum.

Resp. votum recipiendi Sacramentum Baptismatis secundum se consideratum non inducere effectum, qui tribueretur illud in re suscipientibus: idque confirmare votum recipiendi Indulgentiam, etiam adjunctum impotentiae exequendi opus praescriptum non sufficere ad ejus fructum recipiendum. Diximus: *Votum recipiendi Sacramentum Baptismatis secundum se consideratum*, quia si haberet annexum actum contritionis vel charitatis cujusvis peccati lethalis, gratiae sanctificantis statum induceret. Et in hoc sensu dicit Innocentius III. in laudato Capite = *Si talis* (nempe Judaeus, qui votum illud & cordis contritionem de peccatis conceperat) *continuo decessisset, ad celestem Patriam protinus evolasset* = hujusmodi enim actus

actus metaphysicam impossibilitatem, dicit cum sit ut peccati, adeoque culpam lethaliū remissionem asserret.

Obijcies 4.^o Est satis commune ac vulgare proloquium: *Ad impossibile nemo tenetur*; & ideo quoniam quis impotens est absolute ratione vel infirmitatis, vel alterius impedimenti supervenientis ad opus in Sacramentali Confessione pro satisfactione præceptum, non manet ad illud obligatus durante impotentia, quantumvis Sacramenti effectū minime fraudaretur. A pari ergo supposita impotentia ad opus injunctum in concessionibus Indulgentiarum, adhuc poterit Christianifidelis de illis participare. Et de facto recurrente anno Jubilæi, si quis pro acquirenda Indulgentia Plenaria cum aliis favoribus adjectis, post iter Romam versus susceptum, ea omnia opera, quæ in Jubilæo injungi consueverunt, perficere non posset, impedimentum ex eo non oriretur ad assequendum id, quod in tam ampla Sedis Apostolicæ concessionem confertur.

Resp. admittendo, impotentem ad opus ab ejus obligatione excusari, quatenus nec culpam contraheret, nec poenam promereretur; ex hoc tamen inferri non potest, præmium sub certa conditione propositum assecuturum illum, qui injunctum onus non subiret. Nec exemplum de satisfactione Sacramentali probat oppositum; fructus enim Sacramenti Poenitentiae prævi ad eam communicatur, nec à dicta satisfactione tanquam a conditione necessario & indispensabiliter observanda dependet. Quod de anno Jubilæi profertur, verum est, quia expresse Summi Pontifices declarant, iter Romanum aggressos, impeditos tamen justis ex causis a visitatione Ecclesiarum præscripta, ab illius Indulgentiæ participatione nequaquam arcere; ut habetur ex sequenti forma in Bullis Jubilæi apponi consueta = *Quoniam evenire potest, ut ex illis, qui hac de causa iter aggressi fuerint, vel ad Urbem se contulerint, aliqui in via, aut etiam in ipsa Urbe, morbo, vel alia legitima causa impediti, aut morte præventi, præfinito dierum numero non completo, ac ne quidem fortasse inchoato, præmissa exequi, ac Ecclesias & Basilicas hujusmodi obire nequeant. Nos pie prompteque illorum voluntati,*

quantum in Domino possumus, benigne favere cupientes, eisdem vere penitentes & confessos, prædictæ Indulgentiæ & remissionis participari perinde fieri volumus, ac si Ecclesias & Basilicas prædictas diebus à Nobis præscriptis reipsa visitassent.

Colliges 1.^o ex dictis, non acquiri Indulgentiæ fructum omni parte notabili operis; forma enim, sub qua Indulgentia conceditur, est indivisibilis, sicut est de genere indivisibilium conditio: ita ut scindi nequeat, sed absolute & simpliciter impleri debet *L. cui ff. de conditionib.* Verum si ex concedentis intentione deprehenderetur divisibilitas, ut contingit in Urbani IV. concessionem pro recitantibus Divinum Officium in Octava Festi Corporis Christi, aliter foret asserendum, quia tunc sicut tota Indulgentia toti operi, ita pars parti ejusdem corresponderet.

Colliges 2.^o omnitement partem minimam operis injuncti, puta, unam vel alteram Salutationem Angelicam in Recitatione Rosarii B. V. Mariæ ex inadvertentia aut impotentia totum illud explendi, Indulgentiam percipere, quia parum pro nihilo reputatur.

Dices. Omisssa forma legis, actus corrumpitur: ea quippe non impleta, tota res mutatur, & censetur abrogata, *per L. Jul. 9. §. si quis rem ff. ad exhibendum & l. scia de Auro.* Quod intelligitur etiam, ubi forma non servatur in minimis juxta Tiraquellum de *Retractat. Convent. §. 4. gloss. 6. num. 31.*

Resp. quidquid sit de Regulis allegatis ad forum contentiosum spectantibus, eisque etiam admisis citra ullam limitationem in foro spirituali, & respectu remissionis poenæ temporalis Deo debitæ pro peccatis, adhuc in casu nostro nihil obstarat dictæ Indulgentiarum assecutioni: quia verum esset absolute & simpliciter operis injuncti conditionem impleri; dictat quidem ratio naturalis, quod minimum sit pro nihilo habendum. Insuper aliud est, aliquid esse de integritate substantiæ, aliud de forma essentiali operis. Ob defectum partis minimæ, puta, unius Salutationis Angelicæ respectu Rosarii, nihil ad illius formam spectans deficeret, quæ sita esse videtur in meditatione Mysteriorum Christi & B. V. Mariæ.

Hic tamen adverte, minimam partem esse talem non secundum se acceptam, sed comparative ad totum opus injunctum; omisso enim unius vel alterius Salutationis Angelicæ, quam diximus non impedire assecutionem Indulgentiæ integrum Rosarium recitantibus concessæ, oblatet, si ea Indulgentia fieret pro recitantibus ter eandem Salutationem Angelicam, quia quantum in se quid minimum esset, comparative tamen ad totum illud opus foret pars notabilis.

ARTICULUS III.

An Opus Injunctum in Indulgentiarum Concessione possit per alium impleri?

SI Indulgentiæ forma ita exprimeretur, ut opus injunctum adimplens posset vel ille, vel alter pro quo illud peragitur, Indulgentiæ fructum obtinere, ut in quibusdam antiquis concessionibus declarabatur, tunc citra dubium posset quis Indulgentiam per opus injunctum ab alio impletum lucrari, seu posset opus pro alio perficere, ut ille immediate Indulgentiam compararet. Non tamen verum esset, impletum opus injunctum posse operari pro alio ad lucrandam illi Indulgentiam, id est, ipsum operantem illam lucrari non sibi, sed alteri = *Si fieret sic Indulgentia* (inquit D. Thomas *dist. 20. quest. 1. artic. 5. quest. iunc. 3.*) *ille qui facit, vel pro quo hoc facit, habeat tantam Indulgentiam, valeret et pro quo fit: nec tunc ille, qui facit opus, daret alteri Indulgentiam, sed ille, qui Indulgentiam sub tali forma facit* = Aliud enim est, ut bene advertit Suarius *disput. 52. sect. 7. num. 6.* facere opus loco alterius, ut ille immediate Indulgentiæ fructum percipiat, aliud vero operantem Indulgentiæ fructum lucrari non sibi sed alteri.

Hinc colliges, falsum esse quod asserit Eusebius Amort. in *tract. de Orig. & progr. Indulg. in Question. & Resolutionib. practic. quest. 38.* ita sentiens, neminem alteri Indulgentiam vivorum posse applicare, ut ab hac regula antiquarum Expeditionum Indulgentias excipiat. Quantum enim Indulgentiarum forma in anti-

quis Sacris Expeditionibus adhibita eos, qui usque ab bellum Sacrum proficiscerentur, vel eo milites propriis sumptibus alendos destinarent, complecteretur, alienum tamen erat a mente Summorum Pontificum milites alienis sumptibus ad bellum Sacrum missos Indulgentiam Plenariam promittentibus lucrari, cum utrique opus Pontificia Lege præscriptum vel proficiscendi, vel mittendi militem implerent, ac per consequens immediate Indulgentiæ Plenariæ beneficium obtinerent.

Dubium itaque in hoc Articulo exanimè committitur, quum formula, quæ nunc communiter usu recepta est, usurpatur = *Qui hoc vel illud opus fecerit, tantam Indulgentiam lucrabitur.*

Conclusio. Quærentes Indulgentiarum fructum percipere tenentur opus in earum concessionibus injunctum per se ipsos implere. Hanc Conclusionem defendunt Suarius in *Tom. 4. disp. 52. sect. 7.* Henriquez *lib. 7. cap. 10. num. 5.* Rodriq. in *Bulla Cruc. §. 8. num. 14.* Arnilla verbo *Indulgentia num. 19.* relati a Passerino *qu. 32. num. 258.* alique Doctores communiter.

Prob. In concessionibus Indulgentiarum præscribitur opus personaliter implendum; hoc enim indicant ea verba vel similia, quæ in Literis Apostolicis solent apponi = *Devote oraverint: Sacramenta susceperint: Ecclesiam devote visitaverint: Processioni interfuerint.* Porro opus ut personaliter implendum nequit fieri per alium, alias non purificaretur conditio juxta formam a concedente Indulgentias præscriptam. Ergo quærentes Indulgentiarum fructum percipere, obligantur per se ipsos opus injunctum implere.

Obijcies. Cappellanus, aut Rector Beneficii non agit contra obligationem in Cappellanæ autoritate Episcopi erectæ: aut in Beneficii fundatione impositam, celebrandi Sacrum, si ad hoc munus obeundum alium substitueret Sacerdotem: ut docent communiter Pontificii Juris interpretes, consonè ad responsionem Sacre Congregationis Concilii *ad cap. 6. de Reformat. sess. 25.* apud Garziam *p. 7. de Beneficiis cap. p. num. 87.* quæ anno 1572. in Parmensi censuit = *Episcopum non posse cogere obtinentem Cappellaniam, ut ipsam celebret, licet in ejus fundatione dis-*

disponatur, quod Rectores Beneficii celebrant: nam ipsi oneribus Missarum recte per substitutum sustinent. = Ergo percepturus Indulgentiam faceret id, quod in eorum concessione injungitur, si opus præscriptum per alium impleret.

Resp. institutionem hujusmodi Cappellaniz esse Beneficium simplex, adeoque onus celebrandi Missæ Sacrificium in illius fundatione injectum posse per se aut per alium impleri: nisi aliunde de personali obligatione constaret; Cappellanus enim inspicitur tanquam minister ad offerendum Missæ Suffragium, æque percipiendum vel a viventibus, vel a Defunctis, sive ab ipso, sive ab alio celebretur; quo circa non tam intenditur ab institutore Cappellaniz minister eligendus, quin potius Missæ celebrandæ Suffragium: proindeque alterius Sacerdotis institutio ad id exhibendum prædictæ obligationi minime opponeretur. In concessione vero Indulgentiarum, dicimus, non intendi opus secundum se, sed prout ponendum ab eo, qui ejus effectu exoptat gaudere; alias minime impleteretur juxta formam in Literis Apostolicis a Summis Pontificibus Indulgentias concedentibus præscriptam.

Pro hujus Articuli coronide observa, in sententia P. Andreæ Mohor Ordinis S. Francisci, quæ exponitur in libro inscripto: *Portiuncula Theologica*: Conclusionem, propositam nequaquam Indulgentiam Assisii *Portiuncula* nuncupatam comprehendere, cum ibi Doctor laudatus asserat, prædictam Indulgentiam per opus injectum ab alio impletum posse obtineri: & pro fundamento praxim Christianidelium eam Ecclesiam visitantium adducens, inquit, = *Sacrista Assisensis nonnunquam octo, novem, & decem millia testimoniorum impressorum tradit illi, qui a viris Principibus, atque aliis missi fuerunt ad illud Templum, ut eam Indulgentiam iurifacerent non sibi, sed illis, a quibus ablegati fuerant, appropriandam =* Mallem tamen ad illius sententiæ patrocinium efficacius argumentum afferri, quod sane non ex vulgi opinione constituitur, sed ex Pontificiis Diplomatum aperitur.

* ARTICULUS IV.

An per Opus venialiter peccaminosum ratione circumstantiæ impleatur obligatio de opere injecto?

Opus injectum cum sit ac dicatur quodcunque prærequisitum ab Ecclesiæ Prælatiis pro acquirendis Indulgentiis, potest quandoque bonitatem, aut malitiam a circumstantiis fortiri. Circumstantiæ autem sunt in duplici differentia: aliæ quæ extrinsecæ & mere concomitanter se habent ad actum; & istæ non reddunt opus injectum venialiter peccaminosum, nec fructum Indulgentiarum impediunt, ut dictum est *Cap. 8. Art. 2.*: aliæ vero sunt accidentiæ seu conditiones ita extra illius essentiam, ut tamen quodammodo illud intrinsecæ tangant & afficiant, ac importent ordinem convenientiæ ad rationem; quia sicut in ordine entitativo quælibet substantia creata præter perfectionem essentiali a forma communicatam & esse substantiale, aliam obtinet ex propriis accidentibus, ita in ordine morali actus, seu opus humanum præter bonitatem, vel malitiam essentiali ab objecto desumptam, aliam habere potest accidentalem a circumstantiis illud intrinsecæ afficientibus participatam: & hoc dupliciter. Primo ex voluntario perfecto, quum videlicet advertitur opus propter talem circumstantiam malum esse, & tamen voluntas ab ejus exercitio minime retrahitur. Secundo ex voluntario imperfecto, quando exercetur opus non advertendo ad malitiam circumstantiæ.

Per actum seu opus venialiter malum satisfieri obligationi de opere injecto, propugnat Suarius *Disp. 52. sect. 6. num. 3.* = *Supposita*, inquit, *Potestate concedendi Indulgentias hoc modo, quoties in ipsa concessione nihil declaratur, sed tantum opus ipsum ex suo genere bonum posuitur, ita est interpretanda illa conditio, quia verba ipsa nihil amplius requirunt: & cum concessio favorabilis sit, ample est interpretanda, nec debemus adungere onus, quod Dispensator non explicavit. Neque enim repugnat, tale*

opus fieri intentione sufficiente ad lucrandam indulgentiam, & nihilominus admiseri tali operi circumstantiam aliquam moraliter malam, ut si quis oret animo lucrandi indulgentiam, seu petendi & impetrandi quod Pontifex intendit, & nihilominus irreverentiam aliquam, vel distractionem admittat, ratione cuius, oratio peccaminosa fiat, saltem venialiter. Item si cum intentione illa habeat aliam peccaminosam, ut inanem gloriam & ostentationem, quæ non solum concomitantur se habeat, sed etiam influat in actum, ita ut concomitet illi malitiam; non enim necessario excludit alteram intentionem, & consequenter non impedit, quominus conditio requisita ad Indulgentiam humano modo, & cum sufficiente voluntate impleatur = Idem asserunt Cardinalis de Lugo disp. 27. nu. 84. Palus tract. 24. puncto 9. num. 5. Fillucius tract. 8. cap. 6. alique, quos asserit Passerinus quest. 39. num. 352.

Alii Doctores tamen non adeo latam ingredients viam finem Summi Pontificis Indulgentias concedentis attendunt, quasdam advertunt fieri posse Indulgentiarum largitiones, intuitu percipiendi subsidium temporale, vel ad hostes Christiani nominis conterendos, vel ad ædificanda & reparanda Templâ, ad Cultum Christianæ Religionis Deo exhibendum, vel ad Hospitalia erigenda pro pauperibus alendis & agrotis curandis: quibus acquirendis non obstat, docent, si opus inunctum mala circumstantia vitiatum sit: quasdam vero vel ad placandum Deum nostrorum criminum vindicem, vel ad Principum concordiam, vel Hæresum extirpationem impetrandam, posse ordinari, ad quas comparandas, opera undequaque bona requirunt. Ita Bellarminus Lib. 1.^o de Indulg. cap. 13. Layman lib. 5. tr. 7. cap. 6. num. 4. Ysambert. in Tom. 3. disp. 6. art. 3. quest. 1.

Conclusio 1.^a. Per opus venialiter peccaminosum ratione finis, vel alterius circumstantiæ illud intrinsece efficientis ex voluntario perfecto volitum, non satisficit obligationi de opere inuncto. Ita Passerinus Quest. citata num. 318. & sequentib.

Prob. Opus venialiter peccaminosum ratione circumstantiæ ex voluntario perfecto volitum ex malitia voluntatis exercetur,

atque faciliter potest evitari. Imperceptibile autem est ita operantem dictam obligationem implere, spiritualique Indulgentiarum beneficio donari; hoc enim esset intuitu mali operis absolute, & simpliciter talis, quod faciliter posset evitari, a Summis Pontificibus Dispensatoribus Theauri meritorum Christi & Sanctorum veluti remunerationem accipere. Cum ergo hoc alienum sit a Summarum Pontificum aliorumque Prelatorum mente, dicendum est, per opus ita venialiter peccaminosum ratione finis, vel alterius circumstantiæ intrinsece illud efficientis non satisfieri obligationi de opere inuncto.

Conclusio 2.^a Per opus venialiter peccaminosum ratione dictæ circumstantiæ ex voluntario imperfecto volitum, satisficit obligationi de opere inuncto.

Prob. Opus venialiter peccaminosum ratione circumstantiæ intrinsece illud efficientis, ex voluntario imperfecto volitum, non procedit ex malitia voluntatis & ex proposito, perfectaque deliberatione, sed ex infirmitate, vel naturæ imbecillitate, quæ licet hoc vel illud, non tamen quodcumque, gratiæ auxiliantis viribus communiter collatis, possumus evitare; quamobrem rationi consonum est, si dicamus, illud implendæ obligationi operis inuncti non obstat: quodque ita Summi Pontifices, alique Ecclesiæ Prelati substantiam operis exigant, ut non obligent ad circumstantias prædictas & modos ejusdem = per exclusionem (ut verbis utar Passerini) etiam omnis imperfectionis in agendo, quæ proveniat ex ignorantia vel inconsideratione, vel non attentione leviter culpabili, vel ex circumstantia leviter mala quomodocumque ex imperfecta voluntate, & libertate aut imperfectione.

Obijcies contra primam Conclusionem. Circumstantia mali ex perfecto voluntario volita opus præceptum inficiens, non tollit, quin illud impleatur. Reus enim culpa ob quadragesimale jejunium non impletum non esset reputandus is, qui ita a vitis cibus abstineret, ut jejunio inanis gloriæ finem apponeret. Insuper opus factum cum illa circumstantia venialiter mala Deo placere potest: ideoque præmium ab eo obtinuisse compertum est; habetur enim Exodi 1.^o Deum remunerasse Obste-

tri-

trices Ægyptiacas propter servatos incolu-
mos Hebræorum masculos, quantumvis id
a circumstantia mendacii minime potuisset
excusari. Ergo per opus mala circumstan-
tia vitiatum impletur obligatio operis in-
juncti ad Indulgentias acquirendas.

Resp. per jejunium etiam factum ex fine
inanis gloriæ impleri præceptum, quod est
de actione illa quantum ad substantiam con-
siderata: secus vero obligationem pro
acquirendis Indulgentiis, quæ est de ope-
re virtuoso; quod esse non potest, si ha-
beat malam circumstantiam ex parte finis
directæ volitæ. Ex quo vero Obstetrices
Ægyptiæ præmium aliquod receperint
ob servatos incolumes Hebræorum mas-
culos, non inferitur, opera mala vel ratione
finis vel alterius circumstantiæ intrinsece
actum asscientis, Deo placere; plures enim
& diversis actus in prædictis Mulieribus no-
tandi sunt, timoris Dei: benevolentia
erga populum Judaicum: & mendacii co-
ram Pharaone prolati, ut absconderent ve-
ritatem, quod profecto concomitanter se
habuit ad prædictos actus; ideoque quan-
quam timendo Deum, & amando populum
Judaicum, remunerationem temporalem
obtinerint, non tamen propter menda-
cium, aut propter opus aliis ex objecto bo-
num & ex circumstantia malum = *Obste-
trices* (inquit D. Thomas 2. 2. *quest.* 110.
art. 3. *in solutione ad 2.^m) non sunt re-
munerata pro mendacio, sed pro timo-
re Dei, & benevolentia, ex qua proce-
ssit mendacium: unde signanter dicitur
Exodi 1.^o & quia timuerunt Obstetrices
Deum, edificavit illis domos; menda-
cium vero postea sequens non fuit meri-
torium.*

Dices. Sicut timor Dei aliquam dicit pro-
portionem cum præmio a Deo obtinendo,
esto per concomitantiam peccatum illud
habuerit, ita opus injunctum ex objecto
bonum proportionem dicit cum Indulgentia,
quanvis accidentalem ex circumstan-
tia reciperet malitiam. Ergo quemadmo-
dum præmium fuit Obstetricibus collatum,
propter timorem Dei, quin eidem obstite-
rit malitia mendacii, ita propter opus in-
junctum ex objecto bonum, esto ex cir-
cumstantia accidentaliter malum, potest
Indulgentiæ beneficium obtineri.

Resp. exemplum illud timoris Dei so-
lum evincere, actum venialiter malum,

concomitanter se habentem ad opus fa-
ctum animo acquirendi Indulgentiam, ni-
hil officere, quin Indulgentia comparetur,
non enim tale opus redderet nialum. Cæ-
terum opus mala circumstantia intrinsece
vitiatum esset absolute & simpliciter ma-
lum. Nec verum est, opus illud esse abso-
lute bonum substantialiter in sua linea mo-
rali ratione objecti, malum vero duntaxat
accidentaliter ratione circumstantiæ, quan-
doquidem non attingeretur a voluntate sub
ratione boni, sed sub ratione mali = *Volun-
tas* (inquit D. Thomas in 2. 2. *quest.* 19.
art. 7. *ad 2.*) *non potest dici bona, si
sit intentio mala causa volendi; quoniam
vult dare elemosynam propter inanem
gloriam consequendam, vult id quod de
se est bonum sub ratione mali, & ideo
prout est volitum ab ipso est malum; un-
de voluntas ejus est mala.*

Ex quo colliges, quomodo rejicias, quod
posset objici pro sententia Bellarmini &
aliorum, scilicet: Indulgentias concessas
ob temporale subsidium in Ecclesiæ inflau-
rationem, vel aliam causam piam impen-
dendum comparari, etsi injunctum opus
undequeque bonum non fieret; tale quippe
opus aliqua circumstantia mala intrinsece
afficeretur, nullamque proinde bonitatem
moralem obtineret. Maxime quia Indul-
gentiæ non dantur pro operibus mere ex-
terioribus, sed quatenus sunt virtutum ex-
ercitia; ideoque D. Bonaventura loquens
de Indulgentiis olim pro porrigentibus ma-
nus adjutrices dari consuetis a Summo Pon-
tifici in 4. *dist.* 20 *par.* 2. *quest.* 4. *ad 1.^m*
*Non dat Indulgentiam (inquit) pro elee-
mosyna exteriori, considerans datum,
sed fructum, videlicet quia a radice bo-
næ voluntatis procedit.*

ARTICULUS V.

*Qua intentione fieri debeat opus
injunctum ad acquirendas
Indulgentias?*

Percipi posse Indulgentias sine susci-
pientis intentione, si Summus Pon-
tifex ob causam piam ac rationabilem, quæ
per opus injunctum compleri non indige-
ret, absolute nullaque adjecta conditione
Ecclesiæ Thesaurum meritum Christi &
& San-

& Sanctorum, absolvens Christianos a peccatis temporalibus, dispensaret, asserere non diffitemur; cum enim unus alteri possit suas satisfactiones applicare huius rei penitus inficio, cur id ipsum ex Ecclesie Thesoro præstare non poterit Summus Pontifex, etiam si subditis de dicta applicatione nihil penitus cogitaret? Unde Passerinus qu. 38. nu. 294. = *Non est dubium*, inquit, *quod pœna potest remitti sine actu, & cognitione obligati ad penam: & Indulgentia ipsa etiam aliquando ita potest acquiri, ut sibi a Confessorio tribuatur Indulgentia tempore mortis, potest Confessorius et, qui jam est extra sensum, illam communicare.*

Aliter tamen dicendum est, ubi opus inungitur propter finem acquirendi Indulgentias. Ad quod clarius explicandum, observa, nomine intentionis hic non significari determinate voluntatis actum, qui sit efficax amor finis, unde provenit meliorum electio, sed generaliter voluntatis propositum sive deliberationem, juxta quam intentionis acceptationem ea, quæ ex proposito sunt, peragi dicuntur ex intentione: ea vero quæ sunt casu, fieri dicuntur præter intentionem; ut habetur ex Aristotele Lib. 3. Ethic. cap. 2 & lib. 6. cap. 9. Intentio autem prout nunc sumitur, alia est formalis, alia virtualis, & alia interpretativa. Formalis est, quando quis ita aliquod opus exequitur, ut per actum voluntatis explicitum illud velit ad aliud ordinare. Virtualis, ubi actus voluntatis ordinantis opus in finem ita præcessit, ut vel in opere incepto vel in mediis ad eundem finem ordinariis perseveret. Interpretativa, cum nullus actus absolutus de facto in operante existit nec insluit, sed duntaxat illum esse interpretamur.

His observatis, Layman lib. 5. tract. 7. cap. 6. n. 5. Salas de Legib. disp. 17. sect. 5. Diana part. 3. tract. 12. Cardinalis de Lugo alique apud Passerinum quæst. citat. num. 293. admittunt intentionis necessitatem, ad peragendum opus inunctum in Indulgentiarum concessionibus requisitum; putant tamen sufficere duntaxat interpretativam generalem, per quam quilibet facere præsumitur actum, eo modo, & titulo, quo sibi utilior est, ut respondit Papinianus L. cum ex pluribus in fine ff. de

sol; & dicunt Jurisperiti, Baldus in Cap. quia verosimile de presunt. Cravera conf. 118.

Nostra tamen Conclusio sit. Opus inunctum ad acquirendam Indulgentiam debet necessario fieri ex intentione formali vel virtuali. Ita Corduba lib. 5. de Indulg. q. 25. Rodriguez par. 1. Summa cap. 184. n. 7. Suarius disp. 52. sect. 6. num. 7. Quintanadvenas de Jubileo Tract. 8. dub. 8. alique.

Prob. 1.^o Opus inunctum ex se indifferens est, ut ad Indulgentiam acquirendam potius dirigatur, quam ad alium finem. Hæc enim est operis ex se indifferentis conditio, ut petat per aliud determinari; quamobrem sicut quia ablutio potest vel ad corporis sanitatem, vel ad opus Sacramentale ordinari, exigit intentio Ministri, vel formalis, vel virtualis, ut fiat tanquam operatio propria Sacramenti Baptismatis, qua gratia primo regeneratus nos in filios Dei adoptivos confecturatur, ita, ut opus inunctum acquirendis Indulgentiis intersit, prædicta intentio requiritur, qua ad hunc effectum ordinetur. Ergo Ecclesie visitatio cum fieri possit, vel ad audiendum Sacrum, vel ad alium finem obtinendum (ilque servata proportionem de ceteris operibus in Indulgentiarum concessionibus inunctis dicendum est) non sufficit eam utcumque fieri, sed fieri necesse est ex proposito assequendi fructum Indulgentiarum.

Dices. Ad determinationem operis inuncti pro Indulgentiis, sufficit intentio interpretativa; cordate siquidem eam adesse intelligimus, ex quo præsumimus, opus illud poni, eo modo quo agens est utilis. Nec videtur hujusmodi intentio rejicienda, cum in aliis rebus a Juris Pontificii Inter, pretibus approbetur Cap. Qui tacet de Regul. Juris in 6., quando agitur de causa alicujus, qui enim tacet, videtur consentire, quanquam nullum actum eliciat; atque ob id Matrimonium a Parentibus contracta pro filiis coram ipsis tacentibus, valida judicantur Cap. Unicum §. final. de Dispensatione Insuper. in 6.^o propter consensum, quem jura præsumunt. Imo in pluribus aliis contractibus, promissis stare compellitur contrahens, propter consensum pariter præsumtum, etiam si consensum internum se præbuisse negaret.

Resp.

Resp. actum, quo opus injectum determinatur ad finem Indulgentiarum, oportere vere a parte rei in agente reperiri, alias prædicta determinatio necessario requiritur. Porro actus interpretativus (ut communiter a Doctoribus declaratur) non in operante, sed in solo intellectu interpretantis existit. Rursus, actus pro tali ordinatione necessarius debet esse absolutus, ut valeat in opus influere. Actus vero interpretativus solum est conditionatus, quatenus ex suppositione quod opus injectum exercens media Ecclesie visitatione, se percipere posse Indulgentie concessæ fructum, intelligeret, eundem profecto per expressam intentionem consequi niteretur. Itaque sufficienter constat, actum mere interpretativum non sufficere, ut opus injectum factum a subdito determinetur ad acquirendas Indulgentias. Fatemur, quandoque jura actum internum, seu positivam intentionem propter taciturnitatem præsumere, saltem cum de utilitate tacentis pertractatur; maxime suppositis aliis circumstantiis occurrentibus, quæ ad hujusmodi præsumptionem fundamentum adijcerent, puta, ubi filiis tacentibus parentes contraherent. Caterum si ea non esset filiorum voluntas, seu verus intentionis actus non eliceretur a filiis, legitimum non esset Matrimonium in actu secundo, nec ulla coram Deo contraheretur obligatio, esto tanquam legitimum verumque haberetur in foro Ecclesie; directio enim in finem debet esse actus voluntarius, qui proinde non debet ex aliorum præsumptione, sed ex propriæ voluntatis operatione regulari = *Voluntarium* (inquiunt PP. Salmanticenses Scholastici in *Tom. 3. tract. 12. disp. 4. dub. 1. §. 3.*) *non dependet ex aliorum præsumptione, sed ex reali exercitio propriæ voluntatis: & ideo in ordine ad illos effectus, vel contractus, qui ex proprio voluntario dependent sicut dependet Matrimonium, præsumtio nihil operatur* = Quæ doctrina adeo vera est, ut etiam si in nonnullis contractibus per ipsum Jus personarum consensus suppleri queat, illi tamen non erunt validi propter contrahentium consensum præsumptum, sed ob veram & realem voluntatem Superioris constituentis Jus, cui in ordine ad prædictos effectus inferiorum voluntas omnino subijcitur, ac ea,

quæ est Superioris, tanquam inferiorum reputatur. Quanquam vero ea, quæ de nullitate contractum propter consensum præsumptum, vera sint, potest tamen Judex humanus compellere contrahentes, ut eodem modo se gerant, ac si verus consensus adfuerit; etenim Jura humana, non tantum debent attendere id, quod revera & coram Deo est, sed id quod esse humano modo perhibetur, ne detur locus simulandi internum consensum, aut dissensum, quorum certa atque infallibilis cognitio soli Deo scrutanti renes & corda reservatur. Ex quo habes, posse fortasse in foro exteriori interpretari atque præsumi, fieri ac determinari opus in ordine ad finem Indulgentiarum (puta si visitaretur Ecclesia die, qua Indulgentie Thesauri decoratur) reipsa tamen ita non esse, seclusa intentione formali vel virtuali, ac per consequens vere & realiter Indulgentie fructum in foro Dei nequaquam obtineri.

Prob. 2.^a Ad obtinendam remissionem poenæ temporalis mediis operibus poenalis necessario requiritur, ea fieri ex intentione formali vel virtuali dicti finis; unde dictum est *Cap. 1. art. 2.* peragentem opera poenalia non sibi præstito fine virtutis poenitentiae, nequaquam Deo satisfacere. Ergo ad acquirendam Indulgentiam certa pia opera perficientibus concessam, non sufficit utcumque ea fieri, sed necessario exigitur peragi ex intentione formali vel virtuali obtinendi Indulgentiam.

Objicies 1.^o Unusquisque ex generali intentione propriam querit beatitudinem; ut habetur ex D. Augustino *Enarratione 2.^a in Psalm. 32.* ideoque vult id, quod sibi melius est, ac præcipue quod removet impedimentum æternæ Beatitudinis possessionem retardans, cujusmodi est Indulgentia. Non ergo requiritur intentio formalis aut virtualis ad implendum opus injectum pro Indulgentia.

Resp. generalem intentionem beatitudinis in communi non esse ex se aptam ad determinandum operantem, ut quotiescunque opus injectum exequitur, velit illud ad Indulgentiarum finem dirigere; ea, quippe applicabilis est ad opposita bona, ac non raro ex ea querunt homines, quod sibi pejus est, quanquam appareat melius.

Objicies 2.^o Injectio operis pro Indulgentia

tia acquirenda est per modum præcepti. Quemadmodum ergo ad præceptorum observantiam satis ellet actum quantum ad substantiam exhibere, citra intentionem formalem aut virtutalem satisfaciendi præcepto, ita, ut expleatur obligatio peragendi opus injunctum.

Resp. opus injungi a concedente Indulgentias, nedum per modum præcepti, sed etiam per modum conventionis ipacificitur enim quodammodo Prælati cum subditis, ut si illud ex fine Indulgentiarum exhibeant, earundem fructum sibi comparent. Fieri autem opus nequit ob dictam causam sine intentione formali aut virtuali.

Obijcies 3.^o Suffragium alteri applicatum prodesse competentum est etiam inficio talis applicationis: idque verum est nedum quantum ad fructum ex opere operantis, verum etiam quantum ad effectum ex opere operato; ut patet in incremento Altaris Sacrificio. Idem ergo dicendum erit de Indulgentiæ concessione; Christi enim satisfactio per Missæ Sacrificium eodem modo nobis applicatur, ac per Indulgentias.

Resp. exemplum suffragii, & potissimum Sacrificii Missæ alteri applicati minime contra nostram Conclusionem urgere. Cum enim ad istud homo mere passive se habeat, sola requiritur passiva capacitas. Ceterum ad Indulgentiarum effectum sub conditione operis injuncti obtinendum, non se habent homines mere passive, sed active, & prout humano modo operantur: qui modus haberi non potest, nisi præcesserit actus voluntatis, quo effectus ille acceptetur. Quod exemplo remissionis culparum potest declarari; ut enim aditus gratiam sanctificantem atque culparum remissionem assequatur (juxta Providentiæ Dei ordinariæ legem) opus est, quod actum propriæ voluntatis eliciat, quo velit illam recipere, atque a peccatorum maculis purgari, ut non obscure docet Angelicus Præceptor 1. 2. quæst. 113. artic. 3. in corp. = *Justificatio impij*, inquit, *fit Deo movente hominem ad justitiam; ipse enim est, qui justificat impium, ut dicitur Rom. 3.^o Deus autem movet omnia secundum modum universusque, sicut in naturalibus videmus, quod aliter moventur ab ipso gravia, & aliter levia propter diversam naturam utriusque. Unde & hominem ad justitiam mo-*

vet secundum conditionem nature humane. Homo autem secundum propriam naturam habet, quid sit liberi arbitrii; & ideo in eo, qui habet usum liberi arbitrii, non fit motus a Deo ad justitiam, absque motu liberi arbitrii, sed ita insuntis donum gratiæ sanctificantis, quod etiam simul cum hoc movet liberum arbitrium ad donum gratiæ acceptationis capaces. Porro licet actus, quo acceptatur remissio culparum, non potest esse nisi intentio formalis aut virtualis, ita & actus quo acceptatur remissio poenarum concessa a Prælato Ecclesiæ sub conditione operis peragendi ab eo, qui exoptat ex Thesauri Ecclesiastici dispensatione utilitatem sibi comparare, & sic Deo solvere quod debet pro poena temporali = *Relaxatio*, inquit Passerinus n. 298. *que fit salva æqualitate justitiæ, sicut fit per Indulgentias, nequit convenienter, & extra casum specialis rationis fieri, nisi debitore libere solvente & satisfaciente. Et sic qui vult lucrari Indulgentiam, debet intendere ex concessis sibi de Ecclesiæ Thesauris solvere Deo, quod debet.*

Obijcies 4.^o Summus Pontifex opus injunctum volens impleri, non requirit ab operante, quod hanc vel illam intentionem habeat: unde quamquam velit Christiani fideles orare ad iram Divinam placandam, attamen sicut illud peragens, licet hujus finis non recordaretur, adhuc Indulgentiam acquireret, ita licet nunquam menti occurreret, opus faciendum esse intuitu Indulgentiæ, adhuc posset ejus fructus percipere.

Resp. exigi intentionem orandi, vel aliud pium opus implendi ob Divinam ultionem arcendam, vel ob alios fines intentos a Summo Pontifice, qui in concessionibus declarantur. Nemo tamen anceps sit de percepto Indulgentiæ fructu, ex eo quod orando expresse non meminerit eorundem; hujusmodi enim fines injuncti implicate & virtualiter continentur in intentione faciendi opus pro acquirenda Indulgentia: ideoque si quis animum hunc habuit, implicate & virtualiter voluit fines, quos Summus Pontifex in Literis Apostolicis expressit.

Quæres. An is acquireret Indulgentiam, qui

qui ita opus injunctum & ex formali aut virtuali intentione perageret, ut alium, etiam finem principalis intenderet, quo cessante dictum opus minime exerceret?

Corduba *quest. citat.* inquit = *Si quis vadit ad Sanctum Jacobum, ad visitandum parentes principaliter, & minus principaliter pro lucranda Indulgentia, sic scilicet, quod nonnisi pro visitandis parentibus tunc iret, non lucratur eam. Si autem e contra principaliter pro lucranda Indulgentia, & minus principaliter pro visitandis parentibus, sic scilicet, quod nihilominus tunc iret, etiam si non essent ibi parentes visitandi, tunc bene lucratur illam.*

Nos tamen respondemus affirmative, eum Suario *scilicet. citat. nu. 5.* quia etiam si quis esset promptus & paratus ad non implendum opus ad Indulgentias acquirendas requisitum, nisi ab alio fine moveretur, voluntatem tamen assequendi Indulgentiæ fructum medio tali opere non excluderet: illudque perageret; ac proinde haberet totum quod injunctum fuit a concedente Indulgentias; cum in concessione declaratum non fuerit, quod ea conditio principaliter, aut in solidum intenderetur; ut notat Suarius, neque a nobis addendum est sine majori fundamento. Caterum hoc intelligendum est, dummodo finis principaliter operantis non esset malus, quia ex tali fine (ut in antecedenti Articulo dictum est) redderetur opus injunctum simpliciter malum, ac per consequens ineptum ad Indulgentiæ allocationem.

ARTICULUS VI.

An per opus alias præceptum & alias debitum possit impleri obligatio de opere injuncto?

DUBIUM nullum est, quando Prælati aliud non injungeret opus, quam alias præceptum pro acquirenda Indulgentia; non enim dubitamus Summum Pontificem posse jejulantibus in vigilia S. Matthiæ concurrente cum ultima die Bacchanaliorum Indulgentiam despondere: vel pro publica atque gravissima Ecclesiæ

utilitate orantibus, ubi ex Lege Divina orandi necessitas urgeret, ut ad observantiam Divini præcepti facilius Christiani fideles induceret.

Nec communi huic doctrinæ Seraphicus Doctor adversatur in 4. *part. 2. quest. 4. in resp. ad 4.* dicens = *In donatione Indulgentiæ consideratur, quod illud opus sit mere voluntatis, non necessitatis &c.* = Ex quo infert Sylvester Verbo *Indulgentia* num. 18. Indulgentiam fieri non posse pro remissione injuriarum. S. enim Doctor non utitur terminis eam potestatem negantibus, sed solum expendit ibi Ecclesiæ Disciplinam suo tempore observari consuetam dandi Indulgentias ob quædam pia opera externa, ad quæ alias homines non obligabantur; quod non probat iustis atque rationabilibus causis occurrentibus eas fieri non posse ob opera pia aliis titulis debita.

Caterum, quod de facto expensis concessionibus, quæ fieri solent, percipi possit Indulgentia per opus alias debitum; quia Summus Pontifex ita opus pium iungit, ut non exigit, illud alio titulo non deberi, sentiunt Rodríguez in *Bulla Cruc.* §. 7. num. 3. Layman *lib. 5. tr. 7. cap. 8. nu. 13.* Santarellus *cap. 4. dub. 10. & cap. 7. dub. 1.* Bossius *scilicet. 4. casu 9.* citati a Passerino *quest. 41. n. 327.*

Nostri tamen Conclusio sit. Operibus alias præceptis satisfieri non potest obligationi de operibus injunctis ad acquirendas Indulgentias: nisi aliud constet expresse de mente concedentis. Ita Passerinus *quest. citat. n. 328.*

Prob. Duabus obligationibus concurrentibus, quarum quælibet exigit actum, quantum ad substantiam consideratum, nequit uno eodemque actu utrique obligationi satisfieri. Quod sequentibus exemplis declaratur. Si Petrus inito contractu cum Paulo decem aureos solvere teneretur, ac totidem ratione furti, nequit decem duntaxat eidem tradendo, utrumque debitum solvere; nisi fortasse aliunde ea solutio in relaxationem utriusque obligationis gratis & ex creditoris beneplacito acceptaretur. Insuper ubi Confessarius pro poenitentiali satisfactione ad jejunium obligaret, minime posset juxta Ecclesiæ praxim ac Confessarii mentem, per abstinentiam ciborum aliunde tempore Quadragesimali debitam, illud præceptum imple-

ri; nomine enim poenitentialis satisfactionis opus supererogationis intelligitur, ut observant PP. Salmanticenses in *tract.* 24. de *Penit. disp.* 10. nu. 63. cum communi Doctorum sententia, nisi aliud ex mente ipsius Sacerdotis intelligatur. Cum ergo obligatio in formis Indulgentiarum expressa sit de operibus quantum ad substantiam consideratis (dantur enim per modum operum & per modum conventionum) nequit iisdem operibus ad implendam Divinam Legem vel Ecclesiasticam exercitiis, alteri obligationi ad comparandam Indulgentiam satisfieri. Hinc obligatus ex voto ad visitandam Ecclesiam, nequit eadem visitatione Indulgentiam devote eam visitantibus concessum lucrari; ea siquidem visitatio Deo debetur ratione voti: ac proinde nihil ex ea rem inet pro alia obligatione in ordine ad Indulgentiam, quamobrem si eam acquirere peroptaret, teneretur iterum Ecclesiam adire, eamque devote visitare. Insuper dans pauperi elemosynam, quam debet titulo iustitiæ, non satisfacit obligationi indictæ in Jubilæis extraordinariis ad Indulgentiam Plenariam acquirendam; cum enim ea debitum iustitiæ solvatur, nihil in potestate solventis remanet, quo opus supererogationis exerceat.

Objicies 1.^o Summus Pontifex nihil aliud vult fieri ad percipiendum Indulgentiarum fructum, quam opus pium in Dei honorem & Ecclesiæ utilitatem redundans. Hoc autem obtinetur, si opus illud alio titulo debitum sit, siue non. Ergo non opponitur menti concedentis, quod opere alias præcepto satisfiat obligationi de opere instructo.

Resp. Summum Pontificem ut in plurimum opus injungere supererogationis, quod profecto dici non potest de eo, quod alias præceptum est.

Objicies 2.^o In Jubilæis extraordinariis tempore Quadragesimali comparandis, non aliud exigitur jejunium, quam Quadragesimale ipsum, ab Ecclesiæ præcepto requisitum. Ergo idem debet dici, ubi in eisdem Ecclesiæ visitatio injungeretur, quamquam vel ratione voti, vel ex Confessarii præcepto alias deberetur.

Resp. quandoque, ut in exemplo allato jejunii, non aliud opus injungi ad Indulgentias acquirendas, quam quod cadit sub alio præcepto, hoc tamen vel expresse in

Literis Apostolicis innotuit, vel ex circumstantiis occurrentibus deprehenditur. Cæterum non eodem modo discurrendum est per se & regulariter loquendo, cum nec acceptatio operis alias præcepti pro illis acquirendis declaretur, nec ex circumstantiis occurrentibus habeatur fundamentum ita interpretandi mentem Summi Pontificis concedentis.

Objicies 3.^o Uno eodemque opere potest quis duplici præcepto satisfacere: sic Parochus in extremis subdito languenti Poenitentia Sacramentum ministrans, & exqueretur id, quod præcipit virtus iustitiæ, atque etiam obligationem charitatis impleat: filius pariter patri indigenti elemosynam tradens, & misericordiam simul & pietati confuleret. Ergo exercens opus in Indulgentia concessione instructum, alias debitum, utrique obligationi satisfacere.

Resp. præcepta esse in duplici genere, quædam, quæ opera præcipiunt, non ipsa per se primo quantum ad substantiam, sed propter aliquam formalitatem in ipsis repertam, sicut se habent præcepta virtutum, quæ postulant ex propriis rationibus actus sibi correspondentes exerceri: alia, vero, quæ non solum operis formalitatem, sed totam substantiam operis requirunt, & diversam seu repetitam si ex diverso formali motivo injungantur. Præcepta primi generis pluribus formalitatibus in uno opere repertis, uno eodemque opere ex diversis rationibus a potentiis, vel habitibus prodeunte, citra dubium possunt impleri: idque evincunt exempla ab Adversariis allata. Præceptis vero secundi generis simul concurrentibus, uno opere nequit satisfieri; ita enim illud opus ab uno præcepto totaliter absorbetur, ut nihil pro alio implendo superlit.

Dices. Uno eodemque opere potest duplici debito satisfieri; opus enim, quod alias homo debet ratione præcepti, puta jejunium, potest esse simul solutio debiti poenæ temporalis. Corruit ergo data distinctio præceptorum de operibus peragendis.

Resp. ex dictis *Cap. 1. art. 2. pag. 137.* Unam simplicem debiti solutionem pro implenda duplici obligatione per se & absolute loquendo, nequaquam sufficere, bene tamen si eam creditor ex gratiosa liberalitate ad utriusque debiti solutionem acce-

acceptet: unum scilicet liberaliter remittens, pro alio vero congruam satisfactionem recipiens: & hoc modo se gerit Deus post insulam peccatori gratiam sanctificantem, ut opera alias praecepta, vel aliis titulis debita, tanquam satisfactoria debiti poenae temporalis admittat, ac si ex nullo alio motivo deberentur. Ut ergo paritas locum haberet, opus esset, voluntatem concedentis Indulgentias eodem modo se habere ad opera injuncta alias praecepta; quod certe Adversarii nec probant, nec possunt probare, imo ex ratione nostrae Conclusionis constat oppositum.

ARTICULUS VII.

An uno eodemque opere plures Indulgentiae acquiri possint?

Afirmative dubio respondent Corduba *Lib. 5. qu. 35.* Henriquez *lib. 7. cap. 17. nu. 5.* Naldus *nu. 5.* Faustus *lib. 2. quest. 140.* & Duallius *22. artic. 13. de Indulge.* Apud Passerinum *quest. 42. nu. 236.* eo ducti fundamento, quod possit quis eodem actu pluribus praeceptis satisfacere. Verum cum hoc fundamentum in precedenti dubio fuerit eversum, ideoque huic sententiae non possimus subscribere.

Conclusio itaque nostra est. Implentes semel opus, quod pro pluribus Indulgentiis concessis diversis viis idem injunctum est, non possunt eas omnes simul comparare. Haec Conclusionem defendunt Suarius *Disp. 52. sect. 8. nu. 9.* Palas *Tract. 24. puncto 9. n. 12.* Conink *de Sacram Disp. 12. dub. 9.* Bonacina *disp. 6. quest. 1. part. 5.* alique.

Prob. 1.^o Nequit uno eodemque opere pluribus obligationibus, illud quantum ad substantiam requirentibus satisfaceri, ut in *preced. artic.* dictum est. Ubi autem sunt diversae Indulgentiarum concessionis idem opus requirentes, plures concurrunt obligationes. Ergo quemadmodum uno eodemque opere nequit duplex onus Sacramentalis satisfactionis impleri, ita nec duplex obligatio operis injuncti, in diversis Indulgentiarum concessionibus adiecta.

Prob. 2.^o Opus injunctum exigitur pro complenda aut constituenda causa propor-

tionata ad Indulgentias requisita. Idem autem numero opus pluribus causis applicatum, minorem singulis tribuit virtutem. Ergo plurium Indulgentiarum causas non poterit complere: ac per consequens ex vi illius semel impleti, nec plurium Indulgentiarum fructus poterit obtineri = *Loquendo regulariter* (inquit Suarius *Disp. 52. sect. 8. nu. 9.*) *quoties plures Indulgentiae conjunguntur in una persona diversa viis, idest, per distincta privilegia, aut diversa grana benedicta, opinor non comparari omnes uno actu, sed singulis actibus, quia unaqueque postulat talem actum applicatum ad talem finem vel effectum, ut causam, saltem partialem talis concessionis. Idem autem actus finitus applicatus ad multa minor est in singulis; unde ceteris paribus non reddet proportionatam causam ad tot Indulgentias final sumtas.*

Obicies 1.^o Per unum actum potest quis diversas Censuras incurrere, puta Excommunicationis, & Suspensionis. Ergo in favorabilibus, ut sunt Indulgentiae, praesumitur, velle Summum Pontificem pluribus concessionibus hujusmodi gratiarum eundem actum cumulare; frustranea quippe foret secunda concessio, si nihil adderet praecedenti.

Resp. Censuram esse poenam Ecclesiasticam reis inflictam, ut a contumacia resistant; unde duplici lata poena, si aliquid hujusmodi absum fiat, mirum non est, posse Christi fidelem, uno scelere perpetrato, ob varias rationes pluribus Censuris irretiri. Ceterum cum distinctae Indulgentiarum concessionis non formalitatem operis, sed substantiam respiciant, non poterunt Fideles eodem opere vel actu plures percipere; prima enim totum opus injunctum sibi fecit proprium, quia totum quantum fuit pro ea oportuit impendi, unde nihil remaneret, quod aliis posset correspondere. Nisi fortasse dixerint Adversarii, reliquas Indulgentias, excepta prima, sine aliquo onere comparari, quod alienum est a mente concedentis.

Obicies 2.^o Quando in una eademque concessione plures ununtur Indulgentiae, puta Stationum & Septem Altarium Basilicae S. Petri, indubitatum est, eas omnes uno eodemque opere posse comparari. Pari ergo ratione, ubi plures earundem lar-

gitiones in eodem opere designando conveniunt, poterunt omnes obtineri per idem opus semel exercitum.

Resp. verum non esse, regulariter acquiri eas omnes Indulgentias simul, per hoc quod semel pium aliquod opus exerceatur, nisi aliud ex Literis Apostolicis deprehenderetur. Ita Suarius, qui postquam asseruit, Indulgentias diversis viis concessas eodem opere semel impleto non posse comparari propter rationem in nostra Conclusionem expensam, subdit num. ii. = *Atque hæc ratio probat, idem esse dicendum, quando plures Indulgentiæ divise in multis locis vel personis, conjunguntur in eodem loco vel persona per unam tantum concessionem novam: ut quando per Bullam Cruciatæ v. g. conceduntur omnes Indulgentiæ Urbis Romæ, intelligendum est enim concessam facultatem ad lucrandas omnes illas, non tamen omnes simul uno actu, nisi aliud constet ex tenore Bullæ.*

Obijcies 3.º Concessis duabus partialibus Indulgentiis septem annorum pro determinata anni die jejulantibus, certum est jejunium implentes utraque potiri; simpliciter enim exhibetur, quod ab utraque concessione requiritur, nec est ratio, cur una potius quam alia comparatur. Item ergo dicendum erit universaliter, ubi idem opus diversis ejusmodi concessionibus fuerit cumulatam.

Respondent Layman & Coninkus, jejunantem tali die eas omnes consequi Indulgentias: nec aliter putant præsumendum de mente Summorum Pontificum eas concedentium, cum eadem die nequeat jejunium iterari; idque universaliter docent, ubi per diversas concessionem Prælati idem opus injungit, quod nequeat pluries exerceri. Hæc tamen responsio non placet Palao = Nam, inquit, *esse opus injunctum iterabile vel non iterabile, impertinens est ad comprehendendam causam sufficientiam, si alioquin ex se non complet. Quapropter si ponamus jejunium complere sufficientiam causæ, quæ requisita est pro concessione unius anni Indulgentiæ, nequit certe juvare sufficientiam causæ pro alterius Indulgentiæ concessione.*

Resp. cum Passerino *Quæst. 42. nu. 338.* vel illæ plures Indulgentiæ datæ sunt ex certa scientia Summi Pontificis conceden-

tis, propter jejunium eadem die peragendum: & tunc certum est earum fructum simul percipi unico jejunio; de mente enim concedentis præsumi nequit, quod aliam concessionem faciens velit inaniter operari: vel nulla supposita scientia ejusdem vel alterius Pontificis secundam concessionem facientis: & tunc non acquireretur utraque Indulgentia, neque locum haberet præsumtio de dispensatione, quæ nequit cadere super impedimento ignorato; ideoque jejunans unam duntaxat lucraretur, ad quam suam intentionem determinaret. Verum si unam præ alia non intenderet (quod videtur securius) ratione omnium simul eandem quantitatem acquireret, quæ uni ex illis concessionibus responderet. Quod verum etiam arbitramur, concessis variis Indulgentiis diversæ rationis pro alio quocunque opere non iterabili, puta si una sit septem annorum, alia centum dierum, cum hoc tamen differimine, quod si unam præ alia non intenderet, eam, quæ est majoris quantitatis, compararet.

Quæres. Quid sit dicendum, si Indulgentia centum dierum concessa audientibus Sacrum, alia ejusdem rationis, vel diversæ pro persolvendis Divini Officii pensum daretur: an scilicet quis audiens Missam, ac simul Officium Divinum recitans utranque assequeretur?

Ex sententia Angeli verbo *seria nu. 46. Rosellæ Verbo Dominica & Sylvestri Verbo Missæ 2. num. 6.* qui putant, audientem Missam, ad quam tenetur ex Ecclesiæ præcepto, simul eodemque tempore recitare non posse Horas Canonicas, ad quas pariter obligatur sub culpa mortali, cum ibi sint duæ obligationes, videtur dicendum, in eo casu acquiri non posse simul & semel illas duas Indulgentias.

Nos vero, qui cum Suario in *Tom. 3. in 3. par. disp. 88. sect. 3.* Azorio *Tom. 1. Institution. moral. lib. 7. cap. 5. quæst. 3.* Soto in *4. disp. 13. quæst. 2. art. 1.* Navarro in *Tract. de Orat. cap. 5. nu. 178.* aliisque Doctores sentimus oppositum, respondemus, utranque comparari, quia quemadmodum diversis temporibus quolibet ex dictis operibus expleto, dubium non foret percipi fructum utriusque Indulgentiæ, ita si utrumque eadem temporis duratione perficeretur: nec utrique con-

cessioni causæ complementum deficeret, eas. intaitu pium opus adjicitur, hoc enim non ex varietate temporis, sed ex operis diversitate desumitur.

ARTICULUS VIII.

An sæpius opus injunctum peragens possit pluries sibi eandem Indulgentiam comparare?

Advertendum est, Indulgentias alias esse Temporales, alias vero Perpetuas. Temporales dicuntur, quæ dantur determinato temporis spatio percipiendæ: Perpetuæ vero sunt, quæ sine ulla temporis determinatione acquirendæ conceduntur. Potest tamen aliqua limitatio in hujusmodi Indulgentiis reperiri virtualiter vel implicite, v. g. in Personalibus, concessis scilicet determinatis personis, utpote quæ durant ad earum vitam, ideoque vitales pariter dici possunt. Item Locales quandam habent determinationem, loca enim, quibus annexæ sunt, ex pluribus causis dirui possunt. Majori perpetuitate gaudent Religionibus, Congregationibus atque Confraternitatibus concessæ, quia continua successione perseverant. His positis

Conclusio sit. Indulgentia ad determinatum tempus præfinita nequit a sæpius peragentibus idem opus injunctum pluries obtineri: secus vero Perpetuæ; nisi aliter constet ex mente concedentis. Ita Surius *disp. 57. sect. 1. num. 4.* Navarrus *de Jubilæo notab. 15. num. 19.* Palauus *tract. 24. puncto 9. nu. 16.* alique Doctores communiter

Prob. 1.^o autoritate D. Thomæ, qui in 4. *dist. 20. quest. 1. art. 3. quest. 2.* inquit = *Quandocunque Indulgentia ad determinatum tempus datur: ut cum dicitur, quicumque vadit ad Ecclesiam talem usque ad tale tempus, habeat tantum de Indulgentia, intelligitur semel tantum; sed si in aliqua Ecclesia sit Indulgentia perennis: sicut in Ecclesia B. Petri quadraginta dierum, tunc quoties vadit aliquis, toties Indulgentiam consequitur* = Ergo ex mente D. Thomæ, Indulgentia ad determinatum tempus præfinita nequit a sæpius peragentibus

idem opus injunctum pluries acquiri: bene vero Perpetuæ, nisi ex mente concedentis colligatur oppositum.

Prob. 2.^o Conclusio quantum ad primam partem. Ea Indulgentiæ concessio apertissime demonstrat, non esse mentem concedentis, quod pluries acquiratur, juxta regulam illam = *Sermo simpliciter prolatus in uno actu, & in una vice consummatur* = L. Dotis possessio ff. de Jure Dotis l. Boves §. hoc sermone ff. de verbor. signif. Indulgentia igitur ad determinatum tempus præfinita nequit eodem opere injuncto sæpius impleto pluries obtineri. Quod si tempus pro hujusmodi Indulgentia comparanda ad duos vel plures dies ampliatur, ideo est, ut Christiani deiles commodius ejus fructum percipiant: potissimum in Sanctorum Natalitiis, ad quæ tum ex finitimis, tum ex longinquis Regionibus conveniunt. Idque necessarium dicendum est; qui enim Plenariam lucratur in prima Hebdomada, nequit iterum eandem lucrari in sequenti, sicut declarasse Sacram Congregationem Concilii super restrictione vel ampliatione Jubilæi extraordinarii testatur Fillucius in *Tom. 1. tract. 8. cap. 10.* his verbis = *Adverte, hoc mense Majæ MDCXXX. declarasse Sacram Congregationem Concilii, tantum semel acquiri Indulgentiam per Jubilæum, & semel tantum absolvi quæpiam posse, quare huic declarationi standum est.*

Prob. altera pars. Nullum adest rationabile fundamentum asserendi, Indulgentiam Perpetuam unica vice duntaxat ab unoquoque, quandiu vixerit, posse comparari, cum nullum penitus hujus limitationis aut determinationis vestigium appareat; unde Surius *disp. 57. sect. 1. num. 7.* inquit = *Quanto Indulgentia concessatur visitantibus locum pium sine differentia temporis, non est verosimile, concedi unicuique homini pro una tantum vice in vita sua, quia neque, verba id sonant, essetque nimis restrictio; & ideo nunquam talia verba secundum communem usum in eo sensu accipiuntur. Si autem in prima vice non extinguatur uniuscujusque facultas, eadem ratione neque in secunda, neque in tertia, neque etiam possemus limitare illam, ut semel in anno, vel in mense, vel hebdomada concedatur, quia*

omnia

omnis Limitatio hujusmodi voluntaria efficitur = Ergo Indulgentia Perpetua potest a Christianis idem opus injunctum, sæpe peragentibus pluries obtineri.

Obijciæ contra primam Conclusionis. Indulgentia Plenaria anni Jubilei pluries potest acquiri, 1.^o quia Bonifacius VIII. in Extravaganti *Antiquor. de Penit. & Remissionib.* de iteratis Basilicarum SS. Petri & Pauli visitationibus loquens, ait = *Unusquisque tamen plus merebitur, & Indulgentias efficacius consequetur, qui Basilicas ipsas amplius & devotius visitaverit* = Ex quo infert Navarrus in *Commentar. de Jubil. & Indulgent.* exponens Bullam Gregorii XIII., Romæ commorantes posse duodecies dictam Indulgentiam percipere, si eorum Ecclesiarum visitationes peragenda susceperent, singulis diebus a die Vigiliæ Nativitatis Domini, quæ Porta Sancta aperitur, usque ad sequentis anni vigiliam, quæ eadem Porta clauditur. 2.^o Indulgentia per integrum annum concessa cunctis diebus Dominicis Ecclesiam visitantibus pluries obtineri potest. 3.^o quia in favorabilibus æquitas multum potest. Ergo ex quo Summus Pontifex indefinite eam Indulgentiam concedat, cum ea concessio ita accipitur, ut æquivalcat universali, præterit quis Indulgentiam Plenariam Jubilei anni Sancti pluries acquirere.

Resp. falsum esse, Indulgentiam Plenariam anni Jubilei pluries posse obtineri: quod non evincit prima probatio; mens enim Beneficii solum est, sæpius ac devotius dictarum Ecclesiarum visitationi vacantiis majus meritum, atque certiolem & efficaciorlem Jubilei fructum correspondere, si propter defectum dispositionum requiratarum, expleta trigesima visitatione, non fuisset tota ejus plenitudo comparata. Ad exemplum concessionis Indulgentiæ concessæ singulis diebus Dominicis per integrum annum, dici nos, ibi adesse dictionem universalem Indulgentiam, distribuentem, juxta numerum earundem visitationum. Caterum in Jubilæis aliisq. Indulgentiis ad determinatum tempus concedi consuetis adesse dictionem distributivam pro personis, ut omnes & singule possint de Ecclesiæ Thesauri dispensatione gaudere, non vero dictionem universalem, quæ debeat distribui ad nu-

merum hunc & illum visitationum, vel ad hunc & illam visitationem; & quamquam materia Indulgentiarum favorabilis sit (ut tertiz probationi occurramus) tamen hoc verum est, quom non constat oppositum de mente concedentis: semel vero obtineri posse fructum hujusmodi Indulgentiarum perspicue eruitur ex formulis earundem de Sisto Sedis Apostolicæ adhiberi consuetis.

Quæres. An quis repetendo intra eandem diem opus injunctum possit pluries eandem Indulgentiam vel in perpetuum, vel sine temporis determinatione concessam acquirere?

Paludanus in 4. *dist. 20. quæst. 4. art. 3.* = *In perennibus Indulgentiis*, inquit, *quis lucratur quolibet anno, mense, die, sed pluries in die non videtur sensisse Pontifex, quia possit cedere in derisionem, quia non faceret homo, nisi ponere pedem, & exire, & redire* = Idem tenet Nugnus in *supplem. 3. partis q. 4. artic. 1. dub. 3.* Difficultatem non dirimit Sarrus *Sess. cit. num. 7.* affirmans, nihil in hac re posse esse certum, cum pendeat ex intentione concedentis.

Nos vero respondemus: pluries intra eandem diem acquiri posse Indulgentiam partialem vel in perpetuum, vel sine temporis determinatione concessam, repetendo opus injunctum; quamquam enim in Indulgentiarum irrisionem cederet, si quis eandem Indulgentiam lucraturus centies aut milles E. G. Ecclesiam per tot vices visitaret, quia rationabiliter posset existimari, nolle concedentem per tot vices intra eandem diem poenæ temporalis remissionem concedere; Fideles tamen citra irrisionis periculum pluries certa die eandem Ecclesiam prudenter ac religiose possent visitare, ibique Divinis interesse Officiis. Hisce autem visitationibus totidem Indulgentiæ corresponderent, quolibet enim earum iustum ac proportionatam causam concessionis compleret: cum ratio nequeat assignari, quare quod de prima visitatione asseritur, reliquis sit negandum. Maxime quia nulla partialis Indulgentiæ superfluitas appareret; quandoque enim contingeret post primam aut secundam visitationem aliquid de poenæ temporalis reatu superesse, vel aliud dictæ poenæ debitum contrahi post comparatam

In-

Indulgentiam per primam aut secundam visitationem; idque sentiunt D. Antoninus *par. 1. tit. 10. cap. 3. §. 3.* Turrecremata §. *Item in Levitic. artic. 4. num. 3.* Bologninus *de Indulg. nu. 76.* Trullench in *Bullam Cruciatæ §. 6. dub. 3.*

Diximus, pluries intra eandem diem, acquiri posse Indulgentiam partialem vel in perpetuum, vel sine temporis determinatione concessam, repetendo opus injunctum; aliter enim dicendum est de Plenaria juxta modernum stilum concessa, Ecclesiis devote visitantibus, vel certa pia opera implentibus, tum ob Declarationem Sacre Congregationis Indulgentiarum & Sacrarum Reliquiarum editam sub die 12. Martii anno MDCLXIX., ac insertam in Decreto de *Indulgentiis Apocryphis* tenoris sequentis = *Semel duntaxat in die Plenariam Indulgentiam in certos dies Ecclesiam visitantibus concessam, vel aliud pium opus peragentibus lucriferi* = Tum quia, cum hæc Indulgentia ab Apostolice Sede concedatur *confessis & Sacra Communione refectis*; ne dicamus hujusmodi beneficio donari eos, qui eadem die pluries Sacramentali Communione reficiuntur (quod absurdum esse nemo non dixerit) dicendum est eam pluries intra eandem diem acquiri non posse.

Quæres 2.^a An saltem quis Indulgentiam Plenariam cum facultate applicandi pro Defunctis certo die Ecclesiam visitantibus, vel aliud pium opus peragentibus concessam, possit semel pro se acquirere, deinde repetendo visitationem vel opus injunctum, Defunctis applicare?

Partem affirmativam tanquam probabilem sequitur Pater Viva de *Jubileo quæst. 6. art. ultim.* relata siquidem prædicta Sacre Congregationis Indulgentiarum & Sacrarum Reliquiarum declaratione, subdit = *Quare solum Indulgentia non Plenaria potest sepius eodem die obtineri, & probabiliter etiam Plenaria, si ea pro variis Defunctis applicetur, quando a Pontifice conceditur, quod possit applicari; tum quia sic nullus pluries eodem die Indulgentiam Plenariam lucrabitur; tum etiam quia, si in concessione Indulgentiarum non intelliguntur ea concessa pro Defunctis per modum suffragii, ut declaraverunt Stylus IV. & Leo X. apud Raynaudum He-*

therod. Spiritual. par. 2. sect. 2. punct. 2. num. 7. a fortiori dicendum, quod in revocatione Indulgentiarum, non intelliguntur revocate pro Defunctis, nisi fiat specialis mentio, cum revocatio sit odiosa atque adeo restringenda.

Nos vero respondemus: fieri non posse, eam Indulgentiam percipi a viventibus, & simul applicari Defunctis, repetendo opus injunctum. 1.^o Quia in hujusmodi concessionibus non est sensus copulativus, perinde ac Summus Pontifex duplicem conferat pro Ecclesie visitatione, aut opere injuncto Indulgentiam acquirendam, unam per modum absolutionis viventibus, per modum suffragii alteram: seu eam tantum viventibus, quam Defunctis distribuat; sed disjunctivus jura quod, implentes opus in Literis Apostolicis injunctum, Indulgentiæ Plenariæ beneficio donentur, ut si velint, possint eo non uti pro seipsis, sed ex charitate valeant animas in Purgatorio detentas adjuvare. Ergo Indulgentia Plenaria concessa cum facultate applicandi pro Defunctis, non potest quis pro se percipere, deinde repetito opere injuncto, ipsis Defunctis applicare. 2.^o Ea Indulgentia, sive ad tempus sive citra temporis determinationem concessa, datur Fidelibus vel Ecclesiam visitantibus, vel aliud pium opus peragentibus sub conditione tam Confessionis, quam Communionis Sacramentalis sub hac formula: *Confessis & Sacra Communione refectis* = Itaque sicut nequeunt Christiani fideles, confessionis hujusmodi fructum pluries sibi comparare; quantum iteratis vicibus Ecclesiam visitarent, vel aliud opus injunctum peragerent, cum nequeant pluries eadem die Sacra refici Communione, ita ob eandem rationem nec poterunt primo pro se lucrari Indulgentiam Plenariam, ac secundo Defunctis eandem applicare.

Hinc esto juxta sententiam Doctoris prælaudati verum esset, neminem in casu de quo agitur, Plenariam Indulgentiam eadem die pluries lucrari pro semetipso, adhuc tamen citra dubium esset, Plenariam certo die visitantibus Ecclesiam, vel aliud pium opus implentibus, pluries vere & realiter lucriferi; a rite siquidem confessis & Sacra Communione refectis, pro se, & pro Defunctis eadem die quandoque acquireretur. Quod apertissime opo-

ponitur Decreto prælaudato. Eo vel maxime, quod ibi nulla sit revocatio, sed duntaxat declaratio de concessione Plenariæ pro visitantibus certis diebus Ecclesiæ, vel alia pia opera peragentibus, ac proinde etiam Defunctis applicabilem comprehendens.

Quæres 3.^a An saltem pluries eadem die obtineri queat Indulgentia Plenaria, concessa hac Clausula: *Quoties id egerint, vel quoties Ecclesiam visitaverint, toties Plenariam Indulgentiam consequentur?*

Varia sunt supes hujusmodi Indulgentia Authorum placita. Quidam enim negative respondent dubio, quia alienum arbitrantur a mente Summos Pontificum Indulgentiam Plenariam intra eandem diem ob idem opus injunctum pluries expletum comparari: & potius Clausulam *Toties quoties* ad majorem expressionem dicunt esse adjectam, quam ad repetitam intra eandem diem dictæ Indulgentiæ concessionem. Alii vero ea verba *Toties Quoties* ad eandem diem referunt, quævis certam non tradant regulam. Naldus de hac Clausula loquens inquit = *Non potest dari certa regula, quidnam operetur, nam aliquando importat idem quod frequenter seu multisies: quandoque semper & in omni casu: aliquando plus & minus juxta naturam ejus, cui adjicitur; unde cum in Cap. Omnis Episcopus 2. q. 6. dicitur: posse appellari quoties opus fuerit, intelligitur quod non possit tercia vice* = Hinc invaluit usus in pluribus Regionibus una eademque die sæpius adeundi eandem Ecclesiam animo pluries acquirendi Plenariam intra eandem diem ea Clausula concessam.

Cum in Sacra Congregatione Indulgentiarum & Sacrarum Reliquiarum hæc duo dubia generalia decidenda fuissent proposita 1.^a = *An quando in Brevis legitur: Quoties Christiani Ecclesiam visitaverint, vel quâ simile, pluries Indulgentia Plenaria eandem Ecclesiam una die a visitantibus comparetur?* 2.^a *An idem dicendum sit, quando non solum in Brevis legitur: Quoties Christiani Ecclesiam visitaverint; sed etiam quando additur: Toties Indulgentiam consequentur?* = visum fuit Eminentiſſimis Patribus dictæ Sacre Congregationis hanc Doctrinam controversiam Apostolicæ Sedis autoritate

non dirimere: ideoque sub die 22. Februarii MDCCXVIII. responderunt = *Ad mentem, & menti est, quod nibil desuper statuatur.*

Quamquam vero in hac se, ob dictam Sacre Congregationis Indulgentiarum & Sacrarum Reliquiarum Responſionem, nihil certo possumus definire, asserimus tamen probabilius esse, Indulgentiam Plenariam etiam ea Clausula concessam pluries intra eandem diem a Christianis minime posse comparari; illæ enim distinctiones *Toties Quoties* ad dies, non vero ad ejusdem diei partes referuntur; ita ut sensus sit: *Quoties recurrent tales dies, Toties Fidelibus, qui Ecclesiam visitaverint: Plenariam Indulgentiam concedimus*: adeoque quoties Christiani Ecclesiæ Communionem se refecerint, & Ecclesiam devote visitaverint, vel aliud hujusmodi plium opus impleverint, Plenariæ Indulgentiæ erunt participes. Refici autem Sacra Communionem semel in die possunt Christiani, non pluries; adeoque Indulgentia Plenaria concessa ea Clausula semel in die potest acquiri. Non leve pondus adjicitur nostræ rationi ex responſione Sacre Congregationis Indulgentiarum & Sacrarum Reliquiarum, quæ sub die 27. Septembris anno MDCCXVII. proposito dubio = *An Fideles attento Brevis concessione Innocentii XI. expedito sub die 10. Martii MDCLXXVIII. Conventui Fratrum Minorum de Observantia nuncupatorum, Wejeropolis, sæpius in die Indulgentiam Plenariam lucrari valeant* = censuit *Unicam lucrari*: Verba autem dicti Brevis sunt = *Ac etiam illi similiter, si vere penitentes & confessi, ac Sacra Communionem refecti, viam captivitatis Christi nuncupatam, quæ ibidem a. l. dimensionem Hierosolymitanam, ut etiam accepimus, aptata est, peregerint, & in illa via diversa Sacella, in quibus Myſteria Passionis Domini nostri Jesu Christi representantur, iidem devote visitaverint, & ut præfertur, oraverint, quoties id egerint, Plenariam omnium peccatorum Indulgentiam & remissionem misericorditer concedimus* = Idem paſſim Alexander VII. declarasse de Indulgentia Plenaria a Sixto V. Constitutione incipiente *Laudemus viros gloriosos* §. 10. concessa: idque apparere ex Actis Sacre Con-

Congregationis Rituum, testatur Abbas Michael Angelus Riccius in suis MSS. Tenor dictæ concessionis in Constitutione prælaudata est = *Postre no ut animabus quoque Christianis in Purgatorio existentibus, quæ per charitatem Domino nostro Jesu Christo unitæ ex hac vita migraverint, quæque antequam decederent, aliorum Christianis suffragiis juvari meruerunt, de celestibus Ecclesiæ thesauris, quorum dispensatores a Domino ad animarum salutem constituti sumus, paternè subornamus, Divina Miseratione confisi concedimus, ut quoties quilibet aliquod ex hujusmodi munusculis secum habens, pro dictarum animarum salute, præmissa eorumque aliqua adimpleverit: vel quicumque alias Ecclesiæ, in quibus eadem munusculata reponi contigerit, dictis Festis diebus Inventionis, & Exaltationis Sanctæ Crucis visitaverit, ipse anime, pro quibus id fecerit, efficacissimis Jesu Christi Domini nostri meritis, ac ejusdem Beatæ Mariæ semper Virginis, Sanctorum Angelorum, Apostolorum, Martyrum, Confessorum, Virginum, omniumque Sanctorum & Sanctarum precibus & intercessionibus suffragantibus eandem Indulgentias & peccatorum remissiones consequantur.*

Nonnullorum Doctorum Ordinis Minorum S. Francisci opinio fuit, excipi a lege, qua statuitur, Plenariam Indulgentiam non nisi semel pro una die obtineri posse, Indulgentiam illam toto Orbe celebrem, quæ visitantibus Capellam Portiuncule intra Ecclesiam Sanctæ Mariæ Angelorum litam concessa fuit pro die secunda Augusti ab Honorio III. nullo adjecto onere Communionis Sacramentalis = *Ecce concedimus, (inquit Pontifex laudatus B. Franciscum alloquens) quod quicumque venerit & intraverit Ecclesiam Portiuncule, pro qua postulat, rite confessus & contritus, liberetur ab omni culpa & pena* = Verum cum hoc difficultale non careret, atque in controversiam revocaretur, pro dubii solutio-

ne fuerunt preces porrectæ Sacræ Congregationi Concilii ut infra.

Episcopus Labacensis a parte Imperii Orator Devotus EE. VV. humiliter exponit, quod non obstante Decreto Innocentii XI. de Apocryphis Indulgentiis sub die 7. Martii MDC LXXVIII., quo declaravit, semel duntaxat in die Plenariam Indulgentiam in certos dies Ecclesiam visitantibus concessam lucriferi, pergunt Fratres Ordinis Sancti Francisci Reformatorum Provinciæ Carniola Populo persuadere, Indulgentiam pro die secunda Augusti de Portiuncula nuncupatam, eorum Ecclesiam visitantibus concessam, toties quoties eadem die lucriferi posse. Cum autem hujusmodi abusus ad Summum Pontificem ab Ordinario deferri jubeat Sacra Congregatio Concilii Tridentini sess. 24. de Reform. cap. 21. in Decreto de Indulgentiis, idcirco Orator querit, & declarari petit: An præfata Indulgentia de Portiuncula nuncupata etiam comprehendatur sub Decreto, & Declaratione san. mem. Innocentii XI. supradicta? pro qua gratia &c.

Sub die autem 17. Julii MDCC. Sacra Congregatio Eminentissimorum S. R. E. Cardinalium Concilii Tridentini Interpretum, audita relatione Procuratoris Generalis & Ministri Provincialis, censuit: *servandum esse solitum.*

Cæterum cum ex Decreto laudato nondum constaret, quid certo de ea Indulgentia sentiendum esset, idcirco sequens dubium memoratæ Sacræ Congregationi propositum fuit sub die 4. Decembris MDCCXXIII. = *An Decretum hujus Sacræ Congregationis editum die 17. Julii MDCC., quo dictum fuit: servandum esse solitum, ita sit intelligendum, ut Indulgentia acquiri possit a Christianis fidelibus a Vesperis Calendarum Augusti ad Vesperas diei sequentis, non semel, licet pluries intercedentibus requisitis Ecclesiæ Ordinis Sancti Francisci pluries visitaverint* = Eadem Sacra Congregatio respondit: *servetur solitum.*

C A P U T XL

DE OPERIBUS INJUNCTIS IN PARTICULARI, SEU CONDI-
TIONIBUS PRO INDULGENTIS ACQUIRENDIS.



PURA quæ in Superiori Capite tradi poterant, cum pecuniaria opera injuncta respicerent, melius duximus in hoc Capite proponere. In quo non agemus quidem de omnibus & singulis operibus injunctis pro Indulgentiis acquirendis; hoc enim foret magnam aggredi Provinciam, sed de quibusdam utilitioribus duntaxat, quomobrem 1.^o differendum est de Ecclesiarum Visitatione. 2.^o de Oratione. 3.^o de Eleemosyna. 4.^o de Jejunio. 5.^o de Confessione Sacramentali & Communione.

ARTICULUS I.

De Ecclesiarum Visitatione.

ECCELSIARUM visitationem reprobavit Calvinus, negans Ecclesias ad orandum institui oportere: quasi efficacior sit oratio in uno loco quam in alio, jubente Christo, Fidelibus intrare in cubiculum, et Paulo monente in omni loco nos preces fundere apud Deum; ideoque in lib. 3. *Institution. Cap. 20. num. 3.* inquit = *Ne feceratis, nescio quam, Templis assignamus sanctitatem, quæ sacratorem apud Deum orationem reddat, verum enim Dei Tempia cum finis, ipsi in nobis oremus oportet in Templo Sancto suo, cum Deum volumus invocare. Illam vero crassilem Judæis, ac Gentilibus relinquamus, qui præceptum habemus de invocando circa loci discretionem in Spiritu & veritate Domino =* A Calvino non discreparunt Magdeburgenses, negantes Ecclesias esse Dei habitacula, in quibus propius Christi fidelibus deprecantibus aurem admoveat.

Doctrina tamen Catholica est: Tempia Deo dicata esse vere ejus habitacula, adeoque devote visitanda; non quod Deus aut in Templis includatur, vel certo atque determinato loco circumferibatur: ita ut alibi a Christi fidelibus nequeat inveniri, juxta illud Act. 17. v. 24. = *Deus qui se-*

cit Mundum, & omnia, quæ in eo sunt, hic Cæli & Terræ cum sit Dominus, non in manufactis Templis habitat = sed quod in illis sibi solum dicatis aut consecratis sua præsentia atque protectione, specialiter assistat, ibique deprecantes gratiis atque favoribus cumulet, ut habetur de Judæorum Templo 3.^o Reg. 6. 9. v. 3. ubi ad Regem Salomonem expleta illius Templi Dedicatione dicitur in persona Dei = *Exaudi orationem tuam, quam deprecatus es coram me: Sanctificavi Domum, quam ædificasti, ut ponerem nomen meum ibi in sempiternum: & crans oculi mei ad cor meum ibi cunctis diebus =* & Isaiæ 56. v. 7. *Adducam eos in montem Sanctum meum, & lætificabo eos in domo orationis meæ: holocausta eorum & victimæ eorum placebunt mihi super Altari meo =* Ad orationis commendationem suffraganeum potius ad Deum in Ecclesia quam domi, hæc habet D. Chrysostomus, vel quisquis sit Author *Homiliar. ad Pop. Antiochen. Homil. 79. =* Et domi quidem orari potest, sic autem ut in Ecclesia non potest, ubi tanta parum multitudo, ubi clamor ad Deum unanimiter emittitur. Non ita Dominum per se solum orans audieris, ut cum fratribus tuis; hic enim majus aliquid est, puta unitas & consonantia, charitatisque vinculum, & Sacerdotum orationes. Propterea namque Sacerdotes præpositi sunt, ut multitudinis orationes, cum sint infirmiores, hisce potentiores adjuvantes, pariter cum illis in Cælum ascendant. Si namque Petrum Ecclesie adjunxit oratio, & illum ex carcere eamnam eduxit, quomodo tu ipsius potentiam contemnis? sicut enim charitatis virtus intervallo non arctetur, ita nec orationis efficacia: sed sicut ille inter se distantes conjungit, itidem & hæc procul positos plurimum adjuvare potest = Hinc Eustius eos redarguens, qui Deum ubique æqualiter Fidelium preces exaudire existimant, Probaticæ Piscinæ exemplo demonstrat, certo loco & tem-
pore

pore non raro Deum gratias liberaliter impertiri = *Est autem, ait, locus Pissine Probatica obiectendus illis, qui Deum omni loco aequaliter exaudire, & miracula facere dicunt, ideoque certorum locorum visitationes infirmitati fidei adscribunt; cum hoc exemplum ostendat, non tantum certo loco, sed etiam tempore miraculum sanationis fieri solitum: ita ut, qui locum & tempus illud non observaret, sanitatem non consequeretur.*

Sanctitas loci, quem Deus habitare dicitur, Sacerdotum aliorumque Fidelium deprecantium societas, nec non alia, quæ in Ecclesia sunt, orantis devotionem adaugent. Adest nitor: splendet ornatus non vulgaris, quem zelus Divini cultus adhibet: Altaria sunt Aræ sacræ, in quibus nostræ salutis Author pro vivis & Defunctis immolatur. Hic proponuntur tabulæ Divina Mysteria aut Sactorum exemplorum, imagines exhibentes: hic Sanctorum intuemur Reliquias: parietes vero ipsi Deo dicati pietatem atque religionem spirant; ac dum Christum in patibulo Crucis extensum, flagellis caesum, spinea corona redimitum: vel Sanctos Martyres, qui pro fide Christi severissima supplicia fortiter sustinuerunt, inspicimus, criminum conficii ad culpæ remissionem allicimur, ac infirmiores in fide ad constantiam roboramur atque confirmamur = *Determinatus (inquit Angelicus Doctor 2. 2. qu. 84. art. 3. ad 2.^m) locus eligitur ad orandum non propter Deum, qui adoratur, quasi loco concludatur, sed propter ipsos adorantes, & hoc triplici ratione. Prima quidem propter loci consecrationem, ex qua specialem devotionem concipiunt orantes, ut magis exaudiantur: sicut patet ex adoratione Salomonis 3. Reg. 8. Secundo propter Sacra Mysteria & alia sanctitatis signa, quæ ibi continentur. Terio propter concursum multorum adorantium, ex quo fit oratio magis exaudibilis, secundum illud Matth. 18. Ubi sunt duo vel tres congregati in nomine meo, ibi sum ego in medio eorum.*

Ad promovendum cultum Deo & Sanctis, religionis ac pietatis officii exhibendum in Ecclesiis (ut fufius in 2.^a parte Cap. 1.^o artic. 1. dicemus) eas visitantibus Indulgentias largitur Sedes Apostoli-

ca, ut spe huiusmodi munerum excitati Christi-fideles promte illos actus exerceant. Unde Ecclesiarum visitatio ad alsequendum Indulgentiarum fructum debet esse devota, quanquam, in Literis Apostolicis nulla hæret mentio de hac conditione = *Quando conceditur Indulgentia (inquit Suarius disp. 52. sect. 1. num. 4.) omnibus visitantibus talem locum (ut recte notavit Adrianus in 4. agens de Indulgentia) intelligendum id est de religiosa devota visitatione, quæ in Dei, vel Sanctorum honorem cedat = & Eminentissimus Lambertinus in lib. 2. cap. 20. nu. 13. de Servor. Dei Beatif. & Beator. Canonizac., inquit = Indulgentia, quæ conceditur visitantibus Ecclesiam die Festo alicujus Beati vel Sancti, intelligenda est de religiosa visitatione, quæ sit ad colendum Deum non modo in seipso, verum etiam in Beato vel Sancto, cujus nomen expressum est in Brevis, sive in Bulla Indulgentiæ; sicuti probat textus in Extravaganti Antiquorum de Penitentiis & Remissionibus, ubi Bonifacium VIII. Indulgentias concedens visitantibus Basilicam Principis Apostolorum, sic inquit: ut autem Beatissimi Petrus & Paulus Apostoli eo amplius honorentur, quo ipsorum Basilicæ de Urbe devotius fuerint a Fidei libus frequentatæ = Opus enim quod exigitur ad acquirendam Indulgentiam, debet esse opus honestum & pium; quia quodlibet aliud potius impediret, quam juvaret pœnæ remissionem. Ideoque et si devota visitatio Ecclesiarum per se orationem non asserat, possitque citra illam exerceri: puta si quis ad Ecclesiam accedens ibi genuflecteret, aliaque signa Divini cultus exhiberet, tamen moraliter orationem aliquam importat, ut subdit Suarius laudatus = Oportet ergo, ut accessus ad talem locum ex fide & religione procedat, fiatque ad colendum in tali loco Deum, vel in se ipso vel in aliquo Sancto, qui propter ipsum ibi afficitur honore; unde non videtur talis visitatio separabilis ab aliqua oratione & deprecatione, quæ in tali loco fiat, quantvis modus, seu quantitas ejus non determinetur, sed relinquatur arbitrio facientis.*

Hinc colliges, Fidelem, qui nec ex fide aut religione ductus Ecclesiæ fores ingre-

ditur, sed ad Templi structuram insipientiam, vel ad hostiles incurfus evadendos, aut ad confabulandum cum amico ibi existente, Indulgentiam minime lucrari; hæc siquidem non foret Ecclesiæ devota visitatio, cui tanquam præmium ex Summorum Pontificum liberalitate Indulgentiarum thesaurus promittitur.

Quæres 1.^o An pro acquirenda Indulgentia Ecclesiam visitantibus concessa, opere pretium sit, Fidelem eam ingredi, adeo ut etiam supposito impedimento ad ingressum, ante fores orare sufficiat?

Dubium procedit in casu, quo in Literis Apostolicis non injungatur expresse ingressus Ecclesiæ, aut opus quod per se postulet talem ingressum; si enim id vellet Summus Pontifex, certum est, non ingredientem Ecclesiam nullo modo injunctæ obligationi satisfacere.

Corduba *quest.* 31. putat, Indulgentiam interessentibus Divinis Officiis in Ecclesia concessam, ab iis, qui extra Ecclesiam præsentibus sunt, nec eam propter turbam ingredi possunt, comparari, quia sic videtur esse de mente concedentis in tali casu non excogitato.

Sed hæc ratio non placet Suariorum = *Quia* (inquit *disp.* 52. *sect.* 1. *num.* 5.) *intento præsumta non operatur in Indulgentiis, sed ea quæ per verba formæ sufficienter expressa est; unde ex communi sententia Doctorum, ut infra videbimus, qui non implet conditionem in ipsa concessione postulata, etiam si ob impotentiam illam omittat, non lucratur Indulgentiam, nisi talis exceptio in ipsa concessione fuerit expressa; in præsentem autem talis casus non fuit expressus, ut supponimus. Ergo si in eo non impletur conditio postulata in ipsa concessione, quantumvis ob impotentiam omittatur, non obtinebitur Indulgentia.*

Nos vero respondemus, non esse necessarium ingressum Ecclesiæ pro acquirenda ea Indulgentia, non propter rationem a Corduba allatam, sed quia orans extra fores Ecclesiæ esset moraliter in illa, atque omnia, quæ ibi sunt, saltem posset percipere = *Oratio sufficit* (ait Lavius *par.* 1. *cap.* 18.) *quod sit facta intra vel extra Ecclesiam, ad quam orans ingredi non valet; quia existere prope fores Ecclesiæ, in eadem esse censetur,*

l. si quis Aqueductum Cap. de Contrab. Emission. = & ideo ad Ecclesiæ ostium confugiens, esto illam non ingrederetur, gauderet Ecclesiasticæ immunitatis privilegio, nec inde valeret extrahi, in vitam aut in membris poenam subiturus.

Dices cum Glossa in *Clement. 1. de Reliq. & Venerat. Sanctor.* verba concessionis Indulgentiarum pro visitantibus Ecclesias sonant verum ingressum Ecclesiæ, adeoque omnes Fideles afficiunt volentes Indulgentiis ditari.

Resp. eas concessiones, quoscunque Fideles Ecclesias visitantes comprehendere. Porro, ut quis vere & proprie dicatur Ecclesiam visitare, requiritur, & sufficit, quod physice aut moraliter ibi sit præsens: seu quod ita sit extra illam, ut tamen ea, quæ in Ecclesia peraguntur, aut sensu percipiat, aut possit percipere; orans autem ante fores Ecclesiæ si sensu non percipit officia, quæ in Ecclesia peraguntur, potest ea percipere, adeoque est moraliter præsens.

Quæres 2.^o An ad acquirendam Indulgentiam pro visitatione quinque, vel septem Altarium Ecclesiæ concessam, opus sit, visitantem se corporaliter movere de uno in aliud Altare: vel si hoc fieri necesse non sit, oporteat saltem se partialiter movere, vertendo faciem versus illud Altare quod quis intendit visitare?

Cardinalis de Lugo *disp.* 27. *num.* 99. de hoc Indulgentia loquens inquit = *Non sufficit esse intra Ecclesiam, & animo conversi ad tale Altare: imo etiam si sit in loco apto, ut in medio Ecclesiæ, vellem tamen aliquo gestu, vel conversione capitis vel corporis significari conversionem animi ad singula Altaria: nam, exigitur visitatio sensibilis, hoc est, talis actio, quæ exterius significet orationem fieri ad tale Altare* = Cardinali de Lugo subscribunt Pasqualigus *Quest.* 83. *num.* 4. & apud eundem Henriquez, Fernandez, Sâ, Sanctarellus de *Jubil. Cap.* 7. *num.* 1. alique.

Nos vero respondemus cum Palao in *Tract.* 25. *punct.* 5. *num.* 7. Diana *part.* 5. *tract.* 12. *resolut.* 16. Quintanadvenas in *tract.* 6. *dub.* 5. *num.* 10. alisque, non esse necessarium motum corporis vel totalem vel partialem versus Altaria visitanda, pro acquirenda Indulgentia quinque, vel septem

ptem Altarium; quia ad Altarium visitationem satis est praesentia moralis, sicut mox de Ecclesiae visitatione dictum est. Praesens autem est Altaribus in medio Ecclesiae constitutus, vel in alio loco, si corde & intentione orationem suam versus Altaria dirigat, citra alium corporis motum vel totalem vel partialem.

Obijcies. Visitatio Altarium sensibilem cultum debet importare, adeoque necesse est, sensibilibiter cognosci ab insipientibus, quodnam ex illis visitatur. Ergo oportet motum corporis in visitationibus Altarium adhibere; alias sensibilibiter discerni non posset, quod Altare visitatur.

Resp. aliud esse requiri cultum sensibilem: aliud vero debere cultum sensibilem cognosci atque ab hominibus discerni. Primum est verum de cultu sensibili, qui optime potest exhiberi oratione versus Altaria directa; non tamen secundum, cum neque ex natura hujus Indulgentiae, neque ex literis concessionisprehendatur = *Quid interest* (inquit Passerinus *quest. 52. num. 376.*) *quod ego sciam, quodnam sit Altare, quod Paulus visitat: & nunquid non potest prorsus super terram in signum humilitatis visitare Altaria? Visitatio importat cultum sensibilem pro quanto requirit sensibilem praesentiam ad Altare, & exteriora signa cultus, & unusquisque scit, quod qui est in loco, ex quo possunt audiri & videri, quae fiunt in Altaribus, & ibi orat, aliquid ex Altaribus visitat, nec amplius requiritur.*

Quaeres 3.^a An quando pro Indulgentia injungitur quinque Altarium visitatio, possit ea percipi, si Ecclesia Loci unum duntaxat habeat Altare?

Respondemus, certam regulam de hoc tradi non posse, sed attendi debere verba Literarum Apostolicarum; etenim quandoque unius Altaris visitatio sufficit, quia exprimitur, ita Fidelem oportere quinque Ecclesias, vel totidem Altaria visitare, ut id possit per quinques repetitam ejusdem Ecclesiae, vel Altaris visitationem suppleri; ut in Bulla Cruciatæ his verbis = *Esultra voluntaria jejunia, & plura opera praedicta, & preces praedictas etiam devote visitaverint, in loco ubi eos morari contigerit, singulis Quadragesimalibus & aliis anni temporibus, &*

diebus Stationum in Atria Urbis, & extra illius muros, quinque Ecclesias sive Altaria, seu si ibi tot Ecclesiae seu Altaria non fuerint, quinque unum vel unam, Altare seu Ecclesiam, praecedat ad Deum similiter pro unione & victoria praedictis devote fuderint, omnes & singulas Indulgentias lucrari = Quandoque vero requiritur distinctorum Altarium vel Ecclesiarum visitatio, ubi non apponitur ea clausula = *Si ibi tot Ecclesiae seu Altaria non fuerint, quinque unum vel unam Ecclesiam* = & tunc per idem Altare quinques visitatum Indulgentia non perciperetur.

Quaeres 4.^a An quando datur iudultum (ut in dicta Bulla Cruciatæ) quinque Ecclesiarum vel Altare visitandi, oporteat ad Indulgentiam comparandam multiplicare per tot vices visitationem?

Negat iteratæ visitationis Ecclesiae vel Altaris necessitatem Passerinus *Quest. citat. num. 378.* ad effectum comparandi Indulgentiam, quia ea ob nullum alium finem exigeretur, quam ut quis fieret praesens diversis vicibus Ecclesiae vel Altari: ubi vero quis jam esset in Ecclesia, non, oporteret egredi ab illa, ut iterum per novum accessum fieret praesens eidem; eoque ut multiplex Ecclesiae vel Altaris visitatio discerneretur, satis esset orationum multiplicatio = *Discretio*, inquit, *ita est sensibilis, si diuturnitas cultus & orationis tanta est, quod per illam potuit visitans multiplicasse orationes, quantum opus est* = Aliter tamen putat dicendum, si Ecclesiae vel Altaris visitationes diversis diebus aut horis ejusdem diei essent implendae.

Nos vero respondemus cum Pasqualigo *quest. 88. num. 8.* ad eam Indulgentiam acquirendam oportere multiplicare visitationes Ecclesiae vel Altaris per tot vices, quia juxta tenorem concessionis requiritur, Fidelem quinque Ecclesias vel Altare visitare. Qui autem semel Ecclesiam ingrederetur, vel ad Altare accederet oraturus, post diuturnam etiam expletam orationem, verum non effet, quod pluries, sed semel duntaxat Ecclesiam visitasset; multiplicitas siquidem visitationis non ex diuturnitate cultus & orationis, sed ex diversis accessibus ad Ecclesiam vel Altare desumenda est.

Dices. Hæc responsio non coheret alteri mox traditæ dâdo secundo, ubi dictum est, non exigi motum corporis totalem vel partialem versus quinque Altaria visitanda, ad eam Indulgentiam comparandam, nec postulari visitationem sensibilem diversam. Vel ergo contrit, quod ibi dictum est, vel necessaria non est multiplex sensibilis Ecclesiæ vel Altaris distincta visitatio ad eundem Indulgentiæ effectum percipiendum.

Resp. aliud esse loqui de visitatione, quinque vel septem Altarium Ecclesiæ: aliud vero de quina ejusdem Ecclesiæ vel Altaris visitatione. Ut primum verum sit, sufficit, quod quis Ecclesiæ sit præsens, ibique suam orationem versus Altaria dirigat; vere enim sensibilem cultum diversis Altaribus exhiberet, ac proinde quinque Altaria visitaret. Ad secundum opus est, visitantem Ecclesiam vel Altare, quinquies esse aut physice aut moraliter ibi præsentem; qui enim etiam plurium horarum spatio non interpolate sed assidue coram Altari oraret, non pluries sed semel duntaxat illi cultum exhibere diceretur.

Quæres 3.º An in Ecclesiis, quæ injunguntur visitandæ ad Indulgentias acquirendas, sufficiat visitare Oratoria privata, ibique orare.

Diana To. 5. tract. 12. de Indulgent. & Jubil., querens: *An si quis visitet Oratorium in domo sua, pro Missa celebranda approbata, lucretur Indulgentiam Bullæ Cruciatæ, cum onere visitandi Ecclesias vel Altaria concessam.* Respondet (inquit Resolut. 43.) *Affirmative cum Aegidio Trullenck in expositione Bullæ Cruciatæ lib. 1. §. 6., ubi sic ait. Quæres primo, quid hic nomine Ecclesiæ intelligatur? Respondemus, intelligi Templum ad Divinum cultum dedicata, Monasteria, Hospitalia, Oratoria privata, cum etiam Eremitica, quia hæc omnia sub nomine Ecclesiæ absolute sumta comprehendimus; unde potest quis Indulgentias Stationum visitando Oratorium privatum lucrari, quia præsertim in favorabilibus censetur Ecclesiæ: unde cur nobilis visitando quinquies Oratorium suum ab Episcopo designatum & approbatum non lucratur hanc Indulgentiam? Quidam Junior limitat, quando talis vir est in-*

firmit, vel in Oppido, in quo non sunt quinque Altaria; quam quidem limitationem rejiciendum censeo, quia, ut dictum est, Oratorium absolute loquendo, sub nomine Ecclesiæ comprehenditur. Cur ergo hic favor limitabitur?

Nos vero respondemus cum Passerino qu. 54. n. 385. ad acquirendas Indulgentias pro Ecclesiis visitandis concessas, non sufficere visitationem Oratorii privati; quia nomine Ecclesiarum veniunt duntaxat Loca ex Ordinariis, aut alterius Superioris Ecclesiastici legitima autoritate, pro Christianidelium congregatione Divino atque perpetuo cultui ad Missarum celebrationem publico omnium usui consecratione vel benedictione deputata. Oratoria autem privata destinata non sunt ad universalem perpetuumque Dei cultum, sed ad unicam Missam celebrandam, non pro singulis vel anni diebus vel personis, sed pro quibusdam diebus atque personis alicujus familiar; unde sicut nec immunitate Ecclesiastica aliisque privilegiis afficiuntur, quæ Ecclesiis conveniunt, ita nec spiritalibus Indulgentiarum muneribus. Aliud est dicendum de Oratoriis seu Cappellis titis in Eremitoriis, Hospitalibus, Suburbis, Prædiis, Agris, Hortis, dummodo legitima autoritate ad communem usum Missarumque celebrationem perpetuo sint destinata.

Quæres 6.º An in Ecclesiis nondum consecratis aut benedictis, in quibus nec Divina Officia recitantur, nec Missæ celebrantur, possint acquiri Indulgentiæ, quæ dantur visitantibus Ecclesias indefinite?

Respondemus, Indulgentias in prædictis Ecclesiis posse comparari. Ita Quintanadvenas in tract. 6. dub. 2. num. 4. Vere enim & proprie hujusmodi Ecclesiæ gaudent immunitate Ecclesiastica, aliisque privilegiis, quæ competunt aliis locis vel consecratis vel benedictis; ut sentiunt Julius Clarus disp. 3. quest. 30. num. 4. Tuschus verbo *Ecclesia Conclus. 9. num. 8. Sylvester de Immunitate p. num. 3.* citans Paludanum & Hostiensium. Ergo pariter Indulgentiarum muneribus decorantur.

ARTICULUS II.

De Oratione.

ORATIO juxta commune veterum ac recentiorum Theologorum placitum a verbo *Oro* derivatum, quod petere significat, recte definitur a Damasceno quod sit: *petitio decentium a Deo*, quo & cum cæteris petitionibus, quæ orationes non sunt, convenit, atque ab illis per ultimas particulas discriminatur; definitur enim hic oratio in esse virtutis, qua sicut nemo potest male uti, ita nec indecentia a Deo postulare. Hinc D. Thomas in 4. dist. 15. *quest. 4. art. 1. quest. 1.* inquit = Unde definitio Damasceni: *Oratio est petitio decentium a Deo, verissime essentiam orationis declarat.*

In oratione sic explicata elucet cultus Deo præstitus; rogans enim eo ipso quod petit, non potest non humiliter Deum venerari, cujus potentiam, pietatem, atque supra cunctas creaturas excellentiam & superioritatem fatetur in ipso petitionis actu, quantumvis signate & reflexe id minime intendat; quamobrem Regius Pfalteres *Psal. 55. v. 10.* Deum alloquens inquit = *In quacunque die invocavero te, ecce cognovi quoniam Deus meus es* = quod & Martialis, de oratione pro finis Gentilium numinibus exhibita, his carminibus canens expressit

*Qui fingit sacros auro, vel marmore
vultus.*

*Non facit ille Deos, qui rogat, ille
facit.*

Ex quo colliges, orationem esse actum a virtute Religionis elicited cultum ac reverentiam in signum supremæ potestatis & excellentiæ Deo exhibentem; unde Eminentissimus Lambertinus in *Tom. 3. de Servor. Dei Beatif. & Sanctif. Canoniz. cap. 25.* inquit = *Affectus orandi cum procedat ex motivo colendi Deum & ei offerendi mentem nostram, recognoscendo, & quasi per orationem prolestando nostram apud Deum subjectionem, nostram indigentiam & dependentiam ab ipso: & e converso po-*

*tentiam ejus, bonitatem ac provolentiam erga nos, affectus hic sub hoc motivo est actus elicited a Religione, cujus proprium munus est, cultum Deo relle-
re juxta D. Tb. 2. 2. quest. 33. in princ. & in art. 3. & quest. 81. art. 5.*

Hic de oratione brevissime præbitis, ut proximus ad institutum accedamus.

Quæres 1.^o An pro acquirenda Indulgentia, quæ nonnulli orantibus, & hujusmodi pium opus injunctum peragentibus conceditur, necessario vocalis oratio requiratur, vel oratio mentalis sufficiat?

Premotandum hic est, quid veniat nomine orationis mentalis; aliqui enim Doctores intelligunt rerum Divinarum contemplationem seu meditationem, quæ, ut docet S. Thomas, vel simplicem rerum intuitum, vel etiam veritatis inquisitionem importat = *Contemplatio* (inquit 22. *quest. 83. art. 3. in resp. ad 1.^{am}*) *pertinet ad ipsum simplicem intuitum veritatis; unde Richardus dicit, quod contemplatio est perspicax & liber consultus animi in veritatis inquisitione occupatus* = Hac autem certum est onus in concessionibus Indulgentiarum injunctum non impleri; ea enim oratio a Summis Pontificibus exposcitur, quæ est imperativa, quod profecto simplici rerum Divinarum contemplationi aut meditationi convenire non potest. Rectius tamen intelligi possit Damascenum potest, rerum decentium petitio a Deo, mente quidem & corde concepta, non ore.

Hanc itaque orationem mentalem sic intellectam arbitrantur Rodriguez in *Bulla Cruciate* §. 7. num. 2. Ludovicus a Cruce in eadem *Bulla disp. 1. cap. 8.* nequaquam sufficere ad implendum onus orationis in Literis Apostolicis Indulgentiarum injunctum.

Nos tamen respondemus, orationem mentalem ad id sufficere, ut volunt Laverius *par. 1. cap. 18. nu. 6.* Trullench *lib. 1. in Bullam Cruciate* §. 6. dub. 2. Cottonius *lib. de Controv. 11. num. 6.* alique; mentalis enim est vere & proprie, nec non valde perfecta oratio, ut habetur ex D. Hieronymo allegato in *Cap. Cantantes dist. 39.* ibi = *Non vox, sed votum, non musica cordula, sed cor, non clamans, sed amans clamat in aure Dei* = Consensit D. Hieronymo S. Gregorius Papa *lib. 12. Mo-*

Mo-

Moral. mentalem orationem vocali præferens = *Vera postulatio*, inquit, *non in oris est vocibus, sed in cogitationibus cordis; valentiores namque voces apud secretissimas aures Dei non factum verba nostra, sed desideria; unde recte per Psalmistam dicitur: Desiderium pauperum exaudivit Dominus; preparationem cordis eorum audivit auris tua* = Maxime quia, oratio mentalis habet vim impetrandi a Deo ea, pro quibus preces in concessionibus Indulgentiarum injunguntur.

Verum, si Indulgentiam concedens expresse orationem vocalem injungeret, contra dubium in tali casu mentalis minime sufficeret. Illud tamen observatione dignum est, orationem vocalem, vel verbis ab Ecclesia institutis, vel suggerente devotione factam hujusmodi onus implere. Prior autem orandi modus melior est, ac alteri præferendus, quia (ut inquit Apostolus ad Rom. 8. v. 26.) *Quid oremus, sicut oportet, nescimus, sed ipse Spiritus Sanctus postulat pro nobis gemitis inenarrabilibus dictando & suadendo preces apud Deum fundendas; ideoque melius est, uti Psalmis & orationibus ab Ecclesia receptis quam aliis, quia in iis unctio Spiritus Sancti reperitur: & potissimum Oratione Dominica, in qua Deus suis voces agnoscens propriumque ac familiarem idionia, in illo plurimum sibi complacet*

Quæres 2.^o An oratio injuncta in Indulgentiarum concessionibus debeat esse attentata?

Pasqualigus apud Passerinum *quæst. 99. numer. 406.* negat orationis attentæ necessitatem pro jubileo, putans sufficere, quod oratio ex intentione fundendi preces proveniat: idque intendere Doctores afferentes, esse necessariam attentionem virtutalem; quia ad hoc ut oratio sit impetratoria, attentio necessaria non est; hoc enim duntaxat juxta doctrinam *D. Th. 2. 2. quæst. 83. art. 3.* requiritur ad refectionem mentis.

Nos vero respondemus, orationem exactam ad Indulgentiam acquirendam debere esse attentam attentione vel formali vel virtuali, quia juxta communem Doctorum sententiam debet esse hujusmodi oratio pia & devota; hæc enim & non alia a Summis Pontificibus Indulgentias concedentibus

exigitur. Devota quidem, quia debet esse actus virtutis Religionis ad colendum Deum ordinatus: pia verò, cum per eam Deo devota reverentia oporteat exhiberi. Porro oratio, quæ tum formali tum virtuali caret attentione, pia ac devota non est. Nec Doctores, ut notat Passerinus, intentionem orantis cum attentione confundunt; intentionem enim dicunt, esse actum voluntatis, tendentem in finem tanquam in proprium objectum: attentionem vero actum virtutis intellectivæ respicientem verba, aut sonum vocum vel sensum verborum; unde ad orandum, dicunt, non sufficere quod quis intendat preces fundere, verum etiam debere ad illas saltem virtualiter attendere. Hinc perperam Pasqualigus ad suæ opinionis patrocinium Angelici Præceptoris auctoritatem affert ex *2. 2. quæst. 83. art. 13.* cum S. Doctor apertissime doceat in prælaudata auctoritate, voluntarie in oratione ad alia divigatum, non ex negligentia, sed ex voluntatis deliberatione peccare = *Si quis ex proposito (inquit) in respons. ad 3.^m ex proposito in oratione mente evagatur: hoc peccatum est, & impedit orationis fructum; & contra hoc Augustinus dicit in Regula: Psalmis & Hymnis cum oratis Deum, hoc versetur in corde, quod profertur in ore. Evagatio vero mentis, quæ fit præter propositum, orationis fructum non tollit. Unde Basilii dicit: Si vero debilitatus a peccato, fixe nequis orare, quantumcumque posses te ipsum cohibere, & Deus ignoscit, eo quod non ex negligentia, sed ex fragilitate non posses, ut oportet, assistere coram Deo.*

Quæres 3.^o Quanta debeat esse oratio ad Indulgentiam comparandam, quando indefinite injungitur?

Consulto id queritur: quando oratio indefinite injungitur; siquidem ubi concedens determinatas preces ad Indulgentiam acquirendam exigeret, quamquam aliam orationem recitare non sufficeret, etiam longiorem. Quod pariter dicendum est, ubi determinata temporis duratio in oratione inferenda præscriberetur, ut in jubileo extraordinario ab Alexandro VII. promulgato anno MDCLV., quo injuncta fuit oratio ut habenda per aliquod temporis spatium.

Rodriguez in *Bulla Cruc. §. 7. num. 3.*

Po-

Polaccius *fest.* 42. n. 57. Coninckus *disp.* 12. arbitrantur, oratione notabiliter modica satisfieri non posse obligationi junctæ in concessione Indulgentiæ: tum quia oratio notabiliter modica non est proportionata ad Summi Pontificis intentum: tum quia res minima tanquam nihilum reputatur.

Nos vero respondemus cum Suario *disp.* 52. *fest.* 8. num. 5. Bonacina *disp.* 6. *quest.* 1. *punct.* 5. num. 19. & Fillucio *tr.* 8. cap. 6. num. 164. & 165. per orationem quantavis modicam satisfieri prædictæ obligationi; oratio enim ad Indulgentiam comparandam requisita, potius ex devotione & fervore est attendenda, quam ex temporis diuturnitate = *Unicum Pater* (inquit S. Franciscus Salesius in *Introd.* par. 2. cap. 5.) *devote dictum plus valet, quam multa festinanter & velociter repetita* = Eo vel magis, quia Summi Pontifices in Jubilæis, aliisque similibus concessionibus non ad unius vel alterius orationem respiciunt, sed ad iteratas plurium preces. Præterea satis est, singulos modicam orationem habere, cum ex eorum multitudine oratio perseverans atque apud Deum efficax confurgat; adeoque sufficiens juxta Summorum Pontificum aliorumque Prælatorum mentem ad Indulgentiam acquirendam. Et in hoc sensu verum est, quod Navarrus *Notab.* 31. n. 35. alique docuerunt, tantam oportere esse orationem, ut ea censetur, iustam atque rationabilem causam constitui, atque compleri concessionis Indulgentiarum. Ex quo infert Trullenk *lib.* 1. §. 6. *dub.* 2. n. 6. unicam Orationem Dominicam & Angelicam sufficere ad singula Altaria visitanda pro Indulgentia quinque Altarium. Et de facto aliam non requiri pro Indulgentia concessa a Paulo III. visitantibus aliquam Ecclesiam Societatis Jesu certa die a Præposito Generali designanda, habetur ex ejus Constitutione incipiente = *Licet Debitum*, edita anno MDIL = ibi = *Omnibus & singulis Christi fidelibus utriusque sexus ubilibet commorantibus, vere penitentibus & confessis, seu temporibus a jure statutis confitendi propositum habentibus, qui aliquam Ecclesiam, aut alium pium locum dictæ Societatis semel singulis annis (præter annum Jubilæi) in die ab ipso dictæ Societatis Præposito eli-*

genda, a primis Vesperis usque ad occasum Solis ejusdem diei inclusive, devote visitaverint, & inibi Orationem Dominicam, & Salutationem Angelicam recitaverint, Plenariam omnium peccatorum suorum Indulgentiam ac remissionem in forma Jubilæi, auctoritate Apostolica, tenore præsentium, misericorditer concedimus & elargimur.

ARTICULUS III.

De Eleemosyna.

DUPLEX distinguunt Doctores eleemosynam, spiritualementem nempe, & corporalem. Quanquam vero spiritualis corporali absolute antecellat ex pluribus capitibus, cedit nihilominus eidem in quibusdam casibus particularibus = *Dicendum* (inquit Angelicus Præceptor 2. 2. q. 32. art. 3. in corp.) *quod comparatio ipsarum eleemosynarum potest attendi dupliciter. Uno modo simplici et loquendo, & secundum hoc eleemosynæ spirituales præminent triplici ratione. Primo quidem, quia id quod ex libet, nobilius est, scilicet donum spirituale, quod præminet corporali, secundum illud Proverb. 4. Donum bonum tribuam vobis, legem meam ne derelinquatis. Secundo, ratione ejus cui subvenitur: quia spiritus nobilior est corpore. Unde sicut homo sibi ipsi magis debet providere quantum ad spiritum, quam quantum ad corpus: ita & proximo, quem debet sicut seipsum diligere. Tertio, quantum ad ipsos actus, quibus subvenitur proximo: quia spirituales actus sunt nobiliores corporalibus, qui sunt quodammodo serviles. Alio modo possunt comparari secundum aliquem particularem casum, in quo quædam corporalis eleemosyna alicui spirituali præfertur, puta, magis est pascendum fame morientem, quam docendum: sicut & indigenti, secundum Philosophum, melius est dari, quam philosophari, quantum hoc sit simpliciter melius.*

Quando in Literis Apostolicis Indulgentiarum, opus eleemosynæ iungitur, Zenardus 1.^a parte *Directorii Confess.* de Sacram. Penit. cap. 26. putat, per spiritualementem obligationi ejusmodi posse satisfieri.

Sed communiter hoc a Doctoribus improbat; oppositum enim apertissime ex formis concessionum deprehenditur, quæ sunt tenoris sequentis = *Eleemosynas pro posse distribuunt*, vel, *Pauperibus & indigentibus personis, aut Læis Pils eleemosynas erogant* = Hæc autem verba nequaquam de eleemosyna spirituali, sed duntaxat de corporali intelligenda sunt.

Dicta eleemosyna corporalis est opus, quo datur aliquid indigenti ex compassione propter Deum, ac proinde secundum se inspecta est actus virtutis misericordiae, cujus propriissimus character est, inclinare ad subveniendum indigenti, proximique misericordiam inspicere, ut eam auferat; quamobrem D. Thomas 2. 2. *quest. 32. art. 1. in corp.* inquit = *Dicendum, quod exteriores actus ad illam virtutem referuntur, ad quam pertinet id, quod est motuum ad agendum huiusmodi actus. Motuum autem ad dandum eleemosynam est, ut subveniatur necessitatem patienti; unde quidam deficiente Eleemosynam, dicunt: quod Eleemosyna est opus, quo datur aliquid indigenti ex compassione propter Deum, quod quidem motuum pertinet ad misericordiam, ut supra dictum est. Unde manifestum est, quod dare Eleemosynam, est actus misericordiae, & hoc apparet ex ipso nomine. Nam in greco Eleemosyna a misericordia derivatur, sicut in latino miserratio.*

Opus autem non est, pauperes, quibus huiusmodi officium impenditur, esse tales vere & realiter, sed sufficit, si sint præsumptivi, quia ad misericordiae virtutem non pertinet de vera egestate proferre iudicium, sed sublevare duntaxat inopum misericordiam, ubi signa paupertatis apparent.

Ob hanc ejus perfectionem non immerito inter cetera pietatis exercitia a Sede Apostolica ad acquirendas Indulgentias in forma Jubilæi pro gravioribus Ecclesiæ necessitatibus dari consuevas exposcitur, cum maximopere ad peccatorum remissionem conducat; ut habetur Ecclesiastici 3. v. 3. = *Ignem ardentem exstinguit aqua, & eleemosyna resistit peccatis* = & Job. 12. v. 8. = *Bona est oratio cum jejuniis, & eleemosyna, magis quam sbejauros auri*

recondere; quoniam eleemosyna a morte liberat, & ipsa est, quæ purgat peccata, & facit invenire misericordiam & vitam æternam = Danielis pariter 7. v. 11. = *Peccata tua eleemosynis redime* = tandem Lucæ 11. = *Quod superest date eleemosynam: & ecce omnia munda sunt vobis* = Majori efficacia ad id obtinendum polle-re eleemosynam quam orationem, testatur Eusebius Emesenus his verbis = *Conclude eleemosynam in sinu pauperis, & ipsa oxorabis pro te: orationibus autem & eleemosynis purgantur peccata*. Per utrumque ergo rem, sed maxime per eleemosynam = Imo nedom supra orationem, quin & supra jejuniium eleemosynæ virtutem exakat D. Cyprianus ostendens, Deum nec orationibus aut jejuniis adhuc placatum, eleemosynis reddi propitium, = *Mandat & præcipit Esaiæ Deus* (sunt verba S. Antistitis lib. de Oper. & Eleemosyn.) *exclama inquit; in fortitudine, & noli parcere: sicut tuba exalta vocem tuam, & annuntia plebi meæ peccata ipsorum, & domui Jacob facinora eorum: & cum peccata eis sua exprobrari præcepisset, cumque eorum facinora pleno indignationis impetu protulisset, dixissetque, eos, nec si orationibus, & precibus & jejuniis userentur, satisfacere pro delictis posse, nec si in cilicio & cinere voluerentur, iram Dei posse lenire: in novissima tamen parte demonstrans, solis eleemosynis Deum posse placari, addidit dicens: Frange esurienti panem tuum, & egenos sine tecto induc in domum tuam: si videris nudum, vesti eum, & domesticos seminis tui ne despicias. Tunc erumpet temporaneum lumen tuum, & vestimenta tua cito orientur, & præbit ante te iustitia, & claritas Dei circumdabit te. Tunc exclamabis, & Deus exaudiet te, dum adhuc loqueris, dices: ecce adsum. Remedia propitiando Deo, ipsius Dei verbis data sunt: quid deberent facere peccantes magisteria Divina docuerunt; operationibus nostris Deo satisfieri, misericordiae meritis peccata purgari*

Quæres 1.^o An eleemosyna pro dicta Indulgentia comparanda debeat esse trina sicut jejuniium?

Répondemus, unam sufficere; unus enim actus sufficiens est ad verificandum, opus

in-

injunctum impleri ex *Argum. text. si Bo-*
ves §. hoc sermone ff. de Verbor. signif.
 Etenim si Summus Pontifex vellet trinam
 fieri eleemosynæ largitionem, id profecto
 exprimeret, sicut de facto trinam poscens
 jejunium, hoc apertissime declarat. Et ita
 sentiunt communiter Doctores.

Quæres 2.^o Quarta habeat esse eleemo-
 syna ad dictum effectum obtinendum?

Respondemus, observandam esse for-
 mam concessionis Jubilæi, vel Indulgentiæ;
 etenim si in Literis Apostolicis ita
 opus eleemosynæ injungatur, ut in anti-
 quis Bullis = *Quantum pro sua cuique*
facultate visum fuerit, seu eleemosynam
pro posse distribuant = debet fieri eleemo-
 syna secundum cuilibet personæ statu-
 tum & conditionem: adeoque obolum,
 quod fortasse a paupere datum foret supe-
 rabundans, diviti minime sufficeret; unde
 Cardinalis de Lugo *disp. 27. de Sa-*
cram. Penit. num. 114. inquit = *Ea ver-*
ba intelligi videntur de prudenti judi-
ciato regulato juxta rectam rationem, ut
in simili explicat Panorm. cap. 1. de se-
quest. poss. & idem est secundum
eundem in cap. de Judiciis, si dicatur Ju-
dici fac quod tibi videtur: intelligitur
enim juxta rationem; unde Corduba
de Indulgentiis quest. 27. dicit, non sa-
tis fieri, nisi singuli dent juxta condi-
tionem suam, Rex ut Rex, dives ut
dives = Cohærent huic sententiæ D. Bona-
 ventura in 4. *dist. 20. quest. ult.* Paludanus
 qu. 4. D. Antoninus *part. 1. tit. 10. cap. 3.*
 Navarrus *notab. 31. & 37.* relati a Passerino
Quest. 70. n. 455. Cæterum quamlibet ni-
 lominus eleemosynam sufficere, asserere mi-
 nime dubitamus, etiam si ea non sit secun-
 dum proportionem quantitatum & reddi-
 tum, si hæc forma, quæ nunc magis usitata
 est, apponatur: *Et eleemosynas ad libitum,*
prout caritas singulis suggererit, fe-
cerint, vel eleemosynas pro arbitrio suo
fecerint = quia Summus Pontifex in hujus-
 modi concessionibus principaliter intendit
 eleemosynam, prout est actus virtutis mi-
 sericordiæ, adeoque aliud non requirit,
 quam tantæ quantitatis traditionem, quæ
 veram eleemosynam constituat. Et est sen-
 tentia communis, quidquid in oppositum
 dicat Pasqualigus *quest. 133.*

Quæres 3.^o An pauperes ostiatim men-
 dicantes, ut Jubilæi extraordinarii fructum

percipiant, teneantur opus eleemosynæ
 injunctum implere?

Fernandez *part. 3. cap. 7. §. 8. num. 3.*
 Sanctarellus apud Dianam *par. 5. tract. 12.*
resol. 15. & 31. hujusmodi pauperes exi-
 munt a tali onere, eo ducti fundamento,
 quod ipsi nihil proprio statui superfluum
 possideant: imo fortasse necessariis ad pro-
 priæ vitæ sustentationem indigeant, etique
 hoc opus moraliter reddatur impossibile;
 quomobrem hujusmodi conditio tanquam
 non adjecta censi debet. Alias pauperi-
 bus ostiatim mendicantibus non suppetret
 modus eam Indulgentiam lucrandi.

Respondemus, pauperes ostiatim men-
 dicantes teneri ad dandam eleemosynam
 pro acquirenda Indulgentia Jubilæi extraor-
 dinarii. Impossibilitas enim exequendi
 opus injunctum obstat affectuioni Indul-
 gentiæ, quia in hujusmodi concessionibus
 spirituale beneficium promittitur sub con-
 ditione operis onerosi; & ideo Passerinus
quest. 62. num. 421. inquit = *In gratuitis*
& dono datis non valet illa regula, quod
conditio de se possibilis & impossibilis
huic vel illi non censetur alicui; San-
chez lib. 3. de Matrim. disp. 4. num. 14.
Nisi forsitan concedens, ex certa scientia
dones ei, cui est impossibilis conditio: &
habemus in proposito exempla clarissima,
in jejunio impossibili infirmis, & visita-
tionis Ecclesiarum impossibili Monialibus,
carceratis &c. quos Pontifices, ubi vo-
lunt exceptos, id exprimunt; & nihilo-
minus ab omni opere injuncto non exi-
munt, sed eis opera possibilis ab ipsi
loco impossibilium imponunt. Ex eo igitur
quod pauper aliquis non possit facere
eleemosynam, non fit quod injunctio eleemo-
synæ non obliget = Addimus, nullum
 aut fere nullum egenum aut mendicum
 reperiri, qui non habeat unum vel alter-
 um obolum, in aliorum pauperum sub-
 sidium erogandum; ideoque admitti ne-
 quit, eam conditionem pauperibus ostiatim
 mendicantibus esse omnino impossibilem.
 Vide dicta *Cap. antec. art. 2.*

Dari eleemosynæ necessitatem etiam in
 pauperibus ad effectum acquirendi Jubi-
 læum extraordinarium propugnat Bossius
 in *Tract. de Privileg. Jubil.* arbitratu tam-
 en *sect. 4. casu 121.* pauperes huic ob-
 ligationi satisfacere, si Confessarii eandem
 eleemosynam ipsismet pauperibus appli-
 cent =

cent = *Puro etiam*, inquit, *quod satisfacere pauper, si facias sibi ipsi a Confessario eleemosynam, quam pro lucranda Indulgentia tenetur facere; nam sicut pauper, debitor rei incertae, cum consilio, & auctoritate Confessarii, potest sibi illam applicare, & tunc dicitur vere restituere: ita etiam dicitur facere eleemosynam, qui, cum sit pauper, auctoritate Confessarii illam, quam facere tenetur pro lucranda Indulgentia, sibi applicat* = Quod approbans Zacharius Pasqualigus in *Praxi magni Jubil.* subdit = *In tali casu pauper dat eleemosynam Confessario erogandam, cui placuerit, a quo adeo quantum est de se largitur eleemosynam: Confessarius vero habens liberam potestatem elargiendi talem eleemosynam eroganti largitur, & sic vere salvatur, quod pauper largitur eleemosynam* = Sed huic sententiae minime subscribimus: siue enim pauper a Confessario sibi eleemosynam applicari pultaret, quam pro acquirenda Indulgentia tenetur facere, ut vult Bosius: siue Confessarius eleemosynam datam sibi a paupere, cui placuerit tradendam, eidem conferret, nunquam verum esset, vere ac proprie fieri eleemosynae largitionem; ad hanc enim necessariam requiritur translatio domini rei dande pro eleemosyna in alterum; & ideo, ut bene docet *Lugo disp. citat. num. 112.* si Dominus (Economus) committeret, ut daret eleemosynam, antequam ea pauperi traderetur, minime diceretur obligationi faciendi eleemosynam satisfacere; cum adhuc rei dominium in paupere non esset translatum, sed adhuc esset penes Dominum, qui quandiu eleemosyna non est data, potest revocare mandatum. Porro, rei dominium in utroque casu adhuc esset penes pauperem, cum supponatur, quod Confessarius eam alteri pauperi minime conferret.

Quomodo autem possint se gerere Regulares in ordine ad huiusmodi Indulgentiam, qui ratione voti paupertatis, rerum temporalium dominium non obtinent, ac per consequens neque illud in alios transferunt, recte tradunt nonnulli Doctores: nempe quod data a Superioribus facultate retinendi aliqua ad honestos usus, possint de illis tenuem partem in pauperes erogare de eorumdem venia tacita vel expressa.

Quod si eleemosyna fieret a Superiore Monasterii nomine subditorum, tunc etiam Regulares Jubilaeum lucrarentur, quanquam ex rebus ad proprium & peculiarem usum spectantibus nihil impenderent ad aliorum egestatem sublevandam; quia datum a conventu ab omnibus partialiter datum, censetur. Quod sufficit ad dandam veram eleemosynam, eo modo quo, duo pro indiviso fundum habentes, si pauperi concederent, fructus ex illo percipere, vere eleemosynam praebent. Id tamen verum est, si subditis ipsis scientibus & volentibus fiat: alias ipsis ea moralis actio, quae est eleemosynae largitio, minime imputaretur; unde debent praemoneri a Superiore, de voluntate dandi eleemosynam eorum nomine.

Quaerens 4.^o Quid esset dicendum, si Superior Regularis nollet nomine subditorum eleemosynam pauperibus tradere: neque illis veniam dare, ad hoc pietatis & miserationis officium exhibendum?

Bosius *Sev. 4. casu 21. n. 14. Diana par. 5. tract. 12. resol. 31.* putant, posse subditos in his casibus aliquid de Monasterii bonis accipere, ad implendum opus iunctum eleemosynae; Superioris enim voluntas, inquit, censetur irrationabilis. Eo vel maxime, quia Regulares habent jus ad bona Monasterii iuxta mensuram a regulari taxatam, ideoque, eorum usu iniuste denegato, possunt aliquid, ob honestissimum finem sibi Indulgentiam comparandi, alienare ex bonis communibus.

Sed haec sententia opponitur Angelici Praeceptoris doctrinae, qui 22 *quest. 32. artic. 8. in resp. ad 1.^{am}* tradit, citra casum extremae necessitatis non posse Regularem sine licentia Superioris eleemosynam facere de bonis Monasterii = *Dicendum*, inquit, *quod Monachus, si habet dispensationem a Praelato commissam, potest eleemosynam facere de rebus Monasterii, secundum quod sibi est commissum; si vero non habet dispensationem, quia nihil proprium habet, tunc non potest facere eleemosynam sine licentia Abbatis vel expresse habita vel probabiliter praesumpta: nisi forte in articulo extremae necessitatis, in quo licitum est ei furari, ut eleemosynam daret. Nec propter hoc efficitur peioris conditionis, quia sicut dicitur in Libro de Ecclesiast. Dogmatib.*

Bo-

Bonum est, facultates cum dispensatione pauperibus erogare, sed melius est pro intentione sequendi Dominum, insimul omnia donare, & absolutum sollicitudine egere cum Christo = Claudicat insuper hæc sententia, quia nec Superior, nec Monasterium tenetur ex iustitia eleemosynam facere de bonis communibus, ut subditi Indulgentias lucrentur; qui enim sunt constituti sub alterius potestate, jus non habent ad quencunque actum supererogationis animæ utilem exercendum, cum alia opera possint peragere magis meritoria, quam acquirere remissionem poenæ temporalis per Jubilæum obtinendam = Dicendum (inquit D. Thomas in 4. dist. 20. art. 3. quæst. 2. ad 2.^{am}) quod quavis hujusmodi Indulgentia multum valeant ad remissionem poenæ, tamen alia opera satisfactionis sunt magis meritoria respectu præmissæ essentialis, quod in infinitum melius est quam dimissio poenæ temporalis.

Dices. Summus Pontifex Indulgentiam concedens, videtur Regularibus conferre facultatem ad faciendum ea, quæ pro acquirenda Indulgentia injuncta sunt; est enim Prælatum omnium Regularium, qui dant facultatem ad finem, eam pariter dare censetur ad media necessaria, sine quibus finis nequit obtineri; ac proinde cum eleemosynæ largitio sit medium necessarium ad lucrandum Jubilæum, negante Superiore Regulari veniam ad dandam eleemosynam subdito pro Indulgentia, nec nomine conventus id præstante, illam Summus Pontifex dare censetur.

Resp. falsum esse, Summum Pontificem ob Jubilæi concessionem veniam Regularibus personis impertiri ad dandam eleemosynam ex bonis Monasterii, invito Superiore. Alias possent Regulares ob eandem rationem domo exire, ut Ecclesias visitarent in Jubilæi concessionem destinatas; quod profecto vergeret in maximum Regularis discipline detrimentum. Mens ergo Summi Pontificis est, concedere Jubilæum sub conditione eleemosynæ, visitationis Ecclesiarum, & jejunii; per hoc vero facultatem non tribuit Regularibus, vel aliquod minimum imaginarium jus ad pecuniam a Superiore habendam.

Resp. itaque dubio proposito, tum ut voto paupertatis, tum ut Jubilæi perce-

pioni consulatur, petendam esse a Regularibus in hoc casu, commutationem injunctæ eleemosynæ in aliud pium opus æquivalens a Confessariis (quod pariter, de pauperibus aliisque personis non habentibus, unde possint eleemosynam ad sublevandam egenorum inopiam conferre, dicendum est) quia Sedes Apostolica ne ob impotentiam explendi opera injuncta, maneant Fideles amplissimo Jubilæi munere destituti, hanc facultatem solet adicere in Jubilæi Diplomate, ut possint Confessarii opera ipsa injuncta in alia commutare, quod ex sequenti clausula in ipsis de stilo apponi consuecta deprehenditur = *Regularibus personis utriusque sexus, etiam in claustris perpetuo degentibus, necnon aliis quibuscunque, tam Laicis quam Ecclesiasticis, Secularibus vel Regularibus, etiam in carcere aut captivitate existentibus, vel alia corporis infirmitate, seu alio quocunque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis a Locorum Ordinariis ante præsentium publicationem, seu approbanlis, eis in alia pietatis opera commutare, vel in aliud proximum tempus prorogare possit, eaque injungere, quæ ipsi penitentes efficere poterunt, pariter concedimus & indulgemus.*

Quæres 5.^a An de bonis illicite acquisitis fieri possit eleemosyna pro Jubilæo?

Ad difficultatis solutionem observandum est cum D. Thoma 2. 2. quæst. 32. art. 7. in corp. tribus modis aliquid dici posse illicite acquisitum. 1.^o quando persona super re nullum assequitur verum dominium, sed ei debet fieri restitutio, a quo injuste fuit ablata, ut pretium ex furto vel usura proveniens. 2.^o si aliquid nequeat retineri, non quia contra iustitiæ leges acceptum, sed quia Juri Divino opponitur, de quo habetur Matthæi 10. v. 8. = *Gratis accepistis, gratis & date* = ut esset pretium limoniacum. 3.^o quia opus, unde provenit pretii acquisitio, malum est, ut lucrum ex meretricio = *Triplex* (inquit S. Doctor) *potest aliquid esse illicite, acquisitum. Uno enim modo id, quod illicite ab aliquo acquiritur, debetur ei, a quo est acquisitum, nec potest ab eo restitui, qui acquisivit: sicut contingit in*

ra-

vapina & furto, & usuris. Et de talibus, cum homo teneatur ad restitutionem, eleemosyna fieri non potest. Alio vero modo est aliquid illicite acquisitum, quia ille quidem, qui acquisivit, retinere non potest, nec tamen debetur ei, a quo acquisivit; quia scilicet contra iustitiam accepit, & alter contra iustitiam dedit: sicut contingit in simonia, in qua datus & accipiens contra iustitiam Legis Divine agit. Unde non debet fieri restitutio ei, qui dedit, sed debet in eleemosynas erogari, & eadem est ratio in similibus, in quibus scilicet datio & acceptio est contra legem. Tercio modo est aliquid illicite acquisitum, non quidem, quia ipsa acquisitio sit illicita: sed quia id, ex quo acquiritur, est illicitum, sicut patet de eo quod mulier acquirit per meretricium: & hoc proprie vocatur turpe lucrum; quod enim mulier meretricium exerceat, turpiter agit, & contra Legem Dei: sed in eo quod accipit, non injuste agit, nec contra legem. Unde quod sic illicite acquisitum est, retineri potest, & de eo eleemosyna fieri.

Hac itaque præmissa observatione respondemus, de illicite acquisitis primo modo fieri non posse eleemosynam ad acquirendam Indulgentiam; quia eleemosyna fieri debet ex propriis, ita ut in pauperes rei datæ transferatur dominium; unde dicitur *Matth. 18. v. 7. = Frange esurienti panem tuum = & Proverbiorum 3. v. 9. = Honora Dominum de tua substantia =* Quæ autem ex furto vel ex usura proveniunt, furantis aut usuram committentis propria non sunt, nec aliis liberaliter donari possunt, sed juxta commune Theologorum assertum urget obligatio ea restituendi personis, a quibus furto vel usura sublata sunt.

Nec contra hanc responsonem militat Christi autoritas *Lucæ 19. v. 9. = Facite vobis amicos de mammona iniquitatis =* quæ male intellecta furandi occasionem præbet = *Hoc verbum Domini* (inquit D. Augustinus *serm. de Verb. Dom.*) *quidam male intelligendo rapiunt res alienas, & aliquid in de pauperibus largiuntur, & putant se facere quod præceptum est* = genuina enim hujus autoritatis interpretatio est ea, quæ traditur ab Angelico

Præceptore in *art. mox citin resp. ad 1.^m* his verbis = *Secundum Ambrosium, iniquum mammona dixit, quia variis divitiarum illecebris nostros tentant affectus: vel quia in pluribus Prædecessoribus, quibus patrimonio succedit, aliquis reperitur, qui injuste usurpatis aliena, quantum tu nescias, ut Basilius dicit: vel omnes divitiæ dicuntur iniquitatis, id est, inæqualitatis, quia non æqualiter sunt omnibus distributæ, uno egente, & alio superabundante.*

Idem respondemus de illicite acquisitis secundo modo, non quia earum rerum verum non obtineatur dominium, sed quia urgente præcepto eleemosynæ, titulo injuste acceptionis, nequit satisfieri alteri obligationi injunctæ in Jubilæi concessione, juxta dicta in *Cap. antec. l. art. 6.*

De illicite tamen acquisitis tertio modo fieri posse eleemosynam ad Jubilæum acquirendum, asserimus; quia quamquam mulier meretricium exercens contra Divinam Legem operaretur, tamen pecuniam tibi male partam nec injuste reciperet, nec recipiendo ullum Divinum præceptum violaret: nisi fortasse (ut observat LAVORIUS *par. 1. c. 19*) eam cum fraudibus extorqueret, verum enim haberet hujusmodi pecunie dominium, atque lucrum alio titulo non debitum pauperibus, ad eorundem inopiam sublevandam impenderet. Faceret itaque opus supererogationis, ac per consequens aptum & sufficiens ad implendum opus injunctum eleemosynæ, in Indulgentiæ comparandæ concessione requisitum a Summo Pontifice.

Dices. Eleemosyna ex meretricio proveniens, a Deo minime acceptatur; dicitur enim *Cap. eleemosyna causa 14. quæst. 5. = Eleemosyna oculis Redemptoris nostri placet, quæ nec ex rebus illicitis, nec iniquitate congeritur, sed de rebus concessis bene acquisitis impenditur.*

Resp. in Capite laudato eleemosynam ex bene acquisitis commendari, ad exclusionem alterius, quæ ex injuste perceptis erogatur: & ideo non contraponi cuicumque, sed illi duntaxat, quæ sit ex illicitis & iniquitate, hoc est interveniente injustitia, quam certum est, minime reperiri in eleemosyna facta ex turpi lucro, proveniente ex meretricio.

ARTICULUS IV.

De Jejunio.

QUANTUM jejunium late sum-
tum ad abstinentiam a peccatis ex-
tendatur, ut constat ex cap. 58.
Isaia 9. 6. = *Nonne hoc est magis jeju-
nium, quod elegi? Dissolve colligationes
impietatis, solve fasciculos deprimen-
tes; dimittite eos, qui contraxerunt sunt,
liberos, & omne onus dirumpite* = & ex
D. Hieronymo super Matt. 17. qui ait =
*Jejunium est, non solum ab esca, sed a
cunctis illecebris abstinere* = proprius ta-
men & usitatus de abstinencia a cibo &
potu accipitur; & jejunium hoc modo ac-
ceptum triplex est, jejunium naturæ: jeju-
nium virtutis: jejunium ex Ecclesiæ præ-
cepto.

Jejunium naturæ omnimodam a cibo &
potu abstinentiam importat, idque ex se,
cum meram dicat privationem, neque bonum
finem, circumscripta intentione jeju-
nantis, respiciat, nec virtus est nec actus
virtutis; ut docent Richardus in 4. di-
stinct. 15. art. 3. qu. 1. Major ibid. qu. 3.
Requiritur tamen ex Ecclesiæ præcepto
ad Sacram Eucharistiæ functionem (excep-
to mortis articulo, ubi obligatio urgetur
sumendi hujusmodi Sacramentum per mo-
dum Viatici)

Jejunium virtutis abstinentiam significat
a cibo & potu juxta regulam a temperan-
tiæ virtute præscriptam, ut homo id su-
mat, quod est necessarium ad vitam atque
debitam corporis valetudinem conservan-
dam; cum vero diversa sint hominum ge-
nera, variae complexionēs, locorumque
diversitates, medium a temperantiæ vir-
tute præstitutum non consistit in indivisibili,
sed quandam habet latitudinem; cibus
enim vel potus, qui in uno esset excessus,
in alio dicitur virtutis regulam nequaquam
excederet.

Jejunium Ecclesiæ, est abstinencia a ci-
bis secundum regulam & statutum Eccle-
siæ, idque tria potissimum requirit 1.º uni-
cam commessionem 2.º abstinentiam a cer-
to ciborum genere 3.º horam debitam com-
messionis circa meridiem, sicuti usu rece-
ptum est; cui tamen non opponitur mo-

dica vespertina refectio, dummodo mo-
dum ac consuetum morem non excedat. Je-
junium ergo juxta hanc acceptionem con-
sideratum est etiam actus virtutis tempe-
rantiae, ex quo triplex provenit fructus,
scilicet vitiorum compressio: mentis ele-
vatio a terrenis ad coelestia: præmium
& virtutum assecutio, juxta id quod canit
Ecclesia = *Qui corporali jejunio viti-
a comprimit: mentem elevat: virtutes lar-
gitur, & præmia* = Hæc omnia illustrat
Angelicus Præceptor 2. 2. qu. 147. art. 1.
in corp. = *Dicendum, inquit, quod ex
hoc aliquis est actus virtuosus, quod per
rationem ordinatur ad aliquod bonum
honestum, hoc autem convenit jejunio.*
*Assumitur enim jejunium principaliter
ad tria. Primo quidem ad concupiscen-
tias carnis reprimendas; unde Apostolus
dicit in auctoritate inducitur, in jejunio,
in castitate, quia per jejunium castitas
conservatur; ut enim Hieronymus dicit:
Sine Cerere & Baccho friget Venus: id est
per abstinentiam cibi & potus repressit
luxuria. Secundo, assumitur ad hoc,
quod mens liberius elevetur ad sublimia
contemplanda; unde dicitur Daniel. 10.
quod post jejunium trium Hebdomada-
rum revelationem accepit a Deo. Tercio
ad satisfaciendum pro peccatis; unde
dicitur Joel. 2. Convertimini ad me in
toto corde vestro, in jejunio, & fletu
& planctu. Et hoc est, quod Augustinus
dicit in quodam sermone de oratione &
jejunio. Jejunium purgat animam,
mentem sublevar, propriam carnem
spiritui subjicit, cor facit contritum
& humiliatum, concupiscentiæ nebulas
dispergit, libidinum ardores extinguit,
castitatis vero lumen accendit. Unde
patet, quod jejunium est actus virtutis.*

Hinc superfluum est, aliam rationem
innuere, quare Sedes Apostolica propter
jejunium Ecclesiasticum (cæteris aliis je-
juniis omisiss, quæ ad nostrum institutum
non spectant) Thesaurum meritum,
Christi & Sanctorum per Indulgentiarum
concessionem aperiat.

Sed ut dubia, quæ in hac materia fieri
possunt, solvamus

Quæres 1.º An ad implendum jejunium
pro acquirendis Jubilæis extraordinariis,
tribus diebus ejusdem Hebdomadæ, nempe
feria quarta, sexta, & Sabbato servandum,
opus

opus sit abstinere ab ovis & lacticiis?

Dubium hoc cum illo sane. coincidit, quod passim Doctores instituunt: num scilicet jejunium extra Quadragesimam in vigiliis ab Ecclesia institutis, vel ex voto, aut ex Confessarii præcepto peragendum sit cum ovis & lacticiis; in quo profecto duplex est, & quidem utraque probabilis Doctorum opinio.

Durandus in 4. dist. 1. q. 9. nu. 1. Diana 1. par. tr. 9. resol. 4. & 3. par. tr. 6. resol. 80. Bossius de *Jubilæis* alique, quos refert Leander par. 3. tr. 5. disp. 3. qu. 4. negant esse prohibita ova & lacticia in jejunio extra Quadragesimam sub culpa mortali, quia nullus textus reperitur in jure, qui ova & lacticia extra dictum tempus prohibeat. Quod si dicatur, hanc prohibitionem haberi in *Cap. Denique dist. 4. can. 56.* ubi a D. Gregorio Papa, a quo illud Caput desumptum est, ita asseritur = *Visum est ergo, ut omnis Del Ecclesia, quæ est in uno terrarum Orbe, unum ordinem sequens jejunium perficiat, & abstineat sicut ab omni maculabili, sic & ab ovis & caseo, quæ quidem sunt fructus & fetus eorum, a quibus abstinemus*: id nullo modo evinci potest; Sanctus enim Pontifex Augustino respondens, de Quadragesimali jejunio duntaxat loquitur, ut notat Abbas in rubric. de *Observat. Jejunior.* Quod robur accipit ex eo, quod alie interrogationes in dicto Capite contentæ, & ab Augustino propositæ, versantur circa tempus Quadragesimæ. Igitur idem dicendum est de interrogatione & responsione jejunii allatis in dicto Capite.

Non desunt tamen alii Authores, qui putant, in jejunio etiam extra Quadragesimam peragendis, jure communi prohiberi non tantum carnes, sed quæ originem fementinam ab illis trahunt, ut ova & omnia lacticia; inter quos Alexander Præpositus in *Cap. Denique dist. 4. n. 6.* Dominicus in *Cap. Rogationes de Consecr. dist. 3.* Astenius in *Summa par. 2. tit. 28. art. 3. q. 5.* Covarruvias lib. 4. resol. cap. 20. nu. 15. quos refert & sequitur Machado in lib. 2. *Summ. part. 4. tract. 3. docum. 4. nu. 3.* fundamentum hujus sententiæ est in *Cap. cit. Denique can. 56.* ubi prohibentur ova & lacticia tempore Quadragesimæ, quia hæc trahunt originem ex carnibus, & cum carnibus cognationem habent, a qui-

bus ratione jejunii est abstinendum; quæ quidem ratio, ut constat, militat in omnibus jejunio: adeoque idem jus est pro jejunio, tam intra quam extra Quadragesimæ tempus implendis. Cæterum his sententiis in sua probabilitate relictiis

Respondemus cum Azorio lib. 7. *Instit. Moral. cap. 10.* Thoma Sanchez lib. 4. in *Decalog. cap. 11. a nu. 49.* jejunium ad acquirendum Jubilæum extra Quadragesimam exactum, peragendum esse juxta usum in unaquaque Provincia servari solitum: ita ut, ubi viget consuetudo jejunandi sicut in Quadragesima cum abstinentia ab ovis & lacticiis, urgeat pariter obligatio id observandi pro Jubilæis extraordinariis; aliter vero si vigeat consuetudo comedendi in vigiliis ova & lacticia. Quod profecto optime probat praxis Fidelium optima obligationum & legum interpres; pro hujusmodi siquidem obligationibus implendis non aliter se gerunt Fideles, quam juxta propriam uniuscujusque Provincia consuetudinem.

Quæres 2.^o An gaudentes privilegio Bullæ Cruciatæ, ubi viget consuetudo, in vigiliis extra Quadragesimam peragendis, abstinendi ab ovis & lacticiis, possint frui Jubilæis extraordinariis, si diebus pro jejunio determinatis utantur prædictis cibis?

Hoc dubium sibi ventilandum proponens Navarrus lib. 3. *Consilior. de Observation. jejun. consil. 5.* expensa clausula concessionis Bullæ Cruciatæ Gregorii XIII. nempe = *Ut qui acciperent illam, possent comedere ova & lacticia diebus, quibus est indictum jejunium Ecclesiasticum, & satisfacere hujusmodi jejunio, servando alia, quæ requirit jejunium* = negativam sententiam amplectitur = *Respondendo, inquit, quod non. Tum quod dispensatio, sive privilegium prædictæ Clausulæ Cruciatæ solum concedit facultatem comedendi ova & lacticia in diebus jejuniorum Ecclesiasticorum; concedit enim facultatem gaudentibus illa, ut possint comedere ova & lacticia in diebus jejunii Ecclesiastici: & quod servando alia, quæ requirit jejunium, censentur satisfacere hujusmodi, sive præfato jejunio, quod est restringendum ad Ecclesiasticum; verum enim præsumum, vel hujusmodi, sunt restrictio ad illud, quod*

re-

refertur juxta l. hujusmodi cum ei adnotatis; & sic habent verba Hispanæ Cruciatæ: Guardando en lo demas la forma del ayuno Ecclesiastico Joan vislos haver cumplido y satisfecbo ad dicho ayuno. Tum quia privilegia, licet ita sint interpretanda, ut aliquid operentur ultra jus commune, Cap. in his de privilegiis, non sunt tamen extendenda ad alios effectus, dato aliquo quem operentur, & ad quem sint utilia, ut tradit Panormitan., quem copiose cum multis aliis citat, & sequitur Decius; & consequenter præfatum privilegium non debet extendi ad alios effectus, dato aliquo quem operetur, & interpretando quod præfatum privilegium operetur quoad jejunia Ecclesiastica, sive ab Ecclesia jure communi instituta, non est extendendum ad jejunia per præfatum Jubilæum indulta. Tum quod dispensationes, que exorbitant a jure communi, quale est prædictum privilegium, sunt odiosæ & restringendæ. Tum quod a separatim non fit illatio: & secundum proprium & vulgarem modum loquendi, aliud est jejunium Ecclesiasticum a communi jure indultum, & aliud jejunium, quod quis vovet, & aliud jejunium a Confessore in penitentiam impositum, & aliud jejunium alio respectu particulari impositum; & consequenter privilegium datum ad moderandum jejunium Ecclesiasticum, institutum a jure communi, non est extendendum ad jejunium votum, vel a Confessore injunctum, vel a Summo Pontifice, vel ab aliquo Superiore ad aliquem particularem respectum impositum alicui particulari homini vel personæ: quale fuit jejunium injunctum a Sixto V. ad querendam Jubilæi Indulgentiam propter grandem & particularem respectum. Tum quod generi per speciem derogatur, & consequenter præceptum speciale factum de jejunando a Summo Pontifice, quod præsumitur factum de modo jejunandi secundum jus commune, derogat privilegio generali satisfaciendi jejunio Ecclesiastico.

Sed probabilius respondemus cum Ludovico Lopez 2. par. Instrucl. tr. de Penit. cap. 112. de Jejunio, Manuele tomo 1. Summe cap. 184., & Petro de Ledesma, 2. tom. Summe tr. 27. cap. 2. affirmative, quia Sedes Apostolica Jubilæum extraor-

dinarium concedens, vult exerceri jejunium Ecclesiasticum. Suppositis autem Bullæ Cruciatæ privilegiis, ova & lactinia comedens diebus in Jubilæo extraordinario præscriptis (nisi aliud requisitum decisset) jejunium Ecclesiasticum observaret; cum hujusmodi jejunio a comedentibus ova & lactinia juxta Bullæ laudatæ tenorem optime satisfiat.

Dices. Ex hoc sequitur, utentem privilegio personali comedendi carnes tempore Quadragesimæ posse obtinere Indulgentiam Jubilæi extraordinarii, etiam si carnis buteretur.

Resp. hoc minime inferri; commestio enim carnum etiam ex privilegio personali jejunii substantiam penitus destrueret. Cæterum ob indultum Bullæ Cruciatæ diebus ad jejunandum pro Jubilæo præscriptis ova ac lactinia comedens, si alia requisita non decisset, jejunium Ecclesiasticum impletet: ut habetur ex illis verbis Bullæ: Satisfacere hujusmodi jejunio, servando illa, que requirit jejunium.

ARTICULUS V.

De Sacramentali Confessione & Communione.

NOVUM non est, Sedem Apostolicam in concedendis Indulgentiis hac clausula uti = Vere penitentibus & confessis = etenim de ea fit mentio in Extravaganti Antiquorum de Penit. & Remissionib. & in Clementina unica de Reliquiis & venerat. Sanctor.

Quid per Vere penitentibus in Apostolicis Indulgentiarum Literis intelligatur, supra Cap. 8. artic. 3. in resp. ad 3.^{am} Argum. Cajetani exposuimus, eos nimirum significari, qui ex amore Dei summe dilecti serio proponunt, se ad antea vitæ excessus nunquam redituros, cum proposito compensandi injurias Deo irrogatas; quamobrem in quibusdam concessionibus habetur = Vere Contriti = Sed non est ita exploratum, quid veniat per illud verbum Confessi; unde

Quæres 1.^o An ad acquirendam Indulgentiam, ea adjecta clausula concessam, sufficiat dumtaxat Confessio in voto, vel requiratur in re?

Putarunt plurimi Doctores, inter quos Angelus in Summa §. 17. Rosella eodem

titulo, Paludanus in 4. *dist.* 20 *quest.* 4. *art.* 3. & Panormitanus in *Cap. Omnis utriusque sexus*, de *Penit.* & *Remissio- nib.* ex vi supradictæ clausulæ, Confessionem Sacramentalem non requiri tunc vel ante, illo vel alio anno factam, sed solum sufficere confitendi propositum secundum Jus: nempe in Quadragesima, seu in Paschate cum actuali contritione, ad hujusmodi Indulgentiam comparandam.

Nos tamen respondemus, exigi necessario Confessionem in re. Ita Cajetanus *tract.* 15. de *Indulg.* *cap.* 10. Navarrus in *Nosab.* 18. de *Indulg.* & *Jubil.* alique. Ubi enim plures qualitates requiruntur copulative, necesse est omnes haberi, ut locum habeat dispositio *L. si Heredi plures ff. de Conditionib. Institut. l. si quis qui ducenta §. utrum ff. de reb. dubis*; in Literis autem hujusmodi Indulgentiarum contritio & Confessio exiguntur a concedente. Immerito autem *Ly Confessio* exponitur de Confessione in voto. 1.^o quia juxta propriam significationem per *Ly Confessio* venit Confessio actualis, sicut Indulgentia visitantibus Ecclesiam concessa, visitationem in re faciendam significat. 2.^o superfluum foret adjicere *Confessio*; nihil enim Prælati concedens diversum a precedenti conditione Indulgentiam comparaturis injungeret, cum Confessionis votum jam ea verba *vere Penitentibus* declararent; nequit enim quis vere poenitens dici, si careat proposito peccata sua Ecclesiæ Clavibus subjiciendi. 3.^o quando Summi Pontifices Confessionem in re non exposcunt, aliam adhibent clausulam nempe *Propositam Confessionis habentibus*; Ergo quando eam clausulam adhibent *vere Penitentibus* & *Confessio* = non tantum Confessionem in voto sed etiam in re volunt ac requirunt. His accedit, quod in Sacra Congregatione Indulgentiis Sacrisque Reliquiis præposita, ad instantiam Episcopi Maliapuriensis sequentibus dubiis excitatis

1. *An Sacerdotibus Missionariis in Regionibus Infidelium degentibus, deficiente Confessario, ac Sacrum peragentibus, præmissa duntaxat contritione, sufficiat quoque pro assequenda Indulgentia actus contritionis: & quatenus negative?*

2. *An consulendum Sanctissimo pro gratia?*

Eadem Sacra Congregatio sub die 19. Septembris 1729. Respondit = *Ad 1.^{am} Negative. Ad 2.^{am} Consulendum Sanctissimo, ut per organum Sacre Congregationis de Propaganda Fide præfatis Missionariis concedere dignetur Indulgentiam: ut sistens, quoties pro consequendis Indulgentiis desit copia Confessarii, ideoque actualem Confessionem præmittere nequeant; sufficiat contritionis actus, & Confessio in voto* = Hæc habes in Decreto Sacre Congregationis de Propaganda Fide edito pro Missionariis Cappuccinis Gallis & Hybernis, degentibus in partibus Infidelium & Hæreticorum, quod dabitur in calce.

Obijcies 1.^o Per illam clausulam exposcitur Confessio ut mera dispositio ad removendas culpas, quæ impediunt Indulgentiarum assecutionem. Per actum vero contritionis includentem in voto omnium præceptorum observantiam, remittuntur culpæ, & aptantur Fideles ad percipiendum fructum Indulgentiarum. Ergo ad acquirendas Indulgentias concessas cum illa clausula, sufficit Confessio in voto. Accedit, hoc esse conforme menti concedentis Indulgentias, qui tanquam finem respicit animarum salutem; & hoc maxime constat, quando dicta clausula præponitur alteri = *Qui visus fuerit: Qui jejuna-verit* = ubi per antecedentem de subjecto, cui sit concessio, qualificative disponitur, per subsequentem vero, de opere implendo seu conditione, sub qua sit concessio, statuitur. Ergo ex vi clausulæ = *vere Penitentibus* & *confessio* = non requiritur necessario Confessio in re.

Resp. falsum esse, dictam clausulam requirere Confessionem tanquam meram dispositionem ad removenda culparum impedimenta; ut enim bene ratiocinatur Passerinus *Quest.* 28. *num.* 232. ex una parte ad peccatorum remissionem Confessio in re non est simpliciter necessaria, adeoque contritio cum Confessione in voto ad eam sufficiens est: ex alia vero, in non contritio datur necessitas Confessionis actualis ad Indulgentiæ fructum recipiendum, & quidem de Jure Divino, cum status gratiæ debeat poenarum temporalium remissionem præcedere; sed intenditur ut medium securius ad peccatorum remissionem obtinendam. Requiritur ergo Confessio, vel ut opus adjunctum, vel ut conditio ex parte

te subiecti. Idque verum est etiam, quando ea clausula præmittitur alteri: *Qui vis: scilicet* &c. quomobrem, nemo ibi inficias, animarum salutem potissimum ibi a Summis Pontificibus intendi, non tamen utcunque, sed media Confessione Sacramentali in re.

Obijcies 2.^o Ea verba = *vere contritis & confessis* = aut sumenda sunt distributive, aut copulative. Si primum dicatur, sensus est, Indulgentiam tam contritis quam confessis concedi: ac per consequens liberum esset Fidelibus intuitu Indulgentiæ vel contritionem, vel Confessionem in re præmittere. Secundum dici non potest, quia semper oportere prævie ad Confessionem in re, actum contritionis elicere a charitate imperatum; alias Indulgentiam nemo assequeretur. Ergo ea verba non sumuntur copulative, ac per consequens ea clausula solum exposcit Confessionem in voto.

Resp. dicta verba sumi copulative, ac tum elicientes contritionem perfectam, dolorem scilicet de culpis propter Deum summe dilectum comprehendere, tum habentes contritionem imperfectam, quæ est *dolor de peccatis aut ex eorum turpitudine, aut gehennæ & penarum metu conceptus*: ut loquitur Tridentinum, *sess. 14. cap. 4.* unde etiam attriti ad Pœnitentiæ Sacramentum accedentes possunt acquirere Indulgentias.

Obijcies 3.^o Clemens VI. in Extravaganti *Unigenitus de Pœnit. & Remission.* de potestate dispensandi Ecclesiæ Thesaurum per Indulgentiarum concessionem loquens, inquit = *Vere pœnitentibus & confessis misericorditer applicandum* = Insuper Martinus V. Constitutione incipiente *Inter cunctas* jubet de Hussitica hæresi suspectum interrogari = *Utrum credat, quod Papa omnibus Christianis vere contritis & confessis ex causa pia & iusta possit concedere Indulgentias?* = In his autem locis nequit sermo esse de Confessione in re; fieret enim, non posse sine illa Ecclesiæ Prælatos Indulgentias Fidelibus despondere. Ergo quando Indulgentia conceditur vere pœnitentibus & confessis, non requiritur Confessio in re, sed sufficit in voto.

Resp. ex quo clausula illa de Confessione in re intelligatur, non inferri, Sum-

mum Pontificem non posse Indulgentias concedere, nisi præsupposita Confessione Sacramentali in re ex parte eas recipientium; quia tam Clemens VI. quam Martinus V. in laudatis Constitutionibus affirmant id, quod est certissimum, non tamen excludunt, quominus Indulgentiarum beneficium queat absolute vere contritis duntaxat dispensari. Maxime quia, seopus ibi non erat, requirere ex parte Fidelium ad percipiendas Indulgentias statuere, sed potius Clavium potestatem Summo Pontifici a Christo relictam ad dispensandum, Thesaurum meritum Christi & Sanctorum definire; quod profectio erat exponendum per id, quod omni vacabat difficultate, quanvis alio modo posset declarari.

Quæres 2.^o An sufficiat Confessio tempore Paschali facta, ut impleatur obligatio per prædictam clausulam in Literis Apostolicis Indulgentiarum injuncta?

Est opinio Turrecrematæ & D. Antonini 1. *part. summ. tit. 10 cap. 3. §. 5.* apud Cordubam *lib. 5. de Indulg. qu. 27.* qui putant, Confessionem Sacramentalem sufficere factam illo anno, secundum præceptum Ecclesiæ.

Nrs vero respondemus, Confessione jam facta in Paschate non satishi obligationi, quæ per dictam clausulam indicatur = *Vere pœnitentibus & confessis* = 1.^o quia Sedes Apostolica Indulgentiam ea adjecta clausula concedens, non vult præceptum annuæ Confessionis statuere, sed opus injungere, seu conditionem se tenentem ex parte subiecti pro remissione omnium peccatorum exigere. Cum ergo per Confessionem tempore Paschali factam nequeant cuncta peccata usque ad tempus Indulgentiæ acquirendæ remitti, consequens est, nun satishi obligationi injunctæ per dictam clausulam. 2.^o opere alias præcepto nequit impleri duplex obligatio; ut dictum est *Cap. 10. artic. 6.* Posito autem, quod Confessio facta tempore Paschatis ad implendum opus injunctæ obligationis pro Indulgentiis acquirendis sufficeret, evitari non posset, quod eodem opere duplici obligationi satishi.

Obijcies. Verba generalia Judicis sunt juxta formam juris generaliter interpretanda; tenor autem concessionis Indulgentiarum non est, Confessionem fieri oportere,

tere, quando imminet occasio percipiendi fructum Indulgentiæ, sed solum, Fideles concessas Indulgentiam obtinere: idque verum est de iis, qui præceptum annuæ Confessionis impleverunt. Ergo Confessio Sacramentalis facta tempore Paschali sufficiens erit ad implendam obligationem, ex vi dictæ clausulæ in Literis Apostolicis Indulgentiarum indictam.

Resp. quantumvis tempus Confessionis faciende clare in Literis Apostolicis non exprinatur, innui tamen ibi: *Pœnitentibus & confessis*; ex eo enim constat, pari modo Confessionem ac contritionem exposci. Porro cum contritio elici debeat, quam imminet tempus acquirendæ Indulgentiæ, nec sufficiat habitata in Paschate, idem de Confessione Sacramentali dicendum est.

Quæres 3.º An semel confessus pro Indulgentia, si ante tempus ad eam acquirendam præfixum in peccatum lethale incideret, teneretur de novo confiteri?

Huic dubio, quod sibi proponit solvendum Suarius *disp. 51. sect. 3. num. 7.* respondet, probabilius in eo casu obligari Fidelem ad aliam Confessionem Sacramentalem. Quia, inquit, *ex vi illius forme requiritur Confessio omnium mortalium, quæ usque ad tempus Indulgentiæ commissæ sunt; nam talis Confessio refertur ad Indulgentiam, & ideo comprehendit totum tempus usque ad prædictum terminum, & consequenter omnia etiam peccata, intra illud tempus commissæ. Non ergo sufficit prior Confessio, quia non fuit de omnibus peccatis modo explicato; unde licet per unam Confessionem possit satisfieri tali Jubilæo, non tamen per quancunque, sed per eam, quæ fuit integra modo prædicto. Ex quo infero, si quis confiteatur occasione talis Jubilæi, & bona fide obli-viscatur alicujus peccati, postea vero recordetur illius ante elapsum Jubilæi tempus, necessarium illi esse, intra illud tempus peccatum confiteri, alioquin fructum Jubilæi non consequetur. Ratio est jam tacta, quia ex vi forme necessaria est Confessio talium peccatorum.*

Hæc Suarii ratio a pluribus Authoribus approbatur, limitatur tamen, ut locum non habeat, quando pœnitens inculpabiliter oblivisceretur alicujus peccati & postea recordaretur, si per generalem Con-

fessionem illud esset ablatum; tunc enim sc̃e haberet sicut peccatum oblitum.

Ceterum admittit Suarii ratione, nempe Confessionem Sacramentalem adjunctam totum temporis spatium comprehendere usque ad terminum, in quo ejus fructus est ex liberalitate Sedis Apostolicæ comparandus, minime proderet illius peccati Confessio inculpabiliter omiſsa, si illius culpæ recordaretur, nondum elapsa tempore ad Indulgentiam percipiendam præinito: cum defectu conditionis exactæ adhuc inculpabiliter ignoratæ Indulgentiæ effectus minime valeat comparari.

Nos vero respondemus cum Nugno in 3. parte quæst. 27. *supplement. art. 3. dist. 4. Bonacin. disp. 6. quæst. 1.º punct. 5. num. 9. Diana p. 5. tract. 17. resol. 1. aliiſque apud Passerinum quæst. 27. num. 224.* & quidem probabilius: non teneri in eo casu prolapsum in peccatum lethale iterum, confiteri intuitu Indulgentiæ, quantum est ex vi clausulæ: *Verè pœnitentibus & confessis* = supprineretur enim jam impleta obligatio Confessionis Sacramentalis, nec amplius urgeret. Eodem enim modo discurrendum est de hac obligatione in ordine ad Indulgentias, ac de præcepto annuæ Confessionis. Porro tempore Quadragesimali facta Confessione omnium peccatorum lethaliū, quorum quis erat confcius, si postea, antequam præceptum annuæ Confessionis expiraret, aliud grave peccatum perpetraret, non teneretur iterum ob tale præceptum confiteri. Alias pluries tempore Quadragesimali confessus, & penultima anni die in aliud peccatum lapsus, si in postrema anni die Confessionem Sacramentalem omitteret, præcepto annuæ Confessionis minime satisfaceret.

Quod certo tenendum est, ubi quis recordaretur peccati inculpabiliter obli-ti, post peractam Confessionem formaliter integram, intuitu Indulgentiæ percipiendæ; si enim urgeret obligatio peragendi aliam Confessionem, alio deinde peccato lethali commissio memoratæ occurrente, teneretur ad tertiam, & si post hanc aliterius recordaretur, ad quartam obligaretur, & sic ad alias. Quod alienum est a mente Summorum Pontificum concedentium Indulgentias; immensum enim esset onus pœnitentibus, quod non minorem molestiam asserret Confessariis, in tot Confessionibus fa-

faciendis & audiendis, præsertim in ea temporis angustia, & magno poenitentium concursu, qui vitari nequi tempore Jubiliæ.

Consulto diximus in responsione ad dubium = *Quantum est ex vi clausule verò poenitentibus & confisso*, = quia si Confessione onus Communiois Sacramentalis adjiceretur, sicut de stilo in concessione Indulgentiæ Plenariæ injungitur his verbis = *Sacra Communionem refectis* = sola contritio culpæ lethalis antea in Confessione inculpabiliter oblata minime sufficeret; nemo enim peccati lethalis conscius ad Sacramentum Eucharistiæ licite potest accedere, nisi præmissa Confessione, juxta Concilii Tridentini statutum *sess. 13. cap. 7. & can. 10.* = *Ne tantum Sacramentum indigne, atque ideo in mortem & condemnationem sumatur, statuit ac declarat ipsa sancta Synodus, quos conscientia peccati mortali gravat, quantumcunque etiam se contritos existiment, habita copia Confessoris, necessario præmittendam esse Confessionem Sacramentalem. Si quis autem contrarium docere, prædicare, vel pertinaciter asserere, seu publice disputando defendere præsumserit, eo ipso excommunicatus existat* = & ideo Confessum ejusmodi Authoris alias gravissimi & sapientissimi docentis, antea confessum, postea tamen conscientium peccati lethalis inculpabiliter obliti, non teneri de novo confiteri, antequam accedat ad Altare, jussu Sacre Inquisitionis fuisse deletum, testatur Diana in *p. 3. tract. 14. resol. 5.*

Quæres 4.º An per Confessionem fieri lege factum Sacerdoti habenti legitimam auctoritatem absolvendi a peccatis, satisfieri queat obligationi injunctæ de Confessione Sacramentali?

Diana in *Tomo 2.º tract. 4.º de Sacram. resol. 148.* affirmativam sententiam amplectitur tanquam probabilem, & citat pro hac opinione Bartholomæum a S. Faustino de *Jubileo lib. 4. quæst. 46.* qui ait = *Non est necessesse, ut quis sit in statu gratiæ toto tempore, quo singula opera facit, sed sufficit, ut in ultimo instanti, in quo ultimum opus perficitur, sit in gratia. Dicendum est igitur, quod si in die Dominico in ipso Jubilei termino in gratiam cum Deo talis rediret, obtineret*

quidem Jubileum, non obstante quod Confessio fuerit invalida.

Nos vero respondemus, per Confessionem sacrilege factam (sive sacrilegium contingat ob Confessionem culpabiliter dimidiatam, sive ob defectum propositi non peccandi de cætero) minime satisfieri obligationi injunctæ de Confessione Sacramentali. Summus enim Pontifex onus Confessionis Sacramentalis in concessionibus Indulgentiarum adjiciens, eam exposcit, quæ sit legitima accusatio facta de propriis peccatis, ad eorum remissionem obtinendam per absolutionem. Talis autem non est Confessio sacrilega; ideoque sicut Confessione voluntarie nulla minime præceptum annuæ Confessionis impletur, ut colligitur ex sequenti propositione damnata ab Alex. VII. sub num. 14. anno MDCLXV. die 24. Septembris = *Qui facit Confessionem voluntarie nullam, satisfacit præcepto Ecclesiæ* = ita nec per Confessionem sacrilegam, quæ eum voluntarie nulla coincidit, impletur obligatio pro acquirendis Indulgentiis injuncta. Et ideo huic sententiæ subscribunt Sanctarelli in *Tract. de Jub. cap. 7. dub. 2.º* Petrus Proft. in *Spicilegio Theologico de Jubileo cap. 7. dub. 2.º* Alphonsus Leon. in *Tract. de Jubileo* alique Doctores communiter.

Quæres 5.º An idem dicendum sit de Confessione informi & valida?

Supponit quæstio proposita possibilitatem Confessionis informis & validæ, quam D. Thomas in *4. dist. 17. qu. 3. art. 4. quæst. unica prima* agnoscit; inquirens enim, utrum Confessio possit esse informis? inquit = *Dicendum quod Confessio est actus virtutis, & pars Sacramenti. Secundum autem quod est actus virtutis, est actus meritorius proprie: & sic Confessio non valet sine charitate, quæ est principium merendi. Sed secundum quod est pars Sacramenti, sic ordinat consentientem ad Sacerdotem, qui habet Clavem Ecclesiæ, qui per Confessionem consentientem consentientis agnoscit: & secundum hoc Confessio etiam potest esse in eo, qui non est contritus, quia potest peccata sua Sacerdoti innoscere, & Clavibus Ecclesiæ subicere* = & paritas aliorum Sacramentorum idem evincit; evenit enim non raro, Sacramenta Baptismatis, Confirmationis, & Ordinis

(idem

(idem dic de alijs) suscipi in statu peccati lethalis, citra infusionem gratiæ sanctificantis; quomobrem sicut essentia & partes eorundem Sacramentorum a gratia sanctificante distinguuntur, ita dolor & Confessio, quæ sunt partes essentielles Sacramenti Pœnitentiæ. Hac præmissa suppositione

Respondemus, Confessionem informem & validam sufficere ad implendam obligationem injunctam in concessione Indulgentiæ. Propugnant hanc sententiam Suarius *Disp. 52. sect. 3. nu. 6.* Fillucius *Tract. 8. num. 149.* Cardinalis de Lugo *Disp. 27. num. 103.* Leander in *Tract. 5.º disp. 14.* apud Palerium *Quæst. 27. nu. 222.* per Confessionem enim informem & validam præceptum annuæ Confessionis impletur, ut communiter docent Theologi. Ergo ea satisfactio obligationi injunctæ in concessione Indulgentiæ. Quod licet verum sit, nihilominus nisi quis deinde gratiæ statum assequeretur, intra tempus ad acquirendam Indulgentiam præstituti, per actum contritionis & charitatis elicited, vel per Sacramentum vivorum, potens per accidens primam gratiam communicare, nequaquam posset Indulgentiæ fructum obtinere, ob peccatum lethale, quantum est ex parte Confessionis informis & validæ, non remissum.

Dices. Ex vi Confessionis informis & validæ non habetur animarum justificatio, pro dispositione Indulgentiarum a Summis Pontificibus intenta: adeoque juxta mentem concedentium Indulgentias, non poterit impleri prædicta obligatio per Confessionem informem & validam.

Resp. aliud esse finem Summorum Pontificum concedentium Indulgentias: aliud vero esse materiam injunctam; eo patet modo quo, aliud est loqui de fine Ecclesiæ præcipientis jejunium: aliud de materia præcepta. Fatemur, finem a Summis Pontificibus Confessionem Sacramentalem injungentibus volitum, ad acquirendam Indulgentiam esse animarum salutem; cæterum materia injuncta est Confessio Sacramentalis. Quomobrem sicut Ecclesiasticum præceptum jejunii optime adimpleretur, quamquam carnis maceratio ab Ecclesiâ intenta minime sequeretur: ita & obligatio injuncta pro acquirenda Indulgentia media Confessione Sacramentali informi &

valida, quanvis finis a Summis Pontificibus intentus non obtineretur.

Quæres 6.º ad majorem hujus rei intelligentiam, in quo casu Indulgentiam lucraturus faceret Confessionem informem & validam?

Delgadillo *cap. 10. dub. 8. num. 44.* probabiliter opinatur id fieri, ubi contingeret Fidelem ad Pœnitentiæ Sacramentum sine dolore scienter accedere, etiam si Confessionem integram faceret: ut apparet in satisfactione, quæ quanvis non poneretur, adhuc Pœnitentiæ Sacramentum validum esset. Quod exemplo Sacramenti Baptismi est confirmat; etenim si quis vellet expresse eo saluari Lavacro regenerari, licet alias se indispositum ad recipiendam gratiam sanctificantem agnosceret, adhuc istud Sacramentum valide reciperet.

Sed hic modus dicendi suslineri non potest; Concilium enim Tridentinum *sess. 14. can. 4.* docet, dolorem atque Confessionem esse partes necessario requisitas, & Sacramentum Pœnitentiæ quasi materiam constituentes. Porro sicut hoc nullitatis vitio laboraret, si Confessio non poneretur, ita pariter si dolor non eliceretur; ideoque si quis dolorem de peccatis non haberet, verum Pœnitentiæ Sacramentum ea confitendo non perageret. Exemplum allatum Baptismi nihil concludit, ibi enim daretur materia tum remota tum proxima, nempe aqua naturalis cum ablutione, suppositis alijs requisitis essentialibus; quamquam non daretur dolor supernaturalis, qui non esset ejus pars essentialis, aut quasi essentialis, sed dispositio duntaxat ad assequendum Baptismi effectum, nempe gratiam sanctificantem, requisita. Alia ratio militat pro satisfactione Sacramentali, hæc enim est solum pars integralis, proindeque Pœnitentiæ Sacramentum supponit essentialiter constitutum.

Alius dicendi modus est, a præcedenti non omnino recedens, dari Sacramentum Pœnitentiæ informem & validum, quum peccata sua confitens invincibiliter eorum dolorem necessarium esse ignoraret, eumque non exhiberet: vel hujus necessitatis supposita scientia, putaret, se cum tali dolore ad illud accedere, revera tamen nullum haberet.

Cæterum hic pariter dicendi modus nequit

quit sustineri 1.^o quia ad Sacramenti valorem opus est, materiam a Christo institutam adhibere, bona fide minime supplendam; quamobrem, sicut si quis Ignorantia invincibili labors se in aqua naturali Sacramentum Baptismatis percipere, cum revera id non faceret: vel hanc necessariam non esse, sed alium liquorem ad illud sufficere existimaret, minime validum Sacramentum perageret, ita invincibiliter judicans, vel non exigi dolorem ad Poenitentiae Sacramentum: vel adesse, ubi nullus esset, nequaquam hoc Sacramentum valide perficeret. 2.^o quia casus ille contradictionem involvit; ubi enim quis ad sacrum Poenitentiae Tribunal accederet sine fictione, atque corde sincero confitendi peccata, necnon animo obtinendi eorundem remissionem virtute Clavium, aliquem, certe peccatorum dolorem atque detestationem conciperet. Alias nec Sacerdoti ea revelaret, nec veterem hominem cum actibus suis exuere peroptaret. Aliquis ergo dolor interveniret abstrahendo ab eo, quod esset sufficiens vel non.

Ex doctrina Estii, Sylvii, Natalis Alexandri in *Theologia Dogmat. morali tom. 1.^o lib. de poenit. art. 3.* & aliorum, qui ita admittunt doloris necessitatem, qui sit attritio in esse partis essentialis pro valore Sacramenti Poenitentiae, ut tamen pro dolore, qui est dispositio ad Sacramenti fructum, gratiam videlicet justificationis, contritionem requirant procedentem ex amore charitatis, sine quo existimant nunquam ad ultimum justificationem contingere, arduum non esset percipere, quomodo Confessio esset informis seu infructuosa & valida, defectu scilicet contritionis, quae debet ex amore charitatis procedere, dum modo ea fiat cum attritione supernaturali efficaci.

Hac tamen sententia, quantumvis probabilis sit, non tamen videtur cohaerere doctrinae de attritione supernaturali traditae a Tridentino sess. 14. cap. 4. = *Illam vero contritionem imperfectam, quae attritio dicitur* (sunt verba Concilii laudati) *quoniam vel ex carpitudinis peccati consideratione, vel ex gehennae & poenarum metu communiter concipitur, si voluntatem peccandi excludat cum spe veniae, declaratur, non solum non facere hominem hypochritam, & magis peccatorem, verum etiam donum Dei esse, &*

Spiritus Sancti impulsus, non adhuc quidem inhabitantis, sed tantum moventis, quo poenitens adjutus viam sibi ad justitiam parat: & quoniam sine Sacramento Poenitentiae per se ad justificationem peccatorum perducere nequeat, tamen cum, ad Dei gratiam in Sacramento Poenitentiae impetrandam, disponit = Ubi ut videtur, tribuitur attritioni cum Sacramento vis disponendi ad gratiam sanctificantem, qua, circumscripto Sacramento, nequaquam polleret. Quae virtus est quidem ultimo sufficiens ad acquirendum ejusmodi effectum independentem a quacunque ultimiori preparatione; disponere quippe utcumque & remote ad gratiam, per se attritioni supernaturali convenit etiam sine Sacramento, ut constat in aliis actibus supernaturalibus licet imperfectis. Ergo probabilius est asserere juxta Concilii Tridentini mentem, attritionem supernaturalem cum Sacramento Poenitentiae esse sufficientem dispositionem ad justificationis gratiam in eo productam, quin opus sit ad hujusmodi effectum recipiendum, actum contritionis adhibere.

Plurimi Doctores, ut hanc component difficultatem, dicunt, dari Sacramentum validum & informe, quum nullus actus doloris eliceretur a confitente peccata sua, praeter attritionem tantum entitativam & subjectivam, quam ex parte motivi naturalem: puta, si quis de peccatis doleret ob infamiam inde derivatam, vel ob alia incommoda, quae ex illis patitur, paupertatis vel infirmitatis.

Sed nemo non dixerit falsum praedictum dicendi modum 1.^o propter Decretum Innocentii XI. editum sub die 2.^a Martii anno MDCLXXIX. reprobandum hanc propositionem inter reprobata. 57.^{am} = *Probabile est sufficere* (nempe ad Sacramenti Poenitentiae valorem) *attritionem naturalem modo honestam = 2.^o quia dolor ad Poenitentiae Sacramenti valorem sufficiens, debet omnino aptari formae, quae virtute Sanguinis Christi a potestate Clavium Ecclesiae peragitur. Hae autem ordinem naturalem supergreditur; Sanguis enim Christi non est medicina naturalis, neque ob motivum naturalem fuit pro nobis effusus: Claves Ecclesiae Regnum Coelorum aperiunt. Dolor itaque, qui est materia hujus Sacramenti, debet ex supernaturali motivo procedere.*

Di-

Dices. Sicut valor Sacramentorum Baptismatis & Confirmationis subsistit, quantumvis eorum materia sit quid naturale, ita & valor Sacramenti Pœnitentiæ.

Resp. assignando disparitatem. Materie Baptismatis & Confirmationis sunt res inanimatæ, nempe aqua & oleum, ac per consequens ab extrinseco duntaxat ordinantur ad formas, quibus subiunguntur. Oppositum reperire est in materia proxima Sacramenti Pœnitentiæ in actibus pœnitentis consistente, qui intrinsicam possunt supernaturalitatem obtinere: & aliunde vitaliter atque libere eliciuntur ab eo, qui gratiæ actualis auxilio potest se movere ad subeundum Sacramentale iudicium, ac ad Sacerdotalem sententiam recipiendam, quæ spectat ad ordinem supernaturalem.

Gaspar Hurtado *disp. 6. difficult. 8.* putat, quod ad valorem Sacramenti Pœnitentiæ sufficiat attritio supernaturalis: ad ejus vero fructum obtinendum requirantur actus spei veniæ peccatorum, nec non fidei justificantis. Potest autem dari Sacramenti valor, quin ponantur hujusmodi actus, qui ad essentialiam attritionis non pertinent, nec sunt partes essentielles Sacramenti Pœnitentiæ: & aliunde quis potest sine illis ad Sacramentalem Confessionem accedere.

Sed neque hic dicendi modus scopum veritatis attingit; licet enim ad quamlibet adulterum justificationem, debeant actus fidei & spei concurrere, ut decernit Tridentinum *sess. 6. cap. 6.* falsum tamen est, data attritione supernaturali, non existere semper eos actus aut formaliter & expresse, aut implicite & virtualiter; impossibile enim est, eam vere & proprie concipi, quin fidei supernaturalis lumine dirigatur, ex cuius directione tum motus spei, tum vitæ corrigendæ propositum importantur; ideoque eo discursu non salvatur Sacramentum Pœnitentiæ validum & informe.

Dices. Tridentinum loco mox citato pro contritione, quam asserit ad gratiam disponere, hanc adiecit conditionem = *Si voluntatem peccanti excludat cum spe veniæ* = unde indicare videtur alterius attritionis supernaturalis possibilitatem, cui prædicta deficiunt, ac proinde quæ non est sufficiens ad fructum Sacramenti, sed illud informe relinquit.

Resp. quod etsi quæcumque attritio su-

pernaturalis virtualiter saltem & implicite aliquam spem veniæ, necnon peccandi propositum includat, tam sub munere dispositionis ad gratiam, quam sub munere partis Sacramenti Pœnitentiæ, congrue tamen a Tridentino ea conditio fuit adhibita, ut Christi fidelibus innotesceret, eos actus magis debere elucere in attritione, ut rationem dispositionis obtinet ad gratiam, quam in eadem, ut est pars Sacramenti = *Licet enim nulla sit possibilis attritio* (ut inquit PP. Salmanticenses Scholastici in *Tract. 24. de Pœnit. disp. 3. dub. 11. num. 274.*) *quæ saltem virtualiter & implicite aliqualem spem veniæ & aliquam exclusionem voluntatis peccandi non excludat: idque necessario conveniat omni attritioni supernaturali sub munere tam partis Sacramenti quam dispositionis ad gratiam: tamen congruentissime illa conditio adhibita fuit a Concilio, ut significaret, magis elucere debere in attritione, ut sit dispositio ad gratiam, quam in eadem, ut sit pars Sacramenti; atque attritionem, quæ est Sacramenti pars, vix aut leviter illos conceptus exprimere.*

Ut gravissimam hanc, in qua versamur difficultatem, dirimat Suarius, ad defectum extensivum attritionis supernaturalis recurrit, atque ita ratiocinatur. Detur Christi fidei, habens duo peccata lethalia, unum odii Dei, alterum furti, qui ob inadvertentiam secundi, actum attritionis supernaturalis eliciat duntaxat de primo, ob maximam deformitatem unice odii Dei convenientem; in hoc casu validum putaretur Sacramentum, concurrente tum Confessione formaliter integra, tum supernaturali attritione, ex motivo peculiaris turpitudinis illius peccati lethalis concepta; remaneret tamen informe, non posset enim gratiæ sanctificans infundi, manente alio peccato gravi furti irretactato.

Fateri compellimur casum a Suario excogitatum esse possibilem, quanvis raro contingentem; unde illum expendens Vincentius Candidus *disp. 24. art. 17. dub. 2.*, inquit = *Hic casus Suarez est potius speculatio metaphysica, quam casus moralis* = plura tamen Suarius in sue sententiæ explicatione proponit, quæ modum componendi Sacramenti valorem cum ejus informitate omnino alienum a praxi, ac pe-

ne impossibilem repræsentant. Demus Fidelem unum peccatum lethale confiteri, alio diversæ speciei ex invicibili oblivione relicto: aut tali modo se gerens est sapiens, aut idiota. In neutro locum habere potest subtilis ejus discursus; sapiens enim optime nocens, per dolorem ad unum lethale restrictum, ac præcise secundum suam specificam sœditatens inspectum, seipsum exponere periculo peccandi lethaliter, impediendo fructum Sacramenti (quia fortasse aliud specificè diversum latere potest in anima) eo profecto dolore ad propriam conscientiam Sacramentali Confessione purgandam nequaquam uteretur. Idiota, vix perceptis propriis rationibus specificis peccatorum, grassiori modo atque securioribus innixis motivis dolorem conciperet: puta, quod peccatum Divinæ Legi adversetur, aut inferat æternam animarum perniciem, ac proinde quolibet peccatum occultum comprehenderet implicate, ac per consequens Pœnitentiæ Sacramentum perageret nedum validum, sed etiam fructuosum.

Rejctis itaque his dicendi modis, respondemus, tunc accedentem ad Confessionem Sacramentalem efficere Sacramentum validum & informe, quando pœnitens integrè sua peccata confitetur de eisdem attritione supernaturali concepta, bona fide existimata efficaci: quavis revera inefficax sit. Consulto dicimus; *bona fide existimata efficaci*; etenim si alicui innotesceret, se attritionem efficacem non elicere; & consequenter dispositione necessaria ad recipiendam gratiam sanctificantem carere, poneret obicem fructui Sacramenti, cum quo ejus valor minime cohereret.

Pro explicatione nostræ responsionis observa, duplicem dari attritionem naturalem, aliam perfectam, quæ est absoluta & efficax, tam in peccati detestatione, quam in proposito illud vitandi de cætero: imperfectam alteram, quæ est eisdem rationes vitandi culpam attingit, vel ob ejus sœditatens vel propter poenam damni, oritur tamen ex voluntate adeo languida & remissa, ut virtutem non obtineat tum inducendi effectum, tum concipiendi propositum simpliciter efficax, sed solum quandam affectionem atque propensionem in genere suo commendabilem assert; & hæc est, atque dicitur inefficax: sicut in materia

virtutum naturalium, puta temperantiæ, reperimus actus ex proprio motivo ejus materiam attingentes, quorum aliqui voluntati firmiter hærent, & efficaciam habent, ut operis executionem inducant; alii sunt adeo languidi, ut efficacitate dicta non gaudeant, cum ex infirma voluntate, quantunvis ex eodem motivo, procedant.

Exposito inter utranque attritionem discrimine, non redditur captu difficile, quomodo adhibita attritione imperfecta a pœnitente detur Confessio informis & valida, quia attritio, quæ per modum partis essentialis Sacramentum Pœnitentiæ constituit, minime requiritur, quod sit efficax, sed sufficit etiam inefficax, vel ab efficacia & inefficacia præcindens. Concilium enim Tridentinum ex una parte, postquam sua autoritate firmavit, contritionem esse hujus Sacramenti partem, eam hæc verbis definivit = *Contritio, quæ primum locum inter dictos pœnitentis actus habet, animi dolor est ac detestatio de peccato commissio cum proposito non peccandi de cætero* = quam definitionem attritioni sufficienti, vel abstrahenti ab efficaci & inefficaci adæquate convenire competum est; a leoque ut attritio sit præcise Sacramenti Pœnitentiæ pars, efficacia non exigitur. Ex alia vero, ut attritio ad fructum Sacramenti disponat, debet esse omnino efficax & absoluta; opus enim est, juxta Tridentinum loco supracitato, ut viam parat ad justitiam, quam tunc in suo genere inferat, quando Sacramento conjungitur: sed ut id præstet, conditionem expressit Concilium = *Si voluntatem peccandi excludat* = utique actualement; nam cum voluntate peccandi habituali, seu quod idem est, cum statu peccati optime comparatur. Porro attritio hæc voluntatem excludens nequit non esse efficax & absoluta: ea namque, quæ hujusmodi non est, optime valet cum tali voluntate saltem implicita reperiri. Ubi ergo pœnitens ad Confessionem Sacramentalem accedit cum attritione inefficaci, quam bona fide efficacem existimat, Sacramentum validum perficitur, sed informe ob defectum efficacitatis reperte in attritione.

Quæres 6.^o An impleatur obligatio Confessionis Sacramentalis ad Indulgentiam percipiendam injuncta, si Sacerdos

non intenderet facere, quod Ministri legitimi Sacramenti Pœnitentiæ facere solent?

Hæc Quæstio est illa celebris: num scilicet requiratur intentio Ministri exequendi, quod Christus instituit, quod Ecclesia intendit, aut quod legitimi Ministri in Ecclesia facere solent ad conficiendum Pœnitentiæ Sacramentum: vel sufficiat Sacerdotem Ecclesiæ Ministrum exterius se gerere, atque materiæ debitæ veram Sacramenti formam serio applicare, quantumvis interius nolit agere tanquam Ecclesiæ Minister, ac intra seipsum vel ex malitia, vel ex impietate dicat: *Hoc in ritum nec ego me gero, nec me volo gero tanquam Ecclesiæ Ministrum*: Imo ceremoniam hanc externam, seu Catechumeni ablationem cum expressa Trinitatis invocatione conjunctam, ad damnationem eorum intendo celebrare.

Ambrosius Catharinus in *Opusculo de Intentione Ministri*, Alphonsus Salmeron in *Tom. 13. super Epist. D. Pauli lib. 1. par. 3. disp. 2.* Vincentius Contensonius *lib. 11. diss. 2. Append.*, nec non moderni Theologi Facultatis Parisiensis arbitrantur, stante externa ac seria materiæ & formæ applicatione, nunquam posse ob defectum intentionis Ministri de Sacramenti valore dubitari, quanvis nulla esset intentio, vel contraria, aut fortasse perversa.

Conclusio. Per Confessionem factam Ministro ritum externum, ex quo Sacramentum Pœnitentiæ constat, serio agentis, non habenti tamen intentionem faciendi opus ut Sacramentale, verum non perficitur Sacramentum. Ita sentiunt Soto in *4. dist. 1. qu. 1. art. 8.* Gonet *disp. 6. art. 2. §. 1.* Sylvius *dub. unic. Conclus.* 2. alique apud Patres Salmanticenses Scholasticos *tract. 22. de Sacram. disp. 7. dub. 2. n. 21.*

Probant plurimi Doctores hanc Conclusionem ex Concilio Tridentino: Idque ab eo definitum putant doctrina *sess. 14. cap. 6.*, qua Heterodoxorum dogma profertur his verbis = *Quantumvis absolutio Sacerdotis alieni beneficii sit dispensatio, tamen non est solum nudum ministerium, vel annuntiandi Evangelium, vel declarandi remissa esse peccata: sed ad instar actus judicialis, ab ipso velut iudice sententia pronuncia-*

tur; atque ideo non debet penitens ad se sibi de sua ipsius fide blandiri, ut etiam si nulla ei adsit contritio, aut Sacerdos animus serio agendi, & vere absolvendi desit, putet tamen propter suam solam fidem, vere & coram Deo esse absolutum: nec enim fides sine penitentia remissionem ullam præstaret, nec is esset nisi salutis sue negligentissimus, quod Sacerdosem joco se absolventem agnosceret, & non alium serio agentem sedulo requireret = et Canone 9. dictæ sessionis = Si quis dixerit absolutionem Sacerdotis non esse actum judiciale, sed nudum ministerium pronuntiandi, & declarandi remissa esse peccata consenti, modo tantum credat se esse absolutum, aut Sacerdos non serio sed joco absolvat &c. anathema sit.

Nos vero a Tridentino definitam hanc controversiam minime arbitramur, quantumvis ab ejus definitione non contemnendum argumentum desumi posse non dubitemus. Enim vero, quis sibi poterit suadere, Ambrosium Catharinum & Alphonsum Salmeronem Tridentinæ Synodi Theologos, qui in condendis ejus Canonibus allaborarunt, ne ipsum quidem Canonum sensum percipisse, ut Hæreticorum errorem reprobatum de industria recuderent, ac propugnarent? Quod 1.^o evincitur ex Concilii historia, quam ex germanis illius actis Pallavicinus se descripsisse testatur; hæc enim verba in *lib. 9. cap. 6.* leguntur = *Ex his ultimis verbis conicere potest, quisquis ea legerit, haud esse expunctam sententiam Casbarini, aliorumque Theologorum opinantium, Sacramentum, quoratum sit, sufficere in Ministro voluntatem serio agendi, & obesse tantummodo jocum, quem Sacramentum suscipiens cognoscere possit = 2.^o Una fuit mens Patrum Concilii Tridentini recentiorum Hæreticorum sententiam confutare, qui suadere conabantur, valere Sacramentum ab homine collatum, qui nec interius nec exterius tanquam Ecclesiæ Ministrum se gereret; sufficere quippe existimabant ad Sacramenti valorem, ut ritus a Christo institutus quomodocunque fieret: nec obstaré, quod derisorie aut jocosè etiam exterius celebraretur. A quo profecto systemate plurimum distant Doctores, qui volunt, validum esse Sacramentum da-*

datum a Ministro, qui suam intentionem retineret, asserentes verum confici Sacramentum duntaxat, quum Sacramentum conferens se gerit saltem exterius, tanquam Ecclesiæ Ministrum: idque cum præstare non dubitant, qui ritum externum, ex quo Sacramentum constat, serio perageret, seu cum publice aut private postulatus, formam materiæ conjungeret. Misso itaque ex Concilii Tridentini doctrina ad id probandum argumento

Prob. 1.^o Conclusio Decreto Alexandri VIII., quo sub die 7. Decembris anno MDCXC. hæc sub numer. 28. damnatur propositio = *Valet Baptismus collatus a Ministro, qui omnem ritum externum formamque baptizandi observat, insus vero in corde suo apud se resolvit, non intendo quod facit Ecclesia* = Ex quo constat, Baptismatis Sacramentum eo modo ac interna Ministri resolutione seu intentione collatum, asseri minime posse tanquam validum ac legitimum. Porro cum eadem ratio sit requirendi intentionem in Ministro pro valore Sacramenti Baptismatis, ac pro valore Sacramenti Pœnitentiæ, optime inferitur, si vera est opposita sententia, valere pariter Baptisum ea intentione collatum: quod ab Alexandro VIII. reprobatur; vel si hoc non valet, dicendum est pariter, per Confessionem factam Ministro ritum externum, ex quo constat Sacramentum Pœnitentiæ, serio agenti, non habenti tamen intentionem faciendi opus ut Sacramentale, verum non perfici Sacramentum.

Vim hujus nostræ probationis animadvertit Hyacinthus Serry in Opusculo, cujus inscriptio est *Vindiciæ Ambrosii Catharini*, quamobrem ex quorundam Præfulum ac Theologorum responsione Catharini suamque sententiam a prædicta Decreti censure ita nititur vindicare = *Sanctæ ac Religiosæ, inquit, proscutor me, quo tempore Decretum illud editum est, Romæ substituisse, seroque nonnullos primæ notæ Præsules, Consultores, qui in ferenda sententia Judices federant, interrogasse: num Catholicam Sententiam eo Decreto proscribere voluissent, eoque semel iterumque id pernegasse: professosque, aliud longe a Catharini systemate ea proscripta propositione contineri.*

Immerito tamen pro Catharini suæque sententiæ patrocinio eruditissimus Doctor ad privatam quorundam Præfulum ac Consultorum Sacræ, Supremæ & Universalis Inquisitionis opinionem recurrit, cum mentem Summi Pontificis dictæque Sacræ Congregationis ex sensu proscriptæ propositionis citra Præfulum ac Consultorum Inquisitionem possit ac debeat quisque justo rationis libramine venari: Si vero sensus dictæ propositionis serio expendatur, fateri necesse est, assertum de retentione intentionis Ministri Sacramenti Pœnitentiæ, ut ab Adversariis exponitur, vel in ea proscripta, propositione damnatum, vel de damnatione vehementer suspectum. Dicatur enim amabo, quid est dicere: valere Confessionem factam Ministro serio agenti ritum externum Sacramenti, non habenti tamen intentionem faciendi opus ut Sacramentale, nisi valere Sacramentum collatum a Ministro, qui omnem ritum externum formamque baptizandi observat, intus vero in corde suo apud se resolvit: *Non intendo quod facit Ecclesia?* ea enim seria actio ad ritum externum reducit. Itaque si hoc pro valore Sacramenti Baptismatis reprobatur, consequens est, sententiam de valore Confessionis factæ Ministro serio agenti ritum externum Sacramenti, non habenti tamen intentionem faciendi opus ut sacramentale, vel in ipsa propositione de Sacramento Baptismatis ab Alexandro VIII. esse reprobatam, vel saltem esse de damnatione vehementer suspectam.

Prob. 2.^o Christus ita Sacramentorum Ministros instituit, ut eos non meros operis externi executores fecerit, uti se habent nuntii epistolæ præcise deferentes, sed eis contulerit potestatem dispensandi Mysteria Dei, quæ sunt Sacramenta. Ut ergo homo tanquam Christi Minister operetur, seu ut instrumentum animatum, illique ut agenti principali subordinatum se gerat, nedum opus est, eundem peragere ritum Sacramenti, sed etiam intentionem ad Sacramenti rationem dirigere, saltem in confuso, & sub expressione faciendi quod facit Ecclesia. Ergo quantunvis Sacerdos ritum externum Sacramenti Pœnitentiæ serio peragat, si interius nolle se gerere ut Christi Ministrum, validum non conficit Pœnitentiæ Sacramentum.

Dices. Aliud est Ministrum intendere facere, quod intendit Ecclesia; aliud vero Ministrum intendere facere, quod facit Ecclesia. Quamvis Ecclesia intendat velique formalem Sacramenti rationem peragere, tamen quod peragit, non est nisi opus mere externum, per seriem scilicet materię & forme applicationem, ex quibus Sacramentum confurgit; non autem opus est, Ministrum intendere facere, quod intendit Ecclesia, ac proinde suo muneri Sacramenti Pœnitentię Minister satisfaceret, illudque persiceret, si serio materiam & formam intendere adhibere: idque exequeretur, licet nullam aliam intentionem mentalem haberet, qua curaret facere opus ut Sacramentale, imo haberet oppositam intentionem.

Resp. quod si Adversarii admittunt, debere Ministrum intendere facere, quod facit Ecclesia (esto non sit opus intendere, quod intendit Ecclesia) sequitur, oportere Ministrum intendere, vel explicitè, vel implicitè ac in confuso facere Sacramentum; quia certum est Ecclesiam facere reipsa non solum opus externum, serio exhibendo materiam & formam materialiter, sed persicere pariter Sacramentum verumque Sacramenti rationem, quæ sit non solum a Deo, sed etiam per Ministros tanquam instrumenta, ut diximus, subordinata Deo agenti principali.

Obijcies 1.^o Si Judex pro tribunali sedens, auditis partibus servatisque publici juris formis, vultu gravi habituque Senatorio serio libereque sententiam absolutionis pronunciaret, reus vere maneret absolutus: tamen si fortassis intentionem haberet oppositam non absolvendi, dummodo exterius eam internam dispositionem non aperiret. Ergo si Sacramenti Pœnitentię Minister materię debite Sacramenti formam serio applicaret, licet non haberet intentionem conficiendi Sacramentum, vel haberet intentionem contrariam, dummodo illam non proderet, poenitens vere maneret absolutus, ac per consequens validum conficeretur Pœnitentię Sacramentum.

Resp. falsum esse quod de Judice pro tribunali sedente obijcitur, juxta unanimes fere Theologorum & Jurisperitorum sententiam, qui docent, nullum actum, esse validum in foro conscientię, qui

fit sine consensu interno, quantum in foro externo, ob ignorantiam latentis defectus tanquam legitimus habeatur. Hinc certa ac generalis doctrina est, quod quotiescunque constat de fisione interna seu de carentia intentionis vel in Professione in Religione emissâ, vel in Matrimonio celebrato, statim declaretur, hujusmodi actum a principio ipso nullius roboris extitisse juxta dictâ *Cap. X. art. 5.* Quid namque absurdius potest excogitari, quam quod Excommunicationis sententia sine intentione ligandi vere liget? & quod nolens absolute adhuc absolutionis beneficium impendat?

Obijcies 2.^o Validum est Sacramentum Baptismatis ab Infideli collatum, citra intentionem faciendi quod facit Ecclesia. Ergo ex parte Ministri in Sacramento Pœnitentię non requiritur intentio faciendi opus ut Sacramentale.

Resp. Infidelem vel in eo errore versari, ut non credat, neque apprehendat vere dari aut posse dari Ecclesiam Christi: vel in eo, quod putet Ecclesiam Christi non esse Ecclesiam Romano-Catholicam, sed Ecclesiam Anglicanam. Si Infidelis ex primo errore ductus baptizaret, certe careret intentione tam implicita, quam explicita, faciendi quod facit Ecclesia, seu quod peragunt Christiani in Baptismali Lavacro, & tunc verum non conficeret Sacramentum, sed potius intenderet jocari, simulare, aut representare; quod frequenter fieri solet, & in nostris Comediis contingit. Ubi vero Infidelis intenderet baptizand. facere, quod peragit Ecclesia Anglicana, de valore Baptismatis minime esset dubitandum, quia adhuc vellet facere quod vera facit Ecclesia, quantum per errorem, Ecclesiam Anglicanam veram esse existimaret. Quod profecto evincit, in omni casu intentionem faciendi quod facit Ecclesia, saltem in confuso, in collatione Sacramenti Baptismatis necessario requiri.

Obijcies 3.^o Non evincitur necessitas intentionis faciendi quod facit Ecclesia in Ministro Sacramenti Pœnitentię. 1.^o quia, implicat ponere materiam & formam Sacramenti Pœnitentię, ac verum non constitui Sacramentum, sicut positus materia & forma compositi illud constitui necesse est. Ubi ergo minister exhibet materiam & formam Sacramenti, illasque alicui appli-

plicat, nequit non verum Sacramentum resultare, esto animum non haberet verum Sacramentum conficiendi. 2.^o Sacramentum Poenitentiae se habet adinstar pharmaci, quod independenter a Medici intentione valet agrotis sanitatem conferre; idque adeo verum est, ut si ille minime intenderet pharmacum propinare, sed potius venenum, adhuc agrotus contra Medici intentionem obtineret sanitatem. 3.^o Sacramenta sunt formaliter in genere signi; quum vero aliquid ad signi rationem deputatum exterius profertur, nullum habet respectum ad intentionem exhibentis. Non ergo evincitur necessitas intentionis faciendi, quod facit Ecclesia in Ministro Sacramenti Poenitentiae.

Resp. ex allatis exemplis evinci non posse, non dari necessitatem intentionis Ministri faciendi opus ut Sacramentale in conficiendis Sacramentis. Ad 1.^{um} probationem dicimus, verum esse, per applicationem materiae & formae in esse talium, validum perfici Sacramentum, sed negari debet hoc fieri, ubi res dictae, per id quod materialiter & in esse entis habent, concurrerent; quod profecto contingeret, si Minister, ita ceteris servatis, formae verba proferret, ut non intenderet facere quod facit Ecclesia. Materia enim & forma Sacramentum minime constituunt per id, quod ex se obtinent, sed quatenus sacrae sunt, atque exhibentur juxta intentionem Christi, quas rationes ex se non habent, sed per determinationem juxta Ministri intentionem. Hinc corrui exemplum compositi, quoniam ejus partes sunt ex se ad illud determinatae, atque ad eundem ordinem spectant; adeoque ex quacunque intentione adhibeantur, necessario ac naturaliter illud constituunt. Ex quo sequitur 2.^{um} probationem nihil concludere; pharmacum enim habet esse tale, circumscripta qualibet Medici intentione, illoque etiam per jocus id applicante; unde si exemplum, probaret, evinceret, Sacramenta suscipientibus prodesse independenter ab intentione Ministri, tamen si iste per jocus operaretur. Ad 3.^{um} exemplum dicimus, Deum non instituisse opera externa, ut sint signa aut Sacramenta, nisi media intentione Ministrorum illa exequentium; Deus enim sicut illis potestatem tribuit faciendi Sacramenta, ita & deputandi opera externa ad

esse Sacramentale; unde seclusa intentione Ministrorum, essent quidem in foro externo, seu (ut melius dicamus) apparent signa ac Sacramenta, non tamen vere & coram Deo Sacramenti virtutem obtinerent.

Objicies 4.^o Congruentius est, Christum ita instituisse Sacramenta, ut in sui valore a Ministri intentione minime dependerent, quam quod ejusdem intentionem necessario exigerent. Tum quia ea seclusa dependentia magis eluceret, solum Deum esse causam principalem Sacramentorum, hominemque purum Ministrum. Tum quia hujusmodi institutionis modus, ad pacandos animos suscipientium, ac ad removendum innumeras anxietates, quae de Sacramenti valore possent subrepere, foret aptissimus. Ergo praesumendum est de facto, Christum ita Sacramenta instituisse.

Resp. inspectis omnibus, congruentius fuisse, quod Christus instituerit Sacramentorum valorem dependere a proposito Ministri intendentis facere opus externum ut sacrum, saltem in confuso, ac sub implicita conditione faciendi quod facit Ecclesia, quam citra talem dependentiam; sic enim magis apparet Sacramentorum dignitas, quae non sunt opera mere externa, sed res sacrae, & ut tales debent Ministri intentionem terminare. Elucet pariter major Ministri dignitas, qui agit ut homo, scilicet ex proposito & deliberatione in ordine ad effectum proprium principalis agentis. Contra quod non urget prima probatio; semper enim verum est, Deum esse causam Sacramentorum principalem, & gratiae eorum virtute productae, quanquam Minister agat ex intentione faciendi opus ut Sacramentale. Nec aliquid evincit secunda, quia ad removendum circa ista anxietates, non requiritur certitudo metaphysica, ita ut oppositum repugnantiam involvat: sicut hanc certitudinem, non habemus de eo, quod Minister Sacramenti Poenitentiae sit baptizatus, & valide ordinatus, quibus conditionibus deficientibus Sacramenti valor haberi non posset. Sufficit itaque certitudo moralis, merito concepta, ubi animadvertimus, serio peragi Sacramenta, ac ministrari; cum, nullum positivum motivum occurrat, ut inique de Ministri intentione judicemus.

Ex hæcenus dictis in hac celebri questione, colligitur responsio alteri supra propositæ: an scilicet impleatur obligatio Confessionis Sacramentalis ad acquirendam Indulgentiam in iuncta? Sacerdos non intenderet facere, quod Ministri legitimi Sacramenti Pœnitentiæ facere solent; cum enim in eo casu validum non fieret Sacramentum Pœnitentiæ, nec consequenter in iuncta in Indulgentiarum concessionibus obligatio impleteretur.

Observa tamen hic, inchoatè procedere Cottonium, qui, cum iduenisset in lib. 2. de Sacram. Controv. n. 66. ad implendum onus elemosynæ in Indulgentiarum concessione præscriptum, non sufficere, si Dominus pecuniam ad pauperum inopiam sublevandam famulo traderet, iste vero ex malitia id minime præstaret: postea eadem Contr. n. 73. asserit, supposita nullitate absolutionis Sacramentalis ex parte Ministri, et per consequens Sacramenti Pœnitentiæ, adhuc Christifidelem confessum, in seium tamen malitiæ Sacerdotis, Indulgentiam concessa sub onere Confessionis Sacramentalis nequaquam fraudari = *Si quis*, inquit, *contritus esset & confessus a Confessario per malitiam non absolueretur, id non obstarèt acquisitioni Indulgentiæ* = quemadmodum enim ea in iunctio ex parte Domini veram elemosynæ rationem non periceret, ita per meram Confessionem ex parte pœnitentis, in casu de quo agitur, opus Confessionis Sacramentalis non impleteretur, si ex malitia Ministri Sacramenti Pœnitentiæ defectus contingeret: cum tam Confessio pœnitentis quam absolutio Sacerdotis hoc Sacramentum essentialiter constituat.

Quæres 7.^a An ad acquirendas Indulgentias ea clausula concessas = *vere Pœnitentibus & confessis* = necessaria sit venialium Confessio, ubi peccatum lethale post ultimam Confessionem non fuisset perpetratum?

Adeo stricte Confessionis obligatio pro dictis Indulgentiis a quibusdam Doctoribus exponitur, ut etiam peccata venialia comprehendat. Ita Sanchez lib. 8. de Matrim. disp. 15. num. 19. lib. 4. sum. cap. 14. num. 41. Fernandez, Nugens citati a Pafserino quæst. 27. num. 217. quod probabiliter admittit Corduba quæst. 28. de venialibus notabiliter aggravantibus, memo-

riæ occurrentibus sine nitio eorum examine aut anxia persequutione.

Nos vero respondemus, venialium Confessionem ex vi illius clausulæ non esse necessariam. Ita Suarius disp. 52. sect. 3. num. 4. alique Doctores communiter, ut notat Passerinus. Usus enim & Ecclesiæ consuetudo obtinuit, ut quando Confessio peccatorum in iungitur, de lethaliibus duntaxat intelligatur; ut patet in annua Confessionis præcepto, quod habetur in Cap. *Omnis utriusque sexus de Pœnit. & Remissib.* ibi = *Omnis utriusque sexus Fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti* = cui profecto minime subduntur habentes conscientiam peccatorum venialium euntinuo, ut docent communiter Theologi. Maxime quia, Ecclesia sicut in iungendo ad Indulgentias acquirendis jejuniū, aliud non exposcit, quam pro observatione Quadragesimali requisitum, ita Confessionem Sacramentalem præcipiens, non aliam vult, quam pro implenda annua obligatione necessariam. Tandem sicut peccatum absolute & simpliciter dictum solum est lethale, non vero veniale, ita peccatorum Confessio præscripta alia non intelligitur, quam de lethaliibus.

Obijcies 1.^o Lex Confessionem adualem in iungens, cunctos afficit habentes materiam Sacramenti Pœnitentiæ, ad quam nedum spectant peccata lethalia, verum etiam venialia; adeoque sicut Indulgentiarum fructum non perciperet conscius peccati lethalis, quanvis iustificatus evaderet per solum actum contritionis vel charitatis, ita nullum in se, præter venialia, peccatum lethale cognoscens, nili actuali Confessioni vacaret. Requiritur ergo etiam Confessio venialium ad acquirendas Indulgentias ea clausula concessas = *Vere pœnitentibus & confessis*.

Resp. Duplicem dari materiam Sacramenti Pœnitentiæ, aliam necessariam ex Divino præcepto Ecclesiæ Claribus subijciendam, quæ solum ex peccatis lethaliibus constituitur: aliam sufficientem, quæ potest cadere sub contritione, ac per consequens sub absolutione Sacramentali; nulla tamen urget obligatio orta ex Jure Divino eam deferendi ad Confessionis Sacra-

eramentalis Tribunal. Itaque quamquam lex Confessionis actualis cunctos Fideles habentes materiam necessariam Sacramenti Pœnitentiæ comprehendat, non tamen habentes materiam sufficientem.

Objicies 2. Eodem modo discurrendum est de Confessione actuali, ac de Communionem; dicitur enim in Literis Apostolicis Indulgentiarum = *Vere penitentibus & confessis, & Sacra Communionem refectis* = Nullus autem Communionis capax Indulgentiam lucraturus, potest se ab onere suscipiendi Sacramentalem Communionem eximere. Quilibet ergo Confessionis Sacramentalis capax tenetur obligationem illam implere. Sed peccatorum venialium confessio capax est Confessionis Sacramentalis. Ergo eam tenetur peragere, alias Indulgentiæ fructum minime perciperet.

Resp. latum dari discrimen inter Confessionem Sacramentalem, & Communionem, nempe, quod hæc a concedente Indulgentias ob intrinsecam ejus bonitatem & sanctitatem requiratur, ac proinde mirum non esse, quod ejus obligatio ad quoscunque Indulgentiam suscepiendos extendatur: illa vero ut bonum occasionatum, scilicet ut lethalis peccati macula infecta, contracta cum Deo inimicitia, cum ipso reconciliationem obtineant, per remedium certius ac securius = *Ratio* (inquit Suarius *disp. 52. sect. 3. num. 5.*) sumitur ex differentia inter Eucharistiam & Confessionem, nam Eucharistia per se, ac propter se postulat; & ideo quando Communionem ponitur ut necessaria conditio Indulgentiæ, comprehendit omnes, etiam si peccati conscientiam non habeant. At vero Confessio postulat ut medicina peccati certior & utilior, ideoque quovis absolute postuletur, intelligitur suppositio peccato, ad quod tollendum sit per se necessaria = Quo sane remedio non indigent peccatorum venialium rei, quia culpe hujusmodi charitatis fervorem duntaxat minuunt, non tamen auferunt amicitiam cum Deo.

Hic tamen advertimus, quod licet (ut ex nostra sententia constat) in non habentibus conscientiam peccati lethalis, nulla urgeat necessitas Confessionis Sacramentalis ad eas Indulgentias acquirendas, salubre tamen consilium est, de emittenda venialium Confessione Fideles admonere,

ut illi majori devotione dispositi uberius Indulgentiarum fructum obtineant.

Quæres 8. An possit injungi pro Indulgentiis acquirendis Confessio venialium?

Respondemus, posse Summum Pontificem ad Indulgentias acquirendas onus Confessionis venialium adijcere determinatæ speciei: puta mendacii, aut vage hujus vel alterius ad poenitentis arbitrium; etenim hujusmodi Confessionem injungere non esset extra sphaeram Pontificiæ Potestatis, quia ea modo dicto Ecclesiæ Clavibus subijcere, vix ullam aut levem molestiam afferret, tum ratione examinis, tum propter erubescitiam, cum nullus sit, qui se talibus defectibus maculatum non agnoscat. Addimus, quod sicut Sedes Apostolica pro acquisitione Indulgentiarum potest jejunium ceteraque opera pia supererogationis injungere, ita & poterit venialium Confessionem; opus quippe est Indulgentiarum concessionem maxime proportionatum, quod frequenter exercitum pietatem fovet, atque non contemnendam utilitatem affert; ut ex Concilio Tridentino observat Eminentiſſimus Lambertinus in *Lib. 3. de Servorum Dei Beatificatione & Beatorum Canonizatione cap. 27. nu. 4.* = *Licet* (inquit) *peccata venialia non sint, uti scholæ loquuntur, materia necessaria, sed sufficiens Sacramenti Pœnitentiæ, eorum tamen Confessio utilis est & pia juxta Cap. 5. Concilii Tridentini sess. 14. de Pœnitentiæ: venialia quibus a gratia Dei non excludimur, & in qua frequentius labimur, quamquam recte & utiliter citra omnem præsumptionem in Confessione dicantur, quod piorum hominum usus demonstrat, taceri tamen citra culpam multisque aliis remediis expiari possunt.*

Dices. Confessio culparum venialium non cadit sub Ecclesiæ præcepto: imo lethalia Ecclesiæ Clavibus subijcere tantam præferret arduum, inter ea quæ in Christiana Religione se se offerunt servanda, ut Fidelibus quantumvis lethalius criminum maculis inquinatis præcepti nequiret, nisi sub Divina caderet Lege; quamobrem ita ad eam obligavit Ecclesiæ, ut tempus determinaverit, quo saltem intra annum Fideles Confessionem Sacramentalem vacarent, ne Divinum statutum usu, sine ac fructu in multis fraud-

daretur. Cum ergo Christus de Confessione venialium præceptum non dederit, nec Indulgentiarum intuitu eam Sedes Apostolica potest injungere.

Resp. ex quo Christus venialium Confessionem nullo modo præceperit, nihil eruitur contra nos; non enim asserimus absolute & simpliciter, eam posse subditis injungi ab Ecclesia, sed ex suppositione, quod ipsi vellent poenarum remissionem mediis Indulgentiis obtinere: & quamquam verum esset, Ecclesiam non potuisse mortalium Confessionem præcipere, nisi Divina obligatione præeunte, adhuc tamen cum non sit onus grave venialia, confiteri modo prædicto, mirum non est, posse Summos Pontifices eam injungere ad Indulgentias acquirendas. Robur accipit hæc solutio ex Clementina: *Ne in agro Dominico de statu Monachor.*, ubi Monachis Ordinis S. Benedicti absolute præcipitur, ut singulis mensibus confiteantur, quod juxta Cajetanum in *Tom. 1. Opusculor. titul. 5. quest. 1. Summum disput. 36. sess. 6.* Saluanticenses in *Tract. 24. de Penit. disp. 8. num. 30.* de venialibus intelligitur, si lethalia non occurrerent; non enim censetur verosimile, præsumisse Clementem V. Pontificem, personas per stadium vitæ sanctioris incedentes, graviter singulis mensibus deficiuros, ideoque salutari remedio Confessionis Sacramentalis indigere. Eo vel maxime, quod prædicti Ordinis Superiores hoc præceptum auctoritate Sedis Apostolicæ firmandum curarunt, ut Religiosi illius Instituti exacte Deo simularentur, propriisque obligationibus ferventi spiritu satisfacerent. Quod si hoc absolute factum novimus, quare ex suppositione Indulgentiarum, quæ proponuntur acquirendæ, fieri non potest, ita obligari Fideles ad Sacramenti Poenitentiae exercitium, ut in defectum peccatorum lethaliū, quæ sunt materia præcepti, venialia substituant, quæ sunt materia concilii? Imo de facto, si nullum aliud pium opus injungeretur in Indulgentiarum concessione quam Confessio Sacramentalis, velle tunc Summum Pontificem vel venialium Confessionem, vel saltem Clavibus subijci aliquod peccatum ex jam confessis, non immerito putat Bossius de *Indulg. num. 36.*

Quæres 9.^o Quæ Communio requiratur

ad Indulgentias acquirendas, concessas sub hac formula = *Sacra Communionem refectis.*

Observatione dignum existimamus, triplicem dari posse Communionem Eucharisticam. 1.^o Sacramentalem tantum, cum, scilicet Eucharistiae Sacramentum, non tamen gratia sanctificans obtinetur. 2.^o Spiritualem tantum, ut quum Sacra Eucharistia in voto duntaxat accipitur atque desiderio, & per actum fidei vivæ & devotionis. 3.^o Sacramentalem & spirituales simul, puta cum quis Eucharistiae Sacramentum recte dispositus recipit, ejusque fructum nempe gratiam sanctificantem participat. De qua triplici Communionem meminerant Patres Concilii Tridentini *sess. 13. cap. 8.* his verbis = *Quoad usum autem Eucharistiae recte & sapienter Patres nostri tres rationes, hoc sanctum Sacramentum accipiendi distinxerunt: quosdam enim, docuerunt, Sacramentaliter duntaxat id sumere, ut peccatores: alios tantum spiritualiter, illos nimirum, qui voto propositum illum panem caelestem edentes, sine viva, quæ per dilectionem operatur, fructum ejus & utilitatem sentiunt: tertios porro Sacramentaliter simul & spiritualiter; hi autem sunt, qui ita se prius probant, & instituunt, ut vestem nuptialem indui ad Divinam hanc mensam accedant.*

Hæc triplici Communionis expensæ, conveniunt Doctores in asserendo, Communionem mere spirituales non sufficere ad dictam obligationem implendam; etenim sicut per Confessionem in voto nequaquam potest injunctæ obligationi de Confessione peragendi satisfieri, ita nec per Communionem mere spirituales, quæ cum Communionem in voto coincidit, ac proprie non reficit, ob quem finem volunt Summi Pontifices, opus Communionis Sacramentalis impleri.

Non desuerunt Authores, inter quos Fernandez *par. 3. cap. 7. §. 8. nu. 1.* Cardinalis de Lugo *disp. 27. sess. 7. num. 103.* putantes, Communionem indignam & sacrilegam sufficere, modo tempore debito homo reperiat in gratia, ad satisfaciendum obligationi Communionis Sacramentalis; quod probabile arbitratu Cottonius in *Lib. 2. de Sacram. Contro. 11. cap. 2.* = *Quia, inquit, hujusmodi est vera Commu-*

mun-

munio, quanvis infructuosa propter peccati obicem, ait Cardinalis de Lugo etiam cum apponitur adverbis devote & reverenter; quia possunt intelligi de devotione & reverentia externa.

Ad hujus pariter sententiæ patrociniū possunt referri, quotquot exultimarunt, per sacrilegam Christi manducationem impleri præceptum annuæ Communionis, quos usque ad triginta concessit Figuera.

Nos vero respondemus, sacrilegam Communionem nullo modo sufficere ad implendam obligationem injunctam ex vi illius clausule: *Sacra Communionem refectis* = quantumvis Fidelis tempore debito reperiat in gratia. Ita Adrianus in 4. de Indulg. concl. 4. Navarrus de Indulg. notab. 19. n. 6. Rodriquez. in Bullam Cruciatæ alique communiter. 1.^o quia Summi Pontifices Sacramentalem Communionem postulant ad spirituales Christifidelium alimoniam, de qua dicitur Joannis 6. nu. 54. = *Nisi manducaveritis carnem filii hominis, & biberitis ejus Sanguinem, non habebitis vitam in vobis* = & infra = *Qui manducat me, vivet propter me* = Quod profecto minime per sacrilegam Communionem obtineretur; etenim sicut ab observanda lege sumendi cibum ad conservandam vitam naturalem, desisteret accipiens illum veneno conditum, apponeret enim obicem nutritioni: ita coelestem Panem indignè comedens spirituale venenum sumeret, ac gratiæ sanctificantis impedimentum apponeret, quia spiritualis animæ vita nutritur, ac roboratur; ut de Communione Judæ proditoris tradit D. Augustinus Tract. 61. in Evang. Joann. his verbis = *Expressus est Traditor, nudata sunt latebra tenebrarum: bonum est quod accepit, sed malo suo accepit, quia male bonum & malus accepit* = 2.^o Communionis diversæ rationis non expositur ad implendam obligationem ad Indulgentias acquirendas, ac ad observandum præceptum Paschale, quod habetur Cap. Omnis utriusque sexus de Penit. & Remissionib. Per Communionem autem Sacramentalem sacrilege factam præceptum illud non impletur; ut constat, tum ex sequenti propositione damnata, ab Innocentio XI. die 2. Martij anno MDCLXXIX. sub numero 55. = *Præcepto Communionis annuæ satisfi per*

sacrilegam Domini manducationem = tum ex Cap. Omnis utriusque sexus ibi = *Omnis utriusque sexus Fidelis, postquam ad annos discretionis pervenerit, omnia sua peccata saltem semel in anno fideliter confiteatur proprio Sacerdoti suscipiens reverenter ad minus in Pascha Eucharistiam* = reverenter quippe Sacram Eucharistiam sumere dicendus non est ille, qui sacrilege de coelesti mensa participans, judicium sibi manducat & bibit, non dijudicans Corpus Domini.

Obijcies. Ecclesia opus externum pro Indulgentiarum assensione requirens, non attendit ad internam operantis dispositionem, cum actus internus nequeat absolute præcipere. Cum ergo devotio sit actus internus, nulla datur necessitas Communionis Sacramentalis devote peragenda ad illud opus injunctum implendum, sed sufficiens est quilibet Sacramentalis Communionio.

Resp. actus internos esse in duplici differentia, alios necessarios ad externos, vel ut isti simpliciter, vel ut recte hinc: alios vero mere internos. De his certe nequit dari Ecclesiæ præceptum absolute; (quanvis ut dictum est Cap. 10. dub. 1. ad acquirendas Indulgentias possint injungi) sine fructu enim statueretur præceptum, cujus transgressio nec potest cognosci, neque coerceri = *Inutilis est* (inquit Philosophus in 2. Ethic. cap. 5.) *potestas imperativa absque coercitiva* = Caterum illi possunt sub præcepto Ecclesiæ cadere, quatenus necessarii sunt ad actum externum directe imperatum; unde Ecclesia poena Excommunicationis percellit Hæreticum, suam hæresim verbo vel scripto manifestantem, etiam si eam nullus audiret vel legeret: cum alias verba hæresim continentia secluso consensu possint citra ullam culpam, ad illam referendam proferri, vel scribi. Et in Clem. de Hæreticis Cap. Multorum eadem poena plectuntur Inquisitores, qui amore vel odio omitterent contra aliquem procedere, vel aliquem vexare præsumerent. Tandem Cap. Dolentes de Celebr. Missar. præcipitur Clericis, Divini Officii penam recitare studiose ac devote. Ergo, cum Ecclesia possit præcipere actus internos, necessario cum externis connexos, quum de facto ad Indulgentias acquirendas Sacram Communionem reverenter sumen-

dam iungit, ex suppositione quod fideles velint hoc opus implere, tenentur ad eam peragendam non utcumque, sed devote; quod profecto verum non esset de eo, qui indigne & sacrilege Corpus Christi manducaret.

Quæres 10. An Indulgentiam Christi-fidelibus concessam *Sacra Communionem refectis* assequeretur reus peccati lethalis, putans tamen bona fide se ab eo media Sacramentali Confessione purgatum, si ad Sacram Eucharistiam suscipiendam accederet?

Negat in hoc casu percipi Indulgentiæ fructum Pasqualigus *Quæst.* 76. quia licet quis ex vi bonæ fidei a Sacrilegii peccato excusaretur, tamen quia indigne coram Deo Corpus Christi reciperet, ejus Communio non esset refectiva, ac proinde minime sufficiens ad acquirendam Indulgentiam.

Nos vero respondemus, reum peccati lethali, recedentem tamen bona fide ad Sacram Eucharistiam, acquirere Indulgentiam concessam *Sacra Communionem refectis*. Ita Bossius *sect.* 4. *casu* 20. n. 27. Brætonus, relati a Passerino *Quæst.* 44. n. 38. Ea enim Sacramentalis Communio produceret gratiam sanctificantem peccati lethalis remissivam; Sacramentum enim Eucharistiæ, sicut & quodlibet Sacramentum vivorum, potest producere per accidens primam, gratiam non ponentibus obicem. Gratia autem non ponit obicem is, qui se crederet a peccatis lethalibus expiatum, eaque bona fide ductus Sacram Eucharistiam sumeret = *Si aliquis per hujusmodi signa* (inquit D. Thomas in 4. *dist.* 9. *quæst.* 1. *art.* 3. *quæstion.* 2.) *facta diligenti distinctione sue conscientia, (quavis forte non sufficienti) ad Corpus Christi devote accedat, aliquo peccato mortali in ipso manente, quod ejus cognitionem præterfugiat, non peccat: imo magis ex vi Sacramenti peccati remissionem consequitur; unde Augustinus dicit in quodam sermone: quod quando corpus Christi manducatur, vivificat mortui* = Ea itaque Communio Sacramentalis existentem in peccato lethali vere reficeret ad vitam, per gratiam sanctificantem communicatam, ac per consequens sicut non obstar, quominus impleteretur obligatio Communions Sacramentalis, ita nec fructum Indulgentiarum inpediret.

Quæres 11. Qua die ad acquirendam Indulgentiam Plenariam concessam intuitu Festivitatum debeat fieri Communio Sacramentalis?

Portellus in *Dubitiis Regular. Verbo Indulgent.* num. 5. Pellizarius in *Tract. de Monialib.* putant, per Sacramentalem Communionem habitam tribus aut quatuor diebus ante Festum dictam obligationem impleri = *Hæc enim* nempe Communio, inquit, *a Summis Pontificibus tanquam prævia dispositio ad Indulgentiæ effectum comparandum injungitur.*

Nos vero respondemus, Sacram Communionem duobus aut tribus diebus ante Festum receptam non sufficere ad implendum opus Communions Sacramentalis his verbis in Literis Apostolicis expressum *Sacra Communionem refectis*: satisfieri vero ejusmodi obligationi, si Sacra Communio fiat in pervigilio ejusdem Festi. Ita sentit Passerinus *Quæst.* 45. num. 351. Prior pars hujus responsionis constat, tum ex praxi Christiadelium: tum quia opus pium, seu conditio ad Indulgentias comparandas requisita debet peragi tempore & modo, quo injungitur. Porro Communio Sacramentalis juxta tenorem concessionis peragenda est in Festivitate, intuitu cujus Ecclesiam devote visitantibus fit ea largitio; quomobrem sicut ejusdem Indulgentiæ fructus minime perciperetur, si Ecclesiæ visitatio extra Festivitatem solemniter celebratam fieret, ita si extra illam Communio Sacramentalis reciperetur. Addimus, heri seu externo die communicatum, dici non posse hodie Sacra Communionem refectum: refectus quippe Communionem Sacramentali non potest iterum communicare; & tamen qui heri Sacram Synaxim accepit, potest hodie Sacra Communionis beneficio gaudere. Altera pars patet; si enim non sufficeret pro hujusmodi Indulgentia, Fidelem ad Sacram Communionem accessisse in pervigilio Festivitatis, nunquam posset verificari, in pervigilio ejusdem Indulgentiam comparari, quia Communio recepta manere esset extra tempus in Indulgentiæ concessione præscriptum. Quod profecto menti Summorum Pontificum adversatur, dicunt enim, se Indulgentias acquirendas concedere devote visitantibus Ecclesias *A primis Vesperis usque ad occasum Solis.*

Decretum Sacre Congregationis de Propaganda Fide pro Missionariis Capuccinis Gallis, & Hybernis, in partibus Infidelium & Hereticorum degentibus, de Indulgentiis affluendis.

QUoniam ex Sacra Congregatione Indulgentiis & Sacris Reliquiis præposita, ad hanc Sacram Congregationem de Propaganda Fide transmissum fuit Decretum tenoris sequentis, videlicet = *Beatissime Pater, cum ad instantiam Maliapurensis Episcopi proposita fuerint in Sacra Congregatione Indulgentiis Sacrisque Reliquiis præposita, infrascripta dubia.*

1. *An Sacerdotibus Missionariis in Regionibus Infidelium degentibus, deficiente Confessario, ac Sacrum peragentibus, præmissa duntaxat contritione, sufficiat quisque pro affluenda Indulgentia actus contritionis: & quatenus negative?*

2. *An consulendum SS.º pro gratia in casu?*

Ad primum negative: ad secundum consulendum SS.º, ut per organum, S. Congregationis de Propaganda Fide præfatis Missionariis concedere dignetur indultum, ut iisdem, quoties pro consequendis Indulgentiis desit copia Confessarii, ideoque actualem Confessionem præmittere nequeant, sufficiat contritionis actus, & Confessio in voto. Et facta de his relatione SS. Dominus noster Clemens PP. XII. Sanctissimas sua benigne approbavit Decretum Sacre Congregationis 22. Januarii 1733. Quapropter P. Cherubinus de Noves in Romana Curia existens Procurator Missio-

num exterarum Capuccinorum Regnorum Gallie & Hybernie, ad pedes S. V. humillime provolutus, instantè supplicat de hujusmodi gratia pro Capuccinis Missionariis Gallis & Hybernis, in partibus Infidelium & Hereticorum allaborantibus, ut in casu, Indulgentias, quas lucrantur Religiosi Capuccini in Regnis Catholicis, lucrari valeant Missionarii præfati, & pro gratia &c. die 30. Aprilis 1734. Sacra Congregatio Indulgentiis sacrisque Reliquiis præposita censuit: indultum sub die 20. Januarii 1733. concessum, & per organum Sacre Congregationis de Propaganda Fide transmissum Missionariis in Diocesi Maliapurensi lucrandi Indulgentias, quoties deficiente copia Confessarii, præmissa tantum actu contritionis, Sacrum celebraverint, posse extendi etiam ad Missionarios Ordinis Capuccinorum Gallos & Hybernos in actu Missionum exterarum, servata tamen eadem forma.

Et facta per me de præmissis SS.º Domino nostro relatione, Sanctissimas sua benigne annuit.

*Die 20. Septembr. 1734.
J. Archiepisc. Tyri Secr.*

Ideo præfata hæc Sacra Congregatio de Propaganda Fide mandatis Sanctitatis suæ ea, qua decet, veneratione obsequendo, Decretum hujusmodi per præfentes publicari præcepit. Romæ ex ælibus ejusdem Sacre Congregationis die & anno, quibus supra.

(L. S.)
*V. Card. Petra, Præf.ect.
N. Fostiguerra, Secretarius.*

CAPUT XII.

DE COMMUNICATIONE INDULGENTIARUM.



NDULGENTIAM communicare, nihil aliud est, quam illam uni concessam aliis facere communem. De hac ergo Communicatione inquiremus 1.^o quot modis fiat, quidve operetur? 2.^o An veniat sub communicatione privilegiorum, indulgentiarum, immunitatum & gratiarum?

ARTICULUS I.

Quid sit Indulgentiarum Communicatio, quidve operetur.

DUOBUS modis fieri potest Indulgentiarum communicatio. Primo per extensionem, qua ex gratiæ spirituales, non quidem primario, sed secundario aliquibus conceduntur; ut cum datæ Regularibus ad eorum Oblatos, Procuratores & Famulos extenduntur. Secundo non per extensionem, sed per novam concessionem, quum uni prius attributæ, ita sunt propriæ aliorum, ac si eisdem primario fuissent concessæ; ut de communicatione privilegiorum statuunt Oldradus *Confl.* 300. in *princ.* n.6. Parisius *Confl.* 22. n.5. Rota *decis.* 40. in *princ.* p. 4.

Quæres 1.^o An Indulgentiæ per communicationem seu novam concessionem, datæ coincidunt cum Indulgentiis *adinflar*?

Respondemus affirmative; Indulgentiæ enim *adinflar* sunt illæ, quæ ad imitationem & æqualitatem aliarum ejusmodi gratiarum conceduntur: ita ut nec eas superent, nec ab illis excedantur, quia *adinflar*, ut volunt nonnulli Doctores, idem significat ac ad similitudinem, imo & ad æqualitatem gratiæ alteri concessæ. Porro Indulgentiæ ad similitudinem & æqualitatem aliarum aliquibus locis aut personis concedere, est Indulgentiis, prius quibusdam locis aut personis concessis, aliis facere pro-

prias ac peculiares, ac si primo eisdem fuissent concessæ. Ergo Indulgentiæ per communicationem seu novam concessionem datæ coincidunt cum Indulgentiis *adinflar*.

Dices. Per Indulgentias *adinflar* non eandem, sed similes remissiones communicantur. 1.^o quia similitudo cum sit relatio, realem distinctionem involvit inter fundamentum & terminum, ut volunt Dialectici. 2.^o Privilegium *adinflar* non est idem, quale est suum exemplar. Nec ergo Indulgentia *adinflar* idem erit cum Indulgentia per communicationem concessa.

Resp. ad 1.^{am}, quod sicut in communicatione seu nova concessionem Indulgentiarum, non eandem numero remissiones in uno præexistentes alteri conferuntur (obstat enim axioma apud omnes Philosophos receptum, quod eadem numero accidentia tam physica, quam moralia nequeunt in subjectis realiter distinctis reperiri) bene vero eandem identitate specifica cum distinctione seu diversitate numerica: ita in Indulgentiis *adinflar* non eandem numero gratiæ spirituales, quæ sunt in exemplari, aliis conceduntur, sed eandem in specie; cui identitati nequaquam officit similitudo, adeoque nec inter fundamentum & terminum talis relationis distinctio realis intercedens. Ad 2.^{am} dicimus, duobus modis intelligi posse privilegium *adinflar* (ut observat Suarius in *Lib. 8 de Legibus cap. 16.*) uno modo *adinflar* alterius conditionis seu proprietatis, quæ in exemplari non est ex privilegio, sed ex naturali origine, vel ex antiquo & ordinario jure. Alio modo *adinflar* juris, quod alicui ex speciali privilegio convenit. Privilegium primo modo *adinflar* non est idem vere tale, quale est suum exemplar, sed solum fictione juris, ut in privilegio legitimationis evenit. Oppositum sentiendum est de privilegio *adinflar* secundo modo; & cum Indulgentia non sit, nec dicatur *adinflar* primo modo, utpote quæ nulli exempla-

plari, aut ratione propriæ conditionis aut ratione alicujus juris possit convenire, sed duntaxat ex gratia & benivolentia concedentis, verum est, Indulgentiam dici *adinstar*, sicut privilegium tale dicitur secundo modo. Caterum hoc coincidit cum Indulgentia per communicationem; unde Indulgentiæ per communicationem non differunt ab illis, quæ dicuntur *adinstar*.

Ex quo Colliges 1.^o quod sicut Indulgentiæ *adinstar* unum supponunt, videlicet concessionem ea de re alicui jam antea factam: aliud vero important, nempe concessionem ejusdem rei noviter emanatam, ita & Indulgentiæ per communicationem.

Colliges 2.^o Indulgentiæ per communicationem duobus modis posse fieri. Primo per verba generalia, eas in particulari non specificando E. G. = *Communicamus omnes Indulgentias, quibus Ecclesiæ N. decoratur* = vel = *Concedimus Indulgentias Ecclesiæ N. adinstar Basilicæ Sancti Petri* = Secundo per verba expressa, easque in particulari specificando, puta = *Concedimus Ecclesiæ N. Indulgentias feriarum sextarum mensis Martii adinstar Basilicæ Sancti Petri* = vel = *Concedimus Ecclesiæ N. Indulgentiam pro festo N. Sicut habet Basilica S. Petri pro festo ejusdem Sancti* = Inter utrumque autem novæ concessionis seu communicationis modum hoc intercedit discrimen, quod Indulgentiæ concessæ per verba generalia, & minime specificatæ, in sui valore dependeant a primo concessis Ecclesiis, congregationibus, personis memoratis in nova concessione seu communicatione; nihil enim in specie de novo conceditur, nisi in illis repertum, vel simile illis, quod aliis competere cognoscitur: ideoque si Indulgentiæ per verba generalia concessæ suum effectum non habuerunt in illis, quibus primo concessæ sunt, vel modo non habent, nec communicatæ validæ censentur. Ita Surius de *Legibus lib. 8. cap. 15. num. 2. Palaus tract. 3. disp. 4. punct. 2. §. 8. nu. 2.* Ex vero, quæ in forma expressa & in particulari specificatæ in communicatione adjectæ sunt, quanvis nullitatis vitio laborarent pro Ecclesiis, congregationibus ac personis, quibus primo fuerunt concessæ, adhuc in suo valore subsisterent, quia earum expressio non ap-

ponitur tanquam conditio, sed duntaxat enunciatur exempli causa. Hanc doctrinam illustrat Passerinus *quest. 96. nu. 73.* exemplo privilegii, de quo eadem est ratio, ac de Indulgentia = *Privilegium adinstar* (inquit) *potest concedi vel per verba generalia re concessa non specificata, ut si dicatur: concedo tibi, ut adinstar Petri fruarius ejus privilegio; vel per verba expressa & significata, ut si dicatur: concedo tibi facultatem communicandi Vota adinstar illius, quam habet Petrus. Privilegium primo modo concessum dependet in sui valore a veritate privilegii Petri, quia cum nihil in specie concedatur nisi similitudo ad id, quod competit Petro, quia similitudo non est cessante termino, ideo nihil conceditur, si in Petro nullum est privilegium, ad cuius instar alter sit privilegiatus. Nam & alias privilegium debet esse de re certa & determinata. l. Si sic legatum §. 1. Et ibi per Dyn. & Bart. ff. de legat. & in l. legavit ff. de legibus, ubi habetur: quod si concedo tibi quidquid juris habeo in tali loco, si non apparet, quid juris ibi habeam, nihil tibi est concessum. Felinus Cap. ex parte l. 1. num. 11. de rescriptis, quæ tamen in sensu expresso supra intelligi debent, non quia hoc privilegium, si per verba generalia datum, sit ipso jure nullum, sed quia ut nullum esse habendum, nisi constet, & probetur de privilegio, ad cuius instar aliud privilegium conceditur. Sed si datur privilegium in forma expressa, etiam si nullum sit privilegium V. G. in Petro, valet concessio facta Paulo adinstar privilegii, quod supponitur esse, & non est in Petro, quia privilegium esse in Petro, non accipitur ut conditio, sub qua conceditur privilegium Paulo, sed enunciatur gratia exempli. Felin. in cap. Quoniam. Abb. de Offic. Delegati nu. 11. Horat. Mand. de Privileg. ad instar qu. 5.*

Colliges 3.^o ita per communicationem fieri proprias Indulgentias eorum, quibus communicantur, ut possit coetus vel persona, cui communicatæ sunt, citra falsitatis vitium nomen suum apponere juxta tenorem communicationis, loco illius coetus vel personæ, cui concessæ primo fuerunt. Ille enim dicitur falsarius, qui mut-

tat

• tat veritatem cum dolo *L. Quid falsarius*. In nostro autem casu non apparet vestigium immutationis veritatis; cum certum sit, Indulgentias per communicationem taliter fieri proprias communicantium in illis, ac si Congregationibus ac personis communicantibus in particulari essent concessæ.

Colliges 4.º suspensis, limitatis per Summorum Pontificum Sententiam Indulgentiis pro Ecclesiis aut Congregationibus, quibus immediate concessæ fuerunt, vel ad earum destructionem cessantibus, adhuc posse alias Ecclesias & Congregationes communicantes virtute novæ concessionis eis frui, quia per huiusmodi communicationem attributæ, sunt æque principaliter datæ, nec ab illis in conservari dependent. Oppositum dicendum est de communicatis per solam extensionem, cum non sint ex vi huius communicationis æque principaliter concessæ; quamobrem si cessent pro Ecclesiis aut congregationibus, quibus primo concessæ fuerunt, non subsistunt, aut in suo robore perseverant in locis aut personis, quibus fuerunt extensæ; & quantumvis dici possent *adinstræ*, utpote quæ sunt extensæ *adinstræ* earum, quibus prius fuerunt datæ, sunt tamen in hoc genere imperfectæ secundum modum concessionis, quia communicatæ non sunt per novam concessionem, sed per meram extensionem; ut notat Passerinus Quæst. cit. nu. 728. his verbis = *Indulgentia concessa hoc modo (nempe quum fuit communicata per novam concessionem) non cessat etiam dato, quod per destructionem Ecclesie, vel revocationem, aut alio modo cessaret Indulgentia in exemplari, quia Indulgentia hoc modo est æque principaliter, & per propriam concessionem concessa exemplari, etiam independentem ab Indulgentia concessa exemplari. Et sic etiam diminuta aut aucta Indulgentia concessa exemplari, non minuitur, aut augetur concessa exemplari; sicut dictum est de privilegio. Secus vero est in Indulgentia communicata per solam extensionem ad alias personas, aut loca, quia hæc est veluti eadem Indulgentia, quæ si deficit in principali aut primo, cui fuit concessa, deficit in totum: & hoc hæc etiam dici possit Indulgentiæ *adinstræ*, quia est extensa ad instar ejus,*

cui primo fuit concessa, est tamen in hoc genere imperfecta secundum modum concessionis, quia non communicata per novam concessionem, sed per solam extensionem, & maxime si minus principaliter & accessorie sit concessa

Colliges 5.º auctis, vel extensis Indulgentiis primo Ecclesiæ, vel congregationi concessis, non augeri ideo aut extendi datas per communicationem, seu *adinstræ* (nisi fortasse apertissimis verbis in communicationis indulto concessio vel communicatio etiam in concedendis exprimeretur) sicut de privilegio observant Suarius lococitato cap. 16. num. 8. Hieronymus Rodriguez *Resol.* 116. num. 55. Palus *trist.* 3. *disp.* 4. *puncto* 2.º Etenim concedens cogitat duntaxat de concessis, non vero de concedendis in posterum; & signanter hoc clarius elucet in Indulgentiis *adinstræ*, quia istæ quatenus tales dicunt respectum imitationis ad alias. Dicuntur autem aliqua fieri ad imitationem existentium; & constat a simili ex *L. Testamentum* 2. *ff. de Condit. demonstrat.* si Testator monumentum sibi fieri juberet *adinstræ* alterius, vel in eadem, vel in alia Ecclesia constituti, quanquam positum in exemplum deinde augetur, atque in meliorem formam periceretur, Hæres id, quod auctum fuit, nequam imitari teoretur, sed illud duntaxat, prout erat constructum tempore conditi Testamenti, quia de illo solum cogitavit Testator. Idem itaque de Indulgentiis *adinstræ* dicendum erit; Summus enim Pontifex hanc communicationem, tribuens ad concedendas in posterum vel a se vel a successoribus minime advertit.

Observe hic pro expediendis Literis Apostolicis Indulgentiarum *adinstræ* inter Cancellariæ Regulæ hanc recenseri = *Voluit quod non expediantur adinstræ aliarum, nisi illæ specificentur* = quam ita explicat Latorius p. 2. cap. 14. expenditque, in qua concessione Indulgentiarum, censeretur Pontifex huic Regule derogare. = *Glossator dicit, quod ratio dubitandi est, quia licet in uno instrumento fiat mentio alterius, tamen debet constare de illo. Auth. si quis in alio C. edendo, quando Principi facit mentionem, alterius instrumenti, vel privilegii, per-*

in-

inde est, ac fit totum illud inferatur C. si Romanorum §. Item si; Ubi Glossator 19. dist. & sic verum de jure etiam si fiat mentio in genere de illo, ideo videbatur sufficere, si Papa diceret: adinstar alterius Ecclesie; tamen quia Papa in his, quae sunt facti, decipi potest, mandat non expediri, nisi specificentur; & ideo recte observat Navarrus, hanc Regulam non esse de dandi Indulgentiis, sed Literas Apostolicas earundem respicere, juxta tradita a Francisco Panvino in Praelud. Extravag. Joannis XXII. a Felino in Capax parte num. 1. de Rescriptis, a Ludovico quest. 2. in Proam. Regul. Cancellariae; unde sequitur, quod si eveniret Indulgentias adinstar expediri, non expressu in specte repertis in Exemplaribus, adhuc concessio suum effectum sortiretur, juxta laudatum Franciscum Panvini. Peti tamen posset Literarum Apostolicarum correctio: quae petitio locum non haberet, quando Indulgentiarum expeditio fieret per Cameram; hujusmodi enim Regulae sunt a Summis Pontificibus institutae pro Cancellaria, quia cum nequeat presumi, Sedem Apostolicam eam Regulam ignorare, nec pariter veriti potest in dubium, eam communicationem illam velle inutiliter concedere, adeoque censureretur velle hujusmodi Regulae Cancellariae derogare, facta concessione illarum adinstar, citra expressionem earundem in particulari.

ARTICULUS II.

An sub Communicatione Privilegiorum, Indultorum, Immunitatum & Gratiarum intelligatur Communicatio Indulgentiarum?

SUB nomine privilegiorum Indulgentias comprehendere, ac per consequens per illorum communicationem has prout concedi defendunt PP. Salmantic. Morales in Tom. 4. tract. 18. de Privilegiis, cap. 1. num. 1. ubi hanc privilegii definitionem exponentes = Privilegium est lex privata, aliquod speciale beneficium continens = inquit = Dicitur privilegium

aliquod beneficium speciale continere, id est, favorem, Indulgentiam vel aliud quidpiam, alias ex jure non concessum: & sic praefer jus semper debet aliquid operari privilegium, quavis necessarium non sit, ut semper contra jus operetur aliquid, ut cernitur in Indulgentiis, quae per modum privilegii conceduntur, & tamen contra jus nihil operantur, sed solum praefer jus aliquid concedunt = Idem putat Donatus p. 1. tract. 7. ex quo omnis gratia Principis privilegium dicatur per Jo. Andream in Cap. Olim de Verbor. signif. & Baldum in Praelud. feudorum num. 18. His subscribit Cottonius lib. 2. de Sacram. Controv. 12. cap. 3. num. 100. citans Dianam p. 1. tract. 11. Resolus. 88. Sed in hoc profecto decipitur, quia ibi Doctor ab eo citatus non loquitur de privilegiis, sed de facultatibus, probans Indulgentias Regularium per Bullam Cruciatum minime suspendi, quia clausula praeservativa non ad solas facultates, sed ad cuncta praecedentia est extendenda, inter quae Indulgentiae recensentur.

Conclusio 1.^a Per solam communicationem privilegiorum, non habetur communicatio Indulgentiarum. Ita sentiunt fere omnes Doctores.

Prob. Privilegium est lex privata, ut habetur Cap. Privilegium 3. dist. C. Abbate. Jus autem privatum dicitur, quia est contra jus commune L. Jus singulare ff. de legibus L. p. in fine ff. de Mancipii, ubi scriptum est: jus commune, a quo quis beneficio Principis eximitur, vere & proprie privilegium est, ac per consequens dici solet, quod de jure communi competit, frustra per privilegium impetratur L. 1. Cap. De Thesauro lib. 2. Indulgentia autem juri communi nequaquam adversatur. Ergo Indulgentia privilegium non est, sed potius gratia & beneficium; & ideo observat Prado in Theolog. Moral. cap. 5.^o quod juxta communem usum, privilegium non comprehenditur in Rescriptis Pontificis sub nomine Indulgentiarum: & quamquam Indulgentiae non concedantur nisi ex Ecclesiae Thesauro, & ob justam ac rationabilem causam, tamen hoc non est contra jus, sed potius juri maxime conforme.

Conclusio 2.^a Ex vi communicationis indultorum etiam spiritualium non habetur

tur communicatio Indulgentiarum. Hanc Conclusionem statuit Passerinus *Quest. 102. num. 796.*

Prob. Per indulta datur facultas agendi tollendo impedimenta, & veluti per ea solvuntur manus, ut quis possit operari; ut notat Joannes Monachus & Geminianus *in Cap. Cum aliquibus de Rescriptis in 6.* ubi exemplum exhibet de vineto, cujus manus pedesque ab aliquo exolvuntur; graditur enim, & reliqua operatur sua vi non autem solventis. Indulgentia autem non prodest ad operandum, nec ad auferenda impedimenta, quæ valent ab agendo removere, sed solum poenæ temporalis, ad Divinæ Justitiæ compensationem solvendæ, relaxationem important. Ergo per communicationem indultorum etiam spiritualium minime intelliguntur communicatæ Indulgentiæ.

Conclusio 3.^a Indulgentiarum communicatio non venit sub communicatione Exemptionum, Immunitatum, Facultatum & Gratiarum.

Prob. 1.^o Ex praxi Summorum Pontificum, qui semper in hujusmodi generalibus communicationibus distinguunt Indulgentias & peccatorum remissiones ab exemptionibus, Immunitatibus, facultatibus & gratiis, ut legentibus Literas Apostolicas hujusmodi communicationum manifestum est. Nulla autem foret necessitas hujus expressionis & distinctionis, si sub no-

minibus exemptionum, immunitatum, facultatum & gratiarum comprehenderentur Indulgentiæ. Ergo Indulgentiarum communicatio non venit sub communicatione exemptionum, immunitatum, facultatum & gratiarum.

Prob. 2.^o Per Indulgentias quis non eximitur ab alterius jurisdictione & potestate: quod proprium est exemptionis atque immunitatis; & quanquam earum virtute debitum poenæ temporalis remittatur, hoc fit non absolvendo duntaxat, verum etiam solvendo: quatenus æquivalens satisfactio de Ecclesiæ Thesauris exhibetur. Propter quam rationem nequit Indulgentia dici facultas ad agendum; unde si quandoque secum afferat facultatem eligendi Confessarium, a quo tum absolutio a casibus reservatis tum Votorum dispensatio possit obtineri, hoc erit per accidens non ex Indulgentiæ natura præcisè inspecta, sed ex peculiari favore ob Summi Pontificis benignitatem ei adjecto. Nec possunt Indulgentiæ sub nominibus gratiarum intelligi; non enim sub his nominibus generalibus veniunt species peculiarem habentes prærogativam, cujusmodi sunt Indulgentiæ, quæ rationabilem ac omnino proportionatam causam possunt. Ergo exprimi debent nomine proprio Indulgentiarum vel remissionum peccatorum, non vero sub generalibus nominibus exemptionum, immunitatum & gratiarum.



CAPUT XIII

DE CESSATIONE INDULGENTIARUM



Sicut plura sunt, a quibus dependet valor Indulgentiarum, ita etiam ut eadem in suo robore perseverent, plura sunt necessaria, quorum defectu cessant Indulgentiae; idcirco oportet in hoc capite discutere 1.^o An Indulgentiae cessent ob mortem Concedentis? 2.^o An cessent per renunciationem, per destructionem rerum, & cessationem caularum? 3.^o Quomodo difficultates concernentes validam & licitam Indulgentiarum Revocationem solvenda sint? 4.^o An Revocationes Gregorii XV. & Urbani VIII. Oraculorum vivae vocis comprehendant Indulgentias? 5.^o Quomodo intelligenda sit indulgentiarum suspensio Anni Jubilaei, & quas Indulgentias afficiat?

ARTICULUS I

An Indulgentiae cessent ob Mortem Concedentis.

Conclusio 1.^a Indulgentiae non expirant morte Summi Pontificis concedentis, nisi aliter fuisset in concessione declaratum. Ita Paludanus *disp.* 20. *quest.* 4. *art.* 1. Sylvester *Verbo Indulgentia* n. 16. Angelus n. 7. Innoc. *in cap. Quod Translationes de Offic. Legati*, alique, quos refert & sequitur Suarius *Disp.* 57. *sect.* 2. n. 2.

Prob. Indulgentiae sunt gratiae & donationes factae ab Ecclesiarum Prelatis in persona Christi, ut loquitur Apostolus 2. ad Corinthios. *cap.* 2.^o de remissione poenitentiae facta Corinthio furnario = *Nam ego quod donavi, si quid donavi, propter vos in persona Christi* = Porro donationes & gratiae non pereunt morte concedentis, ut innuit Regula *Decet* in 6. quae sic habet: *Decet concessam a Principe beneficium esse manifestum* = Ergo Indulgentiae non expirant morte concedentis.

Idque dicendum est etiam de Indulgentiis habitibus adjectam sequentem, clausulam = *Ad beneplacitum Romani Pontificis, seu Sedis Apostolicae* = quia haec

verba non ad personam, sed ad supremam Romani Pontificis Dignitatem referuntur, quae semper durat; ut observant Salas de *Legibus disp.* 20. *sect.* 17. n. 225. Miranda in *Manual. Praelator.* tom. 2. q. 43. *artic.* 1. Suarius de *Legib. lib.* 8. *cap.* 5. *artic.* 1.

Additum est in Conclusionem; *nisi aliter fuisset in concessione declaratum*, quia cum Indulgentiarum duratio ex voluntate concedentis dependeat, si in concessione earundem expressa fuisset duratio usque ad mortem ipsius, ultra minime se extendere ejusmodi gratiae.

Obijcies 1.^o Indulgentiarum valor ex Summi Pontificis concedentis voluntate dependet. Eo ergo obeunte, cum non sit amplius illius velle, & nolle, pereunt Indulgentiae.

Resp. ad Indulgentiarum valorem ex parte concedentis sufficere voluntatem, praecedentem irretractatam, quae licet non physice, ob ejus mortem, bene tamen moraliter perseverat; hic enim effectus moralis est, & morali modo fit.

Obijcies 2.^o Idem asserendum est de Indulgentiis ac de Privilegiis. Plura autem ex his tandiu durant, quandiu vixerit, qui ea concessit. Ergo indulgentiae expirant morte concedentis.

Resp. privilegia esse in duplici differentia, alia enim pertinent ad rescripta iustitiae, alia ad rescripta gratiae. Primi generis privilegia, quae sunt potestates collatae ad actus iustitiae sive civilis sive criminalis, quia cum iurisdictione delegata coincidunt, re integra, morte Delegantis expirant; ut habetur *Cap. Gratum* & *Cap. Relatum de Officio Delegati Cap. si cui nulla de Præben. li.* in 6.^o quia licet per rescriptum Delegatus iurisdictionem assequatur, non tamen in eo radicatur, atque firmatur autoritas, donec iurisdictione uti ceperit; adeoque re adhuc integra, ea pereunte in Delegante, desinit pariter in Delegato, ut tenent Covarruvias *quest. pract.* c. 11. n. 2. Bonacina *Disp.* 1. n. 24. Bassus n. 13. Quod si privilegia spectent ad ad rescripta gratiae, seu quod idem est, sint rescripta pure favorabilia: puta licen-

Y y tia

tia Sacerdotibus data ad excipiendas Christianifidelium Confessiones, facultas Bullæ Juribilibi eligendi Confessariorum ex approbatione ab Ordinario, qui a calibus reservatis absolvat, & in Votis dispenset, nullo modo cessat ob mortem Summi Pontificis concedentis, nihil enim ejusmodi in jure determinatur. Ita Balleus *Privileg.* 3. n. 13. Sanchez n. 72. Palaut §. 4. n. 3. Itaque cum non inter privilegia spectantia ad lineam justitiae, sed inter ea, quæ spectant ad lineam gratiæ, & Indulgentiæ paritas tantummodo intercedat, nihil contra nostram Conclusionem evincitur.

Quod in Conclusionem statutum est de Indulgentiis a Summo Pontifice concessis, asserendum est pariter de concessis ab aliis Prælati habentibus potestatem ordinariam ad hujusmodi gratias concedendas; de aliis vero habentibus potestatem delegatam certa regula nequit tradi, sed attendi debet modus delegationis = *Loquendo secundum ordinariam jus* (inquit Suarius *Disp. citata. sect. 2. n. 4.*) *& communem usum, dicendum est, Indulgentiam concessam ab eo, qui habet potestatem ordinariam concedendi illam, durare etiam post mortem concedentis. Probatur inductione, quia de Episcopis est communis sententia, ut patet ex Paludano, Sylvestro & aliis supra, & constat ex usu: & quia eorum potestas non limitatur in jure nisi ad tantum quantitatem, non vero quas durationem: nec est ulla ratio, cur nos illam addamus. Et usus idem confirmat. De Legato etiam Pontificis idem docent omnes ob easdem rationes, vel a fortiori, quia censetur habere majorem potestatem: Item argumento Cap. ult. de Officio Legati, ubi dicitur, statutum Legati non cessare per mortem illius; ubi glossa idem dicit de Indulgentia, quia non magis limitatur hæc potestas, quam illa. Ratio autem generalis est potest, quia potestas ordinaria censetur concedi simpliciter, & juxta rei naturam, nisi expresse limitetur. At vero potestas delegata magis arbitraria est, & ideo non potest de illa statui regula adeo certa, sed solum pendere ex voluntate concedentis, & ita juxta modum delegationis judicandum est. Nihilominus si absolute datur ad concedendam talem vel talem Indulgentiam, credo etiam illam durare*

post mortem concedentis, quia si Indulgentia non limitatur ad hoc, ut pendeat ex vita concedentis, ex se non habet talem dependentiam, nec est cur dicamus cum illa limitatione concedi.

Quæres. An morte Summi Pontificis concedentis, expirent Indulgentiæ sub hac forma datæ = *Indulgentias concedo, donec voluero, vel ad beneplacitum meum.*

Respondemus Indulgentias dicto modo concessas expirare morte concedentis. Ita Palaut *tr. 3. disp. 4. §. 5.* Salmanticenses in *Cursu Moral. tr. 18. de Privileg. cap. 2. n. 149.* quia mens concedentis est, Indulgentias ea adjecta formula datas, nedum a negativa, sed a positiva ipsius voluntate dependere, quæ cum eo obeunte non persistat, non possunt Indulgentiæ vigere. Hinc elucet discrimen inter Indulgentias ea adjecta clausula & alias absolute concessas, quod hæc in fieri a voluntate concedentis dependent, ut vero conserventur, satis est, ne detur contraria voluntas seu revocatio. Cæterum quando sub illa forma conceduntur, indigent tam in fieri, quam in conservari positiva voluntate concedentis.

Dices. Ea formula = *Indulgentias concedo donec voluero* = æquivalere huic = *Indulgentias concedo donec revocavero, vel aliter disposuero* = Istæ autem Indulgentiæ perdurare censentur, donec aliter statuitur. Idem ergo dicendum est de Indulgentiis concessis ea formula = *Indulgentias concedo donec voluero.*

Resp. Assignando discrimen inter eos concessionis modos = *Indulgentias concedo donec revocavero* = &c. = *Indulgentias concedo donec voluero, seu ad beneplacitum meum* = quod ex vi primi modi; Indulgentiæ obtentæ cessare nequeunt, nisi præcesserit actus positivus revocationis, quem eliciuisse concedentem ante mortem, minime præsupponitur. Cæterum ex vi secundi modi, mens concedentis est, Indulgentias ab ejus voluntate nedum negativa sed etiam positiva dependere. Oppositum esset dicendum, ubi Indulgentiæ concederentur cum clausula = *Ad voluntatem Sedis Apostolicæ* = quia hæc verba ad Summi Pontificis voluntatem diriguntur, quæ semper durat. Ita Salas de *Legib. disp. 20. sect. 17. n. 125.* Suarius de *Legib. pariter, lib. 8. cap. 3. n. 1.* Layman *lib. 1. tract. 4. apud Salmanticenses loco cit.*

Ob-

Observandum tamen est, modum dicendi nobis contrarium: quod morte concedentis non expirent Indulgentiæ ab eo datæ sub illa clausula = *Indulgentias concedo donec voluero* = sua probabilitate gaudere; quod tanquam probabile admittit Palaeus loco cit. nu. 5. = *Addendum*, inquit, existimo, illis verbis non limitari gratiam ad vicam concedentis, sed prorogari post illam, quousque revocetur; quia videtur in communi loquendi modo æquivalere illa verba ad beneplacitum meum, illis verbis donec revocavero, seu aliter ordinavero: quia dum aliter non ordinatur, semper videtur esse, & perseverare eadem voluntas. Et confirmari potest ex usu & consuetudine Ordinariarum, cum facultatem Religiosis & aliis personis concedunt administrandi Sacramenta, subjungunt fere semper: *se vellet, ut illa licentia efficaciam habeat, dum fuerit nostra voluntas*; at ex his verbis non reputantur licentia cessare, quousque revocentur. Ergo &c. & ita tenet Emanuel Sd: verbo gratia num. 7. In utraque editione genuina & reformatâ, ibi gratia, in qua dicitur, donec voluero, vel donec aliter ordinavero: & in editione genuina subiungit (& si contra habeatur in reformatâ) quod si dicat Papa, ad nostrum beneplacitum, expirare, eo mortuo, quidam putant, alii negant: & remittit se ad id quod dixerat verbo: Delegatus, ubi in num. 3. inquit: delegatio non expirat delegante excommunicato aut suspensio, neque ipso mortuo, si est data ad ejus beneplacitum.

ARTICULUS II.

An Indulgentiæ cessent per Renunciationem, Rerum destructionem, & Cause definitionem?

FATENTUR omnes Doctores, personam particularem, vel Congregationem posse Indulgentiis sibi directe concessis renunciare, quilibet enim cedere potest favoribus sibi collatis; ut probat textus l. si Judex 24. §. de Minoribus Cap.

Titius 39. Cap. Ad Apostolicam de Regularibus; Quod ita intelligendum est de concessis toti Congregationi, ut quamquam persona particularis possit illis frui & non frui, tamen quia sibi ea directe data non sunt, nequeat illis renunciare Cap. si diligenti de Foro Competent. Cap. si contingat de sententia Excommunication. Sed an per renunciationem cessent Indulgentiæ, examini committitur.

Conclusio 1.^a Indulgentiæ non cessant, nisi renunciatio a Prelato, qui illas concessit, vel ejus Successore acceptetur. Ita Suarius disp. 57. sect. 2. n. 13.

Prob. Non acceptata renunciatione Indulgentiarum ab illo, qui eas concessit, adhuc persistit voluntas concessionis earundem, quæ est quasi continuata & prorogata earundem concessio. Cum ergo res per illas causas, per quas nascitur, per easdem dissolvatur, Indulgentiæ ortum ducentes non a subditis acceptantibus, sed a voluntate concedentis, ut cessent, debent in acceptance renunciationis a concedente facta consummari. In quo sensu Lavorius pariter adheret nostræ Conclusioni = *Licet per renunciationem*, inquit, Por. 2. cap. 7. Indulgentia possit extinguí, cum quilibet possit renunciare favori, quatenus ad ipsum spectat renunciare Cap. Nuper de Decimis, tamen non valet ista renunctio, mutando voluntatem concedentis, sed bene non utendo illa = Luculenter idem tradit Adam Opatovius S. Theologiz Doctor & Professor in Cracoviensi Accademia in Disp. 7. de Indulg. in fine, describens observans inter renunciationem Privilegorum, & renunciationem Indulgentiarum = Ob renunciationem illius, ait, cui Indulgentia concessa est, non cessat. Nam Indulgentia non habet se eo modo ut privilegia: quia hæc jus quoddam conferunt, & cui conceduntur, liberum est juri renunciare. Indulgentia autem nullum jus confert, sed solum usum Indulgentiarum: huic autem si quis renunciaret, adhuc Indulgentia in suo robore viget; semper enim est in libera voluntate concedentis, quam renuncians usus Indulgentiarum mutare non potest; unde talis renuncians Indulgentiæ, si iterum voluerit, poterit illam obtinere. Sin autem dato casu sic renunciaret, quod Papa acceptaret ab eo ren-

nunciacionem, jam tunc cessares Indulgentia; verum non per renunciacionem illius cui concessa est, sed per voluntatem Summi Pontificis revocantis. Ergo Indulgentia non cessat, nisi earundem renunciatio a Prælo, qui illas concessit, vel ejus Successore acceptetur.

Conclusio 2.^a Per rerum destructionem cessant Indulgentia. Hanc Conclusionem defendunt Paludanus, Sylvester, Navarros, Corduba apud Suarium *scilicet. supracit. sum. 11.*

Prob. Pereunte substantia, accidentia sive physica sive quodammodo moralia destrui necesse est. Cum ergo Indulgentia sint quodammodo accidentia moralia, eas cessare dicendum est per rerum destructionem. Explicatur hoc magis. Indulgentia alie sunt Personales, alie Locales, alie Reales. Quod primæ deficiant obeuntibus personis, patet, quia istæ perpetuæ non sunt, sed potius vitales, adeoque datæ sunt, ut duraturæ ad vitam illius: eo modo, quo privilegium sequitur personam & eum persona interit. De aliis Indulgentiis idem evincitur, nam etiam si Loco, aut Rosario & Numismati propriæ datæ non sint, sed hominibus, qui visitando eum Locum, atque utendo Rosario, illas possint lucrari, tamen in gratiam tam Loci, quam Rosarii & Numismatis concessæ sunt. His itaque rebus destructis, pereunt seu cessant pariter Indulgentia.

Unum hic advertendum moneo cum Suario: aliud esse loqui de persona cui sit concessio Indulgentiæ, seu quæ a Summo Pontifice eam obtinuit: aliud vero de iis, pro quibus sit concessio hujusmodi gratiæ, ut eam possint comparare; quia Indulgentia personalis cessat, cum persona, quæ eam est lucratura certo operi vacando, perit, non vero obeunte impetrante (nisi fortasse in concessione talis terminus præfigeretur) cum Indulgentia ex se ab impetrante nullo modo dependeat.

Conclusio 3.^a Cessantibus causis motivis concessionis, pereunt Indulgentia. Ita sentiunt communiter Doctores.

Non loquimur de causâ impulsivâ; hæc enim cum non sit primariâ causâ concedendi, sed secundariâ, non est hujusmodi, cui concessio innitatur.

Prob. Indulgentia pendet essentialiter ex causâ rationabili & proportionata. Er-

go sicut, ea non existente, nullæ sunt, tum primo conceduntur: ita ea tractu temporis pereunte deficiunt; sive enim confiderentur in fieri sive in conservari, semper habent, quod sint dispensationes thesauri meritorum Christi & Sanctorum, quæ ut dicitur in Extravaganti *Unigenitus de Pœnit. & Remissionib.* causam rationabilem exposcunt. Robur adjicitur nostræ Conclusioni ex Responsione Sacræ Congregationis Indulgentiarum & Sacrarum Reliquiarum, quæ sub die 27. Julii anno MDCCXXXIII. censuit = *Confraternitatem Sanctæ Mariæ Gratiarum, translata ad novam Ecclesiam, non gaudere Indulgentiis olim eidem concessis a Julio II. intuitu soli Hierosolymitani, in quo primo fuerat erecta & fundata* = Verba concessionis factæ a Julio II. hæc sunt = *Ea propter omnes libertates & immunitates, Indulgentias sive privilegia, vel alia Indulgentiarum prædictæ, ac sicut illius membro pleno jure subiecto Ecclesiæ Sanctæ Mariæ, & in illa Apostolica auctoritate instituta Confraternitati sub invocatione Sanctæ Mariæ Gratiarum, & illius Confratris ratione dicti Hospitalis concessas, confirmamus.*

Obicies 1.^o Opus non est tandiu durare causam, quandiu perseverat Indulgentia, ut patet in perpetua, quæ causam habet temporalem; dependet enim ab ea solum in fieri, non autem in conservari. Cessante ergo causâ motiva concessionis, non perit Indulgentia.

Resp. opus non esse tandiu durare Indulgentiam, quandiu phylice duntaxat causa persistit: bene vero quandiu hæc perdurat moraliter (in quo sensu diximus supra, nostram Conclusionem propugnantes, Indulgentias pereunte causâ motiva deficere;) non raro quippe causâ phylice transit, quæ adhuc vel in suo effectu, vel in respectu morali ad illam perseverat: & in hoc casu verum est, pro causâ phylice temporali concedi Indulgentiam perpetuam, quia causâ moraliter perpetuo durat. Hanc habes hanc solutionem a Suario *scilicet. citat. n. 14.* qui ait = *Non est necesse, ut causa tantum duret, quantum durat Indulgentia; nam propter causam temporalem potest concedi Indulgentia perpetua. Igitur a principio consideranda est causa Indulgentiæ, nam si illa fuit suf-*

sufficiens ad tantam Indulgentiam pro tali tempore concedendam, etiamsi illa transeat, Indulgentia durabit; ut V. G. Dedicatio Ecclesie, quæ uno die fit, est sufficiens causa, ut concedatur Indulgentia unius anni, & respectu Pontificis potest esse sufficiens ad Indulgentiam perpetuam, præsertim si aliæ causæ concurrerent. . . . Verum tamen est, ex hac causa semper relinqui aliquem effectum, vel saltem aliquem respectum moralem ad illam, ratione cuius talis duratio Indulgentiæ nunquam est sine sufficienti causa morali. At vero si a principio causa non sit sufficiens ad concedendam perpetuam Indulgentiam, sed solum pro tanto tempore, tunc quidem, etiamsi perpetua concedatur, non est in totum valida, sed solum pro tempore proportionato causæ. Sicut enim in alia quantitate Indulgentiæ servanda est proportio ad causam, ita etiam in duratione: & ideo transacto illo proportionato tempore, cessabit Indulgentia apud Deum, non quia cessavit causa: fieri enim potest, ut antea jam cessaverit; sed quia a principio concessio non fuit valida, nisi pro tali tempore.

Obijcies 2.^o Concessio aliarum gratiarum & effectuum moralium, si a principio ex causa rationabili sit facta, semper durat, quanvis causa cessaverit, intuitu cuius fuerat obtenta, ut constat in dispensatione Voti, Legis & Juramenti. Ergo opus non est, ut valida sit Indulgentia, quod causa vel physice vel moraliter perseveret.

Resp. dispensationem consummari, quum sit relaxatio Voti, Legis & Juramenti: ac proinde si tunc vera causa daretur, etiamsi postea cessaret (dummodo sit absoluta) minime redderetur invalida, nec obligatio extincta revivisceret. Quod consonum est *Regulis juris* in 6. & potissimum *Regule* 73. quæ est: *Factum legitime retractari non debet, licet casus postea eveniat, a quo non potuit inchoari* = Diximus si effectus dispensatio absoluta, quia si conditionem aut implicitam aut explicitam involveret, obligatio Voti, Legis & Juramenti denuo surgeret: puta si quis ob virium debilitatem dispensationem obtinisset comedendi carnes tempore Quadragesimali, factus enim robustus ad Qua-

dragesimales cibos medire teneretur. Cæterum in Indulgentiis semper & indispensabilem importatur ea tacita conditio causæ motivæ, a qua omnino dependet, tum in fieri, tum in conservari.

ARTICULUS III.

Expediuntur Difficultates nonnullæ de validæ & licitæ Indulgentiarum revocatione.

CERTUM est, Indulgentias semel concessas per revocationem tacitam vel expressam, factam a concedente vel ejus Successore, vel Superiore cessare; ut colligitur ex Clementina *Dudum* §. *Nos autem de Sepulturis*, & Extravaganti *Quemadmodum de Penit.* & *Remissionib.*

Hæc autem revocatio duobus modis fieri potest, vel generaliter & confuse, vel determinate. Primo modo, quum non specificatur aliqua Indulgentia particularis, sicut revocatio, quæ prodit tempore Pauli V. pro Regularium Indulgentiis, Constitutione incipiente *Romanus Pontifex*. Secundo, quum de quibusdam in particulari sit mentio specialis.

Quæres 1.^o An valide fieri queat Indulgentiarum revocatio sine causa?

Respondemus affirmative; etenim sicut privilegia mere gratiosa, per quæ dominium rerum minime transfertur, sed duntaxat facultas conceditur ad aliquid agendum, vel non agendum præter Jus, possunt a Principe, quando & quomodo voluerit, sine causa revocari, ita & Indulgentiæ; tam enim istæ, quam privilegia dicta sunt favores & gratiæ dependentes a voluntate concedentis, ac tacitam quandam conditionem censentur involvere = *Nisi revocavero vel quandiu non revocavero*.

Dices. Valida non est Indulgentiæ concessio iusta causâ non interveniente. Ergo ob eandem rationem Indulgentiarum revocatio valida non erit.

Resp. Thesaurum meritorum Christi & Sanctorum ad dispensandum Summo Pontifici fuisse commissum, cæterisque Ecclesiæ Prælatiis, qui proinde sicut possunt iusta etiam ac rationabili causâ occurrente Indulgentias non concedere, ita pro libito concessas revocare. Quod vero præter concedentis voluntatem specialiter iusta

ita causa pro earum concessione requiratur, in naturam dispensationis dicti Thefauri refunditur, quæ non in destructionem, sed in Ecclesiæ ædificationem postulat exerceri; ut dictum est supra *Cap. 4. art. 2.*

Quæres 2.^o An ad licitam Indulgentiæ revocationem causa requiratur?

Causam per se loquendo non requiri ad licitam Indulgentiæ revocationem, sentit Suarius *Disp. 57. sect. 2. num. 6. = Quia a principio hoc, inquit, fuit beneficium gratuitum, quod tunc posset absque alia causa licite negari. Ergo postea etiam posset licite revocari sine causa, quia hoc nihil aliud est, quam non conservari, vel non dari pro tempore futuro, etiam si pro præterito datum fuerit. Item qui concessit Indulgentiam, non se obligavit ad illam conservandam: ergo tam libere posset non conservare, sicut posuit non dare. Præterea quia per concessionem Indulgentiæ perpetue nullum jus acquiritur illi, cui conceditur, sed semper manet in ratione cuiusdam gratiæ pendenti ex voluntate concedentis: & ideo nulla sit alteri injuria, neque imponitur ei gravamen contra iustitiam, vel aliam virtutem, etiam si hoc favore privetur ex sola voluntate, absque alia causa. Cum autem causam excludimus, non auferimus finem aliquem bonestum, qualis necessarius est ad bonestatem cuiusque actionis humanæ ex objecto indifferens: sed solum asserimus, non esse necessariam specialem causam, quæ bonestet hunc actum = Addit tamen, Indulgentiæ revocationem ab extrinseco & per accidens posse esse illicitam. 1.^o si ea posset scandalum Christianidelibus asserre: exempli gratia quia esset signum odii erga personas, quibus Indulgentia concessa est. 2.^o si concedens promississet, se illam nunquam revocaturum: nam promissio illa, honesta esset in eo sensu, quod saltem sine causa non fieret revocatio; obligaret autem ipsum promittentem tantum, non vero Successorem, quia promissio est actio personalis. 3.^o si noceat fructuosa, & tamen absque causa abrogaretur. 4.^o si usus Indulgentiæ esset jam inchoatus: ideoque videretur esse jus acquisitum, ut non posset sine magna causa revocari, ut V. G. si Jubilæum concessum sit, & coeperit quis opera illa facere; quia hoc ipso videretur*

dari jus aliquo modo acquisitum, ut non revocaretur gratia Jubilæi, prius quam opera dicta perficerentur; quantumvis enim etiam in eo casu, non daretur proprium jus acquisitum, tamen ex quadam fidelitate, & tacita promissione, quæ subintelligi facile potest, illicitum profecto esset huiusmodi hominem Indulgentiæ beneficio defraudare, nisi urgens causa cogeret ad universalem ejus revocationem.

Nostri tamen responsio sit, per se loquendo, ut licita sit Indulgentiæ revocatio, præter honestatem finis (qui in omni actione humana debet intervenire regulariter) aliquam causam adesse debere, quæ specialem Dei cultum, vel Ecclesiæ bonum, vel majorem Fidelium fructum respiciat. Ita Palas *Tract. 24. disp. unica punct. 11. num. 2.* Donatio enim semel facta nequit per se sine causa iusta licite revocari; quia concessum a Principe beneficium debet esse permanens, ut habetur in *Reg. Decet de Regulis juris in 6.* cum impossibile sit, fieri illius revocationem citra aliquam notam; quamobrem conveniens non est, concedentis gratiam mutari, nisi rebus mutatis. Quod maxime probat in Indulgentiis, quæ a Christi Ministris conceduntur, quibus commissæ est dispensatio facienda ex Ecclesiæ Thesauro ob iustam atque rationabilem causam.

Nota tamen pro causa, ut licita sit Indulgentiarum revocatio, opus non esse dari culpam, aut demeritum quorundam, sed sufficere profusam in earum distributione liberalitatem: ne inde scordes reddantur Christiani fideles ad implenda poenitentiarum opera, aut pro eliviores ad illicita perpetranda; qua ratione ductus Sixtus IV. Constitutione incipiente *Esse Dominici gregis* nonnullas facultates vel a se vel a Prædecessoribus Pontificibus concessas abrogavit, ibi = *Ne cuiusvis Indulgentiæ, remissionis, vel facultatis obtentu Christiani fideles procliviores ad illicita in posterum committenda reddantur, aut facilis venia eis peccandi tribuet incentivum* = & Pius V. Constitutione, cuius initium est pariter *Esse Dominici gregis*, cunctas Indulgentias pro porrigentibus manus adiutrices concessas revocavit propter abusus & corruptelas, quæ in aliis irreperant.

Obijcies 1.^o Indulgentiæ concessio esset gratuitum beneficium, quod licite potest etiam

etiam sine causa a Summo Pontifice denegari. Ergo sine causa potest licite revocari.

Resp. aliud esse loqui de Indulgentia ante concessionem, aliud vero post; etenim ita Summus Pontifex Indulgentiam concedit, ut per se ad illam concedendam, non teneatur, ac per consequens, ubi primo non concederetur, esset mera negatio, ac proinde opus non esset in non concessione causam exposcere. Ceterum ejus revocatio post concessionem esset privatiore adeoque paritas non tenet; & quanquam Summus Pontifex, qui Indulgentiam concessit, non se obligaverit ad illam non revocandam, tamen convenit, rebus prorsus non mutatis, cum a gratiæ conservatione non recedere.

Obijcies 2.^o Per Indulgentiarum concessionem nullum jus acquiritur a Fidelibus, qui hujusmodi gratiis donantur: adeoque Indulgentiæ semper, in ratione quorundam favorum unice a voluntate Prælatorum dependentium, perseverant. Ergo poterunt etiam causâ circumscriptâ Prælati eas licite revocare.

Resp. ex quo per Indulgentias concessas nullum proprie acquiritur jus, solum probari, valide sine causâ posse revocari, non autem licite.

Quæres 3.^o An cessent Indulgentiæ statim ac promulgatur revocatio: vel quando pervenit ad Christiandulum notitiam?

Plurium Doctorum sententia est, Indulgentiam Plenariam a Callisto III. concessam pro porrigentibus subsidium contra Barbaros, & ab ejus Successore revocatam, tempore intermedio, quod interfluxit a revocatione usque ad diem notitiæ, propter ignorantiam invicibilem, ab implentibus illud opus injectum fuisse comparatam. Ita Geminianus *de concess. præbendar.* Sylvester verbo *Indulgentia* num. 27. Tabienna *nu. 29.* quod de hujusmodi revocationibus dicendum esse, putant alii Doctores, nisi fortassis ex earum tenore appareret, Summum Pontificem expresse velle, revocationem locum habere, quantumvis nulla promulgatæ revocationis haberetur notitia. Suario *Disp. 57. sect. 2. num. 9.* & Cottonius *lib. 2. contro. 11. num. 107.* non ita generaliter huic sententiæ subscribunt, sed necessitatem notitiæ revocationis exposcunt duntaxat pro Indulgentiis, qui-

bus absolutionis a Censuris & a casibus reservatis, necnon alia privilegia adjecta sunt.

Nos vero cum Passerino *Quæst. 107. num. 853.* respondemus, cessare quicumque Indulgentias per revocationem earundem juxta stilum sufficienter promulgatam; lex enim ut vel abrogetur, vel vim obtineat obligandi, satis est, ita eam exterius subditis intimari, ut possint moraliter loquendo ad cognitionem legis vel de novo statutz, vel revocationis ejusdem venire. Ergo ut Indulgentiarum revocatio robur obtineat, opus non est, eam de facto ad Fidelium notitiam venire, sed satis est, id posse innotescere; quod profecto obtinetur, quum revocatio sufficienter promulgatur.

Hinc conrui assertum probabiliter a Suario & Cottonio propugnatum, validam nempe esse Concessionem de casibus reservatis factam occasione Jubilæi: ac poenitentes obtenta absolutione eorundem a Sacerdotibus approbatis ab Ordinariis, ab obligatione comparandi coram legitimo Superiore exonerari, concurrente ignorantia invincibili revocationis Jubilæi; hæc enim ignorantia nequit reddere actum absolutionis validum, sine potestate jurisdictionis: supposita siquidem dictæ revocationis promulgatione, sicut non daretur facultas in poenitente eligendi Confessarium, qui a reservatis absolveret, ita nec in eo potestas ad hujusmodi munus obeundum; quamobrem licet proprium sit ignorantiz invincibilis, cum ea operantem eximere a culpa, non tamen actum gratuite concessionis, a Superiore revocatum, validum efficere.

Dices. Revocatio Indulgentiarum facta a Summo Pontifice, qui eas concessit, præsumi posset imprudens, adeoque locum continere non debet, antequam Christiandulis innotescat. Alias Christifideles vacantes operibus injectis nullum absque culpa Indulgentiarum fructum perciperent.

Resp. prudenter & cordate in revocando Summum Pontificem procedere, ubi revocatio omnibus posset manifestari, quamquam ea actu ignoraretur; quod profecto fieret, si revocatio juxta stilum sufficienter promulgaretur: ideoque optime observat Passerinus *Quæst. cli. n. 860.* revocationem Romæ promulgatam sufficere de sui

sui natura in foro externo, si habeat Decretum irritans, quod de sui natura etiam ignorantibus afficere compertum est. *Cap. si eo tempore 45. de Electione in 6. & Cap. Postquam Cap. Dudum Cap. Beneficia & Cap. Quodam de Præbend. & dignitatib.* unde ab hora promulgatæ revocationis, Indulgentiæ irritæ & abrogatæ manerent?

Quæres 4.^o An Summus Pontifex possit Indulgentias per solum actum internum revocare?

Amicus in *Tom. 8. disput. 20. n. 292. ad Indulgentiarum revocationem*, validam ipsius revocationis promulgationem requirit; quia non præsumitur aliter Summus Pontifex revocare Indulgentias, quam alia privilegia & indulta. Idem asserit Cardinalis de Lugo disp. 27. §. 3. n. 148. pluribusque non contemnendis ad id probandum utitur rationibus = *Primo*, inquit, *propter rationem generalem*, quam tradit cum aliis Thomas Sanchez lib. 3. de Matrim. disp. 36. quod licentia alicui concessa non revocatur per solum dissensum contrarium concedentis. *Secundo*, quia fundamentum contrariæ sententiæ supponit falsum, scilicet, quod effectus & valor Indulgentiæ pendet ex voluntate concedentis. Hoc inquam in rigore falsum est; quia non dependet, nisi ex voluntate præterita legitime intimata. Unde quando mortuus est, qui concessit, valor Indulgentiæ continuatur, non quidem propter voluntatem præsentem ipsius, quum jam non habet auctoritatem: neque etiam propter voluntatem successoris, ut indicat Suarez dicta sect. num. 3. tum quia fortasse nondum est electus successor: tum etiam, quia successor potest nihil de tali concessione cogitare, nec in particulari nec in communi: sed continuatur valor præcise propter voluntatem præteritam, ex vi cuius applicuit Thesaurum, ad talem effectum suo tempore operandum. Ergo ad impediendum effectum debet impediri causa præterita: non qui tunc non conservando illam, quia ejus conservatio non requiritur, sed positivo impediendo ejus efficaciam, quæ non videtur posse impediri, nisi per actum externum. Quia sicut concessio Indulgentiæ requirit actum externum, quia est actus jurisdictionis visibilis: sic revocatio

concessionis est actus jurisdictionis visibilis, nam Successor non aliter potest revocare concessionem Prædecessoris, nisi propter jurisdictionem acceptam, quæ potest claudere id, quod Prædecessor aperuit. Cum ergo Claves tam ad claudendum, quam ad aperiendum pertineant ad jurisdictionem visibilem, debent exerceri per actus visibiles & externos, ut valide operentur = Quem dicendi modum approbat Cottonius Lib. 2. de Sacram. Controv. 11. n. 105. referens, ita Romæ non paucis Doctores judicasse, cum ibi innotescere cepisset animus Alexandri VII. quascunque Indulgentias Numismatibus concessas revocandi. Hæc fundamenta reddunt sententiam Cardinalis de Lugo satis probabilem.

Respondemus tamen: posse valide per solum actum internum Indulgentias a Summo Pontifice revocari. Ita Suarius *sect. cit. n. 10.* Passerinus n. 859. quia Indulgentiarum valor & efficacia nedum pendet essentialiter a concedentis potestate, sed etiam ab ejus voluntate; & prudenti siquidem Summi Pontificis aliorumque Ecclesiæ Prælatorum arbitrio divinitus commissæ est dispensatio Theauri meritorum Christi & Sanctorum. Itaque si post Indulgentiarum Literas Apostolicas Summus Pontifex per actum internum concessionem ibi factam revocaret, Indulgentiæ subsistere non possent: eo pari modo quo, si ita concederentur, vel forma concessionis ita usurparetur, ut actus internus vere illas largiendi deficeret, minime valerent. Quod confirmari potest ex eo, quod seclusa intentione Ministri faciendi opus ut Sacramentale, quanvis serio materia & forma applicarentur, non periceretur verum Sacramentum, ut dictum est *Cap. 10. Ari. 5. quest. 5.* Cum ergo Indulgentiæ tam in fieri quam in conservari a concedentis voluntate dependant, & si actus revocationis externe non manifestaretur, adhuc revocatio subsisteret, ac Indulgentiæ nullitatis vitio laborarent.

Fatemur tamen hujusmodi revocationem esse illicitam, ea enim esset illusio atque Christiudeliū deceptio, & quidem in materia gravi.

Hinc 1.^o principale Cardinalis de Lugo pro opposita sententia fundamentum evertitur. Quamquam enim quantum ad forum

rum externum non præsumeretur impedita & retractata ea voluntas præterita concessionis Indulgentiarum, nisi per promulgationem revocationis: aliter tamen dicendum esset in foro Dei, si internus actus præteritæ concessioni contrarius in concedente reperiretur. Quod pariter asserendum est de actibus jurisdictionis: exceptis tam publicis quam occultis, factis cum errore communi & titulo colorato; isti enim validi sunt, non in vi privilegii, sed adminiculo juris similes actus sustinentis *L. Barbarius ff. de Officio Prætoris Basil. lib. 8. cap. 19. n. 14.*

Corruit 2.^o argumentum concessionis Indulgentiarum ad sui valorem tum internum tum externum actum requirentis; ex hoc quippe inferri non potest, utrumque ejusmodi actum ad revocationem earundem exposci; difficilius enim est, ædificare quam destruere. Mixime quia Indulgentias concedere, est de linea boni, quod ex integra causa confurgit, ac proinde actum internum & externum simul exposcit: revocatio vero de linea mali, ad quod minimus defectus, ac per consequens actus internus intentionis est sufficiens.

Dices. Leges humane vim obligandi non obtinent in actu, neque possunt abrogari, ubi actus externus non adesset, etiam si internus concurreret; unde *Cap. In istis dist. 4.* dicitur = *Leges consilii dum promulgantur* = Idem ergo putari debet tam de concessione quam de revocatione Indulgentiarum:

Resp. leges esse regulas humanarum operationum, quæ tales sunt in actu secundo, quum subditis applicantur; quæ applicatio fieri nequit nisi medio actu externo seu promulgatione: *Lex imponitur aliis* (inquit D. Thomas 1. 2.^a quæst. 90. art. 4. in corp.) *per modum regulæ & mensuræ. Regula autem & mensura imponitur per hoc, quod applicatur his, quæ regulantur, & mensurantur; unde ad hoc quod lex virtutem obligandi obtineat, quod est proprium legis, oportet quod applicetur hominibus, qui secundum eam regulari debent; talis autem applicatio fit per hoc, quod in notitiam eorum deducitur ex ipsa promulgatione: unde promulgatio ipsa necessaria est ad hoc, quod lex habeat suam virtutem* = Ex quo colligitur, quod licet lex, ut dicit im-

perium in mente Legislatoris existens, habeat ex se vim obligandi, eam tamen nunquam habebit in actu secundo, nisi per manifestationem subditis applicetur: nec deobligabit, aut abrogabitur nisi per revocationem legis antea obligantis promulgatam. Imo ad obligandum satis est præsumta superioris voluntas, etiam si deesset actus internus; externa enim legis promulgatio, secum ferens necessario præsumtam Legislatoris voluntatem, est sufficiens, dum de voluntatis defectu minime constaret. Ceterum Indulgentia non se habet per modum regulæ humanorum actuum, sed per modum concessionis gratiæ vel favoris, quæ non exigit ad sui valorem notitiam apud eos, qui possunt illius utilitatem percipere = *Sicut gratia* (inquit Passerinus n. 358.) *ad ejus valorem non requirit essentialiter notitiam sui in eo, cui conferatur gratia, ita nec eandem notitiam petit, ad hoc ut gratia non valeat; & ex hoc ad ejus invaliditatem sufficit defectus voluntatis concedentis, quia ex quo ad ejus valorem non requiritur notitiam ejus, qui gratiam est recepturus, non est unde non possit invalidari ex defectu ejus, quod non est in ejusdem notitia.*

ARTICULUS IV.

An Revocationes omnium Oraculorum vivæ vocis per Gregorium XV. & Urbanum. VIII. factæ comprehendant etiam Indulgentias?

ORaculum vivæ vocis hic dicitur gratia oretenus tantum a Summo Pontifice concessa. Hinc tum gratiæ factæ per Bullas & Brevia dici non valent vivæ vocis Oracula: tum quæ sunt per Signaturam Papæ, quum nempe alicui petitioni propria manu subscribit, quia concessionem hujusmodi non sunt oretenus.

Plura de Oraculis vivæ vocis eorumque revocationibus expendenda sunt, ut Conclusioni infra ponendæ major claritas accedat.

Præmittendum itaque est 1.^o vivæ vocis Oracula Summorum Pontificum eandem vim habere ac Brevia & Bullas; etenim

scriptura nihil superaddit voluntati Principis, a qua gratiæ & privilegia dependent, sed duntaxat mentem concedentis aperit, atque demonstrat; quamobrem donationem Principis, nulla prævia scriptura declarata, suam vim habere, docet Turrecenata in *Can. Inquisition. 25. q. 1.*, qui pariter ex *Cap. Dudum de sepulchris* colligit, Summum Pontificem scripto & sine scripto posse privilegia, gratias & favores subditis conferre. Et profecto sicut potest Princeps edito vivæ vocis Oraculo subditos obligare, ita eosdem privilegiis & gratiis oretenus concessis ab observantia legum eximere. Verum cum debeat de iis constare, ut tuto queant ab absentibus executioni mandari, scriptura qualificata, & tunc digna requiritur, de cuius veritate nulla dubitatio possit suboriri: & hoc potissimum pro foro exteriori. Ideoque fit, Pontificia vivæ vocis Oracula probari minime posse, nisi vel per duos idoneos testes, aut per authenticam scripturam qualificatam. Leonem tamen X. Patribus Minoribus Ordinis S. Francisci, compertum est, vivæ vocis Oraculo concessisse, quod possent licite frui privilegiis & gratiis, prout in Libris Ordinis eorundem reperiebantur, citra aliam scripturam authenticam, ut tradit Rodericus in *Tom. 1.º question. Regular. quasi. 7. art. 5.º*

Præmittendum 2.º est, quod cum plurimæ vivæ vocis Oracula Sixti IV. ætate circumferrentur, ea omnia Pontifex laudatus abrogavit Constitutione incipiente *Etsi Domini gregis*, edita anno MCDLXXVIII, quo exemplo ductus Gregorius XV. iterum ea omnia tum a se tum a Prædecessoribus Pontificibus facta, quæ suum effectum sortita non fuerant, generaliter revocavit Constitutione incipiente *Romanus Pontifex*, edita sub die 2. Julii MDCXXII., ut variis occurreret difficultatibus, atque abutibus inde prodeuntibus: exceptis duntaxat concessis ad Regum instantiam, atque manu Sanctæ Romanæ Ecclesiæ Cardinalium firmatis = *Itaque motu proprio* (verba sunt dicte Constitutionis) & *ex certa scientia, ac matura deliberatione, Nos, deque Apostolicæ potestati plenitudine, omnia & singula intulsa, facultates, privilegia, gratias & concessiones quascunque spirituales & ecclesiasticas, tam ad forum interius,*

quam exterius spectantes, ac tam ad supplicationem partium, quam motu, scientia, & potestatis plenitudine similibus a Sede Apostolica, quæ tamen vivæ vocis Oraculo hactenus quandocunque, & quallitercunque, & quavis etiam de necessitate exprimenda causa, quibusvis Collegiis, Capitulis, Ordinibus tam Mendicantium quam non Mendicantium, Societatibus, etiam Societatis Jesu, ac Congregationibus quibuslibet, sive eorum, & earum respectivè Præpositis, Decanis, Magistris, Ministris, Prælati, Prioribus, Rectoribus, Generalibus, vel Provincialibus, quocunque nomine nuncupatis, Superioribus etiam quomodolibet exemptis, ac Sedi Apostolicæ immediate subjectis, cujuscunque dignitatis, præeminentiæ, aut quovis privilegio munitis; non tamen ad supplicationem Regum concessis: in iis videlicet, quæ non sunt sortita effectum, tenore præsentium revocamus, cassamus, tollimus, abrogamus, & annullamus: ac revocata, cassa, sublata, abrogata & annullata, viribusque & effectum vacua perpetuo fore & esse, neque in posterum cuiquam suffragari posse vel debere, etiamsi expressa & specifica mentio, etiam de verbo ad verbum de his facienda esset, decernimus & declaramus... Firmis tamen & in suo robore permanentibus omnibus indultis, & aliis concessionibus prædictis vivæ vocis Oraculo S. R. E. Cardinalibus, ad ipsorum vel aliorum quorumcunque favorem propria S. R. E. Cardinalium manu firmatis, pro ipsis vel aliis factis, de quibus idem S. R. E. Cardinales testimonium in scripto præbuerint = Aliam subinde ampliorem fecit revocationem Oraculorum vivæ vocis Urbanus VIII., Constitutione cujus initium est: *Alias felic. Record. Gregorius XV.*, edita sub die 20. Decembris MDCXXXI., ea comprehendens, quæ Gregorius XV. exceperat; ut habetur ex his verbis dicte Constitutionis = *Cum autem experientia rerum magistra compertum sit, concessionibus & gratiis vivæ vocis Oraculo, etiam a S. R. E. Cardinalibus obstant, & ipsorum manu firmatis, sæpe ab his, in quorum favorem emanarunt, minus canonica interpretatione extendi, & perperam in disciplinæ Ecclesiasticæ derivamentum,*

etc.

executioni mandari; idcirco quantum cum Domino possumus, his & aliis malis occurrere volentes, motu proprio & ex certa scientia, ac matura deliberatione, Nostrique, deque Apostolice potestatis plenitudine: & de consilio nonnullorum Venerabilium Fratrum nostrorum S. R. E. Cardinalium, quibus negotium huiusmodi mature discutiendum commisimus, omnia & singula privilegia, facultates, licentias, & gratias quasunque, per Summos Pontifices Prædecessores nostros, ac per Nos vive vocis Oraculo, & S. R. E. prædictæ Cardinalium quorumcunque manu firmata, quibuscunque Generalibus, Provincialibus caterisque Superioribus & personis cuiusvis Ordinis, Congregationis, Instituti & Societatis, sive secularibus sive Regularibus, vel etiam ipsi Ordinibus, Congregationibus, Institutis & Societatibus, etiam Societatis Jesu, aut ejus Clericis seu Presbyteris, aliisque personis prædictis, quacunque de causa, etiam de necessitate exprimenda, occasione, prætextu vel colore, etiam intuitu, contemplatione, seu ad instantiam Imperatorum, Regum, & Principum quorumcunque, aut alias quomodolibet concessa, illorum tenores præsentis pro expressis habentes, tenore præsentium revocamus, cassamus, tollimus, abrogamus & annullamus, ac de cetero revocata, cassa, sublata, abrogata & annullata, viribusque & effectibus vacua esse & fore, nullique prorsus deinceps suffragari posse nec debere, declaramus.

Aliam insuper Constitutionem fecit idem Urbanus incipientem pariter *Alias felic. recordationis Gregorius XV. declarando, illos Officiales, quibus ratione munerum suorum antea, de Summi Pontificis Oraculo, fides haberi solebat, tam in sua, quam in Gregorii XV. Constitutione revocatoria Oraculorum vive vocis, nullo pacto comprehendi = Cum autem* (inquit Pontifex prælaudatus in mox citata Constitutione) *pro tempore existentibus nonnullis nostris & Sedis Apostolicæ Officialibus seu Ministris, qui eorum Officiorum seu munerum ratione, de gratiis, concessionibus & dispositionibus quibuscunque per Nos faciendis, mandatisque & jussionibus nostris exequendis,*

*aliisque rebus & negotiis gerendis Nobiscum diversa tractant, per se seu de eorum mandato facienda, gerenda, & executioni demandanda vive vocis Oracula comiserimus, & in dies circa ea, quæ ad cujuslibet eorum officium seu munus, quo funguntur, pertinent, committamus. Nos firmiori gestorum, de mandato nostro, per eosdem Officiales seu Ministros validitati, eorundemque Officialium seu Ministrorum securitati consulere volentes, motu proprio certaqué scientia, ac matura deliberatione, Nostrique deque Apostolicæ potestatis plenitudine, Officiales seu Ministros prædictos quibus alias ante emanatas prædictas Constitutiones, ex Officiorum suorum auctoritate & prerogativa, de Oraculo per eos a Romanis Pontificibus pro tempore existentibus habito, fides haberi solebat, quoad ea, quæ, ut præfertur, ad cujuslibet eorum officium seu munus, quo funguntur, pertinent, in Literis etiam nostris prædictis, super revocatione Oraculorum huiusmodi emanatas, minime comprehensos fuisse, nec esse, nec comprehendendi debere declaramus & decernimus: & ad abundantem cautelam eosdem Officiales seu Ministros adversus easdem Constitutiones, quatenus opus sit, restituimus, & plenarie reintegramus in omnibus & per omnia; perinde ac si quoad illos prædictæ Constitutiones non emanassent = Qui autem sint Officiales seu Ministri, quibus de vive vocis Oraculis fides haberi possit juxta hanc Urbani Constitutionem, annotatur in Extravaganti *Ad regimen de Præbend. & dignitat.**

Ex quibus constat, illa non amplius vigere vive vocis Oracula, quæ juxta hanc Urbani VIII. Constitutionem non emanarunt. Excipimus tamen cum Bonagratia in *Summula Regularium num. 419.* edita favore Patrum Minorum Capuccinorum, cum differtis verbis declaraverit idem Urbanus = *In nostra revocatione non intelligimus vive vocis Oracula nobis Capuccinis concessa* = Ex quo perperam erueretur, idem dicendum de obtentis ab aliis Regularibus, qui in privilegiis & gratiis cum illis communicant; etenim communicatio locum non habet, ubi concessionibus privilegiorum & gratiarum peculiarem rationem sibi ven-

dicant, ut dicemus *Par. 2. cap. 2. §. 5.* Urbanus autem VIII. hoc voluit Patribus Cappuccinis privilegium impertiri, intuitu Instituti, quod præ cæteris singulari charitatis affectu prosequeretur. Maxime, quia si juxta mentem Pontificis prælaudati, alii Regulares in hujusmodi privilegio communicarent, inutilis profus tam operosa ejus generalis revocatio redderetur; siquidem omnes Ordines Regulares tum Mendicantes, tum non Mendicantes in privilegiis, gratis & favoribus Patrum Cappuccinorum saltem mediate communicassent.

Præmittendum est 3.^o aliquos Summos Pontifices, privilegia, indulta & gratias Regularibus concessas etiam vivæ vocis Oraculo ex certa scientia Literis Apostolicis confirmasse: ut præstiterunt pro Minoribus S. Francisci S. Pius V. sub die 6. Maii anno MDLXXVII. Constitutione incipiente *Ex benigna* apud Confectum pag. 247. Sixtus V. Constitutione incipiente *Essi Mendicantium* edita sub die 3. Octobris anno MDLXXXVII. apud eundem Confectum pag. 176. & Clemens VIII. sub die 20. Decembris anno MDXCVII. Constitutione incipiente *Ratio pastoralis officii*, cujus verba sunt = *Omnia, & singula privilegia, immunitates &c. in genere, vel in specie, etiam per solam Signaturam, etiam viva vocis Oraculo, aut alias sub quacunque forma & expressione verborum concessa & in eis contenta, illorum omnium tenores, ac formas & decreta, ac si de verbo ad verbum infererentur, presentibus pro sufficienter expressis habentes, auctoritate Apostolica, tenore presentium ex certa scientia confirmamus & innovamus, illisque frui, uti & gaudere posse, ac debere in iudicio & extra, in omnibus & per omnia, ac si specialiter & expresse eisdem per Nos concessa fuissent, decernimus, supplementes omnes juris & facti defectus* = Eadem non minori amplitudine concessit Gregorius XIV. Societati Jesu hæc in sua Constitutione adhibita clausula = *Qualiacunque sint, ac si de verbo ad verbum presentibus infererentur* = Clemens VIII. Monachis Ordinis S. Benedicti. Paulus V. Carmelitæ Excalceatis Constitutione incipiente *Decet*, ut habetur in *Compend. Privil. dicti Ord. Bulla 4. Pauli V. n. 13.*

Idem Paulus V. pro Religiosis Ordinis Prædicatorum sub die 23. Julii anno MDCV. & Gregorius XV. Constitutione incipiente *In Apostolica* edita sub die 16. Octobris MDCXXI. pro Theatinis confirmavit omnia privilegia, etiam oretenus pro illis aut aliis Regularibus concessa, ut refert Pellizarius in *Tract. 8. cap. 1. sect. 5. num. 131.*

Quærent hic Doctoresnum per generales confirmationes prædicta privilegia, indulta &c. Oraculo vivæ vocis concessa non sint amplius mera Oracula vivæ vocis, sed privilegia & indulta Bullata, ita ut non intelligantur revocata per revocationes Gregorii XV. & Urbani VIII.?

Privilegia hujusmodi nec non indulta transisse in privilegia Bullata, adeoque non cassari aut abrogari per dictas revocationes, sentiunt Lezana in *Summa* verbo *Oracula num. 7.* Laurentius Peyrinus *tom. 3. Privileg. cap. 8. ad Constitution. Urbani VIII.* Leander a Sanctissimo Sacramento *Tom. 2. de Sacram. in tract. 9. disp. 24. quest. 16.* & PP. Salmanticenses *Morales in tr. 18. de Privil. cap. 2. §. 2. n. 60.*, qui hanc sententiam eadem probabilitate gaudere, qua gaudet sententia opposita, arbitrantur, his ducti rationibus. 1.^o quia in hoc Oracula vivæ vocis pure talia differunt a privilegiis Bullatis, quod illa oretenus, absque scriptura concedantur, hæc vero in scriptis per Signaturam Papæ. Si autem hæc Oracula innovatione & confirmatione gaudent, jam sunt privilegia scriptis tradita, ac Manu Papæ subscripta. Ergo jam desinunt esse pure Oracula, ac transeunt in privilegia Bullata. 2.^o quia licet privilegia non habeant rationem Canonum nec legum communium, tamen in Corpore juris inserta, rationem juris communis participant, & potius Canones atque leges communes, quam privilegia nuda nuncupantur; cum de ratione Canonis legisque communis sit, esse aliquid in Corpore juris insertum. Itaque quia de ratione privilegii Bullati est, Principe tradi per scripturam, quam Oracula per Bullam traduntur in scriptis; desinunt esse Oracula pura. Cæterum privilegia oretenus concessa, etiam per Bullas Pontificias confirmata non transire in privilegia Bullata ac intra limites Oraculorum contineri, ac proinde in generali revocatione facta a Gregorio XV. & Urbano VIII. comprehendendi, affirmant Quintanadavenas in *Theolog.*

log. moral. tom. 1. tract. 9. sing. 3. num. 1. Bordonus Resolut. 31. num. 5. Donatus in tract. 16. qu. 3. Theophilus Alarius Canon. conf. lib. 4. verbo Privilegium, alique apud PP. Salmanticenses Morales in tr. 18. de Privileg. cap. 2. puncto 6. §. 2. nu. 60, quibus in huius dubii solutione subscribendum duximus, ob hæc rationum momenta. 1.^o quia confirmatio etiam his verbis expressa = *Ex certa scientia, de plenitudine potestatis, quorum tenores pro infertis, ac si de verbo ad verbum &c.* = non variat primum illud esse privilegiorum & indulgentiarum, sed solum illud roborat innovatque: ut si ob privilegiatorum negligentiam privilegia vires amississent, eas repetant, atque restitutionem in integrum acquirant. Ergo ubi primum esse privilegiorum fuit per vivæ vocis Oraculum, nequit per Bullam ea confirmantem transire ad esse Bullatum. 2.^o Gregorium XV. & Urbanum VIII. constat suis Constitutionibus revocare omnia Oracula quomodocunque concessa & confirmata, ut habetur ex illis verbis = *Sub quibuscunque tenoribus ac formis, ac cum quibuscunque derogatoriis derogatoriis, aliisque efficacioribus & insolis clausulis, ac irritatoris & aliis decretis in genere & in specie, ac alias in contrarium præfissorum quomodolibet concessis, & confirmatis & innovatis &c.* = Ergo Oracula huiusmodi adhuc confirmata, & innovata per Bullas sub dictis revocationibus continentur. 3.^o Si nostra sententia vera non esset, frustrancæ & nugatorię universalissimæ ac gravissimæ Gregorii XV. & Urbani VIII. revocationes redderentur; vix enim ulla darentur vivæ vocis Oracula, quæ comprehenderent. Etenim fere omnia vivæ vocis Oracula usque ad diem 16. Octobris enim MDCXXI. per generales privilegiorum confirmationes atque communicationes fuerunt confirmata, ut supra observavimus. Cum ergo ab ea die nullum constet Gregorium XV. aut Urbanum VIII. ejus immediatum Successorem vivæ vocis Oraculum concessisse, vix aliquod reperiretur, prædicta abrogatione deletum.

Ex quibus habetur solutio argumentorum oppositæ sententiæ, & potissimum paritatis privilegiorum, quæ in Corpore juris inferuntur; privilegia enim mutant propriam conditionem, novumque esse recipiunt, di-

versum ab eo, quod antea obtinebant. At vero non variatur Oraculorum vivæ vocis conditio per confirmationem, sed duntaxat innovatur, atque ad pristinum valorem restituitur; hæc enim nihil aliud est quam acquisiti juris roboratio.

Sed ut ad alia, quæ observatione digna sunt revertamur, præmittendum est 3.^o non abrogari dictis revocationibus ea vivæ vocis Oracula, quæ nullum continent privilegium, gratiam aut Indulgentiam, sed sunt tantummodo declarationes Bullarum & Decretorum Summorum Pontificum; non enim sunt concessiones Oraculorum vivæ vocis, sed simplices manifestationes, seu explicationes intentionum, quas tunc temporis iidem habuerunt. Ita Novarius in Lucer. Regular. verbo Indulgentia, Bordonus Resolut. citat. num. 7. Gobat num. 130.

Præmittendum est 4.^o cum Lezana in Summa Question. Moral. tom. 2. verbo Oracula vivæ vocis per memoratas Gregorii XV. & Urbani VIII. Constitutiones non esse revocata vivæ vocis Oracula tam omnibus Fidelibus, quam cunctis personis Ecclesiasticis concessa: tum quia in illis sermo est de privilegiis, indultis & gratiis collatis Religionibus, Communitatibus &c. tum quia verba in materia odiosa non sunt extendenda, sed potius debent restringi. Quamobrem inferri potest, adhuc in suo robore manere illud Leonis X., quo recitantibus eam Orationem = *Sacrofanctæ & Individuæ Trinitati, Crucifixi Domini nostri Jesu Christi humanitati &c.* = post expletum Divini Officii, pensum omnes defectus leves, in eo commissos indult; de quo profecto dubitandum non est, cum illud Breviaris jubente Urbano VIII. per aliquot eruditos viros recognitis fuerit præfixum.

His itaque præmissis, ut proximis ad principalis dubii solutionem accedamus, libet hic referre, quid sentiat Eusebius Amort in suo Opere novissime edito de Origine, progressu & fructu Indulgentiarum, in Questionib. & Resolutionib. quest. 56. hanc excitans difficultatem: probabilis scilicet esse, etiam Indulgentias in prædictis revocationibus comprehendi = *Quia, inquit, etiam Indulgentia sunt aliquod indultum: & quia eadem certe, si non major ratio erat revocandi huiusmodi*

In-

Indulgentias: cum manifestum sit ex allegationibus talium vivæ vocis Oraculorum in æconomia Indulgentiali nasci ingentem confusionem. Confirmatur responsio, ex eo quia Sacra Congregatio non statim confirmat tales Indulgentias vivæ vocis Oraculo concessas, nec eas de novo concedit, imo si de novo concederet, agnosceret abrogatas; ut patet ex responsio dato MDCCXV. Mense Januarii nu. 2.º, ubi supplicatum fuit pro nova tali Indulgentiæ concessione: adeoque eo ipso, ex parte valere, fuit dubitatum. Anno MDCCXVIII. Mense Februario num. 4. fuit absolute denegata confirmatio Indulgentiæ cujusdam, quæ ex aliquo scriptore probabatur concessa vivæ vocis Oraculo. Similis denegatio facta est MDCCXIX. Mense Aprilis num. 3. & MDCCXXII. Mense Augusti num. 5., & dilatio facta usque ad productionem documentorum MDCCXXVI. 11. Martii. Itaque hujusmodi Indulgentiarum valor est ad minimum dubius, & ob hanc ipsam dubietatem amplius promulgare eas non licet, per decretum de Indulgentiis dubiis.

Sed nostra Conclusio sit. Revocationes Oraculorum vivæ vocis Gregorii XV. & Urbani VIII. non comprehendunt Indulgentias vivæ vocis Oraculo concessas. Ita Peyrinis loco cit. Bordonus in Tom. 2. *variar. resolut. par. 1. resolut. 31. n. 4.*

Prob. Indulgentiæ nequeunt intelligi abrogatæ, nisi expressa earundem mentio habeatur; quia sicut in generalibus concessionibus aut communicationibus privilegiorum, indultorum & gratiarum &c. illæ non veniunt, nisi sub expressione *Indulgentiarum, & remissionum peccatorum*, ut diximus Cap. 12. *ars. 2.* ita nec in generalibus revocationibus: & quidem a fortiori; suus enim in odiosis, quæ potius restringenda sunt quam amplianda. Cum ergo in generalibus revocationibus Gregorii XV. & Urbani VIII. non fiat expressa mentio nisi de privilegiis, facultatibus, induktis, gratiis & concessionibus spiritualibus, dicendum est, Indulgentias vivæ vocis Oraculo concessas ibi minime comprehendere. Confirmatur. Ex quo Paulus V. post revocatas cunctas Indulgentias Regularibus concessas, Constitutione incipiente *Romanus Pontifex* edita anno MDCVI.,

privilegia atque gratias Patribus Minoribus Sancti Francisci confirmaverit sub his verbis: *Gratias Indulta spiritualia*, cum quidam Accademici Salmanticensis Doctores (teste P. Viva in *Damnatis Thesibus Alexandri VII. sub num. 37.*) propugnarent Paulum V. dictis Minoribus iterum antiquas Indulgentias confirmasse: idque pariter de cunctis Indulgentiis, Regularibus olim concessis, vel ob communicationem in privilegiis & gratiis cum Minoribus, vel ob limites Confirmationes, sub iisdem verborum expressionibus post Gregorium XV. & Urbanum VIII. obtentis, pro aliis Religionibus asserere non dubitarent; nihilominus tamen his confirmationibus non obstantibus, Alexander VII. sub die 18. Martii anno MDCLXVI. hanc propositionem reprobat sub nu. 37. = *Indulgentiæ concessæ Regularibus, a Paulo V. revocatæ, hodie sunt revalidatæ* = Porro si nomine gratiarum, indultorum spiritualium in communicationibus & confirmationibus comprehenderentur Indulgentiæ, propositio illa saltem probabiliter posset propugnari. Itaque per generalia verba *gratiarum, indultorum spiritualium* &c. in confirmationibus & communicationibus privilegiorum indultorum, gratiarum &c. non intelliguntur Indulgentiæ. Ergo in generalibus revocationibus privilegiorum, gratiarum &c. vivæ vocis Oraculo concessarum, non intelliguntur revocatæ Indulgentiæ vivæ vocis Oraculo concessæ.

Majus robur adjicitur Conclusioni, si verum est, quod tradit Cardinalis de Lugo ex relatione plurimorum fide dignorum, apud Lacroix in *Theologia moralis tom. 2. lib. 1. par. 2.* nempe Urbanum VIII., post ultimam revocationem Oraculorum vivæ vocis a se factam, declarasse: *Non fuisse suam intentionem revocare Indulgentias vivæ vocis datas.*

Hic colliges 1.º sub revocationibus Gregorii XV. necnon Urbani VIII. non cadere Altaria Privilegiata pro Defunctis; Privilegium enim Altaris in eo consistit, quod Animæ in Purgatorio detentæ, Sacerdote pro ipsis in eo celebrante, Plenariam Indulgentiam per modum suffragii recipiant; quamobrem si Indulgentiæ vivis concessæ non revocantur per istas generales revocationes, a fortiori concessæ immediate pro Defunctis; quod probabiliter sentio pro-

probabiliter Lacroix *Part. 2. Theolog. moral. de Sacrific. Missæ* ex professo de Altari Privilegiato pertractans, licet alibi docuisset oppositum = *Quævis*, inquit, *libro 1. num. 850. dixerim*, *revocata esse Altaria Privilegiata vive vocis Oraculo concessa*: & *ibidem insinua-verim etiam de Privilegiis, quæ concernebant Indulgentias*, tamen valde probabile manet, *non esse revocata, præsertim quoad Indulgentias pro Defunctis*.

Colliges 2.^o parvi momenti esse ea, quæ in favorem sententiæ oppositæ allata sunt, & quidem corruit probatio, cum falsum sit, Indulgentias esse quædam indulta, remittunt enim istæ poenas temporales, illa vero tollunt impedimenta ad agendum. Quod vero eadem sit ratio revocandi indulta ac Indulgentias, si hoc verum esset, solum evinceret dari causam legitimam pro illis revocandis: non vero quod ea ducti Gregorius & Urbanus de facto ejusmodi revocationem eddidissent. Pari infelicitate laborat confirmatio, quia quod hujusmodi Indulgentiæ non confirmantur, sicut aliæ, quæ Literis Apostolicis a supplicantibus asseruntur concessæ, provenit, vel ex authenticæ probationis defectu, vel quia recedunt a stilo, quem dicta Sacra Congregatio tam in novis concessionibus, quam in confirmationibus earundem solet adhibere.

ARTICULUS V.

Quomodo intelligenda sit Suspendio Indulgentiarum pro anno Jubilei: & quasnam Indulgentias afficiat?

FORMA Suspensionis Indulgentiarum, quæ solet a Sede Apostolica ante vel post Jubilei ordinarii promulgationem indicî, Sixto IV. adscribitur, occasione accepta ex eo, quod plurimæ Plenariæ, quas tam ipse quam ejus Prædecessor Paulus II. quibusdam Monasteriis, Confraternitatibus aliisque Locis Pii liberaliter dederant, essent fortassis impedimenta ad suscipiendum iter ad Limina Apostolorum, ob acquirendum Jubilæum ordinarium; ut habetur ex ejus Constitutione allata in *Dissertat. præmial. §. 7. num. 17. ibi = Verum quia*

postmodum tam Nos, quam idem Paulus dum in humanis ageret, diversas Indulgentias Plenarias nonnullis Ecclesiis, Monasteriis & Pii Locis duximus concedendas, propter quas populorum forsitan concursus ad Basilicas Romanas retardari, aut ipsius anni Jubilei celebritas minui vel intermittere possit, cum animarum non modico detrimento. Nos ne, propter altarum Indulgentiarum basilenus a Nobis seu eodem Paulo, vel aliis Prædecessoribus nostris concessarum hujusmodi effusionem, hoc sanctum opus, ac remissionis & gratiæ annis Jubilei intermitteretur, aut Fideles a tanto munere reddantur expertes, remediis opportunis providere volentes, omnes & singulas Plenarias, etiam adinstar Jubilei, ac etiam commutandi vota, ac super eis, & male ablatiis incertis, per usurariam pravitatem, vel alium modum illicitum exortis dispensandi & componendi, aut illa sub certis modo & forma remittendi, & deputandi Confessores cum potestate absolvendi, etiam in casibus Sedi Apostolicæ reservatis, facultates, concessiones & Indulta a Nobis, & eadem Sede vel illius auctoritate, quibuscumque Ecclesiis, Monasteriis, Hospitalibus & Pii Locis, Universitatibus, Fraternitatibus quibuscumque, tam in perpetuum, quam ad certum tempus, in visa seu in mortis articulo, quovis modo aut quovis causa quomodolibet concessas & concessas, & in posterum forsitan concedendas vel concedenda, auctoritate Apostolica usque ad nostrum & ejusdem Sedis beneplacitum suspendimus, illasque durante beneplacito nostro, & Sedis prædictæ, suspensas esse volumus, nec interim alicui suffragari, Indulgentiis tamen Basilicarum Urbis in suo robore durantibus; districtius inhibentes alias Indulgentias, præter istas dumtaxat, prædicari, earumque prætextu a Quæstoribus exigî quoquo modo.

Hic observatione dignum existimamus dictæ suspensionis formulam = *Usque ad nostrum & ejusdem Sedis Apostolicæ beneplacitum suspendimus, illasque (nempe Indulgentias) durante beneplacito nostro, & Sedis prædictæ suspensas esse volumus, nec interim alicui suffragari* = Pro qua clarius intelligenda, non inutilis erit labor in examine dubii breviter immorari, quod sibi ventilandum proponit Navar-

varrus *Notab. 33.* in fine, occasione suspensionis Indulgentiarum, quam Gregorius XIII. post indictum Jubileum promulgavit anno MDLXXIV. veteri forma utens, hoc est, Indulgentias omnes de Apostolica potestatis plenitudine suspendens, ad beneplacitum ejus & Sedis Apostolicæ.

Dixi *veteri forma*, quoniam eandem præter Sixtum IV. (ut dictum est) adhibuisse constat Clementem VII. anno MDXXIV. & Julium III. anno MDXLIX. in hujusmodi suspensionibus: quavis Clementis VIII., qui durante solum Jubilæi anno Indulgentias suspendit, novum morem induxisse visus est, a Successoribus Pontificibus servatus, ut narrat Lavius *Par. 1. de Indulz. cap. 10. n. 3.*

Dubium Navarri est = *An suspensio facta per Sixtum IV. sit revocata vel modificata per lapsum Anni Jubilæi, vel alia in dispositionem, & consequenter: an suspensio Gregorii XIII. erit revocata, per lapsum hujus anni, vel aliam dispositionem?*

Ut lucem expetitam in propositæ difficultatis solutione, quam aliqua ex parte in *Notab. 28.* suspenderat, sibi compararet Navarrus, consulit Matthæum Contarellum Gregorii XIII. Datarium genere, pietate atque eruditione clarissimum, Curiaque Romanæ peritissimum. qui Gregorii mentem propius noverat = *Qui* (ut inquit Navarrus eidem se subscribens) *Respondit, pro certo me posse tenere, quod nullam revocationem expressam generalem suæ suspensionis fecit prædictus Sixtus, nec ulla talis fuit per lapsum anni tacite facta: & consequenter nullam faciet expressam & generalem hujus suspensionis Sanctissimus Dominus Noster, nec ulla talis tacite per lapsum hujus anni fiet; quavis credere possis, aliquas particulares rogatu aliquorum fecisse Sixtum, & aliquas, quæ vidèbuntur expedire, facturum esse Sanctissimum Dominum nostrum. Quod consequitur, opere pretium facturos esse eos, si sint Universitates & Collegia, si singulares persone, quibus sunt facultates querendi Plenam Indulgentiam, & aliæ ejus querendi causæ factæ, si ad benignitatem Sanctissimi Domini nostri refugiet, earum confirmationem, non obstante*

hac suspensione, sibi obtinuerint, & suis animis recte consulturos, si nullatenus eis utantur, nullatenusque illa prædicta vel publicent, antequam ejusmodi confirmationem quoad illas obtinuerint.

Non temere nec sine gravi causâ, Religionum atque Ecclesiarum omnium Indulgentias in dubium revocaret Navarrus, omnibus Christianidelibus scrupulum injiciens, qui suspensas a Gregorio Indulgentias lucrari ac promulgare conarentur, nisi novam earundem concessionem, vel suspensionis revocationem obtinuisent; fuit enim vir sanctitate & doctrina præclarus, & plurimum annorum spatio Romæ commoratus est, *Sacra*, ut ipse ait, *Penitentiariæ Prætorio adscriptus*, ac non raro in obsecris arduisque negotiis de sua sententia a Romano Pontifice interrogatus. Quin omnes, quos videre nobis contigit Autores, eam questionem agitantes, Navarri sententiam ita probant, ut tanquam certam admittere videantur.

His addendum est, S. Carolum Borromeum Archiepiscopum Mediolanensem sub die 4. Februarii MDLXXVI. hoc est secundo mense post Jubileum a Gregorio XIII. promulgatum, monuisse Parochos, ne Indulgentias Plenarias ante Jubilæum concessas promulgarent, aut publice earum summaria & tabellas exponerent = *quoniam*, inquit, *adhuc viget prohibitio.*

Huic autem controversiæ minime subduntur novæ Ordinum Regularium atque Confraternitatum Indulgentiæ, cum istæ post Gregorii suspensionem a Paulo V. ejusque Successoribus fuerint concessæ: sed illæ duntaxat considerandæ sunt, quas Gregorii ejusdem suspensionem præcessisse comperitum est, a nullo Romano Pontifice pristino valori restitutas.

Hoc tamen non levis momenti dubium solvendum est ex sententia Sacræ Congregationis Indulgentiarum & Sacrarum Reliquiarum, quæ appropinquante anno Jubilæi MDCLXXV., cum sub die 5. Martii anni MDCLXXIV. fuisset examine discussum = *Quid sentiendum sit de suspensione Gregorii XIII. ex vi illius clausulæ. Indulgentias ad nostrum & Sedis Apostolicæ beneplacitum suspendimus, post annum Jubilæi MDCLXXV. an scilicet adhuc manerent suspensæ: & qua*

via

via incommodis effes occurrendum, si revera adhuc revocate Indulgentiæ reperirentur, aut dubie? Respondit = Suspensionem expressam non haberi, sed pro majori cautela supplicandum Sanctissimo, ut dignetur relaxare suspensionem.

Ad solvendas cæteras difficultates, quæ propter suspensionem generalem Indulgentiarum anno Jubilæi fieri consuetam possunt excitari

Quæres 1.^o An nova forma suspensionis Indulgentiarum anni Jubilæi se extendat ad Indulgentias Ecclesiis Urbis concessas?

Formam dictæ suspensionis antiquam eas Indulgentias minime comprehendere, apertissime constat ex his verbis in Pontificiis Constitutionibus insertis: *Indulgentiis Basilicarum & aliarum Ecclesiarum Urbis nihilominus in suo robore duraturi* = Difficultas fieri posset de Indulgentiis Ecclesiarum extra Urbem; cum verba juxta propriam significationem sint intelligenda, ut tradunt Franciscus Molina de *Rota nuptiar. lib. 1. cap. 20. num. 7. Mantica de conjecturis ultim. volunt. lib. 8. tit. 18. nu. 35.* Phœbeus Lusitanus *decis. 77. n. 14.* nomine autem Urbis ea, quæ sunt extra Urbem, minime contineri videntur; quæ obrem privilegio Civitati concessio, non gaudet castra nec villa, ut ait Felinus in *Cap. Rodolphus num. 10. de rescriptis* Gironda de *Privileg. explicatione nu. 55.* Sed non arbitramur recedendum esse a Navarro, scilicet quod nomine Ecclesiarum Urbis veniant pariter Ecclesiæ, quæ sunt extra Urbem = *Tum quia* (inquit Doctor laudatus in *Comment. citato Notab. 53. num. 4.*) *exceptio Litere non excipit Ecclesias in Urbe sitas, sed Ecclesias Urbis quales sunt prædictæ Ecclesiæ, licet non sint in ea sitæ, sed sunt & dicuntur esse Urbis. Tum quia verba sunt intelligenda secundum vulgatum modum, loquendi, qui attendendus est Cap. ex literis de sponsalibus l. jubeo ff. de supell. & prædictæ Ecclesiæ solum secundum vulgatum modum loquendi dicuntur esse Urbis vel de Urbe, ut in præcedenti notab. num. 9. est dictum* = Cæterum cum in nova forma suspensionis, a Jubilæo anni MDC. usque ad novissimum Benedicti XIII., ea verba non legantur,

non immerito hoc dubium proponitur.

Respondemus novam formam suspensionis non comprehendere Indulgentias septem Ecclesiarum Urbis. Ita certo constat, tum ex Notificatione Gratiarum & Declarationum Clementis X. promulgata anno Jubilæi MDCLXXV. quam dabimus in calce n. 1.^o tum ex aliis similibus Declarationibus.

Idque probabiliter dicendum est de concessis aliis Urbis Ecclesiis; ad suspensionis enim causam potius attendendum est, quam ad verba *L. scire ff. de legibus, L. non aliter de Legatis*. Porro non ex alio fine ad generalem hanc suspensionem moventur Summi Pontifices, quam ut Christiani in propriis regionibus cunctis Indulgentiis destituti, Romam conflant, ibi Plenissimum Jubilæum lucraturi; cui profecto finis non officit subsistentia aliarum Indulgentiarum Urbis.

Quæres 2.^o An dicta suspensio afficiat Indulgentias parciales a Summis Pontificibus concessas?

Respondemus, per formam suspensionis a Summis Pontificibus (exceptis Sixto IV. & Gregorio XIII., qui de Plenariis duntaxat loquuntur) hæcenus observatam etiam parciales manere suspensas; est enim hujusmodi = *Omnes & singulas Indulgentias etiam perpetuas & peccatorum remissiones per quoscunque Romanos Pontifices, ac etiam Nos suspendimus, & suspensus esse declaramus* = Eo vel maxime, quod cum Clemens X. pro anno Jubilæi MDCLXXV. Innocentius XII. pro anno Jubilæi MDCC. & Benedictus XIII. pro anno Jubilæi MDCCXXV. exceperint Indulgentias septem annorum & totidem Quadragenarum, quæ dantur Romæ Fidelibus vere contritis in comprecatione quadraginta horarum, non leve fundamentum habetur ad asserendum, cæteras hujusmodi Indulgentias, durante anno Jubilæi manere suspensas.

Quæres 3.^o An durante ea generali suspensione vigeant Indulgentiæ a Sedis Apostolicæ Legatis, Nuntiis & Episcopis concessæ?

Respondemus affirmative; mens enim Summorum Pontificum est, solum Indulgentias a Sede Apostolica immediate concessas suspenderet. Idque clarius constat ex Declaratione Innocentii XII. pro anno Jubilæi MDCC. quam dabimus infra num. 2.^o

Queres 4.^o An generalis suspensio Indulgentiarum, appropinquante anno Jubilæi promulgari consuevit, se extendat ad Indulgentias pro Defunctis concessas?

Respondemus, hanc generalem suspensionem juxta stilum usque ad annum MDCCXXV. servatum non comprehendere illas Indulgentias, quæ immediate dantur pro degentibus in Purgatorio, cujusmodi sunt illæ, quæ conceduntur pro Altaribus Privilegiatis; quia sicut in generali revocatione Indulgentiarum nequaquam intelliguntur abrogatæ ejusmodi gratiæ, nisi specialiter exprimantur: ita nec in generali suspensione intelliguntur suspensæ; & insuper habetur de his specialis declaratio. Vide infra Notificationem supracitatam num. 1. Oppositum tamen sentiendum est de Indulgentiis, quæ conceduntur cum facultate applicandi pro Defunctis per modum suffragii; cessante enim principali, corrui accessorium. Porro Indulgentias immediate pro viventibus concessas, posse pro Defunctis applicari, est quid accessorium respectu illarum, & veluti extensio earundem gratiarum: ideoque suspensio dictis Indulgentiis pro viventibus, ex consequenti remanent suspensione facultates annexæ eas applicandi pro Defunctis. Id majus robur accipit ex sæpe citata Notificatione, ubi continentur aliæ exceptiones Indulgentiarum, quæ minime anno Jubilæi suspensione intelliguntur juxta mentem Summorum Pontificum. Aliæ tamen declaravit Benedictus XIII. pro anno Jubilæi MDCCXXV. ut ex ejus Brevis habetur, quod dabitur in calce n. 3.^o

Queres 5.^o An prædicta Indulgentiarum suspensio afficiat concessas pro articulo mortis?

Respondemus negative; etenim sub generali dispositione non cadunt ea, quæ si quis animadverteret, non præsumeretur comprehensurus. L. in *Obligatione generali ff. de Pignoriis*. Ob pietatem autem Summorum Pontificum nequit præsumi hujusmodi Indulgentiarum suspensio: cum in ultimo agone constitutis velit Ecclesia omni meliori modo quo potest spiritualiter subvenire. Insuper finis seu ratio, quare occasione Jubilæi ordinarii suspendantur Indulgentiæ est, ut omnes Nationes Fidei-um confluant ad Apostolorum Limina, qui accessus ob alias propriarum regionum In-

dulgentias posset intermittere. Id autem cessat in Indulgentiis concessis pro articulo mortis. Accedunt Declarationes Urbani VIII. pro anno Jubilæi MDCCXXV. ut testantur Faustus & Leo, Innocentii X. pro anno MDL. in quodam Examine Episcoporum, nec non cæterorum Summorum Pontificum.

Queres 6.^o An prædicta generalis suspensio Indulgentiarum comprehendat Indulgentias Bullæ Cruciatæ?

Negativam sententiam amplectuntur Henriquez *lib. 7. de Indulg. cap. 21. n. 3.* Rodriguez §. 12. num. 13. Sanchez *lib. 7. de Matrim. disp. 33. n. 10.* Alphonsus Perez in *Compendio gratiarum pag. 28.* alique, quos refert & sequitur Trullench. in *Praxi Sacram.* exponens dictam Bullam *lib. 1. §. 1. dub. 12.* Primo quia in Extravaganti Sixti IV. *Quemadmodum* suspenduntur duntaxat privilegia & Indulgentiæ concessæ Monasteriis, Hospitalibus, Confraternitatibus, non tamen singularibus personis, ut patet ex contextu dictæ Bullæ. Secundo Indulgentiæ alique in Bullæ Cruciatæ contenta conceduntur per modum contractus in hunc modum = *Que per quantos vos distes dos reales de plata, que es la lincesna cassada* = In hujusmodi autem generali suspensione non fit mentio eorum, quæ concessa fuerunt per modum contractus. Quod profecto necessarium esset; non enim præsumitur voluntas suspendendi ac revocandi ea, quæ derogant juri tertii. Tertio quia cum Summi Pontifices sexto aut octavo quoquo anno Cruciatam concedant, atque annum Jubilæi minime excipiant, patendum est, eorum mentem non esse suspensionem illam generalem ad Bullam prædictam extendere. Advertit tamen Rodriguez, securius esse, anno Jubilæi ad Summum Pontificem recurrere, ut Bullam Cruciatæ confirmet, quam confirmationem exposci ab iis, ad quos dictæ Bullæ negotium spectat, testatur Alphonsus Perez loco citato.

Sed non desunt alii Auctores, qui oppositum doceant, inter quos Navarrus in *Commentar. de Jubil. & Indulg. notab. 33. num. 3.* Ludovicus Lopez in *Exposit. Bullæ cap. 10.* Rutilius Benzonus de anno *Jubilæi lib. 4. cap. 8. dub. 2.* = *Nota* (inquit Navarrus in *Nobili citato num. 2.*) *quod hæc suspensio* (nempe Gregorii XIII.) *est major, quam suspensio Sixti IV. qua*

par-

parte illa solum suspendit Plenarias concessas Universitatibus, Ordinibus & aliis, quæ non sunt persone vere, sed fidei: hæc autem, etiam concessas singularibus, quæ sunt persone vere, ut etiam insinuavi per novam additionem, posteaquam validis rationibus probavi, illam non extendi ad facultates singularibus personis concessas. Quod consequitur nullibi gentium posse quenguam querere ullam Indulgentiam Plenariam, nec frui illa facultate suspensa hoc anno, neque sequentibus, donec suspensio hæc tollatur: quod satis egre ferent, Bullas Cruciate & Indulta personalia, quæ Confessionalia vocant, habentes: & non satis animadvertentes, quod non solum Papa, sed etiam alii Monarche possunt de plenitudine potestatis, quæ hæc Extravagans nicitur, suspendere, imo & abrogare iusta de causa, qualis videtur ista, privilegia præsertim gratis, vel modica impensa, præsertim subditis data, qualia sunt prædictæ Bullæ, & Confessionalia.

His utriusque sententiae rationibus tanto ardore anno Jubilæi MDCL. disceptatum est in Hispaniis, ut Sanctæ Inquisitionis Tribunal (teste Eminentissimo Riccio in suis MSS.) ea de re questiones omnes prohibendas putaverit.

Nos tamen probabiliorē esse arbitramur sententiam Navarri, expensis verbis generalis suspensionis, nisi aliunde de Summi Pontificis declaratione doceatur, quæ velit eas Indulgentias excipere a prædicta generali suspensione.

Diximus: nisi de Summi Pontificis declaratione doceatur &c. eam enim sub die 8. Novembris anno MDLXXV. a Gregorio prodixisse pro anno Jubilæi proxime celebrando, testatur Alphonsus Perez laudatus, necnon a Clemente VIII. edito Brevis sub die 8. Maii pro anno Jubilæi MDC. cuius verba relata a Sebastiano a Costa in explicatione Cruciate qu. 101. hæc sunt = Nos, quibus præcipue curanda sunt ea, quæ ad fidem Catholicam tuendam, & adjuvante Deo aliquando propagandam pertinent, quique eo animo, & ea voluntate nunquam fuimus, ut Indulgentiæ, facultates, concessiones & Indulta quæcunque intuitu diestæ expeditionis in Infideles concessa, & Cruciate, ut dicitur,

impediretur aut revocaretur, ac distalarum Litterarum omnium seriem, ac si de verbo ad verbum inferrentur, præsentibus pro expressis & insertis habentes, auctoritate præsentium declaramus, suspensionem eandem ad Indulgentias, facultates, concessiones & Indulta, quæcunque occasione diestæ Expeditionis & Cruciate in Portugallia & Coronæ Regnorum ipsius subiectis concessa non extendi, eaque omnia & singula sub diestâ suspensione minime comprehendere: atque propterea Commissario Generali, & aliis ab eo deputatis & pro tempore deputandis, omnia & singula sibi per prædictas Litteras demandatas facere, exequi, & plenarie executioni demandare, absque aliquo conscientie scrupulo, sententiarum aut penarum incurso, ut prius, antequam suspensionis Litteræ a nobis emanassent, licere.

Quæres 7.^a An in generali suspensione Indulgentiarum pro anno Jubilæi comprehendatur Indulgentia Portiuncule nuncupata.

Respondemus non comprehendere propter specialem declarationem, quæ solet singulis annis Jubilæi emanare; ut habetur tum ex Epistola Cardinalis Matthæi data sub die 19. Julii anno MDC. = *Quella mattina la Santità di Nostro Signore ci ha detto in Concistoro, che si contenta, che possono ammetterli li Fedeli al perdono d'Assisi, se bene e l'anno Santo* = tum ex Brevis Urbani VIII. sub die 31. Julii anno MDCXXV. Innocentii X. sub die 5. Julii anno MDCL. Clementis X. sub die 24. Septembris anno MDCLXXV. Innocentii XII. sub die 21. Augusti MDCXCIX. & Benedicti XIII. anno MDCCXXIV.

L. C. P. M. A.

*Notificatio Gratiarum & Declarationum
factarum a Sanctissimo Domino No-
stro Papa Clemente X. occasione
Jubilaei Anni Sancti &c.*

Gasp. Tit. S. Silvestri in Capite S. R. E.
Presbyter Cardinalis Carpineus, Sanctis-
simi Domini Nostri Papae Vicarius Ge-
neralis.

CUM Sanctitas Domini Nostri, prout
Nobis vivae vocis Oraculo mandavit,
cupiat magis dilatarı gratias concessas om-
nibus illis, qui convenerunt veniuntque
Romam consecuturi Plenissimum Jubi-
læum hujus Anni Sancti, mandavit Nobis
exponere infraſcriptas concessiones, de-
clarando etiam illa, quæ in dubio erant
aut vocabantur, non sine Fidelium tur-
batione & scrupulis conscientiarum; qua-
rum paci & quieti consulturus Sum-
mus Pontifex hæc statuit. Ut itaque Con-
fessarii & Operarii multiplicentur, ad ma-
jorem commoditatem & consolationem
Fidelium utriusque sexus, in omni pleni-
tudine paternæ charitatis concedit am-
plam facultatem. Poenitentiarıis Basilica-
rum D. Petri, S. Pauli, S. Joannis Late-
ranensis, & S. Marce Majoris, sive illi sint
ex numero antehac esse solito, sive ex jam
aucto, & deinceps augendo. Ad hæc ea-
dem facultas datur Parochis tam Sæcula-
ribus quam Regularibus omnium Paro-
chiarum Rómæ (durante tamen Jubilæo
Anni Sancti) absolvendi, videlicet in or-
dine ad lucrandum præfens Jubilæum, Fide-
les ab omnibus sententiis & Censuris Eccle-
siasticis contra illos pronuntiatis, & fulmi-
natis a Sacris Canonibus, aut Judicibus
quacunque de causa, & ab omnibus peccatis
& excessibus, ac delictis quantuncun-
que gravibus & enormibus, etiam a casibus
reservatis non solum ab Episcopis, aut
alias a Prælatıis inferioribus, verum etiam
a Pontifice Ipso & a Sede Apostolica, etiam
in Bulla Cœnæ Domini, & in aliis quibus-
cunque Constitutionibus Summorum Pon-
tificum, in foro conscientie tantum: ut
tamen Sua Sanctitas declaret, se non in-
telligere, aut dispensare, nec dare facul-
tatem dispensandi, aut habilitandi, & in

pristinum statum restituendi, quæ ad Irre-
gularitatem publicam aut occultam, vel
notam, defectum, incapacitatem & in-
habilitatem quomodocunque contractam,
spectant, ne quidem in foro conscientie.
Neque vult Sua Sanctitas, ut præfens fa-
cultas illis suffragetur, qui a Summo Pon-
tifice, aut Judicibus Apostolicis, vel aliis
Ecclesiasticis excommunicati, suspensi, vel
interdicti sunt declarati, vel publice de-
nunciati, ob sententias & Censuras Eccle-
siasticas, quas incurrerunt; adeo ut isti om-
nes absolvi non possint, nisi prius satisfecerint,
aut obdixerint, & partes sibi con-
trarias pacificas ante reddiderint: ita ut
iisdem Poenitentiarıi & Parochi, durante
hoc Anno Jubilæi Sancto, commutare pos-
sint omnia Vota (exceptis Castitatis & Re-
ligionis) in alia opera pia; imponendo
nichilominus hæc Fidelibus, & quibusque
aliis poenitentiam salutarem, & alia opera
pia, quæ eisdem Confessarii præferibent.

Concedit pariter Sua Sanctitas Con-
fessariis Religiosis cujuscunque Ordinis,
Congregationis & Instituti, qui a Nobis, vel
a nostro Vicegerente sunt approbati, aut
deinceps approbabuntur, eandem facul-
tatem paulo ante explicatam absolvendi a
Censuris & Casibus reservatis, commu-
tandi Vota; modo est non sint substantia-
lia Religionum, Ordinum, Institutorum
imo & Religiosis Confessariis eadem datur
facultas respectu sui Ordinis: & illis aque,
qui modo Romæ versantur, quam illis, qui
sunt venturi hoc Anno Sancto, ad quem se
extendit tantum hæc facultas.

Ut etiam facilius iisdem Religiosis
consecutio Anni Sancti & Jubilæi, tanti-
que thesauri Spiritualium gratiarum, &
ut illi suo exemplo populum ædificent,
compareantque debito cum decore, qui
debet personas Deo dicatas; significatur eis-
dem, suam Sanctitatem contentam esse, ut
illi visitent quatuor assignatas Ecclesias ter
tribus diebus continuis aut interpolatis,
una simul, aut quoad majorem partem
euntes, & incedentes respectu eorum, qui
in eodem Conventu aut Domicilio ver-
sentur, & sic consequantur Sanctissimum
Jubilæum, ac si visitassent easdem Eccle-
sias triginta vicibus, aut diebus. Ut tamen
observentur cætera, quæ in Bulla Jubilæi
continentur, hortamur & Nos eosdem Re-
ligiosos in Domino, ut incedant servato
or.

ordioe, quam modestissime recitantes Psalmos vel alias preces, & laudes divinas decantantes.

Idem Indultum, ut visitentur tamen quatuor diebus continuis aut interpolatis eadem Ecclesiæ, concedit Summus Pontifex etiam Alumnis & Convictoribus juvenibus, qui operam dant scientiis & liberalibus artibus, & vivunt in eodem convictu modo & illi eant saltem quoad mediam partem, quos comitabitur Præfectus aut Rector, vel alii, qui eisdem præfunt, ut eadem gratia fiat iisdem Præfectis, Magistris & famulis. Monentur tamen hi omnes, ut servant modestiam & ordinem inter eundem, orantes vel pium quid tractantes. Regulares vero aliunde huc profecti ad lucrandum Jubileum Sanctum, si voluerint se conjungere aliis sue Religionis, habebunt eandem facultatem & lucrabuntur Indulgentias, si eodem modo tere visitaverint Ecclesias supradicto modo; si vero non possint expectare aliorum commoditatem, aut advenirent, cum alii lucrati sunt Indulgentias, concedit Sua Sanctitas, ut illi quinque visitando Ecclesias per quinque continuos aut interpolatos dies lucrentur eisdem Indulgentias, quas fuissent lucrati visitando per quindecim dies eisdem Ecclesiis, prout Bulla præscribit. Conceditur etiam Congregationibus & Confraternitatibus, quæ aliunde huc venerunt, ut simul semel visitando Ecclesias, & his separatim fratres, aut sorores satisficiant visitationibus præscriptis in Bulla, ac si quindecim visitassent.

Et cum maxime Sua Sanctitas secundum viscera paterna compatiatur paupertati, ac multiplicibus miseriis Advenarum eorumque plurimorum, qui non habent unde se tandiu alant, vel neque sufferre possunt molestias tot visitationum intra quindecim dies, remittit arbitrio, discreto tamen & prudenti dictorum Pœnitentiarum & Parochorum, ut quivis dispense juxta, cujusvis pœnitentis indigentiam & possibilitatem in assignando numero visitandarum Ecclesiarum, dando eisdem omnem facultatem circa id necessariam, & opportunam. Eodem modo, quia Cives & Incolæ Romani, qui inceperunt visitare Ecclesias, sed morbo impediuntur prosequi secundum opus, ne priventur fructu laborum inchoatorum, & pie intentionis, qua ag-

gressi sunt opus; & ne affligantur corpore & animo, concedit eisdem Pœnitentiariis & Parochis facultatem commutandi opera injuncta visitandarum Ecclesiarum per triginta dies, in alia, quæ viderint esse proportionata possibilitati prædictorum Civium & Incolarum infirmorum. Quod si repente mors imminet, antequam obtineant hanc commutationem, concedit illis Sua Sanctitas Jubilæum, ac si omnia opera necessaria explevisent.

Ut etiam finaliter tollatur omnis ambiguitas, & Fideles sint certi de Indulgentiis, quas possunt lucrari, declaramus; una cum Oraçulo Suae Sanctitatis ut supra insinuatum, quod in suspensione generali Indulgentiarum, quæ continetur in Bulla data 5. Maji MDCLXXXIV, publicata vero 17. Septembris ejusdem anni, non intelligantur suspensæ Indulgentiæ Altarium Privilegiatorum pro Defunctis, neque aliæ concessæ eodem modo pro Defunctis; verum illæ suspensæ habeantur, quas possunt sibi consequi vivi, ut eas possint concedere animabus Purgatorii per modum Suffragii; & nec minus Indulgentiæ concessæ in Article Mortis, & facultates communicandi eas aliis; sicut oec cessant modo facultates Sacerdotis Inquisitionis & Officialium ejusdem, aut Missionariorum & Ministrorum, qui ab eodem Tribunali, vel a Congregatione Propagandæ Fidei, vel cum auctoritate Apostolica ad id sunt deputati; & specialiter facultates absolvendi ab hæresi illos, qui abjurato errore redduntur capaces eorum gratiarum.

Ut autem conservetur pium Institutum, & consuetudo visitandi Tempia, in quibus celebratur comprecatio quadraginta horarum, & præcipua Sanctuaria colendi hæc in Urbe, concedit Sua Sanctitas non obstante ea generali Indulgentiarum suspensione, ut Indulgentias solitas consequi possint Fideles utriusque sexus, quas alias consequerantur. Si visitent septem Ecclesias, & Scalam Sanctam diebus determinatis, eo modo & his cum conditionibus, quibus illæ fuerunt concessæ, eisdem lucrantur Indulgentias. Quivis insuper qui visitat Tempia, ubi habetur expositum Venerabile, & est comprecatio quadraginta horarum circalarium & ordinariam, quæ sunt in publico folio a Nobis exponendo, & publicando hujus Anni Sancti, decursu, ita ut ibidem ali-

aliquo tempore inter preces detineatur, prout illi videbitur, Confessione prius & Sacra Communionem peractis, aut saltem concepto firmo proposito coniuncti, lucrabitur in septem annorum Indulgentias & totidem quarantenas, toties quoties id presterit.

Datum Romæ ex Aedibus nostris die 1. Februarii MDCLXXV. anno Jubilæi.

G. Card. Vicarius.

I I.

Notificatio Gratiarum & Declarationum factarum ab Innocentio XII. occasione Jubilæi Anni Sancti.

Gasp. Mitteratione Divina Episcopus Sabinen. S. R. E. Cardinalis de Carpineo, Sanctissimi Domini Nostri Papæ Vicarius Generalis, Romanæque Curie ejusque districtus Juxta Ordinarius &c.

Essendosi nella Sacra Congregazione deputata da Nostro Signore sopra la celebrazione del presente Anno Santo, tenutasi li 26. Febbrajo prossimo passato, portate diverse istanze per la dichiarazione di alcuni dubij insorti sopra l'intelligenza della Bolla: e riferiti da Noi il sentimento della medesima Congregazione alla Santità di nostro Signore nell'udienza delli 4. corrente, alla Santità Sua e piaciuto fare le seguenti dichiarazioni.

che l'intero visita delle quattro Basiliche debba farsi in un giorno contenuto nello spatio di 24. hore: e che il giorno debba intendersi & incominciare, e finire da una mezza notte all'altra.

Che la facoltà concessa sotto li 24. Genaro del presente anno alli RR. Parochi, Penitentiari e Confessori destinati, di commutare in altre Opere pie, & abbreviare le visite delle Chiese alli invalidi, impotenti Cittadini & Abitanti di Roma, che avessero incominciato le medesime visite, e per sopravvenenza d'impedimenti non le potessero terminare, la Santità Sua l'essende a beneficio ancora di quelli, che per la causa stessa non le avessero potuto incominciare. Avvertendo però li sudetti Confessori, come sopra, di servirsi con prudenza e moderazione di questa facoltà.

Rimanendo nel resto preservato l'indulto conceduto a Noi, e nostro Monsignor Vicegerente, di poter delegare qualsivoglia Confessore ne casi particolari con l'istesse facoltà.

Concede parimente la Santità Sua al Padre Confessore del Sacro Palazzo Apostolico la stessa facoltà de Penitentiari per la famiglia, che lo serve, durante il presente anno.

Intende ancora, e dichiara, che le Indulgenze solite a concedersi da Signori Cardinali Legati, Nunzi Apostolici e Vescovi, o nel uso de Pontificali, o nel darli le benedizioni, o in altra forma solita, rimanghino nel loro vigore, non ostante la generale sospensione dell'Indulgenze sotto li 4. Giugno 1699.

Dato dal nostro Palazzo questo di 6. Marzo 1700.

G. Card. Vicarius.

I I I.

Breve BENEDICTI XIII., quo conceditur Christianidelibus facultas applicandi Indulgentias, Anno Jubilæi durante suspensas, per modum suffragii Animabus Defunctorum.

BENEDICTUS PAPA XIII.

Universis Christianidelibus salutem, & Apostolicam Benedictionem.

Salvatoris & Domini Nostri Jesu Christi, qui de sinu Patris ad infima Mundi descendens, & fornam Servi accipiens in ara Crucis pro humani generis redemptione pretiosissimum Sanguinem suum effundere dignatus est, vices quamquam immeriti gerentes in terris, ad ea libenter intendimus, per que Fidelium Defunctorum Animæ hoc potissimum tempore, expiationis scilicet, veniæ & remissionis, & gratiæ ejusdem Domini Nostri Jesu Christi ejusque Sanctorum suffragia meritorum, uberius consequi, & illis adjutæ ex Purgatorii poenis ad æternam salutem per Dei misericordiam perducere valeant.

Cum itaque Nos occasione presentis Anni Jubilæi omnes & singulas Indulgentias, & peccatorum remissiones quomodolibet

con-

concessas, dicto Anno durante, sub certis modo & forma tunc expressis per nostras sub plumbo expeditas Literas suspenderit; ac postmodum sub generali suspensione hujusmodi, neque Indulgentias Altarium Privilegiatorum pro Fidelibus Defunctis, nec alias quasunque eodem modo pro solis Defunctis concessas venire, sed quas vivi sibi lucrari possint cum facultate illas per modum suffragii animabus ipsorum Defunctorum in Purgatorio existentibus applicandi comprehensas esse, inter alia declaraverimus, prout in nostris desuper in simili forma Brevis die 2. Mensis Martii proxime præteriti confectis Literis, quarum tenorem præsentibus pro plene & sufficienter expresso, ac de verbo ad verbum inserto haberi volumus, plenius continetur.

Nunc vero Fidelium devotioni animarumque eorundem Defunctorum refrigerio peramplius consulere cupientes, ac declarationes a Nobis, sicut præmittitur, etiam ampliandas, & extendentes, omnibus & singulis Christianis fidelibus, quod quasunque Indulgentias, & peccatorum remissiones, ut præfertur, suspensas (injuncta tamen in

illarum concessionibus pietatis opera peragendo, ac firma remanente pro vivis earum suspensione) ad effectum illas animabus Fidelium Defunctorum, quæ Deo in charitate conjunctæ ab hac luce migraverint, per modum suffragii, hoc Anno Jubilei durante, directe applicandi, etiam si eas sic applicandi facultas in concessionibus prædictis concessa non fuerit, consequi libere & licite possint & valeant in omnibus & per omnia, perinde ac si suspensio præfata a Nobis non emanasset, auctoritate Apostolica tenore præsentium concedimus & indulgemus.

Non obstante suspensione hujusmodi, cæterisque contrariis quibuscunque.

Volumus autem, ut præsentium Literarum transumptis seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique adhibeatur, quæ adhiberetur ipsis præsentibus, si forent exhibitæ vel ostensæ.

Datum Romæ apud Sanctum Petrum sub Annulo Piscatoris die 28. Aprilis MDCCXXV. Pontificatus nostri anno L.



CAPUT XIV.

DE INDULGENTIIS DEFUNCTORUM.



UT completa exeat in lucem hujus Tractatus pars, æquum non est Defunctorum Indulgentias silentio præterire. 1.^o igitur de suffragiis in genere agemus: An scilicet animæ Defunctorum viventium suffragiis adjuventur? 2.^o An Indulgentiæ proſint Defunctis? 3.^o An hujusmodi Indulgentiæ ſint per modum abſolutionis, vel per modum ſuffragii? 4.^o Quid ſit facultas conceſſa viventibus applicandi Indulgentias pro Defunctis per modum ſuffragii? 5.^o An Indulgentiæ pro Defunctis applicatæ habeant effectum inſallibiliter? 6.^o An poſſint concedi Indulgentiæ per modum ſuffragii Defunctis inmediate, ſeu non medio alicujus viventis opere, vel applicatione? 7.^o An aliquæ Indulgentiæ concedantur vel poſſint concedi pro vivis, quæ tantum valeant per modum ſuffragii? 8.^o De requiſitis tum ex parte viventium tum ex parte Defunctorum, ut acquirantur Indulgentiæ per modum ſuffragii pro Defunctis. 9.^o An melius & laudabilius ſit, ſi vivens Indulgentias aliaque opera ſatisfactoria ſibi applicet, vel ſi Defunctis?

ARTICULUS I.

An Animæ Defunctorum viventium ſuffragiis adjuventur?

Suffragiorum nomine in præſentiarum nihil aliud intelligimus, quam auxilia quædam pro aliis præſtita ad obtinendam a Deo poenæ temporalis remiſſionem, vel aliquid hujusmodi; quomobrem ad ea ſpectant preces, oblationes, jejunia; cæteraque opera ſatisfactoria Deo pro aliis exhibita vel exhibenda.

Hac brevi de ſuffragiis explicatione præmiſſa, ſupponendum eſt. 1.^o ex animabus a corporibus jam ſeparatis, nonnullas reperiri, quæ, ob non deletum culpæ lethalis reatum, gehennalibus torquentur ſuppliciiis: alias, quæ clara Dei viſione perpetuo beantur: plurimas, quæ ob le-

viores culpas non remiſſas, vel ob debitum poenæ temporalis adhuc non ſolutum, Purgatorio igne temporaliter puniuntur.

Supponendum eſt 2.^o animas ad Infernum damnatas nullum ex viventium ſuffragiis juvamen experiri; diſcretiſſimis enim verbis in pluribus Sacræ Scripturæ locis ignis illius & poenarum æternitas aperitur, Matthæi cap. 25. v. 4. = *Diſcedite a me maledicti in ignem æternum, qui paratus eſt Diabolo & Angelis ejus* = *Ad Theſſalonicenſes* 1.^o v. 8. = *In ſtamina ignis danti vindictam iſtis, qui non noverunt Deum, & qui non obediunt Evangelio Domini Noſtri Jeſu Chriſti, qui penas dabunt in interitu æternas* = & *Apocalypſi*. 14.^o v. 11. = *Fumus tormentorum eorum aſcendet in ſecula ſeculorum*.

Supponendum eſt 3.^o viventium ſuffragia nequaquam animabus Beatorum prodeſſe; iſta enim ſtatum omnium bonorum aggregatione perfectum aſſecutæ, in cœleſti Patria nulli poenæ aut malo ſubjiciuntur, a quo poſſint vitorum ſuffragiis liberari: nec gratiæ aut gloriæ eſſentialis augmentum valent obtinere, cum ea ſit ſupernæ illius Beatitudinis conditio, ut vel per modum hereditatis, ut pueris baptizatis ante uſum rationis obeuntibus, aut per modum hereditatis ſimul & coronæ adultis conferatur, juxta meritum, quod ſolum locum habet in via. Contenditur ergo de animabus Juſtorum, quæ levioribus culpis tantum obnoxie, poſt graviorem criminum remiſſionem, vel nondum a debito poenæ temporalis abſolutæ ex hac vita migraverunt, ob defectum condignæ ſatisfactionis præſtitæ in via, quando corporibus erant unitæ.

Reſenſentur Heretici, qui Defunctorum ſuffragiis bellum indixerunt: & quid in contrarium doceat Eccleſia Catholica.

Orationes pro Defunctis, nec non opera bona pro illis ſuſcepta dannavit Aërius E-

Eustathii Sebastei. Sodalis deinde æmulus; de quo agit S. Epiphanius *Hæresi* 75. eundem referens ita disserentem. = *Qua ratione post mortem nominatis nomina mortuorum? Ores enim vivens, aut dispensationem faciat, quid profuerit mortuo? Si vero omnino preces eorum, qui hic sunt, pro illis sunt, qui ibi sunt: igitur nemo sit pius neque boni quicquam faciat, sed acquirat amicos quosdam, per quem vult modum aut per pecunias persuadens, aut amici id in obitu demandant, & orent pro ipso, ut ne quid illi patiatur neque immedicabilia peccata ab ipso perpetrata requirantur =* Acacio adhaerent Albigenses & Petrobusiani. Vehementius tamen contra Defunctorum suffragia invehitur Calvinus lib. 3. *Institution. cap. 5. §. 6. & 10.* = *Cum mihi (inquit) objiciunt adversarii: ante mille & trecentos annos usu receptum fuisse, ut preces fierent pro Defunctis, eos vicissim interrogo: quo Dei verbo, qua revelatione, quo exemplo factum? Atque ipsi etiam veteres, qui preces fundebant pro mortuis, & mandata Dei & legitimo exemplo hic se destitui videbant. Cur ergo audebant? in eo, dico, aliquid hamandi passos esse: ideoque ad imitationem trahendum non esse contendo, quod fecerunt. Certe quisquis mediocri prudentia pollet, facile agnoscit, quidquid de hac re legitur apud veteres, publico mori & vulgi imperitia fuisse datum. Abrepti etiam ipsi, fateor, in errorem fuerunt: nempe ut inconsiderata credulitas privare iudicio soles hominum mentes. Interea quam dubitantes preces pro mortuis commendunt, lectio ipsa demonstrat. Monicam matrem suam, in Libris Confessionum Augustinus narrat, vehementer rogasse, ut sui memoria in peragendis mysteriis fieret ad Altare. Anile scilicet votum, quod filium non exegit ad normam Scripturæ, sed pro naturæ affectu probari aliis voluit. Liber autem de cura pro mortuis agenda compositus, tot hæsitaciones continet, ut suo frigore merito debeat stulti zeli calorem extinguere. Si quis mortuorum patronus esse appetat, frigidus certe versimilitudinibus seorsos reddet, qui prius erant solliciti = Idem docent alii Hæretici, qui Purgato-*

rium post hanc vitam negant, ut Lutherani & Anabaptistæ.

Huic Hæreticorum errori oppositam Concilium Tridentinum amplectitur doctrinam: dari nempe Purgatorium, in quo animæ a corporibus separatae, quæ Deo in charitate conjunctæ ex hac luce migrarunt, poenas luunt pro antea vitæ excessibus, a quibus incrementum potissimum Altaris Sacrificio aliisque viventium suffragiis sublevantur = *Quare non solum pro Fidelium vivorum peccatis (sunt verba sess. 22. cap. 2.) panis, satisfactionibus & aliis necessitatibus, sed & pro Defunctis in Christo, nondum ad plenum purgatis, rite juxta Apostolorum traditionem offertur Missæ Sacrificium = & Can. 3.º* oppositum asserentes anathemate percellit atque confodit. = *Si quis dixerit, Missæ Sacrificium tantum esse laudis & gratiarum actionis, aut nudam commemorationem Sacrificii in Crucis peracti, non autem propitiatorium: vel soli prodesse sumenti, neque pro vivis & Defunctis, pro peccatis, panis, satisfactionibus & aliis necessitatibus offerri debere: anathema sit =* Tandem sess. 25. in Decreto de Purgatorio hæc habet = *Cum Catholica Ecclesia Spiritui Sancto edocta ex Sacris Litteris, & antiqua Patrum traditione in Sacris Conciliis, & novissime in hac Oecumenica Synodo docuerit, Purgatorium esse, animasque ibi decens Fidelium suffragiis, potissimum vero acceptabili Altaris Sacrificio juvari, præcipit Sancta Synodus Episcopis, usque namque de Purgatorio doctrinam, a sanctis Patribus & Sacris Conciliis traditam, a Christifidelibus credi, teneri, doceri & ubique prædicari, diligentius studeant.*

Afferitur, Animas Defunctorum suffragiis adjuvari, ex Sacra Scripturæ auctoritatibus.

Conclusio. Animæ Defunctorum viventium suffragiis adjuvantur.

Prob. ex 2.º *Machabeor. cap. 12.* ubi Judæ Machabæi pietas memoratur, elemosynas mittentis Hierosolymam ad offerendum Sacrificium pro Defunctis; quod

Bbb pie

pie factum, atque ad poenarum temporalium solutionem eorundem proficuum, his verbis commendatur = *Vir fortissimus Judas, facta collatione duodecim millia drachmas argenti, misit Hierosolymam offerri pro peccatis mortuorum sacrificium, vere & religiose de resurrectione cogitans; nisi enim eos, qui ceciderant, resurrekturos speraret, superfluum & vanum videretur, orare pro mortuis; & quia considerabat, quod ille, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro Defunctis exorare, ut a peccatis solvantur* = Ex quo bene ratiocinatur Lucas Tudenfis in *lib. 2.º cap. 27. contra Albigen.* dicens = *Si sancta & salubris est cogitatio, multo magis validior & salubrior erit oratio, & plurimum sanctissima, & saluberrima operatio* = Defunctorum ergo animarum viventium suffragiis adjuvantur.

Quantum hic Sacra Scripturae locus, ex veteri Testamento prolatus, faveat Catholice Conclusioni, tantum officit haereticæ pravitati, quæ in perversis erroribus obfirmata respondere non erubescit 1.º Machabeorum Libros inter Canonicos non esse recensendos: idque probat Authoris ipsius testimonio veniam petentis, pro erroribus, quibus ea scætet historia = *Ego quoque* (inquit *cap. 15. v. 38.*) *in his faciam finem sermonis. Et si quidem bene, & ut historiae compedit, hoc & ipse velim; sin autem minus indigne concedendum est mihi. Sicut enim vinum semper bibere, aut semper aquam, contrarium est, alternis autem uti delectabile: ita legentibus, si semper exactus sit sermo, non eris gratus* = Unde Brentius suffragia pro Defunctis oblata reprobanda inquit = *Ergo demus illi veniam, quod erraverit, cum suffragia pro Defunctis laudavit* = 2.º Estatum illud = *Sancta & salubris est cogitatio pro Defunctis exorare* &c. = esse potius additionem marginalem, deinde in textum per errorem intrusam, quam sententiam ab Authore secundi Libri Machabeorum exaratam; non enim ea Conclusio Authori historico videtur convenire.

Verum Heterodoxos, asserentes primum ac secundum Machabeorum Libros non esse Canonicos, allucinari, constat ex

eo, quod communi Ecclesiae consensu dicti Libri tanquam Divini legantur ac recipiantur = *Machabeorum Libri* (inquit D. Hieronymus in Prologo eorundem Librorum) *licet non habeantur in Canone Hebraeorum, tamen ab Ecclesia inter Divinorum voluminum annotantur historiarum* = Erat autem Concilii Carthaginensis III. Decreto statutum, ne ullus Liber in Ecclesia legeretur, qui autoritate Canonica non polleret. Insuper Gelasius Papa in *Concil. Rom.* Concilium Florentinum in *Decr. super union. Jacobinor. & Armenor.* §. *Decernimus*, Tridentinum, *sess. 4. in Decreto de Canonicis. Scriptur.* eisdem in Librorum Divinorum indice describunt; atque ut Canonicos admittunt ex Patribus D. Cyprianus in *lib. de Exhortat. Martyr. ad Fortunat. Cap. 11.* S. Gregorius Nazianzenus *Orat. 23.* ac D. Ambrosius in *lib. 2.º de Jacob & Vita beata*; gloriosa Machabeorum praelia eloquentiae radiis illustrans horum librorum verba, identidem usurpat. Illorum meminit S. Hieronymus *lib. 5. Commentarior. in Isai. ad Cap. 23.* & D. Augustinus, qui eos tanti fecit, ut in *lib. 1.º de de Cura pro Mortuis cap. 1.º* ex solis illis argumentum petierit ad propugnandum huius dogma de precibus fundendis pro Defunctis. His accedit D. Isidorus Hispalensis in *lib. 6. Origin.* dicens = *Machabeorum Libros, licet Hebraei inter Apocrypha separarent, Ecclesia tamen Christi inter Divinos Libros & honorat, & prædicat* = Tandem eos inter Divinos Libros enumerat Summus Pontifex Innocentius I. in *Epistola 5.ª ad Exuperium cap. ult.º*

Hinc Occhini retunditur impudentia, qui in *Dialog. de Purgat.* inquit = *Quod Apocryphi sint Libri Machabeorum, ex Laodicensi & Africana Synodo manifestum est: imo ex omnibus Sacris Doctoribus, qui Sacrorum Librorum Catalogum percensentes, de Machabeis nullam mentionem faciunt.*

Nec horum Librorum Author veniam petit propter errores, qui in factis ibi historice descriptis obrepserant, sed propter elocutionem seu orationem, quæ minus elegans eam legentibus videri poterat; sicut ait Paulus 2. ad Corinth. *cap. 11. v. 6.* = *Nam si imperitus sermone, sed non scientia*, = cum revera sermone imperitus non esset

esset Apostolus laudatus, quanquam talis aliquibus videretur.

Quod vero suffragiorum pro Defunctis approbatio non Authoris essatum, sed potius marginalis additio censenda sit, invicte refellitur; potius enim est eximia Authoris Canonici sententia, cum dissonum Historico non sit, ex laudabiliter gestis aliquid adjicere, ad Fidelium mores informandos, atque ad promovendum studium pietatis.

Respondent secundo Hetherodoxi. Ex quo Liber secundus Machabæorum esset Caponicus, minime posset inserri suffragiorum utilitas pro Defunctis. I.^o quia Judas oblatis elemosynis, fieri curavit sacrificium pro militibus, qui in peccato lethali pugnantes obierant; inventa enim fuerunt sub eorum tunicis quædam de Idolorum donariis, quæ apud Jamniam fuerunt: idque ex verbis ibi præmissis colligitur = *Inveniant sub tunicis Interfectorum de donariis Idolorum, quæ apud Jamniam fuerunt, a quibus lex prohibet Judæos* = Hujusmodi autem sacrificium pro vita functis in statu peccati lethalis vel est superstitiosus æctibus adscribendum, ac per consequens rejiciendum: vel id factum dixeris duntaxat, ut superstites de eorum funere moestitia deposita, consolationem recipere. Addunt, ibi non statui legem ferendi suffragia pro Defunctis, sed quod fecerat Ductor exercitus, enarrari; non autem imitari tenemur, quæcunque in historiis Sacræ Scripturæ referuntur: Rursus, quod laudetur Judas, quia collectis aliorum elemosynis mandaverit sacrificium offerri pro Defunctis, nihil refert; neminem enim fugit, factum Razia, qui seipsum necavit, ut adversariorum insidiis evaderet, ab eodem Historico pariter commendari. Quod profecto imitari non debemus; alias colligi posset, licitum esse in hujusmodi casibus seipsum interimere.

Impugnatur autem, quod primo dicitur in responsione; solum quippe voluit Judas oblato sacrificio iis opitulari, qui cujuslibet contagione peccati lethalis experies ex humanis decesserant, & in Purgatorii lacum ceciderant: ut vel culpæ venialium, vel poenarum temporalium remissione, percepta resurgerent, atque ad supernam Beatitudinem obtinendam quantocyus con-

volarent; in allata siquidem autoritate hæc causa ferendi suffragiorum Defunctis exprimitur = *Bene & religiose cogitanti*, (nempe Judas); *nisi enim eos qui ceciderant resurrekturos speraret, vanum & superfluum videretur orare pro mortuis*: & *quia considerabat, quod ii qui cum pietate dormitionem acceperant, optimam haberent repositam gratiam* = prudenter enim sibi potuit suadere, illorum meritum furtum non ex superstitione, aut pronitate in Idololatriam, sed ex avaritia perpetratum genus peccati venialis nequam excessisse: vel si culpæ lethalis malitiam attigisset, mediâ contritione ante mortem elicta, fuisse deletum, juxta illud *psalmi 77. v. 34* = *Cum occideret eos, querebans eum, & revertebantur* = Nec subsistit id, quod additur in responsione: quia quod fecit Judas, nosque adduximus, ad inferendam suffragiorum virtutem pro Defunctis, non est factum privatæ personæ, sed factum solemnî veteris Ecclesiæ ritu aut commemoratione adimplatum; relictis enim eorum omnium precibus, qui cum Juda erant, pergit Historicus referre pecuniam collectam, ac omnium nomine Hierosolymam missam = *Facta collatione duodecim millia drachmas argenti, misit Hierosolymam offerri pro peccatis mortuorum sacrificium* = Illud præterea, quod majus est, ut pietati ac religioni conforme insillibili Authoris Canonici testi nonio commendatur, ut posteris daretur exemplum, ad orationes & oblationes pro Defunctis exhibendas. Idem tamen dicendum non est de facto Razia, quo ducti Circumcelliones Donatistæ (ut luculenter advertit D. Augustinus in *Lib. 1.^o contra Gaudent. cap. 31.*) ad sibi mortem inferendam excitabantur; laudatur enim ibi Razia duntaxat, eo quod in vitæ discrimine ab Adversariorum insidiis constitutus, viriliter mortem subiecit = *Proinde*, inquit, *etiam Senior ille Razias (quem isti exempli sui scelus destituit, de Machabæorum Libris tanquam imitandum se invenisse gloriantur) hoc facere debuit, quod in eisdem literis leguntur septem illi fratres exhortante Matre fecisse; ut comprehensus, & a lege Domini sui non aversus, omne quod ei applicitum esset acciperet, & in dolore sustineret, & humilitate*

sua patientiam haberet: quocirca humilitatem inter manus inimicorum non valens ferre, non plane sapientie, sed insipientie dedit exemplum, non Christi Martyribus sed Donati Circumcellionibus imitandum At enim Sanitarum Scripturarum autoritate laudatus est Razias. Quomodo laudatus? quia fuit amator Civitatis. Hoc potuit & carnaliter, Civitatis videlicet illius terrene Hierusalem, quæ servos cum filiis suis, non autem illius, quæ sursum liberæ Matris nostræ. Laudatus est, quia Pater Judeorum appellabatur. Hoc magis est, unde & illi tanquam homini subrepsit humilitatis impatientia, ut prius mori vellet quam hostibus subijci. Dicitur est quod elegerit nobiliter mori: melius vellet humiliter, sic enim utiliter. Illis autem verbis Historia gentium laudare consuevit, sed viros fortes huius sæculi non Martyres Christi. Dicitur est, quod se viriliter de muro præcipitavit in turbas, nec nos dicimus eum fecisse muliebriter: quanquam vos, qui multum, exemplo isto profectis, etiam feminas vestras hoc facere docuistis. Sed fatemur hoc etiam ipsas non facere muliebriter, sed viriliter, non tamen salubriter, quia non fideliter = Utrunque itaque factum & Judæ & Razie in Machabeorum Libris legitimè commendatum; aliter tamen & aliter. Illud in ordine Morali ut pietatem ac religionem redolens; proindeque merito ad Posterorum imitationem propositum. Hoc ut facinus egregium in ordine physico, non vero in ordine morali, quia non conforme prudentiæ distaminum, ad quam spectant virtutes morales acquisite dirigere.

Efficax pariter est pro nostra Conclusione argumentum id, quod deducitur ex Matthæi. 12. ubi Christus ait = *Quicumque dixeris verbum contra filium hominis, remittetur ei. Qui autem dixeris contra Spiritum Sanctum, non remittetur ei neque in hoc sæculo neque in futuro* = Ex quo patet, Christum supponere aliquid reperiri peccatum in futuro sæculo remittendum. Idque ad genuinum huius loci intelligentiam necessario dicendum est, ne compellamur fateri, Christum ibi sermonem adhibuisse ad humano loquendi more valde alienum, quod ab impietatis nota,

non posset vindicari. Et profecto nemo non dixerit ineptum proferre sermonem eum, qui creditorum promitteret, se nec in hoc, neque in futuro sæculo debitum soluturum, cum in futuro locus solutionibus debitorum minime detur. Quædam ergo sunt peccata, quæ in Purgatorio remittuntur vel per ignem aliosque cruciatus ibi perpeffos, vel intuitu suffragii præstiti a viventibus. Hujus expositionis veritatem adstruit D. Augustinus in lib. 21. de Civit. Dei cap. 13. & 24. his verbis = *Pro Defunctis quibusdam, vel ipsius Ecclesiæ, vel quorundam piorum exauditur oratio: sed pro his, quorum in Christo regeneratores nec usque adeo visa in corpore, male gesta est, ut tali misericordia iudicentur digni non esse: nec usque adeo bene, ut talem misericordiam reperiantur necessariam non habere. neque enim de quibusdam veraciter diceretur, quod non eis remittatur, neque in hoc sæculo, neque in futuro, nisi essent quibus etsi non in isto, tamen remittetur in futuro* = Idem ostendit D. Bernardus contra Heterodoxos serm. 66. = *Videte detractores, videte canes. Irrident nos, quia baptizamus infantes, quod oramus pro mortuis. Non credunt autem ignem Purgatorium restare post mortem, sed statim animam solutam a corpore, vel ad requiem transire, vel ad damnationem. Quærant ergo ab eo, qui dixit: quoddam peccatum esse, quod neque in hoc sæculo remittetur, neque in futuro. Cur hoc dixerit, si nulla manet in futuro remissio purgatione peccati?*

Eodem pollet virtutis robore, ad probandum Defunctorum animas viventium suffragiis adjuvari, auctoritas Epist. 1.^a ad Corinth. cap. 15. v. 29. = *Alioquin (ait Apostolus) quid facient, qui baptizantur pro mortuis, si omnino mortui non resurgunt? Ut quid baptizantur pro illis?* = qui textus de poenitentia baptismate intelligitur, quod jeuniis, precibus ac lacrymis constat, iuxta veriorum ac germaniorem cæteris expositionem S. Ephrem, Petri Cluniacensis, Hugonis aliorumque Sacre Scripturæ Interpretum; ita ut sensus sit: si mortui ad vitam non resurgunt, perperam agunt, qui vigiliis, jeuniis, aliisque satisfactoriis operibus se macerant; passim enim in Sacris Scripturis & Patribus

pro

pro afflictione baptismus accipitur; ut Marci 10. v. 38. = *Potesſis bibere calicem quem ego bibiturus ſum, & baptiſmo quo ego baptizor baptizari?* = Lucæ 12. v. 50. = *Baptiſmo autem habeo baptizari, & quomodo coarctor uſque dum perſiciatur* = D. Cyprianus *Serm. de Cæna Domini* inquit = *Pietas lacrymis ſe abluſit, & lacrymis ſe baptizat* = & S. Gregorius Nazianzenus in *Orat. panegy. in Sancta Lumina* dicit = *Quintum locum tenet lacrymarum baptiſmus, verum, aſperior & lacrymoſior* = S. Iſidorus Hiſpalenſis in *Lib. 2.º de Officiis cap. 24.* inter varia, quæ enumerat baptiſmata, loco tertio poenitentiam ponit = *Eſt & tertium baptiſma*, inquit, *lacrymarum*, quod laborioſius tranſigitur, ſicut ille, qui per ſingulas noctes ſtratium ſuum rigat, qui imitatur converſionem Mannaſſe = Ab his edoctus D. Damascenus in *Lib. 3.º de Orthodocxa fide* inquit = *Sextum baptiſma in poenitentia & lacrymis verſatur, eſtque ſane grave & durum.* Favet allatæ expoſitioni Sacræ Scripturæ ipſe Apoſtolus, addens = *Ut quid & nos periclitamur tota die* = quali dicat: cur nos tantopere patimur pro mortuis? Colligitur ergo Apoſtolum aſſeruiſſe, eos pro mortuis baptizari, qui orationibus, jejunis ac lacrymis pro Defunctis vacantes, aſſumunt ſibi ignei baptiſmatis partem, quo in Purgatorio animæ torquentur, ad eas ſuis ſuffragiis adjuvandas.

Suffragia prodeſſe Defunctis propugnatur ex Conciliis.

Concluſio Catholica, de ſuffragiorum utilitate pro Defunctis ex Sacra Scriptura comprobata, ex Conciliorum ſtatutis poteſt demonſtrari. De Anniverſariis publicè precibus pro mortuis ſit honorifica mentio in Concilio Carthagenſi III. celebrato anno CCCXC VII., quo decernitur *can. 29.* Sacerdotes pro Defunctis ad celebrandum incurrentum Altaris Sacrificium jejunio accedere, niſi anniverſaria dies Cœnæ Domini recurreret, aut poſt meridiem ſolis orationibus eorum memoria recoleretur = *Ut Sacramenta Altaris non niſi a jejunis hominibus celebrentur, excepto uno die anniverſario, quo Cæna Domini celebratur. Nam ſi aliquorum*

pomeridiano tempore Defunctorum ſuo cæterorum commendatio facienda eſt, ſolis orationibus fiat, ſilli qui faciunt, jam præſinveniantur.

Ex Concilio Carthagenſi IV. celebrato anno CCCXCVIII. diſceſ, poenitentes ſatiſfactionibus ab Eccleſia præſcriptis operam dantes, ac in mari vel in itinere obeuntes, non eſſe orationibus & oblationibus deſtituendos = *Pœnitentes* (ita habetur c. 79.) qui attente leges poenitentia exequuntur, ſi caſu in itinere vel in mari mortui fuerint, ubi eis ſubveniri non poſſit, memoria eorum & orationibus, & oblationibus commendetur.

Cenſuit Concilium Aurelianenſe II. celebratum anno DXXXIII. can. 15. quod oblata pro criminofis interentis admitterentur, dummodo propriis manibus ſibi violenter mortem non intuliſſent = *Oblationes*, ait, *Defunctorum, qui in aliquo crimine fuerint interentis, recipi debere cenſemus, ſi tamen non ipſi ſibi mortem probe. ur propriis manibus intuliſſe* =

Præcipit Concilium Bracarenſe I. anno DLXIII. celebratum, non impendi orationis ſuffragium pro iis, qui ſeipſos non ſine culpa necaverant = *Qui ſibi ipſi* (ſunt verba Canonis 34.) *quolibet modo culpabili inferunt mortem, nulla pro illis fiat commemoratio, nec cum pſalmis ſepeliuntur* = & can. 39. ſtatuit, eleemoſynas pro Defunctorum memoria celebranda collectas inter Clericos diſtribui = *Si quid*, ait, *ex collatione Fidelium, aut per Feſtivities Martyrum, aut per commemorationem Defunctorum offertur, apud unum Clericorum fideliter colligatur, & conſtituto tempore aut ſemel aut bis in anno inter omnes Clericos dividatur.*

Idem quod pro poenitentibus Defunctis decreverat Concilium Carthagenſe IV. fieri voluit Toletanum XI., ſedente Adeodato Pontifice, anno DCLXXV. celebratum = *De his autem* (ſunt verba canon. 12) *qui accepta poenitentia, ante quam reconcillentur, ab hac vita receſſerint, placuit nobis, ut & memoria ſalutem in Eccleſia commendetur, & oblatio pro eorum delicto a Presbytero recipiatur.*

Exprefſius præ cæteris Conciliis Suffragiorum utilitatem pro Defunctis com-

men-

mendavit Concilium Florentinum anno MCCCCXXXVIII. celebratum *sest. 25. in Decreto de Purgatorio*, ubi legitur = *Item si vere penitentes in Dei charitate decesserint, antequam dignis penitentiae fructibus de commissis satisfecerint & missis, eorum animas penes Purgatorii purgari: & ut a penis huiusmodi releventur, prodesse eis vivorum Fidelium, Suffragia, Missarum scilicet Sacrificia, Orationes & Eleemosynas, & alia pietatis officia, quae a Fidelibus pro aliis Fidelibus fieri consueverunt secundum Ecclesiae instituta.*

Dices cum Heterodoxis, quorum supra meminimus, Concilia voluisse fieri orationes & oblationes pro Defunctis: idque in Ecclesia observatum esse, sed id nulli Sacrae Scripturae auctoritati esse innixum, verum ex naturali amore erga Defunctos proditiisse, quod fidei & pietati fortasse repugnat = *Solet nobis objici* (Ita omnium nomine loquitur Petrus Vernilius Martyr) *Ecclesiam semper pro Defunctis orasse; quod quidem non inficior, sed assero, istius facti, neque verbi Dei nec exempli, quod desinitur ex Sacris Literis, auctoritatem habere. Facile moventur homines naturali quadam charitate impulsus, & amore in Defunctos, ut illis bene cupiant, & in aliquas preces pro eis erumpant: sed affectio haec vehemensior, videndum est, ne fidei & iustae pietati adversetur.*

Resp. etiam dato, nullum Sacrae Scripturae textum reperiri, suffragia fieri pro Defunctis approbantem (quod profecto falsissimum esse, constat ex dictis supra) ad id tamen apertissime demonstrandum Ecclesiae consuetudinem tot Conciliorum auctoritate comprobata sufficere = *Sed etsi nusquam in Scripturis veteribus omnino legeretur* (inquit D. Augustinus in *Lib. de Cura pro mortuis geren.*) *non parva tamen est universae Ecclesiae, quae in hac consuetudine clares auctoritas =* Nusquam legimus in Sacris Scripturis, oportere infantes Sacro Baptismatis fonte regenerari; quod & Petrus Vernilius Martyr fatetur contra Anabaptistas, & tamen eorum est, infantium Baptisma ad fidei dogma pertinere. Regula a D. Augustino praekaudito tradita, in *Foiss. 118. ad Jaquar.*, tenenda est = *Si quid univer-*

sa per Orbem frequenter Ecclesia, quin ita sit disputare, insolentissime est insania = Quamobrem vim non facimus ad hoc fidei dogma probandum in precibus privatis, sed in solemnibus Deo oblatis nomine universalis Ecclesiae. Quae autem ita offeruntur, nequeunt fidei ac verae pietati adversari.

Viventium Suffragia prodesse Defunctis ex Sanctis Patribus vindicatur.

Quamquam haecenus expensa tum ex Sacrae Scripturae locis, tum ex Conciliorum Statutis atque Decretis satis superque Catholicam nostram Conclusionem evincant, tamen ut ea firmitus roboretur, veterum hic Patrum traditionem adijcimus.

D. Dionysius Areopagita de *Ecclesiastica Hierarchia cap. 7.*, de Oratione differens ad Deum pro Defunctis dirigenda, ait = *Accedens venerandus Anisiles precem Sacram super mortuum peragit: precatur Divinam Clementiam, ut cuncta dimittat per infirmitatem humanam admissa peccata Defuncto, eumque in lucem statuatur, & reglone vivorum.*

Approbat Tertullianus orationes atque Anniversaria fieri pro Mortuis, ideoque in *Libro de Monogamia. cap. 10* mulieri videtur suadet = *Ut pro anima ejus* (scilicet Conjugis) *& refrigerium interitum adposculet ei = & in prima resurrectione consortium: & offeras annuis diebus dormitionis ejus = & in Lib. de Exortat. cap. 11. inquit = Duplex enim rubor est, quia in secundo matrimonio duae uxores circumstant eundem maritum, una spiritu, alia carne. Nec enim, pristinae poteris odisse, cui etiam clariorem reserves affectionem. Et jam repete apud Deum, pro cuius Spiritu postules, pro qua oblationes annuas reddas. Stabis ergo ad Deum cum tot Uxoribus, quot illas rationes commemoras, & offeres pro duabus, & commemoras illas duas per Sacerdotem de monogamia, ob pristinum de virginitate sanctum circumdatum Virginitibus ac univiribus: & ascendet Sacrificium tuum libera fronte?*

Supponit D. Cyprianus, merito offerri pro Defunctis Sacrificium, etsi illud fieri prohibeat pro Victore, qui contra legem in Episcoporum Concilio sanctam.

Ge-

Geminium Faustinum Presbyterum Tutorem & Curatorem constituerat, in Epist. 66. Ad Cler. & Pleb. Furnitanor. dicens = *Episcopi antecessores nostri religiose considerantes, & salubriter providentes, censuerunt, ne quis frater excedens ad tutelam vel curam Clericum nominaret: ac si quis hoc fecisset, non offerretur pro eo, nec Sacrificium pro dormitione ejus celebraretur. Neque enim apud Altare Dei meretur nominari in Sacerdotum prece, qui ab Altari Sacerdotes & Ministros voluit avocare. Et ideo Viletor, cum contra formam nuper in Concilio a Sacerdotibus datam, Geminium Faustinum Presbyterum ausus sit Tutorem constituere, non est quod pro dormitione ejus apud nos fiat oblatio, aut deprecatio aliqua nomine ejus in Ecclesia frequentetur.*

Morem orandi pro illis, qui ex humanis decedunt, commendat D. Cyrillus Hierosolymitanus in Catech. 5.^a his verbis = *Denique pro omnibus oramus, qui inter nos vita functi sunt, maximum esse credentes animarum juvamen, pro quibus offertur precatio Sancti illius & tremendi, quod in Altari positum est, Sacrificii, quod exemplo vobis demonstrare volumus. Scio enim multos dicere. Quid juvat animam sive cum peccatis, sive absque peccatis ex hoc Mundo decedentem, etiamsi in hoc Sacrificio mentio illius fiat? An enim si Rex aliquis eos, a quibus offensus est, in exilium pepulerit, postea vero illorum propinqui coronam aliquam conscienties pro his, qui sunt in supplicio exulibus, eundem offerrent, nonne condonationem aliquam suppliciorum ipsis dederit? Ad eundem modum & nos pro Defunctis preces adhibentes, quanvis sint peccatores, non quidem coronam plectimur, sed Christum pro nobis maculatum offerimus, ut & nobis & illis eum, qui est benignissimus, propitius reddamus.*

Idem tradit S. Gregorius Nazianzenus, qui Oratione 10. in funer. Cesaris fratris inquit = *Nostros & eorum, qui tanquam in communi via paratores ad Hospitium prius pervenerunt, animas ipsi Deo commendantes . . . O omnium Domine & effector, ac precipue hujus fementi! . . . Nunc quidem*

Cesarium, discessus nostri primitias, quo so suscipe.

Idem habet D. Epiphanius Hæres. 75. Aerianos impugnans = *Ceterum, ait, quæ pro mortuis concipiuntur preces, illis utiles sunt, tamen si non omnes culpas extinguant . . . Nam & Justorum & peccatorum mentionem facimus: peccatorum quidem, ut illi a Domino misericordiam imploremus &c. = & infra Necessario facere illud Ecclesiam dico, quæ traditum sibi ritum illum a majoribus acceperit. Potest vero quisquam materiam Sanctionem aut legem Patris evertere?*

Diserte ostendit S. Athanasius, non temere aut frustra, sed utiliter fieri pro Defunctis orationes & oblationes; ait enim Orat. 34 = *Quid ergo? Num sentiunt aliqua beneficia etiam peccatorum animæ, cum super illis fiant Conventus, & per actiones bonorum operum & oblationum? Si non aliqua beneficia participarent ex illo, non utique in cura & exequiis ficeret commemoratio =* Consentit D. Athanasio S. Joannes Chrysostomus Homil. 21. in Act. Apostolor. = *Non frustra oblationes pro Defunctis fiunt, non frustra preces, non frustra elemosynæ. Hæc omnia Spiritus disposuit, volens, ut nos mutuum juvemus. Vide enim utilitatem, accipiet ille per te, & tu per illum, contentis apibus, inductus ad faciendum aliquid generosum, tu illi Salutus: ipse vero tibi elemosyna factus est auctor, ne dubita, quia cras aliquis fructus suavis. Non simpliciter Minister clamat pro his, qui defuncti sunt in Christo, & pro his, qui illorum memoriam faciunt . . . Hoc scientes consideremus, quantas consolationes possemus mortuis, pro lacrymis, pro mœnulentis preflare; nempe elemosynas, preces, orationes, ut & illi & nos assequamur promissæ bonæ.*

Defunctorum animas Deo minime precibus & Sacrificiis commendaret D. Ambrosius, nisi suffragia in Purgatorii carcere mancipatas juvare possent = *Tibi nunc (ait in Orat. Funeb. de Obitu Satyri Fratris) Omnipotens Deus, innoxiam commendo animam, tibi hostiam meam offero: cape propitius ac serenus frater-num munus, Sacrificium Sacerdotis = Et*

in

in *Orat. de Obitu Theodosii* = Tu solus Domine invocandus es, tu rogandus, ut cum in filiis reparesentes... Da requiem servo tuo Theodosio, requiem illam, quam præparasti Sanctis tuis. Illo convertatur anima ejus unde descendit, unde mortis aculeum sentire non possit, ubi cognoscat mortem hanc non naturæ finem sed culpæ... Dilexi, & ideo prosequor cum usque ad regionem vivorum, nec deseram, donec stetu & precibus inducam virum, quosua merita vocant in montem Domini Sanctum, ubi perennis vita.

Laudat D. Hieronymus Pammachium in *Ep. 26.*, eo quod curasset uxoris suæ obitum satisfactoris operibus celebrare = *Ceteri mariti, inquit, super tumulum conjugum spargunt violas, rosas, floresque purpureos, & his officiis dolorem peccatoris consolantur.* Pammachius noster sanctam favillam ossaque veneranda elemosynæ balsamisque rigat. His pigmentis atque odoribus fovet cineres quiescentes, sciens scriptum, quod sicut aqua extinguit ignem, ita elemosyna extinguit peccatum.

Audiendus nunc est D. Augustinus, qui *Serm. 32. de Verb. Apost.* inquit = *Pompe funeris, agmina exequiarum, sumtuosa diligenter sepulturae, monumentorum opulenta constructio, vivorum sunt qualiacunque solatia, non adjumenta mortuorum.* Orationibus vero Sanctæ Ecclesiæ, & Sacrificio salutari, & elemosynis, quæ pro eorum Spiritibus erigantur, non est dubitandum mortuos adjuvari: ut cum eis misericordius agatur a Domino, quam eorum peccata meruerunt. Hoc enim a Patribus traditum, universa observat Ecclesiæ, ut pro eis, qui in Sanguine & Corporis & Sanguinis Christi Communionem defuncti sunt, cum ad ipsum Sacrificium loco suo commemorantur, cretur, ac pro illis quoque id offerri conveniret. Cum vero eorum commendandorum causa opera misericordiæ celebrantur, quis eis dubitet suffragari, pro quibus orationes Deo non inani ser allegantur?

Infert S. Gregorius Papa in *lib. 4. Dialogorum cap. 55.*, viventium suffragia Defunctis prodesse, ex quo ab ipsis ea expetantur, unde prolato exemplo cujusdam viri Defuncti, qui Sacerdotis suffragia postulaverat, inquit = *Quæ ex re, quantum proficit animabus immolatio suæ oblatio-*

nis, ostenditur, quando hanc & ipsi mortuorum Spiritus a viventibus petunt, & signa indicant, quibus per eam absoluti videantur.

Jungimus Patribus hucusque relatis D. Isidorum Hispalensem, qui *Lib. 1. de Offic. Ecclesiæ cap. 18.* hæc habet = *Sacrificium pro Defunctorum Fidelium requie offertur vel pro eis orari, quia per totum hoc Orbem custoditur, credimus quod ab ipsis Apostolis traditum sit.* Hoc enim ubique Catholica tenet Ecclesiæ, quæ nisi crederet Fidelibus Defunctis dimitti peccata, non pro eorum Spiritibus vel elemosynam faceret, vel Deo Sacrificium offerret. Nam & cum Dominus dicat *Matth. 12.* *Qui peccaverit in Spiritum Sanctum non remittitur ei neque in hoc sæculo neque in futuro, demonstrat, quibusdam illis dimittenda peccata, & quodam purgatorio igne purganda.*

Ex dictis colliges, retundendam esse Calvinii impudentiam, qui *Lib. 3. Institutionum cap. 5. num. 10.*, ut suffragiorum usum a Christiana Republica penitus eliminaret, asseruit, morem orandi & offerendi Sacrificia pro Defunctis a Gentilibus acceptum, ita in posterum retinendum approbasse SS. Patres, non quod in eo aliquam utilitatem pro Defunctis agnoscerent, sed ut se populis accommodarent. Neminem enim latet, Sanctos Patres omnem movisse lapidem, ut Ecclesiæ aream a superstitiosis Ethnicorum moribus purgarent; ideoque nisi orationes, oblationes, nec non Anniversaria Defunctis profutura existimarent, ea tot laudibus non extollerent, nec assererent esse pietati ac Religioni consentanea.

Aliud pro eadem Conclusionem ex ratione theologica profertur argumentum.

Conclusionem propositam Sacræ Scripturæ, Conciliorum ac Sanctorum Patrum autoritatibus fuscè jam propugnata, ratione theologica illustrandam aggredimur.

Animæ in Purgatorio existentes sunt cum ceteris Fidelibus viventibus unitæ per fidem & charitatem = *Neque enim* (ut inquit D. Augustinus in *lib. 12. de Civitat. Dei*) *piorum animæ Defunctorum ab Ecclesiæ separantur, quæ est Regnum Christi* = Unio autem fidei, & charitatis

ne-

nequit non esse communicationis extremorum fundamentum; membra siquidem ejusdem corporis debent nedom cum capite, sed etiam ad invicem communicationem habere. Itaque quemadmodum ob eandem unionem inter Fideles viventes, unus potest pro alio preces propriasque satisfactiones offerre, eundemque ab onere luendæ poenæ temporalis eximere, ita poterunt hujusmodi charitatis & miserationis officia viventes pro Defunctis exhibere. Quod optime declarat Glossa in Cap. *Eccle charitas de Consecr. dist. 15. super illud psalmi: Particeps ego sum omnium timentium te & custodientium mandata tua*, ubi dicitur = *Membrum particeps est totius corporis; nec enim nobiscum minus conjuncti sunt Defuncti quam vivi. Communio autem charitatis facit, ut nostra opera illis apud Deum proficiant, non minus quam vivis, præsertim cum sint in majori necessitate constituti*.

Neque audiendi sunt Willelmus Parisiensis & Henricus Vici, qui quanquam admisserint, animas in Purgatorio detentas vi ventium suffragiis adjuvari; asserere tamen non dubitarunt, non esse tali modo juvandas, tum ne detur locus ibi Divinæ Justitiæ, tum ne fratrium illud peccatorum, ac licentiæ retinaculum auferatur, quod nobis ingerit Purgatorii metus. Et professum si eorum assertum scopum veritatis attingeret, rejicienda esset Ecclesiæ Praxis, quæ tam in veteri Testamento, quam in novo a Christo & Apostolis saluberrimis legibus edocta, summo semper studio pro Defunctis suffragia exhibere consuevit: silentium oporteret indici Conciliis ac Patribus, quorum auctoritates nuper expendimus, quia dum Missæ Sacrificium, jejunia, orationes, aliæque pia opera pro Defunctis indefinenter commendant, ad ea peragenda superstitibus vehementer alliciunt.

Hinc merito opinionem Parisiensis & Vici Theophilus Raynaudus in *Etheroclyt. spirit. Cælest. Terrestr. & Inferor. sect. 1.* aliis solidissimis rationum momentis impugnat, eamque omnino rejiciendam esse scribit: ac insuper advertit, verum ejus primum authorem atque parentem Satanam esse dicendum, qui hæc animas odio prosequens, cælestis Aulae Sedes, a quibus ipse delapsus fuerat, quantocius occupaturas: cum nequeat illis amplius suis

malis artibus nocere, neque claram Dei visionem, quam expectant, eripere, omnem movet lapidem, ut saltem amotis viventium suffragiis supernæ beatitudinis merces eis differatur. Quod sane consilio, eundem Satanam Heterodoxos, qui Catholicæ de Purgatorio veritati aperta fronte restiterunt, produxisse, scribit Petrus Chuniacensis. Verum his Ecclesiasticæ Censuræ muctone contritis, in aliorum Fidelium animos vulpino genio, hoc nititur obducere velum: ut melius judicent, nullo præstito adjutorio, Defunctos exolvere poenas, quas Divina Justitia in Purgatorio ob anteaactæ vitæ reatus exposcit in vindictam, quam illos suffragiis adjuvare: ut ita Purgatorii timor sit peccandi fratrium & licentiæ retinaculum.

Solvuntur argumenta, quibus Heterodoxi probare nituntur, Defunctos non juvari viventium suffragiis.

Objicies 1.^o Plura Sacræ Scripturæ loca nos edocent, Defunctorum animas suffragiorum fructum non experiri. *Ecclesiasticis 9. v. 5.* habetur = *Viventes enim sciunt se esse morituros, mortui vero nihil novērunt amplius, nec habent ultra mercedem, quia oblivioni tradita est memoria eorum* = Et versu 10. = *Quodcumque potest facere manus tua, instanter operare, quia nec opus nec ratio, nec sapientia erunt apud Inferos, quo tu properas* = ubi innuitur, peccata neque quantum ad poenam in futuro seculo posse expiari.

Resp. 1.^o ibi fieri sermonem de mercede, quæ in præsentī vita potest obtineri a viventibus, in lucris aliisque bonis terrenalibus: non vero de alia, quam hic bene agendo iusti, in futuro seculo sibi conferendam meruerunt. Porro hunc esse legitimam eorum verborum expositionem, patet ex illis verbis = *Vade ergo & comedere panem tuum in letitia*.

Resp. 2.^o Ecclesiasticæ minime velle, Defunctorum animas non esse iu statu percipiendi commodum ex viventium suffragiis, ut perperam interpretantur Heterodoxi, sed duntaxat non esse amplius in statu merendi vel demerendi; præsens enim vita viæ ac stadio decurrendo comparatur, quo emenso, non datur tempus vel locus ad merendum: unde D. Hieronymus

mus Eccl. eliassem ita loquentem exponens ait = *Viventes vincti mortui possunt bona opera perpetrare, mortui vero nihil valent ad id adhibere, quod semel secum tulerunt de vita . . . nec iuste quippe possunt agere, nec peccare, nec virtutes adhibere nec vitia.*

Objicies 2.^o id quod habetur ex D. Paulo 2. ad Corin. cap. 5. v. 10. = *Omnes nos manifestari oportet ante Tribunal Christi, ut referat unusquisque propria corporis, prout gessit, sive bonum sive malum* = Si vero viventium suffragia Defunctis prodesse, non referret unusquisque in Purgatorio aliorum suffragiis adjutus ea, quæ gessit in corpore, sed ea, quæ alii gesserunt. Idem confirmat dictum ejusdem Apostoli ad Galat. 6. = *Unusquisque onus suum portabit* = quod ita D. Hieronymus exponit = *Obscure licet docemur per hanc sententiam novum dogma, quod latita: dum in presenti seculo suus, sive orationibus sive consiliis invicem posse nos adjuvari. Cum autem ante Tribunal Christi venerimus, non Job, non Daniel, nec Noe rogare posse pro quoquam, sed unusquisque portare onus suum* = Antiquæ itaque Defunctorum ante Christum Judicem constituendæ non sunt in statu recipiendi opem ex viventium suffragiis.

Resp. 1.^o Apostolum in utraque autoritate, necnon D. Hieronymum loqui de ultimo & universali Judicio, solumque asserere, in eo nos non posse inutur charitatis officium experiri: nec tunc viros etiam eximia sanctitate præditos posse aliis prodesse, ut a statu peccati, in quo decesserunt, ad statum gratiæ vel gloriæ resurgant. Idque esse Hieronymi mentem, ejusmet verba, quæ in objectione recitata sunt, apertissime declarant, quibus addæ hæc immo præcedentia = *Videtur Apostolus superioribus contraire, ubi ait: Alter alterius onera portate. Si enim onus suum unusquisque portabit, alter alterius onera portare non poterit. Sed videndum quod ibi præcepit, ut peccantes in hac vita nos invicem sustentemus, & in presenti seculo alterutrum auxilio sumus: hic autem de Domini dicat in nos iudicio, quod non ex alterius peccato & comparatione deterioris, sed juxta nostrum opus, aut*

peccatores ab eo judicemur aut Sancti, recipientes unoquoque secundum opus suum. Obscure licet docemur per hanc sententiam &c. = Hoc tamen non obstat, quominus Defuncti, antequam ad Christi Tribunal sistantur ultimam sententiam audituri, elemosynis aliisque piis operibus in Purgatorio existentibus adjuventur.

Resp. 2.^o etiam supposita Catholica veritate de suffragiorum utilitate pro Defunctorum animabus, adhuc verum esse, unumquemque referre ea, quæ gessit in corpore, quia adjutorium illud, quod in Purgatorio iusti experientur, in hoc seculo bene vivendo sibi comparaverunt. Et hoc statui charitatis coheret, in quo iusti decesserunt, ut ex unione cum aliis in eodem statu viventibus ac Christo Capiti adherentibus illorum suffragiis a penis sublevarentur = *Hic omne meritum* (inquit D. Augustinus in *Enchirid.* cap. 110.) *comparatur, quæ possit post hanc vitam relevari quispian vel gravari. Nemo autem se speret, quod hic neglexerit, cum obierit, apud Deum promereri. Non igitur ista quæ pro Defunctis commendantur frequentat Ecclesia, illi Apostolice sunt adversa sententia, quæ dictum est: Omnes enim adstabimus ante Tribunal Christi, ut referat unusquisque secundum ea quæ per corpus gessit, sive bonum sive malum; quia etiam hoc meritum sibi quisque, cum in corpore vivet, comparavit, ut ei possent ista prodesse. Non enim omnibus prosunt. Et quare non omnibus prosunt, nisi propter differentiam vite?* = Idem meritum agnoscit D. Gregorius Magnus *Lib. 4. Dialogor. cap. 39.* = *Quia qualis, inquit, hinc egreditur quisque, talis in Judicio presentatur. Sed tamen de quibusdam rebus culpit esse ante Judicium purgatorium ignis credendus est. . . . Hoc tamen sciendum est, quia illis saltem de minimis nihil quisque purgationis obtinebit, nisi bonis actibus in hac vita positis, ut illic obtineat, promeretur.*

Objicies 3.^o Ex Sanctis Patribus colligitur non dari locum Purgatorii, in quo culpæ remissio necnon aliqua consolatio aliorum adjutorio percipiatur; ait enim S. Joannes Chrysostomus *Conc. 2. de Lazaro* = *Cum hinc discesserimus, non est in nobis sicut pantere, neque commissæ dilue-*

re; neque enim qui in praesenti vita peccata non diluerunt, postea consolationem aliquam recepturi sunt = Idem docet D. Ambrosius lib. de Bono Mortis c. 2. ubi ait = *Qui enim hic non accepit remissionem, peccatorum, illis non erit, nimirum in Patria Beatorum.*

Resp. D. Chrysostomi locum exponendum esse de culpis lethaliibus, non veto de venialibus. Nec aliter potest sentire D. Jo. Chrysostomus, qui Homilia 32.^a in Math. suffragia pro Defunctis fieri commendat, ut a maculis in hoc saeculo contractis purgentur = *Si barbare gentes, inquit, una cum defunctis res eorum cremare solent, quanto equius tu defuncto filio tua tradere debes, non ut in cinerem redigantur, sed ut gloriosum magis illum reddas. Putas eum maculis inquinatum abuisse, da ipsi sua, ut illis se a maculis detergat = Eodem modo intelligendus est D. Ambrosius.*

Obijcies 4. Ex precibus & Sacrificiis, quae Deo pro Defunctis offeruntur, perperam inferunt, Defunctorum animas in Purgatorio viventium suffragiis adjuvari 1.^o quia in antiquis Liturgiis, & apud Sanctos Patres habetur, Deo preces offerri & Sacrificia pro Patriarchis, Prophetis, Apostolis ceterisque Sanctis, quos clara Dei Visioe perfrui in Patria minime diffitemur, proindeque certum est, eos suffragiorum non indigere, cum ab omni genere mali tum culpae tum poenae sint immunes. 2.^o In Ecclesia preces funduntur pro animabus, quae gehennalibus torquentur suppliciis. Oratur enim in Ecclesia, ut Deus liberet animas omnium Fidelium Defunctorum de penis inferni, & de profundo lacu: ut liberet eas de ore leonis, ne absorbeat eas tartarus, ne cadant in obstruunt = & tamen fide Divina credimus eorum poenas nec finire, nec minui. Quanquam ergo preces & oblationes hiant pro animabus in Purgatorio degentibus, non recte inde arguitur, viventium suffragia pro Defunctis in Purgatorio existentibus prodesse.

Resp. ad 1.^o Sacrificium Missae pro Sanctis offerri, quatenus Eucharisticum, non quatenus propitiatorium, ac per consequens non ut pro illis aliquid impetremus, sed ut pro illis Deo gratias referamus acceptas; unde S. Augustinus Serm. 17. de Verbis Apost. = *Ideo, ait, habet Ecclesiae disciplina, quod Fideles noverunt, cum Mar-*

tyres eo loco recitantur ad Altare Dei, ubi non pro ipsis uretur, pro ceteris autem commemoratis Defunctis oratur; injuria est enim orare pro Martyre, cuius nos debemus orationibus commendare = & Innoc. III. in Cap. eum Marthe de Celebratione Missarum inquit = *Fraternitas tua requisivit, quare fuerit mutatum, quod in Secreta Beati Leonis secundum antiquiores codices continetur, sic videlicet: Annue nobis Domine, ut animae famuli tui Leonis haec profici oblatio; cum in modernis Sacramentalibus habeatur: Annue nobis quesumus Domine, ut intercessione B. Leonis haec nobis profici oblatio? Super quo respondemus, quod cum Sacra Scriptura dicat autoritas: Quod injuriam facit Martyri, qui orat pro Martyre, idem est ratione consilii de Sanctis aliis sentiendum, quia orationibus nostris non indigent, pro eo, quod cum sint perfecti beati, omnia eis ad vota succedunt; sed nos potius orationibus eorum indigemus, quos, cum miseri simus, undique mala nostra perturbant. Unde quod in plebisque orationibus continetur, profici vel proficiat huic Sancto vel illi talis oblatio ad gloriam & honorem, ita debet intelligi, ut ad hoc profici, quod magis ac magis a Fidelibus glorificetur in terris = Ad 2.^o dicimus, ea verba ab Ecclesia in Missa Defunctorum adhibita non continere orationem, qua petat Defunctorum animas a damnationis Iudicio, vel Inferni poenis liberari, sed ordinari ad obtinendam pro ipsis suppliciorum, quae in Purgatorio subeunt, vel diminutionem vel integram remissionem; continent enim plam quandam representationem status earum animarum, pro instanti, quo a vinculis corporeis absolutae, Dei interfunt iudicio particulari, ideoque preces exhibentur, quae in tali discrimine hiant, ac fieri debent. Nec praedictam representationem dixeris otiosam; quia plura continet utilia, & prodeunt inde optimi fructus: admonentur enim Fideles ad summum illud periculum mortis & iudicii serio recogitandum, ut cuncta visibilia contemnant, & ad aeterna iugiter aspirent: fidei atque Religionis actus exercentur, cum ea oratio fiat in Cultum Dei, quem supremum animarum Iudicem agnoscimus, qui cum sit maxime misericors, potest ani-*

mas in Purgatorio detentas media Fidelium obsecratione liberare : tandem cum dicti actus satisfactorii sint, ad animarum Purgatorii liberationem, vel solatium diriguntur. Sic Ecclesia celebrans Christi Adventum, in memoriam revocat tempus illud, quo huiusmodi Mysterium nondum erat impletum, sed a Sanctis Patribus pie expectabatur, non quia de Mysterii consummatione certa non sit, sed ut Fideles spirituales fructus ex eo percipiant, ita recolit, ac li nunc esset implendum. Eo tendunt preces illæ, quæ tempore Adventus sunt = *Rorate Cæli desuper, & nubes pluant Iustum, aperiatur terra, & germinet Salvatorem* = Quod dicendum est pariter de aliis mysteriis Christi ab Ecclesia celebratis; unde D. Augustinus de Paschatis celebratione loquens in *Epist. 23. ad Bonifac. Episcopum* ait = *Sepe ita loquimur, ut Pascha propinquante, dicamus crastinam, vel perendinam Domini passionem, cum ille ante tam multos annos passus sit, nec omnino nisi semel illa passio facta sit, nempe ipso die Dominico dicimus: Hodie Dominus resurrexit, cum ex quo resurrexit, tot anni transferunt. Cur nemo tam ineptus est, ut nos ita loquentes arguat esse mentitos? nisi quia istos dies secundum illorum, quibus hæc gesta sunt, similitudinem nuncupamus, ut dicatur ipse dies, qui non est ipse, sed revolutione temporis similis ejus: & dicatur illo die fieri, propter Sacramenti celebrationem, quod non illo die sed jam olim factum est. Nonne semel immolatus est Christus in seipso? & tamen in Sacramento, non solum, per omnes Paschæ Solemnitates, sed omni die populis immolatur: nec utique mentitur, qui interrogatus responderit immolari.*

Alia argumenta, quæ aut reatum poenæ temporalis expleta justificatione nunquam superare, aut satisfactionis necessitatem, ac per consequens indirecte suffragiorum utilitatem pro Defunctis impugnant, habes soluta supra *cap. 1. art. 1. dub. 1.*

ARTICULUS II.

An Indulgentiæ profunt Defunctis?

Hostiensis in *Summa Titul. de Remissionib. cap. 6.* negat mediis Indulgentiis posse adjuvari Defunctos = *Sed & vivis, inquit, tantum profunt Indulgentiæ, non mortuis, sicut enim membrum corporale putridum, vel refectum vel mortuum non potest nutriri, vel vivificari cibo corporali, licet alias Suffragia Ecclesiæ mortuis profint; quia caritas sola prodest in Purgatorio, sed potestas Clavium non habet ibi locum.*

Hostienti subseribit Joannes Gerson, *serm. 2. pro Defunctis*; veniendum enim sibi proponens dubium: An Indulgentiæ acquiri possint pro Defunctis = *Teneo, inquit, quod non, quia indulgentiæ ordinate sunt iis, qui submittunt se Curie misericordie, quæ hic est, & durat usque ad mortem, non autem post mortem* = Idem docuit Henricus de Gorichen in *Summ. D. Thom. qu. 20.*

Conclusio nostra sit: Indulgentiæ pro sunt Defunctis. Hæc Conclusio tanta pollet certitudine nunc apud Catholicos, ut contrarium asserere errori proximum sit.

Prob. 1.^o ex Constitutione Sixti IV. cujus initium est *Licet ea*, recitata in *Dissert. Proœmial. §. 7. n. XVIII.* quæ hæc propositio Petri Oxomenis proscribitur = *Romanum Pontificem Purgatorii poenam remittere, & super his, quæ universalis Ecclesiæ statuit, dispensare non posse* = Nequit autem Romanus Pontifex eam poenam Defunctis relaxare, nisi utendo potestate Clavium per Indulgentiarum largitionem. Insuper Pontifex laudatus in Constitutione incipiente *Romani Pontificis*, edita 5. Calendas Decembris anno MCCCCLXXVII. declaravit = quod *Indulgentia alias Ecclesiæ Xantomeni concessa ... perinde proficeret, ac si devotionis pieque elemosynæ pro eorundem animarum existentium in Purgatorio salute dicerentur & offerrentur* = Ergo Indulgentiæ profunt Defunctis.

Prob. 2.^o ex Literis Decretalibus Leonis

n^o 11

pis X. ad Cardinalem Cajetanum allatis in *Dissert. Proæmial.* §. 7. n. XIX. ubi habetur = *Ecclesiam Romanam tradidisse, Romanum Pontificem potestate, Clavium pro rationalibus causis concedere Christianis fidelibus, qui charitate jungente membra sunt Christi, sive in hac vita sint, sive in Purgatorio, Indulgentias ex superabundantia meritorum Christi & Sanctorum, & tam pro vivos quam pro Defunctis Apostolica auctoritate Indulgentiam concedendo, Thesaurum meritorum Jesu Christi & Sanctorum dispensare, & per modum absolutionis Indulgentiam ipsam conferre, vel per modum suffragii illam transferre consuevisse: ac propterea omnes tam vivos, quam Defunctos, qui veraciter omnes Indulgentias hujusmodi consecuti fuerint, a tanta temporali pena secundum Divinam justitiam pro peccatis suis actualibus debito liberari, quanta concessæ & acquisitæ Indulgentiæ equivalet &c.* = Si ergo ex mente Pontificis laudati Indulgentia poenæ in Purgatorio luendæ ita correspondet, ut tantum de hac Defunctis relaxetur, quantum de illa comparatur, fateri necesse est, Indulgentias utique Defunctis prodesse. Et ideo ab ipso met Leone Pontifice damnatam novimus hanc Lutheri propositionem Constitutione incipiente: *Exurge Domine, recitata in sepe allegata Dissertation. Proæmial.* §. 7. n. XX. = *Sex hominum generibus Indulgentiæ non sunt necessariæ nec utiles, videlicet Mortuis &c.*

Prob. 3.^o ex praxi Ecclesiæ. Joannes VIII. in *Epistola 144. ad Gallia Episcopos.* data anno DCCCLXXVIII., recitata a Baronio ad dictum annum, declarat, Christiani fideles in bello pro Ecclesiæ defensione suscepto, in statu pietatis vita functos nedum requiem æternæ vitæ assecuturos, sed etiam se illis Indulgentiam elargiri = *Nostri* (sunt verba Epistolæ laudatæ) *prestitis mediocritate intercessione Beati Petri Apostoli, cuius potestas ligandi atque solvendi est in Cælo & in terra, quantum fas est, absolvimus, præbimusque in Domino commendamus.*

Non dissimilem gratiam pro Arnulpho Imperatore Defuncto anno DCCCXCIX. Bojarie Episcopos a Joanne IX. postulassem, reperies apud Metropolitanum Salisburgensem *lib. 1.^o pag. 47.* his verbis = *ut ipsius*

Imperatoris anima absolutur = Aliud hujusmodi Pontificiæ liberalitatis exemplum exhibuit Gelasius II., ritu solemniter consecrata Januæ Sanctorum Laurentii & Syri Ecclesiæ, paulo ante edificata, erga Fideles Defunctos tum ibi tumulatos, tum in posterum in dictæ Ecclesiæ Cœmeterio tumulandos; ut plenam fidem faciat perantiqua tabulæ inscriptio in dictæ Ecclesiæ Sacratio servata, quam refert Oldoinus in *Vit. Romanor. Pontific.* in Gelasio II. his verbis exaratam = *Sexto Idus Octobris anno Domini Incarnationis MCXVIII. Indictione 12. Dedicatio Ecclesiæ Beatissimi Laurentii, atque Sanctissimi Syri Januensis Episcopi, quæ consecrata fuit a Domino Gelasio, primo anno Episcopatus sui cum pluribus Episcopis &c. In qua consecratione, laude omnium virorum Religiosorum fecit remissionem cunctorum peccatorum, ex parte Dei Omnipotentis, Beateque Dei Genitricis Mariæ, & omnium Sanctorum & suar, in quantum potuit, omnibus Defunctis masculis & feminis, qui mortui sunt in vera Confessione, & sunt sepulti in Cœmeterio ejusdem Ecclesiæ, & sepelientur usque ad finem sæculi.*

In ejusdem praxis fidem locum habere debent Pontificiæ largitiones, quæ pro Sacris Expeditionibus in Syriam ad loca illa sancta ex Infidelium manibus vindicanda, vel contra Schismaticos & Hæreticos quandoque despondebantur; etenim summi Pontifices, ut libenter Fideles, vel dictas Expeditiones amplecterentur, vel stipem aliquam pro Crucignatorum subsidio tribuerent, uberes dederunt Indulgentias pro Defunctis. Hanc praxim his verbis describit D. Thomas in *4. dist. 45. quæst. 2. artic. 3.* = *Per consuetudinem Ecclesiæ, quæ facit predicari Crucem, ut aliqui habeant Indulgentiam pro se & duobus vel tribus, & quandoque decem animabus tam vivorum, quam mortuorum.*

Ut tamen intelligas, nedum pro sacris Expeditionibus, sed etiam aliorum piorum operum intuitu pro Defunctis celestem Ecclesiæ Thesaurum mediis Indulgentiarum concessionibus summos Pontifices aperuisse, observare non pigeat, quod refert Mabillonius in *Prefatione ad Acta Sanctorum. Ordin. Benedicti sæculo V.* Ex Epi-

Epistone foundationis Abbatiæ S. Nicolai Andeg. iuentis, in eiusdem Monasterii Archivio exiliente = *Urbanus III. circa an. 1186. benemerentibus de eadem Abbacia, tum in vita, quam post eorum mortem septimam de inuictis penitentis partem relaxasse, prout Archiepiscopus Turonensis, & quomplures alii inibi presentes Episcopi singuli 40. dies condonauerunt* = Huiusmodi vero concessionem exo D. Thomæ Aquinatis vixisse, testatur S. Doctor *Articulo mox citato quæstione. 2. = Si autem Indulgentia sub hac forma fiat: Quicumque fecerit hoc vel illud, ipse & pater ejus, vel quicumque ei adjunctus in Purgatorio detentus, tantum de Indulgentia habebit, talis Indulgentia non solum vivo, sed etiam mortuo proderit* = Frequentiora reperiuntur apud Scriptores Sæculo XIV., & XV. Pontificia huiusmodi Indulgentiarum edita Diplomata. Extant Callisti III. Literæ pro Ecclesia Tyrasonensi in Hispania, Pii II. & Sixti IV. pro Ecclesia Xantonensi cum facultate applicandi eas pro Defunctis. Has vero concessionem, necnon supralaudatam Sixti IV. declarationem tanti fecit Gabriel Wyel, ut, licet in *Expos. Missæ Lect. 36.* docuisset, Indulgentias minime Defunctis prodesse, neque de Ecclesiæ consuetudine ejusmodi suffragia concedendi constare, cito tamen *Lect. 57.* id apertissimis his verbis retraxerit = *In Lectione 36. dixi, non constare de consuetudine illa Ecclesiæ. Dum illa scripsi, nondum venerat ad manus meas Declaratio D. Sixti Papæ novissime de medio sublata, qua declarat: Indulgentias proficere per modum suffragii etiam animabus in Purgatorio. Hinc & modernus Pontifex D. Innocentius VIII. Indulgentias huiusmodi olim per Pium II. & Sixtum præfatum visitantibus Ecclesiam Xantonensem, & fabricæ ejus contribuentibus ad animas in Purgatorio redimendas per modum suffragii extensas, etiam ad contribuentes ad S. Cruciatam contra Turcas extendit. Similiter Callistus Papa tales Indulgentias dedit in Hispania Ecclesiæ Tyrasonensi. Et hanc sententiam, prodesse Defunctis Indulgentias per modum suffragii, velut certam, amplecti debere, existimo* = jubileum insuper anni MD. cum eadem facultate ab Alexandro VI. indictum fuis-

se, perspicue demonstrat Bulla ejusdem, edita anno MCCCCXCIX. recitata a Raynaldo ad dictum annum: idemque Clementem VII. anno MDXXV. recurrente præstitisse, tradit Victorelus *Tract. de Jubileis* pagina michi 346. Mirum insuper est, quantum earundem Indulgentiarum usus sæculo XVI. invaluerit. Leo enim X. facultatem fecit Patribus Ordinis Minorum Sancti Francisci cunctas Indulgentias, antea eis concessas pro viventibus, applicandi pro Defunctis sicut Sixtus V. idem dedit indultum Confratribus, Cordigeris nuncupatis, Bulla cujus initium est *Divina Charitatis*, edita anno MDLXXXVI. Altaria Privilegiata plurima Gregorium XIII. concessisse, nemo est qui dubitet. Superiori autem, & præfenti quo vivimus Sæculo, quam benignissime se gererit, ac se gerat Sedes Apostolica in dispensandis huiusmodi thesauris pro Defunctis, adeo clarum est, ut supervacaneum sit, concessionem live generales live particulares recensere. Itaque ne dicamus vel Ecclesiam decipi, vel Christianos decipere in despondendis Indulgentiis pro Defunctis, asserendum est eas iisdem prodesse.

Dices ad probandum Indulgentias prodesse Defunctis ex praxi Ecclesiæ, oportet ostendere, eandem primis Sæculis exercuisse potestatem impendendi huiusmodi suffragia Defunctis. Porro ante sæculum IX. non probatur, Ecclesiam consuevisse concedere dictas Indulgentias. Corruit igitur argumentum allatum ex Ecclesiæ praxi deductum.

Resp., ex quo constat a Sæculo IX. ad hæc tempora usus Indulgentiarum pro Defunctis, optime evinci, eum esse legitimum; impossibile quippe est, in re morali atque gravissima Ecclesiam errasse, ac Fidelibus errandi occasionem præbuisse. Quamobrem etiam dato ante Sæculum IX. hanc potestatem minime exercuisse, non evertitur hoc notum Catholica Conclusionis fundamentum; cum enim potestas Clavium varios actus complectatur, opus non est eos omnes primis Sæculis, sed satis est decursu temporum exercuisse, prout expedire iudicavit.

Prob. 4.^o Viventium orationes alique pia exercitia pro Defunctis oblata eis profunt, ut constat ex dictis in *Artic. antec.*

Potiori ergo ratione idem præstant satisfactionem Christi & Sanctorum per Indulgentiarum concessionem eisdem applicatæ. Maxime quia charitatis vinculum inter viuentes & Defunctos a participatione Theſauri Ecclesiæ eos excludi non patitur, ut testatur D. Bonaventura in 4. dist. 20. q. 5.

Objicies 1^o. Nullibi legitur in Sacra Scriptura, Defunctorum animas ex Indulgentiarum concessionibus fructum percipere. Deficiente autem fundamento ex Sacra Scriptura, non videtur certo aliquid esse statuendum, ad eorum solatium. Ergo certum non est Indulgentias prodesse Defunctis.

Resp. non haberi explicate & expresse in Sacra Scriptura nostram Conclusionem, bene vero implicite & virtualiter; quandoquidem si 2^o. *Machabæor.* miserationis officium mediis suffragiis impensum Defunctis commendatur: pari ratione idem dicendum erit de Indulgentiis, quæ ex Christi meritis, ac superabundantibus Sanctorum satisfactionibus per Clavium potestatem ex Ecclesiæ Theſauro applicantur.

Objicies 2^o. Indulgentiarum potestas, de qua Matthæi 16. habetur = *Quotcumque solaveris super terram erit solutum & in Cælis* = ita legitime debet exponi, quod ea pro degentibus super terram sit collata, seu pro illis, qui nobiscum conversantur: voluitque Christus potius definire, atque limitare terminos collatæ potestatis, quam extendere; eo modo quo Rex, Provinciæ gubernium alteri commissurus, diceret: *quidquid egeris in Provincia tuo regimini commendata, ratum ac validum erit*. Cum ergo super terram non vivant animæ Defunctorum, nequeunt Indulgentiarum fructu gaudere.

Resp. verum esse, potestatem, de qua ibi expresse loquitur Christus, ita esse exponendam; sed tamen optime ex ea colligi, (ut dicemus Articulo sequenti) eandem extendi posse ad Defunctos. Maxime quia id evincit Ecclesiæ traditio, confirmataque suffragii natura.

Objicies 3^o. Defuncti non sunt capaces Indulgentiarum, tum quia nequeunt externis operibus vacare, quæ in Dei honorem & Ecclesiæ utilitatem redundant: tum quia non sunt sub Ecclesiæ jurisdictione. Unde Henricus de Gorichen loco supradictato inquit = *Ex quibus patet, quod*

Indulgentiæ non possunt dispensari existentibus in Purgatorio, tum quia non possunt provocari ad aliquem actum, tum quia non sunt de jurisdictione Ecclesiæ. Tamen potest quis suam satisfactionem transferre ex charitate in relaxationem penæ ibidem existentium; unde Papa non potest liberare animas existentes in Purgatorio propter dispensationem Indulgentiarum = Ergo Indulgentiæ non prosunt Defunctis.

Resp. ad hoc ut locum habeat nostra Conclusio, non requiri Defunctos implere opera in concessionibus injuncta; sed satis esse ea viuentes peragere cum intentione percipiendi Indulgentiam pro Defunctis. Quæ vero ad hoc Ecclesiæ jurisdictio requiratur, constabit ex dicendis.

ARTICULUS III.

An Indulgentiæ concessæ pro Defunctis sint ad modum absolutionis, vel ad modum suffragii?

Contentendunt Joannes Angeli, quem refert Major in 4. dist. 20. *quest. 2.*, & Michael Medina *disp. 7. cap. 34. & disp. 8. cap. 40. de Indulg.* animas Defunctorum ad Summi Pontificis jurisdictionem pertinere: adeoque Indulgentias pro illis datas habere vim absolutionis. Eandem jurisdictionem supra Defunctorum animas admittit D. Bonaventura in 2. *part. dist. 20. quest. 2. in fine* = *Si quis, ait, contendat, Vicarium Jesu Christi habere judicariam potestatem super eos, qui sunt in Purgatorio, non est ei multum resistendum; dum tamen hoc dicet ratio, vel auctoritas manifesta*.

Nostra tamen Conclusio sit. Indulgentia non prodest Defunctis ad modum absolutionis, sed ad modum suffragii.

Prob. prima pars. Ecclesia nullo potest uti actu jurisdictionis in Defunctos; quia non potest eos citare, aut illorum causas cognoscere, eos pascere, aut ad obediendum cogere, cum nequeant a Summo Pontifice doctrinam, Sacramenta, leges aut jura recipere; ideoque Gelasius Papa, ut habetur *causa 24. quest. 2. Cap. 1.*

Legatur = Mortui suscitasse Christum legimus, in errore mortui absoluisse non legimus, & qui certe hoc faciendi solus habuit potestatem, Beato Petro principaliter mandat Apostolo: Quae ligaveris super terram ligata erunt & in Caelis: & quae solveris super terram, erunt soluta & in Caelis. Super terram inquit, nam in hac legatione Defunctum nusquam dixit absolvi = Et eadem Quæst. Cap. Neguissimum idem Pontifex dicit = Achatius in hac eadem persilens damnatione Defunctus absolutionem, quam superstes quaesivit, omnino non meruit. Mortuus jam non potest impetrare; siquidem ipsi Apostoli Christi voce delegatum est: Quae ligaveritis super terram &c. Ceterum jam de eo, qui est in Divino Jadicio constitutus, nobis fas non est aliud decernere = Cum vero Indulgentia per modum absolutionis sit actus jurisdictionis in illum, cui conceditur, sequitur Indulgentiam Defunctis non prodesse per modum absolutionis.

Prob. altera pars Conclusionis 1.^o ex Constitutione Leonis X. ad Cardinalem Cajetanum ubi habetur = *Apostolica auctoritate Thesaurum Jesu Christi & Sanctorum dispensando, & per modum absolutionis ipsam concedendo, vel per modum suffragii illam transferendo* = Ubi ut vides, declaratur, quomodo per modum absolutionis profuit vivis Indulgentia, per modum vero suffragii Defunctis. Item ex alia supracitata Xistii IV. incipiente *Romani Pontificis* edita 5. Cal. Decembris occasione Indulgentiae Ecclesiae Xantonensis concessae, ut occurreret abusibus, falsisque interpretationibus nonnullorum Doctorum asserentium, ratione talis Indulgentiae non esse opus pro animabus Defunctorum orare, aut facere pia suffragia, dicitur = *Non scandalis & erroribus injusmodi ex pastoralis officio obviare volentes, per Brevia nostra ad illarum, partium Prelatos scripsimus, ut Christianis fidelibus declarent: ipsam Plenam Indulgentiam pro animabus existentibus in Purgatorio per modum suffragii fuisse concessam; non ut per Indulgentiam per adiectionem Christi fideles ipsi a pitiis & bonis operibus revocentur, sed ut illa in modum suffragii animarum salutem prodesse, perindeque ea Indulgentia pro-*

ficeret, ac si devotae Orationes plaeque elemosynae, pro earundem animarum salute dicerentur & offerrentur.

Prob. 2.^o Indulgentiae aut profunt Defunctis ad modum absolutionis, aut per modum suffragii. Non ad modum absolutionis, ut probavimus. Ergo per modum suffragii, seu Ecclesiastici subsidii: eo modo quo viventes per pia opera subveniunt vel vivis, vel Defunctis. Duo afferimus exempla ad hunc modum magis explicandum. 1.^m Regis habentis subsidium, in alterius captivitate constitutum, pro quo si satisfactionem offerret, illum diceretur liberare, non abolendo, sed suffragando. 2.^m Amici, ob debitum ab alio amico contractum centum scutorum, & ob id in carcere detento, totidem illi ex publico thesauro exolveritis, qui certe illum a carceris poena liberaret; ideoque aliter hoc beneficium proveniret a iudice, aliter ab amico: ab illo, quia vi jurisdictionis absolvit, ab isto quia pretium obtulit liberationis. Ita Summus Pontifex viventibus dans Indulgentiam, vi suae potestatis & jurisdictionis a poena temporali eos absolvit; eandem vero largiens Defunctis, dat per modum adjutorii & auxilii, Deo offerendo, quod illi solvere tenebantur.

Ex dictis colliges 1.^o merito (ut refert Major in 4. dist. 10. quaest. 2.) Facultatem Paritensem sequentem Joannis Angeli propositionem tanquam scandalosam reprobasse, ac per consequens nullatenus publice praedicandam = *Anime in Purgatorio detentae sunt de Jurisdictione Papae.*

2.^o Quod quanquam in quibusdam antiquis Indulgentiarum concessionibus pro Defunctis (ut vidimus in *Artic. anteced.*) Summi Pontifices verbum illud *absolvimus* adhibuerint, noluisse tamen vere & proprie absolutionem a poenis temporalibus Defunctis impendere, vel supra eisdem potestatem jurisdictionis exercere: sed duntaxat solutionem ex Ecclesiae Thesauro praestitam pro Defunctis significare, ut ea mediante, a poenis, quibus in Purgatorio torquentur, absolutionem recipere.

3.^o Indulgentias viventibus solum concessas applicari non posse pro Defunctis, contra Gobat, qui *part. 2. cap. 21. inquit* = *Nullum plane inconvenientem apparet in hac precativa auctoritate Clementissimae Deutro-*

gote

go te, at, illam Indulgentiam Plenariam, quam cras in die Portiuncula comparare studebo, digneris admittere, potius pro explandis Parentis mei defuncti peccatis = Ceterum nemo non dixerit inconveniens, absolutionem a poenis temporalibus, solis viventibus impensam posse ad Defunctos transferri, ut docent alii Theologi. Et ideo suam sententiam, quam loco citato Doctor laudatus exposuerat, in Appendice postea scribens censuit, non esse tam probabilem, sicut eam antea existimaverat = *Legisti, inquit, Lector, quid ab hinc annis plusquam viginti censuerim de questione proposita. Si autem querat, quid etiam nunc judicem? Respondebo, eam responsionem jam non videri mihi tam probabilem, quam antea videbatur, idque ob solam auctoritatem contrariam, siquidem reperio tres Doctores, qui me citato non probant illam doctrinam.*

Obijcies 1.^o contra Conclusionem. Christus omnem judiciariam potestatem contulit Summo Pontifici, suo in terris Vicario, super animas Defunctorum; & hoc coheret Matthæi 16. v. 19. ubi dicitur Petro = *Quodcumque solveris super terram, erit solutum & in Cælis*; sicut ea verba = *Quodcumque ligaveris super terram, erit ligatum & in Cælis* actum important supra personas ligatas; ita alia: *Quodcumque solveris* &c. jurisdictionem exprimit supra personas, pro quibus potest fieri solutio; ideoque Innocentius III. *Cap. A Nobis de sententia Excommunicationis*, inquit = *Non obstat, quod Ecclesie legitur attributa potestas ligandi, atque solvendi homines super terram, tanquam non possit solvere & ligare, sub terra sepultos* = Nihil ergo obstat, quod Indulgentia pro Defunctis concessa habeat rationem absolutionis.

Resp. Christum dedidisse suo in terris Vicario omnem Potestatis plenitudinem, ad sublevandum Fideles tam vivos quam Defunctos ab onere solvendi poenam temporalem peccatis debitam, juxta tamen eorum capacitatem; quapropter quia viventes gaudent subjectione ad Claves Ecclesie, non vero Defuncti, ideoque his nequit Indulgentia concedi per modum absolutionis. Alias illud inconveniens evitari non posset, quod quis a Judice non suo absolutionem

reciperet. Nec jurisdictionis supra Defunctos suaderi potest ex citato *Cap. A Nobis*; quia duplici modo ferri potest Excommunicatio. 1.^o directe & proprie, quandam bonis spiritualibus privando, ut tali poena affectus a contumacia resipiscat: & hoc modo nequeunt puniri Defuncti: non ratione corporis, quia est quid inanimatum, proindeque incapax subjectionis ad Claves Ecclesie: non ratione animæ; est enim hæc pure spiritualis, & Ecclesiæ jurisdictioni, quæ sensibilis est, circa sensibilia duntaxat versatur. Maxime quia, animæ Defunctorum, quæ vel in Purgatorio vel in Coelo degunt, utrobique Deo intimè unitæ per charitatem, nullam habent contumaciam poena medicinali auferendam: vel in Inferno reperiuntur, & in hoc statu sunt omnino incapaces curationis & emendationis. 2.^o ferri potest Excommunicatio indirecte & improprie, prohibendo ne subditi ad aliorum utilitatem impendant pietatis officia, aut cum eis communicent. Et de hac loquitur Innocentius III. in laudato *Cap.* cum dicit, Ecclesiæ posse solvere sepultos, quia talem poenam latam aufert: unde Bellarminus *Lib. 1. de Indulg.* merito dicit = *Excommunicatio, vel absolutio Defunctorum, est potius declaratio sententiæ, quæ ferenda fuisset, si meritum eorum non latuisset, quam nova aliqua poena, quæ ad animas ipsas pertingat* = Nec verum est, laudatum Matthæi textum loqui de potestate concedendi Indulgentias pro Defunctis.

Replicabis. Si laudatus Matthæi textus non loquitur de Summi Pontificis potestate concedendi Indulgentias pro Defunctis, non poterit colligi ex Sacra Scriptura eam vere in Ecclesia reperiri.

Resp. aliud esse ibi non fieri sermonem de tali potestate, aliud esse quod ex ibi dictis ea potestas non colligatur; ex quo enim Petro ejusque Successoribus collata fuerit potestas remittendi viventibus peccata tum quoad culpam media Sacramentali absolutione, tum quoad poenam per Indulgentias, jam elucet fundamentum sufficiens ad asserendum, Summum Pontificem posse Ecclesiæ thesaurum dispensare Fidelibus; ex quo sequitur posse eundem spiritali adjutorio Defunctis subvenire, ut bene notavit Passerinus *qu. 115. n. 906.* his

verbis = *Ad concedendum Indulgentiam per modum suffragii non requiritur specialis potestas, sed hæc venit per consequentiam ex potestate dandi Indulgentias per modum absolutionis.* Nam cum ordo Divinæ Providentiæ velit, ut unus possit adjuvare alium per modum suffragii, concessio semel hoc alio, quod scilicet Pontifici data sit facultas dispensandi Thesaurum Ecclesiæ, consequitur ex connaturalitate talis facultatis, ut possit dispensare hunc Thesaurum, ad suffragandum & adjuvandum animas Purgatorii, quæ fide & charitate cum Ecclesiâ militante conjunctæ sunt. Et sic, ex quo ex eo loco Matth. 16. colligitur, quod Christus Petro concessit, ut dispensando Ecclesiâ Thesaurum possit vivos solvere judicialiter a pena debita in Foro Dei, simul consequenter colligimus, quod possit pro Defunctis hoc facere per modum suffragii. Nam ut habet D. Thomas in 4. dist. 45. qu. 2. art. 3. qu. 2. Non est aliqua ratio, quare Ecclesiâ possit transferre merita communia, quibus Indulgentiæ inniuntur, in vivos, & non in mortuos.

Obijcies 2.^o Indulgentias elargiri Summum Pontificem per modum absolutionis, spectat ad jurisdictionem non contentiosam, sed voluntariam, quæ profecto etiam in Defunctos non subditos a Summo Pontifice potest exerceri; & duplici exemplo probatur. 1.^o Episcopi conferentis beneficium Clerico non subdito. 2.^o Exemplo Principis, qui in delinquentem, ob delictum in suo Territorio perpetratum, potest ferre sententiam, etsi ille alibi migraverit, vel infligendo, vel remittendo poenam.

Resp. exempla adducta non probare, posse exerceri potestatem jurisdictionis supra Defunctos, elargiendo Indulgentias. Non primum, aliud enim est uti potestate jurisdictionis in beneficium collatum: aliud est uti jurisdictione in personam Clerici, cui fit collatio beneficii. Primum verum est; siquidem quilibet bonorum Ecclesiæ communium dispensatio, ex officio Prælati conveniens, est actus jurisdictionis non supra personam, sed supra rem dispensatam. Sic pariter dubium non est, per concessionem Indulgentiæ jurisdictionem exerceri, non supra Defunctos (quod erat necessarium, ut eisdem per modum absolutionis

Indulgentiæ proderet) sed supra Thesaurum Ecclesiæ, ut tradit Cajetanus lib. 1. tract. 16. quest. 6. his verbis = *Conceditur quod Papa non potest autoritative absolvere animas in Purgatorio, sed aliud est absolvere illas autoritative, & aliud est dispensare autoritative Thesaurum Ecclesiæ, ut per modum suffragii absolvantur illæ.* Nec secundum exemplum urget; quia quod delinquentes queant a Principe loci, ubi excessum perpetrarunt, etsi alibi migraverint, vel absolvi vel puniri, provenit ex eo, quod adhuc ad ejus forum pertineant. Ceterum detenti in Purgatorio non sunt amplius de foro Ecclesiæ, proindeque nec ab ea possunt a poenis absolvi.

Quæres 1.^o An requiratur causa legitima ad concessionem Indulgentiæ pro Defunctis per modum suffragii?

Respondemus affirmative = *Non tamen sequitur* (inquit D. Thomas in supplem. 3. part. quest. 71. art. 10. in corp.) *quod Prælati Ecclesiæ possit pro suo arbitrio animas a Purgatorio liberare: quia ad hoc ut Indulgentiæ valeant, requiritur causa conveniens Indulgentias facienda.* Nemo tamen arbitretur pro causa legitima sufficere duntaxat Defunctorum utilitatem, cum ultra hanc alia particularis possit, quæ Dei honorem necnon Ecclesiæ utilitatem concernat, juxta dicta Cap. 4. art. 1. de Indulgentiis vivorum; & declarat Bellarminus his verbis = *Non sufficit pro causa utilitas illarum animarum, vel gloria Dei, quæ redundat ex animarum illarum liberatione; nam si ista sufficerent, Christus ipse pius ac misericors jam omnes animas liberasset.* Itaque requiritur causa aliqua particularis pertinet ad honorem Dei & Ecclesiæ utilitatem, imo proportionata: adeo ut Pontifex arbitretur, magis acceptam fore Deo rem illam, cujus gratia Indulgentiæ conceduntur, quam esset executio taxatæ poenæ, quæ exerceretur in Purgatorio. Vide dicta in cit. Cap. art. 2.

Quæres 2.^o An Indulgentiæ pro Defunctis concessæ illis profint duntaxat, pro quibus acquiruntur, vel omnibus in Purgatorio existentibus?

Respondemus, quoad satisfactionem, & liberationem a poenis illis solum prodesse, quibus applicantur ex viventium intentione:

ne : omnibus vero quoad gaudium accidentale . Prima pars responsionis patet ex Doctrina Augustini, qui *Lib. 4. de Cura pro Mortuis* inter communia Ecclesiae suffragia, & particularia distinguens, sentit, Ecclesiam suffragia quædam transmutare ad animas Defunctorum, ut quibus defunt particularia, non delint aliqua a communi Matre, quæ est Ecclesia; adeoque particularia suffragia, inter quæ recensentur Indulgentiæ, quæ conceduntur applicandæ a viventibus pro Defunctis, solum illis profunt, quibus applicantur . Secunda pars evincitur, ex quo in charitate constituti ita gaudent de bonis aliorum, ac si ea tantum propria possiderent .

Nec objicias cum Præpositivo (cujus meminit D. Thomas in 4. dist. 45. quæst. 2. art. 4.) suffragium particulare comparatur lucernæ, quæ in Aula Regis accensa, nedum Regi, sed aliis ibi existentibus lucet, melius quidem vegetiores oculos habentibus : item libro, qui si coram Rege legeretur, nedum ab eo, sed a cæteris Regi adstantibus perciperetur . Non enim suffragia particularia assimilantur aut lucernæ aut libro, sed potius, ut notat Bellarminus *lib. 1. cap. 14.* summæ pecuniariæ, quæ ita ad liberandum ære alieno gravatum potest impendi, ut nequeat aliis Debitoribus applicari pro onere solvendæ pecuniæ .

Colliges 1.^o ex dictis, Indulgentias vivorum, & Defunctorum in aliquibus convenire, in aliquibus vero differre . Conveniunt in causâ, eo quod non diversa utrique præfigatur, ut tradit Suarius *disp. 53. sect. 4.* inquirens, quæ conditiones requirantur ad valorem Indulgentiæ pro Defunctis his verbis = *Ex parte finis certum est requiri piam ac rationabilem causam, de qua eadem est ratio in hac Indulgentia, & in ea quæ vivis conceditur* = In effectu earum non elucet diversitas, cum tam illæ quam istæ inferant exemptionem a poenâ temporali; differunt tamen in modo illum causandi, eo quod Indulgentia viventis est actus jurisdictionis, quo Summus Pontifex ut Superior & Juxta, Deo oblata proportionata satisfactione ex Ecclesie Thesauro, suos subditos a poenâ temporalis reatu judicialiter absolvit : Indulgentia vero Defunctorum non est actus jurisdictionis supra Defunctos, sed supplicatio, qua Sum-

mus Pontifex, congruam ex eodem Thesauro satisfactionem offerens, Deum deprecatur pro eorum liberatione a poenâ temporali subeunda; unde hæc bene potest definiri, quod fit = *Solutio æquivalentis ex Thesauris Ecclesie, & suffragium publicum, & supplicatio, qua Divina obsecratur majestas, ut acceptata solutione oblata meritorum Christi & Sanctorum, Defunctum liberare dignetur, vel in totum vel in partem* .

Colliges 2.^o non posse Episcopos in suis Diocesisibus, aut Archiepiscopos in suis Provinciis respectivè, Indulgentias per modum suffragii Defunctis concedere, sed hujusmodi potestatem duntaxat Summi Pontificis dignitati reservari; quod ita tradit Lavius *Par. 2. cap. 11. = Indulgentiæ in Defunctis dispensantur duplici ratione, per modum auctoritatis, & per modum suffragii* . Primo modo is solum auctoritatem obtinebit, cujus est in Ecclesiastica Republica summa potestas, & cui animarum plorum gubernatio committitur in Ecclesia militanti : secundo modo multo magis ad Pontificem solum, & non ad alium Episcopum dicta potestas referenda erit, cum potestas dispensandi Ecclesie Thesauro ad eum solum spectet, qui toti Christi Societati præsit, & quique summam habet in Ecclesia auctoritatem, non item ad reliquos Pastores .

Colliges 3.^o non posse viventes quæcunque Indulgentias Pontificis pro Defunctis lucrari, quanquam opera in forma concessionis earundem accurate peragerent : sed eas duntaxat, in quibus facultas eas applicandi Defunctis a concedente specialiter exprimitur; quia sicut Indulgentiæ tantum valent quantum sonant, ita illis tantum profunt, quos concedens vult hujusmodi Ecclesiastico subsidio a poenis temporalibus sublevari. Quod docuit D. Thomas in 4. dist. 20. quæst. 1. art. 5. quæstio 3. = *Opus proprium, inquit, potest quis applicare per intentionem cuiusque voluerit; & ideo potest, pro quocunque vult, satisfacere: sed Indulgentia non potest applicari ad aliquem, nisi ex intentione ejus qui dat Indulgentiam; & ideo cum ipse applicet ad facientem, vel dantem, hic autem illud non potest, ille qui facit, ad alterum hanc intentionem transferre non potest* .

At inquires: Ad intelligendum Pontificiam Indulgentiam esse Defunctis applicabilem, citra apertam dictæ facultatis expressionem, sufficit Indulgentiam generaliter concedi cunctis Fidelibus: nihilque ad ejus effectum exigi, quod nequeat in Defunctis reperiri.

Respondetur cum Suario *disp. 53. sect. 1. nu. 7.* = *Juxta communem Ecclesiæ usum id satis non esse; etenim ob hanc causam quoties Indulgentia ad mortuos extenditur, expresse dicitur Fidelibus vivis & Defunctis. Nam Fidelium nomine, si nihil aliud explicetur, tantum viventes comprehenduntur, vel quia illi tantum simpliciter sunt in statu viatorum, vel quia illi soli subjiciuntur Clavibus Ecclesiæ.*

ARTICULUS IV.

Quid sit facultas concessa Viventibus applicandi Indulgentias Defunctis ad modum suffragii?

CUM non raro in Literis Apostolicis Indulgentiæ Defunctorum sub hac forma concedantur = *Omniibus utriusque sexus Fidelibus vere Pœnitentibus, & Confessis &c. qui &c. Plenariam omnium peccatorum suorum Indulgentiam & remissionem, quam & animabus Christianissidelium, quæ Deo in charitate conjunctæ ab hac luce migraverint, per modum suffragii applicare possint &c.* declarandum est: quid sit hæc facultas viventibus concessa à Sede Apostolica.

Primus dicendi modus est, Summum Pontificem viventi subito concedere, ut posita executione certi operis, quæ ab Ecclesiæ Thesaurò talem portionem applicare Defuncto: ita ut hæc facultas viventi communicetur in præstiti operis remunerationem, & præmium.

Displicet tamen hæc explicatio facultatis applicandi Indulgentiam Defunctis per modum suffragii, quia tribueretur Christianidelibus utriusque sexus Clavium potestas; applicare enim portionem ex Ecclesiæ Thesaurò, est Christi Sanctorumque satisfactiones exhibere; quod sane nequit

intelligi sine Clavium communicatione. Quare licet verum sit, pro injuncti operis remuneratione a pœna Defunctos sublevari: secus vero communicari Christianidelibus utriusque sexus facultatem communicandi Defunctis partem Ecclesiastici Thesauri.

Secundus dicendi modus est, Summum Pontificem directe & immediate viventibus Indulgentiam impertiri: ita ut hæc ex Ecclesiæ Thesaurò illis collata se habeat tanquam propria viventium satisfactio, quæ deinde pro Defunctis offeratur: eo pari modo quo Gubernator Romanus; si Horreum a Principe dispensandum obtineret pro Civium Romanorum utilitate, adhuc posset tritici dispensatione Alienigenis indirecte subvenire: dandò Civi Romano congruam ejusdem tritici portionem, cum facultate, ut eam dictus Civis ad Alienigenæ subsidium impendere posset.

Sed neque hæc explicatio placet, tum quia vitari non posset inconveniens supra ponderatum; tum quia si satisfactio Indulgentiarum virtute comparata fieret propria viventis, jam ibi suum assequeretur remissionis effectum, nihilque remaneret applicandum Defuncto, ut observat P. Suarius *Disp. 53. sect. 3. n. 10.* = *Satisfactio, ait, quæ in Thesaurò Ecclesiæ, & communis dici potest, non sit propria alicujus quoad dominium, ut sic dicam vel usum, ut scilicet possit qui voluerit illam applicare, quia hoc semper spectat ad potestatem Clavium. Solus ergo dicitur appropriari alicui quoad effectum & acceptationem Dei remittentis alicui tantam penam, propter tantam satisfactionem. Igitur quando aliquis lucratur alteri Indulgentiam, non prius sibi appropriat partem satisfactionis; alias statim consequeretur effectum ejus, & jam non posset illam applicare alteri. Nam ut recte notavit Adrianus conclus. 5. de Indulgentiis, nemo potest applicare alteri Indulgentiam, quam semel sibi acquisivit; quia jam illa Indulgentia habuit suum effectum, & postea non potest, aut simul remittere, reatum alterius; sic enim duplicatum haberet effectum, aut remissionem unam satisfactionem ita in alium transferret, ut prior reatus redeat in altero, quia reatus pœne non potest redire nisi deat culpa.*

Tet.

Tertius dicendi modus, quem sequitur *Lugo Disp. 27. sect. 5. n. 79.* talem exponit facultatem, per hoc quod ex Ecclesie Thesauris pia opera in Indulgentiarum concessionibus viventibus inuncta eleventur, ut nedum sint ex opere operantis satisfactoria, sed etiam ex opere operato: atque ultra condignum majorem obtineant effectum eo, quem haberent, si inuncta non essent: supplendo ex dicto Ecclesie Thesauris, quod deest in nostra satisfactione condignitatis, ut in Sacramentali satisfactione contingit. Itaque Summus Pontifex duplici modo Ecclesie Thesaurum dispensat, vel accipiendo Christi Sanctorumque pro viventibus satisfactiones: vel elevando opus inunctum, pro Indulgentiis acquirendis, a viventibus peragendum, ut possit satisfactionis effectum ultra condignum habere. Ex quo vitatur inconveniens secundi modi dicendi; utens enim facultate applicandi Indulgentias Defunctis, minime earum fructum sibi retineret, nec Pontifex opus inunctum ad uberiores illum satisfactionis effectum elevaret; nisi offerretur pro Defunctis.

Sed neque huic modo dicendi subscribimus, quia non adest ratio, hanc elevationem inuncti operis suadens; eodem enim modo opus inunctum exigitur, sive pro viventibus sive pro Defunctis Indulgentie effectus comparatur: nempe ut complens, vel constituens causam piam. Certum autem est, citra quamlibet inuncti operis elevationem (ut fatetur *Lugo prælaudatus*) Indulgentiam viventibus prodesse. Quod sane evincit, non recte explicari facultatem applicandi Indulgentiam Defunctis per operis inuncti elevationem. Neque exemplum satisfactionis Sacramentalis hic convenienter aptatur; Sacramentum enim Pœnitentiæ, cum sit Divinæ virtutis instrumentum, nequit circumscripta elevatione, in gratiam sanctificantem influere: opus vero inunctum pro Indulgentia non est, aut Divinæ virtutis, aut Pontificie Jurisdictionis instrumentum, in ordine ad condonationem pœnæ temporalis Defunctorum aut viventium.

Tribus ergo dicendi modis rejectis; asserimus facultatem concessam viventibus applicandi Indulgentias Defunctis per modum suffragii in eo consistere, quod Sum-

mus Pontifex hujusmodi Indulgentiam concedens, animabus in Purgatorio existentibus suffragetur, ubi viventes, illis designatis, ad talem finem opera in Literis Apostolicis inuncta expleverint. Hoc enim modo dicendi admissio, recte intelligitur, quomodo duo spectent ad viventes, videlicet opus inunctum exequi, necnon animas sublevandas per hujusmodi Indulgentias designare; & alterum ad Summum Pontificem, nempe offerre ex Ecclesie Thesauris Christi & Sanctorum satisfactiones, deprecando Divinam Clementiam, ut animarum Defunctorum remissionem obtineant a pœna temporalis, quam patiuntur in Purgatorio; quamobrem admittere non cogimur, viventibus facultatem conferri ad applicandam portionem Thesauri Ecclesie Defunctis, aut elevationem in operibus inunctis; quæ diximus esse inconvenientia.

ARTICULUS V.

An Indulgentiæ applicatæ Defunctis habeant effectum infallibilem?

SOTUS *disp. 21. quest. 2. art. 3.* Suarez *Disp. 53. sect. 3. n. 3.* alique plurimi Authores docent, Indulgentias concessas Defunctis per modum suffragii certo & infallibiliter suum effectum obtinere.

Nostra tamen Conclusio sit: Indulgentiæ per modum suffragii Defunctis applicatæ non prosunt illis infallibiliter.

Prob. 1.^o Liberatio Defunctorum a pœna temporalis facta intuitu Indulgentiæ per modum suffragii, non provenit ex iustitia, sed est misericordiæ Divinæque liberalitatis effectus; sit enim per modum retributionis, quæ nili pæcto firmetur, non est actus iustitiæ legalis = *Dicendum*, (inquit *D. Thomas 2. 2. quest. 106. art. 7.º ad secundum*) *quod retributio proportionalis pertinet ad iustitiam commutativam, quando attenditur secundum debitum legale, puta si pæcto firmetur, ut tantum pro tanto retribuat; sed ad virtutem gratiæ sive gratitudinis retributio pertinet, quæ sit ex debito bonestatis* = Nullum.

vero pactum datur, aut promissio Dei acceptandi satisfactiones Christi & Sanctorum pro Defunctis oblatas; nullibi enim ex Sacra Scriptura, aut traditione constat Deum ad hoc se obligasse. Ergo Indulgentiæ per modum suffragii Defunctis applicatæ illis non profunt infallibiliter.

Prob. 2.^o Hoc discrimen inter Indulgentiam vivorum, & Indulgentiam Defunctorum versatur, quod prima concedatur a Summo Pontifice vel aliis Prælati, per modum absolutionis judicariæ, non dum prolata ultima æterni Judicis sententia; adeoque sicut de absolutione legitimi Sacerdotis a culpa, quod sit infallibilis, non ambigitur, suppositis dispositionibus æternisque necessario requisitis ex parte poenitentis: ita nec de absolutione a poena temporali, quæ datur per Indulgentiam vivorum. Alias promissio facta Petro ejusque Successoribus, Matthæi 16. nuntaret = *Quodcumque solveris super terram, erit solutum & in Cælis*. Secunda vero Indulgentia, cum sit solum per modum applicationis seu dispensationis thesauri Ecclesiæ, & alienæ satisfactionis oblata pro Defunctis, ad subeundam poenam temporalem, definitiva Dei sententia damnatis, atque extra Ecclesiæ jurisdictionem constitutis, a Dei Judicis arbitrio dependet, illam vel rejicere vel admittere. Ergo Indulgentiæ per modum suffragii Defunctis applicatæ non profunt illis infallibiliter.

Dices: Leo X. in Literis Decretalibus ad Cardinalem Cajetanum, ubi habetur: Summum Pontificem per Clavium potestatem Indulgentias elargiri viventibus per modum absolutionis, Defunctis vero per modum suffragii: indistincte, eodemque verborum tenore asserit, utranque dispensationem suam, consequi effectum ac proinde infallibiliter = *Omnes tam vivos quam Defunctos, qui veraciter omnes Indulgentias hujusmodi consecuti fuerint, a tanta temporali poena secundum Divinam Justitiam pro peccatis suis actualibus debita liberari, quanta concessa & acquisita Indulgentia æquivalat*.

Resp. ex laudatis Leonis X. Literis solum haberi, tam vivos quam Defunctos, ob Indulgentiam comparatam, a poena liberari, quæ Indulgentiæ concessæ

æquivalat. Cæterum an semper, & ex lege, sicut suppositis requisitis & dispositionibus in viventibus, ita & in Defunctis, eodem vel diverso modo habeatur effectus, non decernitur aut declaratur, sed Doctoribus relinquatur disputandum.

Obijcies. Conclusio non videtur conformis menti D. Thomæ, qui in *suppl. 3. p. 9. 71. art. 12.* adstruens, Indulgentiis posse juvari Defunctos: necnon obijciens sibi ab Adversariis propositum inconveniens, quod illis posset totum Purgatorium evacuari, non recurrit ad fallibilitatem effectus hujusmodi Indulgentiarum, ut argumentum dissolvat, sed ad causæ justæ defectum pro generali Defunctorum liberatione = *Nec tamen sequitur* = (Verba sunt S. Doctoris loco citato) *quod Prælati Ecclesiæ possint pro suo arbitrio animas a Purgatorio liberare, quia ad hoc quod Indulgentia valeat, requiritur causa conveniens Indulgentias concedendi* = admittit autem fallibilitatem effectus Indulgentiarum per modum suffragii, opus non esset hanc solutionem adhiberi sed facilius difficultati posset occurrere, dicendo, eam generalem liberationem non posse contingere; quam enim generales & uberrime fierent pro Defunctis Indulgentiarum concessionem, non semper prodesse, cum Deus eas ex justitia acceptare non teneatur.

Resp. D. Thomam eam solutionem, (quæ relata est) adhibuisse, non quia oppositam nostræ Conclusioni sententiam admisserit, sed quia ad valorem Indulgentiarum pro Defunctis vindicandum, non cogebatur doctrinam inter Doctores agitam adhibere; idcirco solutionem tradidit communi Doctorum calculo comprobata, de justæ causæ defectu, pro liberatione cunctarum animarum luentium, poenas in Purgatorio.

ARTICULUS VI.

An possit concedi Indulgentia ad modum suffragii Defunctis immediate, seu non medio alicujus viventis opere vel applicatione?

Certum est communiter non fieri Indulgentiarum concessionem per modum suffragii directæ, sed indirectæ mediâ viventium applicatione; regulariter enim Sedes Apostolica aperit pro Defunctis Ecclesiæ Thesaurum adjecto onere, quorundam pietatis operum a viventibus implendorum. Quod difficultate non vacat est: an hujusmodi applicationis, operisque implendi a viventibus tanta sit necessitas, ut nequeat alia ratione concedi Indulgentia Defunctis per modum suffragii?

Cardinalis Lugo *Disp. 27. de Pœnit. nu. 62.* docet, Summum Pontificem non posse directæ & immediate Defunctis Indulgentiam impertiri.

Sed Conclusio nostra sit. Potest concedi Indulgentia Defunctis circa viventis opus vel applicationem.

Prob. Opera injuncta pro hac Indulgentia non exiguntur, ut elevata reddantur satisfactoria ex opere operato (ut dictum est supra *Art. 4.º*) Neque ut sint satisfactoria ex opere operantis pro Defunctis; quamquam enim fient a viventibus in statu peccati lethalis, adhuc apta essent, ut spirituale Indulgentiæ subsidium ad Defunctos deferretur: cum juxta dicenda *Artic. 8.* solum se habeant ut meræ conditiones, ex voluntate concedentis Indulgentias, requilitæ, ad earum effectum obtinendum. Quemadmodum ergo Summus Pontifex potest viventibus ex justa & rationabili causâ Indulgentiam concedere, & nullum opus injungere; nihil enim est in Urbe usitatus (ut verbis utar Lugonis) quam personis de Romana Ecclesia benemeritis Indulgentiam tribui in articulo mortis; qui illud opus implendum exigitur: ita fieri potest cum Defunctis in concessione Indulgentiæ per modum suffragii.

Dices. Leo X. in sæpè citatis Literis decer-

nit, Indulgentiam per modum suffragii ad Defunctos transferri: *Per modum suffragii illam transferendo* = quod certe aliud non exprimit, quam mediis viventibus eorumque operibus eam Indulgentiam comparari. Quod etiam innuit D. Thomas in *4. disp. 45. qu. 2. art. 3.º quæstione. 2.* docens, Indulgentiam quidem pro Defunctis, non directæ & principaliter, sed duntaxat secundario & indirecte concedi.

Resp. verbum illud *transferre* in Literis Decretalibus Leonis X. non ponit ad declarandam necessitatem operum Christianissimum pro hujusmodi Indulgentia comparanda, sed ut innuatur, hanc distingui ab altera, quæ per modum absolutionis conceditur. Nec D. Thomas docet oppositum nostræ Conclusioni; loquitur enim ibi non de eo quod potest fieri, sed de eo quod fieri usus obtinuit.

ARTICULUS VII.

An aliquæ Indulgentiæ concedantur pro vivis, quæ tantum valeant ad modum suffragii?

Ecclesiam posse etiam vivis Indulgentiam concedere per modum suffragii, docet Suarius *Disp. 53. sect. 3. num. 7. ex D. Thoma = Ex ejus doctrina* (nempe Angelici Præceptoris, inquit) *colligo, Indulgentiam per modum suffragii non esse propriam Defunctorum, sed posse etiam habere locum in viventibus: differentiamque esse, quod in animabus Defunctorum sola Indulgentia per modum suffragii locum habet, in viventibus autem utraque* = unde non immerito in hoc omnes Doctores conveniunt.

An vero aliqua Indulgentia duntaxat per modum suffragii pro vivis concedatur? exani ini committitur. Arbitratur Gabriel in *Addit. ad 57. session.* quod quando Sedes Apostolica Indulgentiam elargitur omnibus contra Infideles pugnantibus, vel milites contra eos pugnatos mittentibus, pugnantes quidem illam assequi per modum absolutionis, mittentes verò pugnatos per modum suffragii.

Conclusio. Nulla de facto conceditur In-

Indulgentia pro vivis, quæ eis solum valeat per modum suffragii. Ita Passerinus *Quest. 96. nu. 917.* alique Doctores.

Prob. Quilibet Indulgentiæ concessio facta pro viventibus importat dispensationem Theauri Ecclesiæ subditis applicatam; hæc autem indispensabiliter cum absolutione connecitur. Non enim exequens opus injunctum, ut amicis Indulgentias acquirat, applicat satisfactiones Christi & Sanctorum, sed Summus Pontifex, qui Indulgentiam concedit viventibus, tam immediate, quam mediate, eadem potestate eorundemque verborum tenore, ac per consequens sub eadem inspectione, quod subditi sunt. Unde Suarius *sektione supracitata num. 10.* inquit = *Qui Indulgentiam pro alio lucratur, non concedit illi Indulgentiam, sed Papa est qui concedit ad applicationem alterius: sed ille cui conceditur est subditus Papæ. Ergo potest illam concedere per modum absolutionis, quia licet quoad conditionem requisitas, quæ antecedunt Indulgentiam & effectum ejus, videatur talis Indulgentia indirecte & per alium concedi, tamen quoad ipsam Indulgentiam & effectum ejus immediate conceditur a Pontifice ei, qui ipsam lucratur. Ergo si ille est subditus, erit per modum absolutionis, quia Pontifex intendit tota sua potestate operari in talem effectum. Accedit, quod Pontifici in concedendis Indulgentiis nunquam adjunt illam restrictionem per modum suffragii, nisi respectu Defunctorum =* Ergo nulla de facto conceditur Indulgentia pro vivis, quæ eis solum valeat per modum suffragii.

Dices. D. Thomas *dist. 45. quest. 2. artic. 3. questione. 2.* inquit = *Si Indulgentia sub hac forma fiat: Quicumque fecerit hoc vel illud, ipse & pater ejus, vel quicumque ei adjunctus in Purgatorio detentus, tantum de Indulgentia habebit, talis Indulgentia non solum vivo, sed etiam mortuo proderit =* Atqui mortuo proderit solum per modum suffragii. Ergo & vivo similiter.

Resp. D. Thomam loco citato, post explicatum modum acquirendi Indulgentiarum beneficium principaliter seu directe, alium modum exponere acquirendi Indulgentias indirecte & secundo, consisten-

tem in eo, quod mediante opere injuncto ab uno impleto, alius fructus hujusmodi concessionis assequatur: idque quandoque locum habere in viventibus, quandoque in Defunctis. Cæterum per hoc quod Indulgentia a viventibus & Defunctis percipitur, solum inferri potest ab utroque hoc modo, per distributionem accomodam, acquiri; adeoque cum viventes subditi sint Prælati concedentis Indulgentias, non vero Defuncti, sequitur ab illis per modum absolutionis, ab his per modum suffragii comparari.

Quæres. An Summo Pontifice concedente alicui, ut Indulgentiam pro alio comparare possit, dando ei facultatem applicandi Ecclesiæ Thesaurum: an inquam in hoc casu, is cui fieret talis applicatio, Indulgentiam vel per modum suffragii, vel per modum absolutionis obtineret?

Respondemus, vel Summus Pontifex delegaret alicui potestatem jurisdictionis supra viventes, quos proinde subditos constitueret habentis talem potestatem delegatam applicandi Ecclesiæ Thesaurum: & in talicasu Indulgentia acquisita esset per modum absolutionis. Si vero eam potestatem non conferret supra viventes, sed duntaxat meram facultatem dispensandi Ecclesiæ Thesaurum: eo modo quo ipse potest immediate ad Defunctorum levamen Indulgentiam dare, ut mox dictum est: & in hoc casu viventes eam lucrarentur aliis per modum suffragii. Qui tamen modus delegationis, ut dicit Suarius, non est in usu; quoties enim Summus Pontifex facultatem tribuit applicandi Ecclesiæ Thesaurum pro viventibus, eam simpliciter concedit, juxta capacitatem & statum eorum: adeoque subditos quosdam constituit Delegati, ut possint absolvi a poena temporali.

ARTICULUS VIII.

De iis, quæ requiruntur tum ex parte Viventium tum ex parte Defunctorum, ut acquirantur Indulgentiæ ad modum Suffragii pro Defunctis.

Citra dubium est, viuentes teneri implere opera injuncta; alias Defuncti Indulgentias, sub illis oneribus concessas per modum suffragii minime perciperent. Quæ quidem opera debent fieri ex fine earundem: ac insuper, non debent esse vel ex objecto mala, vel ex fine vel ex aliis circumstantiis, sicut pro acquirendis vivorum Indulgentiis diximus supra *Cap. x. artic. 4. & 5.* Verum ut nonnullas solvamus difficultates, quæ de requeſitis tum ex parte viventium, tum ex parte Defunctorum de Indulgentiis per modum suffragii possunt excitari.

Quæres 1.^o An opera injuncta ad comparandas Indulgentias per modum suffragii pro Defunctis fieri debeant in statu gratiæ?

Respondemus negative per se loquendo, & nisi oppositum de opere aliquo injuncto ex mente concedentis Indulgentias constaret. Ita Navarrus de *Jubil. not. 22. num. 30. & 31.* Suarius *disp. 52. sect. 4. nu. 6.* Coninckius *disp. 12. dub. 6.* Cardinalis de Lugo *Disp. 27. num. 75.* alique apud Passerinum *quest. 29. num. 924.* Ratio est, quia opera injuncta non requiruntur tanquam opera meritoria vitæ æternæ, sed prout pia, seu prout spectant ad Dei cultum, ut iis mediantibus iusta causa concessionis earundem, aut constituatur aut compleatur: imo quanquam vacans operibus injunctis, ut pro se Indulgentiam lucratur, debeat esse in statu gratiæ in ultimo operis injuncti complemento, dum Indulgentia consummatur (idque ob effectum formalem Indulgentiæ nullo modo comparandum, adhuc in eo manente culpa lethali) tamen in acquirenda Indulgentia pro Defunctis, neque hoc ipsum requiritur, cum nihil in Defunctis reperiri possit lethalis culpæ, quod remissioni poenæ temporalis obſistat. Diximus per

se loquendo, nisi oppositum de opere aliquo injuncto ex mente concedentis constaret juxta dicta *cap. 8.º artic. 1.º*

Ex quo colliges, nullam dari necessitatem applicandi opera injuncta pro Defunctis, ut Indulgentia hujusmodi eis proficit (nisi aliud in Literis Apostolicis declararetur) quia opera injuncta non exiguntur a concedente Indulgentias per modum suffragii pro Defunctis, prout sunt satisfactoria. Maxime quia hæc Indulgentia acquisita non habet vim suam ab operibus injunctis, sed a meritis Christi & Sanctorum. Diximus, nisi aliud in Literis Apostolicis declararetur, quia ut dicemus in 2.^a *p. cap. 1. dub. 1.* de Altaribus Privilegiis, ut Sacerdotes ad Altare Privilegiatum celebrantes lucrarentur Indulgentiam per modum suffragii pro Defunctis, debent Missæ sacrificium eisdem applicare.

Quæres 2.^o An defectus characteris baptismalis in Catechumenis defunctis officiat, quominus ipsi Indulgentiis per modum suffragii potiri & gaudere possint?

Defunctorum animas: necessario debere esse caractere baptismali insignitas ad Indulgentiarum fructum per modum suffragii percipiendum, docuerunt Augustinus de *Ancona Lib. de Potest. Eccles.* Suarius *Disp. 48. sect. 6. num. 8.* alique Auctores.

Nos tamen respondemus: defectum characteris baptismalis non obſtare, quominus animæ Purgatorii fruantur Indulgentiis per modum suffragii. Unio siquidem charitatis cum viventibus non similitudo characteris est ratio, quare viuentes possint Defunctos suffragiis adjuvare, ac possit Summus Pontifex Christi Sanctorumque satisfactiones in Ecclesiæ Theſauro servatas eisdem mediis Indulgentiarum concessionibus communicare. Ergo cum in Catechumenis defunctis, qui in statu gratiæ ex humanis decesserunt, unio charitatis cum Fidelibus viventibus perseveret, dicendum est, defectum characteris non obſtare, quominus ipsi fruantur Indulgentiis per modum suffragii.

Obijcies. Eadem est ratio de Indulgentia per modum suffragii, ac de Eucharistia per modum sacrificii; utriusque enim effectus est ex opere operato. Missæ autem sacrificium nequit Catechumenis defun-

Ecc tīs

Eis prodesse ad remissionem poenae temporalis = *Non temere ab Apostolis* (inquit Author *Homiliar. ad Pop. Antioch. Homil. 69.* sub nomine S. Joannis Chrysostomi) *haec sancita fuerunt, ut in tremendis mysteriis defunctorum agatur commemoratio. Sciunt enim illis inde multum contingere lucrum, utilitatem, multam.* Cum enim totus confisteris populus extensis manibus, Sacerdotalis plenitudo, & tremendum proponatur sacrificium, quomodo Deum non exorabimus pro his deprecantes? Sed hoc quidem de his, qui cum fide migraverunt. Catechumeni vero nec hac digni consolatione censentur, sed omni sunt tali suffragio privati, praeter unum solum. Quid autem illud? Dare licet pro eis pauperibus, & ex hoc aliquid eis prestare refrigerationis = Idem testatur D. Augustinus Lib. 1. de Anima & eius Orig. impugnans Vincentium Pelagianum asserentem, oblationes necnon Sacrificia, pro parvulis sine Baptismo decedentibus offerri posse = *Eccē aliud, ait, unde nunquam exiturus est, nisi eum dixisse pœniteat; quis enim offerat Christi Corpus, nisi pro eis, qui sunt membra Christi?* = Pergit vero S. Doctor explicando, qui sint membra Christi = *Ecquid autem ab illo dictum est? Nisi qui renatus fuerit ex aqua & Spiritu Sancto, non potest intrare in Regnum Dei; & in alio loco: Qui perdidit animam suam propter me, inveniet eam. Nemo sit membrum Christi, nisi aut Baptismate in Christo aut morte pro Christo* = Rursus in Concilio Bracaren. 1. Can. 17. decernitur = *Ut Catechumenis sine redemptione Baptismatis defunctis, nec Oblationis Sanctae commemoratio, nec psallendi impendatur officium.*

Resp. falsum esse Missae Sacrificium, quantum ad fructum satisfactionis non posse pro Catechumenis defunctis offerri; Ecclesia siquidem Catholica, ut notant Franciscus de Lugo lib. 5. Cap. 4. quest. 6. & Scortia lib. 12. cap. 2. indiscriminatim, ac citra limitationem de facto offert Sacrificium pro cunctis animabus in Purgatorio detentis. Fatetur, olim a Patribus morem fuisse servatum, excludendi Catechumenos tam viventes quam defunctos a Sacrificii Altaris applicatione, necnon a communibus suffragiis: quan-

vis orationem publicam pro Catechumenis viventibus in die Pascae adhuc adhibuerit, nec non in Missa, quae Catechumenorum dicebatur, dum isti ad futurum Baptisma parabantur; ut habetur in Lib. inscripto *Ordo Romanus*, in quo statuitur sequens oratio infra Canonem recitanda = *Hanc igitur oblationem servitutis nostrae sed & cunctae familiae tuae, quaesumus Domine, ut placatus accipias, quam tibi offerimus pro famulis & famulabus tuis, quos ad aeternam vitam, & peccatum gratiae donum eligere atque vocare dignatus es* = Hujus Missae meminerunt Concilium Carthaginense IV. relatum in Cap. Episcopus de Consecrat. Concilium Illerdense relictum in Cap. De his 35. quest. 2. Ratio autem quare, his casibus duntaxat exceptis, Ecclesia disposuerit excludere Catechumenos tam viventes quam defunctos tum a Sacrificiis, tum a communibus suffragiis, tradunt PP. Salmanticenses Scholastici in Tract. 23. de Sac. Euch. disp. 13. dub. 3. num. 60. nimirum ut majorem amorem & curam erga propria membra, nempe Fideles baptizatos, & ad se per legitimam Baptismatis januam ingressos, ostenderet: & hac via eos ad Baptisma quantumcunque suscipiendum alliceret. Verum quantum ad Catechumenos defunctos, tam antiquae consuetudini, quam Concilii primi Bracaren. Decreto derogatum est; etenim ut habetur in Cap. Apostolic. de Presbyt. non baptiz., de Catechumeno qui ex hac luce migraverat, monuit Innocentius III. Episcopum Cremonensem, ut ejus animae Missarum Sacrificiis, atque communibus precibus suffragaretur = *Sopitis igitur* (sunt verba relata in Capite laudato) *questionibus Doctorum, Patrum sententiam teneas, & in Ecclesia tua juges preces hostiasque Deo offerri jubeas pro Presbytero memorato.*

Dices. Summus Pontifex, ut dictum est Cap. 7. art. 2., nequit Catechumenis viventibus Indulgentiam per modum absolutionis impertiri. Cur ergo poterit Indulgentiam illis defunctis concedere?

Resp. latum versari discrimen inter Indulgentiam per modum absolutionis, & Indulgentiam per modum suffragii, quod prima sit exercitium potestatis jurisdictionis supra personas: secunda vero sit

dun-

duntaxat actus jurisdictionis supra Ecclesiam Theſaurum; quapropter cum Catechumeni viventes Eccleſiaſtica jurisdictioni non ſubdantur, nequeunt beneficium abſolutionis a poena temporalis recipere: Defuncti vero ob unionem charitatis cum cæteris Chriſtiffidelibus capaces ſunt cujuſcunque ſolutionis factæ ex Eccleſiæ Theſauro, ac proinde Indulgentiæ per modum ſuffragii.

Quæres 3.^o An ut Defuncti percipiant fructum Indulgentiarum per modum ſuffragii, prærequiratur in eis meritum aliquod de congruo, quo viventes meruerint hujusmodi Indulgentiam ſibi prodeſſe poſt mortem?

Reſpondet Cajetanus affirmative = *Videtur* (inquit in *Traſſ.* 16. q. 5.^a) *quod Eccleſia ſuffragia ſaltem ſpecialia, & ſimiliter Indulgentiæ illis ſolis Defunctis proſint, qui in hac vita meruerunt, ut in Purgatorio hæc illis prodeſſent. Et quoniam fructus, quem ex ſuffragiis animæ percipiunt, ad præmium accidentale ſpectat, cum ſit pænæ temporalis remiſſio, conſequens eſt, quod non ad eſſentialē, ſed accidentale meritum pertineat, mereri in hac vita, ut ſuffragia proſint in alia vita. Et ſi his adjunxeris, quod hujusmodi accidentalialia merita non ſint in omnibus in gratia decedentibus, perſpicuum erit, quod non omnibus in Purgatorio Indulgentiæ, & alia ſpecialia ſuffragia proſint, quia non omnes meruerunt, ut hæc illis poſſent prodeſſe; quia hoc ſpectat ad meritum eſſentialē. Videntur autem ad accidentalialia ſpectare devotio magna ad Claves Eccleſiæ Indulgentiæ donativas, miſericordia, ſollicitudo ad ſatisfaciendum pro peccatis, ſtudium ad ſuffragandum pro Defunctis, & ſimilia. . . . Dicendum ergo videtur, quod omnes, qui in Purgatorio ſunt, poſſunt Eccleſiæ ſuffragiis & Indulgentiis juvari; ſed de ſuſcito ſpecialibus ſuffragiis & Indulgentiis non omnes juvantur, ſed illi ſoli, qui hic meruerunt, ut illis juvantur.*

Nos vero reſpondemus cum Suario *diſp.* 54. nu. 9. Conineko *diſp.* 12. dub. 2. Palao in *traſſ.* 24. punſt. 10. num. 11. Paſſerino *Quæſt.* 121. num. 929. aliſque negative. Satisfaciendi ſiquidem ſtudium,

non requiritur neceſſario, ut Chriſtiffideles fruantur Indulgentiis ſibi conceſſis ad modum abſolutionis; ut oſtenſum eſt ſupra *Cap.* 8. art. 3. Igitur nec illud exigi debet, ut Defuncti gaudeant Indulgentiis aliſque ſuffragiis. Maxime quia, ſatisfaciendi ſtudium aut pro ſe vel pro Defunctis, nec non peculiarem devotionem erga Claves Eccleſiæ Indulgentiarum donativas ſpectare ad meritum de congruo, ut percipiatur ſuffragiorum Eccleſiæ fructus, neque ex ſcriptura, neque ex traditione, neque ex Sanctis Patribus eruitur.

Dices. S. Auguſtinus in *Lib. de Cura pro Mortuis* peſſimè declarat, Defunctos non adjuvari ſuffragiis, qui ante diſceſſum ex humanis, ea ſibi prodeſſe non meruerunt; quoniam recitata Apoſtoli authoritate 2.^a ad *Corinth.* cap. 5. v. 10. = *Omnes nos manifeſtari oportet ante tribunal Chriſti, ut referat unusquiſque propria corporis, prout geſſit, ſive bonum ſive malum* = ſubdit = *Hæc quidem Apoſtolica ſententia ante mortem admonet heri, quod poſſit prodeſſe poſt mortem: non tunc, quando recipiendum eſt, quod quiſque geſſerit ante mortem. Verum hæc ita ſoluitur quæſtio, quoniam quodam viſe genere acquiritur, dum in hoc corpore vivitur, ut aliquid adjuvent iſta Defunctos: ac per hoc ſecundum ea, quæ per corpus geſſerunt, eis, quæ poſt corpus religioſe pro illis facta fuerint, adjuvantur. Sunt enim, quos nihil omnino adjuvant iſta: ſive pro eis fiant, quorum tam mala ſunt merita, ut neque talibus digni ſint adjuvari: ſive pro eis, quorum tam bona, ut talibus non indigeant adjumentis. Genere igitur viſe, quod geſſit quiſque per corpus, efficitur, ut proſint vel non proſint, quæcunque pro illo pie fiunt, cum reliquerit corpus. Nam meritum, per quod per iſta proſint, ſi nullum comparatum eſt in hac vita, fruſtra queritur poſt hanc vitam = Idem ſentit S. Thomas, ex D. Auguſtino docens 3.^a par. quæſt. 52. art. 8. in *reſponſ.* ad 1.^{am} in deſcenſu Chriſti ad Inferos, exceptis iis, qui tempus purgationis impleverant, illos duntaxat fuiſſe liberatos, qui in humanis, ſpeciali exercita devotione erga adventum Chriſti, ad cœleſtem patriam*

co visitante transferri meruerunt. Itaque si Christus Pontifex futurorum, illis duntaxat Purgatorii poenam ad Inferos descendens remittit, qui id, singulari fide & devotione ad mortem ejus futuram, meruerunt: existimandum non est, Indulgentias Defunctis, in Purgatorio ad poenae temporalis relaxationem prodesse, nisi illis, qui fide & devotione ad Indulgentias, sollicitudine satisfaciendi pro peccatis atque studio Defunctis ferendi suffragia, in hac vita id promeruerunt.

Resp. D. Augustinum ibi velle, meritum aliquod in hac vita praemittere debuisset Christiadeles, ut postea defuncti in futura fructum ex alienis suffragiis percipiant. Sed hujusmodi meritum nequaquam est illud accidentale, quod exponere nititur Cajetanus, sed potius aliud, & quidem essentiale; commune omnibus adultis; qui in statu gratiae & charitatis ex hac luce migraverunt. Et quod alia non sit mens Sancti Doctoris praeiudati, apertissime patet: cum a suffragiorum Ecclesiae participatione eos duntaxat excludat, qui, vel intuitu sanctitatis vitae peccata alieno non indigent adiutorio: vel ob mala demerita non se dignos ad eam obtinendam reddiderunt. Nequit autem dici, Defunctos illos, qui in gratia & charitate decesserunt, & cum ceteris iustis viventibus vinculo charitatis uniti sunt, eos esse, qui ob mala demerita se indignos exhibuerunt, ut ex Ecclesiae suffragiis levamen a Purgatorii poenis reciperent. Itaque Augustinus, in recitata auctoritate ab adversario, loquitur de obsecutionibus in peccato lethali (quos certum est mali merita habere, ad assequendum, fructum suffragiorum) Favet nostrae interpretationi, id quod tradit idem Sanctus Doctor in *Euchyrid. ad Laurent.*, ubi ex eodem textu citato Apostoli 2. ad *Corinth.*, in antea vitae diversitatem referendum esse docet, quod suffragia aliis prostant, aliis non, videlicet valde malis = *Etiā hoc meritum*, inquit, *sibi quique, cum in corpora viveret, comparavit, ut ei possent illa prodesse.* Non enim omnibus prosunt. Et quare non omnibus prosunt, nisi propter differentiam vitae, quam quisque gessit in corpore? Cum ergo Sacrificia sive Altaris,

sive quarumcunque elemosinarum pro baptizatis Defunctis omnibus offeruntur, pro valde bonis, gratiarum actiones sunt, pro non valde malis propitiationes sunt: pro valde malis, etsi nullae sint adjumenta mortuorum, qualescunque visorum consolationes sunt = Porro non valde mali illi sunt, qui mortalis vitae cursu in gratia & charitate feliciter consummato, in Purgatorio ad leviores culpas ablundas, vel ad quascunque poenas subeundas detinentur. Non ergo meritum illud in supracitata D. Augustini Auctoritate ponderatum, ut suffragia Defunctis prostant, est illud accidentale. Alias plurimos, praeter valde malos a participatione suffragiorum ibi excluderet Augustinus, sed aliud essentiale, in eo consistens, quod illi, qui sunt in Purgatorio, corde contriti & charitate praediti ex hac vita decesserint. Nec robur accipit Cajetani argumentum ex ea D. Thomae doctrina. Unde enim colligendum est, Indulgentias alique pietatis officia iis tantummodo prodesse, qui Defunctorum suffragia exhibendis in hac vita impense vacarunt? Si ex Christo ad inferos descendente, atque in Purgatorio detentos liberante Ecclesiae potestas ad ferendum suffragia Defunctis emeretur, fortassis posset inferri, non alios per Pontificiam potestatem mediis Indulgentiis a Purgatorii poenis liberari, quam habentes meritum illud de congruo, de quo loquitur Cajetanus. Coeterum cum hoc ex illo non inferatur, sed aliunde agnoscamus Pontificiae hujus potestatis & virtutis Indulgentiarum fundamentum: idcirco allatum Cajetani ex D. Thoma exemplum nihil evincit contra nostram Conclusionem.

Quaest. 4.^o An ad percipiendum fructum Indulgentiae ad modum suffragii, sit necessaria ex parte Defuncti specialis & expressa impensis beneficii acceptatio?

Resp. negative; ad comparandum, enim hujusmodi Indulgentiae fructum, non exigitur Defunctum aliquid agere, ac per consequens neque id specialiter & expresse acceptare; quia potius acceptatio necessaria est ex parte Dei, quam ex parte Defunctorum. Maxime quia, ut suffragiorum fructum Defuncti percipiant, sufficiens est voluntas satisfaciendi Divinae iustitiae omnibus modis, quibus fieri potest.

Hau-

Hauslam habes hanc doctrinam ex Suario, qui *disp. cit. sect. 7. num. 7.* de Defunctorum suffragiis disserens, inquit = *Sufficit in Defunctis generalis voluntas, quam unusquisque iustus habet obtinendi remissionem pœnæ, & solvendi Deo quacunque ratione possit: nam per hoc sufficienter habet implicitam voluntatem acceptandi solutionem pro se oblatam, etiam si ignoret, ut inter vivos sepe contingit. Quod etiam confirmat Ecclesiæ usus; offerunt enim Fideles sua opera pro aliis amicis viventibus, etiam illis ignorantibus ac nescientibus. Et de animabus Purgatorii satis dubia res est, an cognoscant suffragia, quæ pro eis offeruntur, & a quibus offerantur, quia neque in verbo vident, quæ hic agimus, nec fortasse naturali virtute hoc possunt intueri, ut senti Augustinus Lib. de Cura pro Mort. agen. cap. 13. Næc etiam videtur debitum statui illarum animarum, ut hæc illis revelentur. Ergo hæc cognitio non est necessaria ad effectum suffragii; sed sepe fortasse prius in se sentit anima fructum suffragii, & ex effectu cognoscit, aliquod suffragium esse pro se oblatum, saltem consuevit & generatim. Et licet ab Angelo Custode disceat in particulari, a quo oblatum fuerit, illa tamen scientia non est prærequisita, ut suffragium operetur. Unde acceptatio, quæ subsequitur, potius est per modum cuiusdam complacentiæ vel gratitudinis, quam ut conditio necessaria ad effectum suffragii. Sufficit ergo acceptatio Divina, a qua per se pendet hic effectus.*

Quod si dixeris, notitiam saltem consummationis Indulgentiæ aliquo tandem modo ad minus sub conditione & habitualiter volitæ requiri, ut vivens pro se ejus fructum obtineat, adeoque etiam in Defuncto: disparitas habetur ex eo, quod vivens debet operari, ac se movere ad Indulgentiam acquirendam, Defunctus vero ad eam operari, & se movere non indiget:

ARTICULUS IX.

An melius & laudabilius sit, si Vivens Indulgentias aliaque opera satisfactoria sibi applicet, vel si Defunctis assignet?

Indulgentiarum aliorumque suffragiorum utilitatem, cæteris Doctoribus consentiens, approbat Theophilus Raynaudus; asserit tamen Heteroell: *Spirit. Cælestium Terrestr. & Infernor. sect. 1. puncto 120. n. 18.* Christidelem propriæ egestatis consicium non posse, servatæ ordinæ charitatis, ea Defunctis applicare, nisi statueret aut saltem speraret, alia via compensationem pœnæ temporalis sibi debitæ = *Juxta regulam*, inquit, *ordinatæ charitatis aperte sequitur, hominem, qui se valde Divinæ justitiæ obstrictum agnoscit, nisi statuat, per alia opera pœnalia illarumque supplementa, puta Indulgentias, sibi consulere: vel saltem nisi speret, & judicet se postea id præstiturum, non posse tunc se exonerare fructu satisfactionum suarum, transferendo eum in alios, cum nil sibi remaneat ad proprii vœtus abstersionem; ordinata quippe charitas non fert, ut aliis quidem sit remisso, nobis autem tribulatio; quod vetuit Apostolus succere 2. Corinth.*

Raynaudo consentit Arriaga in *Tract. de charitate in Proximum* addens: neque esse charitati conformem pro adjutorio animarum Purgatorii suffragiorum subsidium impendere, quando suffraganti post centum annos, superventura foret eorundem nec-essitas.

Nostra tamen Conclusio sit. Melius & laudabilius est, viventem etiam debito solvendi pœnam temporalem pro peccatis suis obnoxium, Indulgentias aliaque opera satisfactoria applicare Defunctis, quam sibi.

Prob. 1.^o Illud censeretur debet melius ac laudabilius, in quo reperitur & emicat major charitas; hæc enim est lapis lydius, quo major, aut minor bonorum operum excellentia declaratur. Majorem autem per-

perfectiorem charitatis reperiri ac emicare in eo, quod vivens mediis operibus satisfactoriis atque Indulgentiis, Defunctorum indigentiae sublevande nitatur incumbere, quam si eisdem suffragiis seipsum ab onere solvendi poenam temporalem curae eximere, constat; tum quia charitatis minor excellentia aut perfectio non apparet in eo, quod quis bonorum operum locuples, seipsum illorum fructu privet, ut alios adjuvet; ut notant Patres Salmanticenses Scholastici in *Tract. de Pœnit. disput. 10. n. 27.* his verbis = *Quemque propria bona opera, quibus ipse non eget, alteri communicare, proculdubio non est magna charitas; maxima autem ea est, ut bonis, quibus sibi opus habet, se exuat, ad alterius inopiam induendam* = tum quia viventem ita se gerere, est magis Deo acceptum = *Affectio* (inquit D. Thomas 3. contra Gentes) *in eo qui pro Amico patitur, facit magis satisfactionem Deo acceptam, quam si pro se pateretur; hoc enim est promissa charitatis, illud autem necessitatis* = Melius ergo ac laudabilius est, viventem etiam debito solvendi poenam temporalem pro peccatis suis obnoxium, Indulgentias, aliaque opera satisfactoria applicare Defunctis, quam sibi.

Prob. 2.^o evertendo Sententiæ oppositæ fundamentum. Ideo supposita pari indigentia, melius non esset, unum pro altero, vel vivente vel Defuncto propriis satisfactionibus vel Indulgentiis applicare, quia charitatis ordo postulat, prius sibi, quam aliis subvenire, Virginitum prudentum exemplo, quæ, ut refertur Matthæi 23., fatuis oleum tradere recusarunt, ne id sibi deesset. Hoc autem falsitatis convincitur. Quoniam enim in bonis simpliciter necessariis ad salutem, nequeat quis seipsum alteri postponere, servato ordine charitatis: ideoque prudentum Virginitum sollicitudo commendatur; tamen in solutione poenæ temporalis, exterisque bonis spiritualibus, quæ eam necessitatem minime præferunt, optime cum excellentissimo charitatis exercitio stat, alienæ potius utilitati, quam propriæ consulere, ut tradit Cardinalis de Lugo tom. 3. de *Sacram. Pœnit. disput. 26. sect. p. n. 16.* hanc tractans difficultatem = *Quinta difficultas*, ait, *esse po-*

test: utrum sit melius applicare suffragium Defunctis, quam retinere sibi? Videtur enim magis expedire hoc secundum, quia ordo charitatis petit, ut nos magis diligamus, quam Proximum. Respondemus tamen, laudabilius esse primum; quia in his damnis temporalibus laudabile est ea subire propter Proximum, ut suppono ex 2. 2. quæst. 26. cum hoc enim stat, quod simpliciter magis nos diligamus, cum in rebus æternis nos præferamus aliis omnibus.

Dices. Dilationem supernæ Beatitudinis eligere non est consonum charitati erga Deum; etenim nihil est charitati conaturalius in via, quam optare Deo uniri per claram ejus Visionem & fruitionem in Patria; & ideo charitati flagrans Apostolus Paulus de seipso dicebat ad *Philippenses 1.º v. 23* = *Desiderium habens dissolvi & esse cum Christo* = Hanc autem dilationem eligeret obligatus ad solvendam poenam temporalem pro excessibus perpetratis, si Indulgentias vel alias satisfactiones, quas posset applicare ad Defunctorum vel proximorum utilitatem, pro eisdem offerret; exutus siquidem mortali corpore, a superna Beatitudine repelleretur, donec satisfaciens in Purgatorio redderet usque ad ultimum quadrantem.

Resp., quod etsi supernæ Beatitudinis dilationem desiderare, nullo honesto præstituto fine, non sit charitati erga Deum consonum; ita tamen spirituale bonum aliorum, qui nobis charitate conjuncti sunt, appetere & velle, ut etiam si ad hunc finem obtinendum supernæ Beatitudinis affectui differenda sit, id nihilominus præligatur, maxime charitati coherere; unde exclamabat Apostolus loco mox citato = *Desiderium habens dissolvi & esse cum Christo*, multo magis in carne necessarium propter vos = ideoque hanc majorem erga Deum charitatem D. Pauli ita declarat. S. Thomas, exponens ex Chrysostomo illud ejusdem Apostoli ad *Rom. 9. v.* = *Optabam ego ipse Anathema esse a Christo pro Fratribus meis* = *Potest dici*, inquit, *sicut dicit Chrysostomus lib. de compunctione, quod per hoc non ostenditur, quod Apostolus plus diligeret proximum quam Deum, sed quod plus diligeret Deum quam se ipsum; volebat*

lebat enim ad tempus privari fruitione Divina, ad hoc quod honor Dei procuraretur in proximis, quod pertinet ad dilectionem Dei = Rursus inter præclaras D. Mirini Turonensis Antistitis laudes refert Ecclesia, quod maluerit diutius vivere, ut spiritualiter gregem sibi creditum informaret, quam brevi moriturus superna quantocius Dei visione recreari. Nec vulgari præconio extollitur ab Ecclesia D. Ignatius inclitæ Societatis Jesu Institutor, auditus aliquando dicere, *scopio daretur, malle se beatitudinis incertumolvere, & interim Deo inservire & Proximorum saluti, quam certam ejusdem gloriæ statim mori.*


Ex eo autem, quod indigens Indulgentiis ac suffragiis ad propriorum criminum expiationem, dicta suffragia ad ferendam operam Defunctis vel proximis ordinaret, non optaret dilationem æternæ beatitudinis secundum se, & præcisive a quocunque honesto fine, sed potius id ad majorem Dei gloriam vellet, ut Defuncti Purgatorii cruciatibus attriti, brevissime ad Paradisi gaudia convolarent. Cohæret proinde charitati erga Deum, & erga Proximum, si ad sublevandum a Purgatorii cruciatibus Defun-

ctos, propriarum quis satisfactionum, ac Indulgentiarum jacturam præligat: majus etiam sic operanti charitatis augmentum, necnon meritum viæ æternæ corresponderet; quod magis profecto æstimandum est, quam qualibet uberrima poenæ temporalis remissio, quam alias sibi in hac vita potuisset polliceri; ut notat Sotus in 4. d. 2. artic. 1. his verbis = *Adnotandum est, quod absque comparatione pluris æstimandum est minimum augmentum meriti, & gratiæ, quam liberatio a maxima poenâ Purgatorii; incomparabiliter inquam preciosius est cum majori merito & gratia, exsistere in Purgatorio viginti annis, quam cum minori esse illuc una die, imo sine Purgatorio in Cælum evolare.*

Hinc merito Eusebius Nierembergicus, in opusculo cujus inscriptio est: *Avaritia Sancta* ad summum verticem illorum pietatem provecam esse arbitrat, qui Proximorum saluti propriam beatitudinem, & Dei visionem posthabet: majoremque vim habere satisfaciendi pro se opus illud, docet, quod in Defunctorum transmittitur suffragium, quam si citra talem ordinationem exerceretur.

Finis Partis Primæ.





I N D E X

RERUM, ET VERBORUM;

Quæ in prima Parte Tractatus continentur.

Litera P paginam denotat, litera C columnam.

A

Abbatēs.

Abbates reprehenduntur ab Innocentio III. in *cap. accedentibus de Excessibus Prelator.* quod sibi arrogassent potestatem concedendi Indulgentias, ut Episcopali confuleretur dignitati. *p. 201. c. 2.* Eas tamen possunt elargiri ex Sedis Apostolicæ concessione, uti Abbates Montis Virginis ex privilegio Urbani IV. & Abbates Canoniorum Lateranensium *p. 205. c. 1.*

Actus internus.

Actus internus injungi potest in concessione Indulgentiæ. *p. 394. c. 1.* Nequit absolute cadere sub præcepto Ecclesiæ; bene vero ex suppositione, quod sit necessarius ad actum externum directe imperatum. *p. 345. c. 2.*

Advenæ.

Advenæ possunt acquirere Indulgentias in locis ubi morantur. *p. 268. c. 2.*

Aerius.

Aerius Orationes, & suffragia pro defunctis reprobavit. *p. 376. c. 2.*

Æthiopes.

Æthiopes errarunt negantes extare penes Patriarcham potestatem concedendi Indulgentias. *p. 73. c. 2.*

Anabaptistæ.

Anabaptistæ negant suffragia utilia esse defunctis. *p. 377. c. 2.*

Anima Defunctorum.

Vide *Indulgentia defunctorum.*

Archiepiscopus.

Archiepiscopus in tota sua Provincia potest Indulgentias concedere, eo modo quo Episcopus in sua Diocesi. *p. 208. c. 1.*

Arnaldus.

Arnaldus putat prioribus Ecclesiæ Seculis omnia peccata lethalia, five ea publica essent five secreta, poenitentia publica fuisse correctæ. *p. 7. c. 1.*

Attritio.

Attritio naturalis non sufficit ad valorem Sacramenti Poenitentiae. *p. 335. c. 2.*
Attritio supernaturalis alia absolute efficax est, alia vero simpliciter inefficax. *p. 337. c. 1.*

Audiani.

Audiani putarunt nihil a contritis Deo deberi pro antea vitæ criminibus. *p. 115. c. 2.*

B

Bajus.

Bajus male sensit de satisfactione, & dispensatione thesauri Indulgentiarum. *p. 74. c. 1.* Ejus propositiones reprobantur a S. Pio V. *ibid.* Eisdem potestatem ipsemet damnavit. *ibid. c. 2.*

Beatitudo.

Beatitudinis supernaturalis dilationem appetere, nullo honesto fine præstituto, consonum non est perfectioni charitatis; secus ob bonum spirituale proximum. *p. 406. c. 2.*

Bernardinus Corius.

Bernardinus Corius deceptus est in eo
F f f quod

quod asseruit, Bonifacium IX. Indulgentias concessisse etiam non confessis, neque contritis. *p. 230. c. 1.*

Bonum Commune.

Bonum commune causam Indulgentiarum complens, aut constituens non est necesse quod sit spirituale immediate, sed sufficit quod sit tale mediate. *p. 223. c. 2.*

Bona Spiritualla.

Bona Spiritualla subditorum a Prælatibus Regularibus personis extraneis applicata non sunt dispensationes thesauri Ecclesiæ. *p. 202. c. 2.*

Bona Temporalia.

Bona Temporalia tribus modis possunt dici illicite acquisita. *p. 325. c. 2.*

Boyleau.

Boyleau adscribit SS. Dominico Loricato, & Petro Damiani morem propriis se manibus flagellandi. *p. 33. c. 2.* Invieste rescellitur ab Eminentiſſimo Lambertino. *p. 34. c. 1.*

Brentius.

Brentius contendens errasse Authorem libri secundi Machabeorum in commendandis suffragiis pro defunctis impugnatur. *p. 378. c. 1.*

Brevia Indulgentiarum.

Brevia Indulgentiarum non habentia Clausulam *pro porrigentibus manus adiutrices* gratis expediri mandavit Pius IV. excepto salario *Registrature*. *p. 57. c. 2.*

C

Calvinus.

C Calvinus Indulgentiarum valorem deprimit, & impugnatur. *p. 72. c. 2.* Negat nostras satisfactiones prodesse ad redimendas poenas temporales. *p. 116. c. 2.* Quomodo admittat Deum contra crimina constituisse supplicia? *p. 118. c. 1.* Reprobat Ecclesiarum visitationem. *p. 314. c. 1.*

Capitulum.

Capitulum Sede vacante non potest Indulgentias concedere. *p. 200. c. 1.*

Cappellanus Major.

Cappellanus Major Regis Lusitanie ex privilegio Leonis X. potest Indulgentias concedere inter Missarum solennia coram Rege, & Regina. *p. 205. c. 1.* Item is qui hoc munere fungitur in Aula Regis Catholici. *p. 206. c. 2.*

Cardinales.

Cardinales S. R. E. quomodo ex consuetudine possint in suis Ecclesiis Titularibus Indulgentias concedere? *p. 205. c. 1.*

Carena.

Carena quorundam ciborum carentiam significat. *p. 13. c. 1.* Unde Concilius eam putet derivatam? *ibid.*

Catechumenus.

Catechumenus nequit Indulgentiæ vivorum fructum *obtinere*. *p. 261. c. 1.* Ejus peccata sunt materia virtutis, non vero Sacramenti Pœnitentiæ. *p. 262. c. 1.* Defunctus tamen etiam sit sine charactere Baptismali potest percipere Indulgentiam per modum suffragii. *p. 401. c. 2.*

Censura.

Censura multiplex per unum actum potest incurri, & quare? *p. 307. c. 2.*

Charitas.

Charitatis perfectio quid importet? *p. 288. c. 1.* Quomodo in presenti statu ad suæ perfectionis complementum pertingere queat ex D. Thoma. *p. 289. c. 1.* Ei non opponitur ad Beatitudinem æternam aspirare. *ibid.* Neque usus Indulgentiarum. *ibid. c. 2.* Magis eidem conforme est velle hic Divinam compensare iustitiam mediis Indulgentiis, quam in Purgatorio poenas luere. *p. 292. c. 1.*

Clausula.

Clausula *vere pœnitentibus & confessis* quare in Brevibus Indulgentiarum apponatur? *p. 270. c. 1.* Non significat affectum satisfaciendi Deo per opera poenalia cum exclusione satisfactionis aliæ.

alię applicandę ex Ecclesię Thesau-
ro. *p. 281. c. 1. Vide Confessio Sacra-
mentalisi.*

Circumcelliones.

Circumcelliones potestatem dandi Indul-
gentias non negarunt; sed ob Simonie
crimen Ecclesię Romanę falso attribu-
tum, Prælatos Ecclesię ea potesta-
te exutos fuisse existimant. *p. 63.
c. 1.*

Coadjutor Archiepiscopi.

Coadjutor Archiepiscopi nequit pro tota
sua Provincia Indulgentias concedere.
p. 208. c. 2.

Communio Eucharistica.

Communio Eucharistica triplex est, Sa-
cramentalis tantum: spiritualis tan-
tum: & Sacramentalis & spiritualis.
p. 344. c. 2. De his meminit Triden-
tinum. *ibid.*

Mere spiritualis non sufficit ad Indulgentias
acquirendas, quando in Literis
Apostolicis apponitur Clausula: *Sacra
Communione refectis. p. 344. c. 2.* Neq;
Sacramentalis, si esset sacrilega. *p. 445.
c. 1.* Oppositum dicendum est, si fieret
ex ignorantia invincibili peccati lethali-
s. *p. 342. c. 1.* Produceret enim per
accidens primam gratiam sanctifican-
tem. *ibid.* Facta in pervigilio festi suf-
ficit ad acquirendam Indulgentiam,
concessam cum Clausula: *A primis ves-
peris usque ad occasum Solis*, non vero
duobus, aut tribus diebus ante fe-
stum. *p. 446. c. 2.*

Concilium Generale.

Concilium Generale vel invito Summo
Pontifice, vel tempore Schismatis, vel
Sede vacante congregatum non potest
Indulgentias concedere. *p. 192. c. 1.*
Quomodo sit repræsentative tota Ec-
clesia? *p. 195. c. 2.*
Concilium Basileense Indulgentiam Ple-
nariam concessit pro reductione Græ-
corum in Italiam. *p. 190. c. 2.* Huic
concessioni reflicti Eugenius IV. *p. 191.
c. 1.* Nullitas dictę concessionis osten-
ditur. *p. 193. c. 1.*

Concilium Constatiense perperam alle-
gatur ad probandam Potestatem Con-

cilii Generalis supra Papam. *p. 194.
c. 1.* Quantum ad quartam, & quintam
sessionem non est reputandum pro Oc-
cumenico juxta Turcrematam. *ibid.
c. 2.*

Concilium Lateranense IV. statuit Præ-
dicatores seu Quæstores non admitti
sine Summi Pontificis, aut Ordinario-
rum Literis. *p. 44. c. 1.* Decevit Epif-
scopos non concedere Indulgentias ube-
riores statutis canone. *p. 188. c. 1.*
Idque tam pro publica quam pro secre-
ta concessione. *p. 189. c. 1.*

Concilium Tridentinum decrevit quæstus
omnes pro obtinendis Indulgentiis abo-
leri. *p. 57. c. 1.* Indulgentias in posterum
concedi voluit juxta veterem & proba-
tam Ecclesię disciplinam. *ibid.* Decla-
ravit Potestatem Indulgentiarum a
Christo Ecclesię fuisse relictam, earum-
que usum esse populo Dei maxime sa-
lutarem. *p. 73. c. 2.* Quid de satisfac-
tione definitur? *p. 116. c. 2.*

Concilium Viennense Concilii Late-
ranensis IV. statutum de Quæstori-
bus eleemosynarum innovavit: man-
davitque Literas Apostolicas obtentas
ad quærendas eleemosynas subijci Or-
dinariorum examini. *p. 44. c. 2.* Re-
gulares indiscretas Indulgentias prædi-
cantes poenis subiecit. *ibid.*

Concilium Provinciale.

Concilium Provinciale non gaudet pote-
state concedendi Indulgentias. *p. 192.
c. 2.*

Confessarii.

Confessarii etsi modo non teneantur in
poenitentiis injungendis veterum Cano-
num rigorem amplecti; debent tamen
eos pre oculis habere. *p. 15. c. 2.* Redar-
guendi non sunt injungentes quando-
que satisfactiones peccatis gravibus
occulis minime proportionatas. *p. 16.
c. 1.* Obligantur ad poenitentias in-
jungendas. *p. 141. c. 1.* Hac obliga-
tio ortum ducit ex voluntate Christi,
qui demandavit Sacerdotibus potesta-
tem ligandi ad poenam. *144. c. 2.*

Confessores.

Confessores prioribus sæculis dicebantur,
qui nullo poenarum genere perterriti
Eff f 2 pu-

publicum Christianæ fidei testimonium dedissent. *p. 19. c. 1.*

Confessio Sacramentalis.

Confessio Sacramentalis potest esse informis & valida. *p. 333. c. 2. H* sic sufficit ad implendam obligationem inunctam in concessione Indulgentiarum. *p. 334. c. 1.* Non est informis & valida, quando quis accedens ad Sacramentum Poenitentiae integre peccata sua sine dolore confitetur. *ibid. c. 2.* Neq; ob defectum doloris invincibiliter ignorati. *ibid. c. 2.* Neq; ob defectum contritionis procedentis ex amore caritatis. *p. 335. c. 1.* Neque propter attritionem tam ex parte subjecti, quam ex parte motivi naturalem. *ibid. c. 2.* Aut ob defectum vel actus spei, vel extensionis attritionis supernaturalis. *p. 336. c. 1.*

Sed cum poenitens ita integre peccata sua confitetur cum attritione supernaturali, ut eam bona fide putet efficacem, quæ revera non est. *p. 337. c. 1.*

Quando in Literis Indulgentiarum exprimitur his verbis: *Vere poenitentibus* & *Confessis*, non sufficit Confessio in voto, sed requiritur in re. *p. 330. c. 1.* Non pio-dest facta tempore Paschali. *331. c. 2.* Sed fieri debet imminente tempore Indulgentiæ comparandæ. *p. 332. c. 1.*

Probabilius est semel confessum pro Indulgentia acquirenda, ac denuo lapsum in peccatum lethale non teneri ad aliam Confessionem in re. *p. 332. c. 1.* Idque certo asserendum est, ubi quis post Confessionem Sacramentalem peccati invincibiliter oblitus recordaretur. *ibid. c. 2.* Nisi fortasse in concessione adderetur Clausula: *Sacra Communione refectis*. *p. 333. c. 1.* Sacrilege facta Sacerdoti habenti legitimam potestatem absolvendi non sufficit, ut ejus obligatio impleatur. *p. 333. c. 1.* Neque facta Ministro ritum externum serio agentis, non habentis tamen intentionem faciendi quod facit Ecclesia. *p. 342. c. 1.*

Confessio venialium non requiritur necessario ad acquirendam Indulgentiam in eo, qui post ultimam Confessionem nullum commisit peccatum lethale. *p. 342. c. 1.* Salubre tamen consilium est fideles de ea emittenda admonere. *p. 343. c. 1.*

Congregatio Indulgentiarum.

Congregatio Indulgentiarum a Clemente VIII. instituitur. *p. 338. c. 2.* Præponitur a Clemente IX. Sacris Reliquiis. *p. 339. c. 1.* Instauratur a Clemente XI. *ibid.*

Consuetudo.

Consuetudo præcise considerata non præstat, ut Prælati Episcopo inferiores possint Indulgentias concedere. *p. 254. c. 1.* Oppositum non evincitur ex *cap. accedentibus de excessibus Prælatorum. ibid.* Facit, ut acquiratur jurisdictio ex jure humano, non vero ex jure Divino proveniens. *ibid. c. 2.* Est indicium facultatis Pontificiæ concessæ S. R. E. Cardinalibus dandi Indulgentias in Ecclesiis Titularibus. *p. 205. c. 1.*

Contritio.

Contritio quandoque est adeo efficax, ut ea mediante quodlibet poenæ temporalis debitum remittatur. *p. 115. c. 2.* Si de solis lethaliibus sit, non sufficit ad percipiendum integrum Indulgentiæ Plenariæ fructum. *p. 231. c. 2.*

S. Cyprianus.

S. Cyprianus Martyres monet de forma servanda in dandis libellis iis, qui Indulgentia donandi erant. *p. 22. c. 2.* Ob eam non servatam Luciani excessum reprobatur. *p. 21. c. 1.* Lapsum traducit, eo quod nulla præmissa satisfactione Indulgentiarum libellos a Martyribus extorquerent. *ibid.* Presbyteros quoque poenitentiam publicam propria autoritate relaxantes. *p. 22. c. 1.* Quid primo eo instante ad compescendos Lapsum tumultus Clerus Romanus sede vacante decreto provisorio sanciverit? *ibid. c. 2.* Quidve peremptorio postea electo Summo Pontifici? *p. 23. c. 1.*

D

Dalleus.

Dalleus male interpretatur verbum *redimere* a Sacra Scriptura usurpatum. *p. 120. c. 1.*

Debitum poenae temporalis.

Debitum poenae temporalis remanet quandoque post justificationem, quod satisfactioe redimi potest. *p. 117. c. 2.*
Vide *Satisfactio. Indulgentia.*

Debitum personale.

Debitum Personale quomodo a Reali distinguitur *p. 157. c. 1.* Dupliciter accipi potest. *157. c. 2.* Prout latius accipitur, importat debitoris personam moraliter acceptam. *ibid.*

Defuncti.

Defuncti juvantur viventium suffragiis. *p. 377. c. 2.* Non requiritur ad hoc in eis praecessisse aliquod meritum de congruo. *p. 403. c. 1.* Neque specialis eorum acceptatio. *p. 404. c. 2.*

Delegatus.

Delegatus ab Episcopo ad concedendas Indulgentias debet esse Clericus; secus vero a Papa. *p. 187. c. 1.*

Dispensatio in lege.

Dispensatio in lege facta ab eo, qui legem tulit, vel ejus Superiore, vel aequalis potestatis, valida est. *p. 219. c. 2.* Secus vero facta ab inferiori in lege lata a Superiore. *p. 220. c. 1.*

E

Ecclesiae.

Ecclēsiae vere sunt Dei habitacula. *p. 314. c. 1.* Vide *Visitatio Ecclesiarum.*

Elemosyna.

Elemosyna duplex. *p. 321. c. 2.* Quando in literis Indulgentiarum injungitur, corporalis intelligitur. *p. 322. c. 1.* Est actus virtutis misericordiae. *ibid.* Non exigit pauperes vere esse tales, sed praesumive. *ibid.* In Sacra Scriptura maxime commendatur. *ibid.* Non debet esse trina, sicut jejunium pro Indulgentia in forma Jubilaei. *ibid. c. 2.* Juxta antiquam formulam debebat cujuslibet personae statui proportionari; juxta vero novam quaelibet minima sufficit. *p. 323. c. 1.* Ad eam tenentur etiam pauperes ostium mendicantes, si velint eam Indulgentiam lucrari. *ib. c. 2.*

Huic obligationi minime satisficit, si Confessarius ipsum pauperem eandem applicet. *p. 324. c. 1.* Hic nequit de injuste ablatis. *p. 326. c. 1.* Aut de pretio si non iaco. *ibid. c. 2.* Bene vero de pretio Meretricio. *ibid.*

Episcopus.

Episcopus potest Indulgentias concedere, sed non Plenarias, sicut Summus Pontifex. *p. 180. c. 2.* Canonice tamen electus, & confirmatus, etiam si non consecratus. *p. 186. c. 2.* Quin in Germania id potest ex privilegio praestare ante confirmationem Sedis Apostolicae. *ibid.* Valet aliis eam potestatem delegare. *p. 187. c. 1.* Sed solis Clericis. *ibid.* Valet hanc potestatem exercere in statu peccati lethalis. *187. c. 1.* Imo quantumvis sit interdictus. *ib. c. 2.* Non tamen si esset excommunicatus non toleratus, aut suspensus per suspensionem absolute & simpliciter latam. *ibid.* Neque his censuris irritus potest alteri Episcopo committere, ut suis subditis Indulgentias largiatur. *p. 188. c. 1.* Quum eas concedit, non potest excedere uberioris Indulgentiae statutis in Concilio Lateranensi IV. *ibid.* Idque verum est si de publica siue secreta concessione. *p. 189. c. 1.* Si quadraginta dierum Indulgentiam pro Ecclesiae visitatione largiretur, non posset ejus Successor ob eandem causam aliam quadragenam adjicere. *p. 190. c. 1.*

Eugenius IV.

Eugenius IV. restitit concessionem Indulgentiarum Concilii Basileensis per Legatos ad Synodum missos. *p. 191. c. 1.*

Excommunicatio.

Excommunicatio duobus modis potest esse injusta. *p. 219. c. 2.* Minor non impedit Indulgentiarum perceptionem. *p. 258. c. 1.* Bene vero major. *ibid.* Vide *Indulgentiarum subiectum.*

Excommunicatus Excommunicatione Majori.

Excommunicatus excommunicatione majori per actum contritionis depositus contumaciam coram Deo; non tamen coram Ecclesia. *p. 258. c. 2.* Nullam po-

ipoteft utilitatem percipere ex orationibus, & fuffragiis communibus Eccleſiæ; bene vero ex particularibus perſonarum. *p. 259. c. 1.* Idque verum eſt etiam poſt Conſtitutionem Martini V. *Ad eviſtandam* *p. 259. c. 2.* Indulgentiæ fructum perciperet, ſi hæc illi concederetur a Summo Pontifice conſcio impedimenti *excommunicationis*. *p. 260. c. 2.*

F

Flagellantes.

Flagellantes aſſeruerunt neminem poſſe culpæ vel pœnæ remiſſionem obtinere, quin eorum amplecteretur inſtitutum. *p. 63. c. 2.* Damnantur a Clemente VI. *ibid.*

G

Gobelinus.

Gobelinus immerito avaritiæ labem aſpergit Bonifacio IX. *p. 51. c. 1.*

Gratia ſanctificans.

Gratiæ ſanctificantis ſtatuſ exigitur ad percipiendum fructum Indulgentiæ. *p. 269. c. 1.* Non tamen per ſe loquendo quando opera inſuncta implentur, ſed quum ultimo ejus fructus obtinetur. *p. 271. c. 1.*

H

Hieronymus de Praga.

Hieronymus de Praga Huſſitarum, errores propugnavit. *p. 66. c. 1.* Eos in Concilio Conſtantiensi revocavit. *p. 67. c. 1.* In eos poſtea relapſus ſententiam damnationis tulit. *p. 67. c. 2.*

I

Janſeniſtæ.

Janſeniſtæ contenderunt Bullam Sancti Pii V. contra Baii propoſitiones fuiſſe adulteratam. *p. 74. c. 2.* Eorum fundamentum corruiſe demonſtratur. *p. 75. c. 1.*

Jejunium.

Jejunium late ſuntum ſignificat abſtinentiam a peccatis; ſtrictè vero abſtinen-

tiam a cibo & potu. *p. 327. c. 1.* Aliud eſt naturæ, aliud virtutis, aliud ex Eccleſiæ præcepto. *ibid.* Ab Eccleſiæ indi-

cium tria poſſimum requirit. *ibid.* Ex eo triplex oritur fructus. *ibid. c. 2.* Jejunium ſi ſit factum ex fine inanis gloriæ, ſufficit ad implendum præceptum Eccleſiæ ſecus vero ad obligationem in Indulgentiarum Literis inſunctam. *p. 301. c. 1.* Ad acquirendum Jubilæum extraordinarium extra Quadrageſimam, fieri debet juxta conſuetudinem uniufcuſque Provinciæ. *p. 328. c. 2.* Ubi tamen viget privilegium Bullæ Cruciatæ, probabilis eſt fieri poſſe cum ovis & lactiniis. *p. 329. c. 2.*

Indulgentia.

Indulgentiæ nomen quid juxta Authores tum ſæcos tum profanos ſignificet? *p. 1. c. 2.* Accipitur in hoc Tractatu ut exprimit remiſſionem poenitentię inſunctæ per Canones, vel pœnæ temporalis debiti in foro Dei. *p. 2. c. 2.* Abhorrendum ab eo non eſt, ut volunt Hæretici. *ibid.* Ante Alexandrum III. uſurpatum. *ibid.*

Indulgentiæ Exempla.

Indulgentiæ Apoſtoli erga Corinthium Fornicarium. *p. 17. c. 1.* Fuit abſolutio per potēſtatem Clavium. *ibid.* Nedom ab excommunicatione, ſed etiam ab oneribus poenitentię. *ibid. c. 2.* Etiam in Foro Dei. *p. 18. c. 1.* Alia S. Joannis Evangeliftæ erga Prædonem Adoleſcentem. *ibid.*

Indulgentiæ ab Episcopis Lapiſis conceſſæ ad Martyrum preces, & Libellos, perſequentibus Eccleſiam Imperatoribus Gentilibus. *p. 18. c. 2.* Et poſtea etiam variis criminibus obnoxiiſ. *p. 25. c. 1.*

Indulgentiæ poſt Sæculum ſeptimum conceſſæ per poenitentiarum Redemtionem. *p. 29. c. 2.* Rei novitatem non approbavit Concilium Cloveſhovienſe. *ibid. c. 2.* Licet eam poſtea Patres & Concilia ſua autoritate firmaverint. *p. 30. c. 1.* Non fuerunt ſimplices mutationes onerum poenentialium in alia pia opera, ſed veræ eorum relaxationes. *ibidem.* Poſt annum milleſimum facta eſt nova poenitentias computandi ratio; ita ut quinquaginta, & cen-

- centum annorum poenitentia paucis diebus persolveretur . *p. 33. c. 1.*
- Indulgentiæ a Summis Pontificibus concessæ pro peregrinantibus ad Limina Apostolorum . *p. 34. c. 2.* Aliæ pro Sacris Expeditionibus . *p. 36. c. 2.* Ab Urbano II. in Concilio Claremontano . *ib.*
- A *Victore III. p. 37. c. 2.* A Callisto II. in Concilio Lateranensi *I. ibid.* Ab Eugenio III. *p. 38. c. 1.* Ab Innocentio III. in Concilio Lateranensi IV. *p. 39. c. 1.*
- Indulgentia *Portuncule* humiliter a Sancto Francisco Assisienti petita . *p. 40. c. 1.* Ab Honorio III. concessa . *ibid. c. 2.*
- A nonnullorum calumniis vindicatur . *p. 41. c. 1.* An successu temporum fuerit extenta advisitantes singulis diebus eandem Sacram Eadem ? *p. 42. c. 1.*
- Num ab aliquo possit acquiri per opus ab alio impletum ? *p. 299. c. 1.* An pluries intra eandem diem possit comparari ? *p. 313. c. 2.*

Indulgentiæ Quidditas .

- Indulgentia est essentialiter absolutio habens annexam solutionem ex Thesauro meritorum Christi & Sanctorum . *p. 251. c. 1.*
- Non tamen utrique ratio de primario ad eam *pertinet. 252. c. 1.* Et ideo in Literis Apostolicis modo absolutio, modo solutio vocatur . *ibid.* Quomodo definiatur ? *ibid. c. 2.*

Indulgentia Quotuplex sit ?

- Indulgentia alia totalis, alia partialis . *p. 254. c. 1.* Plena, Plenior, & Plenissima quantum ad effectum remissionis poenæ temporalis inter se non differunt . *p. 256. c. 1.* Quare hæc divisio a nonnullis Doctoribus tradatur ? *ibid.*
- Insuper alia est Localis, alia Personalis . *p. 257. c. 2.*
- Plenaria cur facilius coeperit dari post Sacculum decimum quartum, quam antea consueverit ? *p. 54. c. 2.* Num quandoque concessa fuerit cum Clausula *de Injunctis* ? *p. 241. c. 1.*
- Indulgentiæ a culpa & poena quomodo sint intelligendæ ? *p. 229. c. 2.*
- Indulgentia *de Injunctis* extenditur ad peccatorum poenas, pro quibus poenitentia injuncta non sunt . *p. 241. c. 1.*

Indulgentiarum Potestas .

- Indulgentiarum potestas nulla ratione probari potest quod fuerit collata Synagoga . *p. 176. c. 2.* Ecclesiæ tamen Prælati competere evincitur ex Evangelio . *p. 177. c. 1.* demonstratur quoque ex Summorum Pontificum Diplomatum, & Decretis . *p. 178. c. 2.* Nec non ex praxi Ecclesiæ . *p. 179. c. 1.*
- Quæ Hæretici in contrarium obijciunt, nullius sunt momenti . *p. 181. c. 1.* Est potestas jurisdictionis . *p. 184. c. 1.* Non quidem absolute coactiva, sed voluntaria ; licet aliquid de coactiva participet . *p. 184. c. 2.* Non supponit necessario in subiecto Potestatem Ordinis . *p. 185. c. 2.* Sed Ordinis Sacerdotalis institutionem ; & in proprio subiecto legitimam ad Summum Sacerdotium electionem ; & in aliis ad minus electionem ad Episcopatum . *p. 186. c. 1.*
- Ejus exercitium amittit Episcopus excommunicatus non toleratus, & suspensus per suspensionem absolute & simpliciter latam ; non vero interdictus . *p. 187. c. 2.* Nequit in suum actum exercere nisi dependenter ab Ecclesiæ Thesauro . *p. 212. c. 1.* Vide *Concilium. Episcopus. Legatus Sedis Apostolicæ. Abbates.*

Indulgentiarum Causa .

- Causa Indulgentiarum duplex, alia concessionis, alia concedentis . *p. 214. c. 1.*
- Concessionis debet esse pia . *ibid. c. 2.*
- Imo & proportionata . *p. 216. c. 2.*
- Qualis censi debeat proportionata ? *p. 217. c. 2.* Sufficit, quod ejus proportio sit secundum prudentem æstimationem . *ibid.* Quare pro eadem modo major, modo minor concedatur ? *p. 221. c. 1.*
- Etiam si ea proportionata non sit, adhuc subsistunt favores intuitu Indulgentiæ a Sede Apostolica concessi . *p. 222. c. 2.* Ita debet concessioni Indulgentiæ correspondere, ut causa communis necessaria sit, si toti Ecclesiæ Indulgentia concedatur ; particularis si particulariter fiat ; ac personalis, si alicui personæ detur . *p. 223. c. 1.*
- Opus non est, quod tandiu physice duret, quandiu physice durat Indulgentia ; bene vero moraliter . *p. 356. c. 2. In-*

Indulgentiarum Effectus.

Indulgentiarum effectus non est remittere peccatum lethale quantum ad culpam. *p. 228. c. 1.* Imo nec veniale. *p. 230. c. 2.* Sed poenas temporales etiam debitas in foro *Dei. p. 233. c. 1.* Et poenitentias Sacramentales ut solutivas earundem. *p. 235. c. 1.* Non tamen easdem poenitentias prout medicinales. *p. 137. c. 2.* In causando effectum non dependent Indulgentiae a sacerdote poenitentiam injungente. *p. 240. c. 2.* Neque, ut hujusmodi effectus obtineatur, eidem incumbit onus satisfaciendi Deo pro iis, quorum favore sit ejusmodi concessio. *ibid.* Earundem effectus non causatur recedente fictione. *p. 243. c. 2.* Clave non errante infallibile est, eas tantum valere quantum sonant. *p. 246. c. 1.* Id tamen infallibile non est de hac Indulgentia in particulari. *ibid.*

Indulgentiarum acquisitio.

Indulgentiae Plenariae effectus quod magis, vel minus a Christi fidelibus comparatur, non adscribitur majori devotioni, aut labori, quo opus injunctum impletur. *p. 246. c. 2.* Sed inaequalitati contritionis, vel charitatis. *p. 248. c. 1.*

Indulgentiarum Subiectum.

Excommunicatus excommunicatione minori est subiectum capax Indulgentiarum. *p. 258. c. 1.* Non vero excommunicatus excommunicatione majori. *ibid.* Nisi excommunicatio esset injusta ex defectu causae. *p. 260. c. 1.* Vel si Summus Pontifex hujus impedimenti consensius eidem Indulgentiam concederet.

p. 260. c. 2.

Suspensus & interdictus est subiectum capax Indulgentiarum. *p. 260. c. 1.*

Catechumenus capax non est fructus Indulgentiarum. *p. 261. c. 1.* Vide *Catechumenus.*

Indulgentiarum Usus.

Usus Indulgentiarum non officit perfectae charitati. *p. 289. c. 1.* Cui magis congruit velle hic mediis Indulgentiis divinam compensationem iustitiam, quam in Purgatorio poenam luere.

p. 292. c. 1.

Indulgentiae quantum ad Opera injuncta.

Opus injunctum per se loquendo non exigit fieri in statu gratiae. *p. 171. c. 1.* Oppositum tamen dicendum est, si impleatur, quando Indulgentia consummatur. *ibid.* Necesse est non est absolute pro Indulgentiarum concessione. *p. 293. c. 1.* Regulariter tamen sit, quia ut in plurimum finis ejusmodi concessionis sine eo nequit obtineri. *ibid. c. 2.* Ejus omissio ex ignorantia, vel impotentia obstat Indulgentiae perceptioni. *p. 295. c. 1.* Idque verum est, etiam si omissio esset partis notabilis. *p. 297. c. 1.* Nequit per alium impleri. *p. 298. c. 2.* Potest quandoque bonitatem, quandoque malitiam ex circumstantiis fortiri. *p. 299. c. 2.* Si venialiter peccaminosum sit ratione huius, vel alterius circumstantiae ex voluntario perfecto volutum, non satisficit obligationi de operibus injunctis. *p. 300. c. 2.* Oppositum tamen verum est, si sit venialiter peccaminosum ex voluntario imperfecto. *ibid. c. 2.* Debet fieri ex intentione formali vel virtuali acquirendi Indulgentias. *p. 302. c. 1.* Ideoque non sufficit intentio generalis beatitudinis in communi. *p. 303. c. 2.* Ordinari debet ad finem intentum a Summo Pontifice, ac in concessione declaratum. *p. 304. c. 2.* Si sit praeceptum & alias debitum semel impletum sufficiens non est ad implendam obligationem de operibus injunctis; nisi aliud constet expresse de mente concedentis. *p. 305. c. 2.* Neque ad acquirendas Indulgentias diversis viis concessas. *p. 307. c. 1.* Si Indulgentia ad determinatum tempus praefinita sit, non potest per opus injunctum saepius impletum pluries acquiri; secus si sit perpetua. *p. 309. c. 1.* Imo hac pluries acquiri potest, si intra eandem diem pluries peragatur. *p. 310. c. 2.* Quod tamen verum non est de Plenaria juxta stilum concedi consuetam. *p. 311. c. 1.* Ita ut neque primo pro se possit quis eam comparare, & postea per modum suffragii pro defunctis. *ibid. c. 2.* Idem probabilis dicendum est de concessa cum Clausula: *Toties quoties. p. 312. c. 2.* Vide

Eccle-

Ecclesiarum visitatio. Oratio. Eleemosyna. Jejunium. Confessio Sacramentalis. Communio.

Indulgentiarum Communicatio.

Communicatio Indulgentiarum fieri potest vel per extensionem, vel per novam concessionem. *p. 348. c. 1.* Coincidit cum concessione Indulgentiarum *ad instar. ib.* Hæc unum supponit, nempe concessionem primo factam; aliud vero importat, nempe concessionem noviter emanatam. *p. 349. c. 1.* Duobus modis fieri potest: primo per verba generalia non exprimendo Indulgentias in particulari; secundo per verba expressa eas in particulari specificando. *ibid.* Ejusmodi gratiæ per verba generalia concessæ, dependent a primo datis Ecclesiis, seu Congregationibus; secus in particulari specificatæ. *ibid.* Ita faciunt proprias Cœtus vel Ecclesiæ Indulgentias communicatas, ut citra falsitatis notam possit sibi eas adscribere. *ibid. c. 2.* Imo suspensæ & limitatæ pro Ecclesiis & Congregationibus, quibus primo concessæ fuerunt, virtute novæ concessionis adhuc vigent pro aliis Ecclesiis, vel Congregationibus; quibus communicantur; secus si sint communicatæ per solam extensionem. *p. 350. c. 1.* Auctis aut extensis uni Ecclesiæ vel Congregationi concessis, non augentur datæ per communicationem; nisi hæc in concedendis fuisset expressa. *ib. c. 2.*

Non venit sub communicatione privilegiorum. *351. c. 2.* Neque sub communicatione indulgentiarum etiam spiritualium. *ibid.* Imo neque sub communicatione exemptionum, immunitatum, facultatum, & gratiarum. *p. 342. c. 1.*

Indulgentiarum publicatio.

Indulgentiarum publicatio fieri debet prævio examine Episcoporum, ac duorum de Capitulo. *p. 36. c. 2.* Idque intelligendum est etiam de noviter concessis Regularibus; secus de antiquis *ib.*

Indulgentiarum Cessatio.

Indulgentiæ non cessant morte concedentis. *p. 353. c. 1.* Ad hoc ut in suo valore præferebantur, sufficit voluntas præce-

dens non retractata; quæ licet non physice, moraliter tamen persistat. *ib. c. 2.* Idque verum est tam de concessione Summi Pontificis, quam Episcoporum. *p. 354. c. 1.* Cessant tamen, si concessæ sint cum hac Clausula: *Indulgentiam concedo donec voluero, vel ad beneplacitum meum.* *ibid. c. 2.*

Non cessant per renunciationem; nisi hæc acceptetur a Prælo, qui eas concessit, vel ejus Successore. *p. 355. c. 2.*

Indulgentiarum cessatio fit per rerum destructionem. *p. 356. c. 1.* Necnon cessantibus moti vis concessionis. *ibid.* Per revocationem quoque tacitam, vel expressam. *p. 357. c. 2.* Hæc valide fieri potest sine causa. *ibid.* Non tamen licite per se loquendo. *p. 358. c. 2.* Ejusmodi gratiæ cessant statim ac juxta stilum revocationis promulgatur. *p. 359. c. 2.* Imo Summi Pontificis valida est, licet fiat per solum actum internum. *p. 360. c. 2.*

Prima suspensio Indulgentiarum ante vel post Jubilei Ordinarii promulgationem Sixto IV. adscribitur. *p. 367. c. 1.* A Clemente VIII., ejusque Successoribus diversâ forma expressa fuit ab ea, quæ olim observabatur. *p. 368. c. 1.* Num ea, quæ Sixto IV. tribuitur, fuerit per lapsum anni Jubilei, vel aliam dispositionem revocata? *ib.* Antiqua ejus forma Indulgentias Urbis non comprehendit. *p. 369. c. 1.* Bene tamen nova. *ib. c. 2.* Hæc extendit nedum ad Plenarias, sed etiam partiales. *ibid.* Non tamen ad concessas a Legatis, Nuntiis, & Episcopis. *p. 369. c. 2.* Imo nec ad datas immediate pro defunctis, aut pro articulo mortis. *p. 370. c. 1.* Aut ad Portionem nuncupatam. *p. 371. c. 2.*

Indulgentiæ Defunctorum.

Indulgentiæ profunt defunctis. *p. 388. c. 1.* Idque ostenditur ex Constitutionibus Apostolicis. *ibid.* Ex praxi quoque Ecclesiæ. *p. 389. c. 1.* Non profunt per modum abolitionis, sed per modum suffragii. *p. 391. c. 2.* Quomodo olim Summi Pontifices in iis verbum *absolvimus* usurpaverint? *p. 392. c. 2.* Causam legitimam in concessione exposcunt. *p. 394. c. 2.* Quantum ad satisfactionem & liberationem a poenis Purgatorii, illis solum profunt, quibus applicantur

ex viventium intentione; cunctis vero quantum ad gaudium accidentale *ibid.*
 Cum Indulgentiis viventium in aliquibus conveniunt, & in quibusdam differunt. *p. 395. c. 1.* Non possunt ab Episcopis & Archiepiscopis in suis respectivè Dioccesibus & Provinciis concedi, sed solum a Summo Pontifice. *p. 395. c. 2.* Non omnes Pontificie applicabiles sunt pro defunctis, sed illæ dumtaxat, in quibus ejusmodi facultas exprimitur. *ibid.* Non tamen profunt illis infallibiliter. *p. 397. c. 2.* Possunt eisdem concedi independentè ab opere a viventibus implendo. *p. 399. c. 1.* Ut earum fructus percipiantur, non requiritur in defunctis meritum de congruo in sensu Cajetani. *p. 403. c. 1.* Neque expressa impensæ beneficii acceptatio. *404. c. 2.* Melius & laudabilius est viuentes, etiam poenæ temporalis debito obnoxios, Indulgentias aliasque operis satisfactoria applicare defunctis, quam sibi. *p. 405. c. 2.*

Indultum.

Indultum dat facultatem agendi tollendo impedimenta. *p. 352. c. 2.* Ideoque etiam spirituale non comprehendit Indulgentias. *ibid.*

Intentio.

Intentio vel formalis, vel virtualis requiritur ad peragendum opus pro Indulgentiis injunctum. *p. 302. c. 2.* Interpretativa non sufficit. *p. 303. c. 1.*

Interdictum.

Interdictum non privat Episcopum exercitio jurisdictionis in foro tam contentioso, quam conscientiz. *p. 187. c. 2.* Quos habeat effectus? *ibid.*

Joannes Hus.

Joannes Hus Antesignanus Hussitarum articulos contra Indulgentias publice proposuit. *p. 65. c. 1.*

Joannes Richard.

Joannes Richard male sensit de Indulgentiis. *p. 68. c. 1.* A Tribunali S. Inquisitionis coactus fuit suos errores revocare. *ibid.*

Joannes Wesselius.

Joannes Wesselius pessime scripsit contra Indulgentias. *p. 68. c. 2.*

Jubilæum.

Jubilæum Ordinarium seu Indulgentiam Plenariam concessit Bonifacius VIII. quovis anno seculari recurrente. *p. 45. c. 1.* An illud Bonifacius primo instituerit, an potius confirmaverit? *p. 46. c. 1.* Centum annorum spatio a Bonifacio definitum ad quinquaginta annos reduxit Clemens VI. *p. 47. c. 1.* Urbanus VI. ad quovisque triginta tres annos. *p. 48. c. 2.* Paulus II. postea ad quemque viginti annum. *p. 54. c. 1.*

Jubilæum Universale extraordinarium indicitur a Summis Pontificibus initio suscepti regiminis Ecclesie. *p. 58. c. 1.* Illud primo instituit Sixtus V. *ibid.* Quid per hanc specialem gratiam concedatur? *ibid.*

K

Kemnitius.

K Emmius quid senserit de satisfactione? *p. 116. c. 1.*

L

Lapsi.

L Apsti ad Martyrum preces & libellos Indulgentiis donantur. *p. 18. c. 2.* Excitato tumultu pacem quantocumque nulla satisfactione perfuncti sibi dari contendebant. *p. 21. c. 1.* Vide Cyprrianus.

Legati.

Legati unde *sic dicti*? *p. 309. c. 1.* Alii Nati, alii a Latere, alii Nuntii. *ibid. c. 2.* Nati non possunt intra suarum Legationum terminos Indulgentias concedere. *p. 310. c. 1.* Optime tamen id possunt illi, qui dicuntur Legati a Latere, & Nuntii Sedis Apostolicæ. *ibid. c. 2.* Et hoc ex Summi Pontificis commissione. *p. 211. c. 1.*

Leo X.

Leo X. omnem adhibuit conatum, ut Lutherum compesceret. *p. 71. c. 1.*

Libellatici.

Libellatici non eodem modo ad pacem & Indulgentiam admittuntur, ac Lapsi ab Ecclesia Romana & Cathaginensi. *p. 23. c. 2.* Quinam tales dicebantur *ibid.* Ratio majoris humanitatis potius erga eos, quam erga Lapsos.

p. 24. c. 1.

Liber I. & II. Machabeorum.

Liber. I. & II. Machabeorum ex Conciliis & Patribus ab Hæreticorum dictis vindicatur. *p. 178. c. 1.*

Lucianus.

Lucianus excessit dans Lapsis Indulgentiarum Libellos. *p. 21. c. 1.*

Lutherus.

Lutherus invidens demandatam Indulgentiarum promulgationem Joanni Tezelio Ordinis Prædicatorum, bellum contra easdem Indulgentias *indixit. p. 69. c. 1.* Non omnes simul protulit errores, sed successively. *ibid.* Datis literis ad Archiepiscopum Moguntinum conqueritur Indulgentias sub ejus nomine promulgari. *ibid.* Conclusiones contra Indulgentias publice propugnandas exposuit. *p. 70. c. 1.* Ea de re conciones habuit ad populum. *ibid.* Librum eisdem erroribus refertum ad Leonem X. transmissit. *ibid. c. 2.* Apostolica Sedis fulmen expavescens appellationem interposuit a Summo Pontifice, ejusque Delegatis ad illum vel illos, ad quos sibi provocare liceret. *p. 72. c. 1.* Ejus doctrina primo ab Accademia Colonienſi, deinde a Parisienſi reprobatur. *ibid.* Tandem a Concilio Tridentino. *p. 73. c. 1.* Contendit non superesse debitum poenæ temporalis post justificationem. *p. 116. c. 1.* Quid de satisfactione docuerit *ib.*

M.

Martinus V.

Martinus V. in Concilio Constantienſi plurimas Indulgentias revocavit. *p. 52. c. 1.* Concordata edidit Nationum super earum reformatione. *ibid. c. 2.* Acriter correptione objurgavit Archiepiscopum Cantuariensem

ob Indulgentiam Jubileo similem ab eo promulgatam. *ib.* Archiepiscopis, Episcopis, & Inquisitoribus formam præscripsit examinandi de hæresi Hussitica & Wicleffica suspectos. *p. 67. c. 2.*

Martinus Lutherus.

Vide *Lutherus.*

Matthæus Contarellus.

Matthæi Contarelli Gregorii XIII. Datarum responsio ad Navarrum de suspensione Indulgentiarum Anni Jubilæi. *p. 168. c. 1.*

Michael Bajus.

Vide *Bajus.*

Michael Molinos.

Michaelis Molinos propositio: *Non convenit Indulgentias querere pro peccatis propriis debita*: a Suprema & Universali Inquisitione reprobat. *p. 290. c. 2.*

Minister Sacramenti Pœnitentie.

Minister Sacramenti Pœnitentie satisfationem indicens poenitenti non immedie debet debitum poenæ temporalis. *p. 219. c. 1.*

Missæ.

Missæ in fundatione Cappellanæ injunctæ quare per substitutum possit celebrari? *p. 299. c. 1.*

Montanus.

Montanus negavit posse remitti peccatum quoad culpam, tum quoad poenam. *p. 59. c. 2.* Ejus doctrina in pluribus Aliis Conciliis damnatur. *ibid. c. 2.*

Morinus.

Morinus cum aliis eruditissimis Scriptoribus putat undecimum Canonem Epistolæ S. Gregorii Neocesariensis esse additum. *p. 6. c. 2.* Contendit pro solis criminibus occultis capitalibus factam fuisse publicam poenitentiam tribus prioribus Sæculis. *p. 8. c. 1.* Post Sæculum vero tertium & quartum alia addita fuisse. *ibid. c. 2.*

N

Natalis Alexander.

Natalis Alexander contendit Indulgentiarum Concilii Basileensis concessionem pro reductione Græcorum in Italiam validam *existisse*. *p. 191. c. 1.* Quæ ex Augustino, aliisque Patribus congerit ad id probandum, nullius sunt ponderis. *p. 192. c. 2.*

Novatianus.

Novatianus confiato Schismate contra S. Cornelium in Pontificatum intruditur. *p. 60. c. 1.* Socium habuit in erroribus Novatum. *p. 61. c. 1.* Decretum provisorium Cleri Romani in causa Lapforum lazarum primo profecit. Postea cuncta peccata post Baptismum commissa remitti non posse propugnavit. *ibid. c. 2.* Reprobatur in Conciliis Romano & Africano. *p. 62. c. 1.*

O

Obedientia Christi.

Obedientia Christi quomodo magis nobis proficiat ad salutem, quam Adæ peccatum nocuerit ad ruinam? *p. 122. c. 1.*

Oracula vive vocis.

Oracula vivæ vocis quid sint? *p. 361. c. 2.* Eandem vim obtinent ac Brevia & Bullæ. *ibid.* Fuerunt revocata primo a Sixto IV. deinde ea, quæ effectum sortita non fuerunt, a Gregorio XV. *p. 362. c. 1.* Ampliori forma ab Urbano VIII. *362. c. 2.* Quenam postea ab eodem fuerint excepta? *p. 363. c. 1.* Non comprehenduntur in hac revocatione edita in favorem Cappuccinorum. *ibid. c. 2.* Plura olim edita in favorem Regularium, etiam per Bullas confirmata, non transeunt in privilegia Bullata. *p. 365. c. 2.*

Oratio.

Oratio quomodo a Damasceno definiatur? *p. 319. c. 1.* Est actus virtutis Religionis. *ibid.* Mentalis est sufficiens ad acquirendam Indulgentiam; nisi aliud declaratur. *ibid. c. 2.* Debet esse attenta. *p. 320. c. 1.* Et si modica suffi-

cit ad acquirendas Indulgentias. *p. 321. c. 1.*

Oratorium.

Oratorium privatum visitare non sufficit, quando in Indulgentiæ concessione Ecclesie visitatio iungitur. *p. 318. c. 2.*

Ordo III.

Otho III. suadente S. Romualdo Abbate publice poenitentis causa ad Garganum Montem proficiscitur. *p. 14. c. 1.* Postea in Classeni Monasterio reclusus jejuniis, aliisque corporis macerationibus vacat. *ibid.*

P

Papa.

Papa cur valeat solvere extra Sacramentum Poenitentis poenam temporalem; non vero reatum poenæ æternæ? *p. 181. c. 2.* Potest etiam Laicis delegare potestatem dandi Indulgentias; & quare? *p. 187. c. 1.* Indirecte duntaxat, vel mediate extra Sacramentum Poenitentis mediis Indulgentiis remittit poenitentis Sacramentales, ut solutivas poenæ temporales. *p. 336. c. 1.*

Parochi.

Parochi non gaudent potestate concedendi Indulgentias. *p. 203. c. 2.*

Pauperes.

Pauperes Ostitim mendicantes ad acquirendum Jubilæum extraordinarium tenentur eleemosynam erogare. *p. 323. c. 2.* Non tamen obligationi satisfaciunt, si eandem Confessarii ipsis applicant. *p. 324. c. 1.*

Pax.

Pax olim Lapsis ab Episcopis concessa medio Confessorum suffragio erat relaxatio satisfactionis exhibendæ a poenitentibus. *p. 19. c. 2.*

Peccatum lethale.

Peccatum lethale quantum ad culpam remitti nequit per Indulgentias. *p. 223. c. 1.* Non officit, quin Prelati possint valide Indulgentias concedere. *p. 270. c. 2.*

Pec-

Peccatum veniale.

Peccatum veniale quodnam dicatur? *p. 273. c. 2.* Non impedit absolute fructum Indulgentiarum, nisi in ordine ad debitum poenae respondens ejusmodi culpae non deletae ante Indulgentiae consummationem. *ibid.* Unumquodque in particulari, seu prout occurrat, vitari potest; secus collective, aut per totam vitam, aut per longum tempus. *p. 274. c. 2. Vide Notam.*

Peregrini.

Peregrini possunt acquirere Indulgentias in locis, in quibus peregrinantur. *p. 268. c. 2.* Et hoc citra specialem licentiam proprii Episcopi. *ibid.*

Pena Purgatorii.

Poenā Purgatorii, licet praesentis vitae poenas excedat, tamen juxta mensuram a divina justitia taxatam in ratione compensationis non superat debitum condignae solutionis. *p. 150. c. 1.*

Pena temporalis.

Poenā temporalis, quae remanet solvenda post justificationem, non est determinate Purgatorii; sed vel hujus, vel alterius Saeculi. *p. 142. c. 2.*

Poenitentia.

Poenitentia pro criminum qualitate quomodo juxta Canonum censuram post Saeculum VII. infligeretur? *p. 11. c. 2.* Quid ad eam retinendam decreverint Concilia? *p. 12. c. 1.* Quando coeperit ejus rigor deicere? *p. 14. c. 1.* Pro peccatis lethaliibus minus gravibus injungebatur nulla habita ratione ad Canones poenitentiales. *ibid.* Eadem disciplina, pro venialibus observabatur. *ibid.*

Poenitentia publica.

Poenitentia publica qua ratione a Patribus pro criminibus publicis gravioribus prioribus Saeculis infligeretur? *p. 3. c. 1.* Quando coeperit exsollescere? *p. 14. c. 1.* Ejus usum Tridentina Synodus innovavit. *ibid. c. 2.* Licet permiserit Episcopis, ut eandem in secretam commutarent; cum id videretur expedire. *ibid.*

Poenitentiae publicae Stationes.

Poenitentiae publicae Stationes olim erant quatuor, *scilicet* nempe, *Auditio, Subjunctio, & Confessio.* *p. 4. c. 2.* Haec disciplina illibata permanfit in Ecclesia Orientali usque ad finem Saeculi IV. in Occidentali vero usque ad finem Saeculi VII. *p. 11. c. 2.*

Poenitentiarius.

Poenitentiarius Major Summi Pontificis potest concedere Indulgentias centum dierum. *p. 211. c. 2.*

Petavius.

Petavius docet, non omnia peccata lethalia, sed omnium gravissima & publica duntaxat fuisse poenitentiae publicae legibus subiecta. *p. 9. c. 1.* Ejus sententia tanquam Arnaldi, & Morini Opinionibus probabilior recipitur. *p. 10. c. 2.*

S. Petrus Damiani.

S. Petrus Damiani poenitentiariam Canoniarum Redemptiones approbavit; easque Archiepiscopo, & Clericis Mediolanensibus concessit. *p. 32. c. 1.*

Petrus de Osma.

Petrus de Osma inter alios errores docuit Romanum Pontificem Purgatorii poenam remittere non posse. *p. 68. c. 1.* Damnatur ab Archiepiscopo Toletano. *ibid.* Ejus damnatio a Sixto IV. confirmatur. *ibid. c. 2.*

Potestas Clavium.

Potestas Clavium quotuplex sit? *p. 183. c. 1.* Quare non requirat ad absolutionem a censuris dispensationem Thesauri Ecclesiae, sicuti exigit ad absolutionem a reatu poenae temporalis? *p. 213. c. 1.*

Potestas Jurisdictionis.

Potestas jurisdictionis duplex, una coactiva, voluntaria altera. *p. 184. c. 2.* Prima potest exerceri in invitum; non vero secunda. *ibid.* Exigit causae cognitionem juxta qualitatem absolutionis. *p. 185. c. 1.*

R

Redemptiones.

Redemptiones poenitentiarum Canonicarum, seu potius earum abusus reprobandur a Concilio Cloveshovienfi. *p. 29. c. 2.* Eas sua autoritate firmanrunt Episcopi & Concilia. *p. 30. c. 1.* Non fuerunt simplices mutationes onerum poenitentialium, sed eorundem relaxationes per Clavium potestatem ab Episcopis concessæ. *ibid. c. 2.*

Regulares.

Regulares Mendicantes quomodo in Civitatibus, & Locis possint elemosynas quærere? *p. 56. c. 1.* Possunt acquirere Indulgentias a Summis Pontificibus Civitatibus & Locis generaliter concessas. *p. 268.* Imo & ab Episcopis datas. *ibid.* Ut acquirant Jubilæum extraordinarium, opus est, ut vel elemosynam ex rebus ad proprium usum concessis tribuant, vel Superiores eorum nomine. *p. 324. c. 1.* Nequeunt aliquid de Monasterii bonis subripere; si Superiores nolint elemosynam dare, nec veniam ad id concedere. *p. 324. c. 2.* Sed debent petere a Consellario commutationem elemosynæ in aliud pium opus. *p. 325. c. 2.*

S

Sacerdotes.

Sacerdotes ad excipiendas Confessiones Sacramentales approbati non habent potestatem concedendi Indulgentias. *p. 207. c. 1.* Obligationem indicunt ad poenitentiam tum prout vindictivam, tum prout medicinale. *p. 239. c. 2.*

Sacramenta.

Sacramenta solum, quæ characterem imprimunt, suos causant effectus recedente fictione. *p. 244. c. 1.*

Sacramentalia.

Sacramentalia non remittunt immediate peccata venialia ex opere operato. *p. 231. c. 1.*

Satisfacendi studium.

Satisfacendi studium non exigitur neces-

sario ad acquirendas Indulgentias. *p. 277. c. 1.* In eo negligens non est absolute indignus alieno adjutorio, quo a poena temporalis sublevetur. *p. 280. c. 1.*

Satisfactio pro poena temporali.

Satisfactio pro poena temporali quid sit?

p. 115. c. 1. Ejus necessitatem negarunt Audiani. *ibid. c. 2.* Massiliani quoque *p. 116. c. 1.* Lutherus. *ibid.* Calvinus. *ibid. c. 2.* Quid de ea doceat Tridentinum? *ibid.* Eadem redimi posse reatum poenæ temporalis asseritur ex Sacra Scriptura. *p. 120. c. 1.* Demonstratur quoque ex Patribus; nec non ex Ecclesiæ praxi iungendi poenitentias salutares. *p. 125. c. 1.* Quæ Heterodoxi tum ex Sacra Scriptura, tum ex Patribus, tum ex aliis Capitibus obijciunt, nullius sunt ponderis. *p. 127. c. 1.* Exhibita mediis Indulgentiis non est quid imperfectum. *p. 290. c. 1.* Exigit libertatem vel contrarietatis, vel contradictionis. *p. 134. c. 1.*

Opera ut sint satisfactoria, debent esse honesta. *p. 125. c. 2.* Et quidem honestate supernaturali. *ibid. c. 2.* Ac etiam poenalia. *ibid.* Ad ea exigitur status viz. *p. 136. c. 1.* Insuper status gratiæ. *ibid. c. 2.* Intentio quoque saltem virtualis satisfaciendi. *p. 138. c. 2.* Quæ defectu status gratiæ satisfactoria non erant, non fiunt ejusmodi eo adveniente. *p. 138. c. 1.* Alias præcepta satisfactoria esse possunt. *p. 139. c. 2.* Hæc opera ad tria capita reducuntur, nempe ad jejunium, orationem, & elemosynam. *p. 140. c. 1.* Probabile est non dari obligationem absolute, & perse ad ea exhibenda pro poena temporali; ita ut novo peccato obstringantur, qui plene non satisfaciunt in terris: bene vero præceptum agnoscimus ad injuncta pro poenitentia Sacramentali. *p. 141. c. 1.*

Satisfactio de condigno pro poena temporali.

Satisfactio de condigno exhiberi potest ab homine justo pro debito poenæ temporalis sibi debita. *p. 146. c. 2.* Quomodo obliget Deum ad illud relaxandum? *p. 161.* Potest etiam fieri pro poe-

poena temporali peccati alterius in actu primo; non vero in actu secundo. *p. 153. c. 2.* Hæc autem, ut a Deo acceptetur, non requirit impotentiam ejus, cui facienda est remissio. *p. 154. c. 2.*

Satisfactio Sacramentalis.

Satisfactio Sacramentalis condigna censenda est ea, quæ reatui poenæ temporalis correspondet, ac non excedit poenitentis vires. *p. 145. c. 1.* Ut solutiva poenæ temporalis per alium nequit impleri; bene tamen *de Sacerdotis eam* injungentis consensu. *p. 154. c. 2.* Ab ea moraliter loquendo nemo excusatur, ob aliam compensationem extrasacramentalem proprio arbitrio oblatam. *p. 237. c. 1.*

Suffragia defunctorum.

Suffragia fieri pro defunctis negarunt Aetius, Albigenes, & Petrobosiani. *p. 377. c. 1.* Ea tamen eisdem prodesse asseritur ex Sacra Scriptura. *ibid. c. 2.* Demonstratur quoque ex Conciliis. *p. 381. c. 1.* Necnon ex Patribus. *p. 382. c. 2.* Quæ Heterodoxi tum ex Sacra Scriptura, tum ex Patribus objiciunt, nullius sunt ponderis. *p. 385. c. 2.*

T

Tertullianus.

Tertullianus ineunte Saeculo III. docuit, non dari in Ecclesiis potestatem remittendi fornicationem; aliaque graviora peccata, quæ poenitentia publica pledebantur. *p. 60. c. 1.* Profecit Decretum Zephyrini Papæ de Indulgentia Moechis præstanda. *ibid.*

Theodorus Episcopus Cantuariensis.

Theodorus Episcopus Cantuariensis circa medium Saeculi VII. edito poenitentiali libro veteres poenitentium Stationes abrogavit. *p. 11. c. 2.*

Thesaurus Ecclesiæ.

Thesaurum Ecclesiæ existere negarunt Lutherus, & Calvinus. *p. 160. c. 2.* Item ex antiquis Doctoribus Franciscus Mayro. *p. 161. c. 1.* Quid de eo doceat Ecclesiæ. *ibid. c. 2.* Eundem consilium ex meritis tum Christi tum Sanctorum multis argumentis comprobatur. *ibid.* Non tamen

Sanctorum merita sunt absolute necessaria ad ejus constitutionem. *p. 165. c. 2.* Ad Ecclesiæ Thesaurum spectant merita Sanctorum ut satisfactoria. *p. 168. c. 1.* Quid de opposita opinione possit reprobata Baitpropositiones censendum sit? *p. 171. c. 1.* Ejus argumenta nullius sunt ponderis. *ibid. c. 2.* Quomodo Justorum opera in eo reposita quandoque deperdantur? *p. 174. c. 1.* Unus non multiplex est Ecclesiæ Thesaurus ex prædictis meritis conflatus. *p. 175. c. 2.*

V

Vagi.

Vagi possunt acquirere Indulgentias concessas locis, in quibus vagantur. *p. 268. c. 2.* Non requiritur ad hoc expressa licentia proprii Episcopi. *ibid.*

Vicarius Generalis Episcopi.

Vicarius Generalis Episcopi ex officio non gaudet potestate concedendi Indulgentias. *p. 222. c. 1.*

Visitatio Altarium.

Ut plura Altaria ejusdem Ecclesiæ visitentur ad acquirendas Indulgentias, non exigitur motus corporis totalis, vel partialis. *p. 316. c. 2.* Num quando quinque Altaria injunguntur visitanda pro Indulgentia, hæc percipiatur, si Ecclesiæ unum habeat? *p. 317. c. 1.*

Visitatio Ecclesiarum.

Visitatio Ecclesiarum reprobatur a Calvino. *p. 314. c. 1.* Sed juxta Catholicam Doctrinam commendatur. *ibid.* Injungitur in concessione Indulgentiæ ad promovendum cultum Dei, & Sanctorum. *p. 315. c. 2.* Qualis debeat esse ad percipiendum earum fructum. *ibid. c. 2.* Non postulat necessario in eas ingressum. *p. 316. c. 1.* Quando quinque Ecclesiæ injunguntur visitanda, oportet per tot vias visitationes multiplicare. *p. 317. c. 2.*

Vorum.

Votum vitandi cuncta peccata venialia etiam divisive, & prout occurrunt, est nullum. *p. 275. c. 1.*

Ufus

Usus Indulgentiarum.

Usus Indulgentiarum non officit perfectioni charitatis.

p. 289. c. 2.

Waldenses.

Waldenses reprobarunt Indulgentiarum dogma circa annum MCLXX.

p. 62. c. 1. A quibus Conciliis fuerint damnati?

p. 63. c. 1.

Wicleffus.

Wicleffus contra Summum Pontificem,

& Ecclesiam plurimos protulit errores, quorum plurimi ferunt Clavium potestatem, & Indulgentiarum dogma.

p. 64. c. 1. Ejus doctrina a Conciliis reprobatur.

ibid. c. 2.

Z

Zuinglius.

Zuinglius negavit esse penes Ecclesiam potestatem dandi Indulgentias.

p. 72. c. 2.


ERRATA MAGIS OBVIA SIC CORRIGE.


Primus numerus indicat paginam, secundus columnam, tertius lineam, que a principio columnæ, prout occurrit, numeratur.

Pagina 120. c. 1. l. 35. removere, leg. revomere. *p. 21. c. 1. l. 120.* Ante vocem Anconianum, *p. 21. c. 1. l. 120.* confirmacionem, leg. confirmacionem. *p. 31. c. 1. l. 15.* Donatista, leg. Donatista. *p. 26. c. 1. l. 7.* Fraternitas, leg. Fraternitas. *p. 12. c. 1. l. 10.* consigeret, leg. congereret. *p. 31. c. 1. l. 10.* citatus, leg. citatus. *ibid. l. 51.* Regionis, leg. Regionis. *p. 31. c. 1. l. 20.* penitens, leg. penitens. *p. 31. c. 1. l. 7.* divinitus, leg. divinitus. *p. 42. c. 1. l. 1.* Librariusque, leg. Librariusque. *p. 42. c. 1. l. 1.* Pontificis, leg. Pontificis. *p. 42. c. 1. l. 1.* Cordubis, leg. Corduba. *p. 42. c. 1. l. 1.* excipit, leg. excipit. *ibid. l. 17.* subicimus, leg. subicimus. *p. 42. c. 1. l. 1.* concessimus, leg. concessimus. *p. 42. c. 1. l. 1.* usupaverit, leg. usupaverit. *p. 52. c. 1. l. 35.* Nuntius, leg. Nuntius. *p. 54. c. 1. l. 52.* diurnitatem, leg. diurnitatem. *p. 52. c. 1. l. 1.* in corrupte, leg. in corrupte. *p. 52. c. 1. l. 10.* penitus, leg. penitus. *ibid. l. 42.* Serapion, leg. Serapion. *p. 60. c. 1. l. 1.* Zephryno, leg. Zephryno. *p. 62. c. 1. l. 1.* plurim, leg. plurimum. *p. 72. c. 1. l. 1.* penes, leg. penes. *p. 72. c. 1. l. 1.* Sententia, leg. Sententia. *p. 72. c. 1. l. 1.* Dei, leg. Dei. *p. 72. c. 1. l. 1.* prater, leg. prater. *p. 72. c. 1. l. 1.* obsequi, leg. obsequi. *p. 101. c. 1. l. 1.* amissionis, leg. amissionis. *p. 106. c. 1. l. 1.* Militarium, leg. Militarium. *p. 112. c. 1. l. 1.* congerit, leg. congerit. *ibid. l. 16.* omisso, leg. omisso. *p. 112. c. 1. l. 1.* proprie, leg. proprie. *p. 112. c. 1. l. 1.* Nabuccodonosor, leg. Nabuchodonosor. *p. 112. c. 1. l. 1.*

c. 1. l. 52. contritio, leg. contritio. *c. 1. l. 16.* commisit, leg. commisit. *p. 120. c. 1. l. 1.* inter, leg. inter. *p. 120. c. 1. l. 1.* post voces si quis vult, *p. 120. c. 1. l. 1.* Anglicos, leg. Anglicos. *p. 161. c. 1. l. 1.* princeps, leg. princeps. *p. 171. c. 1. l. 1.* Quidere, leg. Quidere. *p. 171. c. 1. l. 1.* toleraverunt, leg. toleraverunt. *p. 171. c. 1. l. 1.* unicus, leg. unicus. *p. 176. c. 1. l. 1.* cooperit, leg. cooperit. *p. 177. c. 1. l. 1.* penitus, leg. penitus. *p. 181. c. 1. l. 1.* Ministeria, leg. Ministeria. *p. 181. c. 1. l. 1.* post vocem confitentibus, *p. 180. c. 1. l. 1.* auctoritatem, leg. auctoritatem. *p. 180. c. 1. l. 1.* contra secundam Conclusionem, leg. contra primam Conclusionem. *p. 182. c. 1. l. 1.* Eurque, leg. Eurque. *p. 182. c. 1. l. 1.* post voces de hoc, *p. 182. c. 1. l. 1.* fatidit, leg. fatidit. *p. 182. c. 1. l. 1.* probabiliter, leg. probabiliter. *p. 182. c. 1. l. 1.* proximus, leg. proximus. *p. 182. c. 1. l. 1.* elemosine, leg. elemosine. *p. 182. c. 1. l. 1.* pharmaci, leg. pharmaci. *p. 182. c. 1. l. 1.* externo, leg. externo. *p. 182. c. 1. l. 1.* pro clivores, leg. proclivores. *p. 182. c. 1. l. 1.* Cathecumenus, leg. Cathecumenus. *p. 182. c. 1. l. 1.* capax non est, leg. Cathecumeni capaces non sunt. *p. 182. c. 1. l. 1.* induit, leg. induit. *p. 182. c. 1. l. 1.* post vocem sentit, *p. 182. c. 1. l. 1.* extortis, leg. extortis. *p. 182. c. 1. l. 1.* nobili, leg. nobili. *p. 182. c. 1. l. 1.* incommutare, leg. incommutare. *p. 182. c. 1. l. 1.* drachmas, leg. drachmas. *p. 182. c. 1. l. 1.* post vocem eandem, *p. 182. c. 1. l. 1.* de injunctis, leg. de injunctis. *p. 182. c. 1. l. 1.*

Ceteris erratis non paucioribus, nec levioribus prudens Lector consulat.





[

1000
[

